



BIBLIOTECA NAZ.
Vittorio Emanuele III

XVII

D

10

NAPOLI



JUS NATURÆ

METHODO SCIENTIFICA
PERTRACTATVM.

PARS OCTAVA, SIVE VLTIMA.

DE

IMPERIO PVBLICO,

SEV

JVRE CIVITATIS,

IN QVA

OMNE JVS PVBLICVM VNIVERSALE DEMONSTRATVR

ET

VERIORIS POLITICAE

INCONCVSSA FVNDAMENTA PONVNTVR.

AVCTORE

CHRISTIANO L. B. DE WOLFF,

POTENTISSIMI BORVSSORVM REGIS CONSILIARIO INTIMO, FRIDERI-
CIANAE CANCELLARIO ET SENIORE, JVRIS NATVRAE ET GENTIVM
ATQVE MATHESFOS PROFESSORE ORDINARIO, PROFESSORE PETROPOLITANO
HONORARIO, ACADEMIAE REGIAE SCIENTIARVM
PARISINAE, LONDINENSIS AC BORVSSICAE
MEMBRO.

CVM PRIVILEGIIS

HALAE MAGDEBYRGICAE M DCC XLVIII.

PROSTAT IN OFFICINA LIBRARIA RENGIERIANA.

2



SERENISSIMO AC POTENTISSIMO
PRINCIPI

AC

DOMINO
DOMINO
FRIDERICO

REGI BORVSSIÆ, MARGGRAVIO
BRANDENBVRGENSI, SACRI ROMANI IMPERII AR-
CHI-CAMERARIO ET PRINCIPI ELECTORI SVPREMO SILESIÆ
DVCI, PRINCIPI SVPREMO ARAVSIONENSI, NOVI CASTRI
ET VALENGIÆ, NEC NON COMITATVS GLACENSIS, GEL-
DRIÆ, MAGDEBVRGI, CLIVIÆ, JVLIACI, MONTIVM, STETINI,
POMERANIÆ, CASSVBIORVM, VANDALORVM ET MEGAPO-
LIS, NEC NON CROSNÆ DVCI, BVRGGRAVIO NORIMBER-
GENSI, PRINCIPI HALBERSTADII, MINDÆ, CAMINI, VAN-
DALII, SVERINI, RACEBVRGI, OSTFRISIÆ ET MVRsii, CO-
MITI HOHENZOLLERÆ, RVPPINI, MARCÆ, RAVENSBERGI,
HOHENSTEINII, TECKLENBVRGI, SVERINI, LINGÆ, BVRÆ ET
LEERDAMI, DOMINO RAVENSTEINII, ROSTOCHII, STAR-
GARDIÆ, LAVENBVRGI, BVTОВIÆ, ARLAYÆ
ET BREDÆ

&c. &c. &c.

REGI AC DOMINO MEO LONGE
CLEMENTISSIMO

REX AUGUSTE.



Boni Principis est ita regere
Remp. ut potestate summa
utatur ad ipsius salutem.
Id inprimis sibi datum ex-
istimat, ut scientias prote-
gat, veritatis amore virtu-
tis amorem civibus instillet & eorum
mores commodos atque mites effin-
gat; ut securum reddat populum suum
ab omni impetu violentiæ hostilis; ut
justitia, societatem conjunctionis tam
huma-

DEDICATIO.

humanæ, quam civilis munifice & æque
tuens, sancte colatur, leges optimæ
condantur & poenæ justæ de fontibus
exigantur, ne crimina & delicta ma-
neant impunita; nec tamen ultra meri-
tum puniantur; ut denique rerum
omnium ad vitam commode, jucunde
atque decore transigendam necessaria-
rum copia adsit, & facilis ad opes at-
que divitias via, sine quibus civitas po-
tens esse nequit. Ita nimirum & beata
erit Resp. & tuta ab omni vi hostium,
ad summum perducta, quantum fert re-
rum humanarum conditio. Hæc au-
tem tanta munia non rectius obire da-
tur, quam si Princeps sapiens atque
prudens per se regat Remp. & mini-
stris fidelibus utatur in exequendis iis,
quæ statuit atque decrevit. Nihil diffi-
cilius esse bono regimine, quam si Prin-
cipem totum teneat fiducia consiliario-

DEDICATIO.

rum suorum, præsertim si aurem facilem præbeat adulatoribus, ubivis gentium cura sagaci viderunt Principes, quibus bono regimine nihil magis curæ cordique fuit. Primi Sinensium Imperatores, Monarchiæ vastissimæ sine exemplo conditores, cum nihil magis curæ haberent, quam ut formam Reip. quam optime constituerent, successores sibi elegerunt viros perspicaces, sapientes, prudentes, industrios & salutis publicæ amantes, liberis, cognatis atque iis, quibus studebant, præteritis, cumque adhuc in vivis essent, in imperii socios eosdem adsciverunt, ut eorum in regendo dexteritatem ac voluntatem experirentur. Tanta quoque erat Ministrorum, quibus utebantur, sinceritas atque fidelitas, ut, si forte contingeret imperium uni eorum deferri ab Imperatore, is vero nosset virum ad gubernandam Remp.

DEDICATIO.

Remp. se aptiorem, hunc imperatori maxime commendaret. Tantus isto ævo erat veritatis amor, tanta salutis publicæ cura, ut vana gloria superbire nollent, qui quod optimum erat fieri desiderabant. Convenire hæc æternæ isti legi, quam ipsa natura Imperantibus constituit, abundet patet ex iis, quæ in præsentis volumine demonstrata sunt. Et utinam omnes populorum Rectores ad normam istius legis dirigerent regimen suum! Hoc enim pacto bene ageretur cum toto genere humano, quod æterna illa lex, felicitatis omnis fons unicus atque perennis, arctissimis vinculis copulavit, modo hæc non revellerent qui illam contemnunt & utilitati propriæ ita student, ut nulla ipsos cura tangat alienæ. TIBI, REX SAPIENTIS-SIME, animo fixum immotumque sedet, optime regere populum, qui imperio

DEDICATIO.

perio tuo paret. Potestate igitur summa non aliter uti decrevisti, quam ut sub regimine tuo floreat Resp. & futurae felicitatis firma capiat fulcimenta. Vix solum conscenderas, cum ad augenda scientiarum & literarum incrementa animum appelleres & quamvis a Minerva ad castra sua TE Mars avocaret, non tamen inter arma abjiciebas curam omnem, quæ prima animum tuum occupaverat. Proxima vero cura erat, ut pacem & tranquillitatem perpetuam subditis tuis dares & terras tuas adversus omnem vim hostium & injurias exterorum tutas præstares. Quam deploranda sit Justitiæ facies, dudum agroverunt veri Justitiæ sacerdotes; sed tanto malo nemo hætenus medelam fecit. TVAE igitur MAJESTATI reservatum fuit, ut lites in foro sine ulla mora & sumtuum profusione

DEDICATIO.

fusione componantur, & cives tui Jure
 certo utantur, nec dubiis doctorum
 haud raro toto coelo inter se dissen-
 tientium opinionibus tanquam aleæ fal-
 laci juris controversi definitiones com-
 mittere teneantur. Immo nec minor
 est, quæ animum MAJESTATIS
 TVAE maxime sollicitum tenet, de
 civitate locupletanda cura, quam com-
 merciis tum inter se, tum cum exteris
 exercendis impendis. Consona hæc
 sunt iis, quæ ad bonum regimen &
 Remp. recte constituendam requiri in
 præsentî opere, quod Juri Naturæ co-
 lophonem addit, demonstravi. Nul-
 lus itaque dubito fore, REX AC
 DOMINE CLEMENTISSIME,
 ut ultimum hunc Tomum, quem MA-
 JESTATI TVAE humillima men-
 te offero, eodem vultu suspicias, quo
 omnes anteriores, hoc est, gratiosissi-
 mo.

DEDICATIO.

mo. Totum hoc opus ab augusto
Nomine tuo splendorem trahit, sed si-
mul Gloriae tuæ monumentum est, quod
statui iussit pietas & animus gratus.
Servet TE DEUS, REX POTEN-
TISSIME, ut feliciter perficias omnia,
quæ in salutem subditorum tuorum ani-
mo concepisti. Ita vovet

AVGVSTÆ
MAJESTATI TVÆ

Subjectissimus ac fidelissimus
CHRISTIANVS DE WOLFF.



PRÆFATIO.



Sistimus hic Tibi, benevole Lector, Tomum octavum eumque ultimum Juris Naturæ, quod methodo demonstrativa in systema veri nominis redigere constitueramus. Agimus in eo de Imperio publico, ex pacto or-

PRÆFATIO.

tum suum trahente, quo civitates constitutæ. Imperium autem publicum, si in se spectetur, nihil aliud est quam Jus universis in singulos competens, quatenus eorum actiones ad finem civitatis dirigendæ. Ex hoc igitur metiendum est, sed ita, ut ejus exercitium ad normam legis naturæ in anterioribus Tomis plenius expositæ componatur, sive idem populus per se exerceat, sive per alium, aut alios. Quemadmodum enim Jus naturæ regit omnes actus humanos, ita etiam eos, quibus exercitium imperii publici constat. Naturaliter non concipitur imperium civile, sive publicum, nisi voluntarium, cum natura homines omnes liberi sint, nec juri alterius quis subjici possit nisi voluntate sua. Quamobrem nec naturaliter Jus istud aliter concipi potest, quam quale est in populo in civitatem libere

PRÆFATIO.

libere coëunte, Jure naturæ non repugnante, sed potius approbante, immo jubente. Atque hæc ratio est, cur imperium publicum non consideremus nisi quatenus voluntarium est. Quamvis enim contigerit, imperium quoque quasi invitò, postquam civitates plures fuerunt constitutæ, & bella inter gentes orta sunt, vel in eadem civitate factiones extiterunt, aut homines astuti & callidi imperium ad se traxerunt; de eo tamen non ante certi quid statui potest, nisi Jure Gentium perspecto, quod peculiari opere explicare constituimus. In præsentì non moramur objectiones, quæ a nonnullis fieri poterant, quod Jus Gentium a Jure naturæ quasi separemus, cum tamen gentes inter se non alio utantur jure nisi naturali: rationem enim instituti reddemus in sequente opere, in quo Jus

PRÆFATIO.

Gentium omne fufius demonstraturi fumus. Quoniam vero Jus Gentium feperatim tradituri fumus, nonnulla in præfenti prætermiffimus, de quibus alias dicendum fuiffet. Abfit itaque ut tibi perfuadeas id in curia factum fuiffe! In præfenti imperium publicum primo confideramus, quale ex pacto refultat, quo in civitatem coivere homines libera fua voluntate, ac per confequens quale originarie in populo eft, & quodnam jus populo in imperium tanquam rem ipfi propriam competit. Quoniam vero populus imperium vel fibi retinere, vel pro lubitu in alium, vel alios transferre poteft; expositis diverfis translationis modis oftendimus, quanam inde oriantur diverfæ Rerump. formæ, & qualia fint in iſtis jura pro varietate formarum varia. Ut vero diſtincte concipiantur fingula jura, quæ
impe-

PRÆFATIO.

imperium publicum continet; prolixè demonstramus ea, quæ in Rep. constituenda sunt, ut finis civitatis obtineatur. Extra omnem nimirum dubitationis aleam positum est, si lex naturæ det jus ad finem, eandem quoque dare jus ad media, sine quibus consequi non valemus, aut quibus saltem uti per officia lege naturali præscripta licet. Atque ita demum manifesta fiunt jura, sine quibus imperium civile exerceri nequit, & quæ majestatica appellari solent. Quamvis vero per ea, quæ in civitate finis consequendi causa constituenda sunt, abunde intelligatur, quænam sint tam imperantium, quam parentium officia; de iis tamen expressius adhuc quædam dicenda fuerunt. Plura ut dicam, superfluum existimo, cum per se pateant ei, qui vel fugitivo oculo ipsum opus perlustrare voluerit.

PRÆFATIO.

rit. Atque ita Jus naturæ absolvimus, cui omnem suam amplitudinem, quam habet, tribuimus, nisi ad idem nobis minime contradicentibus referre etiam volueris, quæ adhuc de Jure Gentium in peculiari volumine demonstraturi sumus. Ceterum non est, quod existimes, nos in ea esse opinione, quasi omnem ambitum Juris naturæ emensi fuerimus, ut nihil prorsus addi possit. Jus enim naturæ non minus in exhaustum quasi mare est, quemadmodum quodvis aliud scientiarum genus. Sicuti autem ex *Euclidis* Elementis, tanquam ex fonte, derivantur continuo nexu cetera, quæ in Mathesi demonstrantur; ita confidimus ex iis, quæ in Jure naturæ a nobis tradita sunt, deduci ulterius posse, quæ in casu quocunque emergente definienda veniunt. Neque etiam displicebit, si quis meliora

PRÆFATIO.

lora nostris dare potuerit, qui solo veritatis amore ducimur, non gloria studio. Quodsi vero cuidam litigare visum fuerit, cum certum esse velim, nos minime cum ipso ferram contentionis recipiaturus: id quod nec ætati, nec dignitati meæ, nec moribus meis convenit, qui a litibus & altercationibus alienum semper habui animum & quantum potui cavere studui, ne quis per me famæ suæ detrahi jure conqueratur. Fruatur unusquisque per me laude sua sive merita, sive immerita, quam nemini invideo. Quemadmodum vero ego me adulari non sino, cui nihil molestius accidit quam assentatoribus patefacere aures, cum modulo meo me metiri dudum didicerim; ita jure ab aliis quoque exigo, ne me adulatorem esse velint. Sæpius professus sum & adhuc profiteor, me non ad pompam philosophari, sed hoc unice mihi propositum esse,

c

PRÆFATIO.

esse, ut eorum studium juvem, qui a me se juvari posse confidunt, & ut alios ad magis præclara præstandum incitem atque præparem. Utinam vero omnes veritatis amore ducti ulterius progredi mallent, quam inutilibus repetitionibus aut frivolis & præcocius censuris eorum, quæ nondum satis intelligunt, tempus fallere. Mihi tempus res longe pretiosissima est & multa adhuc agenda supersunt, ut maxime cavendum sit, ne vel pars minima male consumatur. In eo igitur tramite, quem ingressus sum, pergam, donec vis major gradum sistere jubeat, parum sollicitus, utrum huic, vel illi placeam, an displiceam, & probe gnarus dari plurimos, quibus displicere laudis est. Restat unum, quod silentio prætereundum non est. Jus in imperium confundendum non est cum ipso imperio. Jus in imperium, quale originarie in populo est, dominium est:

PRÆFATIO.

est: sunt enim res etiam incorporales in dominio. Et ab eo pendet diversus modus habendi imperium, ut regna alia sint patrimonialia, alia usufructuaria: id quod etiam in Aristocratia locum habere potest. Ac inde porro est, ut modus habendi imperium nihil mutet in ipso imperio, sed hoc mutationem subire non possit ullam nisi pactione inter superiorem & populum inita. Imperium vero iptum perperam assimilatur dominio & non toleranda confusione concipitur per modum dominii, in quo sunt subditi & res subditorum, aut saltem terræ, in quibus imperium habet civitatis Rector. Nec minus a vero aberratur, si quis existimet, dominium ita adhærere imperio, ut sine eo concipi non possit. Negari haud quaquam potest, multos in Jus publicum universale irrepsisse errores, longo usu probatos, quod illa non satis a se invicem distinxerint.

PRÆFATIO.

xerint. Intererat autem maxime generis humani, ne adeo diversa inter se confunderentur, cum confusio ista plurimorum bellorum causa extiterit & hodiernum existat, quibus nihil magis nocuum generi humano cogitari potest. Trahunt post se bella ingentem cumulum malorum : id quod his ipsis diebus experiuntur gentes, in quas Mars furibundus sævit. Sed det DEVS hisce quoque malis finem ! Halæ d. 19.

Aprilis An. 1748.



JUS



JURIS NATURÆ

PARS OCTAVA.

DE

IMPERIO PUBLICO, SEU IURE CIVITATIS.

CAPUT I.

De origine civitatis atque imperii publici.

§. I.

Domus singula sibi non sufficiunt in iis, quæ ad vita necessi- De indigen-
tatem, commoditatem ac jucunditatem, immo felicitatem sua domum
faciunt, nec quiete jure suo frui, & quod ab aliis ipsis tri- singula-
buendum satis tuto consequi, seque ac sua adversus vim aliorum rum.
defendere valent. Domus perfecta componitur ex societate
conjugali, paterna & herili (§. 1147. part. 7. Jur. nat.),
consequenter in ea sunt maritus & uxor (§. 282. part. 7.
(Wolffii Jur. Nat. Pars VIII.) A Jur.

Jur. nat.), liberi (§. 633. *part. 7. Jur. nat.*) & servi atque ancillæ (§. 1081. *part. 7. Jur. nat.*), vel famuli atque famulæ (§. 1131. *part. 7. Jur. nat.*). Quotcunque tandem numeres liberos, quotcunque etiam famulos atque famulas, vel servos atque ancillas, si perpendas ea omnia, quæ ad vitæ necessitatem faciunt ejusdemque commoditatem ac jucunditatem, facile patebit, fieri minime posse, ut illorum opera ea consequaris, nec opus habeas tibi comparare ab aliis, quibus indiges cum tuis, nec alii vicissim a te sibi comparare habeant opus, quibus ipsi indigent. Quamobrem nemo in dubium vocare potest, quod nulla domus, etiamsi amplissima, sibi sufficiat quoad ea, quæ ad vitæ necessitatem ac jucunditatem faciunt. *Quod erat primum.*

Felicitatem consequimur legis naturalis custodia (§. 396. *part. 1. Phil. pract. univ.*), eademque eam conservamus (§. 397. *part. 1. Phil. pract. univ.*), consequenter virtus constanter colenda (§. 321. *part. 1. Phil. pract. univ.*), vitium omne fugiendum (§. 322. *part. 1. Phil. pract. univ.*). Patebit inferius, in Republica bene constituta quæ huc faciunt facilius obtineri posse, quam si domus singulæ sibi relinquuntur. Tumque haud difficulter patebit, singulas domus sibi non satis sufficere in iis, quæ ad felicitatem faciunt, talem ea non eadem facilitate consequi posse. *Quod erat secundum.*

Denique nemo non novit, eam esse plurimorum malitiam, ut alienis inhient, nec velint suum unicuique sponte tribuere, immo, nisi majus malum metuendum, vi tam corpus, quam res aliorum impetant. Quodsi ergo tuo quiete frui & ab aliis, quod tibi debetur, consequi volueris, vi arcenda est aliorum injuria & vi persequendum jus tuum adversus eos, qui id tibi reddere denegant, immo vi defendendum

dendum est corpus, defendendæ sunt res tuæ adversus aggressores. Singulæ igitur domus sine continuis bellis jure suo frui & quod ab aliis ipsis tribuendum consequi nequeunt (§. 1102. 1114. *part. 1. Jur. nat.*). Immo si plures homines inaltitiosi consocientur, singulæ domus adeo potentes non sunt, ut vi eorum resistent, consequenter se suaque defendant (§. 972. *part. 1. Jur. nat.*). Quamobrem patet, singulas domus sibi relictas seu segreges, jure suo quiete frui, quod ab aliis ipsis tribuendum satis tuto consequi, sequi ac sua adversus vim aliorum defendere haud quaquam posse.

Quod erat tertium.

Non est quod existimes sumi in demonstratione propositionis præsentis, quibus contradicat experientia, quatenus & olim fuere & hodiernum sunt gentes nonnullæ, apud quas ignoratur alieni cupido, ignorantur bella ac lites propter meum & tuum, immo apud quas plus valet vitiorum ignorantia, quam apud alias scientia virtutis. Etenim gentes istæ barbaræ ac incultæ sunt & vitæ simplicitate contentæ. Quamobrem si memineris eorum, quæ de vitæ simplicitate prolixè admodum demonstravimus, & annotavimus, cum de tollenda communione primæva & introducendis dominiis singularibus ageremus (§. 69. *Et seqq. part. 2. Jur. nat.*); si quod subnasci potest dubium, id omne protinus evanescet. Demonstravimus in vitæ simplicitate homines non posse satisfacere obligationi naturali (§. 79. *part. 2. Jur. nat.*). Unde omnino sequitur, eos in simplicitate vitæ subsistere minime debere. Quodsi vero ab ea recedatur, cum fieri minime possit, ut omnes ad virtutem infucatam adducantur, experientia magistra facile discimus, si domus singulæ sibi relinquuntur, nec inter se uniantur, continuum fore bellum, nec quemquam esse posse rerum suarum, immo ipsius vitæ securum, si vel maxime supponas, in multiplicandis rebus industrialibus & artificialibus nihil prorsus desiderari posse: id quod num supponi possit in illo ho-

minum statu merito adhuc dubitari poterat. Equidem absolute impossibile non est, ut domus singulæ sibi relictæ sibi invicem omnia humanitatis officia præstent, sibi invicem jus suum tribuant, nec una alteram lædat, quemadmodum urget lex naturæ, prouti ex iis intelligitur, quæ de officiis erga alios demonstrata sunt suo loco, ad domus utique applicanda (§. 161. part. 7. Jur. nat.); supponendi tamen sunt homines, quorum constans & perpetua est voluntas nil quicquam faciendi, nisi quod legi naturæ convenit, & omnia omittendi, quæ eidem repugnant. Enimvero non supponendi sunt homines, quales esse debent, sed quales sunt. Nemo igitur non agnoscit, solam legis naturalis reverentiam efficere minime posse, ut in libertate naturali beati & securi inter se vivant homines. Naturalis obligatio non sufficit coercendis hominibus, qui cupiditatum illecebris & affectuum impetu in transversum abripiuntur.

§. 2.

*Quomodo
eidem con-
sulasur.*

Quoniam domus singulæ sibi non sufficiunt in iis, quæ ad vitæ necessitatem, commoditatem ac jucunditatem, immo felicitatem faciunt, nec quiete jure suo frui, & quod ab aliis ipsis tribuendum satis tuto consequi, nec se ac sua adversus vim aliorum defendere valent (§. 1.); *necesse est, ut plures domus inter se convenient, quod vires mutuas impendere velint parandis iis, quæ ad vitæ necessitatem, commoditatem ac jucunditatem faciunt, varia negotia huc requisita partituri; omnem curam adhibere, ut unusquisque jure suo quiete fruatur & quod ab aliis ipsis tribuendum tuto consequatur, nec a quoquam lædatur; conjunctis denique viribus se suæque adversus vim aliorum defendere.*

Habemus hic motiva, quæ domus seu familias segreges impulerunt, immo impellere debuerunt, ut in unam societatem, unum quasi corpus, tanquam plura membra coalescerent, nimirum indigentiam, & impotentiam, quarum illa obstat, quominus

minus vitam cultiorem reddere. possint, hæc autem in causa est, ut injuriis arcendis ac vindicandis non sint pares. Sunt qui hæc motiva disjungunt, quæ tamen coniungenda esse res ipsa loquitur, & ex speciali tractatione uberius elucescet, sit ita quod motivum posterius fortius impellat, & solum suadere potuisset domuum, seu familiarum unionem.

§. 3.

Quoniam societatem ineunt, qui de fine quodam *Societatem* conjunctis viribus consequendo inter se paciscuntur (§. 1. *scilicet con-* *part. 7. Jur. nat.*); si plures domus inter se conveniunt, quod *trahendo.* conjunctis viribus sibi parare velint, quæ ad vitæ necessitatem commoditatem ac jucunditatem, immo felicitatem faciunt, omnem curam adhibere, ut unusquisque iure suo quiete fruatur & tuto ab alio id consequatur, nec ab alio ladatur, conjunctis denique viribus adversus vim aliorum se defendere, societatem contrahunt.

Patet itaque, quomodo homines impulsæ fuerunt ad societatem compositam contrahendam, quæ ad majorem multitudinem extenditur, quam quæ in domibus locum habere poterat.

§. 4.

Societas inter plures domus contracta eo fine, ut con- *Civitas quid* junctim sibi parent ad vitæ necessitatem, commoditatem ac *sit.* jucunditatem, immo felicitatem requisita, & curent, ut unusquisque jure suo quiete fruatur & tuto ab alio id consequatur, atque se suæque adversus vim quamlibet externam defendant, *Civitas* dicitur, idiomate patrio ein Staat. Atque adeo patet, pacto hominum civitates fuisse constituendas.

Finem civitatis distincte exprimere voluimus, immo debui-
mus in definitione, cum ex eo cetera omnia, quæ sequuntur,
sint demonstranda: neque enim satis clare ac perspicue paucis
quibusdam verbis eundem exprimere licuit, præsertim si ea,

quæ hic traduntur, cum iis evidenter coherere debeant, quæ in parte præcedente de societate in genere demonstrata sunt, & si demonstrationes subsequentes, quoad evidentiam nihil pati debeant detrimenti.

§. 5.

*Populi seu
genti defini-
tio.*

Multitudo hominum in civitatem consociatorum dicitur *Populus*, sive *Gens*, idiomate patrio ein *Völk*. Quamobrem cum civitas, tanquam societas (§. 4.) sine differat ab aliis societatibus (§. 3. part. 7. *Jur. nat.*); *multitudo hominum alio sine consociatorum, quam qui civitatis est, populus, sive gens non est.*

Non ex multitudine consociatorum, sed ex fine, cuius causa consociantur, censetur civitas. Etsi adeo coetus piratarum ac latronum tantus sit, ut civitati constituendæ sufficiat; cum tamen non alio sine consociantur, quam ut ex spoliis aliorum ditescant, in civitatem coaluisse dici nequeunt, nec per consequens populis, aut gentibus coetus istiusmodi annumerari potest. Plurimum vero refert coetum hominum sceleratorum criminis causa consociatorum a populo distingui, ne jura gentium ad eum perperam applicentur.

§. 6.

*Cives qui-
nam dicantur.*

Membra civitatis, seu singuli, qui societatem civilem ineunt, dicuntur *Cives*.

Cum societatem civilem contrahant domus (§. 4.), membra civitatis videntur esse domus (§. 5. part. 7. *Jur. nat.*). Enimvero cum domus una non obligetur ceteris omnibus, inter quas cum ipsi societas contracta, nisi quatenus personæ, quæ sunt in una domo, obligantur personis, quæ sunt in ceteris; Civium nomine sensu magis commodo appellantur singuli homines, quos societas civilis tenet. Significatus hic vocabuli latior tanquam termini technici cum dudum sit receptus, nec a nobis restringendus erar.

§. 7.

§. 7.

Peregrinus dicitur, qui membrum civitatis nostræ, *Peregrinus*
 seu civis noster non est, *quinam dicitur.*

Opponitur nimirum peregrinus civi. Est vero vocabulum peregrini respectivum. Unde qui alterius civitatis membrum est, respectu civitatis, cujus nos sumus membra, dicitur peregrinus, & nos peregrini sumus respectu illius, civitatis cujus ipse est membrum. Ita Germani sunt peregrini Gallis; Galli autem peregrini Germanis.

§. 8.

Incola dicitur peregrinus, cui habitare & rem suam *Incola qui-*
 agere permittitur in aliena regione. *igitur membra nam sit.*
civitatis, seu cives non sunt (§. 6. 7.).

Possunt peregrini recipi in numerum civium, quo facto peregrini non amplius sunt. Possumus vero etiam peregrinis saltem permittere, ut in regione nostra habitent & v. gr. mercaturam exercent, vel etiam operas civibus locent, non tamen in civium numerum recipiantur.

§. 9.

Commune civitatis bonum consistit in eo, ut abundet iis, Commune
qua ad vitæ necessitatem, commoditatem & jucunditatem faciunt bonum so-
& felicitati singulorum sufficienter prospiciatur, & utus quilibet sit cietatis in
ab injuria aliorum & a vi externa hostium, ipsa denique civitas sa- quo *consi-*
tis potens ad huic resistendum. Etenim commune societatis *stat.*
 bonum est ipse finis, cujus gratia contracta (§. 11. part. 7.
Jur. nat.). Quamobrem cum civitas sit societas (§. 4.), &
 ea contrahatur non alio fine, quam ut vires mutux impen-
 dantur parandis iis, quæ ad vitæ necessitatem, commodita-
 tem & jucunditatem, immo felicitatem faciunt, ut unus-
 quisque jure suo quiete fruatur & idem tuto ab aliquo con-
 sequi

sequi possit, nec a quoquam lædatur, consequenter ne jus ipsius violetur (§. 239. *part. 1. Phil. præd. univ.*), ac ideo ab injuria tutus sit (§. 859. *part. 1. Jur. nat.*), ut denique conjunctis viribus tota civitas se suaque adversus vim externam defendat (§. 4.), ac per consequens non modo quilibet securus sit de vi externa hostium, sed integra quoque civitas satis potens ad eidem resistendum (§. 972. *part. 1. & §. 690. part. 2. Jur. nat.*); commune civitatis bonum utique in eo consistit, ut abundet iis, quæ ad vitæ necessitatem, commoditatem & jucunditatem faciunt, ut singulorum felicitati sufficienter prospiciatur, ut tutus quilibet sit ab injuria aliorum & a vi externa hostium, ipsa denique civitas integra satis potens ad huic resistendum.

Finis civitatis multiplex est, consequenter & commune bonum plura complectitur, quam quæ uno vocabulo exprimi possint. Brevitatis tamen causa in posterum sequentibus utemur terminis, quibus suos significatus determinatos tribuimus.

§. 10.

Vitæ sufficientia quid sit. Per vitæ sufficientiam intelligo abundantiam eorum, quæ ad vitæ necessitatem, commoditatem & jucunditatem requiruntur, & remediorum felicitatis.

Homo constat ex anima & corpore, ac ideo vivit non modo vitam animalis, verum etiam spiritus. Quodsi ergo nihil deesse debet, quæ ad vitam ullo modo requiruntur, non modo civitati in promptu esse debent, quæ ad vitam corporis faciunt, verum etiam quæ ad vitam animæ spectant. Consulendum est non minus animæ, quam corpori. Ac ideo fortuna cum felicitate conjungenda. Non videntur hæc abire a mente *Aristotelis* lib. 3. *Polit.* c. 6. ubi ad finem civitatis requirit vitam perfectam & sibi sufficientem.

§. 11.

§. 11.

Per *Tranquillitatem civitatis* intelligo vacuitatem a *Tranquillitas* metu injuriarum. *fit.*

Vacuus a metu injuriarum est animus non modo, quatenus verendum non est, ne injuria nobis inferatur, verum etiam quatenus ille spe injuriæ factæ reparandæ sustentatur. Qui enim novit injuriam factam sibi reparandam esse, ab ea sibi minus metuit.

§. 12.

Denique per *securitatem civitatis* intelligo vacuitatem a metu vis, præsertim externæ. *Securitas quid sit.*

Distinguiamus tranquillitatem civitatis a securitate, quarum illa refertur ad statum civitatis internum, quatenus civis civem, aut civem incola non lædit, hæc autem potissimum ad statum externum, quatenus vis hostium, prædonum & latronum arceatur.

§. 13.

Fines civitatis sunt vitæ sufficientia, tranquillitas & securitas. *Finis civitatis.* Civitas enim constituitur, ut conjunctis viribus parentur, quæ ad vitæ necessitatem, commoditatem ac jucunditatem, immo felicitatem sufficiunt, ut unusquisque jure suo quiete frui ac id tuto ab alio consequi possit, nec a quoquam lædatur, ut denique conjunctis viribus se suæque adversus vim aliorum defendant cives (§. 4.). Enimvero in illo vitæ sufficientia (§. 10.), in isto civitatis tranquillitas (§. 11.), in hoc securitas consistit (§. 12.). Finis itaque civitatis est vitæ sufficientia tranquillitas & securitas.

Vulgo tranquillitas & securitas communi securitatis nomine veniunt; præstat tamen illam ab hac distingui, quemadmodum in sermone patrio fieri solet, quo illam nomine *Ruhe*, hanc nomine *Sicherheit* indigitamus, tranquillitatem & securitatem civitatis appellantes *die gemeine Ruhe und Sicherheit.*
(*Wolfii Jur. Nat. Pars VIII.*) B Vitæ

Vitæ sufficientiam quidam a fine civitatis remouent, quod etiam extra civitatem obtineri possit. Rectius tamen *Aristoteles*, prouti jam ante indicavimus (not. §. 10.), ad finem civitatis refert, cum extra hanc saltem non adeo commode obtineri queat, immo si curatius rem consideres, deficiente tranquillitate & securitate vix ac ne vix quidem obtineri possit. Idiomate patrio ea potissimum intelligitur, quando die *gemeine Wohlfahrt* dicitur, præsertim si junguntur verba *Ruhe und Sicherheit*, quamvis voce illa sensu latiori commune bonum etiam designare solemus, quod tranquillitatem & securitatem simul complectitur. Nos significatum vagum reduimus ad fixum, quo in sequentibus utemur.

§. 14.

*Succincta
civitatis de-
finitio.*

Quoniam fines civitatis sunt vitæ sufficientia, tranquillitas & securitas (§. 13.), societates autem, quarum in numero est civitas (§. 4.), fine differunt (§. 3. *part. 7. Jur. nat.*); *Civitas* brevius definiri potest, quod sit societas inter domos multas, seu ab ingente hominum multitudine vitæ sufficientis, tranquillitatis & securitatis gratia inita.

Non differt hæc definitio a superiori (§. 4.), quemadmodum statim patet, si terminos, quibus finis, cujus gratia civitas constituitur, indicatur, per suas definitiones (§. 10. & *seqq.*) explices.

§. 15.

*De civitatis
ordinatione.*

Quoniam civitas constituitur vitæ sufficientis, tranquillitatis & securitatis gratia (§. 14.), qui vero vult finem media etiam velit necesse est (§. 941. *Ontol.*); si civitas constituitur, ea ordinanda sunt, quæ ad vitæ sufficientiam, tranquillitatem & securitatem, seu commune totius civitatis bonum (§. 9.) consequendum requiruntur.

Quam-

Quamprimum societas civilis inita, necesse omnino est, ut qui eam iniuerunt etiam consentiant in media, quibus finis, quorum gratia initur, obtineri possit. Quid enim finis consequendi causa fieri debeat, communi sociorum consensu determinandum (§. 44. part. 7. Jur. nat.): id quod dum fit, civitas ordinatur. Atque tum ea formam suam recipit, ut sit in specie hæc civitas (§. 944. 945. Onol.)

§. 16.

Civitatis ordinatio dicitur *Respublica*, idiomate patrio *das gemeine Wesen*. *Resp. quid sit.*

Aristoteli Polit. lib. 3. c. 6. *τὰς πόλεις* appellatur, quam per ordinem civitatis interpretari solent. Sunt qui contendunt, Remp. perperam a civitate distingui, & civitatem atque Remp. pro synonymis habent. Enimvero quamvis non negamus, vocabula ista promiscue usurpari; ex collatione tamen definitionum statim patet, civitatem & Remp. a se invicem parum differre. Aliud sane pactum est, quo consentitur in finem; aliud vero, quo consentitur in media finem hunc consequendi. Sane non alia de causa disputatur, utrum civitas pacto uno, an pluribus diversis constituatur, quam quod civitas formam suam specificam nondum nata sit, quando saltem singuli in hoc consenserunt, quod velint conjunctis viribus ea facere, quæ ad commune bonum obtinendum, hoc est, ad vitæ sufficientiam, tranquillitatem & securitatem faciunt. Aliud nimirum pactum est, quo societas civilis initur, seu civitas constituitur, aliud vero, vel alia pacta sunt, quibus constituta ordinatur, cum in specie perfecta, aut, si mavis, etiam in singulari, nondum dici possit, antequam ordinata fuerit. Determinatio autem eorum, quæ ad finem, cujus gratia civitas constituitur, consequendum faciunt, & in qua civitatis ordinatio consistit, non minus a pacto quodam dependet, quam ipsa civitatis constitutio (§. 44. part. 7. Jur. nat.). Quamprimum singuli consenserunt in hoc, quod commune bonum conjun-

Etis viribus promovere velint; animi civium uniantur ad vitæ sufficientiam, tranquillitatem & securitatem conjunctis viribus obtinendam: alit ideo nondum uniti sunt quoad modum, quo finem istum obtinere velint. Quamvis adeo coaluerint in societatem civilem, nondum tamen determinata sunt ea, quæ ad Remp. faciunt, & per consequens peculiari pacto opus est ad civitatem ordinandam. Et revera civitas ordinata Reip. nomine demum appellari suevit.

§. 17.

*Salus civi-
tatis in quo
consistat.*

Salus civitatis consistit in non impedita fruitione vitæ sufficientis, tranquillitatis & securitatis. Etenim finis civitatis sunt vitæ sufficientia, tranquillitas atque securitas (§. 13.). Quamobrem si cives non impediantur, quo minus fruuntur vita sufficiente, tranquillitate & securitate, finis civitatis actu obtinetur. Quoniam itaque salus societatis in eo consistit, si socii non impediantur, quo minus finem ejus actu consequantur (§. 11. part. 7. *Jur. nat.*); salus civitatis consistit in non impedita fruitione vitæ sufficientis, tranquillitatis & securitatis.

Relegenda hic sunt, quæ de salute societatis in genere annotavimus (not. §. 11. part. 7. *Jur. nat.*). Commune civitatis bonum est vitæ sufficientia, tranquillitas & securitas, quatenus hæc considerantur tanquam ea, quæ civitatem perficiunt (§. 554. *Psyche. empir.* §§ 9. b.); quatenus vero hæc actu obtinentur, ut singuli cives iisdem frui possint, consequenter jam remouentur impedimenta, quæ in statu naturali iisdem obicerentur, quo minus illis frui possent, salutis civitatis, vel etiam Reip. (§. 16.) nomine veniunt. Differentia itaque boni communis & salutis civitatis cum abstracta sit, abstractio autem hæc vulgo vix attendatur; ideo quoque vulgo commune bonum civitatis & salus civitatis vel Reip. promiscue tanquam synonyma usurpantur: id quod vel propterea nendum

atque diximus, ut quis ea, quæ a nobis subinde aliter enunciantur, quam vulgo fieri solet, ne vim inferamus significatui determinato terminorum, quem iisdem tribuimus, non diversa existimet, vel prorsus contraria iis, quæ vulgo ab omnibus tanquam vera admittuntur, nec rite intellecta a nobis rejiciuntur.

§. 18.

Quilibet civis obligatur bonum civitatis commune pro virili promovere & salutem civitatis curæ habere debet. Etenim *communis civitas societas est (§. 4.).* Enimvero quilibet socius communis bonum societatis pro virili promovere (§. 12. part. 7. movendo & *Jur. nat.*) & salutem ejus curæ habere debet (§. 16. part. 7. cura salutis *Jur. nat.*). Ergo etiam civis quilibet obligatur bonum civitatis commune pro virili promovere & salutem civitatis curæ habere debet.

Nascitur hæc obligatio ex pacto, quo in civitatem coaluerant, qui antea sibi relictæ rem suam sibi habebant.

§. 19.

Quoniam commune bonum civitatis in eo consistit, *Promotio boni.* ut abundet iis, quæ ad vitæ necessitatem, commoditatem, *ni communis* jucunditatem faciunt, ut felicitati omnium prospiciatur, ut *specialis* quilibet tutus sit ab injuriis aliorum & a vi hostium, ipsa de *lius expenditur.* nique civitas satis potens ad huic resistendum (§. 9.), quilibet autem civis obligatur ad bonum civitatis commune pro virili promovendum (§. 18.); *quilibet civis pro virili conferre debet, quicquid ad vitam sufficientiam, tranquillitatem & securitatem conferre potest (§. 10. & seq.).*

Multa omnino sunt, quæ ad vitæ necessitatem, commoditatem & jucunditatem faciunt, multis quoque modis aliorum felicitati prospici potest. Non autem omnia possumus omnes.

Quilibet adeo huc conferre debet, quod potest & quantum potest. Comparatur ideo civitas rite ordinata corpori humano, quod ex diversis admodum organis constat, quorum non omnium eadem est functio, idem usus, sed quorum unumquodque præstat quod suum est, quo pacto obtinetur commune bonum totius corporis, ut singulis membris bene sit.

§. 20.

*Cura salutis
civitatis
specialis
expensa*

Similiter quoniam salus civitatis consistit in non impedita fruitione vitæ sufficientis, tranquillitatis & securitatis (§. 17.) seu boni communis (§. 9.), quilibet autem civis salutem civitatis curæ habere debet (§. 18.); *cuilibet civi cura esse debet, ne vita sufficientis, tranquillitatis & securitatis, seu boni communis fructio, vel a se, vel ab aliis ullo modo impediatur, sed ea potius promoveatur.*

Potest quis conferre aliquid ad fruitionem vitæ sufficientis etiam in iis, quæ ipse conferre non potest, consequenter concurrere ad promovendam salutem publicam, quando promovere nequit bonum publicum. E. gr. Ponamus aliquem diligentem esse in administranda oeconomia rurali, is pro virili symbolam suam confert ad vitæ sufficientiam. Ponamus alii curæ esse, ut frumentum æquo pretio vendatur, vel si annonæ penuria sit, ut vendatur; is nihil confert ad ea, quæ ad vitæ necessitatem requiruntur, consequenter ad vitæ sufficientiam pertinent, facit tamen, ut iis frui possimus, consequenter ad salutem civitatis promovendam concurrat. Atque hinc patet, non inanem esse distinctionem inter bonum commune civitatis & salutem ejusdem.

§. 21.

*De non faci-
endo eo, quod adversatur
communi*

*Nemo civium facere debet, quæ communi civitatis bono
adversatur, nec bonum proprium promovere cum neglecto com-
muni, vel in præjudicium communis, neque etiam quicquam fa-
cere,*

cere, quod saluti civitatis adversatur. Civitas enim societas *bono & salu-*
est (§. 4.). Quamobrem cum sociorum nemo facere de- *si civitatis*
beat, quæ communi bono adversantur, nec promovere bo- *adversatur*
num proprium cum neglectu communis (§. 21. part. 7. *Jur.*
nat.), neque etiam quicquam facere, quod saluti societatis
adversatur (§. 22. part. 7. *Jur. nat.*); nemo quoque civium
facere debet, quæ communi civitatis bono adversantur, nec
bonum proprium promovere cum neglectu communis, vel
in præjudicium communis, neque etiam quicquam facere,
quod saluti civitatis adversatur.

Sub facto hic etiam comprehenduntur non facta, quemad-
modum etiam in aliis casibus. Qui omittit conferre ea, quæ
ad bonum commune conferre poterat; is non minus deest
officio suo & bono communi officit, quam qui facit, quod
eidem repugnat.

§. 22.

Quoniam bonum commune civitatis in eo consistit, *Hoc specia-*
ut abundet iis, quæ ad vitæ necessitatem, commoditatem, *lins expen-*
jucunditatem faciunt, ut felicitati omnium prospiciatur, ut qui- *datur.*
libet tutus sit ab injuriis aliorum, & a vi hostium, ipsa deni-
que civitas potens sit ad huic resistendum (§. 9.), salus au-
tem civitatis in non impedita fruitione vitæ sufficientis, tran-
quillitatis & securitatis (§. 17.); nemo civium quicquam com-
mittere debet, quod *vita sufficientia, tranquillitati ac securitati*
quomodocumque adversatur, nec ipse impedire, nec pati, ut ab aliis
impediatur, quo minus *vita sufficiente, tranquillitate & securitate*
frui liceat (§. 21.)

Ut specialius expendantur, quæ in propositione præceden-
te continentur, non sine ratione a nobis fit. Facit enim ad
contrahendas demonstrationes subsequendas, prouti facile ani-
madvertent, qui ad talia attentionem adferre voluerint.

§. 23.

Publicum & privatum quid sit, item quid Bonum publicum & privatum.

Publicum dicitur, quod ad civitatem universam spectat; *Privatum* vero, quod nonnisi singulos cives, respicit, seu ad eos pertinet. Immo in genere *Publicum* dicitur, quod ad universitatem quandam spectat; *Privatum* vero, quod ad singulos pertinet, qui in ea sunt. Unde bonum commune civitatis est *Bonum publicum*, & bonum proprium civis cujusvis est *Bonum privatum*.

Quodsi ergo quaesiveris, in quonam bonum publicum consistat, ea recolenda sunt animo, quæ de bono communi civitatis demonstravimus (§. 9.). Eodem autem modo publica calamitas vocatur, qua universi affliguntur; privata vero, quæ nonnisi singulis accidit.

§. 24.

De bono publico promovendo.

Quoniam bonum commune civitatis bonum publicum est (§. 23.), quilibet autem civis obligatur bonum civitatis commune pro virili promovere (§. 18.), nec quicquam facere, quod eidem adversatur (§. 21.); *civis quilibet bonum publicum pro virili promovere, nec quicquam facere debet, quod eidem adversatur.*

§. 25.

De privato non promovendo cum neglectu publici & in hujus præjudicium.

Similiter quia bonum proprium civis bonum privatum est, bonum autem universæ civitatis bonum publicum (§. 23.), nemo autem civium bonum proprium promovere debet cum neglectu communis civitatis, vel in præjudicium ejusdem (§. 21.); *nemo civium bonum privatum promovere debet cum neglectu publici, vel in præjudicium publici.*

Magis usitatum est, ut bonum publicum & privatum dicamus & ea sibi invicem opponamus, quam ut boni communis civitatis

civitatis & proprii civium appellatione utamur. Quamobrem antea demonstrata ad receptas loquendi formulas reducenda fuerunt.

§. 26.

Civitates legi naturæ convenienter fuerunt constituta. An civitates Etenim domus singulæ sibi non sufficiunt in iis, quæ ad vi- *tes legi natura* necessitatem, commoditatem ac jucunditatem, immo *fecunda convenienter* licitatem faciunt, nec quiete iure suo frui & quod ab aliis *niant.* ipsis tribuendum satis tuto consequi, seque ac sua adversus vim aliorum defendere valent (§. 1.). Quamobrem cum societates contrahendæ sint, si vnius vires non sufficiunt ad finem aliquem consequendum (§. 137. *part. 7. Jur. nat.*); & ipsa natura homines ad societatem colendam obligat (§. 138. *part. 7. Jur. nat.*); societates quoque ineundæ sunt, ut vitæ sufficientiæ, tranquillitati & securitati consulatur (§. 10. & *seqq.*), ac ipsa natura homines ad istiusmodi societates colendas obligat. Enimvero societates inter domus multas, seu ab ingente hominum multitudine vitæ sufficientis, tranquillitatis & securitatis gratia initæ civitates sunt (§. 14.). Quamobrem patet homines civitates constituere debere, consequenter eas legi naturæ convenienter fuisse constitutas.

Facto equidem hominum constitutæ sunt civitates; non tamen propterea institutum mere humanum dici possunt: ipsa enim lex naturæ factum hoc urget & jus ad idem dat, ita ut non minus obligationi nostræ satisfaciamus, quam jure nostro utamur, dum civitates constituimus.

§. 27.

Quoniam civitates legi naturæ convenienter fuerunt *Quatenus* constitutæ (§. 26.), lex autem naturæ voluntati divinæ *civitates* *con-* *sint a Deo.*
(*Wolffii Jur. nat. Pars VIII.*) C

convenit (§. 284. *part. 1. Phil. pract. univ.*), & per consequens quod legi naturæ convenienter fit, id etiam voluntati divinæ convenienter; *civitates voluntati divinæ convenienter fuerunt constitutæ.*

Atque hinc patet quo sensu dici possit, civitates esse a Deo institutas, quatenus nimirum Deo tribuenda sunt, quæ a lege naturæ veniunt, cujus ipse autor est (§. 273. *part. 1. Jur. nat.*). Sane cum legi naturæ non repugnent dominia (§. 108. *part. 1. Jur. nat.*); dominia quoque dici possunt esse a Deo, utut factio hominum communionem primævam deferentium introducta. Dependendam & dominiorum, & civitatum a Deo facile perspiciet is, cujus animus notionibus satis distinctis ex operibus anterioribus haustis imbutus. Qui enim, quemadmodum fieri debet, opera præcedentia eo ordine perlegit, quo conscripta & edita fuerunt; abunde intelliget, notiones Juris naturæ non modo in se invicem, sed has quoque ulterius in alias simplices in diversis Metaphysicæ partibus expositas continuo resolvere: unde ignorata hac notionum analysi deficit ea claritas, qua percellitur mens alterius, qui successiva industria eandem sibi familiarem reddidit. Pendet etiam hinc demonstrationum evidentia, quam frustra expectabit, qui iusto ordine scientiam acquirere negligit. Quamobrem hic maxime valet illud pervulgatum, contra ignorantem principia non esse disputandum. Et hæc quoque ratio est, cur viri rerum suarum intelligentes controvertere nolint cum hominibus in ea scientiarum parte hospitibus, ad quam ea res spectat, quam in controversiam adducunt.

§. 28.

Quomodo Si civitas constituitur, singuli se obligant universis, quod
civis civi- commune bonum promoveri velint, & universi sese obligant singu-
tati & civi- latis, quod sufficientia vita & formæ, tranquillitati & securitati pro-
das civibus sperare velint. Etenim qui in civitatem coeunt, inter se pa-
 ciscun-

ciscuntur de bono communi conjunctis finibus consequendo, *singulis ob-*
 scilicet ne desint quæ ad sufficientiam vitæ requiruntur, & *ligetur.*
 ut tranquille ac secure vivere possint (§. 14. 9.), consequen-
 ter singuli contrahunt cum universis & universi cum singulis.
 Quamobrem cum ex pactis nascatur obligatio præstandi ea,
 de quibus conventum est (§. 789. *part. 7. Jur. nat.*); singuli,
 qui paciscuntur cum universis, utique sese obligant ad com-
 mune bonum promovendum, & vicissim universi singulis ad
 prospiciendum ipsis de iis, quæ ad vitæ sufficientiam requi-
 runtur, & ut tranquille atque secure vivere possint.

Nimirum quilibet socius facere obligatur, quod ad finem so-
 cietatis consequendum facere potest (§. 7. *part. 7. Jur. nat.*).
 Facit vero hoc ea intentione, ut ceteri idem faciant, conse-
 quenter nemo sese obligavit universis quoad finem civitatis
 consequendum, nisi quatenus universi sese etiam ipsi obligant.
 Singuli conferre debent, quod a singulis; universi autem,
 quod ab universis proficisci potest. Patebit autem ex sequen-
 tibus, quænam sint ea, tum quæ a singulis in gratiam univerfo-
 rum, tum quæ ab universis in gratiam singulorum fieri pos-
 sint ac debeant. Atque tum perfecte intelligitur, quænam
 sit obligatio singulorum, qua tenentur universis, & vicissim
 quænam obligatio sit univerforum, quibus obstringuntur
 singulis.

§. 29.

Universis in civitate competit jus cogendi singulos, ut sa- De *jure uni-*
tisfaciant obligationi suæ, si vel facere nolint, vel in eo negligen- *versorum*
tes se præbeant. Est enim civitas societas (§. 4.) Quam *in singulos.*
 obrem cum sociis competat jus cogendi consocium, ut satis-
 faciat obligationi suæ, si vel satisfacere nolit, vel in eo ne-
 gligentem se præbeat (§. 9. *part. 7. Jur. nat.*); universis
 quoque in civitate competit jus cogendi singulos ut obli-

gationi suæ satisfaciant, si vel satisfacere nolint, vel in eo negligentes se præbeant.

Quamprimum in societatem coitur, seu pacto civitas constituitur; ex ipso hoc pacto universis nascitur jus in singulos.

§. 30.

Unde idem
fit metien-
dum.

Jus universum in civitate in singulos ex fine civitatis metiendum. Etenim in societate jus sociorum metiendum est ex fine societatis (§. 10. part. 7. *Jur. nat.*). Quamobrem cum civitas sit societas quædam (§. 4.); jus quoque universis in singulos competens ex fine civitatis metiendum.

Jus universum in singulos extendendum non est ultra finem: neque enim ultra eundem singuli sese universis obligare voluerunt, ex hac autem obligatione universis natum est jus in singulos. Universi nullum jus in singulos haberent, nisi singuli hoc ipsis tribuissent. Quemadmodum nimirum sponte sua se iisdem obligarunt; ita etiam tribuerunt jus ex ista obligatione resultans, seu cum eadem necessario connexum.

§. 31.

Quale sit
jus civitatis
in cives.

Universis in civitate competit imperium in singulos. Jus enim, quod universis in singulos in societate competit, imperium est (§. 212. part. 7. *Jur. nat.*). Quamobrem cum civitas sit societas (§. 4.); jus quoque universis in singulos in eadem competens imperium est.

Ad propositionem præsentem illustrandam faciunt, quæ alibi in genere annotavimus (not. §. 212. part. 7. *Jur. nat.*). Imperium omne nascitur ex societate (§. 213. part. 1. *Jur. nat.*), natura vero homines omnes liberi sunt (§. 146. part. 1. *Jur. nat.*), nec ullus imperium in invitum sibi arrogare potest (§. 195. part. 7. *Jur. nat.*). Quamobrem & imperium universi in singulos non habent, nisi quatenus singuli in societa-

cietatem coivere, & imperium univerforum sua sponte subivere.

§. 32.

Imperium univerfis in singulos competens in civitate dicitur *Imperium civile*. Vocatur etiam *Imperium publicum* quod *Imperium civile & publicum quodnam sit.*

Nimirum Civile vocatur hoc imperium, quatenus ex civitate nascitur & ab ea inseparabile est, ita ut civitatem sine imperio concipere non liceat, quemadmodum triangulum concipere non potest sine tribus angulis duobus rectis æqualibus. Publicum vero idem appellatur respectu privati, quod in societatibus minoribus locum habet (§. 23.), & de quo dictum est in parte præcedente.

§. 33.

Quoniam imperium civile univerfis in singulos competit in civitate (§. 32.), universi autem in civitatem consociati populus sunt (§. 5.); *imperium civile originarie penes populum est.* *Penes quem originarie sit imperium.*

Ad civitatem constituendam non aliud requiritur pactum, quam quod paciscentes conjunctis viribus vitæ sufficientiam, tranquillitatem ac securitatem promovere velint (§. 14.). Ex hoc pacto oritur imperium civile. Quamobrem originarie nemini competere potest nisi iis, qui invicem pacti sunt, hoc est, populo, in quem invitum nemo sibi imperium jure arrogare potest (§. 195. part. 7. *Jur. nat.*), nec quisquam etiam invitum alterius imperio subicere jure valet, cum libertas naturalis, jus homini connatum (§. 146. part. 1. *Jur. nat.*), a nemine cuiquam invito auferri possit (§. 64. part. 1. *Jur. nat.*).

§. 34.

Quoniam *imperium civile originarie penes populum est* (§. 33.); idem est *res populi propria* (§. 498. part. 1. *Quod sit res populi.* §. 132. *populi.*)

§. 132. part. 2. *Jur. nat.*), & ad id, quod suum est, referendum
(§. 131. part. 1. *Jur. nat.*)

Cum ex pacto oriatur imperium civile (not. §. 33.), jus hoc acquisitum est (§. 35. part. 1. *Jur. nat.*), & acquiritur iis, qui pactum fecere, ac ideo eorum res propria est, quemadmodum sunt acquiriturum propriæ res aliæ, quas ex pactis sibi quærunr.

§. 35.

Limites imperii civilis. Imperium civile extendi nequit ultra eas actiones, quæ ad commune civitatis bonum, seu bonum publicum, consequendum pertinent. Imperium enim omne cum extendi nequeat ultra actiones, quæ ad finem societatis consequendum faciunt (§. 214. part. 7. *Jur. nat.*); nec imperium civile extendi potest ultra actiones, quæ ad finem civitatis consequendum faciunt (§. 4.). Quoniam itaque commune civitatis bonum, hoc est, publicum (§. 23.), finis est civitatis (§. 4. 9.); imperium civile extendi nequit ultra eas actiones, quæ ad commune civitatis bonum, seu bonum publicum consequendum faciunt.

Ideo finem civitatis in definitione distincte exprimere volumus, immo debuimus, ut imperii civilis, quod in abusum facile trahitur, limites accurate determinari possint, nec dum in nimium extenditur, jus in injuriam degeneret. Universi nimirum in civitate non plus juris in singulos sibi arrogare possunt, quam singuli universis in se conferre voluerunt. Tantum autem juris conferre debuerunt, quantum ad finem civitatis consequendum requiritur, consequenter tantum etiam tacite contulisse censentur. Naturaliter pactis omnia inesse intelliguntur, quæ ex iis, quæ expresse dicta sunt, necessario consequuntur: non autem plura insunt, quam quæ inde necessario consequuntur.

§. 36.

§. 36.

Populus imperium vel sibi retinere, vel pro lubitu suo in personam unam, aut plures conjunctim, etiam in extraneam transferre potest, & si in aliam transfert, a voluntate ipsius dependet, qua lege idem transferre velit. Etenim in locietate imperium vel sibi retinere possunt universi, vel in personam unam, aut plures, si ita visum fuerit, transferre (§. 216. part. 7. *Jur. nat.*), potest etiam societas idem transferre in extraneum (§. 217. part. 7. *Jur. nat.*), & a voluntate ejus pendet, qua lege transferre velit (§. 220. part. 7. *Jur. nat.*). Quamobrem cum civitas societas sit (§. 1.), & universi, qui in eam coiverunt, populus sint (§. 5.), penes quem originarie imperium civile est (§. 33.); populus quoque imperium vel sibi retinere, vel pro lubitu suo in personam unam, aut plures conjunctim, etiam in extraneam transferre potest, & a voluntate populi dependet, qua lege idem transferre velit.

Patet hinc, quale sit jus populi disponendi de imperio civili: quod utique non diversum est a dominio (§. 118. part. 2. *Jur. nat.*). Recte nimirum dicitur originarie imperium civile esse in dominio populi, cum etiam jura, res incorporales (§. 498. part. 1. *Jur. nat.*), in dominio esse possint (§. 216. part. 2. *Jur. nat.*).

§. 37.

Si civitas ordinanda, seu Resp. instituenda, universi inter se convenire debent, utrum imperium sibi retinere, an in personam in Rep. unam, vel plures idem transferre, & num certi lege transferre stituenda velint. Etenim populus vel imperium sibi retinere, vel pro lubitu in personam unam, vel plures transferre potest, & terminari ubi in alium transfert, a voluntate ipsius dependet, qua lege debeat idem transferre velit (§. 36.). Necesse igitur est, ut, quamprimum

primum in civitatem coaluerunt singuli, determinetur, quidnam horum fieri debeat. Quamobrem cum in civitate, tanquam societate, communi omnium, qui in eam coiverunt, consensu determinandum sit, quid in eadem finis consequendi gratia fieri debeat (§. 44. part. 7. *Jur. nat.*); si civitas ordinanda, seu Resp. instituenda (§. 16.), universi inter se convenire debent, utrum imperium sibi retinere, an in personam unam, vel plures idem transferre, & num certa lege transferre velint.

Pactum hoc diversum est ab eo, quo civitas constituitur. Et quamvis non repugnet, ut de societate civili ineunda & de subiecto imperii una conveniatur, manent tamen pacta diversa, quorum illud, quod agit de societate civili ineunda, etsi non tempore, ordine tamen prius intelligitur altero, quo subiectum imperii definitur, cum ex illo nascatur imperium (§. 213. part. 7. *Jur. nat.* & §. 4. b.), quod adeo nulli subiecto inesse potest, antequam natum fuerit.

§. 38.

*De modo
transferendi
imperium
in alium.*

Quoniam populus, quando Resp. instituenda, convenire debet, qua lege imperium sit transferendum, si id in alium, vel alios transferre decrevit (§. 37.), imperium vero in alium transferri potest vel revocabiliter, vel irrevocabiliter, ad certum tempus, vel ad dies vite, tanquam transmissibile in certos alios, vel non transmissibile, plenum, vel certa parte deminutum, illimitatum, aut certo modo limitatum (§. 22. part. 7. *Jur. nat.*); si populus constituit imperium in unam personam, vel in plures transferre, porro convenire debet, num idem revocabiliter, an irrevocabiliter, num ad certum tempus, an ad dies vite, num tanquam transmissibile, in certos alios, an tanquam non transmissibile, num plenum, an certa parte deminu-

diminutum, nam illimitatum, aut certo modo limitatum transferre velis.

Hoc pactum denuo diversum est ab eo, quo saltem conveniebatur, utrum populus imperium sibi retinere, an in alium, vel alios transferre velit. Neque enim conveniri potest de modo, quo imperium habere debet is, in quem transfertur, antequam conventum fuerit, id in alium, vel alios transferendum esse. Plures cum sint modi, quo populus imperium in alium transferre potest; nova utique deliberatione opus est, quomodo seu qua lege imperium sit transferendum, postquam translatio ejus decreta.

§. 39.

Imperium a populo in alium transferri potest vel quoad exercitium, vel quoad ipsam substantiam. Quando enim populus imperium transfert in alium, a voluntate ipsius dependet, qua lege, seu quomodo transferre velit (§. 36.). Quamobrem cum imperium vel ea lege transferri possit, in alium, ut idem exerceat, vel ita, ut de ipso etiam imperio pro arbitrio tuo disponere valeat; imperium utique a populo in alium transferri potest vel quoad exercitium, vel quoad ipsam substantiam.

De imperio quoad exercitium & quoad substantiam translatio.

Differentia hæc probe notanda est. Longe enim alia consequuntur, si quis saltem imperii exercitium habeat, & si ipsum imperium ejus sit, quemadmodum ex sequentibus clarius elucescet.

§. 40.

Si imperium transfertur in alium quoad exercitium, is idem habet in usufructu; si vero quoad substantiam, jure proprietatis idem possidet & per consequens in patrimonio habet. Quando enim imperium transfertur in alium quoad exercitium,

De imperio in usufructu & in patrimonio.

(Wolff Jur. Nat. Pars VIII.)

D

is

is non habet nisi jus exercendi imperium, non vero de ipso imperio tanquam de re sua disponere potest (§. 222. *part. 7. Jur. nat.*). Quamobrem cum usufructum habeat, qui habet jus eadem utendi fruendi, sed de ipsa substantia disponere pro lubitu non potest (§. 1420 *part. 5. Jur. nat.*); si imperium in alium quoad exercitium transfertur, is idem habet in usufructu. *Quod erat primum.*

Enimvero si imperium in aliquem transfertur quoad substantiam, is de ipsa substantia imperii, tanquam re sua, disponere potest. Quamobrem cum jus disponendi de ipsa substantia rei proprietatis sit (§. 131. *part. 2. Jur. nat.*); si imperium in aliquem transfertur quoad substantiam, is proprietatem ejus habet, seu jure proprietatis idem possidet. *Quod erat secundum.*

Denique cum in patrimonio sint omnia bona, quæ quis habet (§. 452. *part. 2. Jur. nat.*), consequenter omnia etiam jura (§. 451. *part. 2. Jur. nat.*), imperium vero sit jus quoddam (§. 194. *part. 7. Jur. nat.*); qui imperium jure proprietatis possidet, consequenter is, in quem imperium quoad substantiam translatum, idem in patrimonio habet. *Quod erat tertium.*

Modus hic duplex habendi imperium probe notandus. Multæ nimirum inde decidendæ sunt controversiæ de successione in imperio & de imperii, vel partis ejus alienatione.

§. 41.

De usufructuario & proprietario imperii.

Quoniam qui imperium accepit, idem habet vel in usufructu, vel in patrimonio, seu jure proprietatis (§. 40.), fructuarius vero est, seu usufructuarius, qui usumfructum habet (§. 1420. *part. 5. Jur. nat.*), & proprietarius, qui propria-

prietatem in re habet, seu cuius res propria est (§. 131. part. 2. Jur. nat.); *Qui imperium in civitate habet, vel usufructuarius imperii est, vel propriarius.*

§. 42.

Rektor civitatis est, is, cui imperium in civitate defer-
tetur, ut id exerceat.

*Rektor civi-
tatis qui-
nam sit.*

Rektor nimirum societatis est is, cui imperium in societate deferretur, ut id exerceat (§. 218. part. 7. Jur. nat.). Quamobrem cum civitas sit quædam societas (§. 4.); dicendus utique Rektor civitatis erit is, cui imperium in civitate delatum est, & per consequens idem exercet proprio nomine. Quando enim populus imperium sibi retinet, & per consequens seipsum regit (§. 219. part. 7. Jur. nat.), Rectorem alium non habet.

§. 43.

*Rektoris civitatis jus omne metiendum est ex voluntate. Unde me-
qua populo fuit, cum imperium transferret.* Etenim rector ci-
vitat^{is} est rector societatis cuiusdam (§. 4. 42. h. & §. 218. *Rektoris ci-
part. 7. Jur. nat.*). Quamobrem cum rectoris in societate
jus omne metiendum sit ex voluntate, quæ fuit societati,
cum imperium transferret (§. 222. part. 7. Jur. nat.); re-
ctoris quoque civitatis jus omne metiendum est ex volunta-
te, quæ populo fuit, cum imperium transferret.

visatis.

Quod in genere monuimus de metiendo jure rectoris so-
cietatis (not. §. 222. part. 7. Jur. nat.); idem quoque firmi-
ter tenendum de jure rectoris civitatis. Sane etiam in casu
dubio, quando ad præsumptiones recurrendum, inquiri debet,
qualis præsumenda sit voluntas populi imperium transferentis.

§. 44.

Imperium summum dicitur, in cuius actus nemini nisi Summitas
D 2 habenti imperii in

quo consi-
stat.

habenti jus quoddam competit, ut ideo *Summitas imperii* consistat in independentia exercitii eiusdem ab alterius cuiusdam voluntate.

Nimirum qui summum imperium habet, idem pro lubitu exercet, seu prouti sibi visum fuerit, nec quisquam alius est, cuius arbitrio actus imperantis quomodocunque subsint.

§. 45.

De actibus

Quoniam in summi imperii actus nemini ius quoddam competit (§. 44.); qui summum imperium habet, eius actus a nemine irruere reddi possunt.

Nimirum quicquid imperans agit, id mutari nequit, nisi quando ipsi ita visum fuerit; nemo autem alius actum eius quomodocunque infirmare potest, siue civis fuerit, siue extraneus. Valet hic de imperante, quod vulgo dicitur: sic volo, sic jubeo.

§. 46.

De libertate

in imperando.

Similiter quoniam qui imperium summum habet, in exercitio imperii non dependet ab ullo alio homine, nisi a seipso (§. 44.), qui vero in agendo non dependet ab ullo alio homine, nisi a seipso, liber est (§. 153. part. 1. Jur. nat.); Qui summum imperium habet, in imperando, seu exercitio imperii prorsus liber est, consequenter eius conscientiae relinquendum, quomodo imperet (§. 157. part. 1. Jur. nat.), nec ulli hominum rationem reddere tenetur, quomodo imperio utatur, semper cur sic imperet, non aliter.

Stat nimirum pro ratione voluntas imperantis, ipse autem suo fiat iudicio, non alieno. Imperans persona moralis est. Unde qui summum habet imperium persona moralis libera est. Quae itaque valent de libertate hominis naturali respectu cujusvis hominis tanquam individui physici; ea etiam valent

lent de imperante qua tali. Qui ergo libertatem hominis naturalem penitus perspicit; idem quoque absque ulla obscuritate perspiciet summam imperii, quae revera non consistit nisi in libertate imperantis qua talis (§. 153. *part. 2. Jur. nat.* Et §. 44. b.)

§. 47.

In civitate singulorum libertas restringitur quoad eas actiones, quae ad bonum publicum promovendam faciunt, quoad libertas ceteras illa illibata manet: singuli quoque, quando in civitatem stringuntur coeunt, liberi minime respectu peregrinorum. Quoniam enim in civitate, in societate qualiter libertas sociorum restringitur, quoad actiones ad consequendum finem societatis requisitas (§. 169. *part. 7. Jur. nat.*); finis autem civitatis est vitae sufficientia, tranquillitas & securitas (§. 13.), consequenter bonum publicum (§. 9. 23.); singulorum in civitate libertas restringitur quoad eas actiones, quae ad bonum publicum promovendum faciunt. *Quod erat primum.*

Enimvero quando civitas constituitur, singuli se obligant universis, quod commune bonum promovere velint (§. 29.). Quamobrem cum nemo alterum sibi obligare possit ultra voluntatem ipsius (§. 382. *part. 3. Jur. nat.*); singulorum obligatio in civitate respectu universorum extendi nequit ultra eos actus, qui ad bonum publicum promovendum requiruntur. Libertas igitur naturalis quoad ceteras actiones illibata manet. *Quod erat secundum.*

Denique peregrini non sunt membrum civitatis nostrae (§. 7.), consequenter nemo peregrinus est in numero universorum, quibus singuli sese obligant. Quamobrem cum nulla ratio sit, cur propterea peregrinis ad certa quaedam obligatus esse debeam, quia universis in

civitate me obligavi; qui in civitatem coeunt, respectu peregrinorum liberi manent. *Quod erat tertium.*

Probe hic perpendenda veniunt, quæ alias annotavimus (not. §. 169. part. 7. Jur. nat.), & ad civitatem, societatem omnium perfectissimam, applicanda, ut intimius perspiciatur, cur & quomodo libertas singulorum in civitate restringitur, ac ideo status libertatis mutetur. Mutant autem, qui in civitatem coeunt, statum respectu eorum, cum quibus pacti fuerunt, non vero respectu aliorum, ad quos pactum illud, quo civitas constituta (§. 4.), minime pertinet.

§. 48.

Quantum libertas societatum simplicium in civitate restringitur quoad ea, quæ ad bonum publicum, seu commune civitatis bonum spectant. Etenim in societate composita libertas societatum simpliciorum, ex quibus ea coalescit, restringitur quoad ea, quæ ad societatem compositam spectant (§. 170. part. 7. Jur. nat.). Enimvero civitas coalescit ex domibus (§. 4), domus vero ex societate conjugali, paterna atque herili, aut saltem ex binis componitur (§. 147. part. 7. Jur. nat.). Quamobrem in civitate libertas domuum & societatum simplicium, ex quibus illæ componuntur, restringi debet quoad ea, quæ ad civitatem spectant, consequenter quæ ad bonum publicum, seu commune civitatis bonum spectant.

Ostendi etiam poterat hoc modo. Quando in societatem coitur, singulorum libertas restringitur quoad eas actiones, quæ ad bonum publicum promovendum faciunt (§. 47.). Quodsi ergo fuerint membra societatis cuiusdam minoris, veluti domus, aut societatis cuiusdam simplicis, actiones quoque illorum quoad actiones ad societatem istam spectantes

ſpectantes reſtringi debent, quatenus bonum publicum id exigit.

Finis civitatis non modo reſpicit ea, quæ ſunt ſingulorum, verum etiam ſocietatum minorum, quas inter ſe contraxerunt. Unde qui in ſocietatem civilem coeunt, ſibi invicem quoque promittunt, quod conjunctis viribus bonum ſocietatum minorum, quarum membra ſunt, promovere velint. Quamobrem cum fines ſocietatum minorum contineantur in fine civitatis, qui fundamentum reſtriſtionis libertatis eſt, libertas civitatum minorum ab eadem rationem & eodem modo reſtringenda venit, ob quam rationem & quo modo libertas ſingulorum reſtringitur.

§. 49.

Quoniam libertas domuum & ſocietatum ſimpli- *De reſtri-*
cium in civitate reſtringitur quoad ea, quæ ad bonum pu- *ſtione juris*
blicum ſpectant (§. 48.); jura patrumfamilias, conjugum, pa- *patrumfa-*
rentium, liberorum, dominorum & ſervulorum reſtringantur, quan- *miliæ, con-*
tum bonum publicum exigit. *jugum, pa-*

Nimirum jus harum perſonarum imminuitur, quantum bo- *rentum, li-*
num publicum exigit. Nec hoc durum videri debet, cum *berorum fa-*
etiam ſaluti ſocietatum minorum & per conſequens omnium *mularum.*
membrorum earundem qua talium proſpiciatur ab univerſis. Quemadmodum itaque univerſi obligantur ſingulis membris ſocietatum minorum qua talibus ad eorum ſalutem promovendam; ita etiam hæc qua talia viciffim obligantur univerſis ad commune ipſorum bonum pro virih promovendum. Clari-
us hoc eluceſcet ex ſpeciali tractatione de Rep. inſtituenda.

§. 50.

Qualibet civitas naturaliter libera eſt. Etenim ſocie- *De libertate*
tas quælibet naturaliter libera eſt (§. 166. *part. 7. Jur. nat.*). *naturali ci-*
Quamobrem cum civitas ſit ſocietas (§. 4.); ea quoque na- *vitatis.*
turaliter libera eſt.

Oſten-

Ostenditur etiam hoc modo. Singuli, quando in civitatem coeunt, liberi manent, respectu peregrinorum (§. 47.). consequenter eorum, qui non sunt membra civitatis (§. 7.). Quamobrem cum libertas civitatis eadem sit cum libertate singulorum, qui in civitatem coiverunt, simul sumta, quod per se patet; quælibet quoque civitas naturaliter libera est, respectu scilicet omnium, qui eius membra non sunt.

Libertas civitati non competit, nisi quatenus competit singulis ejusdem membris. Quemadmodum enim a libertate ipsorum dependebat, utrum sese invicem sibi obligare velent ad bonum commune conjunctis viribus promovendum, nec ne; ita quoque in singulis actibus huc spectantibus non dependent ab ullo peregrino, seu extra civitatem constituto, ac per consequens qua membra civitatis liberi sunt, & universi simul, qui civitatem absolvunt, liberi sunt respectu eorum, quorum nulla est cum ipsis communio. Libertas civitatis fuit tanquam ex fonte ex libertate naturali singulorum, vi cuius in societatem coire licite poterant (§. 26.).

§. 51.

An civitati uni sit jus (§. 50.); naturaliter civitas quælibet potestati civitatis alterius in alteram subiecta non est (§. 135. part. 1. Jur. nat.), consequenter in eam civitati alteri jus nullum competit (§. 134. part. 1. Jur. nat.), cumque quilibet in agendo non dependeat ab ullo alio homine, nisi a seipso (§. 153. part. 1. Jur. nat.), quælibet civitas in iis, quæ ad civitatem spectant, non dependet a civitate alia, sed a seipsa.

§. 52.

Quomodo civitas li- Similiter quia civitas quælibet naturaliter libera est (§. 50.), vi libertatis autem naturalis unicuique permittendum,

dum, ut in determinandis actionibus suis suum sequatur *ju- bertate sua*
 dicitum, quamdiu nil facit contra jus tertii (§. 156. *part. 1. fruatur.*
Jur. nat.), ejus quoque conscientiae relinquendum, quid
 agat (§. 157. *part. 1. Jur. nat.*), nec ulli hominum ratio-
 nem reddere tenetur actionum suarum (§. 158. *part. 1. Jur.*
nat.); civitati quoque unicuique permittendum, ut in iis, *que*
ad civitatem spectant, suam sequatur judicium, quamdiu nil facit
 contra jus alterius civitatis, conscientia illorum, qui membra civi-
 tatis sunt, relinquendum, quid in civitate agatur, nec ulli homi-
 num rationem reddere illa tenentur *actuum suorum*.

Cum idem jam demonstraverimus de societate qualibet in
 genere (§. 167. *part. 7. Jur. nat.*); poteramus idem quoque
 ex eo inferre de civitate. Ceterum hic quoque notandum
 est quod de principio hoc in genere annotavimus (*not. §. cit.*)

§. 53.

Quoniam naturaliter *civitas una potestati civitatis al-* *Quomodo*
terius subiecta non est (§. 51.); *Si subijci debet, necesse est, civitas una*
ut vel facto suo, vel alieno eidem subijciatur. *alteri subji-*

Nondum hic definimus, utrum jure, an injuria hoc fiat: *ci possit.*
 de eo enim in sequentibus demum disquirendum.

§. 54.

Civitates spectanda sunt tanquam persona singulares li- *Quomodo*
bera, in statu naturali viventes. Etenim plures societates di- *civitates*
 versæ spectandæ sunt inter se tanquam personæ singulares li- *spectanda*
 beræ in statu naturali viventes (§. 168. *part. 7. Jur. nat.*). *inter se.*
 Quamobrem cum civitates sint societates (§. 4.); eadem
 quoque spectandæ sunt tanquam personæ singulares liberæ,
 in statu naturali viventes.

Quæ alias annotavimus, cum de societatibus in genere
 (*Wolffs Jur. Nat. Pars VIII.*) E idem

idem evinceremus (*not. §. 168. part. 7. Jur. nat.*); ea etiam hic tenenda sunt. Fieri enim potest, ut plures civitates in unam compositam coalescant, vel etiam certis passionibus una alteri sese obliget ad certas præstationes imperium diminuentes, prouti ex sequentibus elucescet.

§. 55.

De naturali libertate populi. *Populus quilibet naturaliter liber est.* Multitudo enim hominum in civitatem consociatorum populus est (§. 5.). Quoniam itaque naturaliter civitas quælibet libera est (§. 50.); populus quilibet naturaliter liber est.

Libertas civitati non competit, nisi quatenus competit singulis ejusdem membris (*not. §. 50.*). Singula vero hæc membra simul sumta populus sunt (§. 5.). Quamobrem libertas civitati competens illa ipsa libertas est, quæ populo competit, & eadem cum libertate naturali singulorum, qui per consociationem populus facti sunt. Per hanc autem consociationem nemini sese ad aliquam præstationem cum imminutione libertatis naturalis obligarunt, qui cum ipsis consociati non sunt.

§. 56.

Quomodo unus alteri subijci possit. Quoniam *populus quilibet naturaliter liber est (§. 55.) nullus alii populo subijci potest nisi facto vel suo, vel alieno.*

Nondum hic loquimur de jure, sed saltem de facto. De illo enim demum dispiciemus suo loco.

§. 57.

Quale sit imperium in populo. *Imperium, prouti in populo originarie est, summum est.* Etenim populus naturaliter liber est (§. 55.), ac ideo in agendo, & per consequens in exercitio imperii, quando id in alium nondum transtulit (§. 36.), non dependet nisi a seipso

seipso (§. 153. *part. i. Jur. nat.*) seu propria sua voluntate. Quamobrem cum imperium summum sit, cujus exercitium non dependet ab alterius cujusdam voluntate (§. 44.); imperium, prouti originarie in populo est, summum est.

Summitas imperii fluit ex libertate naturali populi. Vi hujus alterius cujusdam potestati subiectus non est (§. 135. *part. i. Jur. nat.*), consequenter nemini jus quoddam in eodem (§. 134. *part. i. Jur. nat.*), ac per consequens in imperii, quod habet (§. 33.), actus jus quoddam competit. Est igitur imperium, quale originarie penes populum est, summum (§. 44.)

§. 58.

Quoniam imperium, prouti in populo originarie est, De libera-
sumum est (§. 57.), a voluntate autem populi dependet, te disponen-
quomodo imperium in alium transferre velit (§. 36.); Si di de sum-
imperium in alium transfert populus, summitatem ejus vel sibi re-
mittere, vel in alium transferre potest. perii populo
competente.

Non de eo hic quaestio est, num prudentiae sit summitatem imperii transferre in Rectorem civitatis, an vero melius sit, ut eandem populus sibi retineat; sed saltem quaeritur, quid populus jure suo usus facere possit. Imperium res populi propria est (§. 34.), & quatenus originarie penes ipsum est, summum est (§. 57.). De summitate igitur etiam imperii disponere pro lubitu potest (§. 118. *part. 2. Jur. nat.*)

§. 59.

Quoniam populus summitatem imperii in rectorem An summi-
civitatis transferre potest (§. 58. 42.); summitas imperii non eas imperii
semper necessario penes populum est, consequenter populo non semper, sic
semper jus aliquod competit in actus Re-
toris civitatis (§. 44.), penes popu-
adeoque nec jus coercendi atque puniendi Reges imperio abutentes. lum.

Mortonius in commentario *Elisabethæ* exhibito apud *Buchananum* lib. 20. statuit, legem de puniendo Rege non solis Scotis propriam esse, sed omnibus nationibus & populis bene institutis communem. Olim nimirum Reges in Scotia, referente *Thuano* lib. 50. morte, vinculis, exilio puniri. Scotos liberam ab initio gentem Reges eo jure sibi creavisse, ut imperium populi suffragiis eis mandatum, si res posceret, eisdem suffragiis adimi posset. Et *Buchananus* rerum Scotticarum lib. 20. ait, factum animadvertendi in Reges novum non videri, nam multos Reges a Scotis morte, vinculis, exilio punitos, & non modo externis exemplis factum Scotorum confirmari posse, sed magnam quoque sarraginem eorum ex antiquis historiarum monumentis ultro sese offerre. Tale quid de Lacedæmoniis refert *Cornelius Nepos* in vita *Pausaniæ* c. 3. & de antiquis *Burgundis* etiam *Ammianus Marcellinus*. Falluntur tamen, qui contendunt, jus istiusmodi in Rectorem civitatis semper absque ulla exceptione competere populo, prouti ex iis, quæ demonstravimus, obvium est. Recte observat *Grotius* de J. B. & P. lib. 1. c. 3. §. 8. sententiam istam, qua summitas imperii sine omni exceptione ad populum restringitur, innumeris malis causam dedisse & dare etiamnum posse, seditionibus scilicet, conjurationibus, tumultibus, bellis intestinis, dissentiente licet *Gronovio* in Notis ad hunc locum, qui Regum potius ac Magistratum iniquitatem istis malis causam dedisse mavult. Inde tamen non sequitur summitatem imperii penes populum neutiquam esse, seu populum imperium transferentem summitem ejus sibi retinere non posse, cum Rectoris civitatis jus metiendum sit ex voluntate populi imperium transferentis (§. 43.), nec de eo quæstio sit, quid exinde sequatur, si populus hac potius, quam alia lege transtulerit, & num prudenter, vel imprudenter fecerit, quod hac potius, quam alia lege transtulerit.

§. 60.

Imperium civile, seu publicum consistit in jure determi- In quonam
nandi ea, quæ ad bonum publicum promovendum requiruntur. imperium
 Etenim est jus universis in singulos in civitate competens *civile consti-*
 (§. 32.). Quamobrem cum idem metiendum sit ex fine *stat.*
 civitatis (§. 30.), seu bono communi (§. 9. 13.), vel pu-
 blico (§. 23.), nec ultra eas actiones, quæ ad bonum pu-
 blicum consequendum pertinent, extendi possit (§. 35.);
 erit utique jus determinandi ea, quæ ad bonum publicum
 promovendum requiruntur.

Qui in civitatem cœunt, hunc finem sibi propositum ha-
 bent, quod conjunctis viribus bonum commune promovere
 velint (§. 4. 9.), & ad hoc singuli sese universis & universi
 singulis obligant (§. 28.). Dum volunt finem, necesse etiam
 est ut velint media, sine quibus illum consequi non datur.
 Ea igitur media determinanda sunt & per consequens jus
 universis competens in singulos aliud esse nequit, quam jus
 determinandi ea, quæ ad bonum publicum promovendum re-
 quiruntur. Imperantis itaque est præscribere media, quibus
 bonum publicum consequi datur. Quamobrem qui intimus
 perspicit, in quonam bonum publicum consistat; is quoque
 intime perspicit, in quonam imperium civile consistat.

§. 61.

Imperium civile, seu publicum varia complectitur jura, An imperi-
quæ a se invicem separari possunt, seu non necessario eidem subjecto um publi-
simul insunt. Etenim imperium publicum consistit in jure *cum sit jus*
 determinandi ea, quæ ad bonum publicum promovendum *indivisum.*
 requiruntur (§. 60.). Quamobrem cum bonum commune
 civitatis, hoc est, publicum (§. 23.), consistat in eo, ut ci-
 vitas abundet iis, quæ ad vitæ necessitatem, commoditatem

& jucunditatem faciunt, & ut felicitati singulorum sufficienter prospiciatur, ut tutus quilibet sit ab injuria aliorum & a vi externa hostium, ipsa denique civitas satis potens ad huic resistendum (§. 9.), consequenter plura a se invicem distincta complectatur; imperium quoque complectitur tot jura diversa, quot diverse illorum, quæ ad bonum publicum pertinent, concipi possunt classes. Varia igitur complectitur jura. *Quod erat primum.*

Enimvero si fines illos diversos, qui simul intenduntur, & in quibus bonum publicum consistit, perpendere volueris, facile apparet, eos ita sese habere, ut unus absque altero intendi possit, nec posito uno ponantur quoque ceteri. Quamobrem etiam media ad unum consequendum necessaria per se minime dependent a mediis, quæ ad alium consequendum requiruntur. Qui itaque præscribit media fini uni consequendo necessaria, is non tenetur præscribere media fini cuidam alteri consequendo inservientia, consequenter cum jura ad imperium publicum pertinentia non consistant nisi in juribus præscribendi media ista (§. 60.); jura, quæ imperium summum complectitur, a se invicem separabilia sunt, nec necessario eidem subjecto simul insunt. *Quod erat alterum.*

Diversa illa jura, quæ imperium publicum continet, rectius distinguuntur, ubi ostenderimus, quænam ad Remp. rite instituendam requiruntur, consequenter quibusnam opus sit mediis, ut finis civitatis ex asse obtineatur. Ut tamen non prorsus obscura maneant, quæ hic demonstrantur, exempli saltem loco unum vel alterum horum jurium commemorare libet. Pertinent nimirum ad imperium publicum jus ferendi leges, jus decidendi controversias civium de jure, jus puniendi delicta, jus belli, jus tributa indicendi, jus circa sacra.

§. 62.

Imperium plenum dicitur, quod omnia jura comple- *Imperium*
ctitur ad imperium civile spectantia, nullo prorsus excepto: *plenum* &
Aliud plenum autem, quod non omnia jura complectitur *minus ple-*
ad imperium civile spectantia, sed a quo unum, vel alterum *num.*
eorum ademptum. Quoniam jura omnia ad imperium civile
spectantia non necessario simul insunt eidem subjecto (§. 61.),
si imperium in alium, vel alios transfertur, vel plenum, vel mi-
nus plenum transferri potest, prouti populo transferenti visum
fuert (§. 36.)

Ita e. gr. populus sibi retinere potest jus belli inchoandi,
vel tributa indicendi, seu onera nova imponendi.

§. 63.

Diversa illa jura, quorum unum absque altero subsi- *Partes im-*
stere potest, quæ tamen simul sumta imperium publicum *perii* & *ejus*
constituunt, dicuntur *Partes imperii*. Partes hæc *Grotius divisibilis.*
vocat *potentiales*. Atque hinc patet, *imperium plenum consi-*
derari ut totum nulla sui parte diminutum, minus plenum autem
ut partem ejus, seu complexum quendam partium potentia-
lium quarundam, aut, si mavis, *ut imperium parte una, vel*
altera diminutum. Immo porro patet, *imperium civile esse di-*
visibile in partes potentiales.

§. 64.

Quoniam imperium civile divisibile est in partes *Quomodo*
potentiales (§. 63.), a populi autem voluntate dependet, divisio fieri
quomodo imperium in alium transferre velit (§. 36.); si possit.
populus imperium in alium transfert, aut indivisum transferre,
aut in partes potentiales dividere, & partem divisam vel sibi reti-
nere, vel certa lege in alium, vel alios transferre potest.

Ita

Ita imperium in Rep. Hebræorum divifum erat ea lege, ut jus circa facra Pontifici maximo, jus autem circa profana Regi competeret.

§. 65.

De summitate imperii potest pro qualibet parte divisa.

Si imperium dividitur in partes potentiales, summum esse videtur in partes potentiales, diversa illa jura, quæ completur, & quorum unum absque alio subsistere potest, separantur, ut in diversis subjectis subsistant (§. 61. 63.). Enimvero summitas respicit exercitium imperii totius & singulos ejus actus facit inde pendentes a voluntate alia, quam exercentis (§. 44.), consequenter divisio minime obstat, quo minus actus ad exercitium cujuslibet juris spectantes maneant independentes ab alia, quam exercentis voluntate. Imperium itaque, si dividitur in partes potentiales, summum esse potest pro qualibet parte divisa.

Ita in Rep. Hebræorum non minus jus Pontificis maximi circa facra, quam jus Regis circa profana summum erat, ita ut neutri competeret jus in actus alterius, eos scilicet, qui ad exercitium juris sui pertinebant. Sunt equidem qui absurdum dicunt duplex summum imperium in eadem civitate; sed cur absurdum sit, nulla ratione solida evincunt. Sane absurdum minime reputant, ut populus quædam jura ad imperium spectantia sibi retineat, in quibus dependere non vult a Rectoris voluntate. Nonne vero perinde est, siue jus sibi reservatum exerceat per se, siue idem transferat in alium, ut idem exerceat, prouti sibi videtur? Ex eo, quod corpus humanum sit monstruosum, si duo habeat capita, minime sequitur, Remp. fore monstruosam, in qua duo existunt imperia summa. Absurditas demum probata intelligitur, si demonstratum fuerit, imperio summo diviso finem civitatis obtineri minime posse, sed ex hac divisione sequi, quæ eidem e diametro

esse potest. Et eodem modo patet, *imperium minus plenum etiam absolutum esse posse.*

§. 68.

An plenum pro parte limitatum, pro alia absolutum.

Immo quoniam imperium in partes potentiales divisibile, hoc est, in jura, quæ sigillatim subsistere possunt (§. 63.), consequenter non implicat, ut, si omnia jura, quæ ad illud spectant, hoc est, imperium plenum (§. 62.), transferantur in unum, quoddam exercitium certis regulis adstringatur, vel a consensu certorum quorundam suspendatur, aliorum vero exercitium judicio habentis prorsus liberum relinquatur; imperium vero limitatum est, cujus exercitium certis legibus adstrictum, vel a consensu certorum quorundam suspensum, absolutum vero, quod ita limitatum non est (§. 66.); si *imperium plenum transferatur, pro aliqua parte limitatum, pro reliqua absolutum transferri potest, prout scilicet populo transferenti visum fuerit (§. 36.).*

Omnis diversitas imperii oritur a voluntate populi idem in alium, vel alios transferentis. Cumque jus externum ex eadem unice metiendum sit, de jure Rectori civitatis competente ex principiis intrinsecis judicium fieri nequit. A diversitate autem imperii in Rectorem translati pendet diversæ regiminis formæ.

§. 69.

De imperio temporario & precario.

Imperium dicitur temporarium, quod ad certum tempus alicui confertur. Ei quodammodo affine est Precarium, quod confertur sub hac clausula, quamdiu voluerimus, seu quamdiu placuerit. Unde patet, elapso tempore, ad quod imperium concessum, idem redire ad populum, precarium vero esse quolibet momento revocabile.

Regnum

Regnum precarium olim fuisse *Vandalorum* in Africa & *Gothorum* in Hispania, observat *Grotius* de I. B. & P. lib. 1. c. 3. §. 11. n. 3. & idem in *Notis de Herulis, Longobardis, Burgundis, Moldavis, Norwegis* aliisque refert. Quamvis vero absurdum videatur nonnullis, imperium precario habere; minus tamen absurdum existimari debet, quam Regem ita subjicere populo, ut morte, vinculis & exilio puniri possit, quemadmodum olim in Scotia moris fuit (not. §. 59.). Minus incommodi habet imperium ex pacto revocare, quam Regem in judicium vocare, ut administrationis imperii rationem reddat, & pœnæ nomine imperio ipsum exuere, immo gravius in eundem animadvertere.

§. 70.

Imperium temporarium absolutum & summum esse potest. Quale esse
 Qui enim imperium temporarium habet, is ad certum tempus idem exercendi jus habet (§. 69.). Enimvero propterea quod imperium saltem ad certum tempus exerceri possit, necesse non est ut exercitium certis legibus adstringatur, aut ad ejus actus consensus populi, vel aliorum quorundam requiratur, consequenter ut imperium sit limitatum (§. 66.). Quamobrem cum imperium absolutum sit, quod limitatum non est (§. cit.); imperium temporarium absolutum esse potest. *Quod erat unum.*

Similiter si imperium ad certum saltem tempus exercendum in aliquem transfertur, opus non est, ut populus sibi reserret jus in actus ejus, quo eos irritos reddere possit, quando displicuerint, modo exercendi imperium a tempore minime pendente, quod per se patet. Quamobrem cum imperium temporarium sit, quod non nisi ad certum tempus collatum (§. 69.), summum vero, si nemini in actus ejus

jus quoddam competit (§. 44.); imperium temporarium summum esse potest. *Quod erat alterum.*

Grotius loc. cit. n. 12. regni temporarii exempla affert potestatem Amymonum apud Cnidios & Dictatorum apud Romanos. Horum autem imperium utique erat summum & absolutum. Equidem alii contendunt, dictatorem non fuisse monarcham, sed saltem magistratum extraordinarium; hanc tamen controversiam in presenti nostram non facimus. Nobis enim sufficit demonstrasse, non implicare, ut imperium temporarium sit & absolutum, & summum, & exempli saltem loco adduximus Dictaturam Romanorum, de qua quid verius statuendum sit, e re nostra non est. Multo minus autem refert, quo titulo compellare Dictatorem velis.

§. 71.

*Idem porro
expenditur.*

Imperium temporarium limitatum esse potest & stante imperio temporario summitas populo reservari. Quando enim imperium alicui conceditur ad certum tempus, hoc minime obstat, ut exercitium ejus ad certas leges restringatur & ad nonnullos actus populi, vel certorum aliorum consensus requiratur, quod per se patet. Quamobrem cum imperium limitatum sit, ubi hoc obtinet (§. 66.), idem vero sit temporarium, si ad certum saltem tempus concessum (§. 69.); imperium temporarium limitatum esse potest. *Quod erat primum.*

Similiter quamvis imperium saltem ad certum tempus alicui conferatur, hoc tamen non obstante populus sibi reservare potest jus in ejus actus, ut, prouti placuerit, eos irritos reddere possit. Quamobrem cum in hoc jure consistat summitas imperii reservata (§. 44.); stante imperio temporario summitas populo reservari potest. *Quod erat alterum.*

§. 72.

§. 72.

Imperium precarium tam absolutum, quam limitatum esse. Quale sit se potest, summum vero esse nequit. Imperium enim precarium confertur sub hac clausula, quamdiu placuerit, ac ideo *precarium*. quolibet momento, consequenter ob quemlibet actum, qui displicuerit, revocabile est (§. 69.). Quamobrem facile patet, necesse non esse, ut certus agendi modus imperanti praescribatur, nec ei injungatur, ut ad certos quosdam actus aliorum consensus requiratur; fieri tamen utrumque posse, siquidem ita visum fuerit. Quoniam itaque in casu priori imperium absolutum est, in posteriori autem limitatum (§. 66.); imperium precarium tam absolutum, quam limitatum esse potest. *Quod erat unum.*

Enimvero quoniam imperio saltem precario concesso populus sibi reservavit jus idem ob actum quemlibet revocandi, qui displicuerit (§. 69.); quando imperium saltem precario alicui conceditur, populus sibi reservat jus in singulos actus ejus, quem Rectorem constituit. Quamobrem cum imperium summum non sit, in cujus actus populo jus quoddam competit (§. 44.); imperium precarium summum esse nequit. *Quod erat alterum.*

Summitati nihil magis adversatur, quam precarium. Etsi autem libertati maxime favere videatur; saluti tamen civitatis parum convenit, quoniam de revocabilitate non semper idem est omnium judicium & factiones facile in diversam abeunt sententiam.

§. 73.

Imperium limitatum per se summum non est. Etenim si imperium limitatum est, exercitium ejus certis legibus adstrictum & quoad actus nonnullos consensus, vel universi populi, *An imperium limitatum summum*

mum esse possis. vel certorum quorundam ex populo requiritur (§. 66.), consequenter exercitium ejus non est independens ab alterius cujusdam voluntate. Quamobrem cum imperium summum non sit, nisi ejus exercitium sit prorsus independens ab alterius cujusdam voluntate (§. 44.); imperium limitatum per se summum non est.

Reservavit nimirum populus sibi aliquod jus in actus imperantis, tum quatenus eos certis legibus alligavit, tum quatenus ad eos consensum certorum aliorum necessario requirit, cum non alio fine id fiat, quam quod nolit unice dependere a voluntate imperantis, nisi aliud sufficienter indicaverit (§. 81.)

§. 74.

*Quomodo
imperium
limitetur.*

Si imperium limitatur, ejus exercitium certis legibus adstringitur in iis, qua semper eodem modo fieri possunt, ad ea vero, de quibus nonnisi ex praesenti tempore judicium fieri potest, utrum sint e re civitatis, nec ne, consensus vel universi populi, vel certorum quorundam ex populo requiritur. Etenim si quædam semper eodem modo fieri possunt, de iis in antecessum constitui potest, quomodo fieri debeant, consequenter certa quædam regula præscribi, juxta quam imperans actus suos determinare tenetur (§. 475. *Ontol.*). Quamobrem cum regula istiusmodi lex sit (§. 131. *part. 1. Phil. pract. univ.*); in iis, quæ semper eodem modo fieri possunt, exercitium imperii certis legibus adstringi potest, dum limitatur (§. 66.). *Quod erat unum.*

Enimvero si qua sunt, de quibus nonnisi ex tempore praesenti judicium fieri potest, utrum sint e re civitatis, nec ne; de iis in antecessum constitui nequit, quid fieri debeat, cum circumstantiæ prævideri nequeant, unde pendet judicium istud, consequenter de modo agendi certa lex præscribi

præscribi nequit *per demonstrata*. Quamobrem si in iis populus unice a voluntate imperantis pendere nolit, necesse est ut ad ea determinanda requiratur vel populi universi, vel certorum quorundam ex populo consensus. *Quod erat alterum.*

Non alio fine limitatur imperium, dum in alium, vel alios transfertur, quam quod populus nolit in omnibus unice dependere ab imperantis, vel imperantium voluntate, tum quod imperans in dijudicando eo, quod salutis publicæ convenit, a vero facile aberrare possit, tum quod cupiditatibus haud raro in transversum abripi queat. Quoniam itaque non aliter caveri potest, ne in exercendo imperio, quod in unum, vel plures collatum, a bono publico aberretur, quam eo modo, quem insinuat propositio præsens; ideo hæc ipsa lumen definitioni imperii limitati plenam affundit (§. 66.). Exemplum casus prioris est, si lege caveatur, ne imperans propria auctoritate circa sacra quid mutet; casus vero posterioris, si sine consensu populi, vel certorum aliorum nova onera subditis imponere, vel bello alios laceßere nequeat.

§. 75.

Leges, ad quas observandas populus imperantem, seu De legum Rectorem civitatis adstringit, populi consensu tolli ac mutari possunt, prouti ipsi visum fuerit, modo jus Rectori questum non dimittitur. Etenim imperium res propria populi est (§. 34.), scriptorum consequenter de ejus exercitio pro arbitrio suo disponere abrogatione potest (§. 118. part. 2. *Jur. nat.*). Quemadmodum itaque & mutatione a voluntate ipsius dependebat, qua lege imperium in alium transferre (§. 36.), consequenter ad quarum legum observantiam Rectorem civitatis adstringere vellet; ita quoque ab ejusdem voluntate dependet, num leges istas tollere, vel mutare velit. Quamobrem consensu ipsius tolli, ac mutari possunt, prouti visum fuerit. *Quod erat unum.*

Quo-

Quoniam tamen Rectori civitatis jus, quod consensu populi imperium deferentis semel acquisivit, invito iterum auferri nequit (§. 336. *part. 2. Jur. nat.*), omnino autem jus aliquod quæsitum auferretur, si mutata lege, ad quam exercitium imperii delati adstrictum, jus ipsius diminueretur, quod per se patet; leges, ad quas observandas populus Rectorem civitatis adstrinxit, idem mutare nequit, si facta hac mutatione jus illius diminueretur. *Quod erat alterum.*

§. 76.

*De imperio
limitato in
absolutum
mutato.*

Quoniam populus leges, ad quas observandas imperantem adstrinxit, tollere potest (§. 75.), istis autem legibus sublatis, imperium limitatum fit absolutum (§. 66.); si Rectori civitatis imperium limitatum competit, populus idem in absolutum mutare potest.

Si imperium limitatum in absolutum convertitur, jus Rectoris augetur, non diminuitur (§. 66.). Quamobrem nil prorsus impedit, quo minus id fieri possit.

§. 77

*De legibus
fundamen-
talibus ci-
vitatıs.*

Leges istæ, ad quarum observantiam adstringitur Rector civitatis in exercitio imperii, dicuntur *Leges fundamentales civitatıs*. Quamobrem patet, per *leges fundamentales limitari imperium Rectoris civitatıs*, easque tolli ac mutari posse, modo, mutatione non diminuasur jus imperantis, seu Rectoris civitatıs.

Rector civitatis leges fundamentales pro lubitu mutare, vel tollere nequit. Repugnat enim, ut quis obligetur ad certarum legum observantiam, quas pro lubitu ipse mutare, vel prorsus tollere valet: id enim perinde foret, ac si alicui liberum relinqueretur, utrum eas observare vellet, nec ne.

§. 78.

§. 78.

Lex fundamentalis civitatis est, ut Rector ejus in certis Lex fundam-
negotiis requirat consensum vel populi universi, vel certorum mentalis de
quorundam ex populo. Etenim si Rectori civitatis præscribi- *consensu*
 tur, ut in certis negotiis vel populi universi, vel certorum quo- *aliorum in*
 rundam ex populo consensum requirat; regula ipsi præscribi- *certis nego-*
 tur, juxta quam actus imperii in certis casibus obvenientibus *sis requi-*
 determinandi (§. 475. *Onsol.*), nimirum quod eundem submit- *rendo.*
 tere debeat judicio vel populi universi, vel eorum, quos
 populus nominavit. Quamobrem cum ad requirendum
 populi, vel certorum quorundam ex populo consensum Re-
 ctor civitatis obligetur, *per hypoth.* & istiusmodi regula lex
 sit (§. 131. *part. 1. Phil. pract. univ.*), lex vero talis sit lex
 fundamentalis civitatis (§. 77.); ad leges fundamentales
 civitatis utique referendum, ut Rector ejus in certis negotiis
 requirat consensum vel populi universi, vel certorum quo-
 rundam ex populo.

Non est quod excipias, si ad leges fundamentales civitatis
 referendum, ut Rector civitatis in certis negotiis aliorum consen-
 sum requirat, non opus esse, ut in definitione imperii limitati re-
 quisito consensus aliorum distinguatur ab adstrictione imperii
 ad certas leges (§. 66.); aliud enim est actum quendam per
 legem determinare, qualis semper esse debet, aliud vero actum
 quendam in singulari submittre judicio alieno, ac determina-
 tionem ejus suspendere ab alterius voluntate (§. 74.).

§. 79.

Si Rector civitatis, qui absolutum imperium habet, ipse De legibus,
certas leges constituit, juxta quas imperium exercere velit, vel quas sibi-
etiam certum concilium, sine cujus approbatione quid facere nolit; met ipse Re-
illas tamen leges non semper necessario sequi tenetur, immo eas Rector civita-
 (Wolffii *Jur. nat. Pars VIII.*)

G

*pro-
 priis præscri-
 bis.*

prorsus tollere potest, si aliter visum fuerit, ac similiter etiam improbante concilio facere poterit, quod sibi visum fuerit. Etenim si Rector civitatis imperium habuerit absolutum, ejus exercitium ad certas leges adstrictum non est, nec ad quosdam actus requirere tenetur aliorum consensum (§. 66.). Quoniam itaque ipsi prorsus liberum est, quomodo imperium exercere velit; si certas leges constituit, juxta quas idem exercere velit, consequenter de iis, quæ semper eodem modo fieri possunt, in antecessum constituit, quod ipsi hoc modo saluti civitatis optime prospici videtur, consequenter quia hoc modo imperium exercere placet. Enimvero cum exinde non sequatur, quod sibi ademerit jus aliter faciendi, si aliter saluti civitatis prospici rectius posse judicaverit; ab ipsius utique voluntate unice dependet, num in casu dato legem, quam sibi ipse præscripsit, sequi velit, an nolit, immo num eam prorsus tollere velit. Quamobrem eas non semper necessario sequi tenetur &, si ita visum fuerit, eas denuo tollere potest. *Quod erat unum.*

Quodsi certum concilium constituat, sine cujus approbatione nil facere velit; id denuo sua sponte facit, nec propterea sese obligavit huic concilio, quod eorum judicio stare debeat. Semper itaque ab ejus voluntate adhuc dependet, utrum negotium ad concilium deferre, & ubi detulerit, utrum ejus judicio stare velit, nec ne. Quamobrem concilio etiam improbante facere poterit, quod sibi visum fuerit. *Quod erat alterum.*

Nemo seipsum obligare potest ad aliquid faciendum, vel non faciendum, cum nemo se ipsum cogere possit, ut faciat, vel coërcere, si nolit. Quamobrem quoque leges, quas quis sibi ipse præscribit, proprie loquendo leges non sunt, sed saltem regulæ, quas quis sibi observare proposuit. Immo quando

quando quis sibi proponit certum agendi modum, id omnino fecit ea reservatione, quod eum sequi velit, quamdiu commodum visum fuerit, ab eo autem recedere, si aliter magis fini a se intento convenerit. Similiter concilium, ad quod libere defert Rector civitatis negotium, de quo ex presenti tempore statuendum, consiliariorum munere tantummodo fungitur; non autem eam ipsi contulit auctoritatem, ut, quod decreverit, id ipse facere teneatur. Nemo sane intelligitur abdicare absolutum imperium, nisi expresse declaraverit, se eodem uti nolle.

§. 80.

Imperium absolutum non fit limitatum, nec desinit esse An per eas summum, si Rector civitatis sibi ipse certas leges constituit, imperium quas sequi velit, vel certum concilium, sine cuius approbatione quid sit limitatum facere nolit. Etenim si absolutum habet imperium, leges illas necessario sequi non tenetur, si aliter ipsi visum fuerit, nec esse immo eas prorsus tollere potest, atque improbante concilio summum. facere, quod sibi videtur (§. 79.). Quamobrem cum imperium limitatum non sit, nisi Rector civitatis certas leges observare & ad certa negotia aliorum consensum requirere teneatur (§. 66.); si ipse sibi certas leges constituit, quas sequi velit, vel certum concilium, sine cuius approbatione quid facere nolit, per hoc imperium absolutum, quod habet, non efficitur limitatum. *Quod erat unum.*

Quoniam contra leges, quas sibi constituit Rector civitatis imperium absolutum habens atque summum, facere, immo eas tollere potest, & quod concilium a se constitutum improbat facere (§. 79.); propterea nemini nascitur jus in actus ipsius, quod leges istas, vel concilium istiusmodi constituerit, cum in agendo hoc non obstante non depondeat nisi a propria voluntate. Quamobrem cum im-

perium summum sit, si ejus exercitium ab alterius ejusdam voluntate non dependeat (§. 44.); imperium non desinit esse summum, si Rector civitatis sibi ipse certas leges constituit, quas sequi velit, vel certum concilium, sine cujus approbatione quid facere nolit. *Quod erat alterum.*

Leges istiusmodi ac concilium Rector civitatis non constituit, nisi quatenus absolutum ac summum habet imperium: alias enim neutrum facere posset auctoritate propria, sed populi ad utrumque requireretur consensus (§. 44. 66.). Constitutio igitur tam legum, quam concilii cum sit actus imperii absoluti atque summi, ea nec extinguere potest jus, quod habet Rector civitatis, nec ex eadem præsumi ejus abdicatio. Quid enim absurdius, quam affirmare, quod jus amittatur exercendo, & ex eo, quod jure tuo utaris, colligere, quod id habere nolis? Si imperium transire deberet in limitatum, quod absolutum est, aut desinere esse summum, quod summum erat; non aliter hoc fieri poterat nisi singulari quodam pacto, quod Rector civitatis cum populo iniret, & quo se ad certas leges sequendas & ad actus nonnullos aliorum consensum adhibere obligaret, cum nemo alteri sese obligare possit nisi promittendo (§. 393. part. 3. Jur. nat.), nec Rector civitatis, qui imperium nonnisi in usufructu habet, imperium, quod ipsi collatum, pro libitu suo absque consensu populi immutare queat. Leges itaque Rector civitatis, qui illimitatum, seu absolutum imperium habet sibi constituere non intelligitur nisi cum tacita hac exceptione, nisi aliter agere consultius sibi visum fuerit. Et similiter concilium constitutum intelligitur cum tacita hac exceptione, quod ejus judicio stare velit, nisi aliud sibi esse civitatis magis visum fuerit.

§. 81.

*Quando populus Rector qua Rector civitatis facere, aut non facere debeat, non vero ex-
ri civitatis* *Si populus saltem exprimit voluntatem suam de nonnullis,
presse*

*preſſe declarat ſe ejus judicio ſtare nolle, ſi ſecus fecerit, aut con quada-
cilium conſtituit, ſine cujus conſenſu nihil eorum decernere valet; præſcribat
nullum ſibi jus in actus Reſtoris reſervat. Etenim quando po- per modum
pulus in delatione imperii voluntatem ſuam Reſtori civita- officii.
tis declarat, quomodo certos quosdam actus determinari
velit, conſequenter quæ in certis caſibus facere, aut non fa-
cere debeat, cum alia ſit obligatio interna, quæ conſcien-
tiam ſaltem Reſtoris ſtringit, alia externa, quæ effectum
quendam juris inter Regem & populum producit (§. 656. part.
1. Jur. nat.); nuda declaratione voluntatis ſuæ de modo ad-
miniſtrandi imperii non videtur populus aliud egiffe, quam
ut interne obligaret Reſtorem ad imperium ita exercendum,
cum pro vero habendum ſit, quod ſufficienter indicavit (§.
428. part. 3. Jur. nat.), conſequenter ultra id, quod dictum
eſt, obligatio Reſtoris extendi non poſſit. Quodſi ergo
non addat populus, ſe judicio Reſtoris ſtare nolle, ſi ſecus
fecerit, aut nullum concilium conſtituat, ſine cujus conſen-
ſu nihil illorum decernere valet; obligationem externam
introducere voluiſſe minime intelligitur, cum nulla adſint
ſufficientia ſigna voluntatis hujus, conſequenter nullum ſibi
jus in actus Reſtoris reſervavit.*

Tacite excepta non intelliguntur, niſi quæ negotio ipſi actu in-
ſunt, aut ex iis, quæ expreſſe dicuntur, colligi poſſunt. Summi-
tatis reſervatio facti eſt, adeoque non præſumitur. Quodſi ergo
populus eandem ſibi quoad certos actus reſervare velit, neceſſe eſt,
ut vel verbis, vel facto quodam ſufficienter declaret voluntatem
ſuam. Alias equidem juſtam habebit conquerendi cauſam,
quod Reſtor civitatis fecerit, quæ facere non debebat, ac fi-
dem, quam in ſuſcipiendo imperio dedit, ſefellerit, minime
autem jus actus, qui diſplicent, irritos reddendi.

§. 82.

*Imperium transferri nequis ea lege, ut populus univer- An bonitas
ſus & malitia*

actus sit *sus recte imperanti parere debeat, male autem imperanti resistere*
apta ad jus eumque coercere possit. Quoniam enim recte imperatur, si
populi & Re- quæ decernuntur ad bonum publicum promovendum faciunt
toris distin- (§. 60.), constat autem a posteriori de eo, quod ad bo-
guendum. num publicum promovendum facit, non omnium esse idem
 judicium, ut sæpe optime consulta habeantur pro pessimis &
 prava pro salubribus; bonitas & malitia actus non est apta
 ad jus Rectoris & jus populi distinguendum, sed si imperium
 inter populum & Rectorem dividi debet, necesse omnino
 est, ut juri utriusque tales assignentur fines, qui ex locorum,
 personarum, negotiorum discrimine unicuique parent.
 Quamobrem imperium nequit transferri ea lege, ut popu-
 lus universus recte imperanti parere debeat, male autem im-
 peranti resistere eumque coercere possit.

Non confundendus est casus propositionis præsentis cum
 eo, quo populus sibi reservat jus in omnes actus Rectoris civi-
 tatis, consequenter totius imperii summitatem (§. 44.).
 Tum enim imperium administrare tenetur juxta populi, non
 suam voluntatem, sicuti magistratus munere suo fungitur
 juxta voluntatem superioris, a quo constitutus, cujus judicio
 stare tenetur, & cujus judicio subjiciuntur omnes actus ipsius.
 Immo si rem penitus inspicias, tum Rector civitatis impe-
 rium nonnisi precario habebit.

§. 83.

An hoc omni
translationi

Quoniam imperium transferri nequit ea lege, ut po-
 pulus universus recte imperanti parere debeat, male autem
imperii insit imperanti resistere, eumque coercere possit (§. 82.); *fil-*
per modum sum omnino est, imperium omne transferri cum tacita hac ex-
ceptione, ut populus universus Rectori civitatis recte imperanti pa-
re rare debeat, ille autem si male imperet, populo subjiciatur, con-
 sequenter mutuam semper esse populi & Rectoris civitatis subje-
 ctionem (§. 141. part. 1. Jur. nat.).

Rector

Recte monet *Grotius* de I. B. & P. lib. 1. c. 3. §. 9. n. 2. si hoc admittatur, summam sequi confusionem, cognitionem de eadem re pro jure potestatis obtentu actus boni malive hinc ad se Rege trahente, inde populo, qualem rerum perturbationem introducere nulli populo in mentem venire potuit. Quomodo autem dividendum sit imperium inter populum & Rectorem civitatis, siquidem is plenum in hunc transferre nolit, & quomodo limitandum, si absolutum concedere detrectet, ex anterioribus abunde patet.

§. 84.

Omnis Rector civitatis, quacunque lege imperium in eum De officio fuerit translatum, obligatur ad faciendum ea, quæ ad bonum publicum promovendum requiruntur, & ad non faciendum ea, quæ Rectoris civitatis adversantur. Etenim Rector civitatis nemo est, nisi civitatis. quatenus imperium habet (§. 42.). Quamobrem cum imperium non consistat nisi in jure determinandi ea, quæ ad bonum publicum promovendum requiruntur (§. 60.), nec ultra eas actiones, quæ huc faciunt, extendi nequeat (§. 35.); Rector civitatis utique obligatur ad faciendum ea, quæ ad bonum publicum promovendum requiruntur, & ad non faciendum ea, quæ eidem adversantur, cumque non alio fine imperium in ipsum transferatur, nisi ut idem exerceat (§. 42.), non alia intentione in ipsum transfertur, quam ut decernat & exequatur ea, quæ bonum publicum exigit, consequenter ad hoc faciendum obligatur, quacunque lege imperium in ipsum fuerit translatum.

Imperium non mutatur quoad determinationes essentielles quæ notionem ejus ingrediuntur, sive dividatur in partes potentiales, sive limitetur quoad exercitium. Imperio essentielle est, ut omnes ejus actus sint media, quibus finis civitatis, commune scilicet, seu publicum bonum obtinetur; ex constitutione

tutione enim civitatis aliud jus nasci nequit nisi ad eos actus, quibus finis civitatis obtinetur. Essentialia vero, quæ rei insunt, immutabilia sunt (§. 300. *Ontol.*). Non amplius erit imperium civile, si fingatur quocunque modo jus faciendi alia, quam quæ ad finem civitatis consequendum requiruntur, aut talia, quæ eidem repugnant. Populus itaque imperium in alium transferens non aliud transfert jus quam faciendi, quæ ad bonum publicum consequendum faciunt, & hunc finem semper propositum habere debet Rector civitatis, sive pleno, absoluto ac summo utatur imperio, sive minus pleno & limitato. Obligatio hæc promovendi bonum publicum naturalis est, a qua nec Rector civitatis seipsum liberare, nec populus eum dispensare potest.

§. 85.

*De recto &
malo regi-
mine.*

Quoniam rector civitatis obligatur facere ea, quæ ad bonum publicum promovendum requiruntur, & ad non faciendum ea, quæ eidem adversantur (§. 84.), in exercitio autem imperii, quod in ipsum translatum (§. 42.), regimen consistit (§. 218. *part. 7. Jur. nat.*); Rector civitatis recte imperat, seu civitatem regit, si ea facit, quæ ad bonum publicum promovendum requiruntur, male autem imperat, si ea facit, quæ bono publico adversantur.

Regere civitatem non est, nisi determinare media, quibus bonum publicum promovetur, iisdemque uti, ut actu id promoveatur. Actus igitur Rectoris civitatis ad hunc finem tendunt: quodsi vero ab eodem aberrant, non facit is, quod est officii sui. Quousque vero ista aberratio eidem imputanda, suo demum loco disquiremus.

§. 86.

*De suprema
lege civita-
tis.*

Salus publica in civitate suprema lex est. Etenim civitas constituitur vitæ sufficientis, tranquillitatis & securitatis gratia

gratiâ (§. 14.), & qui in civitatem coeunt ad finem hunc conjunctis viribus consequendum sese sibi invicem obligant (§. 1. part. 7. *Jur. nat.*). Quicquid ergo in civitate ordinatur & a membris civitatis qua talibus fit, huc facere debet, ut universi vita sufficiente, tranquillitate & securitate fruantur. Quoniam itaque salus civitatis in non impedita frui-tione vitæ sufficientis, tranquillitatis & securitatis consistit (§. 17.); eidem convenienter determinanda sunt omnia, quæ ad civitatem spectant. Salus igitur publica in civitate suprema lex est (§. 475. *Ontol.* & §. 131. part. 1. *Phil. pract. univ.*).

Legem hanc observare tenetur non minus Rector civitatis, quam civis quilibet. Et vnica cura illius esse debet, ut saluti civitatis prospiciatur; ipsius etiam est curare, ne quis civium faciat eidem adversa, nec in ea promovenda negligentem se præbeat. Legem hanc ipsa natura constituit, quatenus civitates legi naturæ, quod rationem sufficientem in natura hominis atque rerum habet (§. 135. part. 1. *Phil. pract. univ.*), convenienter fuerunt constitutæ (§. 26.). Immo quatenus eadem voluntari quoque divinæ convenienter constitutæ fuerunt (§. 27.), eadem lex ipsi quoque Deo auctori tribui potest. Rectoris itaque obligatio ad salutem publicam promovendam & ei convenienter omne imperium exercendum non ex solo pacto venit, quo imperium a populo in ipsum translatum, sed a lege naturæ & ejusdem auctore Deo, consequenter naturalis est & divina (§. 141. 275. part. 1. *Phil. pract. univ.*) ac ideo absolute necessaria & immutabilis (§. 142. part. 1. *Phil. pract. univ.*), Rector civitatis, si vel maxime absoluto & summo imperio utatur, ab eadem liber non est, Deoque rationem administrationis imperii reddere tenetur.

§. 87.

Quoniam salus publica in civitate suprema lex est *Quomodo*
(*Wolffii Jur. Nat. Pars VIII.*) H (§. 86.) *imperium*

transferre (§. 86.), *si imperium deferretur in alium, non nisi eidem conveniēter modo transferri debet, cumque lege naturæ perfectiva populus obli-* obligemur ad id, quod melius est altero, eidem præferen-
getur. - *dum* (§. 193. part. 1. Phil. pr. & univ.), *populus lege ista obli-* gatur imperium transferre eo modo, quo salutis publicæ optime
prospicitur.

Lex naturæ, præsertim perfectiva, obligat populum ad circumspecte agendum, quando imperium in alium transferre decrevit. Observantia ejus spectat ad animum deliberatum (§. 387. part. 5. Jur. nat.). sine quo is imperium transferre minime debet (§. 390. part. 5. Jur. nat.). Male igitur facit, si non sufficienter perpendit, quomodo salutis Reip. optime prospiciatur, imperio in alium translato, & reprehenditur absque injuria, si non satis eidem prospexit. Non tamen ex hac obligatione metiendum est jus Rectoris civitatis, sed ex voluntate populi transferentis (§. 43.). Dubium, quod suboriri forsan hic poterat, per ea tollitur, quæ mox sequuntur.

§. 88.

Qua lege Quoniam suprema lex in civitate salus publica est
omne impe- (§. 86.); *imperium omne in Rectorem civitatis ea lege transla-* rum trans- sum intelligitur, sive absolutum fuerit atque summum, sive quod-
latum intel- cunque modo limitatum, us non exerceatur nisi salutis publicæ con-
ligatur. - *venienter.*

Salus enim publica lex naturalis est, atque divina, quæ & Rectorem civitatis, & populum in conscientia tenet, & a qua ne latum quidem unguem recedere debet. Omni ideo translationi imperii eadem per se inest, nec absque ea fieri potest. Imperium enim absolutum non est licentia, ut Rector civitatis pro lubitu facere possit etiam salutis publicæ adversa. Tale enim quid si fecerit, male imperat (§. 85.). Absurdum quoque foret præsumere, quod populus alia intentione trans-
tulerit

tulerit imperium in alium, ut is eodem abutatur in detrimentum salutis publicæ.

§. 89.

Quoniam imperium omne in Rectorem civitatis ea *Quo modo* lege translatum intelligitur, five absolutum & summum fuerit, five quocunque modo limitatum, ut idem non exerceat absolutum ac nisi salutis publicæ convenienter (§. 88.); si populus absolutum, tum atque summum transfert in alium, non eo transfert animo, ut isemque *imperium* id aliter quam salutis publicæ convenienter exerceat, sed iudicio limitatum rem ipsius relinquit, quid e re civitatis sit, & in eo sese acquiescere transferri velle declarat (§. 44. 46.), nec alio fine id limitat, si limitatum intelligatur. transfert, consequenter actus imperantis ad certas leges adstringit, vel a consensu certorum aliorum suspendit (§. 74.) quam quod putes hoc modo id salutis publicæ convenienter exerceri, ac præcaveri rectius posse, ne quid eidem adversum decernatur.

Imperium itaque absolutum & summum per se odiosum nomen non est, sed odium ab abusu accedit, quem non ultro concedit populus illud transferens, multo minus indirecte intendit, quasi ipsi perinde videatur, five Rector civitatis salutis publicæ prospiciat, five eidem noceat. Immo in summitate non intendit, nisi ut præcaveantur salutis publicæ adversa, veluti seditiones, conjurationes, tumultus, bella intestina. Similiter limitatum imperium non est invidiosum Rectori civitatis nomen, nec quicquam detrahit auctoritati ejusdem, cum limitatione non præcaveatur nisi abusus imperii, a quo is maxime alienum habere debet animum (§. 84. 85.), & ejusdem interest, ut regimen ipsius approbetur a populo, quoniam amari præstat, quam timeri, prouti suo loco clarius elucescet, quando de prudentia civili agemus.

§. 90.

*Imperium Rectoris civitatis tale est, quale populus in eum Quale sit
actu imperium*

Reſtoris ci- *Actu tranſtulit, non quale transferre debuerat.* Etenim impe-
visatis. rium civile eſt res populi propria (§. 34.), conſequenter de
 eo, tanquam re ſua, pro arbitrio diſponere poteſt (§. 118. *part. 2. Jur. nat.*), & quamvis idem naturaliter obli-
 getur transferre in alium nonniſi eo modo, quo ſaluti pu-
 blicæ optime proſpicitur (§. 87.) ipſi tamen vi libertatis
 naturalis permittendum eſt jure externo (§. 156. *part. 1. Jur. nat.*), ut jure ſuo, quod in imperio ha-
 bet, abutatur, conſequenter idem tranſferat eo modo, quo
 ſaluti publicæ non ſatis proſpicitur, quantum alio modo
 proſpici potuiſſet. Et licet populus in tranſferendo impe-
 rio non ſatis expenderit, quid e re civitatis ſit, conſequen-
 ter defecerit animus deliberatus (§. 387. *part. 3. Jur. nat.*),
 qui aſſeſſe debebat (§. 391. *part. 3. Jur. nat.*); de animo ta-
 men populi deliberato non ſtatuendum eſt Reſtori civitatis
 (§. 424. *part. 3. Jur. nat.*), ſed contra ipſum pro vero ha-
 betur, quod ſufficienter indicat, quando imperium tranſfert
 (§. 428. *part. 3. Jur. nat.*). Imperium itaque Reſtori civi-
 tatis tale competit, quale populus in eum actu tranſtulit, non
 quale transferre debuerat. •

Cum imperium ſpectari debeat tanquam res incorporalis,
 quæ originarie in dominio populi eſt (§. 34.); tranſlatio im-
 petii eſt alienationis quædam ſpecies, ſi nimirum ita tranſ-
 fertur, ut ſit in patrimonio Reſtoris civitatis (§. 662. *part. 2. Jur. nat.*), aut conſtitutio quædam uſusfructus in re ſua, ſi
 nimirum ita tranſfertur, ut Reſtor civitatis idem ſaltem exer-
 ceat, demta alienandi pro lubitu facultate (§. 1420. *part. 5. Jur. nat.*). Quemadmodum itaque dominus rem ſuam pro
 arbitrio ſuo alienare poteſt (§. 665. *part. 2. Jur. nat.*) &
 uſumfructum alteri in eadem conſtituere (§. 1441. *part. 5. Jur. nat.*), & nuda tranſferentis voluntate acceptans efficitur
 dominus rei, vel juſ iſtud acquirit, quod in eum ea transferre
 vult

vult (§. 13. *part. 3. Jur. nat.*); ita quoque Rector civitatis nuda populi voluntate jus in imperio acquirit, quod vel dominio, vel usufructui respondet, nec attendendum est, utrum populus recte faciat, nec ne, quod hoc, non alio modo imperium transferat. Distinguendum est jus externum, quod ex jure libertatis naturalis derivatur (§. 398. *part. 3. Jur. nat.*), a jure interno, quod ex obligatione naturali ortum habet (§. 396. *part. 3. Jur. nat.*). Illud tantummodo attenditur in translatione juris sui in alterum, minime autem hoc, cum alias nulla foret translatio juris satis firma, quæ non ex jure interno impugnari posset & lites difficillime, immo nunquam terminandas excitaret. Necesse autem est, ut jura hominum certa sint, ne continuis dissidiis sit locus, & vi libertatis naturalis conscientiæ uniuscujusque relinquendum, quomodo de jure suo disponat (§. 157. *part. 1. Jur. nat.*), sive recte, sive minus recte, modo tu non sis in causa, ut in gratiam tui minus recte disponat.

§. 91.

Si imperium in Rectorem civitatis transfertur, quale est De. habente in populo; imperium habes plenum, absolutum, summum idque imperium, jure proprietatis, seu in patrimonio. Cum imperium sit originale penes populum (§. 33.), & ex eo nascatur, quod *quale est in populo.* societatem multitudo hominum contraxerit (§. 213. *part. 7. Jur. nat.*); omnia omnino jura ad imperium pertinentia populus habet, consequenter plenum (§. 62.). Et quoniam quilibet populus liber est, ac ideo quoad exercitium imperii a nemine dependet, nisi a seipso (§. 153. *part. 1. Jur. nat.*); nemo quoque ad certum agendi modum, vel ad eonsensum aliorum requirendum eundem adstringere potest, consequenter imperium, quod habet, absolutum est (§. 66.). Quamobrem cum præterea imperium, quale est in populo, summum sit (§. 57.), & res populi propria (§. 34.); si idem in Re-

ctorem civitatis transferatur, quale est in populo, imperium utique is habet plenum, absolutum, summum, idque jure proprietatis, seu in patrimonio.

Non majus esse potest jus Rectoris civitatis, quam si imperium habeat, quale in populo est. Nihil enim tum desideratur, quod quomodocunque de imperio concipi potest.

§. 92.

Imperium *Imperium plene, seu pleno jure habere dicitur, qui id*
quinam ple- in patrimonio, seu jure proprietatis habet; *minus plene au-*
ne, quinam tem, qui id in usufructu habet. Quamobrem *Qui proprie-*
minus plene *trius imperii est, imperium plene, seu pleno jure habet; Qui usu-*
habeat. *fructuarius est, minus plene (§. 41.).*

Imperium, tanquam res incorporalis (§. 498. *part. 1. Jur. nat.*), perinde ac res incorporales aliae, in dominio populi est (§. 217. *part. 2. Jur. nat.*), prouti jam supra annotavimus (*not. §. 36.*). Quodsi ergo populus imperium in alium transfert, vel dominium plenum, quod in eo habet, hoc est, tam proprietatem, quam usufructum ejus in alium transfert, vel retenta proprietate saltem usufructum (§. 137. *part. 2. Jur. nat.*). In casu itaque priori Rector civitatis dominium plenum in imperio habet, in posteriori autem minus plenum. Inde est, ut, si respiciamus modum habendi imperium, distinguere omnino debeat, utrum quis id habeat pleno jure, an vero minus pleno. Et quia contingere potest, ut quis nullo jure habeat imperium, sibi tamen arroget vel dominium plenum, vel saltem usufructum ejus; ideo generaliter præciso jure ab habendi modo imperium haberi dicitur vel plene, vel minus plene.

§. 93.

Qualis sit
modus ha-

Quoniam imperium plene, seu pleno jure habet, qui id jure proprietatis habet (§. 92.), imperium autem origi-

originarie res populi propria est (§. 34.); *populus originarie habendi imperium habet plene, seu pleno jure.*

Cum ex pacto, quo civitas constituitur, oriatur imperium civile (not. §. 33.); nulla sane ratio est, cur idem non pleno jure habere debeat populus, cum nemo sit, qui sibi in imperio jus aliquod arrogare possit.

§. 94.

Similiter quoniam Rector civitatis imperium jure proprietatis habet, si in eum transfertur, quale est in populo (§. 91.), qui vero imperium jure proprietatis habet, is idem plene, seu pleno jure habet (§. 92.); *si imperium in Rectorem civitatis transfertur, quale est in populo, idem plene, seu pleno jure habetur.*

Nimirum si imperium consideratur, quale est in populo, quamdiu scilicet nemo alius idem sibi acquisivit, non solum consideratur imperium in se, verum etiam jus, quod in eodem habet populus, veluti quod sit jus populi proprium, seu in dominio ejus existens.

§. 95.

Imperium plenum, absolutum ac summum minus plene haberi potest; imperium autem minus plenum & limitatum plene. Etenim cum per se pateat, imperium esse diversum a modo habendi imperium, tanquam rem a jure, quod in ea habetur; quemadmodum jus, quod in re habetur, nihil mutat in re ipsa, ita nec modus habendi imperium nihil mutationis affert imperio, quod habetur. Quamobrem si imperium habeatur plene, siue minus plene (§. 92.); tale omnino erit, quale est, præciso habendi modo, consequenter si cui competat imperium plenum, absolutum ac summum, tale erit.

De modo habendi imperium plenum, absolutum, summum & minus plenum ac limitatum.

erit, sive minus plene, sive plene habeatur: ac idem intelligitur de imperio minus pleno & limitato. Patet itaque imperium plenum, absolutum ac summum haberi posse minus plene; ex adverso autem minus plenum & limitatum plene.

Quando imperium a populo transfertur in Rectorem civitatis, a voluntate ipsius dependet, qua lege idem transferre velit (§. 36.). Quamobrem non modo definire potest, quale esse debeat imperium, quod Rectori civitatis competere vult; verum etiam modum habendi imperium (§. 38. & seqq.). Utrobique regnat libera populi voluntas, & in hac quaerenda ratio est modi habendi imperium, non vero in imperio ipso. Quando nimirum statutum fuit, quale esse debeat imperium Rectori competens, nova omnino quaestio est, quomodo tale imperium habere debeat. Quaecunque igitur id fuerit, habere idem poterit tam plene, quam minus plene.

§. 96.

*Dominii
partes po-
tentiales
quam di-
cantur.*

Dominii partes potentiales dicuntur diversa illa jura, quæ in dominio continentur, veluti proprietas, jus fruendi & jus utendi.

Nimirum dominium, quatenus continet diversa jura, quorum unum absque altero subsistere potest, quæ vero simul sumta illud constituunt, partes habere fingitur, & respectu harum partium consideratur ut totum, eodem modo, quo supra imperium tanquam totum in partes potentiales divisibile spectavimus. Partes vero istæ sunt denuo divisibiles in alias partes, perinde ac totum. Ita e. gr. Proprietatis partes sunt jus alienandi & jus immutandi rem, quæ est in dominio. Jura autem in dominio contenta sigillatim existere posse concipiuntur, quatenus unum exerceri potest independenter ab altero, consequenter ab eo, qui altero caret. Ita re uti frui potest,

qui

qui non habet proprietatem. Fundum immutare potest,
qui non habet jus alienandi.

§. 97.

*Quot modis dominium dividi & partes ejus potentiales Quot modis
quacunq; limitari possunt; tot etiam modis variari potest modus ha-
habendi imperium. Jus, quod originarie in imperio populus bendi impe-
habet, dominium est (§. 498. part. 1. & §. 217. part. 2. Jur. rium varia-
nat.), consequenter modus habendi imperium a dominio de-ri possit.
pendet. Quamobrem si is variari debet, aut dominium di-
videndum in partes potentiales, veluti ut populo compe-
tat proprietat, rectori civitatis usufructus, vel partes poten-
tiales limitandæ sunt, veluti si Rectori civitatis competat jus
imperium transferendi in successorem, sed ita ut quorundam
ex populo requirere teneatur consensus. Tot igitur mo-
dis variari potest modus habendi imperium, quot modis
dominium dividi & partes ejus potentiales quacunq; li-
mitari possunt.*

Habemus hic principium generale, ex quo deduci potest,
quicquid de diversitate modorum habendi imperium concipi-
tur. Sane hinc fluunt ea omnia, quæ de modo habendi im-
perium in anterioribus fuerunt demonstrata. Etenim si domi-
nium transferatur indivisum, seu plenum, Rector civitatis im-
perium habet pleno jure, cum per omnia instar domini de eo
disponere possit; quod si vero usufructus tantummodo trans-
feratur, demta proprietate, dominium, in quo originarie im-
perium est, dividitur in partes potentiales, nimirum proprie-
tatem & usumfructum. Si imperium fuerit temporarium,
dominium non modo dividitur in partes potentiales, proprie-
tatem scilicet, quæ manet populo, & usumfructum, quæ
competit Rectori civitatis; verum etiam usufructus tanquam

(*Wolfii Jur. Nat. Pars VIII.*) I res

tes incorporalis limitatur, quatenus certo temporis spatio, circumscribitur.

§. 98.

An imperium infeudari possit.

Imperium infeudari potest. Est enim tanquam jus (§. 60.) res incorporalis (§. 498. *part. 1. Jur. nat.*). Quamobrem cum etiam res incorporales infeudari possint (§. 259. *part. 6. Jur. nat.*); imperium quoque infeudari potest.

Ostenditur idem etiam hoc modo. Quoniam divisione qualibet dominii definitur modus quidam habendi imperium (§. 97.); modus quidam habendi imperium etiam determinatur divisione illius in directum & utile inter duas personas sub conditione mutue fidelitatis. Enimvero hac divisione dominii pleni res infeudatur (§. 156. *part. 6. Jur. nat.*). Ergo eadem etiam infeudatur imperium. Atque adeo patet, imperium infeudari posse.

Exempla imperii infeudati abunde prostant in Germania. Quoniam vero ostendimus *c. 1. part. 6. Jur. nat.* dari adhuc alias dominii utilis species; non repugnat, modum habendi imperium iisdem quoque conformari. Ita modus habendi imperium concipi potest ad modum emphyteuseos, ut dominus utilis habens imperium in recognitionem dominii directi præster certam pensionem annuam domino directo & proprietatem habeat certa lege restrictam. Ceterum quæ de feudo & aliis dominii utilis speciebus demonstravimus, non sine cautione applicanda sunt ad modum habendi imperium, quando scilicet Rector civitatis imperium non habet, quale est in populo. Ita modus habendi imperium respectu populi per modum feudi sese habere potest, alias tamen adhuc determinationes admittit in Rectore civitatis, quatenus is non habet imperium infeudatum, quale in populo est. Sed de hisce apertius dicere non est hujus loci. Ne tamen dixisse videamur,

mur, quæ intelligi nequeunt, provocare tantummodo libet ad imperia infeudata, in quibus certa lege succeditur. Tum enim dominium utile, in quo feudum consistit, divisum est inter Rectorem civitatis & populum, ita ut ille tantummodo habeat usumfructum, hic vero eam proprietatis partem, quæ dominio utili adhuc adhæret, etsi certa lege restrictam, ex qua jus succedendi venit. Non tamen negamus, nec in hoc casu modum habendi imperium semper eundem esse, propterea quod dominium utile quoad partes suas potentiales varias admittit limitationes.

§. 99.

Imperium deferri potest per modum fidei commissi, hoc est, De morbo ea lege, ut post certum tempus, vel moriens id restituat certo cui- bendi impe- dam alteri. Quoniam enim a populi voluntate unice de- rium fidei- pendet, qua lege imperium alii deferre velit (§. 36.) & ex commisso si- voluntate transferentis metiendum est omne jus Rectoris ci- mili. vitatis (§. 43.), per se autem patet, fieri posse, ut Rector civitatis certo tempore elapso, vel etiam moriens id certo cuidam alteri restituat; quin hac lege transferri possit impe- rium, dubitandum non est. Quamobrem cum fideicommissum sit, si hæreditas, vel etiam legatum ea lege alicui deferratur, ut illam, vel hoc alii restituat (§. 1070. part. 7. Jur. nat.); si imperium defertur ea lege, ut post certum tempus Rector civitatis, vel quando moritur certo cuidam alteri idem restituat, per modum fideicommissi defertur.

Imago fideicommissi conspicitur in successione lineali, de qua deinceps suo loco agemus.

§. 100.

Imperium infeudatum absolutum, plenum ac summum An impe- esse potest, habetur tamen minus plene. Etenim quando impe- rium infen- rium datum sum-

num, plenum, absolutum esse possit & quinam sit modus habendi. rium infeudatur, dominium, cui originarie subjectum est imperium, dividitur in utile & directum, ita ut utile sit penes Rectorem civitatis & populum, vel etiam penes istum solum, directum vero penes dominum directum (§. 156. *part. 6. Jur. nat.*), consequenter infeudatio unice respicit modum habendi imperium, non vero imperium ipsum (§. 97.). Quodsi ergo imperium, quod infeudatur, fuerit plenum, absolutum ac summum, tale etiam manebit, ubi infeudatum fuerit, consequenter infeudatum absolutum, plenum & ac summum esse potest. *Quod erat primum.*

Quoniam tamen dominium directum, quod habet dominus feudi, seu directus (§. 158. *part. 6. Jur. nat.*), consistit in parte proprietatis per ejus restrictionem populo & Rectori civitatis adempta (§. 3. *part. 6. Jur. nat.*); imperium infeudatum non habetur jure plenae proprietatis, consequenter minus plene. *Quod erat alterum.*

Nihil in hisce difficultatis est, modo intelligatur, quomodo differat imperium a modo habendi imperium, & quod a modo habendi imperium minime dependeat, quale sit imperium (*not. §. 95.*). Et quamvis vassallus ad certas praestationes domino feudi teneatur, veluti ad mittenda auxilia, si is bello implicetur; id tamen minime obstat, quo minus omnia jura ad imperium spectantia, nullo excepto, habeat & eadem prorsus libere exerceat, nec cuiquam competat jus aliquod in actus ipsius, consequenter ut imperium sit plenum (§. 62.), absolutum (§. 66.) atque summum (§. 44.). Infeudatio itaque per se domino directo nullum tribuit jus in imperio, quo actus idem exercentis dependentes efficerentur a voluntate illius, sed tantummodo in modo habendi imperium, ne de ejus alienatione libere disponere possit Rector civitatis vel populus, & in certo casu jus ad imperium, de quo in infeudatione conventum, veluti ut idem feloniam amittatur (§. 452. *part. 6. Jur. nat.*).

nat.), vel extincta familia Rectoris civitatis sit domini directi (§. 326. part. 6. Jur. nat.).

§. 101.

Infeudatio summitati imperii derogare potest, si substantialibus feudi superaddantur quædam determinationes, quibus domino directo tribuitur aliquod jus in actus imperii. Quando infeudatio enim a voluntate feudum constituentis dependet, quas determinationes substantialibus superaddere velit (§. 164. part. 6. Jur. nat.); quando imperium infeudatur, conveniri etiam potest, ut domino directo competat aliquod jus in actus imperii. Quamobrem cum imperium summum non sit, si cuiusdam alteri, quam habenti, competit jus quoddam in actus ejusdem (§. 44.); infeudatio summitati imperii derogare potest, si substantialibus feudi superaddantur quædam determinationes, quibus domino directo tribuitur jus aliquod in actus imperii.

Si populo ita videtur, is actus Rectoris civitatis subijcere quoque potest certa quadam lege Rectori civitatis alterius, vel populo cuiusdam alteri, ita ut huic competat jus aliquod in eodem. Hoc in casu utique summitati imperii derogatur, quæ nec pleno jure apud imperantem, nec penes populum est. Quidni ergo etiam ita conveniri possit in infeudatione imperii, ut domino directo competat quoddam jus in ejusdem actus, præsertim si imperium in feudum detur.

§. 102.

Imperium per modum fidei commissi delatum summum quale esse potest, absolutum ac plenum. Facile patet, si imperium possit imper per modum fideicommissi delatur, id saltem respicere modum per dum habendi imperium, non vero ipsum imperium, cum modum fideicommissi aliud inde sequatur, quam ut imperium alteri cuiusdam delatur, absolutum.

tuatur, quale fuit delatum (§. 1070. *part. 7. Jur. nat.*), consequenter si imperium fuerit summum, absolutum ac plenum, quod quis accepit, idem quoque qua summum, absolutum ac plenum restituendum sit. Quamobrem patet, imperium per modum fideicommissi delatum summum, absolutum ac plenum esse potest.

Huberus de Jure Civit. lib. 1. sect. 3. c. 2. §. 28. (imperium Regum electivorum per modum fideicommissi haberi existimat: quod in presenti discutere nolumus, sed eo sine tantum addimus, ne quis putet, modum habendi imperium per modum fideicommissi esse adeo absurdum, ut nemini unquam jurium perito in mentem venerit. Quamobrem nec absurdum videri debet, quod ulterius inquiramus, an modus habendi imperium per modum fidei commissi obstat, quo minus id vel summum, vel absolutum, vel plenum esse possit.

§. 103.

An dominium fundorum aut rerum civium pertineat ad imperium. Imperium non includit dominium fundorum, vel rerum quarumcunque civium. Imperium enim civile, seu publicum consistit in jure determinandi ea, quæ ad bonum publicum requiruntur (§. 60.), & in genere imperium nullum est nisi jus quoddam determinandi actiones liberas alterius (§. 194. *part. 7. Jur. nat.*), consequenter imperium civile non est nisi jus quoddam in actiones civium, quatenus nimirum eadem ad bonum publicum promovendum faciant (§. 74.). Quamobrem cum dominium sit jus disponendi de rerum singularium substantia, fructu & usu (§. 131. 135. 136. *part. 2. Jur. nat.*); hoc cum imperio nihil commune habet. Imperium igitur non includit dominium fundorum, vel rerum quarumcunque civium.

Ipsa civitatum origo satis aperte loquitur, in civitatem coeuntes

coëuntes dominia rerum non abdicare, nec abdicare teneri. Coëunt in civitatem tranquillitatis & securitatis causa (§. 13.), ad quem finem etiam pertinet, ut dominia rerum sint tuta, nec aliorum vi exposita (§. 9. 11. 12.). Inter motiva in civitatem coëundi referendum quoque est, quod res suas singuli adversus vim & machinationes aliorum non satis defendere poterint, & quod jure suo secure frui voluerint. Absurdum itaque est imperium civile confundi cum dominio fundorum & rerum quarumcunque civium.

§. 104.

Quoniam imperium non includit dominium fundorum, *An cum imperium, vel rerum quarumcunque civium (§. 103.); quando perio trans-imperium in alium transfert populus, non fundorum dominium, feratur. multo minus dominium ceterarum rerum, quas singuli habent, in eundem transfert, consequenter Rector civitatis, cum non plus juris habeat, quam populus in eum conferre voluit (§. 43.), fundorum dominus non est, multo minus dominus rerum ceterarum, quas cives singuli habent, & si contingat, dominium fundorum, vel rerum etiam aliarum cum imperio conjungi, erit tamen hoc ius ab imperio distinctum, consequenter id habebit non qua Rector civitatis, sed qua dominus fundorum, vel rerum etiam aliarum.*

Imperium atque dominium etsi sint duo jura distincta, non tamen ita sibi contrariantur, ut in eodem subjecto simul existere nequeant. Unde nec desunt exempla Regum, qui simul fundorum domini fuerunt. Ita constat Reges Ægypti consilio Josephi effectos fuisse fundorum dominos, Gen. XLVII. Ex de Regibus Indorum idem tradunt Diodorus lib. 2. & Strabo lib. 15.

§. 105.

Quoniam dominium fundorum, vel rerum etiam *An qui im-*
aliarum perium ab.

solutum & aliarum, quas cives habent, ad imperium minime pertinet *summum* (§. 103.); si *Rektor civitatis imperium habeat plenum, absolute de re-tum & summum, non tamen ideo de rebus civium in utilitatem bus subdito-suam disponere potest pro lubitu*, & si *Rektor civitatis fuerit fun- rum in utili-dorum, vel rerum, quas singuli in civitate habent, dominus, impe- tatem suam rum habere potest minus plenum ac limitatum, nec dominium pro lubitu quicquam facit ad modum habendi imperium, ut, sive illud adfue- disponere rit, sive abfuerit, hoc haberi possit tam plene, quam minus plene. possit.*

Hinc minime repugnat, ut, qui fundorum dominus est, imperium exercere teneatur prorsus ad populi voluntatem, sequendo nempe in omnibus ac singulis præscriptum agendi modum, & ubi quædam emergunt, de quibus nonnisi ex præsentī statuendum, requirendo populi, vel certorum quorundam, quibus id demandatum est, consensum. Ac ita intelligendum puto, quod *Tesmarus* in *Notis ad Grotium* lib. 1. c. 3. §. 15. n. 2. dicit, fieri posse, ut omnis regni terra in patrimonio sit principis, salvo manente penes populum imperii jure.

§. 106.

*An commu-
nio mixta
consistat cum
imperio ci-
vili.*

Similiter quia dominium fundorum aliarumque rerum ad imperium minime pertinet (§. 103.); *imperium quoque non obstat, quo minus res sint in dominio universita- tis, seu populi universi, & singulis competat usus eorundem necessarius indifferenter, consequenter populus sit in commu- nione mixta* (§. 129. part. 2. *Jur. nat.*).

Communione bonorum in Rep. suavit *Campanella* in *Tractatu*, quem de Rep. solis conscripsit, ubi eam ad ipsas quoque uxores extendit, cum liberi promiscue omnes communi sumtu sint alendi atque educandi. Imaginem communio- nis mixtæ bonorum cum imperio conjunctæ conspiciamus in ordinibus religiosorum (*not. §. 129. part. 2. Jur. nat.*), & ea in causa fuit, ut bonorum in Rep. communionem commen- daret

daret *Campanella*, optimam Reip. formam judicans eam, in qua res omnes, immo etiam uxores, sint communes.

§. 107.

*Si imperium conjungatur cum communione mixta, seu si Quando bo-
populus in eadem fuerit, administratio bonorum communium ad bonum ad-
exercitium imperii pertinet.* Imperium enim civile consistit ministratio
in jure determinandi ea, quæ ad bonum publicum promo- *peritineat ad*
vendum requiruntur (§. 60.). Quamobrem cum ad bo- *exercitium*
num commune civitatis, consequenter publicum (§. 23.), *imperii.*
etiam pertineat, ut civibus prospiciatur de iis, quæ ad vitæ
necessitatem, commoditatem & jucunditatem faciunt (§. 9.).
& quia in communione mixta ad usum rerum singulis æquale
jus competit (§. 129. *part. 2. Jur. nat.*), singulis prospicien-
dum sit eadem stante eodem modo; si populus fuerit in
communione mixta, administratio bonorum communium
utique ad exercitium imperii pertinet.

Hinc de usu rerum communium in monasteriis disponit
superior, cui competit imperium in religiosos, qui non mi-
nus voto paupertatis adstringuntur ad colendam communio-
nem mixtam, quam voto obedientiæ ad acquiescendum in vo-
luntate superioris. Quodsi singulis considerare velles in Rep.
in qua bonorum communio obtinet, ut de usu rerum com-
munionem statuerent pro lubitu suo, id naturæ communionis
mixtæ repugnaret (§. 129. 118. *part. 2. Jur. nat.*), & meram
introduceret confusionem, cum litibus perpetuis, fini civitatis
adversis (§. 4.). Quamobrem bonorum administratio ab
exercitio imperii separari nequit, etsi dominium in se maneat
jus distinctum ab imperio, ita ut imperio salvo communio
tolli possit.

§. 108.

*Communio primæva cum imperio civili consistere nequit. An imperio
In communione enim primæva res omnes (§. 24. *part. 2. civili locus*
(*Wolffii Jur. nat. Pars VIII.*) K *Jur. sit in com-**

*communio pri-
mæva.*

Jur. nat.), etiam industriales & artificiales sunt communes omnium hominum (§. 29. *part. 2. Jur. nat.*), etiam illorum, quorum industriae ac arti minime debentur (§. 32. *part. 2. Jur. nat.*). Enimvero qui in civitatem coeunt, sese invicem sibi obligant, quod conjunctis viribus sibi parare velint ad vitae necessitatem, commoditatem ac jucunditatem necessaria (§. 4.), consequenter non eum habent animum, ut res, quæ ipsorum industria ac arte parantur, sint etiam peregrinis quibuscunque communes. Immo cum necesse sit, ut, qui in civitatem coeunt, in eadem regione habitent, quod per se patet; nec animum habere possunt, ut etiam alii peregrini in eadem domicilium sibi constituent, qui in societatem civilem consentire nolunt. Quamobrem patet, communionem primævam cum imperio civili consistere non posse.

A communione primæva discedere potuerunt homines, antequam de imperio cogitarunt: quod si vero supponas eos de imperio civili cogitasse, cum adhuc in primæva communione essent, quod utique fieri poterat, animadversis incommodis, quæ secum fert status naturalis, de rebus dominio subjiciendis tum quoque cogitasse concipiuntur.

§. 109.

*Quomodo
cum imperio
introducatur
dominium.*

Quoniam communio primæva cum imperio civili consistere nequit (§. 108.), ab eo vero si receditur, aut communio positiva, aut dominia singularia introducenda (§. 117. & *seqq. part. 2. Jur. nat.*); si in civitates coeunt homines, aut dominio singulari, aut universitatis res sunt subjicienda.

Nimirum cum necesse sit, ut una habitent, regionem quandam dominio suo subicere, ac deinde fundos vel dividere, vel communes possidere debent, & res ceteræ similiter aut singulo.

gulum propriæ, aut communes civium esse debent, vi pacti, quo civitas constituitur (§. 4.). Probabile vero est, dominia privata ante imperium civile coepisse, orta nimirum ex jure in rem usus necessarii causa actu apprehensam (§. 35. 36. *part. 2. Jur. nat.*) quorum tuendorum causa deinceps civitates constitutæ ad imitationem societatum minorum. Et ita videmus, quomodo homines natura duce & magistra dominia & imperium civile introduxerint. Nolumus hæc fusius persequi, quæ anteriorum gnarus haud difficulter per se assequi poterit.

§. 110.

Si salus publica exigit, ut Rector civitatis certo modo De jure in disponat de rebus civium; jus ita disponendi eidem competit. Et res civium enim Rector civitatis, quacunque lege imperium in eum proprias, fuerit translatum, obligatur ad faciendum ea, quæ ad bonum publicum promovendum requiruntur (§. 84.). Quod si ergo boni publici promovendi causa necesse sit, consequenter salus publica exigit (§. 17. 9. & *seqq.*), ut certo modo de rebus civium disponatur; lex ipsa naturæ eidem dat jus de rebus civium ita disponendi, prouti salus publica exigit (§. 159. *part. 1. Phil. pract. univ.*). Patet itaque, si salus publica exigit, ut Rector civitatis certo modo disponat de rebus civium, jus ita disponendi eidem competere.

Lex naturæ dat hominibus jus ad ea, sine quibus obligationi naturali satisfacere non possunt (§. 159. *part. 1. Phil. pract. univ.*). Quoniam civitates legi naturæ convenienter fuerunt constitutæ (§. 26.), obligatio imperii exercendi ita, quemadmodum salus publica exigit, ab ipsa omnino lege naturæ venit, consequenter naturalis est (§. 141. *part. 1. Phil. pract. univ.*). Quamobrem quod ex hac obligatione nascitur jus (§. 23. *part. 1. Jur. nat.*), lege quoque naturæ datum intel-

ligitur. Immo obligationem positivam, quatenus valet, firmat ipsa lex naturæ, prouti jam alias ostendimus.

§. III.

*De dominio
eminente.*

Jus disponendi de rebus propriis civium salutis publicae causa in casu necessitatis imperanti, seu Rectori civitatis concessum dicitur *dominium eminens*. Et quoniam *Rectori civitatis* jus istud competit (§. 110.); eidem *competit dominium eminens in res civium*, ac per consequens *imperium continet dominium eminens tanquam partem potentialem* (§. 63.).

Differt dominium eminens a dominio communi, quod illo disponatur de rebus utilitatis publicæ, hoc autem utilitatis privatorum causa, & quod illo utatur qui civitatem regit, hoc autem privatus, cujus res sunt.

§. 112.

*Num a po-
pulo in Re-
p. rem civi-
tatis trans-
feratur.*

Quoniam imperium continet dominium eminens tanquam partem (§. 111.); quando populus imperium in alium transfert, dominium quoque eminens in eundem transfert, nisi idem sibi expresse reservet (§. 38.).

Dominium eminens jus quoddam est, quod a ceteris juribus ad imperium pertinentibus diversum est, ac sine istis subsistere separatim potest. Quamobrem perinde ac alia jura idem sibi populus reservare potest, si ira visum fuerit, ac pro arbitrio suo limitare, si non absolutum concedere velit.

§. 113.

**De jure in
personam
CIVILIS.**

Si salus publica exigat, ut de ipsis civibus quibusdam, seu personis civium certo quodam modo disponat Rector civitatis; jus ita disponendi eidem competit. Ostenditur eodem prorsus modo, quo idem de rebus privatis civium demonstravimus (§. 110.).

La

In civitate singulorum libertas restringitur quoad eas actiones, quæ ad bonum publicum promovendum faciunt (§. 47.). Quodsi ergo casus emergat, in quo actiones unius cujusdam, vel quarundam, aut plurium personarum ad promovendum bonum publicum necessariae sunt; de iis omnino disponere integrum est ei, qui imperium habet atque exercet. Et hæcenus eidem competit jus quoddam singulare in personam ejus, quemadmodum in simili casu competebat in res ipsius (§. 110.). Ita in casu necessitatis Rector civitatis cogere potest subditos, ut militiae dent nomen, prouti suo loco dicemus.

§. 114.

Jus disponendi de persona civis salutis publicae *De potestate* causa in casu necessitatis imperanti, seu Rectori civitatis *eminente*. competens dicitur *Potestas eminens*. Et quoniam *Rectori civitatis* jus istud competit (§. 113.); eidem *competit potestas eminens in personam civium*, ac per consequens *imperium continet potestatem eminentem tanquam partem potentialem* (§. 63.).

Potestas eminens differt ab ordinaria, quæ imperio civili inest (§. 47.), quod ea saltem locum habeat in casu necessitatis, quæ exceptionem facit ab eo, quod ordinarie fit. Unde potestas eminens latius extenditur, quam ordinaria, etsi eadem de causa ultra limites hujus proveharur, quæ huic suos limites assignat. Exemplum, quod modo dedimus (not. §. 113.), rem illustrat.

§. 115.

Quoniam potestas eminens est pars imperii (§. 114.); *Quando quando imperium in aliquem transfertur, potestas quoque eminens transferatransfertur nisi populus expresse eandem sibi reserveet, aut certa tur in Re-* *llorem civi-*
tatis.

Limitatur dominium & potestas eminens, ne sub ejus prætextu multa committantur, quæ salutis publicæ adversa sunt. Pseudopolitici nimirum in detrimentum Reip. jus hoc ultra limites suos extendunt, & variis modis eodem abutuntur.

§. 116.

*Jus eminens
imperantis
quid sit.*

Dominium eminens & potestas eminens conjunctim uno nomine *Jus eminens imperantis* dici solent, nimirum Jus eminens in bona & personam civium, seu subditorum. Quoniam vero tam dominio, (§. 111.), quam potestati eminenti locus non est, nisi quando salus publica exigit, ut de bonis vel persona subditorum ita disponatur (§. 114.); *Jus eminens tum demum locum habet, quando ejus usus est medium unicum salutis publicæ in casu emergente promovenda.*

Jus eminens sola tuetur necessitas, modum autem accipit a salute publica.

§. 117.

*Quale sit
jus.*

Quoniam jus eminens imperantis, consequenter tam dominium, quam potestas eminens (§. 114.), tum demum locum habet, quando ejus usus est medium unicum salutis publicæ in casu emergente promovendæ (§. cit.), ac per consequens sola necessitas eidem locum facit, propterea quod legi supremæ in civitate, quæ salus publica est (§. 86.), aliter satisfieri nequit, jus autem necessitatis est, cui sola necessitas locum facit ad actus aliquos alias non licitos, propterea quod sine iis obligationi cuidam indispensabili satisfieri minime potest (§. 564. part. 6. Jur. nat.); *jus eminens imperantis, hoc est, tam dominium, quam potestas eminens, jus quoddam necessitatis, aut, si mavis, species quadam juris necessitatis est.*

Patet

Patet itaque ad dominium eminens & potestatem eminentem applicanda esse, quæ de jure necessitatis in genere demonstravimus c. 4. part. 6. *Jur. nat.* Monumus (not. §. 564. part. 6. *Jur. nat.*), jus necessitatis oriri ex collisione legum, adeoque per modum exceptionis. Idem omnino valet de dominio & potestate eminente. Imperium non includit dominium fundorum, vel rerum quarumcunque civium (§. 103.), consequenter imperans de iisdem dominis invito pro lubitu disponere nequit (§. 118. part. 2. *Jur. nat.*). Obligatur autem ad faciendum ea, quæ ad bonum publicum promovendum requiruntur (§. 84.). Quando itaque casus emergit, in quo imperans bonum publicum promovere nequit, nisi vel invito domino disponat de rebus ipsis, leges naturales, quarum altera jubet fieri, quæ salus publica exigit, altera vero prohibet, ne imperans invito domino de rebus ipsis pro lubitu suo disponat, inter se colliduntur. Quoniam itaque lege prohibitiva non continetur actus, qui medium unicuique est satisfaciendi obligationi tuæ indispensabili (§. 572. part. 6. *Jur. nat.*), ac ideo exceptus intelligitur; si imperans salutem publicam promovere nequit, nisi vel invito domino de re ipsis disponat, disponere licet. Videmus itaque quomodo per modum exceptionis oriatur dominium eminens. Similiter in civitate singulorum libertas restringitur quoad eas actiones, quæ ad bonum publicum promovendum faciunt, quoad ceteras illa illibata manet (§. 47.), consequenter imperanti non competit jus de quibusvis actionibus civis pro lubitu disponendi, quasi omni libertate adempta. Quoniam tamen idem obligatur ad faciendum ea, quæ ad bonum publicum promovendum requiruntur (§. 84.); quando casus emergit, in quo imperans bonum publicum promovere nequit, nisi vel invitum adigat ad faciendum, vel patiendum, ad quod alias cogi minime poterat, libertate, quæ singulis civibus reservata, illæsa, leges utique colliduntur, quarum altera jubet fieri, quæ salus publica exigit, altera vero prohibet,
ne

ne ad hoc faciendum, vel patiendum civis adigatur. Unde porro quemadmodum ante patet, potestatem eminentem per modum exceptionis oriri. Necessitas facit dominum non dominum rerum suarum & civem servum, dominio rerum veluti in imperantem transeunte & libertate naturali, qua civis alias adhuc fruitur, in eundem quasi migrante. Dominium itaque & potestas eminens nihil invidiosum, aut hominibus liberis intolerabile habet, modo rite intelligatur, nec in abusum trahatur,

§. 118.

*Quod jus
eminens ex
pacto oria-
tur, quo ci-
vitates con-
sistunt.*

*Qui in civitatem cœunt, in dominium eminens & pote-
statem eminentem tacite consentiunt.* Etenim qui in civitatem
cœunt sese invicem sibi obligant, quod commune bonum
promovere velint (§. 28.), & singuli in universos transfe-
runt jus se cogendi, ut satisfaciant huic obligationi, si satis-
facere nolint (§. 29.), immo nemo eorum bonum suum
privatum promovere debet cum neglectu, vel in præjudici-
um publici (§. 25.). Tacite igitur in hoc consentiunt, ut,
si bonum publicum aliter promoveri nequeat, quam ut im-
perans disponat de rebus ipsorum, vel etiam de persona, id
faciat. Quamobrem cum jus certo modo disponendi de
rebus civium, si salus publica exigat, dominium eminens
sit (§. 111.), jus autem disponendi de persona ipsorum in
simili casu potestas eminens (§. 114.); qui in civitatem
cœunt, in dominium eminens & potestatem eminentem
consentiunt.

Ex eodem itaque pacto, quo imperium civile oritur (§. 33.),
derivandum quoque est dominium, derivanda potestas emi-
nens, immo vi ejusdem pacti jus omne eminens imperio civi-
li inest. Absurdum omnino est, concipere jus determinandi
ea, quæ ad bonum publicum promovendum requiruntur, qua-
le

le est imperium (§. 60.), excipere tamen ea, quæ medium unicum sunt in casu emergente bonum publicum promovendi, Quatenus vero juri eminenti locum saltem facit necessitas in casu emergente (§. 116.), tanquam peculiare quoddam jus concipitur, quod per modum partis potentialis in imperio continetur (§. 111. 114.).

§. 119.

Si de rebus singulorum vi dominii eminentis disponitur, Qua aequi- de publico, quantum fieri potest, ipsis satisfaciendum, nec damnum tate domi- nisi pro rata ferendum. Etenim vi dominii eminentis de re- nium emi- bus civium propriis disponitur salutis publicæ causa in casu *nens exer-* necessitatis (§. 111.), quatenus scilicet usus hujus juris est *cendum.* medium unicum salutis publicæ in isto casu promovendæ (§. 116.). Enimvero in civitate conjunctis viribus salus publica promovenda (§. 4.), & per consequens unus solus res suas eidem impendere non tenetur. Quamobrem si de unius rebus propriis vi dominii eminentis disponitur, ad resarciendum damnum ceteri quoque suum pro rata conferre debent, consequenter ei, de cujus rebus disponitur, de publico satis faciendum, nec damnum ipsi nisi pro rata ferendum. *Quod erat unum.*

Denique si is sit rerum status, ut damnum, quod patitur is, de cujus rebus vi dominii eminentis disponitur, de publico satisfieri non possit, quemadmodum æquum erat, *per demonstrata n. 1.* cum nemo bonum privatum promovere debeat cum neglectu publici, vel in hujus præjudicium (§. 25.), tanquam damnum inevitabile ferendum, & per consequens ei, de cujus rebus vi dominii eminentis disponitur, de publico satisfaciendum, quantum fieri potest. *Quod erat alterum.*

E. gr. Diruendæ sunt ædes tuæ munimenti causa. Æquum omnino est, ut solvatur pretium. Quodsi vero ad idem contribuere tenentur concives tui, ab æquitate quoque non abhorret, ut pro rata ipse contribuas.

§. 120.

*Limitationi
imperii qua
nam tacita
exceptio in-
sit.*

Si in delatione imperii in specie quadam exprimantur, quæ ad modum illud exercendi pertinent; tacita iis inest exceptio, nisi salus publica aliter exigat. Etenim si in delatione imperii quadam in specie exprimantur, quæ ad modum illud exercendi pertinent, imperium limitatur (§. 66.). Enimvero populus imperium in alium transferens non alio fine id limitat, quam quod putet hoc modo id salutis publicæ convenienter exerceri, ac rectius præcaveri posse, ne quid eidem adversum decernatur (§. 89.), & quacunque lege imperium fuerit translatum, Rector civitatis obligatur ad faciendum ea, quæ ad bonum publicum promouendum requiruntur, & ad non faciendum ea, quæ eidem adversantur (§. 84.); salute publica semper lege suprema in civitate existente (§. 86.). Quodsi ergo salus publica in casu emergente exigat aliud, quam quod quoad modum exercendi imperium fuit præscriptum, a præscripto modo utique recedendum, consequenter si in delatione imperii in specie quadam exprimantur, quæ ad modum illud exercendi pertinent, tacita iis inest exceptio, nisi salus publica aliter exigat.

Absurdum omnino foret, velle, ut Rector civitatis non faciat, quæ salutis publicæ adversantur, & hoc tamen non obstante ad certum agendi modum eundem ita adstringere, ut ab eodem recedere non liceat, etiamsi salus publica aliter exigat. E. gr. Si Rectori civitatis permissum esse minime debet nova tributa imponere; ubi casus emergit, in quo tributa ordinaria minime sufficiunt, sed extraordinariis opus est, nisi salus

salus publica periclitari debeat, casus iste omnino tacite exceptio intelligitur. Idem intelligitur, si permissum esse non debeat milite externo uti, aut leges novas ferre, & quæ sunt his gemina. Leges fundamentales, quibus certus agendi modus præscribitur, sunt media salutis publicæ promovendæ & in hac tanquam suprema lege (§. 86.) rationem sufficientem habere debent. Vi igitur supremæ legis cessant, quam primum salus publica aliud exigit.

§. 121.

Quoniam, si in delatione imperii in specie quædam *Quomodo* exprimuntur ad modum illud exercendi pertinentia, tacite *populus sibi* iis inexistit exceptio, nisi salus publica aliter exigit (§. 120.); *jus reservet* si *populus jus quoddam sibi reservare velit in actus Rectoris civita-* in actus im-
tatis a legibus fundamentalibus abeuntes, necesse est ut eos a com-
sensu certi cujusdam collegii vel totius populi suspendat, nec sine *ceptos.*
eo sint validi (§. 81.).

Nimirum si nullum collegium fuerit constitutum, quod de eo cognoscat, utrum salus publica exigit, nec ne, ut a lege fundamentali recedatur, judicium hoc omnino Rectori civitatis relictum, & per consequens ejus judicio stare tenetur populus, etsi ipsi aliter videatur. Fieri equidem potest, ut Rector civitatis, qui, cum imperium susciperet, promissit, se hoc facturum, vel non facturum, quod lege fundamentali præscribitur, vel ea prohibetur, fidem datam violet, ubi citra necessitatem a lege recedit; non tamen propterea populo competit jus actus ipsius irritos reddendi, quia acquiescendum est in eo, quod eidem videtur, ipse autem semper salutem publicam obtendere valet. E. gr. Ponamus, nova tributa non esse imponenda. Nisi simul constitutum fuerit, sine certorum quorundam consensu hoc fieri minime debere, siquidem extraordinaria exigit salus publica; Rector civitatis obtentu salutis publicæ nova imponere poterit, nullo quidem jure, ubi

salutem publicam tantummodo obtendit, valide tamen, quatenus ejus judicio relictus casus exceptus. Aliter vero sese res habet, si Rector civitatis negotium ad certos alios, veluti ad collegium quoddam, referre tenetur, ut deliberetur, utrum publica salus exigit, ut extraordinaria tributa, vel nova imponantur, nec ne. Tum enim Rector civitatis stare tenetur judicio collegii, ac irriti sunt actus consensu hujus destituti, nec jubenti parere tenentur cives.

§. 122.

*Capitulatio
quid sit.*

Pacta, in quibus de modo administrandi imperii inter Rectorem civitatis & populum convenitur, vel etiam eos, qui jus populi habent, dicuntur *Capitulatio*. Unde patet, *capitulatione tantummodo opus esse, si imperium limitetur (§. 66.), nec adsint leges fundamentales perpetua (§. 77.), quarum observantiam Rector civitatis in susceptione imperii promittere tenetur.*

Capitulationi tantummodo locum esse in prima delatione imperii, & in regnis electiis facile patet. Erit autem in casu priori perpetua, cum ad eam adstringatur successores omnes; in his autem temporaria, quippe quæ non stringit nisi eum, quem populus Rectorem civitatis elegit. Sed hoc clarius elucescet ex iis, quæ de modo acquirendi imperium ex instituto demonstrabuntur.

§. 123.

*Nam ex ea
metiendum
jus populo
reservatum
est Rectori
civitatis
competens.*

Quoniam in capitulatione convenitur inter Rectorem civitatis & populum, seu eos, qui jus populi habent, de modo administrandi imperii (§. 122.); si cum capitulatione susceptum imperium, ex ea metiendum est jus populo reservatum & jus Rectori civitatis competens.

Cum

Cum limitandi imperii causa capitulatio fiat, quæ de limitatione imperii in anterioribus demonstrata fuerunt, capitulationi uberiores lucem affundunt.

§. 124.

Cum in capitulatione de modo administrandi imperii inter Rectorem civitatis & populum conveniatur (§. 122.), *quo sit lex* consequenter in eadem exercitium imperii certis legibus adfundamentum stringatur (§. 131. *part. 1. Phil. præf. univ. & §. 789. part. 3. talis imperii. Jur. nat.*), leges vero fundamentales sint, ad quarum observantiam Rector civitatis in imperii exercitio adstringitur (§. 77.); *capitulatio lex fundamentalis imperii est.*

Nihil obstat, quod capitulatio tantummodo valeat, quamdiu Rector civitatis vivit, seu civitatem regit, cum quo facta fuit. Etenim populus leges fundamentales tollere ac mutare pro lubitu potest, quando nihil fit contra jus tertii, seu nemini ex ea jus quæsitum, quod invito auferri nequit (§. 336. *part. 2. Jur. nat.*).

§. 125.

Quamdiu imperium tenet is, cum quo capitulatio facta, De mutatio-
absque ipsius consensu nihil in eadem immutari potest. Quo- *ne capitula-*
niam enim pacta sunt servanda (§. 789. *part. 3. Jur. nat.*), *tionis vi-*
ex capitulatione acquiritur jus ei, cum quo facta (§. 23. *vente eo,*
part. 1. Jur. nat.). Quamobrem cum nemini jus quæsitum *cum quo fa-*
auferri possit (§. 336. *part. 2. Jur. nat.*); quamdiu imperium *cta.*
tenet is, cum quo capitulatio facta, absque ipsius consensu
nihil in eadem immutari potest.

Facile pater sermonem hic esse de mutatione, quæ tendit ad jus Rectoris civitatis imminuendum, cum capitulatio fiat limitandi imperii causa, ut populus salutis suæ rectius consulat.

§. 126.

De pactis generalibus
Reactoris ex-
primenti-
bus.

*Pacta generalia, quæ saltem exprimunt officium boni Re-
actoris, cum Rectore civitatis in susceptione imperii inita, nullum
officium boni tribuunt jus populo in actus imperantis. Quoniam enim impe-
rium in Rectorem civitatis non aliter transfertur, quam ut
exerceatur salutis publicæ convenienter (§. 88.); si in pactis
generalibus saltem exprimitur officium boni Reactoris,
populus saltem expresse voluntatem suam declarat de eo,
quod per se jam intelligebatur, nimirum quod velit, Rectorem
civitatis imperium salutis publicæ convenienter administrare
debere, non vero declarat, se ejus judicio stare nolle, si
secus fecerit, sed judicio ipsius relinquit, quænam fieri debeant,
ut officio suo rite fungatur. Quamobrem cum nullum
sibi jus reservet in actus Reactoris civitatis, si voluntatem
saltem suam exprimit de nonnullis, quæ Rector civitatis
facere, aut non facere debet, non vero expresse declarat
se ejus judicio stare nolle, si secus fecerit (§. 81.); pacta
generalia, quæ saltem exprimunt officium boni Reactoris,
cum Rectore civitatis in susceptione imperii inita, nullum
tribuunt jus populo in actus imperantis.*

Promissiones istiusmodi generales, quæ non absque juramento in susceptione imperii plerumque exiguntur, sunt, quod imperans salutis publicæ invigilare, jus cuique & justitiam administrare, populum oneribus non nimium gravare, eundem adversus injurias aliorum defendere velit, & quæ sunt his gemina. Et si autem ad talia imperans naturaliter obligetur, nec ex promissione nascatur aliquod jus populo in actus ipsius; non tamen ideo superflua existimari debent istiusmodi promissiones, juramento præsertim firmatæ. Fortior enim efficitur obligatio interna, quæ conscientiam imperantis stringit, quatenus non modo naturaliter absque promissione obligatur imperans ad imperium recte exercendum, verum etiam

etiam promittendo sese obligavit populo ad faciendum id, ad quod naturaliter obligatur, etsi is conscientię ipsius relinquitur, ut imperium bene administret, ac per consequens solam fidem populo adstringat imperans, & sic accurate loquendo imperantis actus magis pollicitatio sit, quam perfecta promissio (§. 361. 367. part. 3. Jur. nat.), quamvis per inconstantiam loquendi imperans talia promittere vulgo dicatur.

§. 127.

Quoniam pacta generalia, quę saltem exprimunt officium boni Rectoris, populo nullum jus in actus imperantis tribuunt (§. 126.), consequenter nec exercitium imperii certis legibus adstringunt, nec vi eorundem ulli actus imperantis a populo irriti effici possunt, imperium vero absolute liberum est, cujus exercitium certis legibus non adstrictum, nec alterius consensu indiget (§. 66.), & summum est; in cujus actus nemini nisi habenti jus quoddam competit (§. 44.), summumque habet imperium, cujus actus a nemine irriti reddi possunt (§. 45.); ob pacta generalia, quę saltem exprimunt officium boni Rectoris, imperium non desinit esse absolutum, nec ea quicquam detrahunt summitati imperii. *An ea summitati imperii detrahant idemque limitent.*

Imperium non ideo absolutum est, quod liceat imperanti facere salutis publicę adversa, consequenter ipsius arbitrio relinquitur, utrum bene, an male imperare velit, sed quod ejusdem judicio relinquitur, quęnam sint media salutis publicę promovendę. Non igitur implicat, ut promittat se imperium bene administraturum, ipsius tamen judicio relinquitur, quibusnam mediis salutem publicam promovere velit. Similiter imperium summum esse non desinit, quamdiu imperanti resistere eumque coercere non licet (§. 44.). Quamobrem cum imperium transferri nequeat ea lege, ut populus universus recte imperanti parere debeat, male autem imperanti resistere, eumque coercere possit (§. 82.), consequenter multo minus

minus ex eo hoc colligi queat, quod Rector civitatis in susce-
ptione imperii populo polliceatur, se imperium bene admini-
straturum; pacta quoque istiusmodi generalia inter Rectorem
civitatis & populum inita summitati imperii nihil derogant.

§. 128.

*An sint le-
ges funda-
mentales.*

Quia pacta generalia, quæ saltem exprimunt offi-
cium boni Rectoris, imperium absolutum minime tollunt, nec
summitati ejus quicquam detrahunt (§. 127.), per ea quo-
que modus administrandi imperii minime determinatur,
consequenter cum leges fundamentales non sint, nisi eæ, ad
quarum observantiam Rector civitatis in exercitio imperii
tenetur (§. 77.), & per quas ideo modus administrandi impe-
rium determinatur; *pacta generalia, quæ saltem exprimunt offi-
cium Rectoris, leges fundamentales non sunt.*

Leges fundamentales de specialibus agunt, quæ ad modum
administrandi imperium pertinent; non autem de generalibus,
quæ officium continent,

§. 129.

*De judice
inter Rectorem
rem civita-
tis & popu-
lum consi-
luto.*

Si imperium defertur ea lege, ut, si de juribus controver-
sia oriatur inter Rectorem civitatis & populum, tertius quidam sit
rem civita-judex; id ipsum summitati detrahatur. Etenim si controversia
de juribus inter Rectorem civitatis & populum orta tertio
cuidam dirimenda committi debet; tertio huic competit jus
in actus Rectoris. Quamobrem cum imperium summum
non sit, in cujus actus alii, quam habenti, jus quoddam
competit (§. 44.); si imperium defertur ea lege, ut, si de
juribus controversia oriatur inter Rectorem civitatis & po-
pulum, tertius quidam sit judex, id ipsum utique summitati
detrahatur.

Unum

Unum nimirum idemque est, siue populus jus quoddam in actus imperantis sibi referuat, siue idem transferat in alium. Quarens enim tertius constituitur iudex actuum imperantis, qui in controversiam vocantur a populo, huius quidem sola voluntate; populus revera jus sibi reservatum in delatione imperii transfert in alium. Istiusmodi lege Frisii Carolus V. Cæsarem pro domino receperunt, quemadmodum legitur apud Winssemium in Hist. ad A. 1515.

§. 130.

Si Rector civitatis orta inter se ac populum controversia De Rectore se tertio ut arbitro submittit; id summitati minime detrahit. civitatis ar-
Etenim si orta inter se ac populum controversia se tertio ut *hiario tertii* arbitro submittit, hoc facit sua sponte, quod medium hoc *se submie-* optimum iudicet componendæ controversiæ, non vero *ter-* *sente.* tio cuidam jus competit in actus ipsius, sicuti in casu præcedentis (§. 129.). Quamobrem cum summitati imperii demum officiat, si tertio cuidam competat jus in actus ipsius, cuius iudicio eos submittere obligatur (§. 44.); si tertio ut arbitro se submittit, id summitati minime detrahit.

Officium boni Principis est terminare controversiam inter se ac populum ortam, ut securitati Reip. consulatur. Decernere igitur tenetur medium eam sopiendi. Quamobrem si tale deprehendat compromissionem in arbitrum; nihil utique committitur, quod vel imperio absoluto, vel summo repugnat. Sane si Rector civitatis sponte sua ad actum quendam requirit populi consensum, id summitati non derogat, quia eundem requirere non obligabatur. Nonne vero perinde est actum quendam suum submittere iudicio populi atque eodem stare, & eundem submittere iudicio tertii cujusdam consensu populi & in eo acquiescere?

CAPUT II.

De diversis Rerumpublicarum formis.

§. 131.

Democratia, seu status popularis quid sit. (§. 219. part. 7. Jur. nat.) Si imperium est penes totum populum, forma Reip. dicitur *Democratia*, subinde etiam *Status popularis*. Quamobrem patet, in *Democratia* populum se regere per seipsum.

Populus nimirum imperium vel sibi retinere, vel pro lubitu suo in personam unam, aut plures conjunctim transferre potest (§. 36.). Unde nascuntur tres Rerumpublicarum formæ simplices, quarum prima est, ubi populus imperium sibi retinet, nec alio Rectore utitur.

§. 132.

Quod ea sit maxime naturalis.

Quoniam imperium civile originarie penes populum est (§. 33.), & qui in societatem civilem coeunt, liberi sunt (§. 146. part. 1. Jur. nat.), homines autem libertatis amantes esse abunde constat; ideo *genio hominum in civitatem coeuntium maxime convenit, ut imperium sibi retineant, consequenter democratiam instituant.*

Vix itaque dubitandum est democratiam eam esse Reip. formam, quæ primum introducta, quemadmodum etiam constat eam inter plerasque gentes antiquissimam esse. Recte nimirum observat *Puffendorfius* lib. 7. c. 5. §. 4. quod præsumendum non sit, patremfamilias liberum, qui animadversis vitæ segregis incommodis ultro sese cum aliis sui similibus in civitatem congregabat, uno velut momento potuisse obliuisci pristini status, in quo omnia circa salutem suam proprio arbitrio disponebat, ut confestim unius sese arbitrio circa rem communem,

nem, cui & ipsius salus innectebatur, voluerit subdere. Quin potius illud æquissimum ab initio creditum, quod omnes spectat, ab omnibus curari debere.

§. 133.

Si imperium a populo, quale in ipso est, transfer-
tur in unum, seu imperium, quale originarie in populo est, *Monarchia*
penes unum est, formā Reip. dicitur *Monarchia*. Quamobrem *quid sit.*
cum *Monarcha* habeat imperium, quod originarie in populo
est (§. 33.), *jus populi habet, ac tantundem potest, quantum in*
democratia populus universus.

Imperium in unum transferri potest vel quale in populo
est, vel limitatum. Quando formæ Rerump. determinantur,
primo omnino loco sumendum est, imperium plenum abs-
que ulla limitatione, seu quale in populo est, transferri.
Quamobrem in *Monarcha* supponimus imperium, quale in
populo erat, antequam transferretur. *Monarchia* nimirum
discernenda est ab ea Reip. forma, in qua unus quidem im-
perat, sed non absolute, consequenter quæ de *Monarchia* de-
monstranda veniunt ad formam hanc, ubi unus non absolute
imperat, applicanda non sunt promiscue.

§. 134.

Quoniam *Monarcha* imperium habet, quale est in *De jure*
populo (§. 133.), si vero imperium in Rectorem civitatis *Monarcha*.
transfertur, quale est in populo, is imperium plenum, ab-
solutum & summum habet, jure proprietatis (§. 91.), nisi
idem saltem translatus fuerit quoad exercitium (§. 40.);
Monarcha imperium plenum, absolutum & summum habet, idque
vel in patrimonio, vel in usufructu (§. cit.).

Modus habendi imperium non variat ipsum imperium, con-
sequenter in diversis formis Rerumpublicarum distinguendis,

ubi tantummodo attendendum, penes quemnam sit imperium civile & cujus iudicio ac voluntate exerceatur, perinde est, si-
ve imperium fuerit in patrimonio, siue in usufructu.

§. 135.

*Aristocratia
quid sit.*

Aristocratia est ea Reip. forma, in qua imperium, quale originarie in populo est, penes certas quasdam personas, non penes totum populum est. Numerus imperantium in Aristocratia pro lubitu variari potest, modo eorum numerus sit minor pars populi. Dicuntur imperantes *Optimates*. Quoniam *optimates* imperium habent, quale originarie in populo est; iidem in *Aristocratia tantundem possunt, quantum in democratia populus uniuersus.*

Quæ paulo ante annotauimus de Monarchia (not. §. 132.), ea etiam tenenda sunt de Aristocratia, ne, quæ de Aristocratia demonstranda veniunt, perperam applicentur ad aliam Reip. formam, in qua quidem plures imperant, sed non absolute.

§. 136.

*De jure
Optima-
tum.*

Quoniam optimates imperium habent, quale est in populo (§. 135.), si vero imperium in Rectorem civitatis transfertur, quale est in populo, is imperium plenum, absolutum & summum in patrimonio habet (§. 91.), sed non nisi in usufructu, si saltem quoad exercitium in ipsum translatum (§. 40.); *Optimates imperium plenum, absolutum & summum habent siue in patrimonio, siue in usufructu.*

Quæ de modo habendi imperium annotauimus (not. §. 134.) respectu monarchiæ, ea etiam valent respectu aristocratiæ.

§. 137.

§. 137.

Aristoteles quartam Reip. formam vocat *Timocratiam*, *Timocratia* ubi imperium non est penes integrum populum, sed penes *quid sit*. eos saltem, qui censi sunt & censum præstant, aut qui prædia possident, vel opibus præstant. Idiomate patrio dicimus, die eine gewisse Summe im Vermögen haben.

Vulgo non numerantur nisi tres Rerumpublicarum formæ, quia populus vel imperium sibi retinet, vel in alium transfert, & ubi imperium transfert, id transfert vel in personam unam, vel in plures. Quoniam in Aristocratia non attenditur numerus eorum, penes quos imperium est (§. 135.); ideo Timocratia ab Aristocratia non distinguitur. *Huberus* de Jure civitatis lib. 1. sect. 8. c. 5. §. 8. Aristocratiam a Timocratia ita distinguit, ut forma Reip. dicatur Aristocratia, si eorum, penes quos imperium est, numerus non sit major, quam ut senatus inde constitui possit; Timocratia vero, si tantus sit numerus, ut ad senatum constituendum sit inconditus. In verbis sumus faciles & unicuique liberum relinquimus, quibusnam uti velit. Nobis tamen nulla necessitas videtur, ut Timocratiam ab Aristocratia distinguamus: cum enim, uti diximus, in Aristocratia non attendatur numerus eorum, penes quos imperium est, & diversitas numeri ex diversa qualitate illarum personarum emergit, quæ ad imperandum habiles sunt vi legis fundamentalis, Timocratia potius species quædam Aristocratiz dicenda erat, quam forma quarta ab Aristocratia diversa.

§. 138.

Respublica mixta est, quæ in aliis ad monarchiam, in *Mixta* aliis ad aristocratiam, in aliis ad democratiam accedit. Un- *Resp. quid*
de facile patet, *mixtam Reip. formam oriri ex imperii divisione* sit.
in partes potenciales (§. 64.) & *ejus limitatione* (§. 74.).

M 3

Nec

Nec minus patet, *mixtas Reip. formas pluribus modis differre posse.*

Vulgo monarchia, aristocratia & democratia vocantur formæ Reip. regulares, vel etiam simplices, ac multum deinde disputatur, an dentur formæ mixtæ Rerump. & num a tribus regularibus, quæ dicuntur, abeunt pro irregularibus sint habendæ. Quod si vocabulorum significatum ita determinemus, quemadmodum a nobis factum est, & omnem formarum diversitatem derivemus ex iis, quæ in capite præcedente demonstrata sunt; non opus erit ulla controversia, nec forma Reip. mixtæ quicquam habebit, quod sit absurdum, vel a praxi etiam alienum. Imperium civile vel est penes totum populum, vel penes certas personas e populo, vel penes unam. Unde enascuntur tres formæ simplices, Democratia, Aristocratia & Monarchia, imperio semper manente eodem, sive subiectum ejus sit populus, sive sint optimates, sive sit monarchia. Atque in hisce formis idem prorsus est jus ejus, vel eorum, qui regunt civitatem, nimirum in quolibet subiecto plenum, absolutum & summum. Enimvero vidimus in anterioribus, quando populus imperium transfert in alium, vel alios, cum a voluntate ipsius unice dependeat, quomodo seu qua lege transferre velit, cum imperium dividere posse in partes potentiales & partem unam vel alteram sibi reservare, aut alii cuidam deferre, posse etiam exercitium imperii limitare, posse denique sibi vel suo loco aliis quibusdam reservare jus quoddam in actus quosdam imperantis. Pro diversitate igitur divisionis imperii quoad partes potentiales, limitationis exercitii ejusdem & juris reservati in actus imperantis diversæ omnino oriuntur formæ Rerump. ubi alia formæ monarchicæ, alia aristocraticæ, alia democraticæ sunt. Cum itaque in istiusmodi Reip. forma misceantur, quæ in simplicibus separata deprehenduntur; equis reprehendere poterit, si istiusmodi formas dicamus mixtas? Et quoniam jus omne imperantis metiendum est ex voluntate populi, qui in eo determinando utitur libertate sua,

sua, ecur istiusmodi forma irregularis dicenda? Sane quis populo præscripsit hanc regulam, ut vel ipse imperium per se exerceat, vel tale, quale habet, citra ullam mutationem vel in unum, vel in certas quasdam personas transferat? Quod si vero concedatur, liberum esse populo, quomodo imperium transferre velit, ut melius salutis suæ prospiciat, quam in formis simplicibus prospectum videtur; is frustra contendet, in unam formam esse confundendas eam, in qua imperium plenum, absolutum & summum imperantis est, & eas, in quibus illud parte una, vel altera deminutum, certo quodam modo limitatum, jus in aliquod actus imperantis vel a populo sibi reservatum, vel aliis tributum, quasi hæc tantummodo accidant imperio, nec speciem variant. Qui autem hic concoquere nequeunt divisionem in partes potentiales & summitatem pro qualibet parte divisa; iis jam satisfactum est superius (§. 64. 65.). Et, si vel maxime tanquam absurdam rejicias divisionem in partes potentiales, admittenda tamen est limitatio imperii quoad exercitium & reservatio juris in quosdam actus imperantis, quæ ad mixtionem formarum simplicium adhuc sufficiunt & per eandem formas a simplicibus diversas producant. Difficultates hic ortæ sunt, quod viri docti magis ex *Aristotele*, quam ex re ipsa sapere maluerint. Nobis ex re sapere visum est, & terminos rebus, non res terminis accommodare. Atque ideo nullam deprehendimus difficultatem, quæ nos morari possit.

§. 139.

Regnum dicitur ea Reip. forma, in qua imperium sive plenum, absolutum ac summum, sive quomodocunque limitatum, aut deminutum penes unum est, modo nulli extraneo competat aliquod jus in actus imperii, seu summitas civitati salva sit. Et persona ista, penes quam in regno imperium est, *Rex* dicitur. Unde patet, omnem monarchiam esse Regem, sed non omnem Regem esse monarchiam (§. 133.), & regnum esse vel monarchiam, vel mixtam quandam Reip. formam.

Nimi.

Nimirum Rex dici nequit nisi is, qui præest civitati, cujus naturalis libertas prorsus salva est, ita ut nemini extraneo competat aliquod jus in actus imperii. Imperium scilicet summum est in civitate, etsi Rex non facere semper possit, quæ sibi videntur, sed ad certos actus opus habeat vel populi totius, vel quorundam ex populo consensu, immo actus quidam ad exercitium imperii spectantes ejus potestati prorsus subducantur. Equidem vulgo monarchia & regnum pro synonymiis habentur; vix tamen synonymia convenit recepto usui loquendo, a quo minus abhorret significatus latior, quam vocabulo regni, & restrictior, quam monarchiæ vocabulo tribuimus.

§. 140.

De condominiumu.

Condominatus a nonnullis dicitur, si duo, vel tres habeant imperium indivisum in uno regno commune, veluti si duo, vel tres fratres simul imperent, si Regina suscipit maritum in societatem imperii, ut is una cum ipsa imperet, si Rex alium sibi adsciscit in societatem imperii, qui cum eodem simul imperat, seu imperium indivisum exercet. Duo, vel plures simul in uno regno imperantes dicuntur *Condomini*, vocari etiam poterant *Coreges*. Facile autem patet, *Condominos*, seu *Coreges* imperare instar unius, eosque esse dignitate ac potestate pares, quasi in singulis regia potestas tota sola resideat. Nec minus patet, *condominatui* locum esse etiam in aliis formis mixtis Reip. ubi unus quidem imperat, sed qua regnum non sunt, extraneo cuidam competente aliquo jure in actus imperii.

Prostant exempla condominiumis, seu imperii polyarchici, quod vocat *Puffendorpius*, tam in vetere, quam recentiore historia. Condomini isti cum imperium indivisum commune habeant, sociorum instar sunt. Sicuti autem in communione positiva dominium nonnisi unum existit (§. 131. pars. 3. *Jur. nat.*)

nat.); ita quoque in condominatu imperium nonnisi unum est, quod indivisum in duobus vel pluribus seorsim residet tanquam in suo subiecto. Hinc & condominatus socia regna appellantur veteribus, veluti quando *Staius* ait; sociis comes discordia regnis. Ea tamen differentia hic intercedit inter communionem positivam & regna socia, seu condominatum; quod condominus non habeat imperium pro parte, prouti pro parte tantummodo dominus rei indivisæ socius est, sed in solidum. Res enim, quæ dominio subjacet, in partes ita dividi potest, ut in unaqualibet subsistat dominium eodem prorsus modo; sed non ita dividi potest regnum, in quo socii regnant, quippe quod supponitur tanquam in se indivisum in partes scilicet subjectivas, quemadmodum *Grotius* loquitur. Unde diximus, in condominatu imperium indivisum commune esse in uno regno.

§. 141.

Superior in civitate dicitur is, cui competit jus in actio-*Superior* es
nes singulorum: *subditus* autem appellatur is, in cujus actio-*subditus*
nes alii, vel aliis conjunctim jus competit. Idem adeo est *quinam sit*
subditus, qui alias quoque subjectus vocatur (§. 201. *part.*
7. *Jur. nat.*), & superior, qui imperans dicitur.

Diversa sunt nomina, quibus eadem personæ in civitate indigitantur: quæ etsi dubio procul eandem personam pro diverso respectu designent, usu tamen loquendi postea introductum est, ut promiscue usurpentur. Idiomate patrio superior appellatur *der Obere*, subditus *der Unterthan*.

§. 142.

In Democratia populus universus superior est; singuli au- *Quinam sit*
tem subditi sunt. Etenim in democratia imperium est penes *superior, qui-*
totum populum (§. 131.), consequenter universis compe- *nam sint*
tit jus determinandi actus singulorum, qui ad bonum publi- *subditi in*
(*Wolfii Jur. Nat. Pars VIII.*) N cum *Democratia.*

cum promovendum requiruntur (§. 60.). Quamobrem cum in civitate superior sit is, cui competit jus in actiones singulorum (§. 141.); populus universus in democratia superior est. *Quod erat unum.*

Quoniam in democratia populo universo competit jus in actus singulorum, *per demonstrata*, subditus vero est alteri is, in cujus actiones eidem jus quoddam competit (§. 141.); in democratia singuli sunt subditi universorum. *Quod erat alterum.*

Imperium civile residet in populo tanquam in universitate, cumque imperans, seu superior sit persona moralis, quæ determinatur per imperium, seu quæ spectatur tanquam subiectum imperii civilis, populus universus in democratia spectari debet tanquam persona moralis distincta ab individuis physicis, qui sunt singuli per consociationem populus conjunctim facti. Quemadmodum itaque singuli quæ tales non sunt universi; ita nec subditi in democratia iidem sunt, qui superiores. Neque absurdum est, universos esse superiores, seu potius unam superioris personam gerere, singulos vero eidem subiectos, vel subditos esse.

§. 143.

*Quinam in
Aristocratia
sit superior,
quinam
subditus.*

In Aristocratia superior est universitas optimatum, singuli autem optimates, perinde ac populus reliquus subditi sunt. Etenim in Aristocratia imperium est penes optimates, prouti erat durante statu democratia penes populum universum (§. 135.). Imperium itaque civile residet conjunctim in optimatibus, tanquam in una persona morali, consequenter conjunctim ipsis, non singulis per se jus competit in actus civium. Quamobrem cum superior sit, cui competit jus in actiones singulo-

singulorum (§. 141.); in Aristocratia superior est universitas optimatum. *Quod erat unum.*

Enimvero quoniam in Aristocratia imperium competit optimatibus qua universis, singuli idem non habent, consequenter *per demonstrata* nec singuli sunt reliquo populo superiores. Quoniam vero ipsi perinde ac ceteri membra civitatis sunt, ideo necesse est, ut universis idem jus competat in singulos, quod competit in ceteros cives. Quamobrem cum subditus sit, in cujus actiones aliis jus quoddam competit (§. 141.); optimates in Aristocratia perinde ac populus reliquus subditi sunt. *Quod erat alterum.*

Minime absurdum est, ut in Aristocratia optimates conjunctim sint superiores, singuli autem subditi: superiorem enim facit imperium, hoc autem in optimatibus existit, quatenus universitas sunt, minime autem in singulis per se. Existit nimirum in optimatibus imperium eodem modo, quo existebat in populo, ac ideo de ipsis idem valet, quod de populo annotavimus (not. §. 142.).

§. 144.

In condominium tot sunt superiores, quot condomini, nec unus eorum subditus est alteri, vel ceteris, si plures duobus fuerint. Etenim regia potestas, seu imperium civile in singulis ita residet, ac si unus condominorum saltem imperaret, consequenter ea est singulorum autoritas, quæ foret unus. Enimvero si unus saltem imperaret, foret is superior, minime autem subditus (§. 141.). Quamobrem in condominium tot sunt superiores, quot condomini, nec unus eorum subditus est alteri, vel ceteris, si plures duobus fuerint.

Patet itaque differentia, quæ intercedit inter Aristocratiam & condominium. In Aristocratia imperium in optimatibus

existit tanquam in universitate, ut nonnisi omnes conjunctim dici possint superiores, seu imperantes: at in condominatu imperium existit in singulis, ut unusquisque eorum sit superior, seu imperans;

§. 145.

Libertas civilis populi est independentia quoad actus *Libertas civilis populi* est independentia quoad actus *Libertas civilis populi* ad bonum publicum promovendum requisitos a voluntate in quoniam alterius. *consistat.*

Distinguenda nimirum est libertas naturalis, quæ singulis competit (§. 146. *part. 1. Jur. nat.*), a libertate civili. Illa respicit actiones quasvis humanas; hæc autem nonnisi eas, quæ ad finem civitatis consequendum faciunt. Libertas igitur naturalis latior est libertate civili.

§. 146.

De libertate civili in Quoniam libertas civilis populi consistit in independentia quoad actus ad bonum publicum promovendum requisitos a voluntate alterius (§. 145.), in democratia autem imperium penes populum est (§. 131.) consequenter ipse determinat pro lubitu actus ad bonum publicum promovendum requisitos (§. 60.), ac ideo non dependet quoad eos ab ullius alterius voluntate; *in democratia populus libertate civili fruitur & populus liber dicitur non tantummodo respectu exteriorum, verum etiam respectu sui ipsius.*

De libertate populi respectu extraneorum egimus supra (§. 55.). Hic vero consideramus populum tanquam liberum respectu sui ipsius. Fluit libertas civilis ex libertate naturali, eademque nititur tanquam basi, cum homines naturalis amantes etiam quoad eos actus, qui ad bonum publicum promovendum in civitate requiruntur, non prorsus inviti dependere voluerint a voluntate alterius, vel aliorum (*not. §. 132.*).

§. 147.

§. 147.

In monarchia & aristocratia populus libertate civili destituitur. Etenim in monarchia imperium plenum, absolutum & summum est penes monarcham (§. 134.), in aristocratia penes optimates (§. 136.). In illa igitur monarchia, in hac optimatum universitas determinat eos actus, qui ad bonum publicum promovendum requiruntur (§. 60. 62.), pro luitu (§. 66.), nec ab ullius voluntate dependent monarcha & optimates (§. 44.). Quamobrem in monarchia populus unice a voluntate monarchæ, in aristocratia a voluntate optimatum dependet quoad eos actus, qui ad bonum publicum promovendum requiruntur. Quoniam vero libertate civili destituitur populus, si quoad actus ad bonum publicum promovendum requisitos ab alia, quam sua voluntate dependet (§. 145.); in monarchia & aristocratia populus libertate civili destituitur.

De eadem sublata in monarchia & aristocratia.

Libertas civilis prædicatur de populo universo, non de singulis sigillatim. Quamobrem libertati civili non obstat, quod in civitate singulorum libertas restringatur quoad eas actiones, quæ ad bonum publicum promovendum requiruntur (§. 47.). Quando de libertate civili quæstio est, tum quæritur, utrum populus in determinandis actibus ad exercitium imperii civilis spectantibus, seu iis, quæ ad bonum publicum promovendum faciunt, a sua voluntate dependeat, an ab aliena, quam sequi teneatur. Atque tum omnino apparet, in monarchia & aristocratia quoad ea, quæ ad bonum publicum promovendum faciunt, determinanda nullam esse populo voluntatem, sed eum alienam sequi & in ea acquiescere debere.

§. 148.

Quoniam in monarchia & aristocratia populus libertate civili destituitur (§. 147.); si populus in monarchiam, vel pulus eidem aristocratiæ renunciet.

aristocratiam consentit, consequenter imperium, quale habet, in alium vel alios transfert, libertati suæ civili renunciat (§. 103. part. 3. Jur. nat.).

Renunciatio libertatis civilis tacite inest ipsi translationi imperii pleni, absoluti atque summi in alium, vel alios, ut ideo expressa minime sit opus (§. 211. part. 7. Jur. nat.).

§. 149.

*Quomodo
prospiciatur
libertati ci-
vili populi
& libertati
naturali
singulorum.*

In formis Rerump. mixtis libertati civili populi & libertati naturali singulorum prospicitur. In Rep. mixta imperium limitatur, & in partes potentiales dividitur (§. 138.). Quamobrem cum in limitatione imperii ejus exercitium certis legibus adstringatur, & certi actus a consensu vel populi, vel certorum quorundam ex populo suspendantur (§. 66. 74.), in divisione autem in partes potentiales certa jura ad imperium pertinentia imperanti adimantur (§. 63.); in formis Rerump. mixtis populus quoad actus ad exercitium imperii pertinentes, consequenter ad bonum publicum promovendum requisitos (§. 60.), non vult unice dependere a voluntate imperantis, nec vult exercitium imperii extendi ultra eas actiones, quæ ad bonum publicum promovendum faciunt. Enimvero libertati civili populi prospicitur, si is quoad ea, quæ ad bonum publicum promovendum requiruntur, unice a voluntate imperantis pendere nolit (§. 145.), & libertas singulorum naturalis salva manet in civitate, quatenus imperium non extenditur ultra eas actiones, quæ ad bonum publicum promovendum requiruntur (§. 47.). In formis itaque Rerump. mixtis libertati civili populi & libertati naturali singulorum prospicitur.

Formæ Rerump. mixtæ diversæ introducuntur, prouti populus hoc, vel alio modo melius prospici judicat libertati civili

vili suæ, tum etiam libertati naturali singulorum, cui inprimis præjudicatur, si imperans imperium in abusum trahit.

§. 150.

Si imperantes norunt, quænam ad bonum publicum promovendum sint necessaria, & constans ipsis ac perpetua voluntas est nam formam faciend, nisi quod ad bonum publicum promovendum necessarium judicaverint, omittendi autem omnia, quæ bono publico adversari deprehenderint; omnis Reip. forma apta est ad finem civitatis consequendum. Etenim si imperantes norunt, quænam consequenda bonum publicum promovendum sint necessaria; fieri dum omnino nequit, ut per ignorantiam faciant, quæ eidem adversantur, aut omittant, quæ ad idem promovendum fieri debent. Quodsi ipsis fuerit voluntas constans nil faciendi, nisi quod ad bonum publicum promovendum necessarium judicaverint, ex adverso autem omittendi, quicquid bono publico adversari deprehenderint; a proposito exequendi ea, quæ ad bonum publicum promovendum requiruntur, nullo se modo abduci, nec ad faciendum quicquam, quod eidem adversatur, ullo se modo adduci patietur, & ubi eadem voluntas perpetua est, in omni casu tales se præstabunt (§. 1062. part. 1. Theol. g. natur.). Sive igitur unus imperet, sive plures imperent, aut totus populus, & sive penes unum aut plures imperium fuerit absolutum ac summum, sive limitatum quocunque modo, consequenter qualiscunque tandem fuerit regiminis forma (§. 131. & seqq.), ea apta erit ad finem civitatis consequendum, si imperantes norint, quænam ad bonum publicum promovendum sint necessaria, & constans ipsis ac perpetua fuerit voluntas nil quicquam faciendi, nisi quod ad bonum publicum promovendum necessarium judicaverint, omittendi autem omnia, quæ bono publico adversari deprehenderint.

Ut

Ut finis obtineatur, necesse est ut agens norit media ad finem ducentia & ut velit mediis istis uti, nec ab hac voluntate ullo modo se abduci patiarur. Duo igitur hæc requisita si habuerit imperans, sive is unus sit, sive plures sint, qui imperant, sive populus universus imperium sibi retinere maluerit, finem civitatis consequi datur. Pendet nimirum a virtute intellectuali & morali imperantis promotio boni publici, minime autem per se a forma Reip. Hinc etiam experientia docet, salvas fuisse Resp. tum in statu populari, seu democratico, tum in aristocratico, tum in monarchico, nec ullam harum formarum per se esse ineptam ad finem civitatis obtinendum, quemadmodum etiam exempla in contrarium prostant in qualibet Reip. forma. Immo in mixtis quoque Reip. formis salus populi pendet a virtute intellectuali & morali eorum, qui ad exercitium imperii quomodocunque concurrunt.

§. 151.

*Quando-
nam nulla
apta sit.*

Si imperantes ignorent, quam ad finem civitatis consequendum necessaria sunt, aut ipis desit voluntas mediis ad eum ducentibus utendi, seu bonum publicum promovendi; in nulla & ip. forma finis civitatis obtinetur. Etenim ex demonstratione propositionis præcedentis patet, ut finis civitatis obtineatur requiri in imperante & notitiam mediorum ad eum ducentium, & voluntatem constantem atque perpetuam bonum publicum promovendi. Quod si ergo vel notitia deficiat, vel voluntas; qualiscunque tandem fuerit forma Reip. finem civitatis minime obtineri dabitur.

Difficile idcirco est determinare formam Reip. in qua ejus salus nihil patiarur detrimenti. Promotio boni publici semper pendet a judicio & voluntate eorum, qui Remp. regunt. Nisi igitur hi iis virtutibus fuerint iultructi, quæ ad rectum & bonum regimen requiruntur, sola Reip. forma rem minime confeceris. Sed de eligenda Reip. forma agere Politici est.

Hic

Hic enim tantummodo de jure agitur, conſequenter ſufficit demonſtraſſe, omnem Rerump. formam ſimplicem & ex ſimplicibus quomodocunque mixtam moraliter poſſibilem eſſe, hoc eſt, talem, in qua finis civitatis obtineri poteſt, modo ſint imperantes, quales eſſe debent.

§. 152.

Forma Reip. non variat ſpeciem imperii, ſeu nihil in eadem immutat. Etenim formæ Rerump. in eo differunt, quod imperium exerceatur vel ab vno, vel a pluribus, vel a toto populo (§. 151. & ſeq.), & quando imperium in mixta Rep. limitatur (§. 138.), limitatione exercitium ejus ſaltem certis legibus adſtringitur, aut in nonnullis a conſenſu vel populi totius, vel certorum quorundam ſuſpenditur (§. 74.). Quoniam itaque formæ Rerump. tantummodo conſiſtunt in modo exercendi ſeu adminiſtrandi imperium; per eas in ipſo imperio nihil mutatur, conſequenter forma Reip. ſpeciem imperii minime variat.

An forma Reip. variet ſpeciem imperii.

Imperium civile unum idemque eſt in qualibet civitate, conſiſtit enim in jure determinandi ea, quæ ad bonum publicum promovendum requiruntur (§. 60.). Quoniam vero non uno modo exerceri poteſt, ideo inde naſcuntur diverſæ Rerump. formæ, quæ determinant modum exercendi imperii civilis. Qualisunque tandem fuerit forma Reip. tantundem juris competit iis, ad quos imperii adminiſtratio ſpectat ſimul ſumtis, quantum in ſtatu civitatis originario populo univerſo in ſingulos.

§. 153.

Quoniam forma Reip. non variat ſpeciem imperii, ſeu nihil in eadem immutat (§. 152.), imperium autem civile, quale ſcilicet originarie eſt, extendi nequit ultra eas

Quantum juris ſuperiori in ſubditos compe-

(*Wolfii Jur. Nat. Pars VIII.*) O actio-

*tas in qua-
vis Reip.
forma.*

actiones, quæ ad commune civitatis bonum publicum consequendum pertinent (§. 35.), & quoad actiones ceteras de libertate singulorum naturali delibet (§. 47.); *in qualibet Reip. forma non plus juris imperantibus competit in singulos, seu superiori in subditos, quam ad bonum publicum promovendum sufficit, nec in una Reip. forma imperium civile latius patet; quam in altera.*

Falluntur itaque, qui sibi persuadent, in democratia minorem esse potestatem, quam in Monarchia, vel Aristocratia, & minorem in Aristocratia, quam in Monarchia. Etenim jus imperii in qualibet forma reliqua mensuram suam capit ex democratia, in qua conspicitur in populo, quale originarie sit. Finis civitatis semper idem manet, quæcunque forma Reip. eligatur, quod per se patet (§. 4). Ex fine autem metiendum est jus, quod tale ac tantum esse debet, quale ac quantum requiritur, ut fine intento potiri detur. Quodsi fingas aliquod jus imperanti competens, quod in fine civitatis rationem sufficientem minime habet; unde id oriatur, ostendi minime poterit, nec dari poterit ulla ratio, cur illi competere debeat.

§. 154.

Ad quam

Cum in una Reip. forma imperium civile non la-
facienda in tius pateat, quam in altera (§. 153.); *in qualibet Reip. for-*
*qualibet for-*ma imperans ea facere tenetur, ad qua facienda populus obligatus
ma impe- fuisset, siquidem imperium sibi retinuisse, seu in statu populari
rans oblige- permanisset.

tur.

In nulla Reip. forma populus aliter pendere vult a voluntate ejus, vel eorum, qui imperium administrant, quam qua-
tenus acquiescere vult in ipsorum judicio de eo, quod ad commune civitatis bonum promovendum requiritur. Ad recte imperandum requiritur judicium verum. Quodsi vero sup-
ponas

ponas, imperantis iudicium de eo, quod ad bonum publicum promovendum requiritur, esse verum; idem omnino erit in qualibet Reip. forma, & in qualibet faciet imperans, quæ faceret populus, si ex vero de salute publica statueret, quemadmodum debebat.

§. 155.

Regnum patrimoniale dicitur, si imperium fuerit in *Deregnopatri*monio Regis; vocatur autem *usufructuarius*, si imperium saltem fuerit in usufructu Regis. Quoniam imperium & usufructus in Regem transferri potest vel quoad exercitium, vel quoad *Quar*iam substantiam (§. 39.), & si quoad substantiam transfertur, illud in patrimonio habet, si vero quoad exercitium, id non habet nisi in usufructu (§. 40.); *regnum tam patrimoniale, quam usufructuarius* possibile est.

De Monarchia jam ostendimus, quod imperium vel in patrimonio, vel in usufructu habere possit (§. 134.), consequenter patet quoque ex superioribus monarchiam esse vel patrimoniale, vel usufructuariam.

§. 156.

Aristocratia patrimonialis dicitur, si imperium fuerit in patrimonio optimatum: *usufructuaria* vero vocatur, si imperium saltem fuerit in usufructu optimatum. Quoniam *De Aristocratia patrimoniali* optimates imperium habere possunt vel in patrimonio, vel in usufructu (§. 136.); *aristocratia tam patrimonialis, quam usufructuaria* esse potest.

Aristocratia patrimonialis etsi referenda non sit inter ea, quæ impossibilia sunt, rarior tamen est, ut ejus nomen inaudirum pronunciet apud omnes Historicos & juris publici privati que scriptores *Huberus* de I. C. lib. 1. sect. 8. c. 3. ipse ta-

men ibidem ostendit, regimen Fisiæ occidentalis & quarundam vicinarum gentium esse patrimoniale aristocraticum.

§. 157.

Quomodo negotia de-majori visum fuerit, id habendum esse pro totius populi voluntate, finiendam nisi expresse de nonnullis aliter fuerit conventum scilicet, ut non-statu populi nisi unanimia concludant, vel certus votorum numerus vincat.

Qui enim in civitatem coeunt, societatem contrahunt (§. 4.) Enimvero qui societatem contrahunt, tacite conveniunt, quod majori parti visum fuerit, id habendum esse pro communi omnium sententia (§. 80. *part. 7. Jur. nat.*). Quamobrem qui in civitatem coeunt, tacite conveniunt, quod parti majori visum fuerit, id habendum esse pro populi totius voluntate. *Quod erat unum.*

Quodsi vero expresse de nonnullis aliter conveniunt, scilicet ut nonnulli unanimia concludant, vel certus votorum numerus vincat, cum in casu priori nihil concludi possit, nisi unanimia adsint, in posteriori autem nihil concludatur, quamdiu pro una sententia vel unum votum deficit (§. 107. *part. 7. Jur. nat.*); de negotiis istis exceptis pro voluntate totius populi haberi nequit, quod majori parti visum fuerit. *Quod erat alterum.*

Pertinent huc ea omnia, quæ prolixè satis de jure votorum seu suffragiorum demonstravimus (§. 62. *Et seqq. part. 7. Jur. nat.*), ut ideo non opus sit inutili prolixitate ibidem demonstrata ad statum popularem applicare.

§. 158.

*Voluntatem
monarchæ*

Quoniam in statu populari, qui resultat, dum in civitatem coitur (§. 4. 131.), pro totius populi voluntate habetur,

habetur, quod parti majori visum fuerit, nisi expresse de *optima* nonnullis aliter fuerit conventum (§. 157.); in Monarchia *sum pro vo-* autem populus omne jus suum transfert in monarcham *luntate po-* (§. 133.), in Aristocratia in optimates (§. 135.); *Quod mo-* puli *haben-* *narcha videtur in monarcha; quod optimatibus, in aristocratia ha-* *dem.* *betur pro populi totius voluntate.*

Quando nimirum populus jus suum transfert in monarcham, ipso facto sese obligat, quod ipsius voluntatem habere velit pro voluntate sua. Ac idem intelligitur in Aristocratia quoad optimates. In monarchia itaque & aristocratia populo nulla est voluntas propria circa ea, quæ ad exercitium imperii spectant.

§. 159.

Quoniam in monarchia, quod monarchæ; in aristocratia, quod optimatibus videtur habendum pro totius *Judicium* *monarche* populi voluntate (§. 158.), voluntas autem dependet a ju- *optima-* dicio intellectus (§. 892. *Pfy h. empir.*); *quod in monarchia sum esse ju-* *monarcha, in aristocratia optimates judicant de iis, quæ salus pu-* *dicium po-* *blica exigit, id pro judicio totius populi habendum, consequenter* *puli.* *totus populus eodem stare tenetur.*

Quando nimirum populus jus suum transfert in monarcham, ipso facto sese obligat, quod judicio ipsius stare velit in iis, quæ salus publica exigit. Atque idem valet de optimatibus in aristocratia. In monarchia itaque & aristocratia populi nullum est judicium de iis, quæ ad salutem publicam promovendum requiruntur.

§. 160.

Monarcha in monarchia, optimates conjunctim in aristo- *Quinam* *cratia populum representant.* Etenim monarcha in monarchia, *populum re-* *optimates conjunctim in aristocratia jus populi habent, ac presentet in* *tantundem possunt; quantum populus in statu democratico monarchia*

§ aristocra- (§. 133. 135.). Quoniam itaque monarcha & optimates
tis. per hoc ipsum jus, quod originarie populi est, in esse suo determinantur, tanquam personæ morales (§. 70. *part. 1. Jur. nat.*); monarcha utique in monarchia, optimates conjunctim in aristocratia populum repræsentant.

Nimirum populus, quatenus imperium habet, persona quædam moralis est, & eidem tribuitur intellectus, quatenus judicium de iis requiritur, quæ salus publica exigit in administrando imperio, voluntas vero, quatenus vult ea fieri debere, quæ ad salutem publicam promovendam facere judicat. Ultra hæc intellectus & voluntas personæ istius moralis non extenditur. Quando imperium transfertur sive in monarcham, sive in optimates, personam hanc moralem induit monarcha in monarchia, collegium, seu universitas optimatum in aristocratia. Et ita populum repræsentat monarcha in monarchia, collegium sive universitas optimatum in aristocratia, & qui antea populi erat intellectus, quæ erat populi voluntas, is intellectus, ea voluntas nunc monarchæ est in monarchia, nunc optimatum universim spectatorum in aristocratia. Absit vero, ut tibi persuadeas, quasi infra dignitatem monarchæ sit repræsentare populum, propterea quod absurdum existimas, ut superior repræsentet subditos (§. 133. 141.). Etenim populum repræsentat, quatenus habet jus, quod originarie populo inhæret, consequenter quatenus populus, quamdiu jus istud sibi retinet, superior est singulis (§. 142.), non quatenus singuli sunt subditi populo universo. Ut idem clarius appareat, duas pone Resp. quarum una est democratia, altera monarchia. Nonne in illa populus, in hac monarcha sunt una eademque persona moralis? Nonne in democratia populi universi eadem est auctoritas, quæ monarchæ in monarchia? Nonne ideo monarcha in monarchia superior sit, quia in locum populi succedit, eumque repræsentat, quatenus superior erat, quamdiu status manebat popularis.

§. 161.

In Rep. mixta id pro voluntate totius populi habetur, quod Quidnam legibus fundamentalibus convenit, aut consensu totius populi, vel in Rep. mixta habetur certorum quorundam e populo confirmatum fuit. In Rep. enim mixta imperium limitatum competit imperanti (§. 138.), pro populi consequenter ejus exercitium in iis, quæ semper eodem modo fieri possunt, certis legibus adstrictum, de quibus autem ex præsentī nonnisi tempore judicium fieri potest, utrum ea sint e re civitatis, nec ne, ea a consensu vel totius populi, vel certorum quorundam e populo suspenduntur (§. 74.). Populus itaque vult, ut illa per leges fundamentales definiantur, ad hæc autem consensus vel totius populi, vel certorum quorundam e populo requiratur. Quamobrem id voluntati populi convenit, quod legibus fundamentalibus convenit, aut ad quod vel populi totius, vel certorum quorundam e populo requisitus fuit consensus. In Rep. mixta igitur id pro voluntate totius populi habendum, quod legibus fundamentalibus convenit, aut consensu totius populi, vel certorum quorundam e populo confirmatum fuit.

Populus voluntatem suam declarat vel per se, ut in monarchia (§. 131.), vel per alios, quorum voluntatem pro sua se habere velle se obligavit vel absolute, ut in monarchia (§. 133.), & aristocratia (§. 135.), vel quatenus certis legibus conformis, aut consensu certo munita, ut in Rep. mixta (§. 138.). Tot nimirum modis possibile est, ut quis voluntatem suam declaret. Ceterum ex iis, quæ hæcenus demonstravimus, patet, quo sensu admitti possit, quod a nonnullis dicitur, in monarchia & aristocratia populum carere ratione, & eam in monarchia non esse nisi monarchæ, in aristocratia vero optimatibus, rationem monarchæ & optimatum esse loco rationis populo: id quod in Rep. mixta minime obtinet.

§. 162.

§. 162.

Magistratus *Magistratus* dicitur, cui partes quædam imperii *quædam* *sic* exercendæ committuntur a superiore in civitate. Unde patet, *magistratum partes sibi demandatas imperii non exercere proprio nomine, sed nomine superioris*, consequenter eum *rationem reddere teneri actuum suorum superiori, ac ab eo coerceri posse*.

Aliud omnino est imperare proprio nomine, aliud nomine alterius. Qui enim nomine alterius imperat, is non jus suum exercet, sed jus, quod est alterius, etsi habeat jus exercendi jus alterius. Aliud igitur est transferre in alterum imperium, aliud vero tantummodo jus exercendi imperium, ut scilicet id exerceat dependenter a sua voluntate.

§. 163.

De ministro *magistratus* Quoniam superior in civitate in magistratum tantummodo confert jus certas imperii partes suo nomine exercendi (§. 162.); in *administrando imperio magistratus ministerio* *utitur imperans, seu superior*.

Per magistratum nimirum facit imperans, quod vi imperii per se facere debebat, sed commode facere non poterat, aut proflus non poterat. Perinde nimirum est, ac si quis opera aliena utitur in re sua.

§. 164.

An status popularis mutetur *Si populus exercitium imperii saltem committit uni, vel pluribus personis conjunctim, sibi autem reservat jus in omnes actus imperantis; status popularis non mutatur*. Etenim si populus exercitium imperii saltem committit uni, vel pluribus personis conjunctim, sibi autem reservat jus in omnes actus imperantis, seu imperium exercentis, eorum ministerio in exercendo imperio saltem utitur populus, & quibus facultas

tas exercendi imperii data, ii tantummodo magistratus sunt, nequaquam vero superiores (§. 162. 141.), immo sunt subditi populi (§. 141.). Quamobrem cum imperium maneat penes populum, etsi is idem per alios exerceat, status autem popularis sit, in quo imperium penes populum est (§. 131.); si populus exercitium imperii saltem committit uni, vel pluribus personis conjunctim, sibi autem reservat jus in omnes actus imperantis, status popularis non mutatur.

Falluntur sane, qui sibi persuadent Reges & Optimates non esse nisi magistratus a populo ad gubernandam Remp. constitutos, siquidem vocabulum magistratus sumatur in significatu determinato, quem eidem tribuimus (§. 162.). Quando autem superior in civitate, veluti Rex in regno, collegium Optimatum in Aristocratia, dicitur Magistratus summus, die höchste Obrigkeit, id fit intuitu officii, quod idem est in casu propositionis præsentis Magistratus a populo constituti & Monarchæ, sive Regis in regno, universitatis seu collegii Optimatum in Aristocratia. Ex identitate autem officii non sequitur identitas juris ad eos actus, in quibus officium consistit. Sed sententia ista jam cadit per ea, quæ superius demonstrata & annotata fuerunt (§. 82.).

§. 165.

Si populo saltem competat jus constituendi quotannis certas personas, qui imperium civile exercent, electa autem imperium summum habeant; forma Reip. non est democratia, sed aristocratia temporaria. De Aristokratia temporaria. Etenim si penes eos, in quos imperium transfertur quoad exercitium ad certum tempus a populo, idem fuerit summum; imperium summum non est penes populum, quod per se patet. Enimvero si imperium summum non fuerit penes totum populum, forma Reip. democratia non est (§. 131.). Ergo si populo saltem competat

(Wolffii Jur. nat. Pars VIII.) P petat

petat jus constituendi quotannis certas personas, quæ imperium civile exercent, electæ autem imperium summum habeant; forma Reip. democratia non est. *Quod erat unum.*

Quoniam itaque in casu propositionis præsentis imperium summum ad certum tempus est penes eos, quos populus elegit, ut isto tempore imperium exercent, aristocratia vero est ea Reip. forma, in qua imperium summum est penes certas quasdam personas, non vero penes totum populum (§. 135.), eaque temporaria, si potestas summa iisdem saltem competit ad certum tempus; in casu propositionis præsentis forma Reip. aristocratia temporaria est. *Quod erat erat alterum.*

Jus eligendi certas personas, quibus demandatur exercitium imperii, pertinet ad modum disponendi de ipsa substantia imperii, consequenter ad proprietatem imperii (§. 131. part. 2. *Jur. nat.*). Hæc proprietas semper manet apud populum, si imperium penes eum, vel eos, qui idem exercent, saltem fuerit quoad exercitium. Dispositio autem illa non afficit modum exercendi imperium, a quo summitas imperii dependet, quippe quæ populo imperium transferenti nullum relinquit jus in actus ad exercitium imperii pertinentes (§. 44). Modus itaque transferendi imperium probe distinguendus est a modo exercendi imperium.

§. 166.

Territorium dicitur locus, in quo alicui imperium civile competit.

Territorium quid sit.

Ita territorium civitatis est regio, quam populus inhabitat & in qua originarie ipsi competit imperium civile. Quando nimirum populus terræ quandam partem occupans in societatem civilem coit, non modo fundos dominio suo subjicit, verum

verum etiam imperium in istis occupat, ut, qui in eo commorantur, vel consensu ipsius bona quædam possident, juri populi subiecti sint. Possunt vero a populo vel eo, aut iis, qui jus populi habent, etiam constitui territoria magistratuum, quatenus definiuntur certa loca, in quibus imperii exercitium ipsis demandatum.

§. 167.

Quoniam populo, aut ei, vel iis, qui jus habent *De iis, qui populi, in territorio imperium civile competit (§. 166.), in territorio qui consensu populi in territorio commorantur, aut bona quædam alieno possident, etiam si membra alterius civitatis sint, in casu prioris morantur, quoad personam suam, in posteriori quoad bona juri populi, aut ejus, vel bona vel eorum, qui jus populi habent, subiecti sunt, i, si autem peregrini sunt (§. 7.).*

Pendet a voluntate populi, utrum peregrinis permittere velit, nec ne, ut in territorio suo commorentur, vel bona possideant. Ita olim Sinenses non permittebant, ut quis peregrinus in territorium ipsorum accederet, poena capitali in eum constituta, qui in id ingredi auderet. Multo minus itaque permittendum est, ut in territorio nostro bona possideant. Pendet quoque a voluntate populi, utrum iis, qui bona possident, consensu suo jus civitatis dare velit, nec ne. Prostant hodie exempla, ubi jus civitatis denegatur peregrinis, etiam si ipsis permittatur, ut bona possideant in alieno territorio.

§. 168.

A voluntate populi unice dependet, utrum imperium exerceri saltem debeat per patresfamilias, an ad exercitum ejus etiam admitti debeant foeminae, impuberes alique, qui rebus suis præesse non possunt. & peregrini, qui bona intra territorium civitatis possident. *Quanam persona in democratia sine exerci-*

iii imperii
capaces.

fidet. Etenim imperium civile est originarie res populi propria (§. 34.), & in democratia propria manet (§. 131.). Quamobrem de ejusdem exercitio disponere potest, prouti sibi commodum & salutis publicæ convenire videtur (§. 86.). Quamobrem a voluntate ipsius dependet, utrum imperium exerceri saltem debeat a patribusfamilias, an ad ejus exercitium quoque admitti debeant foeminae, impuberes aliaeque personae, quæ rebus suis præesse non possunt, vel etiam peregrini, qui bona intra territorium civitatis possident.

Populus universus omnino complectitur personas omnes, quæ imperio eidem civili subsunt (§. 5.), consequenter non solum patresfamilias, verum etiam foeminas, minores, infantes & personas quasunque alias. Immo quoniam etiam peregrini, qui intra territorium civitatis bona possident, quoad bona ista imperio civili subjecti sunt (§. 167.); absurdum non est, ut quæ possessores horum bonorum ad populum referantur, licet possessio ista non obstat, quo minus maneant membra civitatis alterius, consequenter peregrini sint (§. 7.). Absurdum igitur non est, ut imperium exerceatur consensu omnium eorum, qui ad populum pertinent, vel certo quodam respectu ad eundem referri possunt. Quodsi enim qui fuerint, qui per se consensum suum declarare nequeunt, eundem sicuti in privatis negotiis per alios declarare possunt. Et sane ubi fax infimæ plebis, ubi foeminae, & personae aliae ab exercitio imperii excluduntur; consensum suum per ceteros declarare intelliguntur. Ita ubi saltem patresfamilias imperium exercent, eorum consensus habetur pro consensu omnium, qui in familia eorum, seu domo sunt. Mariti consensum suum declarant suo & uxorum nomine, patres suo & liberorum nomine, heri suo & famulorum suorum nomine. Quando nimirum convenitur, ut imperium saltem exerceri debeat a patribusfamilias; vi hujus pacti jus singulorum, qui sunt in eadem domo, coalescit in unum, quod in patrefamilias residet.

det tanquam in subjecto, ita ut hujus voluntas habeatur pro communi omnium voluntate, & personæ ceteræ renunciassent intelliguntur juri suo consensum suum per se declarandi, ita ut deficiente potestfamilias ab exercitio imperii non minus excludantur, quam eo vivente. Ceterum cum saluti publicæ convenienter omnia ordinanda sint in Rep. (§. 86.); si ad eam promovendam conducat certarum personarum exclusio, quin ea recte fiat dubitandum non est, ut ideo eadem in exclusionem consentire debeant (§. 28.), & non rogatæ consentire præsumantur.

§. 169.

Negotium publicum dicitur negotium, quod ad res *Negotii publici definitio.*
totius civitatis spectat.

Opponitur *negotio privato*, quod spectat ad res singulorum. Denominatio fit convenienter distinctioni inter publicum & privatum (§. 23.).

§. 170.

Quoniam negotia publica ad res totius civitatis spectant (§. 170.), negotia autem sint complexus omnium *Negotia publica de quonam agant.*
actionum ad aliquid obtinendum, vel efficiendum requisitarum (§. 68. *part. 7. Jur. nat.*), & ad civitatem non referuntur nisi actiones, quæ ad bonum publicum, seu commune totius civitatis requiruntur (§. 35.); *negotia publica ea sunt, quæ ad bonum publicum promovendum faciunt.*

Ita e. gr. deliberatio, utrum bellum sit suscipiendum, an ab eo abstinendum, negotium publicum est, quia ratio decidendi desumenda ab eo, quod civitati expedit, præsupposita nempe questione, an bellum, si susciperetur, foret justum, nec ne.

§. 171.

Eorum cura

Quia negotia publica ad bonum publicum promovendum faciunt (§. 171.), in democratia autem imperium pertineat in est penes populum (§. 131.), consequenter populus determinare tenetur ea, quæ ad bonum publicum promovendum requiruntur (§. 60.); in democratia cura negotiorum publicorum pertinet ad populum universum, consequenter negotia publica agi nequeunt nisi a populo universo, sive per se, sive per alios, quibus eadem agenda committit.

Exercitium imperii absolvitur negotiis publicis. Unde ad ea pertinent, quæcunque finis civitatis fieri jubet. Quamobrem cum in democratia imperium pertineat ad populum universum, quod partim per se, partim per alios exercet, quibus exercitium suo nomine committit; omnia quoque negotia publica ad populum universum pertinent, agenda sive per se, sive per alios, quibus id committere visum fuerit. Quæ enim populus per alios facit, id per se fecisse putatur.

§. 172.

Idem ulterius expenditur.

Quia negotiorum publicorum cura ad populum universum spectat (§. 171.), a populi autem voluntate unice pendet, num exercitium imperii omnibus commune esse debeat, an vero quibusdam exclusis ad certam tantummodo populi partem pertinere (§. 168.); cura negotiorum publicorum in democratia illorum est, ad quosnam exercitium imperii communi populi consensu restrictum.

Status popularis non desinit esse talis, etiamsi non omnes promiscue ad exercitium imperii admittantur. Ac ideo quoque in democratia necesse non est, ut cura negotiorum publicorum pertineat ad omnes. Sane cum civitates primitivæ fuerint societate inter plures domus contracta (§. 4.), patres.

tresfamilias autem imperium domesticum habuerint, prouti etiam nunc apud plerasque gentes habent, aut earum moribus saltem habere debent, sit ita, quod naturaliter patrifamilias & matrifamilias conjunctim competat (§. 1155. *part. 7. Jur. nat.*); dubitari minime potest, quod ab initio in democratia imperium civile saltem fuerit penes patresfamilias, ac per consequens ceteræ personæ omnes ab ejusdem exercitio fuerint exclusæ. Quoniam vero hoc unice venit a pacto, quo civitates constitutæ; nulla necessitas exigit, ut ne populus, si ita visum fuerit, aliter conveniat, nec quomodo convenierit, id juris sit.

§. 173.

Si populus negotia publica per se agere debet, necesse est, Quanam ut in certo loco conveniat & singuli suam de eo, quod fieri debet, requirantur voluntatem declarent. Etenim cum in democratia pro voluntate populi habendum sit, quod parti majori visum fuerit, *negotia publica* immo nonnulla negotia exitum habere nequeant, nisi vota *publica per se* unanimia adsint, aut certus adsit votorum numerus, de quo *agere debet.* ut vincat conventum fuerit (§. 157.); si quod negotium *beat.* publicum populus per se agere debet, necesse est ut singuli suam de eo sententiam declarent, consequenter ut eam declarare possint, in certo loco convenient.

§. 174.

Conventus negotiorum publicorum agendorum causa celebrati dicuntur *Comitia*. Quamobrem cum populus, si negotia publica per se agere velit, in certo loco illum agendorum causa convenire debeat (§. 173.); *populus universus negotia publica per se non nisi in comitiis agere potest.* *De comitiis.*

Pater hinc necessitas comitiorum in democratia. In democratia nihil fieri debet nisi populi universi consensu, quem obtineri

obtineri non posse per se patet, nisi populus aliquo in loco conveniat, consequenter nisi comitia celebrentur.

§. 175.

Cur populus omnia negotia per se agere non possit.

Quoniam populus negotia publica per se agere nequit nisi in comitiis (§. 174.), & per consequens necessaria est ut certo in loco illorum causa conveniat (§. cit.), impossibile vero est, ut quotidie conveniat; in democratia populus omnia negotia publica per se agere nequit, consequenter necesse est, ut ea, quae quotidiana sunt, aut saepius occurrunt, vel etiam moram non patiuntur, ut scilicet populus convocari & de iis statuere possit, aliis agenda committat, ac ideo certos magistratus constituat (§. 162.).

Comitia forent perpetua, si negotia publica omnia per se agere vellet populus. Quam vero sit absurdum populum universum semper in comitiis commorari debere, nemo non statim videt.

§. 176.

Quænam in comitiis definienda.

De quibus nonnisi ex præsentis tempore in casu emergente statuendum, ea populus in comitiis definienda sibi reservare debet, modo patiantur moram. Etenim in democratia imperium est penes populum universum (§. 131.), consequenter ab eo determinandum, quænam boni publici promovendi causa fieri debeant (§. 60.). Quodsi ergo quædam occurrunt, de quibus nonnisi ex præsentis tempore statuendum, cum de iis in antecessum nihil constitui possit, necesse utique est, ut populus conveniat & facta deliberatione concludat, quid sit faciendum. Quamobrem cum hac de causa comitia sint celebranda (§. 174.); populus in comitiis definienda sibi reservare debet ea, de quibus nonnisi ex præsentis tempore in casu emergente statuendum. *Quod erat unum.*

Quo-

Quoniam vero populus convocandus, si comitia celebranda, ac ideo multi ex locis remotioribus in eum locum accedere tenentur, ubi celebrantur; multum omnino temporis spatium requiritur, si quid in comitiis decidendum, seu negotium quoddam in iisdem agendum. Quamobrem si negotium aliquod moram non ferat, quamvis tale sit, ut de eo statui non possit nisi ex præsentis tempore, id tamen a populo in comitiis decidi nequit, consequenter nec talium decisionem populus sibi reservare potest, sed eam magistratui committere tenetur. *Quoq; erat alterum.*

Ita de bello suscipiendo in casu aliquo emergente statui nequit, nisi ex præsentis tempore. Quamobrem hæc deliberatio & decisio fieri debet in comitiis, siquidem status perfecte popularis esse debeat.

§. 177.

A voluntate populi unice dependet, utrum comitia statuto De tempore tempore semper sint habenda, an vero saltem in casu emergente, comitorum. quo de re quadam ex præsentis tempore statuendum. Pertinet enim hoc ad exercitium imperii, seu regimen (§. 218. part. 7. Jur. nat. & §. 60. h.). Quamobrem cum in democratia populus se regat ipsum (§. 131.) & de exercitio imperii, tanquam rei sibi propriæ (§. 54.), pro arbitrio disponere possit; a voluntate utique populi unice dependet, utrum comitia statuto tempore semper sint habenda, an vero saltem in casu emergente, quo de re quadam ex præsentis tempore statuendum.

§. 178.

Si comitia saltem habenda, quando casus quidam emergit, De jure con- in quo de re quadam ex præsentis tempore statuendum; necesse est, vocandi ponatur jus convocandi populum alicui conferatur & casus determinentur, pulum.

(Wolffii Jur. Nat. Pars VIII.) Q quan-

quantum fieri potest, in quibus comitia habenda. Etenim si comitia non habeantur statuto tempore, populus ignorat, quandonam convenire debeat. Quamobrem si in casu quodam emergente convenire debet, necesse est ut sit, qui eum convocet. Quoniam vero in democratia omnia fieri debent populi voluntate; nemo quoque sibi arrogare potest jus convocandi populum, nisi populus id eidem contulerit. Quare si comitia saltem habenda, quando casus quidam emergit, in quo de re quadam ex præsentis tempore statuendum; necesse omnino est, ut alicui jus convocandi populum conferatur. *Quod erat unum.*

Enimvero cum in democratia summitas imperii semper maneat penes populum, (§. 131.), populo quoque competit jus in actus ejus, cui jus convocandi populum collatum (§. 44.), & per consequens is jus sibi collatum exercere debet non pro lubitu suo, sed ad nutum populi. Quamobrem necesse est, ut populus specialius determinet casus, quantum quidem fieri potest, quorum causa comitia habenda. *Quod erat alterum.*

In Rep. omnia ordine fieri debent, & per consequens nec in democratia per turbam omnia agi a populo. Quamobrem nec unicuique liberum esse potest populum convocare, quando sibi visum fuerit; sed necesse omnino est, ut cura hæc cuidam committatur. Ne vero hic in convocando populo sit negligens, quando e re civitatis fuerit comitia haberi; utique necesse est, ut casus specialius definiantur, in quibus populum convocare debet, veluti si circumstantiæ præsentis suadeant, legem quandam ferri, aut olim latam abrogari, vel in nonnullis mutari, si de foederibus pangendis, aut pace ineunda deliberandum. Hæc casuum specialis determinatio hunc quoque habet usum, ne populus præter necessitatem convocetur; cum

cum comitia universi populi pluribus difficultatibus obnoxia sint, ut ea præter necessitatem non sint multiplicanda. Ubi-
rior autem istiusmodi rerum discussio ad Politicam pertinet.

§. 179.

*Si quis e populo necessarium judicet, ut comitia habeantur; De jure sin-
ei, in quem jus convocandi populum collatum, causas exponere debet, eorum quoad
cur populum convocari necessarium judicet.* Etenim si jus con-convocatio-
vocandi populum in aliquem fuit collatum a populo; ne-
nem populi.
mo quoque alius idem sibi arrogare, consequenter popu-
lum pro suo lubitu convocare potest. Quoniam tamen qui-
libet bonum publicum promovere debet pro virili (§. 24.);
si quis e re civitatis existimet, ut de re quadam statuatur a
populo, ipsi omnino integrum est sua desideria palam facere,
consequenter ei, cui jus convocandi populum competit,
causas exponere, cur populum convocari necessarium judi-
cet, & quoniam *per demonstrata* ipse eundem convocare ne-
quit, illi causas exponere debet.

Hoc modo minime turbatur ordo, qui voluntate populi in-
troducitur, & quem sequi quis e populo tenetur (§. 142.).
Cumque judicium de necessitate comitiorum sit ejus, penes
quem jus est convocandi populum; eo ipso quoque præca-
vetur, ne populus præter necessitatem convocetur. Quan-
vis enim expediat populum statuere de eo, cujus causa eun-
dem convocandum esse judicat monitor; non tamen propterea
necesse est, ut hac sola de causa comitia habeantur, cum ea
esse possit, quæ fert moram, tuto differenda, donec aliz cau-
sæ plures & magis prægnantes comitia urgeant.

§. 180.

*Siquis in convocando populo fuerit negligentior, vel prorsus De jure
nolit convocare, etiamsi sint causæ manifestæ, quæ comitia exigunt; compellenti
ad cogendi*

eum, qui jus ad populum convocandum compelli, immo cogi potest. Etenim convocandi cum in democratia summus imperii sit penes populum (§. 131.); eidem quoque competit jus in actus ejus, qui jus convocandi populum habet (§. 44.). Quod si ergo idem in convocando populo fuerit negligentior, immo monitus eundem convocare nolit; populo utique competit jus ipsum compellendi, immo cogendi, ut convocet.

Jus a populo in democratia concessum exerceri nequit pro lubitu, sed juxta voluntatem populi exercendum, sive is eandem constante quadam lege declaraverit, sive in casu quodam emergente eandem exercenti indicaverit. Jus hoc nullum foret, nisi conjunctum esset cum jure compellendi, seu cogendi eum, qui jus quoddam sibi concessum habet, ad idem, quando opus est, exercendum.

§. 181.

Quomodo compellatur.

Quoniam in convocando populo negligens, vel monitus eum convocare detrectans ad illum convocandum compelli, immo cogi potest (§. 180.), ad evitandum vero turbas requiritur, ut omnia in democratia certo ordine fiant; *populus juri monendi eos, quibus jus illum convocandi, concessum est, ut convocent, si negligentes fuerint, & ubi noluerint convocare, etiam si adsint causæ manifestæ comitiarum, jus convocandi populum alicui conferre debet, qui vero negligentes aut refractarios sese præbuerunt, in comitiis populo rationem negligentia & repugnantia reddere tenentur, & ab eo coerceri possunt (§. 131. 44.).*

Sunt qui putant, in casu præsentis populum extra ordinem convenire debere. Equidem dubium non est, quin id facere possit, non tamen e re civitatis videtur. Cum convenire nequeat, nisi convocetur, necesse est ut quis jus convocandi sibi arroget, cui num omnes parere velint minime certum est.

Unde

Unde facile oriuntur factiones & seditiones, quas esse noxias Reip. nemo diffidet. Quoniam itaque in Rep. salus publica, quo etiam pertinet tranquillitas, suprema lex est (§. 86.), & per consequens eidem convenienter omnia ordinanda sunt; conventus istiusmodi extraordinarii, qui dicuntur, non facile sunt permittendi.

§. 182.

Jus comitiorum habere dicitur, qui votum in comitiis *De jure comitiis* habet, consequenter ad comitia accedere potest. Quamobrem cum populus convenire possit, ut certæ personæ ab exercitio imperii excludantur, & per consequens idem non nisi ad certas pertineat, veluti ad solos patresfamilias (§. 168.); illi *jus comitiorum habent*, per quos exercitium imperii a populo in democratiâ restrictum, consequenter ceteri, si in comitiis comparere velint, non admittendi. Unde porro consequitur, iis, quibus *jus convocandi populum competit*, etiam *commitendum esse judicium de jure comitiorum*, quibusnam competat, vel, si ita visum fuerit, etiam aliis.

E. gr. Si feminae exclusæ sint a comitiis, ad ea admittendæ non sunt, ubi venerint. Quodsi autem habuerint, quod ipsarum causa proponendum sit in comitiis, id deferre possunt ad eos, quibus *jus proponendi* in iisdem competit. Nulla vero hæc ratio foret, cur comitiis interesse vellent, & ad deliberationes adhiberi. Similiter si sæx infima plebis ab exercitio imperii exclusæ, nec qui sunt ex ea, iis patet ad comitia accessus. Eteadem de his notanda sunt, quæ de feminis modo monuimus.

§. 183.

Si qui jus comitiorum habet, ad ea non vocatur; injuria *De eo, qui eidem fit.* Qui enim *jus comitiorum habet*, ei votum in co- *ad comitia* mitiis competit (§. 182.), consequenter ejus votum in deli- *non voca-* bera- *tur.*

berationibus, ut concludi possit (§. 74. *part. 7. Jur. nat.*), requirendum: quod ubi non fit, consequenter si is, qui jus comitiorum habet, ad ea non vocatur, jus ejus perfectum violatur (§. 239. *part. 1. Phil. pract. univ.*). Quamobrem cum violatio juris perfecti alterius injuria sit (§. 859. *part. 1. Jur. nat.*); si qui jus comitiorum habet, ad ea non vocatur, injuria eidem fit.

Justam igitur conquerendi causam habet, qui non vocatur, & de injuria ipsi facta tenetur is, qui jus convocandi habet. Naturaliter nec culpa excusat, licet absit dolus. In presenti autem casu standum est jure naturali, quamdiu populus in leges positivas non consentit, quæ inter culpam atque dolum in hoc casu distinguunt.

§. 184.

Quo effectus Si in comitiis, ad quæ quis convocatus non fuit, qui jus quidam non comitiorum habet, quidpiam fuerit conclusum, ad quod unanimia vocentur. requiruntur; is conclusum dissensu suo irritum reddere potest. Idem intelligitur, si plures non vocati dissensu suo majora efficiant. Qui enim jus comitiorum habet, ei votum in comitiis competit (§. 182.), consequenter si ad concludendum unanimia requiruntur, sine eo nihil concludi potest (§. 107. *part. 7. Jur. nat.*). Quodsi ergo is, qui ad comitia vocatus non fuit, dissentit; conclusum erit nullum, consequenter ad comitia non vocatus conclusum in iisdem irritum facere potest. *Quod erat unum.*

Quoniam qui jus comitiorum habent, iis votum in comitiis competit (§. 182.), nemini autem jus suum invito auferri potest (§. 336. *part. 2. Jur. nat.*); in numerandis votis, ut majora concludant (§. 79. *part. 7. Jur. nat.*), attendenda quoque sunt vota illorum, qui ad comitia non vocati, cum vocari

vocari debuissent. Quodsi ergo contingat, eos dissensu suo efficere majora; quod in comitiis conclusum irritum erit, & ipsorum sententia prævalebit. *Quod erat alterum.*

Qui itaque ad comitia vocati non sunt, recte contradicunt ei, quod conclusum fuit, & contendunt, ut votorum suorum quoque habeatur ratio. Unde patet, qua circumspectione uti debeat, qui jus convocandi habet, ne qui prætereantur, qui jus comitiorum habent.

§. 185.

A conventione populi dependet, utrum qui vocatus non De voto abcomparet, vel comparere nequit, votum suum alii committere, aut sentium per literas edere possit, an vero jus suffragii ad solos præsentēs pertinere debeat. Jus suffragii pertinet ad exercitium imperii, utpote comprehensum sub jure comitiorum (§. 182.). Quamobrem cum imperium, quod in democratia penes populum est (§. 131.), sit res populi propria (§. 34.), consequenter de iis omnibus, quæ ad exercitium imperii spectant, populus pro lubitu disponere possit (§. 118. part. 2. Jur. nat.); de modo quoque suffragandi statuere potest, quod sibi visum fuerit. Quodsi ergo velit, ut in comitiis nemo nisi præsens per se votum ferre possit, absentis votum erit nullum: si vero velit, ut absens quoque votum suum alteri præsentī mandare, aut per literas populo congregato significare possit, votum quoque absentis in numerando attendi debet. Patet itaque a conventione populi dependere, utrum qui vocatus non comparet, vel comparere nequit, votum suum alii committere, aut per literas edere possit, an vero jus suffragii ad solos præsentēs pertinere debeat.

Sunt equidem qui in comitiis democraticis nonnisi præsentium vota admittenda esse contendunt; non tamen ex sunt, quas

quas afferunt, rationes, ut sententiæ ipsorum necessario subscribere teneamur. Ajunt enim jus suffragii non esse in patrimonio suffragantium, consequenter neminem jus sibi competens posse dare alii. Enimvero si absens committit præsentem, ut votum suum significet populo congregato; is jus suffragandi, seu votandi, quod habet, non transfert in alterum, multo minus id facit, si votum suum per literas indicat. Et quando additur, publicam utilitatem postulare, ut quilibet ipse per se negotio intersit; id quidem in omni casu verum non est, nec quod utilius, statim jus facit, a quo minime recedendum. Sane in democratia juris est, quicquid de exercitio imperii & modo idem exercendi visum fuerit populo, consequenter semper standum est iis, de quibus populus convenit.

§. 186.

Quando populus per deputatos conveniat in comitiis.

Si numerus populi major fuerit, quam ut singuli in comitiis convenire possint; distribuendus is est in certos ordines & hi in coetus quosdam minores, qui certas personas eligant ipsorum nominare ad comitia mittendas. Etenim si populi tanta fuerit multitudo, ut singuli simul in eodem loco convenire non possint; impossibile omnino est, ut singuli per se votum edant, etsi jus comitorum, consequenter votum in comitiis edendi (§. 182.), vi democratici status conveniat singulis (§. 181.). Necesse igitur est, ut votum suum edant per alios. Quamobrem ut hoc ordine ac citra ullam confusionem fieri possit; populus utique distribuendus est in certos ordines & hi quasi subdividendi in coetus minores, ut singuli eligant certas personas, per quas votum suum in comitiis edere velint. Hæ cum repræsentent coetus suos, a quibus electæ sunt, & qui singuli jus suum in eas quoad casum præsentem transulerunt, aut, si mavis, exercitium juris sui iis commiserunt; si ad comitia mittuntur, perinde est ac si populus universus conveni-

conveniret. Patet itaque, si numerus populi major fuerit, quam ut singuli in comitiis convenire possint, populum dividendum esse in certos ordines & hos subdividendos in coetus minores, qui certas personas eligant ipsorum nomine ad comitia mittendas.

Status popularis non desinit esse talis, etiam integra populi multitudo non interfit comitiis. Sufficit, ut, quod concluditur, pro voluntate populi universi haberi possit, quatenus singulorum adest consensus, qualem in casu propositionis præsentis adesse, nemo non videt. Ponamus enim coetum certum, vel plurium hominum convenire, quod idem ipsis sit placiturum, quod ei, quem eligunt, videbitur; votum ejus omnino habendum est pro votis unanimibus omnium eorum, qui sunt in coetu eligente. In quod igitur is consentit, aut vi legis fundamentalis, quæ vororum pluralitatem tuetur, consentire debet; in idem quoque consentire intelliguntur, quotquot in coetu eligente sunt. Hoc modo facile apparet, quomodo consensu universi populi fiant conclusa in comitiis, etiam si in iisdem non præsens sit nisi certus deputatorum numerus. Parum refert, quibus nominibus appellentur illi coetus, in quos populus distinguitur, ac subdividitur, & quibus nominibus compellendi veniant illi, quos eligunt tanquam voluntatis suæ interpretes in comitiis. Nomina enim non ubivis eadem sunt, ubi res ipsa usu recepta est. Hic autem de re, non de nomine solliciti sumus.

§. 187.

In comitiis juxta proponendi, vota colligendi & numerandi, De direttore atque per ea concludendi certa cuidam personæ a populo conferri debet comitionum, vel conclusio quodam generali, vel electione a præsentibus facta quoad comitia præsentia. Per se patet, necesse esse ut quidam sit, qui in comitiis ea proponit, de quibus deliberandum, vota colligit, numerat ac juxta ea concludit. Enimvero in
(*Wolfii Jur. nat. Pars VIII.*) R demo-

democratia omnia determinari debent a populo, quæ quomodocunque ad exercitium imperii pertinent (§. 131.). Quamobrem etiam a voluntate ejusdem dependet, quinam in comitiis proponere debeat deliberanda, vota colligere & numerare, conclusumque facere. Quoniam vero populus voluntatem suam declarare potest concluso quodam generali, quod est instar legis fundamentalis & in omnibus comitiis attendendum, vel in præsentibus comitiis eligendo certam quandam personam; ideo jus proponendi, vota colligendi & numerandi, atque ex iis concludendi certæ cuidam personæ conferre debet, aut concluso quodam generali, aut electione a præsentibus quoad comitia præsentia facienda.

Directore utique opus est in comitiis, ut citra confusionem *justo ordine fiant, quæ agenda sunt. Quoniam vero director constitui potest perpetuus, sive quatenus hoc munus alteri cuidam proprium efficitur, vel in comitiis eligi aut ad dies vitæ, aut ad præsentia saltem comitia, libertati populi convenit, ut faciat, quod pro datis circumstantiis sibi melius videtur, & in eo sequatur suum judicium: id quod in omni casu obtinet, ubi aliquid non uno modo fieri potest.

§. 188.

Senatus definitio.

Senatus dicitur coetus certarum personarum, cui regimen publicum quoad ea, quæ quotidianæ administrationis sunt, vel quæ moram non ferunt, & executio illorum, quæ a superiore decreta sunt, committitur, & qui ad consilium de rebus publicis superiori subministrandum adsciscitur. Personæ singulæ, seu membra senatus *senatores* vocantur. Paret itaque *senatum esse superiorem quandam magistratum* (§. 162.), etsi magistratus senatui vulgo contradistinguantur, ita ut id nominis tribuatur personis in sensu restrictiori, quibus functiones inferiores ad regimen civitatis necessariæ atque ad certum

tum nonnisi civium numerum, seu loca certa restrictæ committuntur.

Quamvis nomen senatus pervulgatum sit, definitio tamen non adeo facilis est. Senatus instar personarum moralium est subiectum certorum jurium ad exercitium imperii civilis pertinentium, consequenter per ea in esse suo determinatur. Hæc autem jura a superiore in civitate in eum conferuntur pro lubitu, cujus voluntas cum libera sit, non eadem prorsus omni senatui conveniunt: neque enim senatus plus juris habere potest, quam superior in eum conferre voluit. Accedit, quod apud nos vocabulum senatus usurpetur de collegiis, quæ ex usu loquendi apud Romanos recepto minime eodem insigniri possunt. Equidem *Huberus* de I. C. lib. 3. sect. 1. c. 4. §. 2. consilii saltem de publicis rebus superiori subministrandi causa senatum adscitum in definitione sumit; ipse tamen §. 5. mox fatetur, fieri & posse, & solere plerumque, ut auctoritas & potestas quarundam rerum minoris momenti & quæ moram ferre nequeunt, illi tribuatur, cujus rei pro forma cujusque Reip. variet usus. Enimvero cum consiliarii a senatoribus distingui soleant; necesse omnino est, ut præter consilium aliud adhuc jus ipsis tribuatur, quod cum his commune non habent. Existimamus vero, si ad senatum Romanum respiciamus, qualis fuit in statu populari, nostram definitionem eidem satis convenire, nec eandem abhorrere a significato hodiernum in statibus popularibus receptum. Quicquid sit, in Jure Naturæ definitio senatus arbitraria est, cum in eodem de formis Rerump. agatur, quatenus possibiles sunt, & quid huic, vel isti conveniat vi notionis suæ; non vero quæstio sit de eo, quomodo Rerump. formæ a diversis gentibus fuerint constitutæ, quarum facta juxta naturæ legem examinanda. Neque enim ex factis hominum jus illud immutabile derivandum, sed hæc juxta istud dijudicanda. Quamobrem in determinando significato vocabulorum, quibus usi sunt homines, vel hodiernum utuntur, tanto major regnat libertas,

quando longius a determinato quodam & fixo significato absunt.

§. 189.

De auctoritate & potestate senatus Quoniam in democratia populus negotia publica per se agere non potest nisi in comitiis (§. 174.), senatui autem committere debet, quæ per se agere nequit (§. 188.); conferenda tanto plus auctoritatis & potestatis in democratia conferri debet in senatum, quando rarius populus convenire, consequenter quando varia comitia esse debent (§. 174.).

Comitia plurimum difficultatis habent, ut ideo studere consultum sit, ne præter necessitatem sint frequentiora. Atque ea ratio est, cur in democratia pleraque regiminis publici comitiorum raritas ad senatum deducatur, cui ea de causa jus perfectum in negotiis publicis admodum late patens concessum, ita ut status popularis Aristocratiae quodammodo assimiletur, aut is ad mixtum ex democratia & aristocratia propius accedere videatur. Interest tamen id discriminis, ut in democratia semper saluum maneat jus populi in actus senatus, ac is rationem eorum populo reddere teneatur, siquidem huic in comitiis visum fuerit.

§. 190.

De necessitate senatus in democratia In democratia senatus necessario constituendus est. Etenim in democratia populus universus negotia publica per se non nisi in comitiis agere potest (§. 174.) ac ideo impossibile est, ut omnia per se agat, sed quæ quotidiana sunt, vel etiam moram non ferunt, aliis expedienda committi debent (§. 175.). Quamobrem si qua sunt, quæ nonnisi populi consensu decerni poterant, cum tamen quotidie occurrant, vel moram minime ferant, ac per consequens a populo ipso per se decidi nequeant; ideo necesse est, ut ea expedienda virorum

virorum prudentum coetui committantur. Cumque his status Reip. maxime perspectus sit, ut quid e re civitatis sit rectius judicare queant alii; iis simul committendum, ut consilium de iis populo in comitiis subministrant. Quoniam itaque coetus istiusmodi personarum, quibus ea committuntur, senatus est (§. 188.); in democratia senatus necessario constituendus.

Nullibi major est necessitas senatus constituendi, quam in democratia. In hac enim populus universus superior est (§. 142.), ac ideo quæ in aliis Rerump. formis superior ipse per se facit, nec magistratibus committit (§. 162.), ea populus per se facere deberet in democratia. Quoniam vero populus negotia publica agere nequit nisi in comitiis, quæ quotidiana esse nequeunt, sed rariora sunt & esse debent; necesse omnino est, ut, quæ populus per se expedire nequit, ea per senatum expediat. Quamobrem non sola executio eorum, quæ populus decrevit, ei committenda, sed potestas quoque sufficiens concedenda, ut, quod populus per se extra comitia facere nequit, faciat. Et ad officium ejus pertinet vigilantia, ut ad populum tempestive deferatur & ejus decisioni committatur, si salus publica quædam decerni exigit. Senatus Romanus, qualis fuit in statu populari, quæ hic dicuntur, ea abunde illustrat. Nec desunt exempla alia hodiernum in civitatibus liberis. Cavendum tamen est, ne quæ ad abusum pertinent huc trahantur. Ceterum per ea, quæ modo diximus, abunde quoque perspicitur differentia inter senatum & alios magistratus, etsi ea major sit in democratia, quam in aliis Rerump. formis, & in ipsa democratia major, ubi rariora sunt comitia, quam ubi frequentius celebrantur (§. 189.).

§. 191.

In democratia jus convocandi populum, seu comitia indicandi committendum est senatui & jus proponendi ea, de quibus in natni quoad comitiis

R 3

comitia con- comitiis decernendum, aut saltem suppeditandi eadem illi, cui a-
ferendo. rectio comitiorum commissa. Etenim cum senatui regimen pu-
 blicum commissum quoad ea, quæ quotidianæ administratio-
 nis sunt, vel moram minime ferunt, & alias a superiore per-
 aguntur (§. 188.); status Reip. omnium optime eidem per-
 spectus est, ut rectius aliis judicare possit de iis, quæ salus
 publica pro præsentis tempore exigit. Et quoniam præterea
 senatus de rebus publicis consilium superiori subministrare
 debet (§. cit.), in democratia vero populus universus supe-
 rior est (§. 142.); si de quibusdam rebus publicis populus
 statuere debet, senatus rem ad populum deferre & senten-
 tiam ejus rogare debet. Quare cum in democratia necesse
 sit, ut jus convocandi populum alicui conferatur (§. 178.);
 in ea hoc jus senatui committendum. *Quod erat unum.*

Quoniam vero senatus vel ipse ea, de quibus popu-
 lus sententiam suam dicere debet in comitiis, proponere pot-
 est, vel ea suppeditare illi, cui directio in comitiis commis-
 sa (§. 187.), a populi autem voluntate in democratia unice
 dependet, quomodo de iis, quæ ad exercitium imperii
 quomodocunque spectant, statuere velit (§. 131.); ideo
 senatui vel conferendum jus proponendi ea, de quibus in co-
 mitiis decernendum, vel saltem suppeditandi eadem illi, cui
 directio comitiorum commissa. *Quod erat alterum.*

Equidem videri poterat, quod senatus populum convocans
 indicare possit ea, de quibus in comitiis deliberandum, immo
 hoc non modo utile, verum prorsus necessarium judicari pote-
 rat, si populus in comitiis non compareret nisi per deputatos
 (§. 186.); non tamen hoc semper fieri consultum est, immo
 ne fiat necesse est. Contingere nimirum potest, ut de arca-
 nis nonnullis deliberandum sit, quæ ne in publicum emanent,
 salus publica, suprema in omni Rep. lex (§. 86.), prohi-
 bet.

bet. In iis autem, quæ non uno modo fieri possunt, regnat populi libertas & voluntas ejus facit jus, quemadmodum jam antea observavimus (not. §. 187.).

§. 192.

In democratia populus sollicite præcavere debet, ne senatus, aut quis alius, cui pars quædam imperii exercenda commissa, vendit summam potestatem injussu ejus usurpet, seu eam sibi vindicet. Etenim in democratia populus summam imperii sibi retinere & se per seipsum regere (§. 131.), consequenter ab aliis in aliorum voluntate dependere non vult. Quoniam tamen necesse est, ut senatus constituatur (§. 190.), consequenter alii regimen publicum quoad ea, quæ quotidianæ administrationis sunt, vel moram non ferunt, (§. 188.), immo etiam aliis partem quandam imperii exercendam committat (§. 175.), facile autem fieri potest, ut senatus paulatim summam imperii in se deriveret; vel etiam alius, cui pars quædam imperii exercenda commissa, id faciat; ideo vigilandum populo est, ne quid horum fiat, & senatus vel alius jus sibi a populo concessum latius extendat. Sollicite igitur is præcavere debet, ne senatus, aut quis alius, cui pars quædam imperii exercenda commissa, summam potestatem injussu suo usurpet, seu eam sibi vindicet.

Conservatio status mere popularis difficillima est: neque adeo facile præcaveretur, ne in aristocratiam, aut monarchiam, minimum in mixtam quandam Reip. formam successive degeneret. Qui ad diversas Rerump. formas, quæ vel olim fuerunt, vel hodiernum sunt, eorundemque, quas subierunt, mutationes animum advertere voluerit, fidem oculatam habebit. Quod si ergo status popularis conservari debet, & magna circumspeditione opus est in ordinanda Rep. & non minore vigilantia, ne quis jus majus usurpet, quam ipsi concessum.

§. 193.

§. 193.

De magistratibus legum fundamentalium & libertatis custodibus. Quoniam in *democrastia* populus sollicitè præcavere debet, ne senatus, aut quis alius, cui pars quædam imperii exercenda commissæ, summam potestatem injussu ejus usurpet, seu eam sibi vindicet (§. 192.); ideo *constituendi sunt magistratus, quibus ea sollicitudo committitur, consequenter quæ leges fundamentales & independentiam populi ab aliorum voluntate, adeoque libertatem (§. 45.) custodiunt.*

Exemplum istiusmodi magistratuum habemus in Tribunis plebis Romanorum, quamvis nec hi impedire potuerint, quo minus senatus partem imperii summi potiorē sibi vindicaret, manifesto indicio, conservationem status popularis rem esse longe difficillimam, quemadmodum modo annotavimus (not. §. 192.).

§. 194.

Norma eorum, quæ in democratia constituenda. Similiter quia in *democratia* populus sollicitè præcavere debet, ne senatus, aut quis alius, cui pars quædam imperii exercenda commissæ, summam potestatem injussu ejus sibi vindicet (§. 192.) consequenter ne quoad actus ad bonum publicum promovendum requisitos fiat dependens a voluntate alterius, vel aliorum, neque ideo libertati ejus officiarur (§. 145.); omnia ita ordinanda sunt, ne facile libertati populi officii possit, ac ideo si qua non uno modo fieri possunt, id eligendum, quod liberati populi conservanda magis conducit.

Libertatis amor ratio est, cur populus aliquis democratiam aliis Reip. formis præfert. Quoniam itaque hæc forma Reip. eligitur tanquam medium libertate fruendi; in eligendis iis, quæ in democratia constituenda, ratio alia esse non debet, quam quod hoc pacto libertati melius consulatur, quam alio.

Quem-

Quemadmodum salus publica suprema lex est, sicuti in omni Rep. (§. 86.), ita etiam in democratia, si finem spectes; ita libertas suprema lex dici potest in democratia, quatenus media respicis, quibus finis iste obtinendus. Salutem enim suam, quæ a salute publica in civitate pender, populus committere non vult alieno arbitrio, sed suo circa eam stare iudicio.

§. 195.

In democratia singuli renunciant libertati suæ circa ea, Quatenus in qua pars major consentit. Etenim in democratia tacite libertati convenitur, quod parti maiori visum fuerit, id habendum esse pro totius populi voluntate, nisi expresse de nonnullis nuncietur aliter conveniatur, ut scilicet nonnisi unanimia concludant, in democratia (§. 157.). Quamobrem perinde est, ac si unusquisque declaret, se circa ea, quæ majori parti videbuntur, non stare velle iudicio suo, sed dependere ab illorum voluntate, qui in parte maiore sunt. Enimvero libertati suæ renunciat, qui hoc facit, (§. 153. part. 1. & §. 103. part. 3. Jur. nat.). In democratia igitur singuli renunciant libertati suæ circa ea, in qua pars major consentit.

Sine hac renunciatione democratia subsistere nequit: impossibile enim est, ut de rebus publicis idem semper videatur singulis, consequenter plerumque de iisdem nihil decerni posset. Atque hinc patet, jus partis maioris in democratia in minorem mansisse ex renunciatione singulorum. Neque hoc durum videri potest, quasi conditio singulorum non esset eadem, quæ tamen esse debebat: quem enim quoad præsens negotium contingit esse in parte minori, is quoad aliud erit in maiore.

§. 196.

Quoniam in democratia singuli renunciant libertati
(Wolffii Jur. Nat. Pars VIII.) S De non renitendo parti majori.
sua

suz circa ea, in quaz pars major consentit (§. 195.), qui vero juri suo renunciat, ei, cui renunciat, se obligat, quod jure suo adversus ipsum uti nolit (§. 104. *part. 3. Jur. nat.*). *in democratia pars minor contradicere nequit ei, quod per majora fuit conclusum, sed se submittere debet sententia partis majoris.*

Hinc olim apud Romanos in Campo Martio, referente *Dionysio Halicarnassensi*, observatum, ut, cum pars major centuriarum, in quas populus erat divisus, consentiret, centuriarum reliquarum ne quidem rogarentur: etsi hoc minus naturale fuerit (§. 118. *part. 7. Jur. nat.*). Conferenda hic sunt, quaz alibi jam demonstravimus (§. 114. *part. 7. Jur. nat.*).

§. 197.

De renitente parte minore. Si pars minor renitatur ei, quod per majora fuit conclusum; parti majori injuriam facit eamque lædit. Ex enim pars minor contradicere nequit ei, quod per majora fuit conclusum, sed se submittere debet sententia partis majoris (§. 196.). Quoniam itaque jus, quod huic obligationi respondet, perfectum est (§. 908. *part. 1. Jur. nat.*); si pars minor renitatur ei, quod per majora fuit conclusum, id fit contra jus perfectum partis majoris. Quamobrem cum alteri injuriam faciat (§. 859. *part. 1. Jur. nat.*), eumque lædat, qui quid facit contra jus perfectum ipsius (§. 920. *part. 1. Jur. nat.*); pars major renitens ei, quod per majora fuit conclusum, parti majori injuriam facit, eamque lædit.

Pars minor excipere nequit, sententiam suam esse meliorem: quando enim vota inter se contendunt, meliora concludere nequeunt (§. 76. *part. 7. Jur. nat.*). Neque etiam qui in parte minore est excipere potest, quod per vota partis majoris conclusum sibi noceum fore: nemo enim civium bonum privatum promovere debet cum neglectu publici, vel in præjudicium publici (§. 25.). Quid vero publice expediat, de eo valet

valet iudicium partis majoris, nisi statuendum sit de eo, ad quod vi pacti unanimia requiruntur (§. 157.), quo in casu voto unius irritum efficitur, quod ceteris omnibus placet.

§. 198.

In democratia votum decisivum conferri alicui potest, vel De voto de- in perpetuum, vel in presentibus comitiis. Etenim in societate cívico in co- conveniri potest, ut socius unus habeat votum decisivum, *missus.* vel in perpetuum, vel ad certum tempus (§. 105. part. 7. *Jur. nat.*). Quamobrem cum omnis civitas sit societas (§. 4.), & in democratia, in qua populus seipsum regit (§. 131.), consequenter per vota seu suffragia determinanda sunt ea, quæ ad bonum publicum promovendum faciunt (§. 42. 60.); populus in democratia votum decisivum alicui conferre potest vel in perpetuum, vel in presentibus comitiis.

Voto decisivo negotium ad exitum perducitur (§. 102. part. 7. *Jur. nat.*), quod ob votorum paritatem exitum habere non poterat (§. 81. part. 7. *Jur. nat.*). Quamobrem ne nihil in comitiis agatur; in democratia voti decisivi maxima elucet utilitas. Quoniam vero a voluntate populi dependent omnia, quæ constituenda sunt, & in iis, quæ non uno modo fieri possunt, merum regnat populi arbitrium, cum se superiorem non habeat (§. 142.); ideo votum decisivum vel uni, aut pluribus in perpetuum, vel saltem in presentibus comitiis conferri potest, prouti nimirum populo placuerit, ut libertati suæ magis sit prospectum (§. 194.).

§. 199.

Quoniam in democratia votum decisivum conferri *Cuiusmodi vo-* alicui potest vel in perpetuum, vel in presentibus comitiis *rum decisi-* (§. 198.), in comitiis autem juxta proponendi, vota colligen- *vum compe-* di & numerandi atque per ea concludendi certæ cuidam *tere debeat.*

S 2

per-

personæ a populo conferri debet, vel concluso quodam generali, vel electione a præsentibus in comitiis facta quoad comitia præsentia (§. 187.); *conveniens omnino est, ut votum decisivum conferatur ei, quibus jus vota colligendi, numerandi atque per ea concludendi competit, quamvis nil obset, quo minus etiam alii conferatur, si ita visum fuerit populo, consequenter votum decisivum conferri potest senatui (§. 191.), vel ei, cui directio comitiarum committitur.*

Rationes, quæ in medium afferri possunt, ut votum decisivum vel senatui, vel alii cuicunque committatur in comitiis, suadentes sunt, consequenter magis ad prudentiam civilem, seu Politicam spectant, quam ad Jus naturæ, præsertim in istiusmodi negotiis, in quibus jus externum tantummodo attenditur. Perfecta enim Resp. in qua omnia ordinantur juxta jus naturæ perfectivum, inter ea referenda, quæ optanda forent, non tamen in tanta hominum imperfectione sperari possunt. Quamvis in democratia omnia ita ordinanda sint, ne facile libertati populi officiat, ac ideo, si qua non uno modo fieri possint, id eligendum, quod libertati populi conservandæ magis conducit (§. 194.), ac in omni Rep. salus publica suprema lex esse debeat (§. 86.); vi tamen ipsius libertatis, qua populus fruitur in democratia (§. 146.), eidem permittendum est, ut de eo, quod libertati suæ tuendæ ac saluti publicæ promovendæ convenit, suo stet judicio (§. 156. *pars. 1. Jur. nat.*). Quodsi per imprudentiam, aut alia quavis culpa vel libertati suæ minus consular, vel saluti publicæ obicem ponat, sibi imputet, quod non rectius de iis statuerit, quæ ad exercitium imperii in statu populari spectant. Omnia confundentur, si a jure externo, quod a voluntate populi ortum trahit, ad normam juris perfectivi singula reducere volueris. Valet etiam hic illud pervulgatum, in rebus humanis nil dari, quod omnimode perfectum sit.

§. 200.

Magistratibus, qui leges fundamentales & libertatem po- De jure ma-
puli custodire debent, competit jus examinandi acta senatus & alio- gistratus,
rum magistratuum, & ea deferendi ad populum, qua correctione, qui custodes
vel animadversione indigent. Etenim magistratus, qui leges legum & li-
 fundamentales & libertatem populi custodire debent, solli- bertatis po-
 cite præcavere debent, ne senatus, aut quis alius, cui pars *puli sunt, in*
 quædam imperii exercenda commissa, summam potestatem, *acta senato-*
 injussu populi usurpet (§. 194.), consequenter ne plus juris sibi *rum & ma-*
 arroget, quam a populo sibi fuit concessum, ne id aliter *gistratum*
 exerceat, quam secundum populi voluntatem. Quoniam *ceterorum.*
 igitur officio huic suo satisfacere nequeunt, nisi in acta sena-
 tus & magistratuum aliorum inquirent, eaque examinent;
 ipsis omnino competit jus acta senatus & aliorum magistra-
 tuum examinandi. *Quod erat unum.*

Enimvero quoniam summitas imperii penes popu-
 lum est in democratia (§. 131.), consequenter ipsi competit
 jus in actus Senatus & magistratuum quorumcunque alio-
 rum (§. 44.), hique rationem actuum suorum populo red-
 dere tenentur & ab eo coerceri possunt (§. 162.); idemque
 valet de senatu, tanquam magistratu superiore (§. 188.);
 magistratus legum fundamentalium & libertatis custodes, ea
 ad populum deferre tenentur, quæ correctione, vel animad-
 versione indigent. Ipsis itaque competit jus ea ad popu-
 lum deferendi, quæ a Senatoribus atque aliis magistratibus
 acta sunt & correctione, vel animadversione indigent.
Quod erat alterum.

Non est quod existimes, magistratibus legum ac libertatis
 custodibus conferendum esse jus infirmandi acta senatus & ma-
 gistratuum ceterorum, eosque coercendi. Tanta enim aucto-

ritas repugnaret principio generali de omnibus in democratia ita ordinandis, ne facile libertati populi officii possit (§. 194.). Immo repugnat statui populari, ut præter ullam necessitatem summitatis imperii participes fiant alii, quæ, quantum fieri potest, tota penes populum manere debet in democratia. Et revera qui libertatis custodes esse debebant, eidem adversari poterant, si tanta auctoritate instruerentur. Sufficit itaque esse monitores in iis, quæ senatus atque magistratus per se emendare potest, ne malum longius serpat, antequam in comitiis populus de iisdem statuerere possit. Quæ populus per se agere potest in comitiis, ea aliis committere non debet, cum in democratia seipsum regere velit (§. 131.).

§. 201.

De pluralitate votorum cum nonnullorum injuria conjuncta.

In democratia standum est sententia partis majoris, etiam si in hac malitia adversus aliquos appareat. Ponamus enim non standum esse sententia partis majoris, si in ea malitia quædam adversus aliquos appareat. Necessè igitur erit, ut vota non numerentur, sed ponderentur (§. 71. 72. pars. 7. Jur. nat.). Sed quando concludendum, vota ponderari nequeunt (§. 77. pars. 7. Jur. nat.), consequenter qui consensit, ut majora concludant, is tacite quoque consensit, standum esse sententia partis majoris, etiam si in parte majore malitia adversus aliquos appareat. In democratia igitur, ubi per pluralitatem votorum concludendum (§. 157.), standum erit sententia partis majoris, etiam si in hac malitia adversus aliquos appareat.

Dudum observatum est, sine magnis injuriarum exemplis Remp. non posse haberi. Ferendæ autem eadem sunt, quod utilitate publica rependantur. Quod si enim eadem ferri minime deberent, cum pars major recedere nollet a sententia sua obtentu juris sibi competentis, quod violari nefas sit (§. 197.), atque

atque malitia non sit aptus modus ad distinguendum partes inter se dissidentes, quæ superiore non agnoscunt; sententia majoris partis nec in hoc casu reniti possit sineurbatione quietis publicæ. Quamobrem cum nemo civium bonum privatum promovere debeat in præjudicium publici (§. 25.), ad quod etiam spectat tranquillitas Reip. ac quies publica; injuriæ istiusmodi singulorum quorundam ferendæ sunt, ne Resp. in discrimen adducatur. Quomodo vero eadem rependantur publica utilitate contra singulos; alibi distinctius explicabitur. Non est quod excipias, non competere parti majori jus faciendi injurias iis, qui in parte minore sunt. Ultero enim hoc conceditur, non tamen inde recte inferitur, propter injurias privatas vi agendum esse adversus partem majorem, cum in contrarium tacite consenserint, qui in civitatem coivere, prouti ex modo dictis intelligitur. Istiusmodi injuriæ referendæ sunt inter ea, quæ fortunæ adversæ tribuenda, ac ideo ferenda, quia mutari non possunt, & quæ multo frequentiores forent eademque graviore, siquidem in statu naturali viveremus. Quicquid agas, nunquam id obtinebis, ut omnes injurias e Rep. elimines. Abunde itaque sufficit, si his non obstantibus status civilis adhuc præferendus sit naturali.

§. 202.

Si pars major in id conspiret, ut vel omnes qui in parte minore sunt, vel magnam eorum partem pro lubitu vitæ & bonis exuat; id parti minori ferendum non est. Etenim quando in civitatem coitur, singuli se obligant universis, quod commune bonum promovere velint, & universi sese obligant singulis, quod sufficientiæ vitæ ipsorum, tranquillitati & securitati prospicere velint (§. 28.). Quodsi ergo pars major in id conspiret, ut vel omnes, qui in parte minore sunt, vel magnam eorum partem pro lubitu vitæ & bonis exuat; pars major non satisfacit obligationi suæ. Quamobrem cum pars altera paciscentium ad id præstandum non teneatur, quod,

*Causa ex-
prius, quo
sententia
partis ma-
joris non stan-
dum mino-
ri.*

quod debet, si altera præstare nolit, quod debet (§. 827. *part. 3. Jur. nat.*); si pars major in id conspiret, ut vel omnes, qui in parte minore sunt, vel magnam eorum partem pro lubitu vita & bonis exuat, nec pars minor amplius stare tenetur sententia partis majoris, quemadmodum vi pacti, quo civitas constituta, obligabatur (§. 196.), consequenter id parti minori ferendum non est.

Casus propositionis præsentis vix dabilis: quod tamen tacite fit exceptus, quando in jus partis majoris consentitur, nulla dubitandi ratio est. Quodsi enim ponamus, quando in civitatem coire volebant homines, singulos fuisse interrogatos, nùm etiam sententiæ partis majoris sese submittere velint, si ea id studio agat, ut vel omnes, qui in parte minore sunt, vel magnam eorundem partem vita & bonis exuat; nemo profecto in hoc consenturus fuisset, cum id e diametro repugnet fini, cujus causa in societatem coitur (§. 4.). Qui alteri se subjicit, libertati naturali renunciat quoad eas actiones, in quas imperanti jus concedit (§. 211. *part. 7. Jur. nat.*). Jus itaque partis majoris, quod idem est cum jure rectoris civitatis in democratia (§. 131. 157.), meriendum est ex pacto originario, quo parti majori jus quoddam in minorem concessum: quale autem sit hoc jus ex fine societatis æstimandum, cujus quippe consequendi causa parti majori in minorem jus aliquod concessum.

§. 203.

De jure partis majoris in parte minore sunt, ut se submittant sententiæ suæ, & refractarii in minorem puniendi. Partis majori in democratia competit jus cogendi eos, qui in minorem sunt, ut se submittant sententiæ suæ, & refractarii in minorem puniendi. Etenim pars minor obligatur se submittere sententiæ partis majoris, in iis scilicet, ad quæ non unanime requiruntur (§. 196. 157.). Quamobrem cum hæc obligatio foret nulla, nisi eidem in parte majore responderet

ret jus cogendi eos, qui in parte minori sunt, ut se submit-
tant sententiæ suæ, quod per se patet; parti majori in demo-
cratia utique competit jus cogendi eos, qui in parte minore
sunt, ut se sententiæ suæ submittant. *Quod erat unum.*

Enimvero si pars minor renitatur ei, quod per majo-
ra fuit conclusum, partem majorem lædit (§. 197.). Quam-
obrem cum cuilibet natura competat jus puniendi eum, qui
ipsum læsit (§. 1061. *part. 1. Jur. nat.*); parti quoque majori
competit jus puniendi refractarios, qui in parte minore sunt,
propterea quod conclusio partis majoris renituntur. *Quod
erat alterum.*

Rationes quæ de jure puniendi in genere adduximus (§.
1057. *Et seqq. part. 1. Jur. nat.*), locum quoque habent in
jure puniendi refractarios, qui in parte minore sunt, parti
majori in democratia competente. Et operæ partium est, ut
illas in hoc casu particulari expendas, ne durum videatur,
quod tale non est. Sine jure cogendi eos, qui in parte mi-
nori sunt, ut conclusio partis majoris sese submittant, & jure
puniendi eos, qui refractarios sese præbent, democratia sub-
sistere nequit. Per se autem patet, hoc jus extendendum non
esse ad casum exceptum, de quo modo diximus (§. 202.),
sed vix dabilem.

§. 204.

*Si ex conventione populi ad concludendum requirantur De jure par-
vota unanimia & pars major per pluralitatem votorum conclusum eis minoris
faciat; partem minorem lædit & huic competit jus executioni con- contra ma-
clusi renitendi. Etenim si ex conventione populi ad con- jorem in ca-
cludendum requirantur unanimia; nihil concludi potest, su deficien-
quamdiu unanimia non adsunt (§. 107. *part. 7. Jur. nat.*). tis unani-
Quodsi ergo pars major per pluralitatem votorum conclu- mis consen-
(*Wolffii Jur. Nat. Pars VIII.*) T dat; sus.*

dat; perinde est ac si votis reliquorum nullum tribuat valorem, consequenter cum ea ejusdem sint valoris cum votis illorum, qui in parte majore sunt (§. 78. *part. 7. Jur. nat.*), contra jus partis minoris perfectum, quod scilicet ex pacto acquisivit, conclusum fit (§. 908. *part. 1. Phil. pract. univ.*). Quamobrem cum alterum lædat, qui quid facit quod est contra jus ipsius (§. 920. *part. 1. Jur. nat.*); si ex conventionem populi ad concludendum requirantur vota unanimia & pars major per majora concludat, partem minorem lædit. *Quod erat unum.*

Enimvero unicuique competit jus perfectum non patiendi, ut alius ipsum lædat (§. 913. *part. 1. Jur. nat.*). Quamobrem cum pars major lædat minorem, si per majora concludat, quando ad concludendum unanimia requiruntur, per *demonstrata*; parti minori competit jus perfectum non patiendi, ut conclusum executioni mandetur, consequenter jus executioni renitendi.

Parti minori non minus competit jus suum tuendi, quam parti majori. Prudentiæ vero est, num & quomodo jus suum illa tueri debeat ac velit (§. 257. *part. 1. Jur. nat.*). Quamobrem cum ad prudenter agendum naturaliter obligemur (§. 258. *part. 1. Jur. nat.*); haud raro præstat de jure suo cedere idemque protestando conservare, quam parti majori se opponendo majori periculo se exponere & aleam sequi.

§. 205.

Dignitas civilis quid sit.

Dignitas civilis est præcellentia cujusdam supra alios in Republica. Quoniam personæ omnes, quatenus sunt membra Reip. personæ morales sunt, quod per se patet, consequenter a se invicem differre nequeunt, nisi per certa jura ipsis competentia (§. 70. *part. 1. Jur. nat.*), consequenter

ter in Rep. nemo præcellere potest, nisi juribus, quibus promiscue omnes non utuntur; *dignitas civilis nascitur ex certis juribus, quæ uni præ aliis conceduntur.*

De dignitatibus civilibus agemus suo loco, quando scilicet de Rep. constituenda agetur.

§. 206.

Dignitas ejus, penes quem summum imperium est indivisum, *Majestas* vocatur. *quid sit.*

In hoc significato sumitur vocabulum majestatis apud veteres, quamvis subinde significato vago translatum fuerit etiam ad alios, qui partem imperii civilis exercebant participes quodammodo summitatis ejus. Ita *Livius* lib. 22. c. 3. majestatem Senatus, *Paulus* l. 9. ff. de Jurisd. majestatem prætoris dicit. Malumus vero significatum retinere strictiorem; qui apud *Ciceronem* occurrit populo majestatem, senatui auctoritatem tribuentem, ne a significato recentiori, quo hodie utuntur Theologi, Jæti & Polici, nimium recedat: istis enim majestas synonymon est imperii summi, seu summæ potestatis Reip. Parebit autem in sequentibus, ex definitione majestatis, quam hic damus, melius omnia demonstrari posse, quam si pro summo imperio accipiat, ac per consequens pro jure, non vero pro dignitate, quæ a jure dependet. Accedit, quod nostris quoque moribus majestas titulus honoris sit, quo utrique dignitas ejus significatur, cui is tribuitur.

§. 207.

Jura majestatica appellantur jura, quæ ad summum imperium pertinent, ejusque exercitium. *Jura majestatica quæ-*

Quænam illa sint, rectius patebit, ubi de Rep. constituenda & gubernanda egerimus. Quamobrem & nunc missam facimus divisionem jurium majestaticorum in majora & minora. *nam sint.*

Facile autem patet jura majestatica inde appellari, quod convenient ei, qui majestate in Rep. effulget.

§. 208.

*Cujusnam
sit majestas
in democra-
tia.*

In democratia majestas populi qua talis est. Etenim in democratia imperium summum indivisum penes populum est, quatenus populus est, hoc est, populus universus personam quandam moralem repræsentat, in qua tanquam in uno subjecto summum imperium indivisum residet (§. 131. b. & §. 70. part. 1. Jur. nat.). Quamobrem cum majestas sit dignitas, quæ ob summum imperium, quod indivisum possidetur, habenti competit (§. 206.) ; majestas in democratia populi qua talis est.

Probe considerandus est modus, quo summum imperium inest populo, ut pateat, quo respectu eidem competat majestas, seu ea dignitas, qua effulget, propterea quod summitatem imperii prorsus indivisam habet. Singuli, qui consociatione efficiuntur populus (§. 5.), non habent imperium summum indivisum pro parte commune, sed omnes simul summi idem possident atque exercent instar unius personæ. Quamobrem nec singuli eam dignitatem, quæ majestatis nomine venit, inter se communicant, ita ut singuli ejus aliquid participent. Quin potius sicuti universus populus superior est, singuli autem subditi sunt (§. 142.); ita quoque populus nonnisi universus majestatem habet, singuli autem nihil majestatis habent. Quemadmodum nimirum repugnat habere imperium summum & esse subjectum habenti; ita quoque repugnat habere majestatem & esse subditum. Arque ideo in democratia nemo est, cui majestatis aliquid in singulari tribui possit.

§. 209.

*De numero
optimatum*

Numerus optimatum in aristocratia a voluntate populi dependet.

pendet. Etenim aristocratia constituitur, si populus impe- in aristocra-
 rium, quod sibi retinere poterat, in plures transfert, quale tia.
 originarie in ipso est (§. 135. 37.). Quamobrem cum de
 eodem tanquam re sibi propria (§. 34.), prouti sibi com-
 modum & salutis publicæ convenire videtur (§. 86.), pro
 arbitrio suo disponere possit; a voluntate quoque ipsius de-
 pendet, in quot imperium, quale in se est, transferre velit,
 consequenter numerus optimatum in aristocratia a voluntate
 populi dependet.

Quando in civitatem coitur, populi est eligere eam, quam
 vult, Reip. formam & in ea pro lubitu definire, quæ certo
 quodam modo determinanda sunt. Quicquid adeo populo
 placuerit, id juris erit.

§. 210.

A voluntate populi unice dependet, num in introducenda Unde orian-
aristocratia ex omnibus populis ordinibus, etiam ex infima plebe, tur diversa
an saltem ex eminentiore ejus parte optimates constituere; num species ari-
eorum regimen annuum, vel temporarium, an perpetuum esse; stocratia.
num successuras eligere, an certam successionis legem statuere; num
ius optimatum ad certas familias, num ad possessionem pradiorum,
vel aliam personarum conditionem restringere velit. Ostenditur
 eodem prorsus modo, quo propositionem præcedentem de-
 monstravimus.

Non uno modo imperium summum a populo in plures
 transferri potest. Quamobrem cum in iis, quæ non uno mo-
 do fieri possunt, voluntas populi faciat jus (not. §. 191.); id
 valebit, quod populo circa translationem imperii in plures vi-
 sum fuerit. Cum plures aristocratia species sint possibiles, ex
 iis populus pro lubitu eam eligere potest, in qua salutem suam
 minus periclitari existimaverit.

§. 211.

*Quid sit
aristocrasia
annua &
temporaria
& num pos-
sibiles.*

Aristocrasia annua, vel temporaria dicitur, quando regimen optimatum annuum est, vel ad certum quodcunque tempus restrictum. Quoniam imperium temporarium, quod ad certum tempus alicui confertur (§. 69.), absolutum & summum esse potest (§. 70.), in aristocrasia autem imperium summum & absolutum est penes optimates (§. 136.); *aristocrasia temporaria*, & per consequens *annua possibilis est.*

In Jure naturæ species aristocratiz determinandæ sunt ex diversitate modi, quo imperium summum penes plures esse potest (§. 135. b. & §. 712. Log.). Tot igitur sunt species aristocratiz, quot modis imperium summum penes plures esse potest. Parum vero refert, utrum prostant speciei alicujus exempla, nec ne.

§. 212.

*An aristo-
crasia pre-
cariæ sit pos-
sibilis.*

Aristocrasia precaria esse nequit. Quodsi enim aristocrasia precaria esse deberet, cum in illa imperium sit penes plures (§. 135.), in plures conferendum esset imperium a populo sub hac clausula, quamdiu voluerimus (§. 1125. part. 5. Jur. nat.), consequenter precarium (§. 69.). Enimvero imperium precarium absolutum quidem esse potest, absolute summum esse nequit (§. 72.). Quamobrem cum optimates in Aristocrasia imperium non modo absolutum, verum etiam summum habeant (§. 136.) consequenter forma Reip. aristocrasia non est, ubi summitas imperii remanet apud populum; aristocrasia precaria esse nequit.

Forma Reip. quæ speciem aristocratiz precariæ mentiri poterat, nonnisi species quædam democratiz est, & qui optimates videntur, nonnisi senatus sunt a populo precario constitutus (§. 183.). Quamdiu nimirum populo competit jus Rectoris civitatis acta infir-

infirmiandi, quale omnino in quævis acta competit, si imperium precarium fuerit translaturum (§. 69.), democratia minime mutatur (§. 131.).

§. 213.

Aristocratia perpetua est, si optimatibus competit imperium summum ad dies vitæ singulorum, aliis in locum decedentium quacunque lege succedentium. *Quid sit aristocratia perpetua.*

Coetus nimirum optimatum semper subsistit, si in locum decedentium certa quadam lege continuo succedant alii. Cumque coetus iste persona moralis sit, quæ per imperium absolutum ac summum determinatur (§. 70. part. 1. Jur. nat. & §. 136. b.); nunquam interit, sed civitas semper regitur ab optimatibus.

§. 214.

Aristocratia electiva est, quando populus eligit in locum decedentium successuros, vel jus eligendi in alios trans tulit, veluti in ipsos optimates, aut, si mavis, quando quis jus optimatis consequitur electione. *Quid sit aristocratia electiva.* Quando itaque populus eligit optimates, loca deficientia suppleturos, comitia celebranda sunt (§. 174.); his vero opus non est, si ipsi optimates habeant jus loca deficientia supplendi, vel hoc jus aliis quibusdam a populo fueris concessum.

Hinc facile patet ratio, cur jus eligendi optimates vel ipsis optimatibus, vel aliis quibusdam committatur.

§. 215.

• *Electio optimatum vel arbitrio optimatum relicta esse potest, De modo est, vel certa lege fundamentali restringi, prouti visum fuerit populo statum aristocraticum eligenti.* Ostenditur eodem modo, *eligendi optimates.* quo

quo supra ostendimus, a voluntate populi dependere determinationem numeri optimatum (§. 209.).

Modus electionis pertinet ad translationem imperii, quæ a populi voluntate unice dependet & de qua pro lubitu ideo disponere potest (§. 36.). Cumque universus populus sit superior, singuli vero sint subditi (§. 142.); nec absurdum est, ut populus sibi met ipsi certam legem præscribat, quam in eligendis optimatibus sequatur.

§. 216.

De electione Si electio optimatum ad certam legem fundamentalem juxta legem fuerit restricta, jus vero eligendi fuerit apud populum; unanimi fundamen- populi consensu lex ista tolli, vel etiam in casu præsentis suspensioni talem a po- potest, nisi fiat contra jus ex lege ista quibusdam quæsito. Etenim pulo facta. cum populus universus non habeat se superiorem (§. 142.); leges, quas constituit, pro lubitu etiam tollere potest, consequenter multo magis eandem tollere potest in casu præsentis, seu suspendere. Quoniam tamen nemini jus suum quæsitum auferri potest (§. 336. part. 2. Jur. nat.); nec populus jus quæsitum ex lege fundamentali electionis alicui auferre potest, consequenter lex ista tolli, aut suspendi nequit, nisi quando id non fit contra jus ex lege ista quibusdam quæsito.

Non est, quod excipias, si adsit populi unanimis consensus, consentire etiam eos, qui juxta legem fundamentalem erant eligibiles, sublata autem lege prætereuntur. Horum enim consensus non supponitur, quando contra jus ipsis ex lege fundamentali quæsitum ea tolli, vel suspendi debet. Necessè enim est, ut de jure suo cedant, vel ei in gratiam eligendi renuncient, antequam ceterorum consensu unanimi lex tolli, vel suspendi possit. Vix autem est, ut in sublationem, vel suspensionem legis consentiant, qui jus ex ea quæsitum habent. Neque etiam hic valet jus majoris partis, etiam si alias

alias stabilium, quia hoc conjunctum esse nequit cum injuria alterius.

§. 217.

Si optimatum jus supplendi loca deficientia subest legi fundamentali; electio contra eam facta nulla est. Etenim optimates jus eligendi a populo habent (§. 215.), consequenter non plus juris sibi arrogare possunt, quam a populo ipsis concessum. Quodsi ergo jus supplendi loca deficientia optimatibus competens certa lege fundamentali restrictum, electio contra eam facta nullo jure facta est, consequenter nulla est. *Quando electio ab optimatibus facta nulla sit.*

Non est, quod existimes, hoc ob stare, quo minus imperium absolutum atque summum sit penes optimates, quemadmodum in aristocratia requiritur (§. 136.). Electio enim optimatum pertinet ad modum acquirendi jus exercendi imperium, aut, si mavis, ad translationem imperii, quæ restringi potest, etiamsi acta optimatum ad exercitium imperii, seu regimen spectantia a populo infirmari nequeant, consequenter imperii summus sit penes optimates (§. 44.).

§. 218.

Aristocratia successoria est, quando in loca deficientium succedunt certa lege alii, veluti si nulli quam e certis familiis nato concilia optimatum ingredi licet suo ordine, vel etiam promiscue quidam recipi debent juxta certam legem, numero optimatum non definito, veluti si omnes ex certis familiis nati admittantur, quamprimum majorem aetatis facti. Patet autem, ut supra (§. 209.), *legem fundamentalem, quæ modum successionis præscribit, pendere a voluntate populi.* *Quid sit aristocratia successoria.*

Legem successionis non repugnare aristocratiae patet per ea, quæ modo annotavimus (not. §. 217.). In translatione (Wolffii Jur. Nat. Pars VIII.) U imper-

imperii populi regnat arbitrium (*not. §. 191.*), & quomodo-
cunque imperium transferre voluerit, hoc nihil facit ad qua-
litatem imperii. Modus habendi imperium semper distin-
guendus est ab ipso imperio.

§. 219.

Quot modis

Quoniam lex fundamentalis, quæ modum successio-
succedi pos nis in aristocratia successoria præscribit, a voluntate populi
sit; si nu- dependet (§. 218.); si numerus optimatum constans esse debet,
merus opti- in locum decedentis tot modis succedi potest, quot succediunt in re-
matum con- gnis successoriis.
stans sit.

Cum de successione in regnis successoriis deinceps ex insti-
tuto acturi simus; quæ hic dici poterant, ex infra dicendis
petenda sunt. Optimatum coetus perinde Rector civitatis
est, quam Rex, & unam repræsentat personam. Quamobrem
si populo placuerit successio, de eadem eodem modo statuere
potest in aristocratia, quo eandem definit in regno.

§. 220.

Quinam in

In numerum optimatum ex omnibus populi ordinibus ad-
aristocratia scisci possunt aliqui, sive aristocratia successoria fuerit, sive ele-
successoria & electiva. Etenim tam electio (§. 215.), quam successio ad
electiva sint certam legem fundamentalem restringi potest (§. 218.).
juris opti- Quamobrem cum ea etiam determinari possit, quænam per-
matum ca- sonæ successionis & electionis debeant esse capaces, quod
pates. per se patet; in numerum optimatum ex omnibus populi
ordinibus adscisci possunt aliqui, sive aristocratia successoria
fuerit, sive electiva.

Cum in administrando imperio occurrant, quæ ad omnes
populi ordines spectant, & qui ex aliquo sunt ordine rectius
intelligant ceteris, quæ ejusdem sunt ordinis, ac præterea quo-
que intersit ordinis cujuslibet, ne ab aliis supprimatur, vel in
detri-

detrimentum ejus quædam decernantur; ideo absurdum non est, si ex omnibus populi ordinibus quidam in numerum optimatum recipiantur, neque id ullo modo derogat dignitati ordinum superiorum. Quodsi ergo aristocratia fuerit successoria, lege quoque definiri potest successio ex singulis populi ordinibus: si vero fuerit electiva, idem quoque de electione intelligitur.

§. 221.

*Aristocratia successoria patrimonialis esse nequit, sed usu-
fructuaria est.* Etenim si aristocratia fuerit successoria, ex *aristocratia*
lege fundamentalī jus quoddam succedendi certis quibus *successoria.*
dam personis quæsitum (§. 218.), consequenter optimates
nec universi, nec singuli jus suum pro lubitu transferre pos-
sunt in alium (§. 336. *part. 2. Jur. nat.*), neque ideo de
ipsa substantia imperii disponere (§. 662. 663. *part. 2. Jur.*
nat.). Quoniam itaque in optimates imperium translatum
non est quoad substantiam, sed saltem quoad exercitium,
imperium vero in patrimonio non habet, sed saltem in usu-
fructu, in quem non quoad substantiam, sed saltem quoad
exercitium translatum (§. 40.); si aristocratia fuerit suc-
cessoria, tam optimates universi, quam singuli jus aristocra-
ticum non in patrimonio, sed in usufructu habent. Enim-
vero aristocratia usufructuaria est, non patrimonialis, si im-
perium fuerit in usufructu, minime autem in patrimonio
optimatum (§. 156.). Quamobrem aristocratia successoria
patrimonialis esse nequit, sed usufructuaria est.

Definitiones aristocratiz patrimonialis & usufructuariz jam
supra dedimus (§. 156.). Quamobrem has species hic defi-
nire non denuo licuit, ubi ceteræ species definiuntur.

§. 222.

Quando aristocrasia lum, vel penes optimates quidem, vel personas alias, certa tamen electiva non legi fundamentalis adstrictum; aristocrasia electiva non patrimonialis, sed usufructuaria est. Etenim si jus eligendi optimates fuerit penes populum, optimates imperium pro lubitu transferre nequeunt in alium, consequenter de ipsa imperii substantia disponere nequeunt (§. 662. 663. part. 2. Jur. nat.). Quamobrem cum in optimates imperium non translatum sit quoad substantiam, sed saltem quoad exercitium, consequenter idem ipsi in usufructu habeant, non in patrimonio (§. 40.); si in aristocrasia electiva jus eligendi fuerit penes populum, ea patrimonialis non est, sed usufructuaria (§. 156.). Quod erat primum.

Quod si jus eligendi fuerit penes optimates, sed certæ cuidam legi fundamentalis adstrictum, cum lex fundamentalis pendeat a voluntate populi, quod per se patet; optimates jus eligendi exercent juxta populi voluntatem, consequenter pro lubitu de ipsa substantia imperii disponere nequeunt (§. 662. 663. part. 2. Jur. nat.). Patet igitur porro, ut ante, aristocratiam electivam non esse in hoc casu patrimoniale, sed usufructuariam. Quod erat secundum.

Denique si jus eligendi optimates fuerit penes alios, quam optimates; populus de substantia imperii per eos disponit, non vero illi de eadem disponere possunt (§. 662. 663. part. 2. Jur. nat.). Quamobrem denuo patet, ut ante, aristocratiam non esse patrimoniale, sed usufructuariam. Quod erat tertium.

§. 223.

Aristocratia perfecte patrimonialis est, si omnis proprietas imperii fuerit penes optimates: imperfecte patrimonialis aristocratia est, si saltem jus exercendi imperium in alium pro lubitu patrimonialiter transferre possunt optimates sive universi simul, sive singuli.

Differentia hæc probe notanda est, cum plus juris insit aristocratiae patrimoniali perfecte, quam imperfecte tali. Aliud nimirum estrem pleno jure habere in patrimonio, aliud vero minus pleno, ita ut quædam jura ad exercitium dominii, in quo etiam res incorporales sunt, quale est imperium (§. 498. part. 1. Jur. nat.), pertinentia sint excepta,

§. 224.

Si aristocratia fuerit perfecte patrimonialis, optimates De jure in etiam in extraneum jus optimatum transferre, de translatione hæc aristocratia jus juris leges condere, formam Reip. immutare & in partes imperii dividere possunt. Etenim si aristocratia fuerit perfecte patrimonialis, omnis proprietas imperii penes optimates est.

(§. 223.), consequenter de omnibus iis, quæ afficiunt ipsam imperii substantiam, pro lubitu disponere possunt optimates (§. 131. part. 2. Jur. nat.). Quamobrem cum translatio imperii in alios sit alienatio (§. 662. part. 2. Jur. nat.), & mutatio formæ Reip. respondeat mutationi fundi (§. 657. part. 2. Jur. nat.), qui vero rem alienat (§. 663. part. 2. Jur. nat.), aut fundum mutat, de ipsa substantia rei disponat (§. 658. part. 2. Jur. nat.), & idem faciat, qui rem, quam in dominio habet, in partes dividit, ac de iis pro lubitu disponit, quod per se patet; si aristocratia fuerit perfecte patrimonialis, optimates etiam in extraneum jus optimatum transferre, de translatione juris, quod habent, leges condere,

formam Reip. immutare & imperium, prouti visum fuerit, in partes dividere possunt.

Eti aristocratia perfecte patrimonialis in se non fit impossibilis; merito tamen dubitatur, an ejus ullum extet exemplum, cum vix credibile sit, tantam potestatem in optimates conferre voluisse populum. An vero subinde aliquid hujus juris usurpaverint optimates, de eo dispiciant alii: facta enim non sunt hujus fori. Absit vero ut existimes, quæ hic demonstrantur, nulli usui esse. Plurimum enim refert, diversitatem formarum Rerump. intimius perspicere, ut de jure populi & imperantium accurate judicare possia.

§. 225.

De jure in aristocratia translatione imperii leges condere possunt optimates, quas inter se observent; sed formam Reip. immutare nequeunt, neque imperium pro lubitu in partes dividere. Etenim si aristocratia fuerit patrimonialis imperfecte talis, optimatibus competit jus imperium pro lubitu in alium transferendi, siue universi hoc faciant, siue singuli saltem jus suum transferant (§. 223.). Quamobrem cum ab ipsorum voluntate dependeat, in quem & qua lege idem in eundem transferre velint; leges quoque de translatione imperii, quas inter se observent, condere possunt. *Quod erat unum.*

Quoniam vero præter hoc jus, alienandi scilicet jus suum, nullum aliud competit optimatibus (§. 223.); ideo quoque nec formam Reip. immutare, neque pro lubitu imperium in partes dividere possunt. *Quod erat alterum.*

Dubium videri poterat, annon jus dividendi imperium in partes potenciales pro lubitu optimatibus comperat in aristocratia patrimoniali imperfecte tali. Quoniam enim imperium, quod

quod habent, integrum seu plenum in alios pro lubitu transferre possunt (§. 223.), videntur etiam ejus partem transferre posse pro lubitu in alios, consequenter imperium in partes potentiales dividere. Atar minime valet hæc consequentia. Etenim in aristocratia optimatibus singulis non competit jus nisi conjunctim cum aliis exercendi imperium. Quoniam itaque nemo in alterum transferre potest jus, nisi quod habet; singuli, consequenter etiam omnes conjunctim non transferre possunt nisi jus a pluribus conjunctim imperium exercendi. Univerſis ideo non competit nisi imperium, quod in se indivisum manere debet, ac per consequens neque ab univerſis imperium pro lubitu in partes potentiales dividi potest. Similiter cum mutata Reip. forma optimates non amplius conjunctim, sicuti ante, imperium administrent, ipsis autem jus aliud non competat nisi imperium conjunctim administrandi; mutatio formæ Reip. ab ipsis fieret nullo jure, consequenter ipso jure nulla foret. Quodsi ergo jus optimatibus competens penitus inspicias, circa propositionem præsentem nihil difficultatis remanet.

§. 226.

Si jus optimatum inhaeret prædiis, aristocratia patrimonialis imperfecte talis est. Dominus enim prædium suum pro aristocratia, lubitu alienare potest (§. 665. *part. 2. Jur. nat.*). Quodsi si jus optimatum ergo jus optimatis prædio inhaeret, idem una cum ipso alienatur. Quamobrem cum de substantia rei disponat, qui diis inhaeret, rem alienat (§. 663. *part. 2. Jur. nat.*), jus aristocraticum, hoc est jus imperium conjunctim cum aliis exercendi, in possessores prædiorum collatum est quoad substantiam, consequenter prædiorum possessores jus imperium conjunctim cum aliis exercendi, ac ideo coetus optimatum imperium in patrimonio habet (§. 40.). Aristocratia igitur patrimonialis est (§. 156.). *Quod erat unum.*

Enim.

Enimvero quoniam præter jus alienandi, quippe quod ideo optimatibus competit, quia prædiis, quæ possident, inhæret *per hypothecam*, aliud jus disponendi de ipsa substantia imperii minime competit, aristocratia autem imperfecte patrimonialis est, si saltem jus exercendi imperium in alium pro lubitu ab optimatibus transferri, consequenter alienari potest (§. 662. *part. 2. Jur. nat.*); si jus optimatum prædiis inhæret, aristocratia patrimonialis imperfecte talis est. *Quod erat alterum.*

Quoniam vix allegari potest exemplum aristocratiae patrimonialis aliud, quam ubi jus optimatum prædiis inhæret, hæc autem aristocratiae patrimonialis species imperfecte talis est; ideo contigit, ut aristocratia patrimonialis ab usufructuaria minime distincta fuerit. Accedit, quod totus coetus optimatum jus suum non simul alienare soleat, sed id successive fiat a singulis, & plerumque id jure hæreditario acquiratur, ut aristocratia successoria videatur. Enimvero non absurdum esse, ut in patrimonio esse dicatur, quod non plene in eodem habemus; abunde testantur alia jura, quæ non omnem proprietatem continent, prouti vidimus, cum de feudis aliisque juribus agnatis ageremus. Uade etiam liquet, aristocratiam non definire esse patrimoniale, etsi jus alienandi prædia, quibus jus optimatum inhæret, certis legibus sit adstricta, ut alienatio non prorsus pendeat a voluntate alienantis, veluti si prohibitum sit, ne istiusmodi prædium veniat ad extraneum. Id enim civile est, & a lege positiva venit, quam vel populus tulit aristocratiam introducendo, vel optimates ipsi condiderunt (§. 225.).

§. 227.

De inseparabilitate juris optimatis prædii inheret; ab eodem separari & seorsim alienari nequit: usus tamen hujus juris ad certum tempus, vel quoad vitam prædii dominus alteri concedi potest. Etenim

fi

si jus optimatis prædio inhæret, id dominus prædii non simpliciter, sed mediante prædio habet, ita ut nonnisi per prædium in personam derivari possit, & ut ita cohæreat prædio, a voluntate populi venit (§. 210.), consequenter nullo modo a voluntate domini prædii dependet. Quamobrem nec dominus prædii id pro lubitu separare & seorsim in alium transferre, consequenter alienare (§. 662. *part. 2. Jur. nat.*), seu ex adverso prædium sine jure isto alienare & jus istud sibi retinere potest. *Quod erat unum.*

Enimvero quoniam unicuique liberum est jus suum exercere vel per se, vel per alium, nisi alterum expresse fuerit prohibitum, quod hic minime supponitur; usum hujus juris, quamdiu vivit, adeoque etiam ad certum tempus, dum vivit, alii concedere potest prædii dominus. *Quod erat alterum.*

Quando populus jus optimatis in prædia confert, ut per ea in dominos derivetur; revera nonnisi exercitium juris hujus dominis competit, ita ut jus istud sit in fructu prædium possidentis, ejus vero proprietas prædio inhæreat. Perinde igitur est ac si prædium instar domini concederet, aut concedere deberet, domino seu possessori prædii usumfructum rei suæ. Quemadmodum itaque usufructuarius de ipsa substantia rei disponere nequit, nec proprietas eidem competit (§. 1421. *part. 5. Jur. nat.*); ita quoque dominus prædii de ipsa substantia juris optimatis pro lubitu disponere nequit, nec proprietatem hujus juris sibi arrogare potest. Similiter quemadmodum usufructuarius usumfructum, quem in re habet, alteri locare vel gratis concedere potest, quamdiu habet, & ad tempus quodcumque, quo habet (§. 1457. *part. 5. Jur. nat.*); ita quoque dominus prædii jus optimatis eidem cohærens, quamdiu exercitium hujus juris eidem competit, consequenter quamdiu prædium habet, alteri concedere potest vel ad certum

(*Wolffii Jur. Nat. Pars VIII.*)

X

certum

certum tempus, vel quamdiu vivit. Denique cum usufructus constitui possit etiam sub hac conditione, ut usufructuarius re utatur per se, non per alium (§. 1459. part. 5. Jur. nat.); ita populus jus optimatis in prædia conferens & possessoribus eorundem quasi usufructum in eodem constituens, hanc quoque addere potest legem, ut jus istud possessores prædiorum exerceant per se, non per alium, consequenter usum hujus juris alteri concedere nequeant. Pater itaque fictione hac, in moralibus rebus omnino admittenda, si jus optimatis possessori comperens reducatur ad usufructum, inexpectatam lucem affundi huic juri.

§. 228.

De jure optimatis prædio inhaerente, si usufructus in prædio constituitur.

Si cui usufructus constituitur in prædio, cui jus optimatis inhaeret; usus hujus juris non ad dominum, sed ad fructuarium pertinet. Etenim usufructuario competit jus utendi fruendi prædio (§. 1421. part. 5. Jur. nat.), consequenter etiam usus juris eidem inhaerentis. Quamobrem cum prædio jus optimatis inhaereat, per hypoth. fin; si cui usufructus constituitur in prædio, cui jus optimatis inhaeret, usus hujus juris non ad dominum, sed ad fructuarium pertinet.

Facile patet sermonem hic esse de usufructu pleno, quando scilicet jus utendi fruendi omne in usufructuarium transfertur, absque ulla restrictione (§. 1449. part. 5. Jur. nat.). Veritas propositionis præsentis magis elucescit per ea, quæ modo ad præcedentem annotavimus (not. §. 227.). Usufructus autem plenus semper constitutus intelligitur, nisi expresse contrarium dicatur.

§. 229.

De eodem, si usufructus minus ple-

Si dominus prædii usufructum in prædio, cui jus optimatis inhaeret, constituit; usum juris optimatis sibi reservare minus ple. potest. Quoniam nemo nisi dominus usufructum in re ali-

qua

qua constituere potest (§. 1441. *part. 5. Jur. nat.*); a vo-
nus consi-
luntate quoque ejus dependet, utrum usumfructum plenum, *suatur*,
an minus plenum alteri in re sua constituere (§. 118. *part. 2.*
Jur. nat.), consequenter utrum juris cujusdam usum, qui ad
usumfructum pertinet, sibi reservare velit, nec ne (§. 1449.
part. 5. Jur. nat.). Quamvis itaque ad usumfructum etiam
pertineat usus juris optimatis (§. 228.); eum tamen domi-
nus usumfructum alteri constitui in prædio suo, cui jus
optimatis inhæret, sibi reservare potest.

Non est quod excipias, jus optimatis a prædio, cui inhæ-
ret, inseparabile esse, nec a domino prædii ab eo separari
posse. Etenim dominus, dum prædii proprietatem retinet,
quando usumfructum alteri in eodem constituit, jus optimatis
a prædio non separat, etsi usum hujus juris separaret ab usufru-
ctu, ad quem alias pertinet (§. 228.). Cum per usumfru-
ctum prædium non alienetur, nec dici potest id alienatum sine
jure, quod eidem inhæret, ita ut non amplius per prædium
derivetur in eum, qui hoc habet.

§. 230.

Partes subjektivæ imperii dicuntur imperium in perso- *Partes sub-*
nas, quæ incolunt certam territorii Reip. partem. *jectivæ im-*

Opponuntur partes subjektivæ partibus potentialibus, de *perii qua-*
quibus supra diximus (§. 63.). Nimirum sicuti complexus *nam sint.*
omnium jurium ad imperium civile quomodocunque perti-
nentium consideratur tanquam totum, cujus partes sunt singula
ista jura; ita quoque imperium, quatenus exercetur in perso-
nas diversas territorii partes inhabitantes, spectatur tanquam
totum, cujus partes sunt imperium, quatenus exercetur in
partes populi hanc vel istam territorii civitatis partem inhabi-
tantes. Quemadmodum itaque imperium dividitur in partes
potentiales, si jura ad imperium pertinentia a se invicem sepa-
rantur,

rantur, ita ut in diversis subjectis subsistant (§. 64.); ita idem dividitur in partes subjectivas, si in diversas populi partes hanc, vel istam territorii partem intolentes imperium in diversas personas transfertur.

§. 231.

Quid sit

divisio imperii in partes subjectivas Quoniam pars imperii subjectiva est imperium in partem populi, quæ una cum reliquo populo eidem imperio civili subest (§. 230.); *imperium dividere in partes subjectivas* est ac diversis imperiis diversas populi partes subicere.

ut.

E. gr. ponamus mortuo Augusto populum dividi in tres partes, seu, quod perinde est, totam regionem, quam inhabitat populus, & tribus ejus filiis singulis tribui imperium in una parte regionis, seu in unam populi partem; imperium dicitur divisum in partes subjectivas.

§. 232.

*Ea porro ex
penditur.*

Quoniam imperium dividitur in partes subjectivas, si diversæ populi partes diversis imperiis subiciantur (§. 231.); *divisione imperii in partes subjectivas vel imperium in certam populi partem* transfertur in alium, adeoque *alienatur* (§. 662. part. 2. Jur. nat.), *vel tota diversæ oriuntur summa imperia, in quot partes subjectivas id fuit divisum.*

Ita in exemplo, quod modo dedimus (not. §. 231.), loco unius tria diversa oriuntur summa imperia, & qui fuerant populus unus, nunc sunt tres populi. Quodsi vero contingat imperium in certam populi partem transferri in alium, populo reliquo manente sub eodem imperio, sub quo ante fuerat; imperium in hanc populi partem alienatur.

§. 233.

*De origina-
ria conven-*

Qui in civitatem cœunt, tacite inter se conveniunt, ne in partes subjectivas imperium dividatur. Quando enim civitas

tas

tas constituitur, singuli se obligant universis, quod commu-^{nione quoad} ne bonum promovere velint, & singulis universi sese obli-^{drussionem} gant, quod sufficientiæ vitæ ipsorum, tranquillati & securi-^{populi in} tati prospicere velint (§. 28.). Quamobrem cum impe-^{partes sub-} rium civile consistat in jure determinandi ea, quæ ad bonum ^{jectivas.} publicum promovendum requiruntur (§. 60.); qui in civitatem coeunt, utique sese sibi invicem obligant, quod eidem imperio civili subesse velint, consequenter nec pars populi se invitis ceteris, nec hi illam invitam eidem subducere possunt (§. 336. *part. 2. Jur. nat.*). Quamobrem cum divisione imperii in partes subjectivas populus universus non maneat sub eodem summo imperio (§. 231.); qui in civitatem coeunt, tacite inter se conveniunt, ne in partes subjectivas imperium dividatur.

Ex pacto originario, quo civitas constituitur, parti cuius populi competit jus non patiendi, ut ex societate invita excludatur, nisi adsit justa exclusionis causa. Nascitur enim hoc jus ex obligatione (§. 23. *part. 1. Jur. nat.*), qua sibi invicem tenentur qui in civitatem coivere ad commune bonum conjunctis viribus promovendum (§. 4.). Si vero imperium in partem populi invitam pro lubitu nimirum populi reliqui alienatur, consequenter imperium in partes subjectivas dividitur (§. 231.); pars ista populi a societate invita excluditur, contra conventionem, consequenter contra jus ex ea sibi quæsitum, ac ideo ipsi injuria fit (§. 359. *part. 1. Jur. nat.*), minime ferenda (§. 913. *part. 1. Jur. nat.*).

§. 234.

In democratia populus universus unanimi consensu imperium in partes subjectivas dividere possunt. An in democratia imperium in partes subjectivas dividere possunt. Quoniam enim qui in civitatem coeunt, tacite inter se conveniunt, ne in partes subjectivas imperium dividatur (§. 233.); divisio imperii

tes subjectivas. perii in partes subjectivas repugnat pacto originario, quo civitas constituta. Enimvero pacta contrahentibus dissolvere licet mutuo dissensu (§. 840. *part. 3. Jur. nat.*). Quamobrem si populus universus unanimiter consentiat, ut imperium in partes subjectivas dividatur; nil obstat, quo minus pactum originarium dissolvi, ac divisio imperii in partes subjectivas fieri possit.

Nihil hic fit, quod sit contra jus partis alicujus ex pacto quæsitum. Quando enim pactum dissolvitur, pars quælibet de jure suo cedit, quod ex eodem ipsi fuerat quæsitum. Unde valet pervulgatum istud, volenti non fieri injuriam.

§. 235.

An imperium a populo præsumitur sub tacita hac clausula, ne in partes subjectivas dividatur, nisi expresse aliud dicatur. Quando enim civitas constituitur tacite convenitur, ne imperium in partes subjectivas dividatur (§. 233.), consequenter imperium originarie in partes subjectivas indivisibile est. Quando itaque populus imperium in unum, vel plures transfert, tale transfert, quale est, nisi aliud dicatur, consequenter in partes subjectivas indivisibile transfert. Quamobrem non præsumitur transtulisse idem, nisi sub tacita hac clausula, ne in partes subjectivas dividatur, si aliud non dicatur. *Quod erat unum.*

Quoniam tamen populus in democratia, consequenter quamdiu imperium penes ipsum est (§. 131.), unanimi consensu idem in partes subjectivas dividere potest (§. 234.); nil obstat quominus hoc jus, dividendi scilicet imperium in partes subjectivas, etiam transferat in eum, vel eos, in quem vel quos imperium transfert (§. 11. *part. 3. Jur. nat.*). Quod si ergo ipsi

ipsi hoc visum fuerit, is vel illi, in quem vel quos imperium translatum est, etiam imperium in partes subjectivas dividere possunt, si ipsis visum fuerit. Quamobrem licet imperium in partes subjectivas dividere, si expresse hoc dicatur, vel aliud quidpiam, unde jus ita dividendi necessario sequitur. *Quod erat alterum.*

Cum intersit Reip. ne imperium in partes subjectivas dividatur, propterea quod civitatis potentia sese defendendi adversus hostes minuitur, consequenter divisio ista repugnat fini civitatis (§. 4.); ideo vix credibile, ut populus imperium transferens in unum, vel plures velit, Reſtori civitatis permissam esse debere divisionem imperii in partes subjectivas. Facile autem apparet, sermonem hoc in loco tantummodo esse de divisione voluntaria. De ea enim, quæ involuntaria est, & ex jure belli oritur, dicendum erit in jure gentium.

§. 236.

Quoniam imperium in partes subjectivas divisibile *An sit licitum* non est, si in unum, vel plures transfertur, nisi expresse *ita in aristocratia & monarchia* aliud dicatur (§. 235.), in monarchia autem imperium summum in unum (§. 133.), in aristocratia in plures transfer-
tū (§. 135.); *nec monarchia, nec optimates imperium in partes subjectivas dividere possunt, nisi in translatione imperii expresse aliud dicatur, vel, cum populus jus sibi reservatum remittere possit, quando nil sit contra jus alterius, (§. 117. part. 3. Jur. nat.), idem in divisionem unanimiter consentiat, nec jus tertii eandem impediatur.*

Consensu populi a monarchia & optimatibus imperium in partes subjectivas dividi posse, clarius patet eodem modo, quo idem de populo in democratia paulo ante demonstravimus (not. §. 234.). In casu particulari, quando nimirum monarchia vel aristocratia usufructuaria est, id etiam exinde patet, quod

quod de substantia imperii disponere nequeat Rector civitatis (§. 40.).

§. 237.

Quando juris optimata possunt foeminae, pueri, mente capti & exteri, nisi lege fundamentum foeminae, pueri, mente capti & exteri participes fiant. Si jus optimatum prædiis inhæret, ejus participes fieri possunt foeminae, pueri, mente capti & exteri, nisi lege fundamentum foeminae, pueri, mente capti & exteri participes fiant. Quoniam enim non modo dominus prædium suum pro lubitu alienare potest (§. 673. part. 2. Jur. nat.), verum etiam jure hæreditario in prædium domini defuncti succeditur (§. 959. part. 7. Jur. nat.), vel ex testamento (§. 994. 999. part. 7. Jur. nat.), vel ab intestato (§. 1021. part. 7. Jur. nat.); facile contingit, ut prædium etiam veniat ad foeminas, pueros, mente captos & exteros, prouti ex libertate alienandi & testandi, atque successione ab intestato in parte septima demonstrata abunde intelligitur, & quotidiana experientia loquitur. Quodsi ergo jus optimatis prædio inhæreat ac per consequens a prædio in dominum quoad ejus exercitium derivetur; ejus participes fieri possunt foeminae, pueri, mente capti & exteri. *Quod erat unum.*

Enimvero populus jus optimatum ad prædia restringens legem quamcunque addere potest, quæ ipsi visa fuerit (§. 34.). Quamobrem legem quoque fundamentalem condere potest de alienatione imperii, qua præcavetur, ne ad certas personas, quas a jure optimatis excludere voluerit, prædia veniant, vel, si hoc fiat, usus tamen juris quoad ipsas suspendatur. *Quod erat alterum.*

Ita foeminae excluduntur ac exteri, si illæ ac hi in prædiis succedere nequeunt jure hæreditario, nec alio quocunque modo ea acquirere valent. Excluduntur non modo pueri & mente capti,

capiti, verum etiam foeminae & exteri, si lege statuatur, ne quis per alium jus suum exercere possit, quod prædio inhæret, ita nimirum usus juris suspenditur quoad eas personas, quæ vel ejusdem non sunt capaces, seu ipsum per se exercere nequeunt, vel quas in conventibus optimatum comparere parum convenit. Per se nimirum patet, quod, qui vel per ætatem, vel per mentis impotentiam jus suum exercere nequit, id exercere debeat per curatorem, bona ejus administrantem, ac idem similiter intelligi de foeminis, quæ in conventu, in quo ipsas comparere indecorum habetur, jus suum ipsæ exercere per se nequeunt.

§. 238.

Si aristocratia fuerit temporaria, elapso tempore jus optimatum cessat & quod agunt ipso jure nullum est. Quod si enim finitur *jus aristocratia* fuerit temporaria, veluti annua, jus exercendi *optimatum* imperium summum nonnisi ad certum tempus, veluti per *in aristocratia* unum annum, in optimates translatum (§. 211. 136.). *Quamobrem* cum per se pateat, optimates non plus juris *varia* habere, quam in ipsos fuit translatum; imperium quoque summum exercere nequeunt ultra tempus, ad quod ipsis exercitium concessum. Tempore igitur isto elapso, jus ipsorum cessat. *Quod erat unum.*

Quoniam optimates, tempore elapso, in quod imperii summi exercitium ipsis concessum, non amplius habent jus id exercendi, *per demonstrata*; si quid tum agunt, id nullo jure agunt, consequenter id ipso jure nullum est. *Quod erat alterum.*

Nihil hic asseritur, nisi quod in genere de omni jure temporario valet,

§. 239.

De initio juris in aristocratia temporaria successoria.

Si aristocratia temporaria fuerit successoria, veniente die, quo jus optimatum expirat, jus successorum statim incipit. Quod si enim aristocratia fuerit successoria, in loca deficientium optimatum certa lege succedunt alii (§. 218.). Et si aristocratia temporaria fuerit, elapso tempore jus optimatum cessat (§. 238.), consequenter die veniente omnes optimates deficiunt, ac ideo statim ipso jure in eorum loca succedunt illi, quibus successio lege fundamentalis defertur. Quamobrem si aristocratia temporaria fuerit successoria, veniente die, quo jus optimatum expirat, jus successorum statim incipit.

Voluntate populi nimirum aristocratiam temporariam successoriam introducentis, quam is lege fundamentalis de succedendi modo lata declaravit, transit jus optimatum, hoc est, jus exercendi imperium summum ex optimatibus presentibus veniente die, quo jus illorum expirat, in successores, ita ut eodem instanti qui fuerant optimates esse desinant & qui ex lege succedunt esse incipiant.

§. 240.

De subiecto imperii

Si aristocratia temporaria fuerit electiva & jus eligendi fuerit penes populum, interea temporis, donec optimates novi eligantur, imperium penes populum est, nisi certa lege definitum, ne quinam interea id exercere debeat, vel eadem cautum, ut ante diem, quo jus optimatum expirat, novi eligantur. Etenim si aristocratia fuerit temporaria, tempore elapso jus optimatum cessat & quod ultra istud tempus agunt, ipso jure nullum est (§. 238.). Quoniam itaque imperium originarie res populi propria est (§. 34.), & pro lubitu in optimates transfertur (§. 36. 135.); quando jus optimatum expirat, impe-

imperium summum ad populum redit, consequenter penes eum manet, donec iterum in alios transferatur. Quodsi aristocratia fuerit electiva, in locum decedentium eligendi sunt alii, qui succedunt in jus, quod illi habuerant (§. 214.). Quamobrem si jus eligendi fuerit penes populum, is alios optimates eligere debet: quod, ubi factum fuerit, imperium summum denuo apud ipsos est (§. 136.). Patet itaque, si aristocratia temporaria fuerit electiva & jus eligendi penes populum, imperium penes populum esse, donec optimates novi eligantur. *Quod erat primum.*

Enimvero quoniam populus de summo imperio tanquam re sibi propria (§. 34.), pro lubitu disponere potest (§. 118. *part. 2. Jur. nat.*), & imperium transferre quoad exercitium, in quem & quamdiu voluerit (§. 36. 39.); ipsi quoque liberum est exercitium imperii, sive summi, sive summitate sibi retenta, interea temporis, dum penes se esse debebat, consequenter donec novi eligantur optimates, committere uni, vel pluribus aliis. Lege igitur fundamentalis populus aristocratiam temporariam electivam introducens & jus eligendi sibi reservans definire potest, quinam interea imperium exercere debeat, donec optimates novi eligantur. *Quod erat secundum.*

Denique cum populus de summo imperio tanquam re sibi propria pro lubitu disponere possit (§. 118. *part. 2. Jur. nat.*), & prouti salutis publicæ, supremæ civitatis legi (§. 86.), convenientius judicat in delatione imperii in alium (§. 87.); si ita eidem visum fuerit, ut aristocratia, quamvis temporaria, sine interruptione tamen continuetur, novi optimates eligendi sunt, antequam dies veniat, quo præsentium jus expirat. *Quod erat tertium.*

Electio novorum optimatum fieri potest vel ante diem, quo jus veterum expirat, vel post eundem. In casu posteriori aristocratia vel interrumpitur, vel sine interruptione continuanda, & ubi interrumpitur, populus vel per se exercet imperium, vel per alium. Quoniam igitur in aristocratia temporaria electiva jure eligendi populo reservato, non uno modo in locum decedentium successio fieri potest, id vero tum jus est, quod placuit populo, dum hanc Reip. formam introduxit (not. §. 185.); ideo patet, quæ in præsentī propositione demonstrantur, in hac specie aristocratiz juris esse, prouti hoc, vel illud placuerit populo & is lege quadam voluntatem suam declaraverit.

§. 241.

Quantum sit jus optimatum temporariorum. Optimates annui seu temporarii finito regimine ad reddendas rationes nemini tenentur, nec eorum acta infirmari, ipsi tamen nihil constituere possunt, quod valeat ultra tempus regiminis eidem præstitutum. Etenim in optimates etiam annuos seu temporarios transfertur jus summum (§. 211.); Quamobrem cum is nulli hominum rationem reddere teneatur, quomodo imperio utatur, seu cur sic imperet, non aliter (§. 46.), nec ejus actus a quoquam irriti reddi possint, qui imperium summum habet (§. 45.); optimates etiam annui finito regimine ad reddendas rationes nemini tenentur, nec eorum acta infirmari possunt. *Quod erat primum & secundum.*

Enimvero cum jus optimatum seu temporarium ad certum tempus sit restrictum (§. 211.); ideo nec constituere possunt, nisi quod valeat intra tempus regimini ipsorum præstitutum. Nihil itaque constituere possunt, quod ultra tempus istud valeat. *Quod erat tertium.*

Optimates etiam temporarii, quamdiu regimen ipsorum durat, sunt superior, & populus omnis reliquus iisdem subditus

tus (§. 143.): tempus enim nil mutat in jure, consequenter personam moralem intactam relinquit (§. 70. *part. 1. Jur. nat.*), etsi ejus dignitatem minuat (§. 205.), cum major utique dignitas sit, quæ perpetuo durat, quam quæ temporaria. Finito tempore, ad quod jus optimatum temporariorum fuit concessum, jus optimatum expirat, & quod ultra istud tempus agunt, ipso jure nullum est (§. 238.). Enimvero perinde est finito regimine aliquid constituere, ac durante eo constituere, quod valere debet regimine finito. Quamobrem optimates temporarii nil constituere possunt, quod ultra tempus regiminis ipsorum valeat.

§. 242.

Quoniam optimates annui seu temporarii nil constituere possunt, quod valeat ultra tempus regiminis ipsis præstitum (§. 241.); Si, quod constituerunt, finito regimine valere per regimidebeat, necesse est ut id vel expressa, vel tacita ratihabitione a nis valent. successoribus confirmetur.

Nimirum tum ea, quæ ab anterioribus constituta sunt, non valent tanquam ab ipsis constituta, sed tanquam placita nunc imperantium. Quamdiu autem successores contrariam voluntatem non declarant de iis, quæ ab ipsis constituta sunt; eadem velle ipsi quoque præsumuntur, præsertim si adsint rationes præsumtionis huius speciales, a salute publica, suprema Reip. lege (§. 86.), facile derivandæ. Nihil hic asseritur, quod a veritate alienum videri possit, Nimirum optimates temporarii, durante regimine ipsorum, tantundem possunt, quantum populus universus in democratia (§. 135.). Quemadmodum itaque populus constituere potest tamdiu valitura, quamdiu voluerit, voluntas autem tamdiu durare intelligitur, donec contraria vel expresse, vel tacite declaretur; ideo quæ optimates annui seu temporarii constituunt, ea tamdiu valere intelliguntur, quamdiu volunt successores, quorum voluntas præsumitur, donec contrariam declaverint. Aliter vero sese

res habet, si decernere audeant de iis, quæ nonnisi finito ipsorum regimine sub deliberationem cadunt. Tum enim jus suum ultra tempus regiminis extendunt, consequenter nullo jure decedunt.

§. 243.

De modo de-

cernendi in *matum, & pluralitas* *votorum vincit, nisi lege* *fundamentali ad* *aristocratia.* *concludendum requirantur vota* *unanimitia aut certus* *votorum nu-* *merus.* Etenim optimates imperium habent, quale est originarie in populo, & tantundem possunt, quantum in democratia populus universus (§. 135.), consequenter eodem modo imperium exercere tenentur, quo populus universus idem exerciturus fuisset. Enimvero si populus ipse imperium administrat, id habendum est pro voluntate totius populi, quod parti majori visum, nisi expresse de nonnullis aliter fuerit conventum, scilicet ut nonnisi unanimia concludant, vel certus votorum numerus vincat (§. 157.). Ergo etiam in aristocratia id demum valere potest, quod majori parti placet, nisi aliter fuerit lege fundamentali sancitum, utpote quæ a populi voluntate venit. Nihil itaque constitui potest nisi per suffragia optimatum, & pluralitas votorum vincit, nisi lege fundamentali ad concludendum requirantur unanimia, vel certus votorum numerus.

Optimates conjunctim populum repræsentant (§. 160.). Quamobrem quæ de populi jure demonstrata sunt in democratia, ea de jure optimatum conjunctim intelliguntur in aristocratia, nisi quatenus differentia quædam inde resultat, quod jus optimatum universorum spectandum veniat tanquam jus a populo in eosdem translatum, qui in translatione certam eidem legem dicere potuit. Inde est, quod in concludendo valeat lex fundamentalis, quam optimates consensu suo mutare nequeunt,

queunt, etsi, ubi nulla extat, legem condere possint de modo concludendi pro lubitu, sed quæ in aristocratia temporaria non obligat successores.

§. 244.

Si vota optimatum fuerint paria; populo non competit vo- De paritate
tum decisivum. Ponamus enim populo competere votum *votorum in*
decisivum, si vota optimatum fuerint paria. Populo igitur *Aristocratia.*
competit aliquod jus in actus optimatum (§. 102. part. 7.
Jur. nat.), consequenter summitas imperii tota non est pe-
nes optimates (§. 44.). Quod absurdum (§. 136.).

Absurditas quoque inde patet, quod optimates po-
pulum agnoscere tenerentur se superiorem: id quod aristo-
cratiæ repugnat (§. 142.).

Sermo nimirum hic est de eo, quod ex notione aristocra-
tiæ necessario sequitur; non vero de eo, quod libera optima-
tum voluntate constituitur. Quodsi enim optimates inter se
convenient, ut, si vota inter se contendant, nec ob parita-
tem negotiorum exitum habere possit, stare velint eo, quod
populo visum fuerit; eodem stare tenentur ex compro-
misso, non jure populi. Vix autem istiusmodi conventio
unquam dabitur, tum quod juri optimatum parum faveat, tum
quod molestum admodum sit decisioni populi rem controver-
sam submittere, qui nonnisi in comitiis decidere potest.

§. 245.

Si numerus optimatum fuerit ingens; optimates negotia Quando in
publica nonnisi in comitiis agere possunt. Ostenditur eodem *aristocrasia*
modo, quo idem in democratia de populo demonstravimus *negotia pu-*
(§. 173. 174.). *blica in co-*

Fieri potest, ut numerus optimatum ad aliquot millia ascen- *mitiis agere*
dat, Atque tum aristocratia assimilatur democratia, & quæ *da.*
in

in democratia a multitudine eorum, qui jus suffragii habent, veniunt, ea etiam obtinent in hac aristocratiz specie, ut ideo non opus sit eadem de eadem denuo demonstrari. Ceterum hæc ratio est, cur externa species nonnullis subinde imponat, ut pro democratia habeant Reip. formam, quæ revera aristocratia est. Error tamen facile viratur, modo ex definitionibus de formis Rerump. judices.

§. 246.

Cujusnam

sit majestas tit.

in Aristocr-
ratia.

In aristocratia majestas optimatum coetui qua tali competit. Cum in aristocratia imperium summum sit indivisum penes integrum optimatum coetum (§. 135. 136.); propositio præfens eodem modo ostenditur, quo supra demonstravimus, in democratia majestatem populi qua talis esse (§. 208.).

Eadem hic quoque notanda sunt, quæ supra de majestate in democratia annotavimus (not. §. 208.). Nimirum sicuti in Aristocratia universitas optimatum superior est, singuli autem optimates subditi sunt (§. 143.); ita quoque majestas non convenit nisi integræ optimatum universitati, singuli autem nihil majestatis habent.

§. 247.

De majesta-

te in aristo-

cratia tem-

poraria.

Quoniam in aristocratia majestas optimatum coetui qua tali competit (§. 246.); *in aristocratia etiam annua, seu temporaria, isto anno, seu tempore, quo imperium summum exercent, majestas optimatum annuorum, seu temporarium universitati competit.*

Sicuti nimirum tempus nil detrahit summitati imperii, quæ optimatibus competit; ita nec immittit eorundem dignitatem, quæ ab illa ortum trahit, consequenter majestas optimatum conjunctim spectatorum, seu universorum eadem est, sive

sive aristocratia fuerit perpetua, sive temporaria. Sane si singulis mensibus optimatum collegium esset aliud, non minus majestas eidem conveniret, quam si perpetuum est, cum idem sit constanter jus optimatum, sive idem exerceatur ab his personis, sive ab aliis. Quamobrem si ponamus certum esse numerum personarum, ex quibus singulis annis eliguntur, qui summum imperium exercent, aut qui certo ordine succedunt statuto tempore iis, qui nunc illud exercent; non totus ille coetus personarum optimatum universitas est, sed huic saltem accensetur, qui in presenti summum imperium administrant, consequenter ultra hos non extenditur majestas. Etsi enim ceteri quoque dignitate conspicui sint (§. 205.); non tamen illa dignitas majestas est (§. 206.), neque dignitas universitari, sed saltem singulis propria. Absit itaque, ut dignitatem istam cum majestate confundas, aut quasi pro parte majestatis habeas, quæ in se prorsus indivisa est.

§. 248.

Si optimatum ingens fuerit numerus; senatui, qui ab De senatu ipsis constituitur, majestas minime competit. Si optimatum in- in aristocra- gens fuerit numerus, senatum esse constituendum, eodem tia. modo patet, quo ejus necessitatem in democratia evicimus (§. 190.). Enimvero cum senatui tantummodo committatur regimen publicum quoad ea, quæ quotidianæ administrationis sunt, vel moram non ferunt, & is ad consilium de rebus publicis optimatibus subministrandum adiscatur (§. 188. 143.), consequenter summitas imperii penes optimatum universitatem maneat; nec majestas senatui competere potest (§. 206.).

Nil obstat, etsi senatus eligatur ex numero eorum, qui jure optimatum fruuntur. Cum enim non repugnet, ut singuli sint subditi universis (§. 143.); nec repugnat, ut nonnullis regimen Reip. ad certa negotia restrictum ita committatur, ut

(Wolffii Jur. Nat. Pars VIII.)

Z

univer-

universitati saluum sit jus in omnes ipsorum actus. Nihil hic occurrit, quod non eodem modo se habeat in democratia, in quo senatus etiam eligitur ex populo, consequenter ex numero eorum, penes quos in universum imperium summum est (§. 131.), & populo competit jus in omnes actus illius (§. 188. 162.). Universitas optimatum populum repræsentat (§. 160.), quorum numerus quo major fuerit, eo magis status aristocraticus populari assimilatur, ut, quæ ob multitudinem eorum, penes quos imperium summum est, fieri debent in democratia, ea etiam obtineant in aristocratia.

§. 249.

De aristocratia laxa & strictiori. Aristocratia laxa dicitur, quando ingens admodum optimatum numerus est, etsi is minorem populi partem faciat. Alit Aristocratia strictior vocatur, quando numerus optimatum non major est, quam qui quotidie convenire, aut citra moram convocari possit.

Cum numerus optimatum in aristocratia a populi voluntate dependeat, dum hæc forma Reip. eligitur (§. 209.); is per se definitus non est. Quodsi ergo ita visum fuerit populo, tantus esse potest, ut aliquot millia superet; potest etiam esse adeo exiguus, ut e. gr. in septenario terminetur. Quamobrem si aristocratiam distinguere velis in laxam & strictiorem, pro diversitate numeri; utique animus advertendus est ad differentiam, quæ ex ista diversitate resultat. Facile autem patet, eam non esse aliam, nisi ut vel multitudo optimatum obstat, quo minus quotidie convenire, aut citra moram convocari possint, vel ut singuli quotidie convenire, aut saltem citra moram convocari possint. In casu priori aristocratia communem habet impossibilitatem conventuum quotidianorum, aut citra moram instituendorum cum democratia; in casu autem posteriori a democratia in eo differt, quod, qui summum imperium exercere debent, negotiorum publicorum causa quotidie, aut

aut saltem, si opus fuerit, citra moram ullam convenire possint. Quodsi aristocratiam laxam a strictiori aliter distinguere velis, valde vereor, ne id ulla utilitate fiat, & ut laxa a strictiori satis determinate distinguatur. Vagæ autem differentię in distinguendis speciebus non sunt admittendæ. Ceterum cum numerus major, quam ut optimates singuli quotidie convenire, aut citra ullam moram convocari possint, non constans sit, sed multum variari queat; aristocratia laxa magis vel minus talis esse potest: sed rum quantitas non variat speciem.

§. 250.

Si ingens eorum fuerit multitudo, qui ex numero suo eligunt certas personas, quæ vel ad certum tempus, vel perpetuo imperium summum exercent; aut ex quibus certo ordine succedunt strictioris præsentibus alii imperium summum vel ad certum tempus, vel perpetuo exercentes; in casu priori soli electi, in posteriori succedentes quæ quodammodo optimates sunt, & ipsis solis majestas competit, estque in illo aristocratiæ electivæ, vel temporariæ, vel perpetuæ strictior, in hoc autem mentem aristocratia successoria temporariæ, vel perpetuæ strictior. tinentur. Cum imperium summum non sit penes multitudinem eligentium, vel eorum, ex quibus certo ordine succeditur, sed penes paucos illos, qui ad exercendum imperium eliguntur, vel aliis in hac functione succedunt; non integra multitudo eligentium, vel eorum, qui suo ordine spem succedendi habent, universitas optimatum sunt, sed illi saltem, qui eliguntur aut in aliorum locum succedunt, ut summum imperium exercent (§. 135.). *Quod erat primum.*

Enimvero si optimates eliguntur, aristocratia electivæ est (§. 214), eaque temporaria, quando regimen ad certum tempus restrictum (§. 211.), perpetua vero, si imperium penes electos ad dies vitæ manet (§. 213.). Quamobrem

obrem cum porro aristocratia strictior sit, si non major fuerit optimatum numerus, quam qui quotidie convenire, aut saltem citra ullam moram convocari possunt (§. 249.); si ingens fuerit eorum multitudo, qui ex numero suo eligunt certas personas, quæ vel ad certum tempus, vel perpetuo imperium summum exercent, aristocratia electiva temporaria, vel perpetua strictior est. *Quod erat secundum.*

Similiter si in loca deficientium optimatum certa lege seu certo ordine succedunt alii, aristocratia successoria est (§. 218.), eaque temporaria, quando regimen ad certum tempus restrictum (§. 211.), perpetua vero, si imperium summum penes illos ad dies vitæ manet (§. 213.). Quamobrem cum porro aristocratia strictior sit, si is fuerit optimatum numerus, qui quotidie convenire, aut saltem citra moram convocari possunt (§. 249.); si ingens fuerit eorum multitudo, ex quibus suo ordine in loca optimatum deficientium succedunt alii, aristocratia successoria sive temporaria, sive perpetua strictior est. *Quod erat tertium.*

Denique cum nonnisi illi optimatum coetum constituent, qui imperium actu exercent, in omni casu propositionis præsentis, *per demonstrata n. 1.* in aristocratia autem majestas competat optimatum coetui qua tali (§. 246.); in omni casu propositionis præsentis nonnisi coetui electorum, aut certo ordine in loca deficientium succedentium majestas competit. *Quod erat quartum.*

Quando jus optimatis pertinet ad ingentem multitudinem certarum personarum, ex quarum numero vel eliguntur, quæ regimen administrant, vel quædam certo ordine in eodem administrando succedunt; imperium summum videtur esse penes omnem istam multitudinem, consequenter aristocratiam
laxam

mentitur isti Reip. forma (§. 249.). Enimvero facile detrahitur species. Aliud nimirum est regiminis esse participem, aliud vero ejusdem esse capacem. Eadem nimirum differentia hic intercedit, quæ inter id, quod actu est, & inter id, quod esse saltem potest. Qui participes sunt regiminis soli uruntur imperio summo, ac ideo optimates sunt; qui vero saltem illius capaces sunt, illi nonnisi spem habent fieri posse, ut usum imperii summi obtineant, ac ideo in numerum optimatum recipiantur (§. 135.). Dignitate igitur conspicui sunt singuli (§. 205.), universis autem nihil majestatis competit (§. 206.).

§. 251.

Aristocratia laxa in strictiorem, quæ laxam mentitur, ab De jure optimatibus mutari potest, nisi lex obstat. In aristocratia laxa matum mu- ingens est optimatum numerus (§. 249.), qui per conse- tandi aristo- quens de negotiis publicis nonnisi in comitiis agere possunt cratiam la- (§. 245.), ac ideo ea, quæ quotidiana sunt, vel etiam mo- xam. ram non ferunt, aliis expedienda comittere tenentur, sena- tum scilicet constituentes (§. 188.). Quodsi ergo ipsis molestum videatur sæpius convenire, quin in senatum trans- ferre possint omnem usum imperii summi, sibi tantummodo reservantes jus eligendi membra Senatus, seu Senatores, ex suo coetu, vel certo ordine succedendi in loca deficientium, dubitandum non est, cum exercitium imperii summi ipsis competat, modus vero exercendi, utpote nulli legi adstri- ctus per hypothesis, totus a voluntate ipsorum dependeat. Enimvero tum senatores fiunt optimates (§. 135.), & aristocratia, quæ laxa fuerat, strictior efficitur, etsi adhuc la- xam mentiatur (§. 250.). Patet itaque aristocratiam laxam in strictiorem, quæ laxam mentitur, mutari ab optimatibus posse, nisi lex obstat. *Quod erat unum.*

Atat cum optimates non plus juris habeant, quam a populo in ipsos fuit translatum (§. 210.); si populus magnum optimatum numerum constituens expresse dicat, velle sese, ut optimates conjunctim imperium exercent, sicuti antea a populo universo exercebatur, nec iidem per paucos, qui quotidie convenire possunt, imperium summum exerce-re valent, sibi tantummodo reservato jure ex suo numero eligendi optimates, vel certo ordine in loca deficientium succedendi. *Quod erat unum.*

Modus exercendi imperium civile perinde distinguendus est ab ipso imperio, ac modus idem habendi. Si ille fuerit prorsus liber, seu nulli legi in delatione imperii adstrictus; perinde omnino est, five optimates universi conjunctim exercent, five jus suum in paucos ex numero suo transferant, sibi tantummodo reservato jure ex ordine suo eos eligendi, qui idem exercent, vel certo ordine in loca deficientium succedendi. Nihil hic committitur, quod repugnat pacto inter optimates & populum inito, quando imperium transferebatur. Exercent enim imperium illi, in quos idem quoad exercitium fuerat translatum, eo modo, qui ipsis commodissimus videtur: id quod arbitrio eorum fuerat relictum, cum modus iste nulli prorsus legi fuerit adstrictus. Alia vero longe est ratio, si in numerum optimatum recipere vellent alios, quam ex suo coetu: tum enim imperium alienarent, quod facere non licet, nisi aristocratia fuerit patrimonialis (§. 224.), qualem hic non supponimus.

§. 252.

An aristocratia patrimonialis presumatur. Aristocratia non presumitur patrimonialis, sed usufructuaria. Etenim quando populus aristocratiam eligit, voluntatem suam ipso facto declarat, quod per plures regi velit & quidem per eos, quos designavit, coque modo, quem indica-

indicavit (§. 135. 210.). Quamobrem nulla ratio est, unde colligi possit, quod ipsi perinde sit, siue a pluribus, siue ab uno regatur, & siue ab his, siue ab aliis, siue hoc, quem indicavit, siue alio modo, consequenter quod iis, in quos imperium transtulit, liberum fecerit, formam Reip. pro arbitrio immutare. Cum itaque aristocratia patrimonialis esse nequeat, si optimatibus formam Reip. immutare integrum non est (§. 224.); aristocratia quoque patrimonialis non præsumitur; sed per consequens usufructuaria (§. 156.).

Non est quod excipias, populum imperium summum in optimates transferentem non cogitasse de differentia, quæ inter aristocratiam patrimoniam & usufructuam intercedit, consequenter cum nihil ea de re definiverit, liberum esse optimatibus, utrum patrimoniam, an usufructuariam esse velit, consequenter in casu emergente statuere posse, quod sibi convenientius, aut magis expedire visum fuerit. Interpretatio enim voluntatis populi imperium transferentis ita facienda, quemadmodum eam declarasset populus, si de ista differentia cogitasset, dum aristocratiam introduxit. Facile autem intelligitur, si populus tum rogatus fuisset, utrum de ipsa substantia imperii pro lubitu statuere permissum esse debeat optimatibus, nec ne, v. gr. aliam Reip. formam introducere, si ea commodior ipsis visa fuerit; cum responsurum fuisset, sese nolle ut sine consensu suo alia introducatur, cum ea, quam introduxit, Reip. forma sese ipsis maxime probaverit. Immo quæstio hæc non potuisset non eidem suspecta videri, quasi optimates jus suum in præjudicium libertatis populi contra ipsius voluntatem extendere vellent. Quod si ea sit populi reliqui conditio, ut optimatibus resistere nequeat, si aliam Reip. formam introducere velit, aut quocunque modo alio de ipsa imperii substantia disponere, & optimates tale quid absque jure faciant, tum jus usurpant, quod ipsis minime convenit. Nunc vero quæstio non est de eo, quod facti est, sed de eo, quod

quod juris est, nec de eo, quod physice fieri potest, sed de eo quod jure sit. Permittendum haud raro est, ut aliquid fiat contra jus nostrum; non tamen propterea alteri competit jus hoc faciendi. Immo subinde etiam ex ignorantia juris nobis, vel alteri competentis tale quid fieri permittimus, nec exinde inferri potest alteri comperere jus hoc faciendi. Perperam igitur ex eo, quod praevidemus, populum repugnare non posse, quo minus ab optimatibus alia forma Reip. introducatur, inferitur, optimatibus hoc licitum esse.

§. 253.

De tacito consensu populi in mutationem formae Reip. ab optimatibus factam. Si in aristocratia usufructuaria, aut in casu dubio, optimates, vel illi, qui ex numero suo eos eligunt, aut certo ordine in illorum loca vacua succedunt, formam Reip. mutant, populo non contradicente; in mutationem tacite is consentire videtur. Quoniam enim in aristocratia usufructuaria optimates, vel illi, qui jus eligendi, vel succedendi habent, de ipsa substantia imperii pro lubitu suo disponere (§. 156.), consequenter formam Reip. mutare nequeunt (§. 663. part. 2. Jur. nat.); si eam immutant, mutatio ipso jure nulla est, nisi consensus populi accedat, penes quem remansit proprietas imperii (§. 40. 156.). Quodsi populus non contradicat, dum optimates formam Reip. mutant, ejus consensu non requisito; in eam tacite consentire videntur. *Quod erat unum.*

Cum in casu dubio aristocratia usufructuaria praesumatur (§. 252.); in casu dubio idem valere debet, quod in usufructuaria aristocratia valere demonstravimus. *Quod erat alterum.*

Non est quod excipias, fieri posse ut populus ignoret jus suum, nec quid in casu dubio praesumendum sit eidem pateat. Consensus enim tanto facilius praesumitur, si populus non contradicit, quod putet, jus mutandi formam Reip. optimatibus

ac

ac illis, ex quorum numero isti eliguntur, aut alii in loca deficientium succedunt, competere, aut in casu dubio jus illud ipsis concedere, quam controversum reddere mali. Fini civitatis adversatur, ut consensus sive expressus, sive tacitus ex ignorantia juris profectus pro nullo habeatur (§. 13.). cui tamen adversari nemo civium debet (§. 22.). Neque porro est, quod excipias, fieri posse ut populus non contradicat, quia prævidet, se contradictione sua non impediturum, quo minus forma Reip. mutetur. Ecquis enim non vider, populum tum malle jure suo cedere, quam contradicere? Qui vero jure suo cedit, consequenter ab altero fieri permittit, quod salvo jure suo is facere non poterat, in factum alterius utique consentit.

§. 254.

*In aristocratia annua, seu temporaria optimates inviti in. An optima-
tra annum aut tempus præstitutum ab iis, qui jus eligendi habent, res tempo-
revocari nequeant, vel abdicari.* Etenim optimates imperium rari abdi-
sumum habent (§. 136.), & in annua, seu temporaria jure cari possint.
isto utuntur per annum, aut tempus definitum (§. 211.).
Quamobrem cum iis, qui jus eligendi habent, nullum com-
petat jus in actus optimatum (§. 44.); jus autem ipsis non
alia de causa auferri posset, quam quod eodem aliter utan-
tur, quam visum fuerit eligendi jus habentibus; ideo patet,
in aristocratia annua, seu temporaria optimates invitos re-
vocari seu abdicari non posse ab iis, qui jus eligendi habent.

Optimates etiam annui, seu temporarii sunt populo & electoribus superiores, populus vero per istud tempus, quo regimen ipsis competit, ipsi etiam electores subditi sunt (§. 143.). Falluntur ideo, qui electores tanquam delegantes opti-
matibus tanquam delegatis superiores fingentes illis jus hos ab-
dicandi intra tempus regiminis vindicare volunt.

(Wolffii Jur. Nat. Pars VIII.)

Aa

§. 255.

§. 255.

De jure monarchæ in exercendo imperio.

Monarcha de omnibus negotiis publicis pro lubitu statuere potest: jure tamen interno obligatur ad non faciendum ea, quæ bono publico adversantur, sed ipsius judicio relictum est, utrum hoc modo bonum publicum promoveatur, nec ne. Etenim monarcha imperium habet absolutum ac plenum (§. 134.). Quamobrem cum imperium plenum complectatur omnia jura ad imperium civile spectantia, nullo prorsus excepto (§. 62.), consequenter ad omnia negotia publica extendatur (§. 170.), absolutum vero sit imperium, cujus exercitium nullis legibus adstrictum & nullius exigit consensum (§. 66.); monarcha de omnibus negotiis publicis pro lubitu statuere potest. *Quod erat primum.*

Enimvero omnis rector civitatis, quacunque lege imperium in eum fuerit translatum, obligatur ad non faciendum ea, quæ eidem adversantur (§. 84.). Quamvis itaque monarcha de omnibus negotiis publicis pro lubitu decernere possit, *per demonstrata*; jure tamen interno obligatur ad non faciendum ea, quæ bono publico adversantur. *Quod erat secundum.*

Denique monarcha imperium summum habet (§. 134.). Quamobrem cum populus imperium summum in alium transferens judicio ipsius relinquat, quid e re civitatis sit, & in eo sese acquiescere velle declaret (§. 89.); monarchæ judicio relictum est, utrum hoc modo bonum publicum promoveatur, nec ne. *Quod erat tertium.*

Lex suprema in Rep. salus publica est, quæcunque tandem eius fuerit forma (§. 86.). Huic itaque convenienter etiam monarcha imperium exercere debet. Quemadmodum libertas non tollit obligationem (§. 159. *part. 1. Jur. nat.*); ita nec liber-

libertas in imperando monarcham liberat ab obligatione de negotiis publicis non aliter statuendi, quam quomodo salutis publicæ convenit. In eo autem dijudicando suo ut stet iudicio ipsi permittendum. Quod si ea rite comprehenderis, quæ de libertate hominis naturali demonstrata fuerunt in parte prima; ea haud difficulter applicabis ad libertatem monarchæ, quæ cum licentia in imperando confundenda non est, eidem perinde adversa, ac licentia in genere libertati hominis naturali repugnat (§. 150. part. 1. *Jum. nat.*).

§. 256.

Conscientia monarcha relinquendum, quomodo imperet, Idem porro nec ulli hominum is rationem reddere tenetur, cur sic, non aliter expenditur. imperet. Monarcha enim summum imperium habet (§. 134.). Quamobrem cum ejus, qui summum imperium habet, conscientia relinquendum, quomodo imperet, nec is ulli hominum rationem reddere teneatur, cur sic imperet, non aliter (§. 46.); monarchæ conscientia relinquendum, quomodo imperet, nec ulli hominum is rationem reddere tenetur, cur sic, non aliter imperet.

Valeat in monarchia illud pervulgatum: stat pro ratione voluntas, sed rite intellectum. Neque enim hinc inferre licet, quasi nulla esse debeat ratio monarchæ, cur hoc potius fieri velit, quam aliud, aut quasi quæcunque rationes ad hoc, non aliud decernendum sufficiant, cum eadem petendæ sint a salute publica (§. 255.). Sed hoc tantummodo insinuat, quod nemini rationes reddere teneatur, cur hoc fieri velit, istud fieri nolit, & subditis simpliciter acquiescendum sit in voluntate monarchæ.

§. 257.

*Reſtor civitatis temporarius monarcha eſſe poteſt. Re- An Reſtor
ſtor civitatis temporarius eſt, qui imperium temporarium civitatis
Aa 2 habet. temporarius*

*monarcha
esse possit.*

habet. Quamobrem cum imperium temporarium absolutum & summum esse possit (§. 70.), monarcha autem sit, qui imperium absolutum & summum habet (§. 134.); rector civitatis temporarius monarcha esse potest.

Non absurdum videri debet, populum habere velle monarchas, eorum tamen jus restringere ad certum tempus, veluti ad unum annum. Quoniam enim omnium facillime contingit, ut monarcha jure suo abutatur; ne nimis noceat, qui male imperat, hoc pacto libertati suæ ac saluti magis consulere sibi videtur populus. Eadem sane ratio est, quæ populo persuadet aristocratiam annuam, vel temporariam. Exemplum monarchæ temporarii habemus in Diëtatore Romano, qui, *Grotio* judice, revera erat monarcha annuus.

§. 258.

*De majesta-
se monar-
chæ.*

Monarcha competit majestas, etiam si temporarius fuerit. Etenim monarchæ competit imperium plenum, absolutum ac summum (§. 134.). Enimvero cui imperium summum indivisum, quale est plenum atque absolutum (§. 62, 66.), competit, ejus majestas est (§. 206.). Monarchæ igitur majestas competit. *Quod erat unum.*

Enimvero monarcha temporarius monarcha est, quamdiu scilicet imperium summum penes eundem manet. Quamobrem cum monarchæ majestas competat, *per demonstrata*; etiam monarchæ temporario majestas competere debet, quamdiu scilicet imperio summo utitur. *Quod erat alterum.*

Majestas utique eadem est, sive imperium summum annuum fuerit, sive perpetuum, cum nulla adsit ratio, cur in illo casu major esse debeat, quam in hoc, *vi definitionis* (§. 206.): major tamen habetur dignitas ejus, cui majestas perpetuo competit,

petit, quam illius, qui saltem ad tempus eadem fulget, cum ad dignitatem faciat habendi modus (§. 205.).

§. 259.

Regnum asymmetricum dici solet, quando imperium *Regnum* summum saltem ad tempus in aliquem transfertur. Quo- *asymmetri-* niam monarcha temporarius monarcha verus est (§. 258.), cum quod- & forma Reip. monarchia est, in qua imperium summum *nam sit.* est penes unum (§. 133.); *regnum asymmetricum monarchia esse potest.* Quoniam tamen imperium quoque limitatum ac certa parte deminutum ad tempus conferri potest, monarchia vero non est, si imperium plenum, absolutum ac summum non competat imperanti (§. 134.); *regnum asymmetri-* *cum non necessario monarchia est.*

Sumimus nos vocabulum monarchiæ in stricto significato, quem eidem tribuimus (§. 133.), laxiorem reservantes vocabulo regni (§. 139.). Vocatur autem a nonnullis monarchia hoc sensu accepta *Regnum plenum*, ab *Aristotele* *παμβασιλεία*, a Graecis autoribus aliis adhuc aliis nominibus insignitur.

§. 260.

Regnum Laconicum dicitur, in quo exercitium quidem *De regno* imperii uni commissum, sed qui illud exercere tenetur juxta *Laconico, seu* populi, vel procerum voluntatem. Unde patet, in regno *Principatu* *Laconico* summam imperii vel esse apud populum universum, *mero.* vel apud optimates (§. 44.), & Regem non esse nisi superiorem *quendam magistratum* (§. 162.). Liqueat porro, in regno *La-* *conico* non valere, quod Regi videtur, nisi populo, aut optimatibus *approbetur*, consequenter Reges magis suadendi, quam iubendi *potestate pollere.* Vocatur hæc species regni etiam *Principatus* *ius*, subinde cum addito, *Principatus merus.*

Regnum Laconicum nomen traxit a Regibus Lacedæmoniis, quos pleno jure non fuisse Reges refert *Dionysius Halicarnasensis*, & hanc regni speciem, infimam utique, cum præter nomen vix quicquam juris relinquit Regi alias eidem competentis, merum principatum esse affirmat *Grætius* de I. B. & P. lib. 1. c. 3. §. 20. Regnum igitur Laconicum & Principatus pro synonymis recte habentur. Quod si enim regnum Laconicum recipiatur tanquam terminus technicus, non opus est, ut in potestatem Regum Lacedæmoniorum accuratius inquiratur, & utrum merus fuerit principatus ista regni species, an vero aliquid adhuc juris vere regii illis relictum fuerit, definiatur.

§. 261.

De speciebus

inter monarchiam & regnum Laconicum interjectis.

Inter monarchiam & regnum Laconicum, seu principatum merum plures regni species interjectæ sunt. Etenim in monarchiam & chia imperium plenum, absolutum & summum est penes regnum Laconicum, seu Regem (§. 134. 139.): ast in regno Laconico, seu principatu mero exercitium quidem imperii uni competit, sed summitas imperii omnis apud populum, vel optimates est (§. 260.). Enimvero in regno non necessario imperium plenum, absolutum ac summum penes Regem esse debet, verum fieri etiam potest, ut eidem saltem competat imperium limitatum, aut deminutum (§. 139.). Quamobrem cum imperium quoad exercitium multis modis limitari, & quia diversa sunt jura sub imperio civili contenta, non uno modo certa sui parte diminui possit, pro diversitate autem limitationis ac diminutionis imperii varient Regum jura, regnorum autem species determinantur per jura Regibus competentia (§. 712. *Leg.*); inter monarchiam & regnum Laconicum seu principatum merum plures regni species interjectæ sunt.

Non major concipi potest Regis potestas, quam in monarchia,

chia, nec minor, quam in regno Laconico; unde & illa regnum plenum appellatur, huic nomen regni abusive tribuitur, cum status revera popularis sit, aut aristocraticus, vel etiam ex populari & aristocratico quodammodo mixtus. Monarchia igitur & regnum Laconicum sunt duo extrema, inter quæ interjacent formæ Rerump. mixtæ ex monarchia & populari, seu democratia, monarchia & aristocratia, monarchia denique, democratia & aristocratia simul.

§. 262.

Regnum legitimum dicitur, in quo Rex imperium exercere tenetur juxta leges fundamentales vel perpetuas, vel in delatione imperii ipsi in specie præscriptas, seu capitulationem. Quoniam per leges fundamentales, consequenter & capitulationem (§. 124.), imperium civile limitatur (§. 77.), imperium autem limitatum per se summum non est (§. 73.); in regno legitimo jus aliquod in actus Regis si non omnes, saltem aliquos aut populo, aut proceribus, seu quibusdam e populo reservatum esse debet, consequenter summitas imperii non tota penes Regem est (§. 44.). Quamobrem cum in monarchia imperium summum sit penes solum Regem (§. 134.), in aristocratia penes optimates solos (§. 136.), in democratia penes populum (§. 131.); *regna legitima sunt mixta Reip. forma ex monarchia & democratia, vel ex monarchia & aristocratia, vel ex monarchia, democratia & aristocratia simul, consequenter omnes regni species inter monarchiam & regimen Laconicum, seu Principatum interjecta sunt regna legitima* (not. §. 261.).

Formæ simplices Rerump. non indigent legibus fundamentalibus, quibus diminuitur libertas imperandi, quippe quæ integra est populo in democratia, optimatibus in aristocratia, monarchæ in monarchia. Et, si quas imperantes sibi met ipsis statuunt

statuunt leges, quas observare velint, ab iis tamen recedere, immo easdem tollere possunt, quoties & quandocunque visum fuerit. Perinde igitur est, ac si nullæ essent. Aliter vero sese res habet in regnis legitimis, ubi imperans obligatur ab alio ad legum observantiam, quas vel invitus sequi teneretur in imperio administrando. Ea nimirum regna demum legitima sunt, in quibus potestas summa per leges fundamentales diminuitur. Relegenda hic sunt, quæ supra de diversitate legum, juxta quas imperium exercetur, demonstravimus (§. 79. & seq.).

§. 263.

Unde metiendum jus Quoniam in regno legitimo Rex imperium exercere tenetur juxta leges fundamentales vel perpetuas, vel in *Regis in relatione* imperii ipsi in specie præscriptas, seu capitulationem (§. 262.), imperium vero Rectoris civitatis tale est, quale populus in eum actu transtulit (§. 90.); *in regno legitimo ex legibus fundamentalibus & capitulatione metiendum est jus Regis.*

Per se patet, in regno legitimo non omnia posse Regem, quæ monarcha facere potest in monarchia. Quodsi igitur quæras, quænam ea sint, quæ potestati ejus absolute subducuntur; id ex legibus fundamentalibus & capitulatione definiendum, quippe quæ ostendunt limites, intra quos potestas Regis coercetur.

§. 264.

Regnum herile quodnam dicitur. *Regnum herile* dicitur, in quo Regi in subditos & res subditorum idem jus competit, quod domino in servum, seu in quo Regi præter potestatem civilem etiam dominica competit, aut, si mavis, dominica potestas cum civili miscetur. *Aristoteles* hanc regni speciem imperium *ἐξουσιαν* vocat, ab aliis *Dominatus* appellatur. Quoniam servus ad ope-

operas quascunque domino præstandas obligatur, quas præstare valet (§. 1106. *part. 7. Jur. nat.*) & quod per operas suas acquirit, id domini est (§. 1107. *part. 7. Jur. nat.*); in regno herili Rex de operis subditorum sibi præstandis, & de rebus subditorum pro lubitu, seu, quemadmodum ipsi videtur, disponit & actiones publicas ad suam præcipue utilitatem dirigit.

Imperia civilia instituta sunt salutis populi causa, prouti ex iis, quæ de origine eorum in superioribus demonstrata sunt, abunde patet. Hinc & Rector civitatis, quacunque lege imperium in eum fuerit translatum, obligatur ad non faciendum ea, quæ bono publico, consequenter salutis populi (§. 23. 5.), adversantur (§. 44.). Ac propterea Rex dicitur esse propter populum, non vero populus propter Regem. Ab hac vero Reip: forma abit regnum herile, ubi Rex intendit primario utilitatem suam, secundario autem eam, quæ populi est, quatenus scilicet absque hac suam promovere nequit. Unde in regno herili populus est propter Regem, non vero Rex propter populum, sicuti servi sunt propter dominum, non vero dominus propter servos. Sunt qui imperium herile simpliciter damnant, tanquam juri naturæ adversum; sed an semper injustum sit, accuratius discutiendum.

§. 265.

Aristocratia quoque *herilis* dici potest, in qua optimatibus in subditos & res subditorum idem jus competit, quod domino in servum, seu potestas civilis cum dominica miscetur. Poterat hinc *Dominatus* in genere dici ea Reip: forma, in qua cum potestate civili miscetur dominica. Et hinc *dominatus* species erunt regnum herile & aristocratia herilis. Patet autem ut ante (§. 264.), in aristocratia herili optimates imperare primario ad suam utilitatem, singulorum autem utilitatem nonnisi secundario intendere.

(Wolffii Jur. Nat. Pars VIII.)

Bb

Potestas

Potestas dominica, quæ cum civili miscetur in regno & aristocratia herili, non confundenda est cum dominio & imperio eminente, seu jure eminente in corpora & res subditorum. Hoc enim jus superiori non competit nisi in casu necessitatis & utilitatis publicæ causæ (§. 116.); at illa constans est & propriam imperantis utilitatem respicit.

§. 266.

*Imperium
herile quid-
nam sit.*

Imperium herile dicitur, quod cum potestate dominica miscetur, consequenter per antea demonstrata (§. 264.) exercetur ad propriam utilitatem imperantis, & non nisi secundo ad utilitatem subditorum. Unde facile patet, imperium herile non derivari a fine civitatis, cujus gratia constituitur, nec oriri ex pacto, quo civitates constituta (§. 4.).

Imperium herile suos admittit gradus, prouti jus in personas & res subditorum ultra finem civitatis magis, aut minus extenditur, quemadmodum etiam potestas dominica non semper eadem est, sed a naturali, de qua in parte septima egimus, nunc magis, nunc minus recedit.

§. 267.

*In quam
forma Reip.
locum ha-
beat.*

Quoniam in regno herili & aristocratia herili imperium civile miscetur cum potestate dominica (§. 264. 265.), imperium vero herile est, quod cum potestate dominica miscetur (§. 266.); *imperium herile locum habet in regno & aristocratia herili.*

In democratia fieri nequit, ut imperium civile degeneret in herile, cum populus imperet ad propriam utilitatem, utilitate publica non existente alia, nisi quæ populo propria est, & libertatis suæ conservandæ causâ imperium in alium, vel alios transferre nolit. Nee dici potest, majorem partem, quæ jus in minorem habet, perinde imperare posse ad propriam utilita-

utilitatem in detrimentum partis minoris, ac Regem in regno, optimates in aristocratia herili: neque enim eadem personæ constanter in parte majore sunt, nec pars minor a majore obligatur ad aliquid sibi faciendum atque dandum, sicuti subditi obligantur a Rege in regno, ab optimatibus in aristocratia herili.

§. 268.

Monarcha non competit imperium herile, nec optimatibus An monarcha in aristocratia. Et enim monarchæ & optimatibus competit *herile* & *optimatibus* imperium, quale originarie in populo est (§. 133. 135.). Enimvero imperium civile, quale originarie penes populum *competas* est (§. 33.), consistit in jure determinandi ea, quæ ad *bonum imperium* publicum promovendum requiruntur (§. 60.), nec juri *herile* eminenti, consequenter potestati in personas (§. 114.) & res civium (§. 111.), locum facit nisi quando usus ejus medium unicum est salutis publicæ in casu emergente promovendæ (§. 116.). Quoniam itaque imperium herile non est, quando Regi, vel optimatibus non competit jus in subditos & res subditorum, quale dominus habet in servum, nec idem exercetur primario ad imperantis utilitatem (§. 266.); monarchæ in monarchia, optimatibus in aristocratia non competit imperium herile.

Quibus monarchiæ nomen invisum est, illi imperium absolutum cum herili perpetam confundunt. Si imperium absolutum est, imperantis judicio saltem relinquitur, ut de negotiis publicis statuat, quemadmodum ipsi visum fuerit (§. 66.); hoc tamen non obstante, imperium is exercere non aliter tenetur, nisi saluti publicæ convenienter (§. 88.), consequenter non omnia dirigere ad privatam suam utilitatem, tanquam primarium finem. Non tamen negamus, in monarchia per abusum jus monarchiæ facile degenerare posse in herile, siquidem

dem contingat imperantem jus potentia meriti, ita ut justum habeatur id, cui resisti non potest. Immo nec diffitemur, tam in monarchia, quam aristocratia contingere, ut monarchia & optimates subinde imperio herili utantur, etsi monarchia in regnum herile, & aristocratia in herilem non prorsus mutetur.

§. 269.

An populus imperium optimates; hoc ipsi permittendum naturaliter, idem tamen transherile trans-ferre non præsумitur. Etenim imperium herile potestatem civilem cum dominica miscet (§. 266.), ut Regi in monarchia (§. 264.), optimatibus in aristocratia competat jus in subditos eorumque res, quale domino in servos (§. 265.). Quoniam itaque naturaliter unicuique permittendum, ut se sponte alteri det in servitutem pro lubitu suo (§. 1090. part. 7. Jur. nat.); naturaliter quoque permittendum est populo, ut imperium herile transferat in Regem, vel optimates. Quod erat unum.

Enimvero quando populus imperium transfert in Regem, vel optimates, non transfert, nisi quale originarie penes ipsum est, nisi expresse aliquid amplius dicatur: quod per se patet. Quoniam itaque imperium civile non consistit nisi in jure determinandi ea, quæ ad bonum publicum promovendum requiruntur (§. 60.), præter hoc jus quoque non aliud transtulisse intelligitur populus, consequenter imperium herile, quod potestatem dominicam imperio civili jungit (§. 266.), transtulisse nunquam præsumitur. *Quod erat alterum.*

Facilius dantur rationes, cur homo quidam alteri se sua sponte det in servitutem, quam cur integer populus hoc faciat,

ciat, qui in alium, vel alios non intelligitur transferre imperium alia de causa, quam quod imperium per unum, aut aliquos facilius ac commodius administrari possit, quam per populum universum, qui non modo non sine molestia multoque sumtu convenit, quando de negotio publicis in comitiis statuendum, verum etiam difficulter adduci potest, ut amplectatur quod est melius, cum pluralitate votorum sit standum. Vix igitur concipi potest, ut populus nulla necessitate adactus sponte sua transferat in Regem, vel optimates imperium herile. Cum imperium civile per se non includat potestatem dominicam; quando agitur de imperio civili transferendo, de potestate dominica nulla incidit cogitatio, sed imperium transfertur, quale in se est. Et si vel maxime populus imperium transferens non habeat distinctam, vel prorsus adæquatam juris hujus notionem; non tamen habet animum præter imperium jus aliud transferendi, consequenter nec is, in quem id transfertur, vel minimi juris acquirere potest, quod ad imperium civile minime requiritur.

§. 270.

In regno herili subditi omnes subeunt servitutem personalem. Quales sint subditi in regno herili. Etenim in regno herili imperanti idem competit jus in populum, seu subditos, quod domino in servum, & superior de operis subditorum atque de rebus eorundem pro lubitu disponere potest ad suam utilitatem (§. 264.). Quamobrem cum servitus perfecta sit, si dominus operas alterius pro lubitu determinare possit sibi præstandas (§. 1083. part. 7. *Jur. nat.*) & quicquid per eas acquiritur, id domini est (§. 1107. part. 7. *Jur. nat.*), hic vero saltem ad vitæ conservationem necessaria eidem dare debeat (§. 1105. part. 7. *Jur. nat.*); in regno utique herili subditi omnes subeunt servitutem personalem.

In regno herili illi, qui reguntur, non modo subditi sunt; verum etiam servi, nec cives proprie dici possunt, quod nomen competit iis, qui imperio civili subsunt. Omnia subditorum bona sunt imperantis propria, de iis autem tantum urendum relinquit idem singulis, quantum sibi visum fuerit, ut subditi scilicet conserventur & operas, quas exigit, præstare possint. Jus quoque imperanti competit in omnes actiones subditorum, ut singulorum operis uti possit, ad quod eas commodas judicaverit. Jus nimirum imperantis meriendum est ex jure domini in servum. Quodsi ergo noveris ea, quæ de jure naturali domini in servum demonstrata sunt; jus quoque imperantis heriliter in subditos haud difficulter defines. Quemadmodum vero in servitute personali mores gentium plurimum recedunt ab æquitate naturali; ita quoque in servitute civili, quæ obtinet in regno herili, mores gentium plurimum ab eadem æquitate removentur. Populus in regno herili spectatur tanquam servus, & singuli subditi sunt veluti membra servilis corporis, quæ ad varias functiones apta, quibus utilitas imperantis promovetur. Imperans dominus est & salvam vult Remp. propter se, quatenus scilicet utilitas propria promoveri nequit, nisi Rep. salva. Imperia herilia olim in toto oriente familiaria fuerunt, & hodiernum in Africa omnique barbarie servantur. Sed mores & olim plus permiserunt, & hodiernum plus permittunt, quam lege naturali permissum, sicuti idem obtinet in servitute personali. Quoniam apud eosdem populos servitus personalis in usu olim fuit & hodiernum est; dubitandum quoque non est, quin ex notione servitutis personalis, quæ ipsis fuit, nata sit notio imperii herilis, ut jus Rectoris civitatis exæquaverint juri domini in servos, quali apud ipsos uti sunt domini, vel hodiernum utuntur.

§. 271.

An regnum

herile sit na- cita, si quis non habet nisi operas, quarum præstatione sibi parare

parare valet ea, quæ ad vitæ necessitatem faciunt (§. 1087. *naturaliter li-
part. 7. Jur. nat.*), in regno autem herili subditi omnes ser-
vitutem personalem subeunt (§. 270.); *regnum quoque he-
rile naturaliter in se illicitum non est.*

Licet populo sese imperanti in servitutem dare, si aliter sese
servare nequeat. Huc etiam pertinet, si is, cui imperium de-
fertur, aliter id accipere nolit, nisi ut sit herile. Immo quem-
admodum *Aristoteles* quosdam natura servos esse dixit, hoc
est, ad servitutem magis, quam libertatem aptos; ita quoque
populi quidam eo sunt ingenio, ut imperium herile rectius fe-
rant, quam civile, & salva magis esse possit Resp. si qui
regunt imperio herili utantur, quam si civili. Qui arguantur,
omne regimen ejus, qui regitur, causa esse comparatum; sum-
munt, quod probare debebant, sed non poterant probare, cum
ex notione regiminis minime sequatur, & regimen dominicum
reclamet.

§. 272.

Si populus in imperium herile consentit, regnum herile in-
justum non est. Etenim quando populus in imperium herile
consentit, naturaliter ipsi permittendum est, ut eidem sese
subjiciat (§. 269.). Quoniam igitur imperium herile exer-
cendo tum nihil committitur, quod sit contra jus populi,
injustum autem non est, quod non est contra jus alterius
(§. 239. *part. 1. Phil. pract. univ.*); imperium quoque herile,
in quod populus consentit, injustum non est.

Sunt qui imperium herile omne tanquam in se injustum
pronunciant, & regnum herile idcirco pro tyrannide habeant.
Enimvero hi sunt, qui ex notionibus distinctis rationes sub-
ducere non didicerunt, & quibus invidiosum reddit herile im-
perium abusus, exercitium ejus plerumque comitans, quem-
admodum abusus potestatis dominicæ indiviosam fecit servi-
tutem,

turem, quæ in se nihil injuriosi habet. Quemadmodum melior est conditio hominis liberi, quam servi; ita quoque ultro conceditur, meliorem esse conditionem eorum, qui imperio civili, quam illorum, qui herili subsunt. Non tamen inde sequitur, imperium herile in se esse injustum, sicut & servitus nihil injusti in se habet. Et sicuti servitus non propterea damnatur, quod sit contra naturam, quatenus scilicet adversa libertati juri omnium hominum connato (§. 146. part. 1. *Jur. nat.*); ideo nec imperium herile damnandum, quod sit contra naturam civitatis, quatenus scilicet adversatur fini, cujus gratia civitas constituta. Quoniam hic nondum agitur de imperio jure belli acquisito, quippe quod ad Jus Gentium spectat; ita quoque in presenti nondum definire licet, utrum jure belli imperium herile acquiri possit, nec ne.

§. 273.

De officiis

humanitatis præstare officia, qua homo homini debet. Per se nimirum patet, subdito præstandis.

In omni Reip. forma Rector civitatis subditis obligatur præstare officia, qua homo homini debet. Per se nimirum patet, hominem, propterea quod tanquam subditus potestati Rectoris civitatis subjicitur, non desinere esse hominem. Quamobrem quæ homo homini naturaliter debet, ea quoque, ob immutabilitatem obligationis naturalis (§. 146. part. 1. *Phil. pract. univ.*), Rector civitatis in omni Reip. forma subditis debet, consequenter iisdem officia, quæ homo homini debet, præstare obligatur.

Rector civitatis subditos duplici modo considerare tenetur, tanquam subditos & tanquam æque homines. Quatenus eos considerat tanquam subditos, ea ab ipsis exigere potest, quæ a subdito debentur; quatenus vero eosdem spectat tanquam æque homines, iisdem præstare tenetur officia, quæ homo homini debet.

§. 274.

Etiā in regno herili.

Quoniam in omni Reip. forma Rector civitatis subditis

ditis obligatur præstare officia, quæ homo homini debet (§. 273.); in regno quoque herili Rex seu imperans obligatur subditis præstare officia, quæ homo homini debet.

Ostendi idem poterat etiam hoc modo. In regno herili Regi seu imperanti competit ea potestas in subditos, quæ domino in servos (§. 264.). Enimvero dominus obligatur servo præstare officia, quæ homo homini debet (§. 1099. part. 7. Jur. nat.). Ergo etiam Rex seu imperans in regno herili obligatur subditis præstare officia, quæ homo homini debet.

Quemadmodum servitus nihil habet, quod injuriosum videri possit, si dominus hoc subservet; ita quoque ab imperio herili recedit odium, si qui heriliter imperat, idem animo firmiter infixum habeat.

§. 275.

Similiter quia *Rektor civitatis quilibet* subditis obligatur præstare officia, quæ homo homini debet (§. 273.); etiam herili, ideo sibi cavere debet, ne in exercendo imperio, etiam herili (§. rite exerc. 274.), quicquam committat; quod officiis repugnet, quæ homo cendo homini debet, nec subditum aliter sibi obligatum existimet, quam officia ista permittunt.

Absit autem, ut tibi persuadeas, imperium herile officiis hisce repugnare, ac propterea injustum esse, tanquam juri humanitatis adversum. Qui enim ita sentiunt, ad facta heriliter imperantium animum attendunt, non ad modum, quo illud exerceri debet. Quemadmodum servitus non est jugum nimis durum ac intolerabile, si officia, quæ homo homini debet, dirigunt exercitium potestatis dominicæ (not. §. 1100. part. 7. Jur. nat.); ita quoque imperium herile non imponit

Cc

subdi-

subditis jugum nimis durum ac intolerabile, si eadem officia exercitium ejus dirigunt.

§. 276.

*De amore
subditorum
etiam in re-
gno herili
eorum se-
licitate pro-
movenda.*

Cum Rector quilibet civitatis obligetur subditis præstare officia, quæ homo homini debet (§. 273.), etiam in regno herili (§. 274.), homo autem hominem quemcunque amare (§. 619. *part. 1. Jur. nat.*) & diligere debeat tanquam seipsum (§. 618. *part. 1. Jur. nat.*), & operam dare, ut alii quoque homines sint felices (§. 614. *part. 1. Jur. nat.*); Rector quilibet civitatis, etiam in regno herili, subditos amare & diligere debet tanquam seipsum, atque operam dare, ut sint felices.

Non est infra majestatem Rectoris civitatis subditos considerare tanquam æque homines, ac per consequens voluptatem percipere ex eorum felicitate, ac ideo eandem promovere. Equis enim est, qui sibi vel aliis persuaserit, esse infra majestatem divinam, ut Numen supremum amet homines & eos velit esse felices? Nemo sane magis felicitatem generis humani promovere potest, quam Rector civitatis. Quo vero quis felicitatem aliorum magis promovere valet, eo magis quoque ad eandem promovendum obligatur (§. 177. *part. 1. Jur. nat.*). Nec obstat, quod imperium herile exerceatur ad Rectoris primario utilitatem. Id enim de bonis ac libertate subditorum derogare quiddam potest, ut iidem sint minus fortunati (§. 409. *part. 1. Phil. pract. univ.*); nequaquam vero necesse est, ut propterea reddantur infelices (§. 410. *part. 1. Phil. pract. univ.*). Quodsi Rector civitatis perpetuo perpendat, quid suadeat amor, quemadmodum perpendere debet, qualiscunque tandem fuerit Reip. forma (§. 275.); verendum non est, ne imperium herile minore religione exerceatur, quam aliud quodcunque.

§. 277.

§. 277.

A voluntate populi regnum condituri unice dependet, Diversitas utrum imperium in unum ita transferre velint, ut sedes va-
regnum canis per electionem repleatur; an vero ita, ut successio juxta cer-
tum ordinem ab uno in alium devolvatur. Et ab eadem voluntate tur-
pendet, quamnam electionis ac successionis legem condere velit.
 Etenim populus pro lubitu imperium in unam personam transferre potest, & a voluntate ipsius dependet, qua lege transferre velit (§. 36.). Quamobrem cum idem transferre possit in personam unam ad certum tempus, etiam revocabiliter, vel ad dies vitæ, idque tanquam transmissibile in certos alios, aut tanquam non transmissibile (§. 38.); regnum conditurus pro lubitu imperium ita transferre potest, ut sedes vacans per electionem repleatur, aut ut successio juxta certum ordinem ab uno in alium devolvatur. *Quod erat nunc.*

Enimvero cum unice a populi voluntate dependeat, in quemnam imperium transferre velit (§. 36.), & num per se, vel per alios Regem eligere velit; ab eadem quoque pendet legem condere tam electionis, quam successionis. *Quod erat alterum.*

§. 278.

Regnum dicitur electivum, quando populus eligit suc-
cessorem, Rege deficiente, aut jus eligendi in alios transtulit. Electivum quid sit.

Nimirum in regno electivo imperium transfertur in Regem ad dies vitæ, aut, si temporarium fuerit, vel precarium, ad certum tempus irrevocabiliter, aut ad tempus indefinitum revocabiliter. Quamobrem in utroque casu a Rege nunc regnante transmitti nequit in alium.

§. 279.

*Regnum
successorium
quid sit.*

Regnum successorium dicitur, quando in locum Regis deficientis certa lege succedit alius.

Quando scilicet regnum successorium introducitur, populus in Regem transfert imperium tanquam certa lege transmissibile in alios, ut ideo deficiente statim adsit, qui succedat, nec nova demum electione opus sit.

§. 280.

*De mutatione
aristocratiæ
in re-
gnum.*

Si aristocratiæ fuerit patrimonialis, a voluntate optimatum dependet, num regnum successorium, vel electivum introducere velint, & pro lubitu legem electionis ac successionis condere possunt. Etenim si aristocratiæ fuerit patrimonialis, optimates formam Reip. mutare possunt (§. 224.). Quamobrem cum regnum sit forma quædam Reip. (§. 139.), idque vel electivum (§. 278.), vel successorium (§. 279.); regnum quoque tam electivum, quam successorium condere, cumque non uno modo de electione & successionem statui possit, leges quoque electionis & successionis condere valent. Pendet igitur a voluntate optimatum in aristocratiæ patrimoniali, num regnum successorium, vel electivum introducere velint, ac pro lubitu legem electionis ac successionis condere possunt.

Nimirum quod potest populus in democratiæ circa translationem imperii, idem etiam possunt optimates in aristocratiæ patrimoniali, quippe qui jus populi de substantia imperii disponendi habent. Non nego fieri posse, ut, cum aristocratiæ constitueretur, optimatibus concessum fuerit eam in regnum mutandi, si ita visum fuerit, sed nonnisi sub certa lege, veluti ut ex familiis optimatum, qui magno numero sunt, ab ipsis eligatur Rex, & regnum non sit nisi electivum. Enimvero
italia

alia supponunt pecuniaria pacta a populo cum optimatibus inita, quando imperium in ipsos transferebatur. Nobis vero in propositione sermo est de imperio simpliciter in optimates translato, sicuti in aliis, quando non expresse aliud dicitur.

§. 281.

An voluntate populi dependet, utrum imperium etiam in foeminas transferre velit, nec ne. Etenim populus de imperio, tanquam re sibi propria (§. 34.), pro libitu disponere potest (§. 118. part. 2. Jur. nat.), consequenter idem transferre in eam personam, a qua id exercitum iri confidit salutis publicæ convenienter (§. 88.). Quod si ergo existimet imperium a foemina salutis publicæ convenienter exerceri posse; permittendum ipsi est, ut in eandem imperium transferat. A voluntate igitur populi dependet, utrum imperium etiam in foeminas transferre velit, nec ne.

Populus nimirum cum naturaliter liber sit (§. 55.), ut suo stet iudicio permittendum est (§. 156. part. 1. Jur. nat.). Nec quaeritur, annon melius sit foeminas ab imperio excludere, quam eas ad idem administrandum admittere: jus enim facit populi voluntas, non vero quod melius est, ideo jus est, etsi naturaliter obligemur ad id, quod melius est, alteri præferendum (§. 192. part. 1. Phil. pract. univ.). Obtinet hoc in omni translatione juris, nec ideo in translatione imperii hoc singulare est. Qui foeminas ab imperio exclusas esse volunt, eas ad imperandum parum aptas pronunciant vel defectu earum dotium, quæ ad recte imperandum requiruntur, vel quod omnibus negotiis publicis, veluti si populus adversus vim hostium defendendus, interesse nequeunt. Sed ratio prior fallit, experientia recte; posterius vero nihil probat, cum imperans per alios facere possit, quod per se facere nequit, nec ea de causa ab imperio arceantur viri. Qui obijciunt, per foeminas in extraneum devolvi imperium posse, si successorium

fuerit, eorum ratio nulla est, cum a populi voluntate dependeat, utrum imperium in extraneam personam transferre velit, nec ne (§. 36.).

§. 282.

In quam specie perium etiam in foeminas transferre velit, nec ne (§. 281.); in fieri pos- non minus in regno electivo foeminam, quæ imperet, eligere, quam sit. in successorio eam successionis legem condere potest, ut certo ordine etiam succedant foemina.

Rarius contingit foeminas eligi, quam in regno succedere. Eadem vero ratio, quæ in regno successorio foeminas admittit, eas quoque eligi permittit.

§. 283.

De jure successorem eligere potest, quem voluerit, filium, vel filiam, sive natu majorem, gendi in re- sive minorem, personam sibi cognatam, vel nullo sanguinis vinculo sibi junctam, etiam extraneam. Quodsi enim regnum fuerit patrimoniale, imperium in patrimonio Regis est (§. 155.) consequenter quoad substantiam in ipsum translatum, seu jure proprietatis idem possidet (§. 39. 40.), quoniam itaque de ipsa substantia imperii disponere potest pro lubitu suo (§. 131. part. 2. Jur. nat.); idem transferre potest in quamcunque personam voluerit, consequenter in filium, vel filiam, sive natu minorem, sive majorem, in personam sibi cognatam vel nullo sanguinis vinculo junctam, etiam extraneam.

Si regnum fuerit patrimoniale, nemini competit jus succedendi: implicat enim de substantia imperii disponere posse pro lubitu suo & alicui competere jus succedendi, quod violari

lari minime poterat, si pro lubitu suo de eo disponere, consequenter id in alium transferre vellet (§. 336. *part. 2. Jur. nat.*). Nec est, quod objicias, si imperium sit in patrimonio, jure hæreditario id devolvendum esse ad liberos vel cognatos proximos: neque enim imperium ad hæreditatem pertinet, quod utique demonstrandum.

§. 284.

Actus Regis regis sunt, qui pertinent ad exercitium imperii; *Actus vero Regis privati* sunt, qui ad idem non pertinent. *Actus Regis regii & privati quinam sint.*

Ira leges ferre, tributa indicere, magistratus constituere, actus regii sunt: ast nubere, res sibi comparare ad victum & amictum vitæque commoditatem ac jucunditatem necessarias actus Regis privati sunt.

§. 285.

Quoniam Rex persona moralis est, consequenter Rex non est, nisi quatenus imperium habet (§. 70. *part. 1. Rex tan- Jur. nat. & §. 139.*), actus vero regii sunt, qui ad exercitium imperii pertinent, ceteri privati (§. 284.); Rex quoad actus na privata regios tanquam Rex, quoad actus vero privatos tanquam persona pri- vata spectandus, consequenter quoad actus privatos non fruitur nisi jure privatorum.

Plurimum refert, ut actus regis regii ab actibus ejus priva- tis distinguantur, ne jus Regis latius extendatur, quam par est, & imperium regium in herile convertatur. An vero actus regis privati subsint legibus civilibus, an saltem naturali suo loco discutiemus.

§. 286.

§. 286.

De bonis Regis regiiis *Bona Regis regia vel publica* sunt, quorum usus ad imperii administrationem & splendorem regum perpetuum destinatus. *Bona vero Regis privata* sunt, quæ ad usus ipsius privatos destinantur, aut quocunque modo ab ipso acquiruntur. Hæc etiam dicuntur *Bona ipsi propria*.

Rex considerari potest tanquam Rex & tanquam privatus (not. §. 285.). Quamobrem etiam bona, quæ habet, vel tanquam Rex, vel tanquam privatus habet. Rex est, quatenus imperium exercet, in ceteris spectatur tanquam privatus. Quamobrem qua Rex habet ea bona, quorum usus ad imperii administrationem requiritur, & qui ad splendorem regum perpetuum destinatur: qua privatus vero habet, quæ illuc non faciunt, nec respectu imperii ab ipso acquiruntur. Ita pecuniæ, quæ contribuuntur ad usus bellicos, tormenta bellica & alius belli apparatus in bonis Regis regiiis sunt: ast quæ tabulæ regie sustentandæ causa dantur in bonis ejus propriis sunt. Similiter quæcunque Rex dotis nomine accipit, vel jure hæreditario acquirit, bona ejus propria, seu privata sunt; sed pecuniæ, quæ contribuuntur ad ferenda onera imperii in bonis Regis regiiis sunt.

§. 287.

De bonis istis non confunden- Quoniam bonorum regionum usus ad imperii administrationem & splendorem Regis perpetuum destinantur; privata vero ad usus ipsius privatos (§. 286.); *bona regia a privatis acta sunt separata bona, nec cum his in unam massam confundi possunt.*

Vidimus Regem duplicem repræsentare personam, nimirum personam moralem, quæ regis nomine venit, & personam privatam, quatenus scilicet homo est & aliis personis privatis quoad certos actus æquiparatur (§. 285.). Bona igitur

tur alia habet tanquam Rex; alia tanquam privatus. Quemadmodum itaque actus regii cum actibus Regis privatis confundendi non sunt, nec eidem juri subiecti; ita quoque bona regia cum bonis Regis privatis confundi minime debent, nec ejusdem sunt juris.

§. 288.

Cum bona regia a privatis sint separata bona, nec *An ea ma-* cum his massam unam constituere possint (§. 287.); si Rex neant *sepa-* imperium in patrimonio habeat, seu regnum fuerit patrimoniale; rata in *re-* bona tamen *regia* a bonis Regis privatis actu sunt separata, ipso *gno patri-* nimirum jure, consequenter si cui competat aliquod jus succedendi *moniali.* in bonis privatis, non tamen ideo jus competit succedendi in bonis regiiis, & per consequens Rex qui imperium habet in patrimonio aliter disponens de bonis regiiis, aliter de privatis nihil facit, quod est contra jus eorum, qui in bonis privatis succedendi jus habent.

E. gr. Etiam si Rex filium exheredare non possit, sine justa causa (§. 1000. part. 7. Jur. nat.); imperium tamen cum bonis regiiis in extraneum transferre potest. Exemplum habemus in primis Sinenfium imperatoribus, qui filiis præteritis alios in imperio successores constituerunt, quos ad imperium exercendum aptiores judicabant.

§. 289.

Immo quia bona regia a privatis sunt separata bona, nec cum his in unam massam confundi possunt (§. 287.); eadem sit in omni regno bona Regis regia & bona ejus privata eidem juri minime subsumuntur, nec eodem modo in utrisque succeditur, nec qui in omni regno his succedit, necessario etiam succedere debet in istis, nec qui in imperio succedit, succedere etiam debet in bonis Regis privatis, consequenter successio in imperio semper diversa manet ab hereditate (§. 960. part. 7. Jur. nat.).

(Wolffii Jur. Nat. Pars VIII.)

Dd

Ad

Ad hæreditatem quidem pertinent omnia jura, quæ oriuntur ex dominio, cui res ad vitæ necessitatem, commoditatem ac jucunditatem requisitæ subjiciuntur (§. 964. *part. 7. Jur. nat.*); non tamen propterea imperium ad eandem pertinet: quod si sit in usufructu, per se patet, id bonis ceteris accensendum non esse, si vero fuerit in patrimonio, manet tamen jus diversum ab illis, quæ ex dominio rerum ortum trahunt, quippe quod originem suam trahit ex civitate tanquam societate (§. 4. *b. & §. 213. part. 7. Jur. nat.*). Sane si nulla essent dominia rerum, imperio tamen civili poterat esse locus, ne communio rerum pareret lites & bella continua. Unde etiam non defuerunt, qui communionem bonorum mixtam, quam vocamus (§. 129. *part. 2. Jur. nat.*), qualis obtinet inter Religiosos apud catholicos, in Rep. introduci voluerunt, quos inter eminet *Campanella* in Rep. Solis. Quod si ea perpenderis, quæ de communione primæ prolixè demonstravimus in parte secunda, & finem civitatis in superioribus explicatum trutinaveris; nihil supererit, quod dubium movere possit. Immo ordines religiosorum votum paupertatis cum voto obedientiæ conjungentes abunde loquuntur, quod & quomodo imperium cum communione mixta conjungi possit. Neque aliunde sese probavit idea Reip. in qua communio esset bonorum, *Campanella*, quam quod ordines Religiosorum ejus commoda ipsum docuerant, ac ipse eadem expertus fuerat, cum esset ex familia S. *Dominici*: sit ita, quod eadem commoda non tanta facilitate obtineri queant in civitate, quemadmodum in ordinibus religiosorum, etsi hi ordines repræsentent speciem quandam Reip. in qua communio bonorum viget, cum iidem etiam fruuntur commodis, quæ ex Rep. proveniunt, quatenus in ea dominia locum habent.

§. 290.

Jus dispo-

Si regnum fuerit patrimoniale, Rex de bonis regii & de bonis suis privatis.
endi de bo-successione in iisdem perinde disponere potest, ac de bonis suis pri-
vatis.

vatis. Quodsi enim regnum fuerit patrimoniale, non minus Regi bona regia, tanquam ad imperii administrationem *competens* aut splendorem regum perpetuum requisita (§. 286.), *in regno pa-* in ipsius patrimonio, consequenter dominio (§. 452. 448. *rimoniali.* *part. 2. Jur. nat.*), sunt (§. 155.), quam privata. Quamobrem cum dominus de rebus suis (§. 118. *part. 2. Jur. nat.*), etiam de successione in iisdem pro lubitu disponere possit (§. 1025. 1005. 1008. *part. 7. Jur. nat.*); Rex etiam de bonis regiis, quemadmodum de privatis disponere potest. Cumque permittendus sit unicuique etiam abusus domini sui (§. 169. *part. 2. Jur. nat.*); ipsi etiam permittendum est, ut de bonis regiis aliter disponat, quam ut eadem in administrationem imperii, aut conservationem splendoris regii impendat atque conservet, consequenter eodem prorsus modo de iisdem & de successione in iisdem disponere potest ac de bonis suis privatis.

Manent hoc non obstante bona regia a bonis Regis privatis actu separata (§. 287.), quamvis vi liberæ administrationis illorum ipsi *per demonstrata* permittendum sit, ut de iis aliter disponat, quam debebat, veluti bona regia & privata in unam personam conferens, etiamsi imperium in aliam transferat. Quodsi objicias, jus eligendi successorem a populo in Regem esse delatum, sed ea lege, ut bona quoque regia promiscue omnia maneant successoris; id ex pacto singulari venit, non ex regni patrimonialis simpliciter talis, cui scilicet nulla pacta adjecta sunt, notione fluit. Per pacta nimirum immutari posse jura, notò notius est.

§. 291.

Si regnum fuerit patrimoniale, Rex formam Reip. mutare De mutatio-
potest, ac imperium in partes potentiales dividere. Quoniam in regno ne regni pa-
patrimoniali Rex imperium habet in patrimonio (§. 155.), trimonialis.

D d 2

quem-

quemadmodum in aristocratia patrimoniali habent optimates (§. 156.); Rex in regno patrimoniali idem facere potest, quod facere licet optimatibus in aristocratia patrimoniali. Enimvero optimates in aristocratia patrimoniali perfecte tali formam Reip. mutare & imperium in partes potentiales dividere possunt, quippe qua divisione forma Reip. mutatur (§. 224.). Ergo etiam Rex in regno patrimoniali formam Reip. mutare potest ac in partes potentiales dividere.

Poterat propositio præsens eodem modo demonstrari, quo idem de optimatibus in aristocratia perfecte patrimoniali ostendimus (§. 224.); sed ne demonstratio eadem reperenda foret, eam dependenter a propositione superius demonstrata demonstrare maluimus, non quod ea necessario supponi debeat, sed quia nobis visum fuit de aristocratia agere, antequam de monarchia egimus. Contrarium fieri potest, si de monarchia priori loco agatur.

§. 292.

Quid sit re-

gnum patri- *Regnum patrimoniale perfecte tale est, si omnis pro-*
moniale per- *prietas imperii fuerit penes Regem: imperfecte vero tale, si*
fecte ac im- *saltem jus transferendi imperium pro lubitu fuerit penes*
perfecte *Regem.*

tale.

Proprietas varia complectitur jura, prouti vidimus in parte secunda, quæ sunt partes ejus potentiales, quatenus a se invicem ita separari possunt, ut diversis subjectis inhaereant. Quando regnum patrimoniale simpliciter dicimus, proprietatem omnem imperii Regi competere sumimus, neque enim jus ullum ad eam pertinens excipitur, ac propterea semper intelligitur regnum patrimoniale perfecte tale, nisi expresse aliud dicatur, hoc est, nisi modus habendi imperium quoad proprietatem ad certum quoddam jus, tanquam partem ipsius potest.

potentialem restringatur: prouti idem obtinet in aliis quoque juribus, quæ partes potentiales habent.

§. 293.

Si regnum patrimoniale non fuerit nisi imperfecte tale: De jure in Rex formam Reip. immutare nequit, neque eam in partes potentiales dividere potest. Etenim si regnum patrimoniale fuerit *moniali im-* nonnisi imperfecte tale, Regi saltem competit jus imperium *perfecte* pro lubitu transferendi (§. 292.), non vero præterea aliud, *tali.* quod ad proprietatem pertinet. Quamobrem jus immutandi Reip. formam eidem non competit, consequenter eandem immutare nequit (§. 156. part. 1. *Phil. pract. univ.*). *Quod erat unum.*

Cumque forma Reip. immutetur, si in partes potentiales dividatur (§. 63.), Rex autem in regno patrimoniali imperfecte tali eandem immutare nequeat *per demonstrata n. 1.* in regno patrimoniali imperfecte tali Rex imperium in partes potentiales dividere nequit. *Quod erat alterum.*

Non attenduntur hic pacta alia translationi imperii adjecta, quibus modus habendi imperium restringitur. Quodsi enim talia adjecta fuerint pacta, ex ipsis definiendum, quid Regi liceat, quid minus. Sed prolixum nimis foret, omnia ista pacta in præsentī discutere velle.

§. 294.

Si regnum fuerit patrimoniale voluntate populi, in partes Num *impe-* *subjectivas* dividi nequit, nisi hoc expresse fuerit permissum, aut *rium patri-* *populus in* divisionem consentiat: quodsi vero *moniale in* *luntate populi imperium* patrimoniale Rex acquisivit, idem quoque *sub-* *in partes* subjectivas dividere potest. Quodsi enim regnum *jectivas di-* *rit* patrimoniale populi voluntate, proprietatis jus extendi *vidi possit.*

Dd 3

nequit

nequit ultra voluntatem populi, quod per se patet. Enimvero quando imperium voluntate populi transfertur in Regem, id fieri non præsumitur nisi sub tacita hac clausula, ne in partes subjectivas dividatur, nisi expresse aliud dicatur (§. 235.). Quamobrem si regnum patrimoniale fuerit voluntate populi, in parte subjectivas dividi nequit, nisi hoc expresse a populo fuerit permissum. *Quod erat primum.*

Quoniam vero perinde est, siue populus in delatione imperii expresse permittat divisionem imperii in partes subjectivas, siue in divisionem, quam Rex intendit, consentiat, aut factam ratihabeat, quod per se patet; si regnum patrimoniale vel maxime fuerit voluntate populi, hoc tamen non obstante in partes subjectivas dividi potest, si populus in divisionem consentiat. *Quod erat secundum.*

Quod si denique Rex independentem a voluntate imperium patrimoniale acquisivit, quod quomodo fieri possit suo loco ostendetur; in disponendo de substantia imperii unice dependet a propria voluntate ac idem prorsus habet jus, quod populo originarie competit. Quamobrem cum populus universus unanimi consensu imperium in partes subjectivas dividere possit (§. 234.); Rex quoque, qui imperium patrimoniale independentem a voluntate populi habet, idem in partes subjectivas dividere potest. *Quod erat tertium.*

Ne nodum in scirpo quærant, qui ad carpendum alios sunt proni; tenendum est, quod eum independentem a populi voluntate imperium patrimoniale habere dicamus, in quem populus proprio motu idem non transtulit, sed qui alio quocunque modo, veluti jure belli, idem acquisivit. Ceterum ex præsentis demonstratione patet, in genere dici non posse, quod regnum patrimoniale a Rege dividi possit pro lubitu inter

per liberos ſuos, multo autem minus quod dividi debeat inter liberos utriusque ſexus, ſi Rex voluntatem ſuam de ſucceſſione in imperio minime declaret, antequam moriatur, ut loco unius imperii ſummi oriuntur plura (§. 232.), conſequenter loco regni unius regna plura.

§. 295.

Si regnum fuerit patrimoniale independenter a voluntate An Rex, qui populi; Rex, qui voluntatem ſuam de ſucceſſione in imperio non imperium declaravit, non præſumitur voluiſſe, ut imperium in partes ſubje- in patrimonialis dividatur, ſed potius, ne dividatur. Etenim ſi imperium non habet in dividitur in partes ſubjeſtivas, tot oriuntur ſumma imperia, dependenter in quot partes ſubjeſtivas id fuit diviſum (§. 232.) & di- a populi vo- verſæ populi partes diverſis imperiis ſubjiciuntur (§. 231.), luntate, præ- conſequenter potentia in ſingulis regnis minuitur, cum mi- ſumatur vo- nor multitudo hominum non adeo valide ſeſe defendere luiſſe, ut in poſſit adverſus vim externam, quam major. Immo diviſio partes ſub- imperii in partes ſubjeſtivas non ſatis convenit fini omni ſubjeſtivas di- civitatis, quod ſinem hunc conſideranti facile patet (§. 4.). videtur.

Quamobrem cum Reges malint eſſe potentes, quam impo- tentes, & potentiam ſuam augere potius ſtudeant, quam non augere, nec facile velle videntur ea, per quæ finis civitatis non ſatis obtinetur, niſi affectu perverso in contrarium abripiantur; nec Rex, etiamſi imperium independenter a voluntate populi habet, ac idem in partes ſubjeſtivas pro lubitu dividere poſſit, ubi voluntatem ſuam de ſucceſſione in imperio non declaravit, præſumitur voluiſſe, ut imperium in partes ſubjeſtivas dividatur. *Quod erat unum.*

Enimvero quoniam imperium vel dividendum eſt in partes ſubjeſtivas, vel non dividendum, cum tertium non datur, Rex autem, etiamſi idem in patrimonio habeat independenten-

pendenter a voluntate populi, non tamen præsumitur voluisse, ut in partes subjectivas dividatur *per demonstrata*; utique idem voluisse præsumitur, ne dividatur. *Quod etiam alterum.*

Parum sapientes se probant Reges, qui imperium in partes subjectivas dividunt, præsertim si dividunt inter liberos utriusque sexus, ut per filias devolvatur in extraneos. Quamobrem præsumtio divisionis in partes subjectivas etiam repugnat sapientiæ Regis. Quilibet autem Rex præsumitur intelligere ea, quæ e re civitatis sunt, & quæ regnum suum stabile ac firmum etiam posteris suis faciunt.

§. 296.

An liberi omnes in partes subjectivas æquales succedere debeant. Quoniam Rex, si vel maxime regnum fuerit patrimoniale independenter a voluntate populi, quando voluntatem suam de successione in imperio non declaravit, non præsumitur voluisse, ut imperium in partes subjectivas dividatur, sed potius, ne dividatur (§. 295.); *in regno patrimoniali independenter a voluntate populi tali, quando Rex voluntatem suam de successione in imperio non declaravit, succedere nequeunt liberi omnes defuncti simul, ita ut imperium in partes æquales subjectivas inter ipsos dividatur.*

Equidem vulgo simpliciter asseritur, in regno patrimoniali utriusque sexus liberos succedere in partibus subjectivis æqualibus, quemadmodum in hæreditate, nisi Rex de successione aliter disposuerit; sed qui ita sentiunt, tacite supponunt, non dari regna patrimonialia libera populi voluntate constituta, sed si qua dentur, ea populo invito esse introducta, vi præcipue armorum. Sed cum in se minime repugnet, ut etiam populus imperium patrimoniale transferat in Regem, & subinde esse possit is Rep. status, ut istiusmodi translationem susceat ipse civitatis finis, qualis fuisse videtur initio imperii Siciliæ.

nici, de quo alias diximus in Notis ad Orationem de Sinarum philosophia practica; inter imperium patrimoniale voluntarium atque invitum utique distinguendum erat. Si qui hebetiores imperium ad hæreditatem referunt; illos in unum confundere a se invicem separanda, ex anterioribus facile patet.

§. 297.

Regnum voluntarium dicitur, quando imperium libe- *Regnum vo-*
ra voluntate populi in Regem fuit delatum: ast *invitum, luntarium*
quando imperium Regi alio quocunque modo, veluti vi ar- & *invitum*
morum in populum invitum acquisitum. Possunt etiam *quid sit.*
Imperia eodem modo distingui.

Hic loci agitur de regnis voluntariis, nisi expresse aliud dicatur. De regnis autem invitis, quæ jure belli acquiruntur, agemus in Jure Gentium. *Regna* etiam *patrimonialia voluntaria* sunt, quæ talia sunt voluntate populi; *invita* autem, quando independenter a voluntate populi imperium patrimoniale Rex habet.

§. 298.

De regno patrimoniali voluntario testari potest Rex, ea De regno per
tamen lege, ut maneat indivisum, nisi voluntate populi divisio ex- testamen-
presse permessa, aut populus in eam consentiat; ast de invito, quo- cum relicto.
modocunque libuerit. Si enim regnum patrimoniale fuerit vo-
luntarium, imperium patrimoniale in Regem populi volun-
tate fuit delatum (§. 297.), consequenter Rex sibi succes-
sorem eligere potest, quem voluerit (§. 283.), sed non di-
videre in partes subjectivas, nisi hoc expresse a populo fuerit
permisum, aut populus in divisionem consentiat (§. 294.).
Quamobrem cum per testamentum voluntatem suam de suc-
cessionem in imperio Rex declarare possit (§. 994. part. 7.
Jur. nat.) & testamentum naturaliter facere liceat (§. 999.
(Wolffii Jur. nat. Pars VIII.) Ec part.

part. 7. Jur. nat.); de regno patrimoniali voluntario Rex testari potest, ea tamen lege, ut maneat indivisum, nisi voluntate populi divisio expresse permessa, aut populus in eam consentiat. *Quod erat unum.*

Enimvero si regnum patrimoniale fuerit invitum, imperium in Regem non voluntate populi delatum, sed is idem alio quodam modo, veluti vi armorum acquisivit (§. 297.), consequenter imperium patrimoniale independentem a populi voluntate habet. Quamobrem cum in hoc casu imperium in partes subjectivas dividere possit (§. 294.), de eodem vero etiam testari *per demonstrata*; de regno patrimoniali invito Rex per testamentum quomodocunque disponere potest, scilicet ut idem maneat indivisum, sive ut inter duos, aut plures dividatur in partes subjectivas æquales, aut quacunque ratione inæquales. *Quod erat alterum.*

Cum imperium non pertineat ad hæreditatem, seu universitatem rerum Regis privatarum post mortem relictarum, testamentum autem sit declaratio voluntatis de translatione domini rerum post mortem suarum relictarum (§. 994. *part. 7. Jur. nat.*); non videtur Rex de regno testari posse. Testamenta nimirum non videntur convenire nisi rebus, quæ sunt in dominio privatorum. Enimvero dubium hoc haud diffculter removetur. Rex nimirum duplicem repræsentat personam, moralem scilicet, quatenus Rex est, hoc est, imperium habet, & physicam, quatenus privatus est, hoc est, homo, qui perinde ac alii rebus indiget ad viæ necessitatem, commoditatem atque jucunditatem. Si regnum fuerit patrimoniale, quia Rex patrimonium habet diversum ab eo, quod quia privatus habet. In illo sunt imperium tanquam res in corporalis (§. 498. *part. 1. Jur. nat.*) & bona regia (§. 286.); in hoc autem bona privata. In regno patrimoniali non trius imperium & bona regia sunt in patrimonio Regis quia Regis,

Regis, quod *regium* appellari poterat, quam bona privata in dominio privato. Quemadmodum itaque testatur de bonis privatis, si voluntatem suam declarat, cujusnam ea post mortem suam esse debeant (§. 994. 996. *part. Jur. nat.*), sed quia privatus; ita etiam de imperio & bonis regiis qua Rex testatur, quando voluntatem suam declarat, quinam in regno succedere debeat, & cujusnam esse debeant bona *regia* post mortem suam. Quamvis autem uno actu testetur de bonis privatis & imperio atque bonis regiis; declaratio tamen voluntatis suae de utrisque duo diversa testamenta sunt, quorum unum absque altero fieri potest.

§. 299.

Testamentum Regis regium est, in quo disponitur de *Differentia* imperio & bonis regiis; *testamentum Regis privatum* est, in *testamenti* quo disponitur de bonis ipsius privatis. Bona ista cum *Regis regii* ab his actu sint separata, nec in unam massam confundi possunt & *privati*. sint (§. 287.); *testamentum Regis regium & privatum sunt duo testamenta a se invicem semper separanda.*

§. 300.

Quoniam in testamento regio disponitur de imperio & bonis regiis; in privato autem de privatis (§. 299.); *regno ex testamento Rex, qui imperium in patrimonio habet, in testamento saltem* *testamento & disponat de imperio & bonis regiis, non vero de privatis, testamento in bonis privatis succeditur ab intestato* (§. 1021. *part. 7. Jur. nat. & §. 289. h.*).

Quando in testamento disponitur de successione in imperio & bonis regiis, non vero de privatis; satis patet, Regem voluisse, ut in privatis ab intestato succedatur. Quoniam enim successio ab intestato per se manifesta est, non opus erat, ut de ea demum voluntatem suam Rex declararet. Ex silentio itaque recte eandem voluisse praesumitur. Ponamus in testa-

mento in regno successorem institutum esse extraneum filio præterito. Minime dicendum est, illum quoque institutum esse hæredem, qui succedat in bonis privatis: sed filius in bonis privatis succedit ab intestato.

§. 301.

De successione in re suam de successione in eadem nullo modo declaraverit; filius primogenitus, aut natus major, vel deficientibus liberis agnatis proximus succedit. Quoniam enim raro, immo vix ac ne vix quidem contingit, ut Rex, etiamsi regnum in patrimonio habeat, consequenter præteritis liberis atque agnatis successorem quoque extraneum, vel nullo sanguinis vinculo sibi junctum eligere possit, imperium in extraneum, aut alium nullo sanguinis vinculo sibi junctum transferat, illud autem præsumitur, quod plerumque fit, non quod rarius, ubi nullæ rationes peculiare prostant (§. 248. part. 7. Jur. nat.); Rex, quamvis regnum in patrimonio habeat, hoc tamen non obstante, velle præsumitur, ut dignitas regia maneat in familia sua, aut hac deficiente, apud eos, qui cum ipso sunt in eadem familia, præfertim arctiori. Quod si ergo voluntatem suam de successione in regno nullo modo declarat; velle præsumitur, ut regnum maneat penes liberos suos, aut, his deficientibus, penes eos, qui cum ipso sunt in eadem familia. Et quia regnum patrimoniale voluntarium in partes subjectivas dividi nequit, nisi populi voluntate (§. 294. 297.), invitum autem ut dividatur Rex velle non præsumitur, ubi voluntatem suam non declaravit, sed potius, ne dividatur (§. 295. 297.); si is voluntatem suam de successione in regno non declaravit, unus saltem ex liberis, vel his deficientibus ex agnatis succedere potest. Quamobrem cum non sit medium aptum ad discernendum

nendum partes dissidentes, ut is succedat, qui ad regnandum aptior, consequenter ratio intrinseca deficiat, cur unus liberorum, vel agnatorum alteri sit præferendus; ad rationem extrinsecam confugiendum, ac ideo filius primogenitus, aut natu major in linea descendendum, agnatus proximus in collaterali succedat necesse est.

Ubi deficit voluntas expressa, negotium tamen exitum habere debet, ibi locum habet voluntas præsumpta, & ubi deficit ratio intrinseca, in ejus locum extrinseca succedit, ut præsumptio fieri possit. Principia hæc generalia sunt, quibus etiam utendum in casu præsentis particulari. Naturale hominibus est, ut liberos suos velint esse fortunatos, quemadmodum etiam velle debent (§. 732. part. 7. Jur. nat.), & fortunam eorum, qui sanguinis vinculo sibi junguntur, in gloriam propriam vertant, tanto quidem majorem, quanto æctius fuerit istud vinculum. Atque eadem de causa qui sunt in fortuna regia malunt, eandem manere familiæ suæ propriam, quam ut ad extraneam abeat. Habemus itaque fundamentum præsumptionis, ubi standum est voluntate volentis, ac permittendum ut faciat, quod vult, non vero quaeritur quid rectius fieri potuerat.

§. 302.

Si moribus conveniat, ut foemina ab imperio excludatur, De successione, in hypothesis propositionis præcedentis ad successionem in regno ne foeminae admitti nequeant: quod si vero moribus conveniat, ut promiscue rum in re cum masculis, vel his deficientibus demum admittantur, in casu gno patri-priori foemina natu major præferatur masculo natu minori, in posse- moniali.

riori autem foemina tum demum succedit, si nullus æstet masculus. Quoniam enim Rex voluntatem suam de successione in regno non declaravit, per hypothesis; standum est voluntate præsumpta. Quod moribus convenit, etsi aliter esse possit,

Ee 3

cum

cum tamen de alio non cogitent homines, id ita esse debere sumunt, consequenter in casu dubio quod moribus convenit velle præsumuntur (§. 248. *part. 2. Jur. nat.*). Quamobrem si moribus conveniat, ut foemina ab imperio excludantur, in hypothesi propositionis præcedentis in regno succedere nequeunt, quodsi vero moribus conveniat, ut promiscue cum masculis, vel his deficientibus demum admittantur, in casu priori vi demonstrationis præcedentis foemina natu major præfertur masculo natu minori, in posteriori autem tum demum succedit, si nullus adsit masculus.

Si id præsumendum, quod moribus convenit, in casu dubio attenduntur quoque mores vicinarum gentium communes. Juris enim etiam videtur in nostra gente, quod consuetudo apud omnes vicinas jus facit, cum istiusmodi mores pro communi gentium jure accipi soleant, quo in civitate sua utuntur.

§. 303.

Casus particulares.

Quoniam moribus standum est, si Rex de successione in regno patrimoniali voluntatem suam non declaravit (§. 302.); si moribus promiscue foemina ac masculus in regno succedant, ubi Rex voluntatem suam de successione in eodem non declaravit, soror natu major præfertur fratri natu minori, foemina propriæ sanguinis vinculo illi juncta cognato remotiori; si vero foemina non admittantur nisi deficientibus masculis, foemina succedit, quæ proprii vinculo sanguinis jungitur Regi defuncto.

§. 304.

Quando imperium patrimoniale ad populum redit & populus sit sui juris.

Si Rex, qui imperium in patrimonio habet, non declaret voluntatem suam de successione in imperio, nemo autem supersit, qui defuncto vinculo sanguinis conjungitur; imperium ad populum redit & populus sit sui juris. Quando enim Rex, qui imperium

rium in patrimonio habet, non declarat voluntatem suam *de lum redeat*,
 successione in imperio, ea præsumenda est (not. §. 301.) seu *desinat*.
 Enimvero si nemo addit, qui sanguinis vinculo ipsi conjun-
 gitur, imperium is transferre nequit nisi in extraneum, aut
 in personam, quæ cum ipso non est in eadem familia, con-
 sequenter ejus parum interest, in quemnam idem transferatur.
 Quoniam itaque nulla datur ratio, ob quam præsumi
 possit, in quemnam imperium transferri voluerit; nemo
 quoque est, qui ulla ratione successionem prætereendere possit.
 Regnum igitur patrimoniale desinit, consequenter imperium
 ad populum, penes quem originarie est (§. 33.), redit.
Quod erat unum.

Enimvero si, imperium ad populum redit, nemo
 amplius est, cui jus quoddam in ipsum competat, quod per
 se patet, consequenter populus ab alieno imperio liberatus
 fit sui juris. *Quod erat alterum.*

Perinde igitur est, ac si civitas demum esset constituta, &
 regno definente status sit popularis, seu regnum in democra-
 tiam vertitur (§. 131.).

§. 305.

Si regno finito imperium ad populum redit; populus Reip. for- De jure po-
mam eligere potest, quamcunque voluerit. Quando enim regnum *puli quando*
 finitur, nemo est, cui jus quoddam sit ad regnum, consequenter *regno finito*
 qui successionem prætereendere possit, quod per se patet. Impe- *imperium*
 rium igitur, quod ad populum redit, perinde penes populum *ad ipsum*
 est, ac si originarie penes ipsum esset. Enimvero quando im- *redit.*
 perium originarie penes populum est, is imperium vel sibi
 retinere, vel pro lubitu suo in personam unam, aut plures
 conjunctim transferre potest, & a voluntate ipsius dependet,
 qua

qua lege transferre velit (§. 36.). Quamobrem cum democratia sit, si imperium penes populum universum fuerit (§. 131.) monarchia, si penes unum (§. 133.); aristocratia, si penes plures conjunctim (§. 135.), & Resp. mixta, si imperium in partes potentiales dividatur, aut ejus exercitium quomodocunque limitetur (§. 138.), seu certa lege transferatur (§. 77.); si finito regno imperium ad populum redit, ~~populus~~ Reip. formam eligere potest, quamcunque voluerit.

Finito regno, reviviscit status originarius, qualis fuerat, cum civitas primum constituta fuisset. Jus itaque populi in imperium prorsus idem est, quale tunc temporis fuerat, consequenter de imperio & ejus exercitio atque modo idem habendi vi libertatis suæ disponere potest, prouti sibi commodum existimaverit.

§. 306.

De diversitate juris eligendi regem.

Si regnum fuerit electivum, vel populus universus jus eligendi prorsus liberum sibi reservare, vel idem simpliciter in alios transferre, vel denique certas electionis leges condere potest. Et enim si regnum fuerit electivum, Rege deficiente successor eligendus (§. 278.). Cum jus transferendi imperium in personam unam, consequenter eligendi Regem (§. 139.), originarie penes populum sit (§. 36.), quilibet autem jus suum vel per se, vel per alium exercere possit, quod per se patet; si regnum fuerit electivum, vel populus universus jus eligendi sibi reservare, idque prorsus liberum (§. cit.), vel in alios transferre potest. *Quod erat unum.*

Enimvero cum quilibet jus suum in alium transferre possit quacunque lege voluerit (§. 11. *part. 3. Jur. nat.*); jus eligendi Regem populus in alios transferre potest, quacunque

cunque lege voluerit, consequenter certas electionis leges condere. *Quod erat alterum.*

Si populus universus jus eligendi Regem sibi reservat, status quoad electionem Regis democratiz æquiparatur; si vero illud in alios translaturum, aristocratiz. Quamobrem quæ de exercitio imperii demonstrata fuerunt in democratia, ea facile applicantur ad electionem Regis & in casu priori; quæ vero de illo ostendimus in Aristocratia, ea ad electionem Regis applicanda veniunt in casu posteriori, observata nimirum differentia inter imperium & jus eligendi, seu habita saltem ratione modi exercendi jus: per se nimirum patet, ad ipsius imperii exercitium alios actus requiri, quam ad exercitium juris eligendi.

§. 307.

Quoniam *populus, quando jus eligendi in alios transfert, De eligibili-* legem electionis eligentibus præscribere potest, quam *volute perso-* luerit (§. 306.), & a voluntate ipsius dependet, in *nam* quam personam imperium transferri velit (§. 36.); *legem* quoque *præscribere potest, ut non eligatur, nisi indigena; masculus, non foemina, persona certa ætatis, vel qualitatis; quæ est ex certa familia, aut nonnisi ex certis familiis, & quæ sunt alia, per quæ persona eligibilitas determinari potest.*

Quando dicitur, personam certæ qualitatis eligi debere; nonnisi istiusmodi qualitates intelliguntur, quæ quomodocunque indignantur, ut ab aliis sui similibus distingui possint (§. 28. *part. 3. Jur. nat.*), neque ideo ulli disputationi obnoxie sunt, veluti si dicatur Regem eligi debere ex illustri familia, qui tot majores superet, seu ab iis genus suum deducit, qui religioni receptæ addictus &c. Quodsi enim aliæ commemorantur, veluti ut eligatur, qui ad regnandum aptus sit, patriæ amans, pius & ita porro; ea saltem per modum officii

(Wolffii *Jur. Nat. Pars VIII.*)

Ff

præ-

præscribuntur, non vero per modum legis, quæ actum eligentium eidem contrarium irritum efficere potest.

§. 308.

*De modo
electionis*

Similiter cum *populus* eligentibus legem de modo electionis præscribere possit (§. 306.); *definire potest tempus, intra quod Rex eligendus, numerum votorum ad electionem requisitorum, locum, in quo convenire debent electores & qua alia sunt hujusmodi in electione observanda.*

§. 309.

*De electione
legitima &
illegitima.*

Electio legitima dicitur, quæ juxta leges de electione Regis condita facta: *illegitima*, quæ legi cuidam contraria-
tur. Hinc in casu primo *Rex* dicitur *legitime electus*; in casu posteriore *illegitime electus*, cumque electoribus non plus juris competat, quam in eos translatum fuit, consequenter quod ad leges istas restringitur; *populus non tenetur rati-
habere electionem illegitimam.* Quoniam tamen jus suum remittere potest (§. 117. part. 3. Jur. nat.); *eam rati-
habere potest, si velit, & Regem electum agnoscere, immo in casu emer-
gente electoribus permittitur, ut in electione legem aliquam insuper
habeant, subinde etiam permissio præsumi potest, nimirum quando
impedimenta insuperabilia sese offerunt, quo minus lex aliqua ob-
servetur.*

Impedimenta ista necessitatem physicam imponunt electo-
ribus, ut a lege in dato casu recedant, veluti si exercitus hostilis
vicinus sit loco electioni destinato, vel pestis, aut alius mor-
bus contagiosus in eodem sæviat. Subinde etiam is esse pot-
est Reip. status, ut salutis publicæ, quæ suprema lex est
(§. 86.), aliter consuli non possit, nisi recedatur a lege qua-
dam electionis, veluti si Resp. indiget auxilio alieno Regis cu-
jusdam potentis, qui id ferre non vult nisi sub hac conditio-
ne, ut ipse eligatur, lege autem vetitum sit, ne extraneus
eligatur.

§. 310.

§. 310.

Si jus eligendi fuerit penes populum, qui tamen in certam De lege electionis legem consensit; ab ea in electione recedere potest, modo electionis a populo sibi nemini jus ullum ex ea quaesitum. Quod si enim jus eligendi populo sibi fuerit penes populum, & ipsemet in certam electionis legem metipso lata. consensit; legem hanc, quando visum fuerit, tollere quoque potest, consequenter etiam eam tollere quoad casum praesentem, ac ideo ab eadem recedere, si ita visum fuerit. Quoniam tamen jus quaesitum nemini invito auferri potest (§. 336. part. 3. Jur. nat.); a lege electionis, ex qua jus ali-quod quaesitum alicui, populus recedere nequit sine consensu eorum, quorum interest. Patet itaque populum, si penes eum fuerit jus eligendi, a lege electionis, in quam consensit, recedere posse, si ita visum fuerit, modo nemini jus ullum ex ea quaesitum.

Qui legem sibi met ipsi statuit, ab ejus utique voluntate pendet, utrum eadem stare velit, nec ne, cum nemo adsit, qui eundem cogere possit, ut eandem observet (§. 156. part. 1. Jur. nat.). Aliter vero sese res habet, si eadem lege jus quoddam in alterum fuit translatum, qui legis autorem cogere potest, saltem cogendi jus habet, ut sibi jus suum reddat, nec idem violet. Ponamus e. gr. populum convenisse, ut ne Rex eligatur, nisi ex certa familia. Haec utique familia lege ista acquisivit jus ad regnum, ut ex ipsa Regem eligi necesse sit, nec ea pari teneatur, ut, qui de familia sua non est, eligatur. Quod si eligatur, eidem injuria fit (§. 359. part. 1. Jur. nat.), nec ea Regem electum agnoscere tenetur, etiam votorum pluralitas alias vincat.

§. 311.

Lex electoribus praescripta a populo tolli potest, nisi ex ea De lege electionis quoddam alicui quaesitum. Ostenditur eundem in modum, Horibus quo propositionem praecedentem demonstravimus.

praescripta.

Ff 2

Notan-

Notandum vero legem electionis esse posse ralem, ut electoribus ex ea jus quoddam sit quaesitum, quam perinde mutare minime possunt, ac si ex ea jus quoddam ad regnum quaesitum fuerit. Ita electores pati minime tenentur, ut jus eligendi quocunque modo restringatur, veluti si ipsis liberum sit ex suo etiam numero eligere Regem, ne ex eodem eligatur, vel qui ex familia eorum est.

§. 312.

*Quomodo
jus Regis
electi exten-
datur.*

Rex electus nihil constituere potest, quod valeat ultra tempus regiminis eidem praestitutum. Etenim si Rex eligitur, exercitium imperii in ipsum transfertur vel ad dies vitae, vel ad certum tempus, aut tempore quocunque revocabile (§. 38.). Quamobrem cum non plus juris habeat, quam in ipsum fuit translatum, si imperium in ipsum translatum ad dies vitae, tamdiu id exercere potest, quamdiu vivit, si ad certum tempus, donec tempus istud finiatur, si denique tempore quocunque revocabile, quamdiu populo aut iis, qui jus populi habent, placuerit, consequenter actus ad exercitium imperii spectantes tamdiu validi sunt, quamdiu regimen durat. Nihil igitur constituere potest Rex electus, quod valeat ultra tempus regiminis eidem praestitutum.

Tempore nimirum elapso, in quod exercitium imperii fuit concessum, jus omne Regis expirat, & quod ultra istud tempus agit, ipso jure nullum est: perinde vero est, finito regimine aliquid constituere, ac durante eo constituere, quod valeat ultra tempus regiminis ipsi praestitutum, prouti idem jam annotavimus de optimatibus temporariis (not. §. 241.).

§. 313.

*De iis, quae
ultra tem-
pus regimi-*

Quoniam Rex electus nihil constituere potest, quod valeat ultra tempus regiminis eidem praestitutum (§. 312.);

si

si quod constituit finito regimine valere debeat, necesse est, ut vel nis valere expressa, vel tacita ratihabitione a successore confirmetur. debent.

Animo hic recolenda sunt, quæ de optimatibus temporariis supra annotavimus (not. §. 242.).

§. 314.

Si Rex electus moritur, aut tempus regimini ipsius præ Penes quem situm finitur, vel jus in eum translatum revocatur; imperium sit impetratum ad populum redit. Etenim imperium originarie penes populum sedes est (§. 33.) & res populi propria (§. 34.), quando vacant. Vacante. ro populus eligit Regem, imperium in ipsum transfert (§. 139.) vel ad dies vitæ, vel ad certum tempus, vel tempore quocunque revocabile (§. 38.). Quodsi ergo tempus regimini ipsius præstitutum finiatur, cum nemo sit, qui imperium prætereundum possit; idem ad populum redit.

§. 315.

Quoniam Rege electo mortuo, aut tempore regimini ipsius præstituto finito imperium ad populum redit (§. 314.); a voluntate populi dependet, utrum Regem novum eligere & qua lege imperium in ipsum transferre velit, an aliam quamcunque Reip. formam introducere.

Nimirum tum perinde est, ac si civitas demum esset constituta & Reip. instituenda, consequenter populus convenire potest, utrum imperium sibi retinere, an in personam unam, vel plures idem transferre, & num certa lege transferre velit (§. 36.).

§. 316.

Interregnum dicitur status Reip. in quo sedes regia vacat. Quamobrem tempore interregni imperium penes populum est (§. 314.), cumque is pro libitu jus suum in alium quem-

De interregno.

quemcunque transferre possit (§. 12. part. 3. Jur. nat.) & lege quacunque, quæ placuerit (§. 11. part. 3. Jur. nat.), lege deferre potest exercitium imperii in quemcunque, vel quoscunque voluerit, quamdiu durat interregnum, idemque pro libitu limitare.

Tempore nimirum interregni imperium, quod penes populum est, idem exercere potest vel per se, vel per alium, aut alios, prouti placuerit.

§. 317.

Vicarius regni quinam sit.

Vicarius regni dicitur, qui imperium exercet tempore interregni. Patet itaque, vicarii jus assumendum esse ex lege fundamentalis de vicariatu regni &, si vicarius certa lege designatus fuerit, regimen ipsius eo ipso momento incipere, quo Regis jus finitur, seu sedes vacare incipit, ac finiri, quamprimum Rex novus fuerit electus.

Quamprimum Rex novus fuit electus, sedes non amplius vacat, consequenter interregnum finitur (§. 316.), adeoque jus vicarii expirat. Quoniam vero populus tempore interregni imperium non minus in partes potenciales, quam subjectivas dividere valet, prouti ex anterioribus facile patet; ideo plures esse possunt vicarii tempore interregni, sive divisio fiat in partes potenciales, sive in subjectivas. Quantum vero & quale sit jus vicariorum plurium, ex lege fundamentalis definiendum. Quamobrem opus non est, ut ad quæstiones particulares descendamus, ac præter necessitatem simus prolixiores.

§. 318.

De promissione regis electi.

Rex electus promittere tenetur, quod imperium saluti publicæ convenienter, & si certa leges eidem præscribuntur, secundum easdem idem exercere velit. Etenim imperium omne, si-
ve

ve absolutum fuerit atque summum, sive quocunque modo limitatum, transferri intelligitur ea lege, ut non exerceatur, nisi salutis publicæ convenienter (§. 88.). Quamobrem cum Rex electus acquirat jus sibi delatum acceptatione sua (§. 13. *part. 3. Jur. nat.*); utique declarare debet, quod imperium, quale offertur, habere & ita exercere velit, prouti populus idem exerceri vult (§. 2. *part. 3. Jur. nat.*), consequenter ad id se obligare, adeoque promittere debet, quod salutis publicæ convenienter id exercere velit (§. 393. *part. 3. Jur. nat.*). *Quod erat unum.*

Quoniam vero populus imperium offerens Regi electo, cujus exercitium ad certas leges fundamentales, seu capitulationem, quæ & ipsa lex fundamentalis est (§. 124.), restrictum, nisi sub hac conditione offert, ut idem juxta leges fundamentales exerceat, ideo ut ante patet, Regem electum promittere debere, quod juxta leges fundamentales imperium exercere velit. *Quod erat alterum.*

Populus per promissionem sibi obligat Regem ad recte imperandum in omni casu (§. 363. *part. 3. Jur. nat.*), & non modo naturaliter ipsi competit jus hoc exigendi, quarens imperium in alium transferre non debet, nisi ut salutis publicæ convenienter administretur (§. 87.), sed etiam ex pacto cum Rege inito, dum imperium sibi oblatum acceptans promittit, quod salutis publicæ convenienter id exercere velit (§. 788. *part. 3. Jur. nat.*), etsi populus judicio ipsius relinquat, quomodo salutis publicæ convenienter exerceatur, consequenter in eodem sese acquiescere velle eo ipso declarat, ut nullum actum in specie ab ipso exigere possit, quem salutis publicæ promovendæ convenire existimat. Si leges fundamentales præscribunt certos actus & quoad eas libertas imperandi limitatur; necesse omnino est, ut Rex populo sese obliget, quod eas sancte observare, nec quicquam contra easdem committere velit.

velit. Tumque populo competit jus actus hosce in specie exigendi, nec permittendi contrarios.

§. 319.

*Quale sit
regnum ele-
ctivum.*

Regnum electivum non patrimoniale, sed usufructuarium est. Quodsi enim regnum fuerit electivum, imperium in Regem transfertur nonnisi ad dies vitæ, aut ad certum tempus, vel tempore quocunque revocabile, & Rege mortuo aut tempore regimini ipsius præstituto finito, vel jure quod in eum translatum fuerat, revocato, imperium ad populum redit (§. 314.). Quamobrem imperium in ipsum non transfertur, nisi quoad exercitium. Quamobrem cum imperium quoad exercitium translatum sit in usufructu, non vero in patrimonio Regis (§. 40.), regnum vero usufructuarium sit, non patrimoniale, si imperium sit in usufructu Regis (§. 155.); regnum electivum patrimoniale esse nequit, sed usufructuarium est.

Repugnat regnum esse electivum & patrimoniale. Si enim regnum fuerit electivum populus, vel qui jus populi habent in locum Regis deficientis novum eligere debent; si vero regnum fuerit patrimoniale, Rex sibimet ipsi eligit successorem, aut alius eidem succedit ex voluntate illius præsumta (§. 283. 301.).

§. 320.

An Rex electus imperium abdicare possit.

In regno electivo Rex imperium sine consensu populi abdicare nequit. Imperium enim in ipsum transfertur vel ad dies vitæ, vel ad certum tempus, vel quamdiu populo liberit. Quamobrem quando illud acceptat, consequenter declarat, quod idem suscipere velit (§. 2. part. 3. *Jur. nat.*); cum populo convenit, quod id administrare velit vel quamdiu vivit,

vit, vel tempore convento, vel quamdiu populo placuerit, adeoque ad hoc eidem se obligare intelligitur, consequenter conventio ista promissionem continet (§. 393. 703. *part. 3 Jur. nat.*). Quoniam itaque conventio ista pactum est (§. 788. *part. 3. Jur. nat.*), pacta autem servanda sunt (§. 789. *part. 3. Jur. nat.*); pro lubitu suo declarare nequit, se imperium, quod ipse in alium transferre non potest, diutius habere nolle, consequenter imperium abdicare nequit (§. 115. *part. 3. Jur. nat.*). *Quod erat unum.*

Quoniam tamen populi saltem interest, ne imperium Rex abdicet, quod per se patet, quilibet autem jus suum remittere potest, quamdiu nihil committitur, quod est contra jus tertii (§. 117. *part. 3. Jur. nat.*); quin Rex consensu populi imperium abdicare possit dubitandum non est. *Quod erat alteram.*

Si quis Rex eligitur, imperium utique ex pacto cum populo, aut iis, qui jus populi exercent, acquirit. Rex, qui imperium acceptat, promittit, quod populum regere velit; populus autem promittit vicissim, quod imperanti parere velit. Quemadmodum itaque hi obligantur ad parendum, ita Rex obligatur ad populum regendum. Omnis obligatio necessitas moralis agendi est (§. 118. *part. 1. Phil. pract. univ.*). Sicuti igitur non arbitrii populi est, utrum Regi imperanti parere velit, nec ne; ita quoque imperio suscepto non amplius arbitrii Regis est, utrum imperium administrare velit, nec ne.

§. 321.

Si in regno electivo imperium in Regem translatum fuit An Rex ab ad dies vite, a populo, aut iis, qui jus populi habent, abdicari ne dicari possit. quis: quousque imperium concessum fuerit ad certum tempus, antequam id fuerit finitum, abdicari nequit. Etenim si imperium
(*Wolffii Jur. Nat. Pars VIII.*)

Gg

in

in Regem fuit translatum ad dies vitæ, ipsi competit jus administrandi imperium, quamdiu vivit; ad tempus certum autem, si imperium ad certum tempus in ipsum translatum fuit. Quamobrem cum nemini invito jus suum auferri possit (§. 336. *part. 2. Jur. nat.*); nec Regi a populo, aut iis, qui jus populi habent, auferri potest. Quoniam itaque jus in eum translatum eidem aufertur, si abdicetur, quod per se patet; si in regno electivo imperium in Regem translatum fuit ad dies vitæ, a populo, aut iis, qui jus populi habent, abdicari nequit, nec abdicari potest ante tempus regimini ipsius præstitutum,

Rex abdicatur, si populus declarat, quod eum diutius Regem habere nolit, consequenter jus in ipsum collatum revocat (§. 741. *part. 3. Jur. nat.*). Enimvero jus in Regem, dum eligitur, irrevocabiliter translatum intelligitur, si imperium ad dies vitæ in eundem transfertur, non revocabile ante tempus præstitutum, nisi expresse aliud dicatur, neque enim transferri potest ea lege, ut populus universus recte imperanti parere debeat, male autem imperanti resistere, eumque coercere, consequenter in poenam jus suum auferre possit (§. 82.), nisi imperium precario deferatur, ut idem exerceat, quamdiu placuerit, consequenter quocunque tempore revocabile (§. 38.). Imperium revocabiliter translatum non præsumitur, cum incertum sit, an Rex idem hoc modo transferendum accepturus fuisset. Semper itaque irrevocabiliter translatum intelligitur, nisi expresse aliud dicatur, sicut idem ad dies vitæ translatum intelligitur, nisi tempus certum in delatione imperii definiatur.

§. 322.

De imperio

Si Regi defertur imperium sub lege commissoria, ut regno sub clausula cadat, quando hoc feceris, vel non feceris; regnum amittis, si commissoria ceris, vel non feceris. Etenim pactum, cui lex commissoria addita

addita, statim resolvitur, si non præstetur, quod ex eo præ-*in Regem*
standum (§. 1088. *part. 4. Jur. nat.*). Quodsi ergo pacto, *translato*,
quo imperium in Regem translatum, addita lex commissio-
ria, ut regno cadat, quando hoc fecerit, vel non fecerit, si
id fecerit, vel non fecerit, regnum statim amittit.

Nimirum clausula ista commissoria obligationem populi ef-
ficat conditionatam, quæ conditione existente statim expirat,
ut ideo Rex qui fuerat ipso facto esse desinat. Quamobrem
quando regnum committitur, non opus est, ut a populo Rex de-
mum abdicetur (*not. §. 321.*) quippe quem Regem non am-
plius agnoscere tenetur. Si vero Rex abdicandus, *quandiu*
Rex manet, donec abdicatus fuerit.

§. 323.

In regno successorio imperium defertur lege, quam popu- De modo
lus condidit, aut, si nulla extet, more gentium vicinarum succe-
ditur. Etenim a voluntate populi regnum successorium *succedendi*
condituri unice dependet, quamnam legem successionis *in imperio*
condere velit (§. 277.). Quamobrem cum ex ea acquiratur
jus succedendi, in regno successorio imperium defertur lege,
quam populus condidit. *Quod erat unum.*

Enimvero cum successioni locus esse nequeat, nisi
populus, a cujus unice voluntate dependet, quomodo suc-
cessio fieri debeat (§. 277.), in prima delatione imperii succes-
sionis certam legem condidit; si de ea nihil dictum fuerit, ne-
cesse est ut modum succedendi supposuerit. Quamobrem cum
alius supponi non potuerit, quam qui apud gentes vicinas ob-
tinet, qui solus tunc temporis, quando primum Regem elegit,
& regnum successorium esse debere declaravit animo ipsius
obversatus intelligitur, (§. 512. *part. 6. Jur. nat.*) si nulla pecu-

liaris lex de successione in regno extet, more gentium vicinarum succedatur necesse est. *Quod erat alterum.*

Nimirum modus succedendi definitur vel expressa populi voluntate, vel præsumta. Illud obinet, si lex successionis condatur a populo; hoc autem, si more gentium vicinarum successio fieri debet. Quando populus liber regnum successorium introducit, nullas vero de eo, atque successione lin eodem leges condit; id facit ad imitationem gentium aliarum, quibus regna successoria sunt. Quamobrem talia ut sint, qualia sunt regna ista, & ut eodem modo succedatur, quo in istis succeditur, voluisse intelligitur. Cum itaque jus omne Regis meriendum sit ex voluntate populi imperium in ipsam transferentis (§. 43.); in casu dubio ad mores gentium vicinarum recurrendum, nisi alia indicia manifesto alio ducant. Et idem tenendum est de successione.

§. 324.

*Cur regna
successoria
introducantur.*

Regna successoria introducuntur eo fine, ut successor sit certus. Quamvis enim regna electiva fini civitatis maxime convenire videantur, quod eligi possit persona ad imperium salutis publicæ convenienter administrandum maxime apta, id quod in omni delatione imperii intenditur (§. 88.); quoniam tamen in regnis electivis; inprimis si jus eligendi fuerit penes populum universum, aut saltem penes magnam ejus partem, propter factiones in electione facile oriantur turbæ Reip. infestæ, consultius videtur, ut regna sint successoria. Qui igitur talia regnis electivis præferunt, utique voluisse intelliguntur, ut successor sit certus, consequenter regna successoria non alio fine introducta, quam ut sede vacante statim adsit, qui succedat, ac ideo ut certus sit successor (§. 932. *Onsol.*).

§. 325.

§. 325.

Quoniam regna successoria introducuntur eo fine, ut *De præsum-*
 successor certus sit (§. 324.); *in casu dubio populus de succes-*
sione id voluisse præsumitur, quod successionem facit certam. *successi-*
onem.

Non est quod objicias, si successio introducta fuerit ad imi-
 tationem vicinarum gentium, dici non posse eam introductam
 esse eo fine, ut successor certus sit; tum enim ideo hunc suc-
 cedendi modum eligit populus, quia placuit gentibus aliis,
 consequenter ob eundem finem, qui ab iis intentus fuit.

§. 326.

Modus succedendi hæreditarius est, si eodem modo in *Modus suc-*
 regno succeditur, quo in hæreditate ab intestato succedi so- *cedendi hæ-*
 let. Quamobrem *qui Regi defuncto ab intestato existit hæres, reditarius.*
idem etiam in regno succedit, nisi quod unus saltem admittatur,
si plures fuerint hæreses, nec divisio in partes subiectivas expressa
populi voluntate permessa (§. 235.), vel condominium eidem pla-
cuerit (§. 140. 323.), & foemina prætereantur, si ad imperii
administrationem non admittantur (§. 307.).

Quamvis enim modus succedendi ab intestato statuatur
 norma successionis in regno; quoniam tamen successio in re-
 gno semper diversa manet ab hæreditate (§. 289.), non ne-
 cesse est, ut illi per omnia consentiat, sed saltem quatenus
 permittunt alia, quæ populo de forma Reip. placuerunt, con-
 sequenter quantum ea fert. Hinc inter plures masculos, quo-
 rum idem jus est ad hæreditatem defuncti, unus ceteris præ-
 fertur, & foeminæ exclusæ tanquam non extrantes spectantur,
 ac per consequens is succedit in regno, qui Regi defuncto
 hæres existeret, si illæ abessent.

§. 327.

De succes-

Quoniam secundum modum succedendi hereditarium Regi defuncto in regno succedit, qui eidem ab intestato hæres cænarum maxillit (§. 326.); si foemina non admittantur, nisi deficientibus masculis, Regi ultimo succedit filia, vel qua eum sanguine proximis. me attingit foemina.

Nimirum quando foeminae non admittuntur, nisi deficientibus masculis, filia Regis ultimi, aut cognata proxima fictione juris habetur pro masculo, in cujus quippe locum surrogatur, prætereunda, si masculus adesset,

§. 328.

De succes-

Si Regi defuncto plures extiterint hæredes, natu major præfertur natu minori. Quodsi enim plures extiterint hæredes, unus saltem admittendus, nisi expressa populi voluntate divisio in partes subjectivas fuerit permessa, aut condominiums eidem placuerit (§. 326.): quod cum præsumi non possit (§. 245. part. 2. Jur. nat.), a nobis quoque nec hic, nec insequentibus supponitur. Quoniam vero hæredum plurium idem jus est ad hereditatem, quod per se patet; ratio intrinseca ex jure scilicet hereditario desumenda deficit, consequenter ad extrinsecam deveniendum, ob quam unus ceteris præferendus. Quamobrem natu major, ut qui prior jus aliquod ad regnum acquisivit, præfertur natu minori (§. 325.).

Populus successionem in regno instituit ad vitandas controversias, quieti publicæ adversas, quæ ut conservetur plurimum interest. Quamobrem ubi populo modus succedendi hereditarius placet, non aliud voluisse præsumitur, quam ut natu major hæredum vincat natu minorem, cum hoc pacto omnis controversia facillime vitetur, alio pacto non eadem facilitate evitan-

evitanda, ut successio maximam habeat certitudinem, quam habere potest.

§. 329.

Si expressa populi voluntate foemina cum maribus promiscue admittendæ, foemina natu major præfertur filio natu minori: foemina promiscua tamen admissio non præsumitur. Etenim si populus mari in successu voluntatem suam, dum modum succedendi hæreditarium *cessione præ-* instituit, expresse declaravit, quod foeminæ cum maribus *ferenda,* ad regnum promiscue sint admittendæ, nulla habita sexus differentia; standum est populi voluntate (§. 307.). Quod si ergo contingat, foeminas cum maribus in hæreditate Regis defuncti concurrere, cum hæredibus pluribus existentibus natu major præferatur natu minori (§. 328.); foemina natu major præferenda mari natu minori. *Quod erat unum.*

Quoniam mares tum ad bella, tum ad alias imperii partes foeminis magis idonei censeantur, ac ideo plerumque his in regnis præferuntur, id autem præsumitur, quod plerumque fit, nisi rationes prostant, quæ alio ducunt (§. 245. *part. 2. Jur. nat.*); populus quoque regnum hæreditarium instituens non præsumitur voluisse, ut cum maribus foeminæ promiscue admittantur. *Quod erat alterum.*

Monumenta historicorum abunde loquuntur, foeminas ad regnum vix unquam esse admissas, nisi deficientibus masculis, ut ideo hoc pro communi plerarumque gentium more haberi debeat, ad quem populus regnum hæreditarium instituens respexisse recte præsumitur (§. 323.). Teste *Justin*o lib. 2. cap. 4. apud Amazones regnarunt foeminæ, ac idem de Indis nonnullis refert *Mandelsho* in Itinere suo Indico.

§. 330.

Quoniam foemina natu major præfertur mari natu mi- *Casus parti-*
nori, *culares.*

nori, si expressa populi voluntate masculi cum foeminis promiscue admittantur (§. 329.); quando hoc obtinet, filia nata major praefertur filio nato minori & foemina nata major matri nato minori, si simul in hereditate defuncti Regis concurrunt.

Idem nimirum hic obtinet, quod in regno patrimoniali, quando Lex voluntatem suam, quam declarare poterat, de successione in regno non declaravit (§. 303.).

§. 331.

De jure representationis in successione regni.

Si in successione in bonis defuncti jus representationis obtinet, jus quoque representationis locum habet in successione regni. Et enim si modus succedendi hereditarius institutus, eodem modo succeditur in regno, quo in hereditate ab intestato (§. 326.). Quamobrem si in successione in bonis defuncti jus representationis obtinet, idem quoque locum habet in successione regni.

Quando scilicet populus vult, ut eodem modo in regno succedatur, quo jure hereditario succeditur; animo ipsi observatur modus succedendi ab intestato, qui lege apud ipsum introductus, vel moribus invaluit. Interpretatio autem voluntatis populi facienda est de eo, de quo verisimiliter is cogitavit, cum modum succedendi hereditarium decrevit (§. 512. part. 6. Jur. nat.).

§. 332.

Quomodo isto jure succedatur.

Quoniam jus representationis locum habet in successione regni, si idem obtinet in successione in bonis defuncti (§. 331.); in hoc casu nepos nato major ex filio praefertur filio nato minori & nepoti juniore foeminis exclusis, aut nonnisi maribus deficientibus admittendis, nepos etiam ex filia eidem praefertur, siquidem foemina cum maribus promiscue admittantur.

Cum

Cum nepotes & nepotæ in locum parentum defunctorum succedant & eos conjunctim repræsentent jure repræsentationis (§. 981. part. 7. Jur. nat.) ; absque ulla difficultate deciduntur etiam casus alii, in quibus nepotes cum liberis Regis defuncti, vel liberi ulterioris gradus cum liberis gradus propioris ad hæreditatem concurrunt.

§. 933.

Regni capax dicitur, qui in regno succedere non prohibetur. *Alit regni incapax* dicitur, qui in regno succedere prohibetur. Quoniam modus succedendi a voluntate populi regnum successivum instituentis pendet (§. 277.) ; *voluntas* *incapax*. *populi personas quasdam regni capaces, alias incapaces efficit.* Quamobrem si populus velit, *foeminas quoque succedere ; eadem regni capaces sunt : quodsi vero nolit eas succedere, regni incapaces sunt.* Distingui autem potest inter capacitatem absolutam & respectivam. *Respectiva capacitas* est, vi cuius quis succedere potest, si ordo voluntate populi definitus ipsum tangit: *absoluta* autem, vi cuius quis sede vacante succedere debet, ita ut aliis regni capibus præferendus sit.

E. gr. ponamus, hanc esse populi voluntatem, ut in regno non succedant nisi mares a primo Rege descendentes & sede vacante succedat agnatus ejusdem gradus natu maximus. Foeminae tum erunt, ut diximus, regni incapaces, erunt etiam incapaces, qui a primo rege non descendunt, mares. Omnes vero, qui a primo rege descendunt, regni capaces sunt, quatenus tamen succedere nequeunt, nisi ordo a populo definitus eos tangat, capacitas eorum nonnisi respectiva est. Enimvero qui proximus Regis defuncti agnatus est & inter eos, qui pari gradu sunt, ætate maximus, ejus absoluta capacitas est. Nimirum respectiva quis capax est respectu eorum, qui capaces sunt: absolute autem capax quis est respectu eorum, qui per se regni incapaces non sunt, actu tamen succedere nequeunt

(Wolffii Jur. Nat. Pars VIII.) H h sede

sede vacante, quia jus alterius potius obstat. Qui respective capaces sunt, eos lex certo ordine collocat & sede vacante eum ad regnum vocat, qui primum tener locum, consequenter capacitatem ipsi tribuit prævalentem, quam absolutam appellare libuit. Qui respective capax est, nondum habet omnia requisita habilitatis ad succedendum sede vacante; habet autem, qui absolute capax est. Illius capacitas nondum est sufficienter determinata; hujus tamen capacitas omnimode determinata est, qua determinatione designatur individuum ad succedendum habile.

§. 334.

*Qualis sit
capacitas
respectiva.*

Quoniam vi capacitatis respectivæ tum demum quis succedere potest, si ordo succedendi a populo definitus ipsum tangit (§. 333.); *capacitas respectiva conditionata est*, consequenter *nonnisi jus conditionatum ad regnum tribuit, adeoque incertum.*

Nimirum omnibus a primo Rege descendentibus maribus in hypothese præcedente (not. §. 333.), a populo regnum successorium instituente promitti intelligitur successio, sed uni eorum quoties sedes vacat, absolute, ceteris nonnisi conditionate. Quamobrem differentie capacitatis respectivæ & absolute lumen affunditur per ea, quæ de promissione pura & conditionata demonstravimus in parte tertia Juris naturæ.

§. 335.

*Regnum hæ-
reditarium
quodnam
sit.*

Regnum hæreditarium dicitur, in quo jure hæreditario succeditur. Quamobrem cum præter modum succedendi hæreditarium dentur adhuc alii, prout ex sequentibus patebit & experientia constat; *non omne regnum successorium hæreditarium est.*

Vago

Vago equidem significatu regna etiam alia hæreditaria, idiomate patrio Erb-Reiche, appellantur, in quibus alio modo, quam hæreditario succeditur, veluti si successio linealis obtinet, de qua mox dicemus, quia successionem obiter inspicientibus speciem regni hæreditarii mentitur; attamen in Jure naturæ, siquidem methodo demonstrativa uti volueris, significatus vagus ad fixum reducendus (§. 144. *Disc. præl.*), nec confundenda sunt, quæ a se invicem discernenda.

§. 336.

Quoniam in regno hæreditario jure hæreditario succeditur (§. 335.), successio autem in imperio, consequenter in regno (§. 139.), semper diversa manet ab hæreditaria (§. 289.); *regnum hæreditarium pars hæreditatis bonorum hæreditatis privatorum Regis non est, sed separata ab eadem hæreditas.* *An regnum hæreditas*

Nihil in successione hæreditaria in regno obtinet, quod paradoxum videri possit. Etenim dantur quoque alia bona, veluti feudalia, emphyteutica, in quibus alio modo succeditur, quam in allodialibus. Immo huc etiam pertinet jus patronatus in Jure Romano & jus præcipui in eodem.

§. 337.

Cum regnum hæreditarium sit separata quædam hæreditas ab hæreditate bonorum Regis privatorum (§. 336.); *sur regni in hæreditario succedere potest, qui hæreditatem bonorum Regis privatorum adire non vult; consequenter in regno succeditur absque bonorum re- hæreditatem*
horum onere. Unde hæres regni non tenetur solvere debita pri- priuare pos-
ta Regis defuncti absque consensu suo contracta, hæreditate bono-
rum privatorum repudiata. *sit.*

Neque hoc singulare est in regno hæreditario: idem enim obtinet in hæreditate in feudis. Regnum naturaliter non amittit hæres, etiamsi ultimam Regis defuncti voluntatem im-

plere noluerit. Jus succedendi in regno merendum est ex populi voluntate (§. 277.), non ex voluntate Regis defuncti. Notandum vero est, quando quaeritur, an successor solvere teneatur debita a Rege defuncto contracta, distinguendum esse inter debita publica, seu regia, & inter debita Regis privata. Illa nimirum sunt onus hæreditaris regni, hæc vero onus hæreditatis bonorum Regis privatorem. Discernuntur autem vel causa debendi, vel ex consensu populi, aut eorum, qui jus populi habent, quatenus is aut adest, aut præsumitur, & denique ex qualitate debiri, veluti si debeatur pretium rei privatae. Ita nimirum evanescent difficultates, quas quidam objiciunt, qui successorem simpliciter ad solvendum debita antecessoris obligatum esse contendunt, quasi fides tollatur, præcipuum generis humani vinculum, & ipsi Principes, quo tempore maxime pecunia indigent, pauperentur & nudi destituerentur, cum nemo mutuum dare velit, qui sciat se recipere suum non posse, si moriatur princeps antea solutionem. Recte autem ait *Grotius* lib. 2. c. 7. §. 19. non ob hæc hæreditarium ordinem a populo fuisse electum, ut scilicet tanquam hæres id demum haberet successor, quod superest soluto ære alieno, sed ut certi quid esset (§. 324.), & reverentia conciliaretur ex sanguine, simulque ex genere & educatione spes esset præclaræ virtutis, ut regni possessor regnum magis curaret animosiusque defenderet, si id ipsum iis esset relicturus, quos ipse ob acceptum beneficium, aut ob caritatem maximi faceret.

§. 338.

An modus succedendi tur, quo tempore regni instituti ab intestato succedebatur in bonis hæreditariis defuncti, nec is mutatur, etiamsi modus succedendi ab intestato rursus inter postea mutetur. Quoniam enim omne jus succedendi metiendum ex populi voluntate (§. 277.); eo modo succedendum est, de quo populus tempore instituti regni cogitavit.

vit. Quamobrem cum modum succedendi hæreditarium decernens voluerit, ut eo modo succedatur, quo ab intestato succeditur (§. 326.), adeoque de alio modo succedendi ab intestato non cogitaverit, quam quo tunc temporis ab intestato succedebatur; si in regno succeditur jure hæreditario, eo modo succeditur, quo tempore instituti regni ab intestato succedebatur. *Quod erat unum.*

Quodsi ergo lex succedendi ab intestato in bonis defuncti postea mutetur, cum tamen nemini jus succedendi, etsi conditionatum (§. 334.), ex voluntate populi tempore instituti regni declarata acquisitum invito auferri possit (§. 477. *part. 3. Jur. nat.*), auferendum utique, si modus succedendi mutetur, ideoque alius ordo succedendi introducat; ordo succedendi in regnum, qui convenit legi succedendi ab intestato in bonis defuncti tempore instituti regni, non mutatur, etiamsi modus succedendi ab intestato postea mutetur. *Quod erat alterum.*

Quando populus voluntatem suam de modo succedendi hæreditario declarat, Regi utique promittit, quod ab ipso per nativitatem descensuri succedere debeant, si juxta legem succedendi ab intestato tunc temporis usitatam ordo ipsos tangat. Ex hac promissione conditionata qui a primo Rege ascendunt acquirunt spem succedendi, quamprimum nascuntur (§. 471. *part. 3. Jur. nat.*), quæ num jus sit excitatura, incertum est, quamdiu ordo succedendi a Rege descendentem non actu tangit. Hæc autem ipsa spes invito adimi nequit (§. 477. *part. 3. Jur. nat.*), nec differt a jure, quod hic conditionatum dicitur. Promissio autem populi tempore instituti regni facta perdurat, quatenus populus semper manet idem & valida subsistit, quatenus Rex regnum acceptat pro se & descendentibus suis, potestate acceptandi pro his a populo in ipsum translato (§. 753. *part. 3. Jur. nat.*).

§. 339.

*Quomodo
succedatur
in regno in-
feudato.*

Quoniam in regno hæreditario eo modo succeditur quo tempore instituti regni succedebatur in bonis defuncti (§. 338.); si regnum postea infeudetur, in eo succeditur, quemadmodum ab intestato succedebatur in allodio tempore instituti regni: quod si vero regnum ab initio fuerit feudum, in eo succeditur, quemadmodum eodem tempore in feudo succedebatur.

Si a tempore regni instituti successio feudalis differt a successione in allodio, & regnum fuerit infeudatum; quando populus in delatione imperii de modo succedendi hæreditario loquitur, animo ejus observari non intelligitur nisi successio feudalis, ac per consequens voluntas ejus accipienda est de successione feudali (§. 512. part. 6. Jur. nat.). Unde porro patet ut in demonstratione præcedente, valere successionem, quæ in feudis obtinet tempore instituti regni, etiamsi ea postea mutetur, uti in demonstratione præcedente. Relegenda quæ hic sunt, quæ modo ad eandem annotavimus (not. §. 338.).

§. 340.

*An in regno
hæreditario
succedatur
jure naturæ.*

Similiter quia in regno hæreditario eo modo succedatur, quo tempore instituti regni in bonis defuncti succedebatur (§. 338.); ad successionem in regno non admittuntur, qui jure naturæ ad successionem in bonis ab intestato admitti poterant, si eos lex civilis tempore instituti regni ab hæreditate arceat.

Jus succedendi metiendum est ex populi imperium deferentis, voluntate (§. 277.), non ex jure naturæ, cui hic locus esse nequit, cum aliæ sint rationes, cur juri naturæ hic modus succedendi ab intestato probetur, quam cur populus certum quendam succedendi modum statuatur. Populus imperium deferens minime cogitat de modo succedendi ab intestato, qualem jus naturæ maxime probat; sed de eo, qui per leges patriæ observatur. Quamobrem de hoc, non de illo accipien-

da

da est ejus voluntas (§. 512. part. 6. Jur. nat.). Non est, quod objicias, in Jure naturæ demonstrandum esse, quomodo hoc jure succedi debeat in regno. Juris enim naturæ est, ut populus modum succedendi definiat pro lubitu (§. 277.), consequenter ut ex populi voluntate nascatur jus succedendi & ex ea sit metiendum. Minime hic quæritur, quid fini civitatis convenientius fieri potuerit, ut secundum jus naturæ perfectivum præferatur quod est melius (§. 192. part. 1. Phil. pract. univ.): neque enim quod est melius jus facit.

§. 341.

Quoniam ad regnum hæreditarium non admittuntur *Quinam li-* illi, quos lex civilis tempore instituti regni ab hæreditate *beri succe-* arcet (§. 340.); *si lex civilis tempore instituti regni ad hæredi-* dere neque- *tatem non admittit liberos illegitimos, illegitimi quoque in regno ant in re-* hereditario succedere nequeunt, consequenter non admittuntur *gno hæredi-* nisi secundum leges patriæ nati, non spurii, non adulterini (§. 537. *tario.* part. 7. Jur. nat.).

Nimirum cum ex lege civili facienda sit interpretatio voluntatis populi, prouti ex antea dictis abunde patet (not. §. 338. 340.); pro liberis legitimis, hoc est, ex matrimonio natis (§. 536 part. 7. Jur. nat.) non habentur, nisi lex patriæ pro matrimonio agnoscat pactum de concubitu, ex quo proles nata. Ex matrimonio civiliter justo qui nascuntur, secundum leges patriæ nati dicuntur.

§. 342.

Si populus certam legem de nativitate liberorum Regis De liberis condit, ut fini successione capaces; qui secundum legem istam nati lege funda- *non sunt, in regno succedere nequeunt.* Populus enim impe- *mentali a* rium deferre potest ea lege, quæ ipsi placuerit, (§. 277.). *successione* Quamobrem legem quoque certam condere potest de nati- *exclusis,* *vitae liberorum Regis, ut sint successione capaces.* Quo- *niam*

niam itaque hac lege standum est (§. 43.); qui secundum eam nati non sunt, in regno succedere nequeunt.

Quando regnum hæreditarium instituitur, imperium deferatur Regi & iis, qui ab ipso sunt descensuri per nativitatem. Ut igitur quis succedere possit, necesse est, ut certum sit, eum a Rege primo descendere. Quodsi ergo populus maximam certitudinem habere velit, ac præcavere, ne liberi supposititii forsan admittantur; de modo nascendi legem utique condere potest, veluti ut adsint personæ quædam illustres, dum partus in lucem editur, quarum testimonio probatur eum ex Regina editum fuisse (§. 1014. *part. s. Jur. nat.*). Similiter etsi concubinatus, qualis erat apud Romanos, naturaliter matrimonium sit, & cum eo conveniat conjugium admorganaticam; legem tamen condere potest populus, ne ex tali matrimonio nati succedant, & hoc voluisse præsumitur, quando istiusmodi matrimonium pro justo non declarat lex civilis. Huc etiam pertinet, si Rex matrimonium contrahit cum foemina ignobili, vbi lege fundamentalis definitum, qualem sibi tori sociam adseiscere debeat. Ita si lege prohibitum sit, ne personam extraneam ducat Rex; ex ea nati regni capaces non erunt, utpote non nati secundum patriæ legem (§. 341.), quos unice regni capaces esse voluisse populus intelligitur.

§. 343.

*De renun-
ciatione foe-
minarum in
regno suc-
cessorio.*

Si in regno successorio foemina non admittantur, nisi deficientibus masculis; renunciationes foeminarum inutiles sunt. Etenim si foeminæ non admittantur, nisi deficientibus masculis, Regi ultimo succedit filia, vel foemina, quæ cum sanguine proxime attingit (§. 327.), consequenter foeminæ ceteræ jus nullum succedendi habent, utpote lege seu voluntate populi exclusæ (§. 281.), qua unice standum (§. 43.). Quamobrem cum jus succedendi habere debeat, qui eidem renun-

renunciare vult & renunciatio fieri in gratiam alterius (§. 103. *part. 3. Jur. nat.*); facile patet, nulla hic renunciatione esse opus, consequenter renunciationes prorsus inutiles esse.

Renunciatio ista repugnat notioni renunciationis: neque enim simpliciter fit, ut foemina succedere nolit, deficientibus licet masculis, cum eadem sibi reserret jus succedendi, quando non fuerit alius, qui succedat. Quamobrem vel declarare intelligitur, quod succedere nolit, quamdiu extant masculi a primo Rege descendentes, vel si ultimus Rex habeat filiam, aut adsit, qui ex ea descendat. Utrumque superfluum est, cum per legem successionis foemina succedere nequeat, quamdiu masculus extat, qui a primo Rege descendit, nec admittatur ad successionem, si Rex ultimus habeat filiam, aut nepotes vel nepres ex eadem cujuscunque gradus, aut adsit foemina cognatione eidem proxima. Istiusmodi itaque renunciationes tantummodo pariunt de successione lites, quasi juri cuidam suo in gratiam masculorum renunciatum esset, quas tamen populus successorio regno instituto quam maxime evitare intendit (§. 324.). Natæ sunt istiusmodi renunciationes ex confusione hæreditatis bonorum & hæreditatis regni, cum tamen hæc ab illa tanquam diversa semper sit distinguenda (§. 336.).

§. 344.

Populus regnum successorium instituens hanc quoque legem De regressu successionis condere potest, ut deficientibus masculis regnum deferat ad foeminas ratur foemina Regi primo cognatione proxima, vel ejus descendentes, seu ad eandem regressus fiat: id tamen voluisse non præsumentur, nisi adsint rationes manifesta, quæ eo ducunt. Quando enim populus regnum successorium instituit, ab ejus unice voluntate dependet, quamnam legem successionis condere velit (§. 277.) & ex ea æstimandum est jus ad regnum (§. 43.). Quoniam igitur successio in regno etiam hoc modo

(*Wolffii Jur. Nat. Pars VIII.*) li fieri

fieri potest, ut deficientibus masculis regressus fiat ad foeminas, tamdiu exclusas, quamdiu extabant masculi; regressus iste valet, si populo ita visum. *Quod erat primum.*

Enimvero cum successoria regna non introducantur alio fine, quam ut successio certa sit (§. 324.); id autem omnium optime obtineatur, si Regis ultimi filia, vel foemina cognatione eidem proxima succedat, quod per se patet; populus quoque regnum successorium instituens ea lege, ut deficientibus maribus succedant foeminae, voluisse intelligitur, ut filia Regis ultimi, vel hac deficiente foemina cognatione eidem proxima succedat, consequenter nunquam praesumitur regressus ad foeminas, quae primum Regem sanguine propius attingunt. *Quod erat secundum.*

Quodsi vero adsint rationes manifestae, ex quibus ea populi voluntas colligitur; praesumptio haec utpote rationibus particularibus innixa vincit praesumptionem generalem, quam modo diximus n. 2., consequenter regressus est admittendus. *Quod erat tertium.*

Studio dico, rationes ad fundandam praesumptionem regressus manifestas esse debere, ne sumantur, quae licet factae fuerint nullo tamen jure factae fuerunt, qualia sunt pacta contra praesumptionem generalem facta & quae supponunt regnum pertinere ad hereditatem bonorum, aut Regem praesentem de successione in regnum pro arbitrio disponere posse, quae absurda esse ex antiquioribus abunde patet.

§. 345.

Quando re- *Si per legem successionis tempore instituti regni factam*
nunciatio *valet regressus ad foeminas, quae primum Regem sanguine pro-*
foeminarum *fius attingunt; foemina renansiare possunt in gratiam filia ultimi*
non inatilis, Regis, vel etiam foeminarum, quae primum Regem ulteriori gradu
san-

sanguine attingunt. Quoniam enim renunciatur juri futuro & conditionato in gratiam alterius, quod per se patet, modo attentione sufficiente utaris; nihil hic committitur, quod renunciationi repugnat (§. 103. *part. 3. Jur. nat.*), consequenter cum quilibet juri suo renunciare possit (§. 118. *part. 3. Jur. nat.*); nihil quoque obstat, quo minus istiusmodi renunciatio valeat.

Casus propositionis præsentis utique possibilis est (§. 79. *Ontol.*), non vero de eo jam quaeritur, utrum facile, an difficulter dabilis sit. Neque diffitemur, male sibi consulere populum, si istiusmodi successionis modum instituat, ut deficientibus masculis pateat regressus ad foeminas exclusas. Turissimum omnino est (§. 324.), ut foeminae semel exclusæ semper exclusæ maneat, aut remotiores non admittantur, nisi propiori non exante. Immo omnium optime tranquillitati Reip. prospicit populus, si voluntatem suam in prima delatione imperii expresse declarat, ut foemina semel exclusa semper exclusæ esse debeat, quæ etiam in casu dubio præsumitur (§. 324. b, & §. 515. *part. 6. Jur. nat.*).

§. 346.

Successio linealis est, in qua regnum continuo ab uno ad alterum devolvitur in linea recta, nec ad aliam ceteris propiorem fit transitus, nisi illa extincta. Quoniam regna successoria introducuntur eo fine, ut successor sit certus (§. 324.), major autem certitudo obtineri nequit, quam si regnum continuo devolvatur ab uno in alterum in eadem linea, & ea extincta fiat transitus in lineam ceteris eidem propiorem; prouti ex ipsa notione lineæ rectæ agnationis & cognationis facile patet (§. 563. 570. *part. 7. Jur. nat.*); *successio linealis omnium maxime convenit finis regnorum successorum* (§. 932. *Ontol.*).

E. gr. Ponamus Regem primum duos habere filios, a quibus singulis descendunt tres nepotes, cum tertio autem nepote ex filio primogenito extingui lineam primam. Regnum ipso mortuo devolvitur ad filium primogenitum, ab eo ad nepotem primi gradus, ab hoc ad nepotem gradus secundi, & ab hoc denique ad nepotem gradus tertii. Hoc mortuo regnum demum pertinet ad filium natu minorem, & ab eodem regnum transmittitur eodem, quo ante, ordine ad nepotes ipsius. Quodsi ponamus nepotem tertii gradus primi Regis in linea prima duos habere filios, a quibus rursus in duabus lineis succedunt alii, quorum ipse stipes communis est (§. 559. part. 7. Jur. nat.); devolutio regni continuabitur in linea prima, & eadem extincta fiet transitus in secundam, præterita linea aut lineis pluribus, si existunt, quæ stipitem communem filium natu minorem primi Regis habent, ac ita porro. Quamobrem facile patet, successorem non magis certum esse posse, quam in hoc genere successionis.

§. 347.

Cur mortui

habendi pro

vivis

modo re-

gnum trans-

mittatur.

Quoniam in *successione lineali* regnum continuo ab uno in alterum devolvitur in eadem linea recta, nec ab ea fit transitus nisi hac extincta ad eam, quæ ceteris ipsi propior est (§. 346.); *mortui habentur pro vivis*, & regnum per eos devolvitur ad eum, qui in vivis est, in eadem quidem linea semper a persona gignente ad genitam, quando vero fit transitus de linea in lineam ab ea, quæ ultima est in linea regnatrice ad illam, quæ in linea ceteris propiore primum locum occupat, seu quæ lineam istam inchoavit, aut defunctæ proxima est, vel esset, si viveret.

Mortui ideo habendi sunt pro vivis, ut absque difficultate pateat, quomodo succedi debeat, nec ulla de successionis dubitatio locum habeat. E. gr. ponamus filium primi Regis natu majorem mori ante patrem, itidemque ex eo, quem habet

ber nepotem, ipso autem mortuo superesse nepotem secundi gradus, seu pronepotem. Fingitur ideo regnum a patre transmitti in filium natu majorem, qui cum mortuus id administrare non possit, idem transmittit in filium suum Regis primi nepotem, qui cum itidem non amplius sit in vivis, id in filium suum, Regis primi pronepotem transmittit. Hoc pacto constans manet regula, ut regnum non transmittatur nisi a persona gignente in genitam, aut si talis non existat, in eam, quæ primum locum occupat in linea obliqua propiore, seu defuncto proximam.

§. 348.

Quoniam in successione lineali mortui habentur pro *Quomodo*
vivi & per eos regnum transmittitur ad eorundem descen- *jus ad re-*
dentes (§. 347.); *jus mortuorum transit ad eos, qui ab ipsis gnum trans-*
descendunt, & a vivis in mortuos, a mortuis in vivos semper *mittantur.*
transmittitur, consequenter in successione lineali manifestum est,
jus ad regnum successores non habere a Rege, a quo descendunt, sed
a populo, qui talem succedendi modum definitur (§. 277.), seu ab
eius autore.

In regno hereditario Rex, dum moritur, jus ad regnum transmittit ad eum, qui sanguine proxime ipsum attingit, nec mortuorum in transmissione ulla habetur ratio. Atque eadem ratio est, cur ex ipso modo succedendi non appareat, jus ad regnum successori non competere, nisi ex voluntate populi, vel auctoris modi succedendi: etenim Rex quoque, qui regnum in patrimonio habet, modum quandam successionis introducere potest perinde ac populus libertatem instituens (§. 283.).

§. 349.

Quoniam mortui habentur pro vivis in successione li. An juri reali & ab iis regnum transmittitur in vivos (§. 347. 348.); presentatio-
libers non succedens in locum parentum, consequenter jus ad re- nis in suc-

cessione linealium non habent jure representationis (§. 381. part. 7. Jur. naturalis sit lo. nat.).

cus.

Juri representationis locus nullus est in successione lineali, sed unusquisque succedit jure suo proprio,

§. 350.

Successio linealis agnatica dicitur, si foeminae a successione in regnum & ex iis descendentes in æternum excluduntur, seu introducta in regno successorio, ad cuius administrationem nulla admittitur foemina.

Successio hæc obtinet in Gallia: unde & *successio juris Franciæ* appellatur. Ideo autem placet hæc successio, ne per foeminarum matrimonia ad peregrinos imperium deveniat, seu Regem aut principem externum, moribus aliis quam patrios adfuetum, nec infertis per matrimonium externis in familiam regiam stirps regia antiqua nimium rejiciatur.

§. 351.

An filia Regis ultimi vel ex ea descendens succedere possint. Quoniam ubi *successio linealis agnatica* obtinet, foeminae ad regnum non admittuntur, sed cum descendantibus suis etiam masculis in æternum excluduntur (§. 350.); *filia Regis ultimi eidem succedere nequit, nec succedere potest masculus ex ea natus, immo deficientibus masculis nullus datur regressus ad foeminas exclusas.*

In successione lineali agnatica foeminarum a primo Rege descendantium nulla prorsus habetur ratio, ac per consequens nec eorum, qui ex iis nascuntur, ut perinde sit, ac si abessent.

§. 352.

Successio linealis cognatica dicitur, si foeminae quoque admittantur ad successionem in regno: quod cum duplici modo

modo fieri possit, vel ut foeminæ pari jure utantur cum agnaticis quælibet, vel ut masculis deficientibus succedat foemina Regi nam & quoque ultimo proxima, illam *successionem linealem cognaticam primi duplex* sit. generis, hanc vero *successionem linealem cognaticam secundi generis* appellare lubet. Posterior quoque *successio cassiliana* vocari solet, quia in regno Castiliæ usitata.

Vulgo equidem successionis linealis duæ tantummodo constituantur species, nimirum agnatica, de qua ante diximus (§. 350.), & cognatica, quæ castiliana vocatur, quod ejus, quam primi generis diximus, vix exempla ullibi gentium existant; in Jure tamen naturæ, ubi de facto sermo non est, saltem quaeritur, quinam modus succedendi sit possibilis, quoniam ex possibilibus populus eligere potest eum, qui placuerit. Quamobrem successionem linealem cognaticam primi generis silentio præterire non debuimus.

§. 353.

Quoniam in *successione lineali cognatica primi generis* Qualis sit foeminæ pari jure cum maribus utantur (§. 352.), si *foe-* *successio li-*
mina cum mare pari gradu concurrat, natu major præfertur mari *nealis co-*
natu minori, consequenter in pari gradu nulla datur sexus præ- *gnatica pri-*
rogativa (§. 93. part. 1. Jur. nat.), & *successio continuatur in li-* *mi generis.*
beris ejus ac ipsis postponentur masculi cum suis liberis.

Nimirum linea ultimi possessoris regni continuatur per filiam natu majorem, perinde ac in agnatica per filium natu majorem. Habentur vero etiam hic mortui pro vivis, quemadmodum in omni successionem lineali (§. 347.), ita ut per mortuos continuo ordine regnum devolvatur ad eam personam, quæ in vivis est. Successio hoc modo satis certa est, neque enim sexus differentia certitudini successionis ullo modo officit: regnum tamen ad extraneos Principes per matrimonia miris modis devenit, nisi Principibus extraneis nubere prohibeantur.

beantur, ac propterea familia Regis primum a populo electi, quippe quæ per mares potissimum continuatur, foeminis in aliam familiam transeuntibus, dum nubent, nimium postponitur. Et hæc dubio procul ratio est, cur is succedendi modus sit inusitator.

§. 354.

*Qualis sit
successio ca-
siliana.*

Quoniam in successione lineali cognatica secundi generis, seu Casiliana foemina possessori regni ultimo proxima ad regnum demum vocatur, deficientibus masculis (§. 352.); si foemina cum mare pari gradu concurrat, natu major postponitur mari natu minori, consequenter in pari gradu datur sexus prerogativa & ætatis prerogativa non obtinet nisi in eodem sexu (§. 93. part. 1. Jur. nat.), & successio continuatur in eadem linea per masculos, quamdiu masculi supersunt, nec continuatur per foeminam, nisi quando in eadem deficient mares ex maribus nati.


E. gr. Ponamus Regem primum habere duos filios & filiam unam natu maximam. Regnum ab eo devolvitur ad filium ejus primogenitum, filius autem secundo genitus & filia sunt autores linearum collateralium, quarum ea, quæ per filium natu minorem inchoatur præfertur alteri, quæ inchoatur per filiam, utrinque continuanda per liberos ipsorum & si plures habeant in plures dispergenda habita sexus atque ætatis ratione. Hinc regnum a filio primogenito, sive in vivis fuerit, sive mortuus, devolvitur ad filium ipsius primogenitum & ita porro, nec venit ad foeminam in eadem linea, nisi quando possessor regni ultimus in eadem prolem masculam non habet, sed nonnisi filiam, aut filias, ubi in casu priori filia unigenita, in posteriori autem filia primogenita succedit, aut, si viveret, succedere deberet. Ut autem pateat, a quam persona regnum devolvatur ad eam, quæ succedere debet, mortuorum habenda ratio est. Ponamus exempli causa Regem ultimum in linea regnatrice habuisse filium, qui sine prole,

le decessit, & dum moritur non superesse nisi filiam natu minorem, natu autem majorem similiter sine prole decessisse. A Rege, quando moritur, regnum devolvitur ad filium, ab eo autem ad filiam primogenitam, & ab hac demum ad filiam natu minorem. Nimirum si filius esset in vivis, ipse succederet &, si improles moreretur, regnum relinqueret sorori natu majori, siquidem ea adhuc viveret, hac autem sine prole moriente regnum veniret ad sororem natu minorem & successio deinde continuatur in liberis ejus, eo ordine, quem admittit sexus & ætatis prærogativa. Hoc equidem modo regnum per foeminas quoque ad extraneum Principem devenit; non tamen tanta varietate, quanta obinet in successione lineali cognatica primi generis (not. §. 352.).

§. 355.


Similiter quia in successione lineali cognatica primi generis foemina natu major pari gradu præfertur mari natu minori (§. 352.), in successione autem lineali cognatica secundi generis eidem postponitur (§. 353.); in successione lineali cognatica primi generis filius ex sorore natu majore præfertur filia ex fratre minore & filia ex filio natu majore præfertur filio ex filia minore natu; at in cognatica secundi generis filia ex filio semper præfertur filio ex filia & filia ex fratre filio ex sorore, in utroque autem filius majoris fratris fratri minori.

Manifesta hæc sunt, si liberi Regis suo ordine collocentur, veluti in casu primo




Nimirum in filia natu majore Regis continuatur linea regnatricis, (Wolffii Jur. Nat. Pars VIII.) K k

trix, in filio autem natu minore incipit nova linea. Transitus de linea in lineam non fit, quamdiu in illa persona quædam existit. Mortuo igitur Rege regnum devolvitur ad filiam natu majorem, postposito filio natu minore, & per illam, cum mortua sit, ad filium ipsius, consequenter etiam filia ex filio natu minore postponitur. Quodsi enim filius ex filia natu majore moriatur improles, ascendendo ad Regem demum itur ad lineam proximam, & regnum venit ad filium natu minorem, a quo, cum mortuus supponatur, devolvitur ad filiam ejus. Similiter si Rex improles moritur, regnum venit ad lineam proximam, quam inchoat soror, quæ natu major supponitur fratre quem habet. Hac autem ante illum mortua, ab ea devolvitur ad filium ipsius, postpositis fratre minore ante Regem mortuo atque filia ipsius, quæ adhuc in vivis est, tanquam in linea remotiori existentibus. Similiter in casu secundo personæ ita collocandæ sunt.



Atque tum statim patet, a Rege regnum devolvi ad filium, & ab eo, si mortuus sit ante patrem, ad filiam ipsius, postposita filia Regis cum filio suo, ad quam venire nequit nisi a filia filii ascendendo ad lineam proximam, quam filia Regis inchoat, siquidem illa sine prole decedat. In exemplo altero Rege sine prole mortuo regnum devolvitur ad fratrem & ab eo, cum mortuus ante Regem supponatur, ad filiam ejus, & ubi hæc improles obit, ascendo ad lineam proximam, in qua regnum venit ad sororem, & ab ea ad filium ejus transmittitur. Denique in casu tertio personæ ita collocantur:



Ita statim apparet, si Rex improles moriatur, regnum devolvi ad lineam proximam, quam inchoat frater Regis natu major,

ior, utpote propter prerogativam ætatis minori præferendus. Quamobrem cum non fiat transitus de linea in lineam, quamdiu in linea regnatrice superest, qui succedere possit, a fratre majore mortuo regnum transmittitur ad filium ipsius postposito fratre minore. Et quia supponitur, non adesse sororem Regis, quæ ob prerogativam ætatis cum suis liberis regnum ad se traheret; filius fratris majoris præfertur fratri minori in utraque successione lineali cognatica. Facile autem intelligitur, in collocandis personis habendam esse rationem prerogativæ ætatis, atque sexus, qualis obtinet in qualibet successione specie.

§. 356.

Si deficiente agnatice substituitur successio linealis cognatica, regnum devolvitur ad filiam Regis ultimi & ejus liberos masculos, vel ad cognatam proximam, veluti sororem & ejus liberos masculos. Quoniam enim successio cognatica non substituitur agnatice nisi eo fine, ut, Rege ultimo mortuo certa sit successio (§. 324.), successio cognatica non latius extendenda, nisi quantum sufficit, ut finis iste obtineatur. Quamobrem cum hoc fiat, si deficientibus nonnisi masculis admittatur foemina una cum maribus, qui ex ea descendunt, successio quoque cognatica non amplius extendenda. Quamobrem regnum tantummodo devolvitur ad filiam, vel proximam cognatam, & deinde secundum legem successionis agnatice succedunt liberi ejus masculi.

Nimirum quando hæc substitutio fit, deficientibus masculis foemina obtingit regnum, quæ eo loco est, quo si esset mas, illud ad eam devolveretur. Subit itaque foemina in locum masculi paræ gradus, & successio in ejus linea exclusis foeminis continuatur. Deficientibus masculis foemina habetur pro masculo, ut successio continuari possit. Locum ideo foemina non facit nisi necessitas, quæ sublata successio agnatice

tica est. Probe autem norandum est, substitutionem cognaticam in ipsa lege successionis tempore instituti regni condita contentam esse debere, siquidem foemina vel ex ea nati ad capessendum imperium admitti debeant. Quodsi enim deficiente stemmate masculino, a populo vel iis, qui jus eligendi habent, in locum Regis ultimi evehitur foemina, veluti filia, aut soror, vel masculus ex ea natus; hoc fit libera electione, nec propterea dici potest singularis successionis species, in qua linea cognatica substituitur agnaticæ, cum tunc eligi poterat persona quæcunque alia. Accedit, in eo casu lineam cognaticam quamcunque, etiam remotiorem, exclusa propriori, agnaticæ deficiente substitui posse, immo novum succedendi modum introduci: id quod minime succedit, si initio is succedendi modus fuerit stabilitus, ut, quoties deficit masculus, successio cognatica agnaticæ substituat. Contringere autem potest, ut, facta ista substitutione, imperium per tempus satis longum sit penes foeminas. Ponamus enim Regem ultimum tres habere filias. Eo mortuo regnum transmittitur in natu majorem, hac autem sine prole moriente, ad secundam. Quodsi hæc non habuerit filium, aut ex filio ante matrem mortuo tantum superfit neptis, ad hanc regnum venit & ab ea ad filiam ipsius, si nullus adsit filius. Quodsi hæc sine prole moriatur, regnum ab ea devolvitur ad filiam tertiam & ut ante ad liberos ejus sexus foeminei, quamdiu masculi defunt. Tale quid metuendum non est, si libera electione linea cognatica substituitur agnaticæ: tum enim excludi, aut potius præteriri possunt lineæ, quæ maribus carent, & foemina quoque præteriri potest, etiamsi in vivis sit, quæ lineam inchoat, & eligi vel filius, vel nepos ejus.

§. 357.

*De successio-
ne secundum
gradus
familia.*

Concipi adhuc possunt alii successionum modi. Talis est, ut eo ordine quisque ad regnum vocetur, quo auctori stirpis regis proximus, habita ætatis &, quando foeminae exclu-

excluduntur sexus ratione, seu ut successio fiat secundum gradus familiæ primi Regis, nec fiat transitus de uno gradu in alterum, quamdiu in gradu propiore quis superest. Patet itaque in successione secundum gradum familiæ primo Regi succedere omnes filios pro ætatis ordine, inde omnes nepotes habita ratione tam ætatis parentum, quam propria & sic porro.

Modum hunc succedendi olim obtinuisse in Numidia ex Livio lib. 29. c. 29. colligitur. Exempla alia in medium afferunt Grotius lib. 2. c. 7. §. 24. & Puffendorfius lib. 7. c. 7. §. 14. Potest autem hic succedendi modus ad imitationem successionis linealis dividi in agnaticum & cognaticum. In priorē excluduntur foeminae, in posteriore foeminae vel postponuntur maribus in pari gradu, vel admittuntur cum maribus secundum ætatis ordinem. Immo locum hic quoque habere potest substitutio successionis cognaticæ in locum deficientis agnaticæ, ita ut, si in ultimo familiæ gradu tantum supersint foeminae, natu major tibeat in locum maris & in ejus familia deinceps continetur successio eo modo, quo in familia primi Regis. Non opus esse, ut prostant successionis cognaticæ & substitutionis, quam diximus, exempla, ex anterioribus abunde liquet.

§. 358.

Alius succedendi modus est, quo patri non succedit *De successio-* filius, sed sororis filius, seu in genere nonnisi filii ex filia-*ne ex filiabus* bus Regum, non vero a primo Rege descendentes mares *Regum na-* succedunt, habita ratione ætatis filiarum, si plures una *turum*, fuerint. Poterat successio hæc dici *Malabarica*, quia per totam Malabariam recepta, quamvis etiam mos idem succedendi observetur apud plures alios Indiæ populos.

Ratio, ob quam placet hic succedendi modus, hæc est, quod putent, de filiis ex filiabus Regum multo certiorē esse fidem, quod sint ex prosapia regia, quam de iis, qui ex ux-

ribus Regum nascuntur. Ut modus succedendi clarior evadat, ponamus primum Regem habere filium & filiam, ex hac vero ipsi nasci nepotem. Nepos hic defuncto succedit excludo filio cum omnibus liberis cujuscunque gradus. Quodsi ergo hic denuo habuerit filiam, qui ex ipso nascitur avo suo succedit. Si aliam præterea habuerit filiam juniorem, nec filia natu major filium pepererit, succedet filius ex juniore, ac ita porro.

§. 359.

*Singularis
succedendi
modus.*

Apud Chatramotitas, Arabum nationem, referente Strabone l. 16. successit in regno non filius patri, sed qui primus e nobili genere post constitutum Regem nascitur. Quare simul ac aliquis in imperio constitutus esset, omnes nobilium virorum uxores prægnantes conscribebantur & custodes apponebantur, qui observarent, quæ prima peperisset. Nam ejus filius ex lege assumtus & ad regni successionem regaliter educatus.

Modus hic succedendi introductus videtur ad evitandas turbas, quæ in electione Regis ex familiis nobilibus oræ fuerant: ita enim earum consensus in regnum successorium facile impetrabatur, quod antea erat electivum. Ac præterea ad regni successionem educari poterat futurus successor, ut tanto certior esset spes regiminis boni.

§. 360.

*Modus alius
eidem affi-
nis.*

Ad ejus imitationem excogitari potest modus alius, ut certæ familiæ eligantur, ex quibus sede vacante successor assumendus, ea quidem lege, ut natu maximus ceteris præferatur.

Quodsi dicas, convenientius esse, ut ad regni successionem assumatur, qui ad imperandum aptior sit; *ex iis, quæ sæpius jam

jam inculcavimus, patet, hunc modum non esse aptum ad discernendum partes dissidentes, & in eo casu regnum potius fore electivum, quam successorium. Per se autem liquet, cum lege populi, aut eorum, qui jus populi habent, omnis succedendi modus definiatur (§. 277.), quicumque modus succedendi eligatur, eidem a populo certas statui posse leges, prouti saluti Reip. se optima ratione consulere posse visum fuerit.

§. 361.

Immo certæ quoque eligi possunt familiae, ex quibus ordine suo succedant Reges, veluti si quatuor fuerint familiae, primum ex prima, secundo ex secunda, tertio ex tertia, quarto ex quarta, ac deinceps iterum ex prima & ita porro succedat mas natu maximus, vel etiam foemina natu maxima, si quoque foeminas ad regnum admittere visum fuerit. *Adhuc alius.*

Nolumus curiosius inquirere in plures succedendi modos, sufficit enim in genere constare, quod quivis modus possibilis locum habere possit, qui populo placuerit (§. 277.).

§. 362.

Si regnum fuerit patrimoniale, filius a patre exheredari An filius a patre exheredari possit: in successorio alio, etiamsi regnum hereditarium sit, exheredari nequit, ut ne in eodem succedat. Etenim si regnum fuerit patrimoniale, Rex sibi successorem eligere potest, quem voluerit, etiam extraneum (§. 283.), consequenter pater filium non modo præterire, verum etiam expresse declarare potest, ut ne is in regnum succedat. Quoniam itaque istiusmodi declaratio exheredatio est (§. 1000. part. 7. Jur. nat.); si regnum fuerit patrimoniale pater filium exheredare potest. *Quod erat primum.* *redari possit.*

Enimvero

Enimvero si regnum fuerit successorium, imperium defertur lege, quam populus condidit, aut, si nulla extet, moribus gentium vicinarum succeditur (§. 323.), quos legis instar esse patet (§. 277.). Jus igitur ad regnum non habet filius a patre, sed a populo. Quamobrem nec pater filio jus adimeré potest (§. 336. *part. 3 Jur. nat.*). Quoniam itaque jus ad regnum filio adimitur, si exhæredatur (§. 1000. *part. 7. Jur. nat.*); filius a patre, si regnum successorium fuerit, sed non patrimoniale, exhæredari nequit. *Quod erat secundum.*

Quamvis vero modus succedendi hæreditarius fuerit; cum tamen regnum hæreditarium non sit pars hæreditatis paternæ, sed separata quædam hæreditas (§. 336.), & modus succedendi saltem a populo ad formam successionis ab intestato redactus (§. 326.), illo non obstante, jus ad regnum non a patre, sed a populo habet filius, consequenter ut ante patet, etiamsi regnum fuerit hæreditarium, hoc tamen non obstante filium a patre exhæredari non posse. *Quod erat tertium.*

Quæcunque igitur sunt justæ exhæredationis causæ, ex tamen non attenduntur in successione in regnum. Sed ferendum patri, ut filius succedat, quem etiam jure naturali exhæredare potest.

§. 363.

Exhæredationis effectus si re- Quoniam pater filium exhæredare nequit, si regnum fuerit successorium, qualiscunque tandem placuerit succedendi modus (§. 362.); *si filius a patre exhæredatur, in bonum fuerit ejus privata succedere nequit, exhæreditus tamen succedit in regnum quod patrimoniale non est, & bona regia (§. 286. 289.).*

Cum

Cum bona Regis privata ad regnum minime pertineant (§. 286.), de iis quoque tanquam privatus disponit, consequenter quoad ea ob iustas causas filium exheredare potest (§. 1000. *part. 7. Jur. nat.*), etsi eum exheredare non possit quoad regnum, aut bona regia. Quodsi ergo Rex filium exherederet, allegatis etiam iustis exheredationis causis; is tamen nonnisi quoad bona ipsius privata exheredatus intelligitur, & ad ea restringenda exheredatio, propterea quod exheredatio quoad bona regia & regnum ipso jure nulla est (§. 362.).

§. 364.

In successorio regno jus succedendi suo ordine acquiritur Quomodo per nativitatem; quasi spes vero jus istud succedendi per nativitatem acquirendi per conceptionem in utero materno. Etenim quando regnum successorium instituitur, in primum Regem transfertur imperium certa lege in nondum natos morte possidentis successive transmittendum (§. 277. 279.). Enimvero si jus in te transfertur certa lege in nondum natos, dum transfertur, morte possidentis successive transmittendum; quamprimum illi nascuntur jus acquirunt in jus in te translatum succedendi, conditione lege definita existente, quamprimum vero concipiuntur in utero materno, quasi spem acquirunt per nativitatem jus istud succedendi acquirendi (§. 836. *part. 6. Jur. nat.*). In regno itaque successorio jus suo ordine succedendi acquiritur per nativitatem, quasi spes vero jus istud succedendi per nativitatem acquirendi per conceptionem in utero materno.

Clarius hoc elucescit ex specialibus succedendi modis, quos hactenus explicavimus.

§. 365.

Quoniam in regno successorio jus succedendi suo ordine acquiritur per nativitatem, quasi spes vero jus istud succedendi per nativitatem acquirendi per conceptionem in utero materno.

(Wolffii *Jur. nat. Pars VIII.*)

L1

dine rentum in

jus succedendi liberorum.

dine acquiritur per natiuitatem, quasi spes vero jus istud succedendi per natiuitatem acquirendi per conceptionem in utero materno (§. 364.), & tam jus acquisitum (§. 336. *part. 2. Jur. nat.*), quam quasi spes acquirendi per natiuitatem jus conditionatum succedendi in jus in primum acquirentem transmissibiliter collatum foetui adhuc in utero existenti adimi nequit (§. 838. *part. 6. Jur. nat.*); *parentum voluntate nec jus succedendi liberis natis, nec quasi spes jus istud per natiuitatem in utero materno conceptis acquirendi adimi potest.*

Nihil hic asseritur, quod non sit evidens, modo animo comprehenderis ea, quæ alibi in genere demonstravimus, præsertim de quasi spe foetus in utero (§. 836. *et seqq. part. 6. Jur. nat.*), nec jus succedendi in regnum cum jure hæreditatio confundas (§. 289.).

§. 366.

De abdicatione regni.

Rex regnum abdicare potest pro se & liberis nondum natis, nec in utero materno conceptis; sed non pro jam natis aut in utero conceptis. Quando enim regnum successorium instituitur, ea populi voluntas est, ut successio ab uno in alium devolvatur, & in locum Regis deficientis certa lege succedat alius (§. 279.). Quamobrem cum lege successionis jam designatus sit successor, si Rex deficiat, non ea fuisse intelligitur populi voluntas, ut regnum libi delatum necessario acceptet is, ad quem devolvitur, vel ut id, quamdiu vixerit, administret, ubi acceptaverit. Liberum itaque ipsi est, quodcumque visum fuerit, declarare, quod diutius regnum habere nolit, consequenter idem pro se abdicare potest (§. 115. *part. 3. Jur. nat.*). *Quod erat primum.*

Enimvero quoniam parentum voluntate nec jus succedendi liberis natis, nec quasi spes jus istud per natiuitatem

tem acquirendi in utero materno jam conceptis adimi potest (§. 365.), adimitur autem natis jus succedendi, in utero materno conceptis quasi spes jus istud acquirendi, si pater declaret se nolle, ut liberi in regnum succedant, consequenter si pro liberis suis jam natis, aut in utero materno conceptis regnum abdicet (§. 115. *part. 3. Jur. nat.*); Rex pro liberis jam natis, aut in utero materno jam conceptis regnum abdicare nequit. *Quod erat secundum.*

Cum vero nondum natus jus nullum habere possit (§. 830. *part. 6. Jur. nat.*), nec antequam foetus in utero materno concipitur, spem acquirendi per nativitatem jus succedendi habeat (§. 836. *part. 6. Jur. nat.*); si pater declaret, se nolle, ut in regnum succedant liberi sui nondum nati nec jam in utero materno concepti, nihil ipsis adimitur. Quamobrem cum Rex pro liberis suis abdicet regnum, si declaret nolle sese, ut iidem in regnum succedant (§. 115. *part. 3. Jur. nat.*); quin pro liberis nondum natis, nec jam in utero materno conceptis regnum abdicare possit, dubitandum non est. *Quod erat tertium.*

Regnum successorium non alio fine introducitur, quam ut successor sit certus (§. 324.). Finis iste obrinetur, etiamsi Rex pro se regnum abdicet, cum non desit alius, qui succedat. Immo si fuerit ultimus in familia regnatrice, seu primi Regis, parum interest, sive populus, regno abdicato, sive Rege mortuo, de eodem statuat. Quod si regnum abdicet Rex pro se ac liberis suis nondum natis, nec jam in utero materno conceptis, non demum opus est populi consensu. Ponamus enim populum velle, ut nondum natorum, nec in utero materno conceptorum habeatur ratio; cum is, quem deficiente Rege ordo tangit, ad regnum sit admittendus, lege autem successionis eidem detur successor, ordo succedendi perturbatur, contra finem, qui regni successorii institutione intenditur.

In successione quidem lineali mortui habentur pro vivis, ut evidentior sit modus succedendi: eadem vero ratio non exigit, ut nondum quoque nati habeantur pro natis, aut, qui in utero materno nondum existunt, pro jam conceptis, neque populus in prima delatione regni quicquam juris in eos transferre potuit (§. 834. part. 6. *Jur. nat.*).

§. 367.

*De renun-
ciatione.*

Successioni in regno quilibet renunciare potest pro se & liberis nondum natis, nec in utero materno conceptis, sed non pro jam natis, aut saltem in utero materno conceptis. Cum juri succedendi in regnum renunciatur, si sufficienter in gratiam alterius declaretur, se in regnum succedere nolle, nec succedendi jure adversus alterum uti velle (§. 103. 104. part. 3. *Jur. nat.*), quemadmodum qui regnum abdicat declarat, se idem diutius habere nolle (§. 115. part. 3. *Jur. nat.*); facile patet propositionem præsentem eodem modo ostendi, quæ præcedens demonstrata fuit.

Ita in successione lineali filius natus major, qui viram coelibem agit, renunciare potest in gratiam fratris minoris, ut regnum mortuo patre ad hunc & ab eo descendentes devolvatur. Tum vero patet, renunciationem hanc fieri non posse in gratiam nepotis Regis ex filio nato minore, si is jam habeat filium, dum renunciat. Quamvis vero si coelebs renunciet, postea uxore ducta, ipsi nascantur filii; hi tamen per natiuitatem jus succedendi suo ordine acquirere nequeunt, quoniam regressus de linea in lineam fieri nequit, nisi idem reservetur. Si autem regressus referatur, prærogativa lineæ in lineam, vel lineas alias transfertur, ut ideo renunciatio cum regressu reservato tanquam peculiaris actus a nuda renunciatione distingui posset, modo vocabulis commodis non destitueretur. Qui ita in gratiam alterius renunciat, jus suum cum jure alterius revera commutat, consequenter facta commutatione

sione quilibet jus alterius ad eos, qui ex ipso descendunt, transmittit, linea nimirum una in locum alterius substituta.

§. 368.

Quoniam juri succedendi sive regnum renunciari nequit pro liberis jam natis, vel in utero materno conceptis (§. 367.) ac idem valet de abdicatione regni (§. 366.); si quis juri succedendi renunciaret pro se ac liberis suis, vel regnum pro liberis pro se ac liberis abdicet; renunciatio & abdicatione pro liberis jam natis, aut in utero materno conceptis, ipso jure nulla est, consequenter in successione lineali agnatica patri succedit filius, vel nepos, adeoque nec illa abdicatione, vel renunciatio nocet ex iisdem nascituris. Similiter patet, in aliis succedendi modis renunciationem & abdicationem non nocere juri succedendi suo ordine liberorum, natorum, nec ex iis nasciturorum.

Nimirum nascituris non nocet renunciatio & abdicatione, quamdiu tempore renunciationis, aut abdicationis adest, qui in locum abdicantis, vel renunciantis vi legis successionis succedit, & ex quo deinceps successive nascuntur, & quorum uno ad alterum regnum devolvitur eo ordine, qui lege successionis continetur. Populus, qui permittit renunciationem & abdicationem, nec eam expresse prohibuit, nolle etiam intelligitur, ut jus succedendi per eos propagetur ad nascituros, qui renunciarunt juri succedendi & regnum abdicarunt. Quamvis itaque simpliciter tantummodo renunciarunt, vel nulla liberorum, seu ex ipsis nasciturorum mentione facta, regnum abdicarunt; nondum nati tamen, nec in utero materno jam concepti nihil juris per nativitatem aut conceptionem acquirere possunt, ut adeo superfluum existimari debeat renunciatio, vel abdicatione pro nascituris. Ceterum cum jus succedendi non aliter acquiri possit, quam populus regnum successorium instituens voluit (§. 277.); dubium non est, quin renunciatio & abdicatione nocere etiam possit jam natis ac in utero ma-

terno conceptis, si lege tempore instituti regni lata expresse hoc dictum fuerit. Etenim tam per nativitatem non acquiritur jus suo ordine succedendi, nisi sub hac conditione, si is, a quo regnum ad acquirentem devolvi debet sive immediate, si-ve mediate, non renunciet, aut regnum abdicet. Absit itaque, ut singas contradictionem, quasi populus velit jus aliquod per nativitatem acquiri, & non acquiri, vel legem successionis injustam pronuncies, quasi jus quæsitum eadem auferatur.

§. 369.

An filius in regia fortuna natus est in quavis successionis specie, nisi expresse in prima delatione imperii contrarium dicatur. Quando enim *præferendus* regnum defertur primo regi, cum successorium esse debeat, *filio ante re-* ea lege defertur, ut, qui ab eo per nativitatem descendunt, *gni adeptio-* suo ordine succedere debeant (§. 277. 279.). Quodsi ergo a populo non distinguatur inter liberos in fortuna regia & ante eandem natos, ut illos a successione vel prorsus excludi, vel saltem hisce postponi velit; regni perinde capaces sunt ante ejus adeptionem nati, quam qui in fortuna regia postea nascuntur. Hæc igitur differentia cum non sit attendenda, nisi populus eam attendi expresse voluerit; filius omnino ante regni adeptionem natus præferendus ei, qui in regia fortuna natus est, in qualibet successionis specie, nisi expresse in prima delatione imperii contrarium dicatur.

Fons omnis juris succedendi voluntas populi est (§. 277.). Quamobrem in iis, quæ non uno modo fieri possunt, decidendis semper recurrendum est ad voluntatem populi in prima delatione imperii vel expresse declaratam, vel ex iis, quæ tum dicta & gesta sunt, necessario, vel probabiliter colligendam. Qui aliunde rationes conquirat in quæstionibus de successione in regnum decidendis, nihil agit: neque enim hic quicquam valent

valent rationes, quibus quod melius evincitur, populo quidem attendendæ in lege successionis condenda, non vero in jure successionis declarando. Ita facile patet, ex notione juris hæreditarii perperam inferri, quod pater filium exhæredare possit, ut ne in regno succedat. Quamvis enim populus modum succedendi ad legem successionis ab intestato, qualis apud eum obtinet, alligaverit; non tamen ideo jus succedendi in regnum filius a patre habet, sed a populo, consequenter patri nullum jus in idem competit, quod non expressa populi in regni successorii institutione in eum fuit collatum, veluti si id juri hæreditario expresse fuerit exæquatum & cum eodem unitum, ita ut, quod leges permittunt in successione in bonis, idem in successione in regno permissum esse debeat tenenti. Similiter patet, abdicationem patris nocere non posse liberis in regnis hæreditariis, propterea quod in liberos nihil transferre possint, regio abdicato: neque enim in regno hæreditario jus succedendi a patre in filium transfertur, sed idem perinde ac pater filius populi voluntate habet, nisi populus aliter in prima imperii delatione voluntatem suam expresse declaraverit, aut gentium vicinarum tunc temporis recepti mores aliud suaserint (§. 323.).

§. 370.

Nepos ex filio priore præferendus filio posteriori in successione lineali, immo etiam neptis ex illo huic præferenda in successione lineali cognatica; in regnis vero hæreditariis individuis filius posterior præferendus nepoti ex filio priore, si jus representationis jure civili regionis tempore instituti regni non obtinuit, atate autem major in casu opposito præferendus atate minori. Quod si regna fuerint diuisa, in casu priori concurrunt ad partes, in posteriori si ius posterior præferendus nepoti ex filio priore. Etenim in successione lineali mortui habentur pro vivis & regnum per eos devolvitur ad eum, qui in vivis est, in eadem quidem linea

An nepos ex filio priori præferendus filio posteriori.

linea semper a persona gignente ad genitam, nec fit transitus de linea in lineam, nisi linea regnatrice extincta (§. 347.). A rege igitur regnum devolvitur ad filium ejus natu priorem, & ab hoc ad filium ipsius, seu nepotem Regis, immo in cognatica successione etiam ad filiam illius, seu neptem Regis (§. 354.), consequenter nepos ex filio priore & in regno cognatico etiam neptis ex eodem præfertur filio posteriori. *Quod erat primum.*

Enimvero si regnum fuerit individuum, per se patet, nonnisi unam personam in idem succedere posse. Quodsi vero jure hæreditario succedatur, *per hypothesein*, & plures Regi defuncto extiterint hæredes, natu major præfertur minori (§. 328.). Quamobrem si tempore instituti regni jus repræsentationis obtinet, cum tum idem locum habeat in successione regni (§. 331.), nepos ex filio natu major præfertur filio natu minori: id quod jam supra demonstravimus (§. 332.). *Quod erat secundum.*

Enimvero si jus repræsentationis non obtinet, cum nepos non succedat in locum parentis (§. 981. *part. 7. Jur. nat.*), nepos uno gradu remotior est Regi defuncto, quam filius posterior (§. 578. *part. 7. Jur. nat.*). Quamobrem cum jure hæreditario filius excludat nepotem, si juri repræsentationis locus non sit (§. 1033. *part. 7. Jur. nat.*); filius quoque posterior præfertur nepoti ex filio priore, non attempta ætatis prærogativa. *Quod erat tertium.*

Quodsi regnum dividuum fuerit, cum jure hæreditario eodem modo succedatur, quo in bonis defuncti succeditur (§. 326.), regnum inter filios diuidendum in partes subjectivas æquales, & qui jure repræsentationis succedunt, eam partem accipiunt, quam parens ipsorum accepisset, si adhuc

adhuc in vivis esset (§. 990. *part. 7. Jur. nat. & §. 231. h.*). Quamobrem cum nepos ex filio priori concurrat cum filio posteriori, si jus repræsentationis obtinet (§. 981. *part. 7. Jur. nat.*), minime autem, si eidem non sit locus, quod per se patet; ideo in casu priori regnum inter nepotem ex filio priori & filium posteriorem Regis defuncti dividendum, in posteriori autem filius posterior præfertur nepoti ex filio priori, prouti patet *per demonstrata* n. 3. cum scilicet nonnisi unus regni capax sit (§. 333.), consequenter nullus divisioni locus relinquitur. *Quod erat quartum.*

Nullam hic habemus rationem foeminarum, ne præter necessitatem casus propositionis præsentis multiplicemus. Quodsi enim admittantur foeminae, quando cum maribus concurrunt pro maribus habentur, atque ideo ad eas applicantur, quæ de illis demonstrata fuerunt.

§. 371.

Si jus repræsentationis obtinet, nepos ex filio priore in regno hæreditario habita ratione ætatis præfertur filio posteriori, etiamsi dum fuerit, dictum fuerit, ut Regi defuncto proximus succedat. Etenim si ut proximus jus repræsentationis obtinet, nepos succedit in locum patris succedat in sui (§. 981. *part. 7. Jur. natur.*), consequenter pari gradu regnum. agnatus Regi defuncto censetur cum filio posteriori, ita ut hic non amplius propior eidem dici possit (§. 569. *part. 7. Jur. nat.*). Inter nepotem igitur ex filio priore & filium posteriorem non amplius attenditur gradus, sed ratio saltem habetur ætatis. Quamobrem si jus repræsentationis obtinet, nepos ex filio priore in regno hæreditario individuo præfertur filio posteriori, habita saltem ratione ætatis, etiamsi dictum fuerit, ut Regi defuncto proximus succedat.

Ira nimirum facienda interpretatio, ut absurdum evitetur,
(*Wolffs Jur. Nat. Pars VIII.*) Mm quod

quod sequeretur verborum significatui strikte inhærendo (§. 484. *part. 6. Jur. nat.*). Vtique vero absurdum est locum facere juri repræsentationis & hoc non obstante admittere differentiam gradus inter eos, qui jure repræsentationis cum aliis concurrunt: id enim perinde est, ac illos cum his censere pari gradu.

§. 372.

An filius ex fratre priorum & fratrem tertium, seu posteriorem; in successione lineali si re præferatur filio ex fratre prioris: in regno hereditario individuo, si jus repræsentationis obtinet, filius ex fratre posteriori. prioris natu major præferatur fratri posteriori & contra, in regno autem dividuo concurrunt ad partes subjectivas; si vero jus repræsentationis non obtinet, frater posterior præferatur filio ex fratre prioris. In successione enim lineali mortui habentur pro vivis & regnum a Rege sine liberis moriente devolvitur ad fratrem priorem, etiam mortuum, ab hoc autem ad ejus filium (§. 347.). Quamobrem filius ex fratre prioris præferatur fratri posteriori. *Quod erat primum.*

In regno hereditario individuo si plures Regi defuncto extiterint hæredes, natu major præferatur natu minori (§. 328.). Quamobrem cum jure repræsentationis liberi succedant in locum parentum (§. 981. *part. 7. Jur. nat.*); filius ex fratre prioris præferatur fratri posteriori, si cum ætate vincat, & contra. *Quod erat secundum.*

Quodsi autem regnum fuerit dividuum, cum filius ex fratre prioris pari gradu censeatur cum fratre posteriore (§. 981. *part. 7. Jur. nat.*); illud inter eos dividendum in partes subjectivas (§. 231.). *Quod erat tertium.*

Cum jus repræsentationis hic spectetur in linea collateralis, eidem

eidem vero in successione in regnum locus non sit, nisi quatenus obtinet in successione in bonis tempore instituti regni (§. 331. 338.); ne vel tacente patet, nec jus istud attendi in casu propositionis præsentis, ubi in linea collateralis subitio in locum parentum recepta non est.

§. 373.

Defuncti fratris filius, vel etiam filia præfertur patrno An filius de Regis tam in successione lineali, quam in hereditaria, siquidem in functi fratribus juri representationis locus relinquatur, ubi vero hoc non obtinet, tris patrno qui sexu aut ætate potior est vincis. In successione lineali mor- Regis prætui habentur pro vivis & per eos regnum devolvitur ad hos, ferendus. qui in vivis sunt, quando vero fit transitus de linea in lineam, ad eum, qui in linea regnatricis extinctæ proxima primum locum tenet (§. 347.). Rex igitur sine liberis moriens regnum devolvit ad fratrem defunctum, minime vero ad patrum suum (§. 582. 601. part. 7. Jur. nat.). Quamobrem defuncti fratris filius præfertur patrno Regis in successione lineali. Quod erat primum.

In successione lineali cognatica non fit transitus de linea in lineam propter sexum (§. 352.). Quamobrem cum in successione lineali Rex sine liberis moriens regnum devolvat ad fratrem, non ad patrum, per demonstrata, defuncti fratris filia præfertur patrno Regis. Quod erat secundum.

Quodsi in successione hereditaria juri representationis locus relinquatur, filius defuncti fratris succedit in locum fratris, consequenter in jus ejus (§. 981. part. 7. Jur. nat.). Quoniam itaque frater Regi defuncto successisset, non patruus, quod in dubium minime vocatur; defuncti fratris filius quoque præferendus patrno. Et idem patet eodem

Mm 2

modo

modo de filia, si foeminæ cum maribus promiscue admittantur. *Quod erat tertium.*

Enimvero si jus repræsentationis locum non habet, nec filius fratris in hujus locum subit (§. 981. *pars. 7. Jur. nat.*). Quodsi ergo duo simul extiterint hæredes defuncti, natu major præfertur natu minori (§. 328.), & ubi foeminæ non admittuntur, nisi deficientibus masculis, ob prærogativam sexus mas quoque præfertur foeminæ. *Quod erat quartum.*

Ostendimus jam supra ad successionem in Regno non admitti eos, qui jure naturæ ad successionem ab intestato admitti poterant, si eos lex civilis tempore instituti regni ab hæreditate arcet (§. 340.). Quamobrem ex lege quoque civili definiendum, quinam simul jus ad regnum habeant, & inter quos ætatis, vel etiam sexus prærogativa attendenda.

§. 374.

De Nepote *Nepos ex filio filia præfertur in successione tam lineali, ex filio filia quam hæreditaria, nisi foeminæ cum maribus promiscue admittantur præferendo. tur.* Nisi enim foeminæ cum maribus promiscue admittantur, quamdiu adest mas successionis capax, is foeminæ semper præfertur, quod per se patet. In successione itaque lineali mortui habentur pro vivis & regnum a Rege devolvitur ad filium etiam defunctum, ab eo autem ad filium ipsius, seu nepotem Regis (§. 347.). Quamobrem patet in successione lineali, nisi foeminæ cum maribus promiscue admittantur, quemadmodum fit in successione cognatica primi generis (§. 352.), nepotem ex filio præferri filia Regis. *Quod erat unum.*

Similiter nisi foeminæ promiscue admittantur cum maribus, sed demum, quando deficit mas, qui succedere possit,

possit absque ulla demonstratione ulteriori patet, nepotem ex filio quoque præferendum esse in successione hæreditaria, sive subitio in locum parentum recepta sit, sive minus (§. 326.). *Quod erat alterum.*

Nimirum etsi nepos non succedat avo jure hæreditario, si jus repræsentationis non obtinet; filia tamen in successione in regnum eidem postponitur per legem successionis, quæ foeminas admitti non vult, quamdiu adest, qui a Rege defuncto descendit. Quodsi vero foeminæ excluderentur etiam ab hæreditate paterna in gratiam masculorum; jure hæreditario etiam in bonis defuncti succederet nepos, non filia. Quamobrem nihil hic admittitur, quod cum jure hæreditario per se pugnet.

§. 375.

Nepos minor ex filio præfertur nepoti majori ex filia in De nepote successione lineali agnatica & cognatica secundi generis: in primo minore ex genere successionis cognatica non præfertur, si filia ætate vincat si filio & majorem. In successione hæreditaria nepos major ex filia præfertur jore ex filia. nepoti minori ex filio, nisi lege successionis descendentes ex filio præferantur descendensibus ex filiabus. Nepotem minorem ex filio præferendum esse nepoti majori ex filia in successione lineali agnatica & cognatica secundi generis eodem modo patet, quo in propositione præcedente demonstravimus nepotem ex filio præferendum esse filia (§. 374.). *Quod erat primum.*

Enimvero in primo genere successionis cognatæ filia natu major præfertur filio natu minori & successio continuatur in ejusdem linea (§. 353.), consequenter filius ipsius, seu nepos ex filia præfertur nepoti ex filio, sive is natu major, sive minor fuerit. *Quod erat secundum.*

Porro in successione hæreditaria nepos ex filio

Mm 3

con-

concurrit cum nepote ex filia, cum pari gradu existant (§. 594. *part. 7. Jur. nat.*). Quodsi ergo lege successionis cautum non sit, ut descendentes ex filiabus postponentur descendentes ex filiis, quod sanciri posse a populo dubio omni caret (§. 277.); nepos minor ex filio postponendus nepoti majori ex filia ob prærogativam ætatis. *Quod erat tertium.*

§. 376.

De nepte ex filio primogenito Neptis ex filio primogenito excludit filium in successionem lineali cognatica utriusque generis: in hæreditaria non item, etiamgenito & si. si jus repræsentationis receptum sit, nisi in hoc casu neptis ætate vincat filium & foemina cum maribus promiscue admittantur ad successionem. In successionem lineali cognatica utriusque generis filius primogenitus præfertur filio minori, cumque mortui habeantur pro vivis & per eos regnum transmittatur ad descendentes (§. 347.), a filio primogenito ad neptem Regis devolvitur (§. 353. 354.). Neptis igitur ex filio primogenito excludit filium in successionem lineali cognatica utriusque generis. *Quod erat unum.*

Enimvero in successionem hæreditaria proximus succedit Regi defuncto (§. 326.), consequenter filius præfertur nepti ex filio tanquam remotiori, etiamsi foeminæ cum maribus promiscue admittantur (§. 578. *part. 7. Jur. nat.*). Quodsi jus repræsentationis locum habeat, neptis ex filio primogenito & filius pari gradu sunt (§. 981. *part. 7. Jur. nat.*). Quodsi vero foeminæ non admittantur, nisi deficientibus masculis, filius adhuc nepti ex filio primogenito præfertur; si foeminæ cum maribus promiscue admittantur, filius tamen natu major præfertur nepti ex filio primogenito natu minori, nec hæc illi præfertur, nisi ætate eum vincat (§. 328.).

(§. 328.). Patet itaque in successione hæreditaria, etiam si jus repræsentationis receptum sit, neptem ex filio primogenito non excludere filium, nisi in hoc casu neptis ætate vincat filium & foeminæ cum maribus promiscue admittantur ad successionem. *Quod erat alterum.*

§. 377.

Filia fratris natu maximi præfertur fratri Regis natu De filia fratri minori in successione lineali cognatica; in regnis vero hæreditariis tris natu postponitur, nisi in hoc casu filia fratris ætate vincat fratrem minorem & foeminæ cum maribus promiscue succedant. In successione enim lineali regnum a Rege improle devolvitur ad fratrem natu maximum (§. 347.), cumque in cognatica propter sexum non fiat transitus de linea in lineam (§. 352. & seqq.), ab eodem ad filiam suam. Filia igitur fratris natu maximi præfertur fratri Regis natu minori. Quod erat tertium.

Enimvero si in regnis hæreditariis jus repræsentationis non obtinet, patet ut ante (§. 376.), filiam fratris natu maximi postponi fratri Regis natu minori tanquam remotiorem propiori, ubi vero jus repræsentationis obtinet, propter prærogativam sexus adhuc postponi, nisi in hoc casu filia fratris natu maximi vincat ætate fratrem Regis minorem, & foeminæ cum maribus promiscue ad regnum admittantur, non habita prærogativa sexus. *Quod erat alterum.*

Atque ita demonstravimus omnes casus, quos tanquam controversos commemorat Grotius de J. B. & P. lib. 2. c. 8. §. 29. & seqq. Inde autem patet, quomodo in omni casu reliquo controversiæ de successione in regnum sint decidendæ. Nihil in controversiis istis componendis difficultatis occurrit, modo ex genuinis principiis casus definiantur, nec factis hominum

minum juri succedendi adversis quæ vel clarissima sunt efficiantur obscura.

§. 378.

Num Rex & populus de sens, nec populus decidere potest. Etenim in regno successorio imperium defertur lege, quam populus condidit, aut, si dubia successione junctum dicare possit. nulla extet, more gentium vicinarum succeditur (§. 323.), qui ideo instar legis est, in cujus locum tacite surrogatur. Quoniam itaque jus succedendi suo ordine acquiritur independentem a Regis voluntate, quod is nemini, prouti sibi visum fuerit, auferre potest (§. 336. part. 2. Jur. nat.); idem quoque de jure succedendi judicium sibi sumere non potest. Quamobrem si de eo controversia oriatur; Regi nullum competit jus eam decidendi, consequenter nec is eandem decidere potest. *Quod erat unum.*

Similiter cum populus in regni successorii institutione modum succedendi definiverit, a quo invitis iis, quibus inde jus quæsitum est, recedere non licet (§. 336. part. 2. Jur. nat.); nullum amplius ipsi competit jus de successione, prouti sibi visum fuerit, statuendi, quamdiu quidam adsunt, qui successionis sunt capaces. Quamobrem si inter eos de successione controversia oriatur, nec populo competere potest jus eandem decidendi, consequenter is eandem decidere nequit. *Quod erat alterum.*

Jus succedendi suo ordine pertinet ad modum habendi imperium, qui sub imperio non continetur. Quamvis itaque Regi imperium quoad exercitum fuerit delatum, judicium tamen de modo succedendi ad idem minime spectat. Ex eo igitur, quod imperium exercere debeat, neutiquam colligi potest, eidem competere jus controversiam de successione decidendi.

cidendi. Quoniam vero non plus juris sibi sumere potest Rex, quam voluntate populi regnum successorium instituentis in eum fuit delatum; præter jus exercendi imperium aliud ipsi non comperit, consequenter nulla prorsus apparet ratio, ob quam jus decidendi controversiam de successione inter eos, qui successionis capaces sunt, ipsi tribui possit. Quemadmodum Rex rationem nullam allegare potest, cur jus decidendi controversiam de successione in casu dubio sibi competere debeat; ita quoque populus pro se nullam allegare valet. Stare is debet lege, qua successionis capaces efficiuntur a primo Rege descendentes. Quodsi inter eos controversatur, quemnam ordo tangat, ut succedat, hanc controversiam ipsimet inter se componere tenentur tanquam juris sui arbitri, quippe quod a populi voluntate non amplius dependet.

§. 379.

*Populus in prima institutione regni successorii Regi de- An jus decif-
ferre potest jus controversum de jure succedendi in casu dubio dendi hanc
decidendi; vel etiam idem sibi reservare potest.* Quoniam controver-
enim a voluntate populi regnum successorium condituri siam popu-
unice dependet, quamnam successionis legem condere velit *lus Regi de-*
(§. 277.); nemo est qui dubitet, eam quoque legem condi *ferre, aut*
posse, ut Rex ex iis, qui ab ipso descendunt, successorem *sibi reserva-*
pro lubitu eligat, vel ut populus idem faciat. Quodsi *igi-re possit.*
tur hoc simpliciter obtinere potest, dubio quoque caret,
quin in certo casu fieri possit. Enimvero perinde est, si-
ve Rex, aut populus in casu dubio successorem ex regni capaci-
bus eligat, quem voluerit, si-ve controversiam de jure suc-
cedendi in casu dubio decidat, prouti sibi visum fuerit.
Quamobrem populus in prima institutione regni successorii
Regi deferre potest jus controversiam de jure succedendi in
casu dubio decidendi; vel etiam idem sibi reservare.

(Wolffii Jur. Nat. Pars VIII.)

Na

Quo-

Quoniam ius successionis ex voluntate populi regnum successorium instituens metiendum (§. 277.); in casu dubio jus prælationis, seu prærogativa inter regni capaces ei competit, cui in hypothefi propositionis præsentis Rex vel populus eandem tribuerit. Qui itaque postponitur, de injuria sibi facta conqueri non potest (§. 859. *part. 1. Jur. nat.*). Ut vero Regi deferatur jus decidendi controversiam de successione in casu dubio, vel populus idem sibi reservet sive per se, sive per alios quoscunque exercendum, fini regni successorii maxime convenit (§. 324.).

§. 380.

*Quomodo
controver-
sia ista com-
ponenda.*

Controversiæ de jure successionis eodem modo componendæ, quo in statu naturali controversiæ de jure dubio finiuntur. Etenim controversiam de jure successionis nec Rex præfens, nec populus decidere potest (§. 378.). Qui itaque judicem nullum habent, in cujus sententia ipsis sit acquiescendum; non alio jure uti possunt, quam quod in statu libertatis obtinet, ubi nemo alterius cujusdam potestati subiectus est (§. 136. *part. 1. Jur. nat.*); consequenter naturali (§. 124. *part. 1. Jur. nat.*). Controversiæ igitur de jure successionis eodem modo componendæ, quo in statu naturali controversiæ de jure dubio finiuntur.

Quomodo controversiæ componendæ sint in statu naturali, prolixè demonstravimus in parte quinta c. 4. §. 867. & seqq.

§. 381.

*Nam &
quando jus
belli illarum
causa com-
petat.*

Quoniam controversiæ de jure successionis eodem modo componendæ, quo in statu naturali controversiæ de jure dubio finiuntur (§. 380.), in causâ autem dubia nemini jus belli per se competit (§. 1100. *part. 5. Jur. nat.*), sed

pars

pars utraque potius obligatur quærere conditiones, quibus bellum vitetur (§. 1108. *part. 5. Jur. nat.*); naturaliter de jure successionis litigantibus jus belli per se minime competit, sed utraque pars obligatur quærere conditiones, quibus bellum vitetur. Et eodem modo patet, jus belli non competere nisi transactionis causa, si pars altera colloquium amicabile compositionis, vel transactionis causa acceptare nolit, nec compromittere velit in arbitrum, multo minus consentire in sortem (§. 1103. *part. 5. Jur. nat.*).

Vulgo ex eo, quod controvertentes de jure successionis communem judicem non habeant, statim inferitur, controversias istas vi armorum esse decidendas, quasi jus belli statim incipiat, ubi judicia cessant, & jus belli nascatur ex defectu judiciorum, cum tamen bellum naturaliter prius sit judiciis, & hæc demum in locum belli successerint in statu civili, prout ex subsequentiis patebit. Jura naturaliter non nascuntur nisi ex obligatione passiva (§. 23. *part. 1. Jur. nat.*). Quamobrem & jus belli semper supponit aliquam obligationem, ex qua oriatur, veluti in casu præcedenti obligationem controversiam amicabiliter, vel per transactionem, aut arbitros componendi. Bellum nimis exitiosum est humano generi, quam ut lex naturæ, quæ felicitati ejusdem consulit, jus belli cuidam concedat in alium absque extrema necessitate & absque injuria alterius. Non de eo nobis sermo est, quod vulgo fieri solet, sed quod fieri debet: neque enim facta hominum legi naturæ adversa jus faciunt. Voluntate hominum non constituuntur jura, nisi quatenus de rebus suis vi libertatis naturalis pro lubitu disponunt (§. 156. *part. 1. Jur. nat.*). Sed hæc suo loco clariora evadent, ubi de jure gentium sumus acturi. Neque tamen etiam desunt exempla, quibus modus componendi controversiam de jure successionis juri naturali conformis comprobatur, qualia refert Puffendorff de J. N. & G. lib. 7. c. 7. §. 15.

§. 382.

De arbitrio Si de jure successionis litigantes judicio populi controversiam decidendam submitunt; populum arbitrum eligunt. Et cédendo jure enim populo non competit jus controversiam de jure successionis decidendi (§. 378.), consequenter in ejus judicio competitorum regni acquiescere minime tenentur. Quod si ergo judicio populi controversiam decidendam submitunt, per compromissum populum eligunt, ut rem controversiam decideret (§. 944. *part. 5. Jur. nat.*). Quamobrem cum arbitrum sit, qui per compromissum eligitur, ut rem controversiam decideret (§. 945. *part. 5. Jur. nat.*); si de jure successionis controversantes judicio populi controversiam decidendam submitunt, populum arbitrum eligunt.

Et si nimirum populus destituatur jure decidendi controversiam de jure successionis, hoc tamen non obstat, quo minus competitorum regni jus istud in populum conferant, cum arbitrum eligere possint, quemcunque voluerint, utpote de re sua statuentes, de qua pro lubitu statuere possunt.

§. 383.

An jus decidendi con- Quoniam naturaliter jus belli competitoribus regni troversiam non competit, nisi quando pars altera amicabilem compositionem, vel transactionem, vel compromissum in arbitrum de successione acceptare velit (§. 381.), populus autem arbitrum eligatur, si ne in populi competitorum regni judicio populi controversiam decidendam submittant (§. 382.); quin iidem jus decidendi controversiam de successione in regnum conferre possint, dubitandum non est.

§. 384.

De jure possidensis.

In casu dubio populus sequi debet possessionem: Etenim in

in casu dubio populo non competit jus decidendi controversiam de jure successionis (§. 378.) consequenter competitoribus regni relinquere debet, ut ipsimet controversiam istam inter se componant. Quamobrem cum controversiam suam quodammodo facerent, si cum, qui in possessione est, regno exuere vellet, propterea quod ipsi controversia movetur ab alio; nullum jus ipsi competere potest possidentem regno pellendi. In casu igitur dubio possessionem sequi debet.

Nulla datur ratio, cur populus regno pellere debeat eum, qui in possessione est, ob controversiam ab alio ipsi motam. Neque enim verendum est, ne alteri forsan invito jus suum auferat, cum possessionem non sequatur, nisi quamdiu adhuc incertum est, cuinam jus ad regnum competat, nec alter ad possessionem admitti possit, quamdiu de jure regnandi controversetur. Possessio utique debetur ei, cui jus competit. Quamdiu vero incertum est, cuinam jus competat, consequenter possessio debeat, cum æqualis sit utriusque conditio, possessio in dubio relinquenda omnino est ei, qui prior eandem acquisivit.

§. 385.

Si plures fuerint competitores regni, quorum neuter possidet; populus neutri auxilia adversus alterum ferre debet. Populus enim populum uni auxilia ferre adversus alterum; hujus utique jus adversus alterum vi persequi studet, consequenter jus succedendi eidem vindicat, ac ideo judicium sibi sumit de controversia, quæ inter competitores agitur. Quoniam itaque eidem jus nullum competit controversiam de jure succedendi decidendi (§. 378.); neutri quoque competitori auxilia adversus alterum ferre debet.

Populus uni non magis favere debet, quam alteri in re,

Na 3

qua

quæ ad ipsum minime spectat, nec ullo modo sese immiscere controversiæ alienæ, in quam ipsi jus nullum competit. Nec refert, quid populo videatur de jure succedendi, cum neuter competitorum in ejus judicio acquiescere teneatur (§. 378.). Populus itaque indifferentem sese præbere debet utrique, donec ipsimet de jure suo statuerint, qui de eo controversant.

§. 386.

*An bellum
sit modum
aptum deci-
dendi con-
troversiam
de successio-
ne.*

Bellum non est modum aptum decidendi controversiam de jure succedendi in regnum. Etenim si bello decidenda controversia de jure succedendi; pro vero habendum, jus succedendi ei competere, qui alterum vicerit. Eninvero alterum vincit is, cujus vis major est, vel quem subinde fortuna juvat. Quoniam itaque, ex eo intelligi nequit, cur jus succedendi victori potius, quam victo competere debeat; victoria quoque ratio nulla est, cur victori competere debeat jus succedendi (§. 56. *Ontol.*). Patet ideo bellum non esse modum aptum decidendi controversiam de jure succedendi.

Ostendimus alias in genere, duellum non esse modum aptum decidendi controversiam de jure (§. 1092. *part. 5. Jur. nat.*). Perinde vero est, siue duello, siue bello controversia sit decidenda (§. 1102. *part. 1. Et §. 1090. part. 5. Jur. nat.*). Hinc jure naturæ bellum non permittitur tanquam medium controversiam decidendi, sed tanquam medium partem alteram ad finiendam controversiam compellendi (§. 381.). Absit vero ut tibi persuadeas, hoc ipso imminui jus imperantium. Neque enim hic sermo est de jure manifesto, ob quod privata etiam jus belli competit in eum, qui id tribuere ipsi non vult (§. 1104. *part. 1. Jur. nat.*); sed de dubio, de quo controversitur. Neque in casu dubio jus belli simpliciter pro absurdo habetur, sed saltem quatenus venditur pro medio decidendi controversiam de jure dubio. Jure

Jure naturæ omnia accurate distinguenda sunt, ut inter se consentiant, quæ in eodem demonstrantur, nec diversorum confusio pariat contradictiones. Quæ adhuc dubia videri poterant, ea suo loco clariora evadent, ubi de jure belli ex instituto acturi sumus.

§. 387.

In Rep. mixta ius imperantis, aut imperantium metiendum est ex legibus fundamentalibus. Etenim in Rep. mixta imperium limitatum competit imperanti, seu imperantibus (§. 138.), consequenter ejus exercitium certis legibus adstringitur in iis, quæ semper eodem modo fieri possunt, de quibus autem ex præfenti tempore judicium ferendum, utrum ea e re civitatis sint, nec ne, ea a consensu vel totius populi, vel certorum quorundam e populo suspenduntur (§. 74.), immo etiam nonnulla ad exercitium imperii spectantia potestati imperantis, vel imperantium prorsus subducuntur (§. 138. 64.). Quamobrem cum leges fundamentales sint, ad quarum observantiam rector civitatis adstringitur (§. 77.), & iis quoque accenseri debeat, ut idem in certis negotiis requirat consensum vel populi universi, vel certorum quorundam ex populo (§. 78.), consequenter etiam ne sibi arroget jus, quod populus vel sibi reservavit, vel in alios transtulit; jus omne imperantis, vel imperantium in Rep. mixta metiendum est ex legibus fundamentalibus.

Resp. mixta concipi nequit sine legibus fundamentalibus. Quando enim populus Remp. mixtam instituit, declarare tenetur voluntatem suam de modo limitandi imperium (§. 90. 138.). Quod vero populus vult, id pro lege habendum. Superius ostendimus in regnis legitimis ex legibus fundamentalibus

talibus & capitulatione metiendum esse jus Regis (§. 263.). Quoniam autem regna legitima tantummodo species sunt Rep. mixtæ (§. 262.), præter ea vero etiam dantur aliæ, veluti ex statu democratico & aristocratico mixtæ, aut etiam ex monarchico, democratico & aristocratico simul; ideo necesse quoque erat, ut, quod supra de regnis legitimis in specie fuit demonstratum, idem hic in genere de omni Rep. mixta demonstraretur,

§. 388.

De imperante contra leges fundamentales plus sibi arrogante.

Quoniam in Rep. mixta jus imperantis metiendum est ex legibus fundamentalibus (§. 387.), consequenter is plus juris sibi arrogare nequit, quam per eas eidem conceditur; *populus quoque vel ii, qui hac in parte jus populi habent, ferre non tenentur, ut imperans jus quoddam sibi arroges contra leges fundamentales, consequenter nec pati, ut in partem juris populo, vel aliis ex populo reservatam involet.*

Qui in jus alterius involat, utique id violat, seu facit, quod est contra jus alterius (§. 239. part. 1. *Phil. pract. univ.*). Quamobrem imperans involans in partem juris populo, vel aliis ex populo reservatam, populum lædit (§. 920. part. 1. *Jur. nat.*), quod is pati non tenetur (§. 913. part. 1. *Jur. nat.*).

§. 389.

De mutatione juris regni in regnis legitimis.

Si regnum successorium fuerit legitimum; per capitulationem, aut leges novas fundamentales jus successoris imminui nequit, augeri vero potest: si vero fueris electivum, jus Regis electi imminui & augeri pro lubitu potest. Etenim si regnum successorium fuerit, successori competit jus ad regnum, quale institutum fuit eo tempore, quo successio introducta fuit. Quale nimirum jus collatum fuit in primum Regem, tale etiam transmitti debuit in successores. Quamobrem cum

nemini

nemini invito jus semel quæsitum auferri possit (§. 336. *part. 2. Jur. nat.*); in regno autem legitimo jus Regis per certas leges fundamentales sit definitum (§. 262.); per capitulationem, aut novas leges fundamentales jus successoris imminui nequit. *Quod erat primum.*

Enimvero cum a populi voluntate vnice dependeat, quantum juris in rectorem civitatis conferre velit (§. 38.); nil obstat, quo minus in Regem præsentem, vel ejus successorem plus juris conferat, quam per leges fundamentales ipsi competit, consequenter pro lubitu jus ejus augere potest. *Quod erat secundum.*

Denique si regnum fuerit electivum, nemo est, moruo Rege præsentem, cui jus aliquod ad regnum competat. Quamobrem si Rex novus eligitur, a populi vnice voluntate dependet, quantum juris in eum conferre velit (§. 36.). Quamvis itaque regnum hætenus fuerit legitimum, consequenter jus Regis per certas leges fundamentales definitum (§. 262.), & populus velit, idem legitimum manere; hoc amen non obstante, per capitulationem, vel per leges fundamentales ante electionem conditas jus Regis novi pro lubitu augere, atque imminuere potest. *Quod erat tertium.*

Rex, qui eligitur, nullum habet jus ad regnum, antequam eligitur, consequenter populus ei deferre non tenetur jus, quale habuit antecessor, sed quale voluerit. Nulla igitur ipsi fit injuria, si jus ejus quomodocunque minuatur. Quando eligitur, ab ipsius arbitrio pendet, utrum imperium, quale offertur, acceptare velit, nec ne: quando vero acceptat, eo ipso declarat, se jus suum non ex jure antecessoris, sed ex legibus, quibus id definitur, metiri velle.

§. 390.

De diversitate juris in ditur, quam per leges fundamentales eidem competit; successorio regno legitimo Regibus propterea non idem concedere tenetur populus. Etenim si regnum fuerit legitimum, per capitulationem, vel per leges fundamentales definitum est jus Regis (§. 262.), consequenter si idem successorium fuerit, successoribus non competit jus ad regnum, nisi quale institutum fuit eo tempore, quo successio introducta. Quamvis itaque, si voluerit, jus Regis augere possit populus (§. 389.); cum tamen id unice a voluntate ipsius dependeat (§. 38.) quod concedit uni Regi, id propterea non concedere tenetur omnibus, consequenter si Regi presenti plus juris concedit, quam per leges fundamentales eidem competit, non propterea idem successoribus quoque ejus concedere tenetur.

In regno itaque successorio legitimo Rex unus plus juris habere potest, quam alter, si populo ita visum fuerit. Prægnantes autem adesse possunt rationes, ob quas Regis jus augeatur, pro statu præsentis temporis, vel qualitate Regis. Hæ rationes cum non sint perpetuæ, absurdum quoque foret ob rationes temporarias jus perpetuum constituere velle. Ceterum probe notandum est, hic saltem quæri, quid jure fieri possit, minime autem an consultum sit, ut Regis præsentis jus ultra vim legum fundamentalium augeatur.

§. 391.

De remissione juris in id successorio non nocet. Etenim quamdiu Rex præsens vivit, nihil juris in administratione regni successorio competit, quod per se patet. Quamobrem cum quilibet de jure suo remittere possit, quantum voluerit, quamdiu nil facit, quod est
contra

contra jus alterius (§. 117. part. 3. *Jur. nat.*); quin in regno legitimo Rex præsens de jure suo remittere possit, quantum voluerit, dubitandum non est. *Quod erat unum.*

Enimvero successori competit jus ad regnum, quale constitutum eo tempore, quo successio introducta (§. 727.). Quamobrem cum Rex præsens eidem invito nihil juris adimere possit (§. 336. part. 2. *Jur. nat.*); dum de jure suo quid remittit, id successori nocere nequit. *Quod erat alterum.*

Non est, quod objicias, successorem, si filius fuerit, aut eidem hæres extiterit, factum antecessoris præstare debere: id enim perperam huc trahitur, cum successor jus suum non habeat ab antecessore, & si vel maxime regnum hæreditarium fuerit, consequenter jure hæreditario succedatur (§. 335.), regnum tamen hæreditarium pars hæreditatis bonorum privatorum Regis non sit (§. 336.). Quemadmodum Rex præsens regnum abdicare nequit pro jam natis, aut in utero conceptis (§. 366.), nec regni capax pro iis renunciare (§. 367.), sed ea abdicatio & renunciatio ipso jure nulla est (§. 368.); ita etiam remissio juris iisdem nocere nequit, quippe quæ æquipollet renunciationi partis cujusdam juris, quod ipsis ad regnum competit.

§. 392.

Quoniam successori non nocet, si in regno legitimo Rex præsens de jure suo quid remittit (§. 391.), populus vero per capitulationem, vel leges fundamentales novas jus illius imminuere nequit (§. 389.); si Rex præsens de jure suo quid remissis, successor id, quod remisit, contra populum etiam invitum vindicare potest. *Quod id vindicari possit a successore.*

Facile patet, successoribus non nocere factum plurium antecess-

tecessorum : horum enim quilibet jus suum remittit pro se, nulla vero est remissio, si extendatur ad futuros alios successores, quorum quilibet jus suum vindicare potest. Alia vero est ratio, si remissio juris a Rege facta extendatur ad nondum natos tempore remissionis, quatenus nimirum nemo adhuc tunc temporis existit, qui regni capax sit. Quamobrem si in remissionem nunc viventes omnes, qui regni capaces sunt, consentiant; remissio quoque valet in perpetuum. Brevitatis causa de his singulis sigillatim dicere noluimus, cum ex anterioribus facile demonstretur.

CAPUT III.

De Rep. constituenda.

*Quid sit
constitutio
Reip.*

Constitutio Reip. est determinatio modi, quo finis civitatis obtinendus. §. 393.

Dum societas civilis initur, seu civitas constituitur, homines inter se conveniunt, quod conjunctim sibi parare velint ea, quæ ad vitæ necessitatem, commoditatem ac jucunditatem, immo felicitatem requiruntur, & curare, ut unusquisque jure suo quiete frui ac tuto id ab alio consequi valeat, atque se suæque adversus vim quamlibet externam defendant. Ut igitur finem, quem intendunt, consequantur, determinandus est modus, quo is obtineri potest: quod ubi fit, Resp. constituitur. Necessè igitur est, ut inquiramus, quomodo Resp. fit constituenda, cum alias officium tam imperantium, quam parentium, atque jura singulorum intelligi nequeant. Unde etiam superius jam monuimus, antequam demonstratum fuerit, quænam ad Remp. constituendam requirantur, jura sub imperio contenta sufficienter enumerari non posse (not. §. 61.).

§. 394.

§. 394.

Quoniam Resp. constituitur, dum modus determi- *Principium*
natur, quo finis civitatis obtinetur (§. 393.) finis autem *Reip. consti-*
civitatis in vitæ sufficientia, tranquillitate & securitate *tuende.*
fit (§. 13.); ut *Resp. rite constituatur, ostendendum est, quid*
fieri debeat, ut in civitate abundent ea, quæ ad vitæ necessitatem,
commoditatem & jucunditatem requiruntur, una cum remediis fe-
licitatis, ut singula membra civitatis vacui sint a metu injuria-
rum, ut denique vacua quoque sint a metu vis externa (§. 10.
11. 12.).

Patet itaque, ex quoniam fonte deducenda sint ea, quæ ad
Remp. rite constituendam requiruntur, & ad quænam adver-
tendus sit animus, ne quicquam eorum prætermittatur, quæ
huc pertinent. Diximus jam superius in vitæ sufficientia,
tranquillitate ac securitate consistere bonum publicum (§. 9.
& seqq.). Quamobrem quando Resp. constituenda, inqui-
rendum est, quomodo bonum publicum promoveatur. Ubi
hoc docuerimus, manifestum erit, quantum interfit vivere in
civitate, & quantum status civilis antecellat naturalem.

§. 395.

In Rep. constituenda opera danda est, ut qui ad legem na- De obser-
tura servandam prout sunt juventur, nec ab aliis impediuntur; vantiæ le-
ceteri autem vi adigantur, ut minimum actus externos ad legem gis natura
natura componant. Etenim in constituenda civitate determi- *promoven-*
nandus est modus, quo communis omnium felicitas promo-
vetur, ac quilibet tutus est ab injuria alterius (§. 394.).
Quamobrem cum felicitatem legis naturalis custodia conse-
quamur (§. 396. *part. 1. Phil. pract. univ.*), nec sine ea ean-
dem acquirere, ac conservare valeamus (§. 397. 398. *part. 1.*
Phil. pract. univ.), immo ejusdem transgressione felicitas
amittatur (§. 401. *part. 1. Phil. pract. univ.*), eadem vero le-

ge determinentur actus, quales esse debeant, ne quis ab alio lædatur (§. 669. & *segg. part. 1. Jur. nat.*); in constituenda Rep. opera omnino danda est, ut singuli actiones suas ad legem naturæ componant, consequenter ut qui ad eam servandam proni sunt juventur, nec ab aliis impediatur; ceteri autem vi adigantur, ut minimum actus externos ad legem naturæ componant.

Ad observantiam legis naturæ nemo cōgi potest, quippe quæ in qualibet actione requirit omnem facultatum nostrarum usum (§. 302. *part. 1. Jur. nat.*), consequenter consensum quoque actionis externæ cum internis, ne invita sit actio. Quamobrem si quis felix esse nolit, id ferendum est. Cavendum tamen, quantum fieri potest, ne felicitati aliorum obicem ponat. Ac ideo ferendum non est, ut actiones externæ legi naturæ sint adversæ: internæ enim non nocent alteri, etsi obsint felicitati agentis. Hinc facile intelligitur, cur in civitate actus externi potissimum spectentur &, ne extra oleas evagentur, coercerentur, quatenus vero actuum internorum etiam habenda sit ratio. Sed hæc omnia ex sequentibus clariora evadent.

§. 396.

*Quomodo
promoven-
da.*

Quoniam in Rep. constituenda opera danda est, ut qui ad legem naturæ servandam proni sunt juventur, nec ab aliis impediatur; ceteri autem adigantur, ut minimum actus externos ad legem naturæ componant (§. 395.); ea instituenda sunt, quæ mediocrum vicem præstant officiis lege naturæ præscriptis pro virili satisfactoris & eorundem praxin faciunt, atque obligatio civilis introducenda, ubi naturalis non sufficit ad coercendos actus externos bono communi civitatis, seu fini ejusdem adversos.

Obligatio naturalis efficax non est, nisi penes eos, qui ratio-
ne

ne utuntur: qui vero eam insuper habent, & quorum appetendi ac averfandi facultas sensu atque imaginatione regitur, penes eos nil quicquam valet naturalis obligatio. Opus igitur est alia, quæ rationem sufficientem in sensu atque imaginatione habet, ut appetitus sensitivus & averfatio sensitiva trahatur in objectum externum legi naturæ conformem, consequenter agens faciat, quod facere nollit, vel non faciat, quod facere mallet. Porro hinc patet, quod veritati non prorsus conveniat, quando vulgo dicitur, in Rep. saltem rationem haberi honestatis externæ. Ut enim ea conservetur, omnino studio agitur, ubi fieri nequit, ut interna vigeat, quæ primario intenditur. Nisi hæc probe considerentur, impossibile est, ut omnia demonstrentur, quæ in Rep. instituenda sunt & in ea administranda fieri debeant, quamvis in Rebusp. ipso usu comprobentur.

§. 397.

Quoniam lex naturæ nos obligat ad nos & statum *Idem specia-* nostrum perficiendum (§. 152. *part. 1. Phil. pract. univ.*), & lius *expen-* unumquemque etiam obligat ad perfectionem alterius *statumque* *statumque* eiusque ipsius conferre, quantum valet (§. 222. *part. 1. Phil. part. univ.*); & in civitate conjunctis viribus omnia fieri debent (§. 9.), in Rep. autem ea instituenda sunt, quæ sustinent vicem mediorum obligationi naturali satisfaciendi, & praxin officiorum lege naturali præscriptorum facilitante (§. 390.); *in Rep. suppedianda sunt media se statumque suum perficiendi conjunctis viribus & ut facilius idem fieri possit, quam in statu naturali, providendum.*

Patet itaque, ea, quæ de officiis hominis erga seipsum & erga alios ac ceteris inde dependentibus demonstrantur, nos manu ducere ad ea, quæ in Rep. instituenda sunt. Quamobrem omnia hic pendunt a Jure naturæ, quod in statu naturali obtrinet, ac eodem pro cynosura utendum, ne a via recta aberretur.

erretur. Hac via si progrediamur, manifestum quoque evadet, quomodo alii alios impedire possint, quo minus fruantur illis commodis, quæ ex statu civili per se in singulos redundare poterant ac debebant, consequenter quænam obligatio introducenda sit, ut impedimenta ista, quantum datur, removeantur,

§. 398.

Quantus esse debeat civium numerus. Tantus esse acbet numerus civium, quantus requiritur ad se debeat ci- paranda ea, quæ ad vitæ necessitatem, commoditatem & jucunditatem omnium, ad promovendam eorum felicitatem eisdemque tutos præstandos ab injuriis concivium & vi externa, seu ad promovendam commune civitatis bonum eamque adversus vim hostium defendendam. Etenim ad societatem quamlibet tot requiruntur personæ & tales requiruntur, quot & quales ad finem societatis consequendum sufficiunt (§. 174. part. 7. Jur. nat.). Quamobrem cum civitas sit societas & eo fine contrahatur, ut conjunctim sibi parent ad vitæ necessitatem, commoditatem ac jucunditatem, immo felicitatem requisita; & curent, ut unusquisque jure suo quiete fruatur & tale id ab alio consequatur, atque se suæque adversus vim externam defendant (§. 4.), consequenter ut tuti sint tam ab injuriis concivium, quam vi externa, qui vero hanc societatem ineunt, socii (§. 4. part. 7. Jur. nat.), adeoque cives sint (§. 6.); tantus quoque esse debet civium numerus, quantus requiritur ad paranda ea, quæ ad vitæ necessitatem, commoditatem & jucunditatem omnium, ad promovendam eorum felicitatem eisdemque tutos præstandos ab injuriis concivium & vi externa, consequenter ad promovendum commune civitatis bonum eamque adversus vim hostium defendendam (§. 9.).

In omni societate nihil agitur, nisi vires, quæ in societate uniun-

uniuntur, sint sufficientes ad finem consequendum, & societas, si quo virium defectu laborat, admodum imperfecta est (not. §. 174. part. 7. Jur. nat.). Quamobrem civitas quoque imperfecta est, quæ aliquo virium defectu, consequenter civium laborat, ut finem civitatis per se consequi minime possit. De numero itaque civium non postrema cura est in civitate rite constituenda. Non sufficit nosse, quænam sint media consequendi finem civitatis; sed si eum consequi actu volueris, necesse etiam est, ut ne deficiat vires mediis istis utendi. Qui quid facere vult, habere debet vires ad faciendum sufficientes, sine quibus ad actum non perducitur, quod intrinsece possibile est.

§. 399.

Quoniam tantus esse debet *civium numerus, qui bono De numero communis civitatis promovendo & defensionis adversus insultus ho-* *civium iustiles sufficit* (§. 398.), *ne minor sit, quam qui huic fini con-* *sto minore.* sequendo sufficit, *omni sollicitudine cavendum, consequenter etiam dispiciendum, ne deficiat tales, quales ad hanc vel istum finem particularem consequendum requiruntur.*

Utrum numerus civium sufficiens sit, nec ne, æstimandum est ex fine civitatis, quippe qui conjunctis viribus obtinendus. Quamobrem non modo spectanda est simpliciter civium multitudo, verum etiam attendendæ sunt qualitates, quæ pro diversitate finium particularium diversæ esse debent in diversis subiectis. Vires nimirum fini civitatis consequendo non natura insunt omnes, & si quæ earum natura insint, non tamen singulis inhærent subiectis. Quando autem vires singulorum ordinantur ad communem universorum finem, propter quem in societatem coivere; civitas jam spectatur tanquam persona, quæ viribus fini eidem proposito consequendo sufficientibus instructa.

(Wolffii Jur. Nat. Pars VIII.)

Pp

§. 400.

§. 400.

*De numero
civium ju-
sto majore.*

Civium numerus non major esse debet, quam ut ne desit sufficiens copia eorum, quæ ad vitæ necessitatem, commoditatem ac jucunditatem requiruntur cum universim, tum in specie eorum, qui idem vitæ genus sequuntur. Quoniam enim eo fine in civitatem coeunt homines, ut conjunctim sibi parent ad vitæ necessitatem, commoditatem ac jucunditatem requisita (§. 4.) ; necesse omnino est, ut singulis saltem prospiciatur de iis, quæ ad vitæ necessitatem faciunt, si vel maxime commoditati ac jucunditati eodem modo consulere non detur, præsertim cum non omnes eodem modo ad commune civitatis bonum concurrant. Quamobrem cum civium numerus tantus esse debeat, ut fini civitatis consequendo sufficiat; major esse nequit, quam ut ne desit sufficiens copia eorum, quæ ad vitæ necessitatem, commoditatem ac jucunditatem requiruntur vel universim, vel etiam in specie eorum, qui idem vitæ genus sequuntur.

Nemo alteri obstaculo esse debet, quo minus consequatur ea, quæ ad vitæ necessitatem saltem faciunt, si vel maxime consequi non detur ea, quæ commoditati atque jucunditati inferviunt. Id vero præcaveri nequit, si ve universus civium numerus justo major fuerit, si ve is in hoc vel isto genere fuerit nimius. Incommoda, quæ inde magno numero sequuntur, quotidiana & obvia loquitur experientia, ut ea recensere prolixum nimis foret atque superfluum.

§. 401.

*De numero
eorum de-
terminando,
qui certum*

Quoniam civium numerus non major esse debet in aliquo vitæ genere, quam ut singuli acquirere possint ea, quæ ad necessitatem, immo etiam pro suo vitæ genere ad commoditatem, jucunditatem & decorem faciunt (§. 400.);

in

in quolibet vitæ genere determinandus est numerus eorum, quibus vitæ genus id sequi permiffum. *sequuntur.*

Nihil hic asseritur, quod a praxi sit alienum. Exemplum allegare poteram patriam. Hoc autem monere consultum duxi, quod hodie non desint, qui e re civitatis esse existimant, ut ad quodlibet vitæ genus admittantur, quotquot idem sequi voluerint. Per se autem patet, in nullo vitæ genere minorem esse debere numerum, quam idem requirit finis civitatis: id quod etiam cum eo, quod dictum est, consentit.

§. 402.

Si civium numerus fuerit minor, quam qui ad bonum De civium publicum promovendum sufficit, imprimis ad defensionem Reip. ad numero adversus vim hostium; de eo augendo sollicitus esse debet superior. genda. Eadem cura ipsum tangit, si in aliquo vitæ genere desint tales, qualium opera ac studio indiget civitas. Et enim non minor esse debet civium numerus, quam quantus requiritur ad bonum commune civitatis, sive publicum (§. 23.), promovendum & Remp. adversus vim hostium defendendum (§. 399.). Quod si ergo civium numerus minor deprehendatur, quam qui huic fini consequendo sufficit; ut is augeatur, curæ omnino esse debet superiori. *Quod erat unum.*

Similiter dispiciendum est, ne desint tales, quales ad finem civitatis consequendum requiruntur (§. 399.). Quamobrem si in aliquo vitæ genere desint tales, qualium opera & studio indiget; superiori utique curæ esse debet, ut hic defectus suppleatur. *Quod erat alterum.*

Jure naturæ tantummodo ostenditur, quid fieri debeat: media vero præscribere, quibus id obtinetur, prudentiæ civilis est, de qua suo loco acturi sumus.

§. 403.

Quando a Si civium, aut, si majoris subditorum numerus major fuerit, quam ut omnibus de his prospicere detur, quæ saltem ad vitam scedere licet, necessitatem faciunt; iis discedere licet, quorum opera ad promovendum bonum publicum carere potest Resp. Etenim non major esse debet civium numerus, quam ut ne desit sufficiens copia eorum, quæ ad vitæ necessitatem, tum etiam commoditatem ac jucunditatem, quantum datur, faciunt, in specie etiam eorum, qui idem vitæ genus sequuntur (§. 400.). Quod si ergo numerus civium major fuerit, quam ut iis de his prospicere detur, quæ saltem ad vitæ necessitatem faciunt; a civitate sine damno ejusdem discedunt, qui abundant. Quamobrem cum civitas sit societas (§. 4.), a societate autem discedere liceat, quando id sine damno societatis fieri potest (§. 187. part. 7. Jur. nat.); si civium numerus major fuerit, quam ut iis de his prospicere detur, quæ saltem ad vitæ necessitatem faciunt, tot utique discedere possunt, quot abundant. *Quod erat unum.*

Enimvero si quorum opera & studio Resp. ad bonum publicum promovendum carere nequit, hi non sine ejus damno a civitate discedunt. Quamobrem cum civitas sit societas (§. 4.), a societate autem discedere non liceat cum damno sociorum (§. 186. part. 7. Jur. nat.); nec his a civitate discedere licet, quorum opera & studio Resp. maxime indiget. Quamvis ergo si civium numerus major sit, quam ut omnibus prospicere detur de iis, quæ ad vitæ necessitatem faciunt, tot discedere possint, quot superabundant, *per demonstrata*; non tamen discedere licet nisi iis, quorum opera ac studio Resp. ad promovendum bonum publicum carere potest. *Quod erat alterum.*

Ex hoc principio generali in casu quolibet dato facile iudicium fieri poterit, num cuidam sit permissum, aut permittendum, ut a civitate discedat. Nimirum quando in civitatem coeunt homines, inter se conveniunt, quod conjunctis viribus parare velint ea, quæ ad vitæ necessitatem, commoditatem & jucunditatem faciunt & adversus vim hostium sese defendere (§. 4.). Hinc vero non modo singuli sese obligant universis, quod pro virili conferre velint ea, quæ ad finem civitatis consequendum faciunt; verum etiam universi sese obligant singulis, quod ipsis prospicere velint de iis, quæ saltem ad necessitatem vitæ faciunt, ne scilicet eadem ipsis desint nisi ipsorummet culpa. Quodsi ergo universi satisfacere nequeunt obligationi suæ, nec singuli pacto stare tenentur, cum omnis obligatio mutua supponat alterutram tanquam conditionem. Quamvis vero ex eo, quod universi præstare nequeunt singulis, quæ vi pacti debentur, his nascatur jus discedendi; nondum tamen hoc jus respectu individuorum determinatum est. Cum enim quilibet pro virili conferre debeat, quantum potest ad bonum publicum promovendum, non omnia autem possint omnes; ideo ut jus discedendi respectu individuorum determinetur, porro considerandum est, utrum eorum, qui discedere volunt, opera atque studio Resp. carere possit, nec ne. Atque inde est, quod jus discedendi saltem restringendum sit ad eos, quorum opera atque studio Resp. carere potest, aut non indiget. Ponamus e. gr. non superfluum esse eorum numerum, qui agros colunt; iis discedendi jus minime competit, etsi in aliis vitæ generibus sint plures, quam quibus de iis prospicere datur, quæ saltem ad vitæ necessitatem faciunt. In casu autem opposito discedere licet agricolis. Hinc patet, quale jus competat superiori in singulos quoad statum manendi.

§. 404.

Quoniam iis discedere non licet a civitate, quorum opera *De discessu*
& studio maxime indiget ad bonum publicum promovendum, *divinum.*

Pp 3

etiamli

etiamsi civium numerus abundet (§. 403.), per se autem patet, quod interfit Reip. ne divites ac locupletes discedant, aut pecunia parata exportetur, *civitas permittere non tenetur, ut divites ac locupletes discedant, seu pecuniam paratam exportent, consequenter si quis dives aut locuples discedere velit, cum quilibet socius damnum culpa datum resarcire teneatur* (§. 179. part. 7. *Jur. nat.*); *civitatis competit jus exigendi, ut damnum Reip. inde oriturum resarciat.*

Quoniam pecunia omnium simul ad divitias civitatis pertinet, cum ea instar personæ unius consideretur; divitum numero hic accensetur, qui discessurus pecuniam paratam secum aufert, qua in domicilii mutatione ad prospiciendum vitæ necessitati præsentī minime indiget.

§. 405.

De discessu eorum, qui vendi, ut ne discedat, qui in aliquo vitæ genere præclaram Reip. in aliquo vi- operam præstare potest.
ta genere alios antecellunt.

Equidem non ignoro, durum subinde videri nonnullis, si manere cogantur, cum alibi fortunam augere possent; non tamen ex eo, quod tibi melius, nascitur jus discedendi a civitate, cum alias permittendum foret, ut quis cum damno ejus discedat, quod utique absurdum (§. 4. b. & §. 186. part. 7. *Jur. nat.*). Obligatio, qua quis tenetur civitati, minime permittit, ut jus tuum metiaris ex utilitate propria: sola sane utilitas ratio sufficiens juris non est (§. 265. part. 3. *Phil. pract. univ.*), quin potius ex obligatione tua nascitur jus civitatis, de quo dictum est in propositione præsentē (§. 23. part. 1. *Jur. natur.*).

§. 406.

De discessu eorum, quo-

Si quorum opera ad defendendum Remp. adversus vim hy-
stium

sum fuerit opus; iis discedere non licet, nisi æque idoneos in locum sui substituere possint. Etenim cum ad finem quoque ci-
uitatis pertineat defensio Reip. adversus vim hostium (§. 4.); *nemo* Reip. eidem utique adversatur discessus eorum, quorum opera ad *neccessaria*. defensionem Reip. adversus vim hostium necessaria. Quamobrem cum damnum in societate, consequenter in civitate (§. 4.), detur, si quid fit, quod fini consequendo adversatur (§. 177. *part. 7. Jur. nat.*), cum damno autem sociorum a societate discedere non liceat (§. 186. *part. 7. Jur. nat.*); nec discedere licet iis, quorum opera ad defendendum Remp. adversus vim hostium fuerit opus. *Quot erat anni.*

Enimvero quoniam a societate recedere licet, si quis socium alium æque idoneum in locum sui substituat (§. 188. *part. 7. Jur. nat.*); si cujus opera ad defendendum Remp. fuerit necessaria, idem tamen alium æque idoneum in locum suum substituat, ei discedere licet. *Quod erat alterum.*

Ne quid difficultatis hic supersit, relegenda sunt ea, quæ alibi annotavimus (*not. §. 188. part. 7. Jur. nat.*). Quod si quaeratur, cujusnam sit judicium de idoneitate substituti; facile apparet, judicium esse ejus, cujus est jus exigendi operam ad defensionem Reip. præstandam, minime vero substituentis, ut ideo non opus sit, id demum demonstrari.

§. 407.

Cum consensu superioris quilibet a civitate discedere potest. De discessu
Jus enim prohibendi, ne quis a civitate discedat, civitatis *cum consensu* superiori in eadem competit, cujus quippe solius interest, ut *su superioris.* ne quis discedat & cui soli singuli obligantur ad conferendum pro virili, quantum possunt ad finem civitatis consequendum (§. 4.). Quamobrem cum unusquisque jus suum remittere

remittere possit, quando id fit illaeso jure tertii (§. 117. *part. 3. Jur. nat.*), civitas autem, aut superior jus remittat, quando in discessum consentit (§. 95. *part. 3. Jur. nat.*); cum consensu superioris quilibet a civitate discedere potest.

In casu propositionis præsentis non attenditur damnum, quod civitati ex discessu emergit: pro damno enim non habetur jactura ejus, quod quis sua voluntate amittit.

§. 408.

De gregatim discedentibus.

Gregatim sine consensu superioris a civitate discedere non licet, nisi ea sit rerum penuria, ut extrema vitæ necessitati prospicere discedentibus non detur: Etenim per se patet, quo major fuerit civium numerus, eo aptiorem esse Remp. ad defensionem sui adversus vim externam. Quamobrem cum fini civitatis repugnet, si plures gregatim a civitate discedant (§. 4.), consequenter discessu damnum detur civitati (§. 177. *part. 7. Jur. nat.*), cum damno vero sociorum a civitate discedere non liceat (§. 186. *part. 7. Jur. nat.*); gregatim quoque sine consensu superioris a civitate discedere non licet. *Quod erat unum.*

Enimvero cum manere in societate sit damnosum iis, quibus prospici nequit de iis, quæ ad extremam vitæ necessitatem requiruntur, quod nemo facile in dubium vocaverit, socius autem renunciare potest societati, si eam sibi fore damnosam prævidet (§. 190. *part. 7. Jur. nat.*); nemo quoque in civitate manere cogitur, si ea sit rerum penuria, ut extremæ vitæ necessitati prospicere non detur. Quamobrem in tanta rerum penuria gregatim discedere licet, in qua discedentibus prospicere non datur extremæ vitæ necessitati. *Quod erat alterum.*

Si gregatim discedatur a civitate, fini civitatis adhuc aliter derogari potest, quatenus fieri potest, ut deficient ea, quæ ipsorum opera & industria paranda vitæ necessitas, commoditas atque jucunditas exigit, vel alio respectu ad bonum publicum promovendum requiruntur.

§. 409.

A voluntate populi, sive ejus, qui jus populi habet, voluntate unice dependet, utrum extraneum seu peregrinum in civitatem suam recipere velit, nec ne, & qua lege eum recipere velit. De extraneo in civitatem recipiendo.
Civitas enim societas est (§. 4.) & populus sunt socii universi (§. 5. h. & §. 4. part. 7. Jur. nat.). Quamobrem cum nemo in societatem recipi possit nisi communi sociorum consensu (§. 180. part. 7. Jur. nat.); a voluntate populi consequenter ejus, qui jus populi habet, unice dependet, utrum extraneum, sive peregrinum in civitatem suam recipere velit, nec ne. *Quod erat unum.*

Quando quis in civitatem recipitur, per se patet in ipsum transferri jus quoddam, quod antea non habeat, & quoniam non recipitur nisi voluntate populi, seu ejus, qui jus populi habet, *per demonstrata*, jus quoddam populus in ipsum transfert, de quo pro arbitrio suo disponere potest. Quoniam itaque jus quoddam nostrum in alium transferre valemus ea lege, qua voluerimus (§. 11. part. 3. Jur. nat.); si populus extraneum, seu peregrinum in civitatem recipit, ab ipsius voluntate unice dependet, qua lege eum recipere velit. *Quod erat alterum.*

Vidimus in anterioribus, populum jus suum in alium, vel alios transferre posse, ac per consequens populum fecisse intelligi, quod facit is, qui jus populi habet. Quæ igitur de populo universo qua populo in sequentibus demonstrabuntur, (Wolffii Jur. Nat. Pars VIII.)

ea etiam intelligenda sunt de eo, vel iis, qui jus populi habent.

§. 410.

De diversitate receptionis peregrinorum.

Quoniam a voluntate populi unice dependet, quae lege peregrinum in civitatem recipere velit (§. 409.); a voluntate ipsius unice dependet, utrum eum membris ceteris civitatis seu civibus equiparare, an vero non omnia civium jura eidem conferre, aut saltem permittere velit, ut in regione sua habitet & rem suam agat, consequenter eum tanquam civem sive aequalem, sive inaequalem (§. 78. 79. part. 1. Jur. nat.), an vero tanquam incolam recipere velit (§. 8.).

Populi est statuere de eo, quod e re civitatis sibi videtur (§. 60. 34.). Peregrino igitur non facit injuriam, si eum civibus suis æquare nolit, vel saltem incolæ jura concedit (§. 859. part. 1. Jur. nat.). Si qui recipiuntur, civibus quoad omnia jura non æquiparentur, membra civitatis minus digna sunt. Incolæ vero cum proprie loquendo non sint membra civitatis (§. 8.); tutela saltem civitatis fruuntur & sub ea esse dicuntur.

§. 411.

Indigena & advena qui nati sunt.

Indigenas appellamus, qui ex parentibus civibus in ea regione, in qua habitant, nati sunt. Opponuntur ipsis *Advena*, qui aliunde eo veniunt, ubi habitant, vel ex advenis nati sunt.

Liberi nimirum eodem jure censentur, quo utuntur parentes. Quamobrem si parentes fuerint cives, seu membra civitatis; civium quoque jure fruuntur liberi eorum. Si parentes fuerint membra civitatis minus digna, alia quoque erunt eorundem liberi. Quod si parentes fuerint saltem incolæ, ipsorum quoque liberi tantummodo incolæ censentur. *Servus distin-*

distinguit inter indigenas, advenas & convenas. Indigenas vocat, qui ibi, ubi habitant, sunt geniti; advenas, qui de uno loco in eam regionem venerunt, in qua habitant; convenas denique, qui de diversis locis venerunt. Quoniam vero respectu civitatis perinde est, sive plures ex uno loco, sive ex diversis adveniant; advenas a convenis distingui non necessarium duximus. Et quamvis indigenatus tantummodo a *Servio* referri videatur ad natale solum; lubuit tamen significatum restringere eo modo, ut cum moderno loquendi usu consentiat, præsertim cum is magis convenire videatur instituto præsentis.

§. 412.

Jus civitatis, vel etiam *Indigenatus* dicitur, quo ci- *Jus civita-*
ves fruuntur. Quamobrem si peregrinus tanquam membrum *tis*, vel In-
civitatis recipitur, *jus civitatis*, seu *indigenatus* eidem confertur. *digenatus*
Enimvero quoniam incolæ cives non sunt (§. 8.); si pere. quid sit.
grinus tanquam incola recipitur, eidem jus civitatis, vel indigena-
tus minime confertur.

Poterat equidem subtiliter *jus civitatis* a *jure indigenatus* distinguere, ita ut *indigenatus* complectatur modum habendi *jus civitatis*, quasi per nativitatem; subtilitas tamen hæc parum utilitatis habet in præsentis negotio. *Huberus* de *Jure Civitatis* lib. 2. sect. 2. c. 1. civibus etiam accenset incolas: sed omnis controversia, num incolæ sint cives tandem ad *logomachiam* redit, cum a definitione civis pendeat, quam arbitrariam esse nemo in dubium vocabit, nisi qui verba a rebus, quas significant, distinguere nondum didicit. Alia vero est quaestio, quoniam significatus vocabuli civis naturæ civitatis magis conveniat. Qui societatem civilem ab initio libera voluntate contrahunt, eos esse cives, seu civitatis membra, nemo in dubium vocaverit. Eos, qui ex ipsis nascuntur, cum per eosdem civitas conservetur, civium quoque numero accensendos

Qq 2

esse,

esse, nemo itidem negaverit. Peregrini autem cum libera populi voluntate recipiantur, non plus juris acquirere valent, quam populus iisdem concedere vult. Quamobrem si eos aequali jure cum civibus censere velit & ex civibus natis acquirare; cives utique erunt & pro indigenis habendi. Si vero non tantum juris concedere malit, quantum est civium reliquorum; cives quidem erunt, sed minus digni, ut tanquam advenæ adhuc distinguantur ab indigenis. Si saltem habitationem & jus rem suam agendi in suo territorio concedit; a civibus non male distinguuntur incolæ, nec jus incolarum cum jure civitatis aut indigenatus confunditur. Patet itaque, nos vocabulis eum tribuere significatum, qui rebus a se invicem discernendis maxime convenit. Sed eam, qua nos utimur libertate, lubentes etiam aliis concedimus, nemini loquendi legem præscribentes.

§. 413.

De advenis temporariis. Advenæ temporarii sunt, qui aliunde non eo animo veniunt, ut perpetuo apud nos habitent, sed saltem aliquo temporis intervallo, ut commorentur, v. gr. negotii cujusdam causa. Unde patet, advenas temporarios nec civibus (§. 6.), nec incolis annumerandos esse (§. 8.).

Vocantur subinde cives temporarii, sed improprie, vago quodam significato ob rationem, quæ ex sequentibus constabit.

§. 414.

De natis ex iisdem. Quoniam advenæ temporarii nec cives, nec incolæ sunt (§. 113.); qui ex iis nascuntur eo in loco, ubi commorantur, nec ibidem cives, nec incolæ sunt, sed civibus aut incolis ejus loci accensentur, ubi cives vel incolæ sunt parentes.

Jus civitatis aut incolarum a parentibus cum liberis communicatur

nicatur per nativitatem : nihil vero hic confert locus nativitatis. Unde etiam liquet, nos ad indigenatum recte requisivisse, ut quis ex parentibus civibus nascatur (§. 411.), nullo facto discrimine, utrum parentes habeant jus civitatis per nativitatem, an vero concessione populi. Absurdum itaque foret pro Sueco haberi eum, qui ex parentibus Germanis natus est in Suecia negotii cujusdam causa ibidem commorantibus. Quamnam enim ratio fingi potest, ut per locum nativitatis ad liberos propagetur aliquod jus, quod parentes minime habent, ad liberos, inquam, quos iidem secum in patriam reduces adducunt, in qua cum ipsis habitant.

§. 415.

Si lege sancitum, ut ne quis civium discedat, vel etiam An civibus incola; nec civis, nec incola jus discedendi habet, nec discedere licet, nisi populi consensu. Etenim si specialiter fuerit conven- *discedendi* tum, ne quis a societate recedere possit, nisi consociorum *adimi possit.* consensu recedere licet (§. 189. *part. 7. Jur. nat.*). Quamobrem cum civitas sit societas (§. 4.), si populus ab initio convenerit, vel postea lege sancitum fuerit, ut ne quis civium discedat, nec is jus discedendi habet, nec ei discedere licet, nisi populi consensu. *Quod erat unum.*

Similiter cum incolæ subiecti sint legibus civitatis, quod per se patet, vel etiam inde intelligitur, quod iis non concedatur jus habitandi & rem suam agendi in hac regione, nisi sub ea conditione, ut imperio civili subiecti sint; si lege cautum sit, vel etiam posthac caveatur, ut ne discedant, nec ipsis competit jus discedendi, neque discedere possunt nisi consensu populi, seu superioris. *Quod erat alterum.*

Ne quid dubii quoad incolas remaneat, notandum est, legem de non discedendo aut ante jam latam esse, quam quis in numerum incolarum admittitur, aut postea demum ferri. In

casu priori patet, neminem recipi in numerum incolarum; nisi sub hac conditione, ut ne pro lubitu discedat, seu jus incolarum non accipere quenquam nisi cum onere manendi. Quodsi excipias, lege ista non obstante, posse alicui incolarum conferri salvo jure discedendi; id minime ei, quod diximus, contrariatur: tum enim non discedit nisi superioris consensu, prouti habet propositio præsens. Quodsi lex posthac demum sancitur & habitationem continuat incola, in eam legem consentit, consequenter perinde est ac si sub ea conditione in numerum incolarum receptus fuisset, ut ne liber sit discessus. Dubium itaque tantummodo videri poterat, an cogi possit ad manendum, si statim discedere velit, dum lex de non discedendo fertur. Verius tamen videtur, quod omnino non possit. Qui enim civitati se aggregant, in id consentire intelliguntur, ut ratum habeatur, quod populo, seu Rektori civitatis visum fuerit, consequenter tacite se obligant, quod discedere nolint, si discessus prohibeatur. Accedit, quod Rektori civitatis competat jus de ipsis personis civium certo modo disponendi, si salus publica exigit (§. 113.). Quidni etiam de incolis, quorum minus jus est quam civium? Incolæ non obligatione, sed jure saltem cedunt civibus.

§. 416.

*Quando
quis civis
esse desinat.*

Qui a civitate discedit, ex cive fit peregrinus. Qui enim a civitate discedit, membrum illius civitatis esse desinit; quod per se patet. Enimvero qui membrum civitatis nostræ non est, peregrinus est (§. 7.). Quamobrem qui a civitate discedit ex cive fit peregrinus.

Facile patet, propositionem præsentem valere non minus de discessu involuntario, quando quis jussu superioris abire cogitur, quam de voluntario, si quis sua sponte abit.

§. 417.

§. 417.

Quoniam qui a civitate discedit, ex cive fit peregrinus (§. 416.) a populi autem voluntate unice dependet, *An reditu* *jus civitatis* utrum peregrinum in civitatem recipere velit, nec ne, & *recuperetur.* qua lege eum recipere velit (§. 409.); *si qui recessis reaire* *velit, populus eum in civium numerum recipere non seneatur,* consequenter *reditu suo jus civitatis non recuperat.* Immo eodem modo patet, *quod, qui fuerat civeis, eundem populus ne quidem in* *numerum incolarum admittere seneatur.*

Aliud nimirum est a civitate discedere, aliud abire cum animo redeundi. Quamvis itaque absentia per aliquod tempus non noceat civi; nocet tamen discessus a civitate, cum discedens animo non redeundi absit, &, si non verbis, ipso tamen facto declarat, quod membrum civitatis esse amplius nolit, nec imperio ejus subiectus esse velit.

§. 418.

Quoniam qui a civitate discedit, ex cive fit peregrinus (§. 416.); *qui post discessum nascuntur liberi, etiam post disces-* *sum natis.*

Jus enim civitatis per nativitatem a parentibus in liberos transmittitur (not. §. 415.). Quodsi ergo illi cives amplius non sint (§. 416.); per eos quoque jus nullum in liberos transmitti potest.

§. 419.

In eum, qui a civitate discessit, civitati nihil amplius An jus civi- *juris competat.* Etenim qui a civitate discedit, ex cive fit *sati compe-* peregrinus (§. 417.), consequenter cum membra tantummo- *sat in eos* do civitatis singula obligentur universis (§. 6. 28.), obliga- *qui disces-* tio illius, qui discedit, expirat. Quamobrem cum ex hac *serunt,* *obliga-*

obligatione nascatur jus civitati in civem (§. 23. *part. 1. Jur. nat.*); quando quis a civitate discedit, jus quoque, quod civitati fuerat in eum, expirat, consequenter eidem in illum nihil amplius juris competit.

Patet ut ante (*not. §. 416.*), propositionem præsentem intelligendam esse tam de discessu voluntario, quam involuntario. Civitati non competit jus in civem, nisi quatenus membrum civitatis est & qua membrum eidem obligatur ad bonum publicum promovendum & civitatem adversus insultus hostiles defendendum. Quamprimum igitur quis membrum civitatis esse definit, nihil quoque juris civitati in eundem remanet, quemadmodum ipse ad nihil civitati obligatur.

§. 420.

De copiarum necessariorum, & voluptuariarum.

Rectori civitatis cura esse debet, ne desit rerum ad victum, amictum, habitationem, vitæque commoditatem ac jucunditatem necessarium copia omnibus sufficiens. Quando enim civitas constituitur, universi sese obligant singulis, quod sufficientiæ vitæ ipsorum prospicere velint (§. 28.), consequenter quod curæ habere velint, ut ea abundant, quæ ad vitæ necessitatem, consequenter ad victum, amictum & habitationem, illiusque commoditatem ac jucunditatem requiruntur. Quamobrem cum Rectoris civitatis sit determinare ea, quæ ad bonum publicum promovendum requiruntur (§. 42. 60.); eidem curæ esse debet, ne desit rerum ad victum, amictum & habitationem vitæque commoditatem atque jucunditatem necessariorum copia omnibus sufficiens (§. 9. 23.).

In Rep. bene constituta abundare debent res tam necessariae quam utiles & voluptuariae (§. 499. & *seqq. part. 1. Jur. nat.*). Si quorundam deprehenditur defectus, ipsa Resp. imperfectione laborat: neque enim finis obtinetur, qui in civitate intenditur

ditur (§. 13.). Perfectio autem civitatis, tanquam societatis (§. 4.), non consistit nisi in aptitudine ad finem istum consequendum (§. 171. *part. 7. Jur. nat.*). Equidem non omnium rerum eadem est necessitas, ac ideo res utiles voluptuariis, necessariz tam voluptuariis, quam utilibus præferendæ (§. 502. *part. 1. Jur. nat.*); nemo tamen in dubium vocabit, præstare Remp. in qua omnium rerum sufficiens copia adest, altera, qua vitæ saltem necessitati prospicitur, omni commoditate, ne dicam jucunditate procul remota. Si quis ea de re dubitet, is tantummodo conferat genus vivendi populorum inculorum cum vivendi ratione, quæ inter gentes cultiores, veluti inter nos, obtinet: quanta enim sit differentia inter utrumque vivendi genus facile animadverteret, nec ipsi erit animus statum suum cum statu barbarorum commutandi.

§. 421.

Quoniam Rectori civitatis curæ esse debet, ne desit *Derebus in-* rerum ad victum, amicum & habitationem vitæque commo- *dustrialibus* ditatem ac jucunditatem copia omnibus sufficiens (§. 420.), na- *æ artificia-* tura autem non res omnes sua sponte profert, neque tanta co- *libus multi-* pia, quanta omnibus sufficit, sed earum proventus industria hu- *plicandis.* mana promovendus, & ex rebus pure naturalibus atque indu- strialibus arte humana parandæ sunt aliæ artificiales (§. 503. & *segg. part. 1. Jur. nat.*); *superiori cura esse debet, ut res industriales & artificiales, quantum datur, multiplicentur, consequenter ut subditi rerum naturalium proventus industria ac labore suo promoveant & ex iis alias utiles atque voluptuarias conficiant.*

Non est quod dicas, homines sua sponte ferri ad ea, quæ ad vitæ necessitatem faciunt, ut de iis sibi comparandis cogitent; ferri etiam ad ea, quæ vitam commodam atque jucundam faciunt, modo commoditatem ac jucunditatem vitæ cognoscant, cum alias ignoti nulla sit cupiditas. Neque enim inde sequitur curam parandi res industriales & artificiales nul-
(*Wolffii Jur. Nat. Pars VIII.*) R r lam

lam pertinere ad Rectorem civitatis, quoniam in civitatem coitur, ut unusquisque, quæ huc faciunt, facilius obtinere possit (§. 4.) & ad hanc curam universi se obligaverint singulis si non expresse, saltem tacite (§. 28.). Diximus res industriales & artificiales multiplicandas esse, quantum datur: neque enim solum parantur in usus proprios civium, verum etiam in usum commerciorum, prouti suo loco clarius elucescet.

§. 422.

De cura circa laborem.

Quoniam Rectori civitatis curæ esse debet, ut subditi rerum naturalium proventum promoveant, quantum datur, labore ac industria sua atque ex iis alias utiles & voluptuarias conficiant (§. 421.); *ferendum non est, ut otio disfluant, quibus vires ad laborandum suppetunt, & curandum, ne cuiquam desit labor, qui laborare vult* (§. 395. h. & §. 514. 515. part. 1. Jur. nat.).

Equidem homines naturaliter obligantur ad laborandum (§. 514. part. 1. Jur. nat.) & otium naturaliter prohibitum (§. 515. part. 1. Jur. nat.), & hæc obligatio non modo respicit laborantem, sed etiam alios, quibus is utilis esse potest, prouti abunde intelligitur ex iis, quæ alibi demonstrata sunt (§. 506. & seqq. part. 1. Jur. nat.); non tamen ideo cura omnis circa laborem removenda est a superiore in civitate, cum ejus sit curare, ut omnes satisfaciunt obligationi naturali, qua tenentur aliis (§. 395.), & singuli quoque vi pacti, quo constituta est civitas & quo continuatur, sese obligarunt universis, quod naturali isti obligationi satisfacere velint, ac in universos transtulerint jus a se exigendi, ut satisfaciunt (§. 28. b. & §. 23. part. 1. Jur. nat.); ex adverso vero universi sese obligaverint singulis, quod, quantum datur, ipsis prospicere velint de mediis obligationi isti satisfaciendi (§. 28.).

§. 423.

De cura circa laborem.

Opera danda est, ut quilibet studio ac labore suo tantum acquirere possit, quantum ad res, si non utiles & voluptuarias, saltem necessarias.

cessarias comparandum sufficit. Quoniam enim Reſtori civitatis curæ eſſe debet, ne deſit rerum ad victum, amiſtum, & habitationem vitæque commoditatem ac jucunditatem requiſitorum, conſequenter neceſſariorum, utilium & voluptuariarum (§. 499. & ſeqq. part. 1. Jur. nat.) omnibus ſufficiens copia (§. 420.), unicuique autem laborandum eſt, non otiaudum (§. 422.), ut ſcilicet ſibi comparare res, quibus indiget, poſſit; opera omnino danda, ut quilibet ſtudio ac labore ſuo tantum acquirere poſſit, quantum ad res ſi non utiles & voluptuarias, ſaltem neceſſarias comparandum ſufficit (§. 502. part. 1. Jur. nat.).

Laboramus non alio fine, quam ut acquiramus pecuniam, qua nobis comparemus ea, quibus indigemus, quatenus ſcilicet laboramus noſtri cauſa. Quamobrem non ſufficit, ut Reſp. abundet rebus neceſſariis, utilibus & voluptuariis; ſed danda quoque opera eſt, ut ſubditi eas ſibi comparare poſſint, conſequenter ut labore ſuo tantum acquirant, quantum ad eas comparandas ſufficit. Facile pater, ad eandem curam ſimul pertinere, ut ubivis locorum proſtrent res, quibus indigent ſinguli & quas ſibi comparare volunt.

§. 424.

Quoniam opera danda eſt, ut quilibet ſtudio & labore ſuo tantum acquirat, quantum ad res, ſi non utiles & voluptuarias, ſaltem neceſſarias ſibi comparandum ſufficit (§. 423.); *tam laborum, quam rerum pretia ita determinanda ſunt, ut quilibet eas ſibi comparare poſſit, quibus indiget.*

Relegenda hic ſunt, quæ de pretio rerum determinando alias demonſtravimus (§. 303. & ſeqq. part. 4. Jur. nat.). Hic enim ſaltem oſtenditur, curam determinandi pretia rerum atque laborum ad ſuperiorem pertinere, vi pacti originarii,

R r 2

quo

quo civitates constitutæ, & unde manent omnes obligationes ac iura in civitate. Ideo enim in civitatem coitur, ut rectius atque facilius ea fiant, quæ naturaliter fieri debent, in statu autem naturali fieri nequeunt, vel non ita commode fieri possunt. Atque inde elucescit Reip. utilitas, nec postrema ea censi debet, quod singulis provideatur cura aliena iidemque consequuntur, quod per se consequi minime poterant, si extra civitatem viverent.

§. 425.

De numero civium in quolibet vita genere determinando.

Quoniam opera danda est, ut quilibet studio & labore suo tantum acquirat, quantum ad res si non utiles & voluptuarias, saltem necessarias sibi comparandum sufficit (§. 423.); hinc nova ratione intelligitur, quod supra jam ostendimus (§. 401.); in quolibet vita genere determinandum esse numerum eorum, qui idem sequuntur.

In iis, quæ ad Remp. spectant, haud raro plures sunt rationes, quarum una sola sufficit ad evincendum id, quod fieri debet, aut non. Quando vero plures concurrunt, tanto major est necessitas, ne negligatur, quoniam negligendo non uno modo peccatur. Nostrium jam non est recensere incommoda, quæ ex numero civium in eodem vitæ genere iusto majore sequuntur, tum quod experientia eadem doceat, tum quod distincta eorundem cognitio ad prudentiam potius civilem pertineat, quam ad jus publicum universale, de quo in præsentī agimus. Omnia autem ista incommoda, qualiacunque fuerint, fini civitatis repugnant, quatenus adversantur aliis, quæ eidem conveniunt. Fini nimirum civitatis quoque repugnat, quicquid quomodocunque officiis civium erga se invicem contrariatur.

§. 426.

De curacirca notitiam

In Rep. curandum est, ut cives ac incolæ insistantur de Deo

Deo & officiis erga ipsum, tum etiam de officiis erga seipsos & erga eorum, quæ alios, iisque omnibus, quæ in suo vitæ genere iis scitu necessaria ad recte vivendum atque utilia sunt. Etenim lege naturali homines obligantur ad certa officia erga Deum, erga seipsum & erga tu necessaria alios: id quod ex parte prima Juris naturalis abunde patet. Quamobrem cum in Rep. instituenda sint, quæ mediorum vicem præstant officiis satisfactoris & eorundem præxin faciunt (§. 396.), nemo autem officiis istis satisfacere possit, si eadem ignorat, vel, ubi didicit, iterum oblivioni det; in Rep. omnino curandum est, ut cives atque incolæ de Deo & officiis erga ipsum, tum etiam de officiis erga seipsum & erga alios instituantur. *Quod erat unum.*

Et quoniam unusquisque hominum eligere debet vitæ genus, ad quod aptus est (§. 533. part. 1. Jur. nat.), & quo se utiliore concivibus suis præbere potest (§. 534. part. 1. Jur. nat.), ac præterea sibi comparare tenetur eum facultatum usum, qui ad laborem suum recte obeundum requiritur (§. 530. part. 1. Jur. nat.), consequenter etiam animum imbuere eorum notitia, quæ in suo vitæ genere eidem scitu necessaria atque utilia sunt; ut ante patet, in Rep. curandum esse, ut cives atque incolæ acquirant notitiam eorum, quæ in suo vitæ genere iisdem scitu necessaria atque utilia sunt (§. 396.). *Quod erat alterum.*

Posterior etiam inde colligitur, quod inprimis eam rerum notitiam nobis comparare debeamus, cuius usus in eo, quod sequimur, vel eligimus, vitæ genere magis necessarius (§. 222. part. 1. Jur. nat.).

§. 427.

Qui ad scientias & artes perficiendas apti sunt; ii omni modo juvandi, ut iisdem vacare possint. Si qua enim dantur eorum, qui

Rr 3

ad ad scientias

Artes per- ad perfectionem hominis statusque ejusdem promovendum
ficiendas, necessaria, quæ non in omnium potestate sunt, ad ea conse-
apti. quenda non obligantur nisi ii, quorum in potestate ista sunt
 (§. 484. *part. 1. Jur. nat.*). Quamobrem cum non quilibet
 aptus sit ad scientias & artes perficiendas, quod per se patet;
 ad eas quoque perficiendas non obligantur, nisi ii, qui apti
 sunt. Quoniam vero qui apti sunt, non semper necessariis
 subsidijis instructi sunt, ut scientiis aut artibus perficiendis va-
 care possint; ideo omni modo juvandi, ut possint (§. 396.).

Interest generis humani, ut scientiæ ac artes excolantur, &
 quantum datur, perficiantur. In Rep. itaque bene constituta
 habenda quoque ratio est scientiarum atque artium, ut indies
 magis magisque perficiantur, & in communem utilitatem ver-
 tantur. Dotes animi non æqualiter cum opibus distribuuntur,
 Quamvis itaque quis aptus fuerit ad scientias & artes excolen-
 das atque perficiendas; non tamen iis vacare datur, cum quæ-
 renda sit pecunia primum, ut necessaria vitæ subsidia compa-
 rari possint. In civitate conjunctis viribus agendum, ac ideo
 alii dotes animi, alii opes suas cum aliis communicare tenen-
 tur, quasi communione quadam vi pacti, quo societas civilis
 contracta, introducta. Quamobrem quilibet prodesse debet
 ceteris iis, quæ possidet, ac propterea qui apti sunt ad scien-
 tias atque artes perficiendum, iis suppeditanda sunt necessaria
 subsidia, ut iisdem vacare possint. Tota civitas corpus quod-
 dam repræsentat humano simile, cujus diversa sunt membra;
 functionibus suis a se invicem distincta. Quodsi ergo omnia
 functionem suam debite præstent, & unum akeri adjumento
 sit, ut præstare possit; toti corpori bene est.

§. 428.

De cura cir- Similiter qui ad certum vita genus apti sunt, iidem omni
ca vita ge- modo adjuvandi, ut idem sequi possint, imprimis illi, qui præclari
modus nus quod se quidpiam in eo præstare possunt; parum apti vero omni studio ab
 eodem

eodem arcendi. Etenim unusquisque hominum eligere de-^{qui debent}bet vitæ genus, ad quod aptus est (§. 533. *part. 1. Jur. nat.*), ^{subditi.}

& quo se utiliore*m* aliis præbere potest (§. 534. *part. 1. Jur. nat.*).

Quamobrem cum non modo in Rep. quilibet juven-
dus sit, ut naturali obligationi satisfacere facilius possit,
quam si extra Remp. sibi soli relictus constitueretur (§. 396.),
verum etiam Reip. intersit, ne parum apti aliquod vitæ genus
sequantur, utpote qui non rite præstare possunt, quod de-
bent, & ne ex adverso idem sequi impediantur, qui præ
aliis præclari quiddam in eodem præstare valent; vel sal-
tem necessariis subsidiis ad præclari quid præstandum desti-
tuantur; illi omnino, qui ad certum vitæ genus apti sunt,
omni modo adjuvandi, ut idem sequi possint, ac illi inprī-
mis, qui præclari quidpiam in eo genere præstare possunt,
parum apti vero omni studio ab eodem arcendi.

Principium hoc admodum foecundum est, cum multa spe-
cialia inde fluant; cura autem, quam injungit superiori, seu
Reſtori civitatis, haud exigua est, nec postrema, cum Resp.
vix dici possit bene constituta, nisi quævis vitæ genera se-
quantur illi, qui ad ea apti sunt. Quodsi contrarium suma-
tur, facile intelligitur, quænam incommoda inde sequantur,
& quam parum finem civitatis consequi detur. Neque diffi-
cile est incommoda ista addiscere a posteriori, modo animum
advertis ad eos, qui aliquod vitæ genus sequuntur, sive libe-
ralius, sive illiberalius, ad quod parum apti sunt, etsi pro di-
versitate generis non omnes Reip. noceant eodem modo.

§. 429.

*Curandum est, ut liberi absque sumtu parentibus oneroso De cura cir-
instituantur in ius, quorum notitia ipsis necessaria ac utilis, & ut ad ea institu-
vita genus destinentur, ad quod apti sunt, atque ad idem præpa- tionem libe-
rentur, & ne negligentur illi, quorum parentes sumtus necessarios vorum.*

(suppe-

suppeditare nequeant. Etenim parentes obligantur ad omnem diligentiam adhibendam, ut liberi rerum cognitu sibi possibilitatem cognitionem acquirant (§. 648. *part. 7. Jur. nat.*), & ubi ad usum rationis perveniunt iisdem scientiam boni & mali legumque naturalium, quantum sufficit, instillent & ad bona atque mala vera ab apparentibus discernenda perducant (§. 689. *part. 7. Jur. nat.*), ut mature pietatem consequantur (§. 699. *part. 7. Jur. nat.*) & Deum agnoscant (§. 700. *part. 7. Jur. nat.*). Quoniam itaque vix fieri potest, ut ipsimet per se huic obligationi satisfaciant, tum quod ad instruendum liberos eosque in his singulis instituendum non sint apti, tum quod per alia, quæ ipsis agenda sunt, parum vacat; per alios hoc facere tenentur. Quamobrem cum in Rep. curandum sit, ut ad satisfaciendum officiis lege naturali præscriptis media suppeditentur, & eorum praxis quovis modo facilitetur (§. 396.); curandum utique est, ut liberi absque sumtu parentibus oneroso instituantur in iis, quorum notitia ipsis necessaria atque utilis. *Quod erat primum.*

Similiter cum parentes liberos certo vitæ generi destinare debeant, cui apti sunt & quo se utiliores aliis præbere possunt (§. 719. *part. 7. Jur. nat.*), & mature eosdem ad idem præparare (§. 720. *part. 7. Jur. nat.*), ea vero cura ad Remp. pertinet, ut numerus eorum, qui aliquod vitæ genus sequuntur, determinetur (§. 401.), nec ad aliquod sequendum admittantur parum apti, qui vero apti sunt, omni modo adjuventur, ut idem sequi possint, præsertim si quid in eodem præclari præstare valent (§. 428.); ea quoque cura Remp. tangit, ut liberi a parentibus destinentur vitæ generi, ad quod apti sunt, atque ad idem præparentur. *Quod erat secundum.*

Quodsi

Quodsi denique parentes sumtus facere non possint in institutionem liberorum, cum intersit Reip. ne iidem negligantur, in eadem vero conjunctis viribus commune civitatis bonum promovendum (§. 4. 9); liberi quoque negligendi non sunt, quorum parentes sumtus necessarios ad institutionem eorum suppeditare nequeunt. *Quod erat tertium.*

Natura homines ducit ad educationem sobolis suæ, ut liberi, quos genuerunt, vitam hominis vivere possint (§. 255. part. 7. *Jur. nat.*), sicque genus humanum conservetur ac propagetur: In civitate vero educanda proles est, ut ex civibus geniti vitam quoque civis vivere possint, sicque genus civium propagetur & civitas conservetur. Conservatio civitatis utique ad curam Reip. pertinet. Quamobrem eidem quoque subduci nequit educatio liberorum. In his unice posita est spes, ut civitas perennet. Itaque ut finis ejus obtineatur non modo pro præsentī, verum etiam futuro tempore, nihil omitendum est, quod universitas conferre potest ad id, ut liberi recte educantur.

§. 430.

Quoniam in Rep. qui sua sponte legem naturæ servare nolunt, vi adigendi sunt, ut actus saltē externos ad *vitæ in* legem naturæ component (§. 395.), parentes autem ad *li-* educationem beros educandos obligantur (§. 263. part. 7. *Jur. nat.*), & *liberorum.* in Rep. curatur, ut liberi absque sumtu parentibus oneroso instituantur in iis, quorum notitia ipsis necessaria atque utilis & ut ad vitæ genus, cui destinantur, præparentur (§. 429.), consequenter media educationem facilitandi suppeditantur, *parentes vi compellendi sunt, ut publica institutioni liberos suos committant.*

In Rep. educatio prolis non modo ad curam parentum, verum
(*Wolffii Jur. Nat. Pars VIII.*) Ss rum

rum etiam civitatis pertinet (not. §. 429.). Quamobrem in ea permittendum non est, ut educatio a parentibus negligatur, consequenter ut ii non utantur mediis, quibus liberi in spem Reip. educari possunt. Quemadmodum vero in Rep. non tollitur obligatio naturalis, quippe in se prorsus immutabilis (§. 142. par. 1. *Phil. præf. univ.*), sed ejus adimpletio saltem facilitatur & quantum datur, promovetur (§. 395.); ita quoque in educanda prole cura parentum cum cura publica jungenda, nec illi educationem curæ publicæ ita committere debent, ut suam prorsus abjiciant.

§. 431.

Quod omnes legere, scribere, & computare debeant discere.

Similiter quia liberi instituendi sunt in iis, quæ in eo, quod sequentur, vitæ genere ipsis utile est (§. 429.), & parentes compellendi, ut publicæ institutioni liberos suos committant (§. 430.), in quolibet autem vitæ genere unicuique utile est, ut legere, scribere ac computare discant, quod a posteriori recte sumitur; *id imprimis cura esse debet, ut liberi, dum educantur & publice instituuntur, legere, scribere ac computare discant, nec permittentur parentibus, ut in hæc ad discendis illos negligant.*

Nemo fateri cogitur, inter defectus Reip. bene constitutæ referendum esse, si desit occasio publicæ institutioni tradendi liberos, ut legere, scribere & computare discant vel sumtu parentibus non nimis oneroso, vel absque eorum sumtu, si pauperes fuerint. Pauperum enim in Rep. non minus habenda est ratio, quam ceterorum, qui proprios in educationem liberorum sumtus facere possunt: in civitate nimirum conjunctis viribus promovetur commune bonum, consequenter ne quis negligatur in necessariis, universitati prospiciendum,

Præceptores quinam sint.

§. 432.

Præceptores dicuntur, qui pueros & adolescentes instituunt

stituant in iis, quæ ipsis discenda sunt. Sunt autem *publici*, qui publica auctoritate constituti sunt, ut instituant: *privati* autem, seu *domestici*, quos unusquisque liberis suis in domo sua constituit.

Genio seculi nostri, quo vana ambitio hominibus persuasit, ut vocari malint, qui non sunt, vocabulo præceptoris nescio quid abjecti adhæret, ita ut præceptores domestici informatores vel gubernatores appellari malint, quam præceptores. Sed vanitas istiusmodi quemadmodum hic, ita nec in aliis, quæ sequuntur, attendenda venit, tantoque minus, quanto certius est, eam non esse omnibus gentibus cum nobis communem.

§. 433.

Schola dicuntur loca, in quibus publica auctoritate *Schola quid* instituuntur pueri, adolescentes atque juvenes in iis, quæ *sit.* ipsis discenda sunt.

Et si tantummodo sexus masculini mentionem faciamus in definitione, brevitatis causa; non tamen propterea excluditur sexus foemininus, quatenus ea, quæ discenda sunt, utrique sexui communia sunt. Huc enim ducit commoda interpretatio.

§. 434.

Schola inferiores, dicuntur, in quibus pueri atque ado- *Scholarum* lescētes instituuntur in iis, quæ memoria comprehendun- *distinctio* tur. *Schola* autem *superiores* sunt, in quibus juvenes docen- *quid sit uni-* tur ea, quæ vi intellectus comprehendenda, consequenter *versitas*, si- *ve* ad scientiam rerum scitu necessariarum, vel utilium perdu- *Acade-* cuntur. Vocantur hæ apud nos *Academia*, vel etiam *Uni-* *mia.* *versitates.*

Constat homines gaudere facultatibus cognoscendi tam in-

ferioribus, quam superioribus (§. 54. 55. *Psych. empir.*) & ad illas referri sensum, imaginationem atque memoriam, ad superiores autem intellectum & quæ ab eodem dependent, proxi ex Psychologia empirica manifestum est. Usus facultatum inferiorum homini natura inest, non demum acquirendus (§. 200. *part. 1. Jur. nat.*), usus autem superiorum minime, sed demum exercitio acquiritur (§. 199. *part. 1. Jur. nat.*), cumque unusquisque in se experiatur ac ex Psychologia empirica abunde pateat, usum facultatum superiorum præsupponere ea, quæ usu inferiorum addiscuntur; ideo pueris & adolescentibus maxime convenit, ut addiscant ea, quæ usu facultatum inferiorum addisci possunt, consequenter quæ memoria comprehenduntur, juvenibus autem, ut ad usum facultatum superiorum adducantur & ea doceantur, quæ vi intellectus comprehenduntur. Quamobrem me iudice Scholas non male distinguuntur diversitate facultatum cognoscendi, quemadmodum in definitionibus præsentibus fecimus. Cum verò natura non faciat saltum, sed ab uno extremo ad alterum procedat per gradus intermedius, ideo quoque non adeo arcti sunt limites inter Scholas inferiores, & superiores, quarum quoque idiomate patrio heße Schulen appellare solemus, quin etiam in inferioribus ad usum facultatum superiorum adduci possint adolescentes, immo ad hunc usum præparari pueri, quantum fert ætas. Notandum præterea est, nos hic discernere ea, quæ a jure nobis proprio veniunt ac moribus, ab iis, quæ juri naturæ conveniunt. Jura enim ista particularia instabilia sunt, nec ubivis gentium eadem, immo sæpe variant in gente eadem pro diversitate temporum: jus vero naturæ, quod tradere nobis propositum, immutabile jus est & ad id illa conformari debent, ne quid statuatur, quod idem tollat, si quidem ratione firma niti debeant.

§. 435.

Professor

Qui in Scholis inferioribus docent, seu pueros & quinam fir. adolescentes instituunt, iis remansit Præceptorum nomen: qui

qui vero in Academiis docent, seu juvenes ad scientiam rerum scitu necessariarum & utilium perducunt, *Professores* appellantur.

Professorem definimus, qualis esse debet, non vero qualis forsitan hic, vel ille est, vel subinde contingit temporum infelicitate esse plurimos. Recolenda nimirum animo sunt, quæ modo prolixè monuimus (not. §. 434.). Jus naturæ non potest effingi ad similitudinem morum; sed mores ex illo dijudicandi sunt. Distinguuntur Scholæ pro diversitate eorum, quæ in iisdem docentur: Sed ea differentia a constituto venit, & parum momenti ad præfens institutum affert. Apud nos *Gymnasia* medium quendam locum inter Scholas triviales, quæ vocantur, & Academias, seu Universitates obtinent. In iis adolescentes ad studia academica præparantur, immo etiam docentur, quæ in academiis doceri solent, ut ideo quoque docentes in classe superiori *Professores* rectè dicantur. At in jure naturæ, seu publico universali, illius parte, necesse non est, ut *Gymnasia* sigillatim consideremus.

§. 436.

In Rep. schola & academia constituenda sunt, & in iis De scholis & constituendi Præceptores & Professores, qui probe callent ea, quæ acadevniis docere debent, dono docendi instructi sunt, omnem in institutione & Præcepto diligentiam adhibent ac moribus sese discipulis commendant. ribus atque
Etenim in Rep. curæ esse debet Rectori civitatis, ut liberi professoriorum, qui in Rep. degunt, absque sumtu parentibus oneroso instituantur in iis, quorum notitia ipsis necessaria est *juendis.*
atque utilis, in eo præsertim vitæ genere, quod sequi debent, & ne illi quoque negligantur, quorum parentes sumtus necessarios suppeditare nequeunt (§. 429.). Quamobrem cum ea, quæ a pueris, adolescentibus atque juvenibus discenda sunt, doceantur in scholis, partim inferioribus,

Ss 3

par-

partim superioribus, sive Academicis (§. 433. 434.), qui vero in Scholis pueros & adolescentes instituunt, Præceptores, qui juvenes in Academicis, Professores sint (§. 432. 435.); in Rep. scholæ & academix sunt constituendæ, & in iis Præceptores ac Professores constituendi. *Quod erat primum.*

Enimvero qui alios docere debet, is ut norit ea, quæ debet docere, necesse est, quod per se patet. Quamobrem cum Præceptores & Professores docere debeant alios (§. 432. 435.); Præceptores ac Professores constituendi sunt, qui ea, quæ docere debent, probe callent. *Quod erat secundum.*

Porro cum experientia constet, non omnes esse aptos ad docendum, qui ea, quæ docenda sunt, optime callent; qui docere debet alios, docendi quoque dono instructus esse debet. Unde porro patet, non constituendos esse Præceptores & Professores, nisi qui dono docendi instructi sunt. *Quod erat tertium.*

Quoniam discentes ideo instituendi sunt, ut discant ea, quæ discere debent, quod per se patet; Præceptores quoque & Professores, qui eos instituere debent (§. 432. 435.), nihil eorum omittere debent, quod facere possunt, ut animi discipulorum notitia eorum imbuantur, quæ ipsi docere, hi discere debent. Quamobrem cum diligentes sint, ubi hoc faciunt (§. 751. pars. 1. Phil. pract. univ.); Præceptores & Professores constituendi sunt, quorum diligentia indefessa comperta est. *Quod erat quartum.*

Denique cum pueri, adolescentes ac juvenes manuducendi quoque sint ad virtutem & bonos mores (§. 395. 396.), exemplorum vero in eo maxima vis sit (§. 281. seqq. part. 2. phil.

Phil. præd. univ.) præterea constat auctoritatem docentium vilescere apud discentes, si illi pravis aut inclegantibus moribus deformatur, eo ipso autem non exiguum obstaculum poni discantibus in discendo; Præceptores atque Professores constituendi sunt, qui moribus sese discantibus commendant.

Quod erat quintum.

Scholæ & Academiæ sunt Seminaria Reip. in quibus educantur cives futuri in quovis vitæ genere. Quamobrem cum Reip. intersit bonos habere cives; haud postrema cura esse debet Rectoris civitatis, ut in scholis & academiis pueri, adolescentes & juvenes rite instituantur. Patet quoque Præceptores & Professores utilissimam Reip. operam præstare & de ea optime mereri, si munere suo rite fungantur, in casu autem opposito plurimum eidem dare damnum. Unde porro colligitur, maxima circumspectione opus esse, ut munus Præceptoris & Professoris non conferatur in indignos. Qua vero circumspectione hic utendum sit, in Politica doceri debet. Ipsa experientia docet, gentes incultas & barbaras esse, ubi defunt scholæ & academiæ, ac in pejus ruere omnia, si Præceptores & Professores munere suo non rite fungantur.

§. 437.

*Curandum est, ut Præceptores & Professores in scholis & De cura su-
academiis munere suo rite fungantur.* Constituendi enim sunt perioris, ut Præceptores ac Professores, qui rite callent ea, quæ docere Præceptores debent, dono docendi instructi sunt, omnem in institutione & Professore diligentiam adhibent ac moribus sese discantibus commendant (§. 436.). Quoniam vero minime sufficit eos esse suo rite fungantur, quo fungi debent, aptos; verum ut finis scholarum & academiæ obtineatur, necesse sit ut munere suo actu rite fungantur; curandum quoque est, ut singuli hoc faciant.

Recolenda hic sunt animo, quæ modo annotavimus (nos-

§. 436.).

§. 436.). Quomodo vero hac cura fungatur superior, in Politica uberius explicandum. Hic enim saltem docetur, quænam ad imperium pertineant in Rep.

§. 438.

De incrementis scientiarum & artium promovenda. In Rep. bene constituta curandum est, ut scientiæ ac artes, quantum datur, nova indices capiant incrementa. Quoniam homines obli-
gentiarum & ligantur distinctam rerum sibi cognitu possibilium cognitio-
artium pro- nem (§. 220. part. 1. Jur. nat.) & artem inveniendi, quantum
movenda. datur, acquirere (§. 250. part. 1. Jur. nat.), & cui am-
pior est facultatum, virium ac rerum usus & auxilium alie-
nium majus, is ad plura præstanda obligatur aliis (§. 177.
part. 1. Jur. nat.), qui scientias & artes novis inventis locu-
pletare, easque perficere valent, ad hoc faciendum obli-
gantur. Quamobrem cum in Rep. ea instituenda sint, quæ
mediorum vicem præstant officiis, seu obligationi naturali
satisfactoris & illorum praxin faciunt (§. 396.); in Rep.
bene constituta curandum est, ut scientiæ atque artes nova
indices, quantum datur, capiant incrementa.

De toto genere humano bene merentur, qui scientiarum
& artium incrementa promovent, præsertim si veritates dete-
ctas ad usum vitæ transferant. Videbimus autem suo loco,
sicuti homo nullus sibi soli vivit, sed prodesse quoque debet
aliis, ita quoque civitatem unam, aut, si mavis, populum
unum aliis prodesse debere. Rector itaque civitatis non so-
lum de civibus suis, sed de aliis etiam gentibus bene meretur,
si curet, ut scientiæ atque artes excolantur ac indices magis
magisque perficiantur. Accedit, eas gentes, apud quas scien-
tiæ & artes indices magis perficiuntur & novis inventis locu-
plerantur, inter cereras gloria emineant & auctoritatem apud
eas habeant. Patebit autem suo loco, quænam sit ea in re
civitatis obligatio, quando de Jure gentium acturi sumus.

§. 439.

§. 439.

Societates scientiarum dicuntur, quæ eo fine instituuntur, ut scientiæ ac artes perficiantur & novis inventis locupletentur. Vocantur etiam *Academæ Scientiarum*. *Societas scientiarum quid sit.*

Ostendimus alibi, cum de jure & officiis eruditorum ageremus, eruditos conjunctis viribus rerum cognitionem ac scientiam promovere debere (§. 363. *part. 6. Jur. nat.*). Huic officio non rectius satisfieri potest, quam si societates scientiarum instituantur: in hisce enim conjunctis viribus tenditur ad communem finem (§. 1. *part. 7. Jur. nat.*). Ex iis autem, quæ de societate in genere demonstravimus c. 1. *part. 7.* deducenda sunt ea, quæ ad societates scientiarum spectant, habita ratione finis earundem, quippe ex quo obligationes & jura sociorum metienda sunt, non neglectis iis, de quibus specialiter conventum est (§. 10. *part. 7. Jur. nat.*). Non probanda hic est coeca imitatio societatum istiusmodi alibi institutarum, cum etiam hic valeat pervulgatum istud, duos, cum faciunt idem, non facere idem. Imitatio rationalis esse debet (§. 208. *part. 2. Phil. pract. univ.*), ad quam manu ducit theoria de societate in genere modo laudata.

§. 440.

Quoniam in Rep. bene constituta curandum est, ut *De societate* scientiæ ac artes, quantum datur, nova indies capiant incrementa (§. 438.), per societates autem scientiarum scientiæ ac artes perficiuntur & novis indies inventis locupletentur (§. 439.); *in Rep. instituenda est societas scientiarum*. Cum vero in civitate omnia referenda sint ad finem civitatis (§. 4.); *opera quoque danda est, ut societas scientiarum ea detegere ac perficere studeat, quæ e re civitatis sunt.*

Officium boni civis est conferre ea pro virili, quæ ad bonum publicum promovendum conferre potest (§. 24.). Ea
(*Wolfii Jur. Nat. Pars VIII.*) T c obli-

obligatio non tollitur, quando quis sit membrum societatis scientiarum, sed potius augetur, cum publici boni promovendi causa publica autoritate ac sumtu publico instituantur societates scientiarum. Non sufficit præclare mereri de scientiis atque artibus, sed etiam præclare mereri tenentur membra societatis de Rep. Quamvis in veritatibus indagandis non semper ratio haberi possit utilitatis, quippe quæ non semper prævideri potest; sollicitè tamen dispiciendum, ut veritates inventæ ad usum Reip. quovis modo aptentur, & ut societas se utilem eidem præbeat, quantum potest, siquæ prævidet, quænam veritates eidem utiles esse possint, in iis detegendis assiduam collocet operam. Minime verendum, ne præjudicium utilitatis obstat progressui in veritate inveniendâ, & ne eodem veritates plurimæ, præsertim illæ, quæ non sunt ad captum nisi paucorum, immo paucissimorum, tanquam steriles damnentur. Qui enim finem civitatis intime perspicit, prouti eundem in anterioribus explicavimus, qui omnem obligationem naturalem emensus est, quam in parte prima enodavimus, qui principium generale constituendæ Reip. paulo ante traditum (§. 395.) ad animum revocat, qui denique utilitatem rite æstimare didicit, nec iudicium de ea suum deproperat; is societatem scientiarum intra arctiores limites minime coercet, quam par est. Nullum hic est iudicium eorûm, qui ea mentis perspicacia destituuntur, sine qua verum videri nequit. Nullibi magis peccatur, quam ubi de veritatum utilitate statuendum, propterea quod iudicium de ea nimis arduum atque difficile ac nimium tribuatur præjudiciis pro diversitate personarum plurimum variantibus.

§. 441.

Finis societatis scientiarum distinctius explicatur.

Quoniam *societas scientiarum* eo fine instituitur, ut scientiæ atque artes perficiantur & novis inventis locupletentur (§. 439.); eadem *veritates tum per scripta publici juris distinctius exactæ, tum inter homines diversa vitæ genera sequentes dispersas colligere,*

colligere, in rationes earum inquirere easdemque observationibus & experimentis comprobare, ad certitudinem perductas in ordinem redigere atque cum aliis connectere, ex iis, qua inventa sunt, alias deducere ac omni diligentia errores & defectus in scientiis & artibus obvios corrigere ac supplere tenetur, quantum datur.

Tempus fallitur, si iis inveniendis opera navetur, quæ dudum ab aliis inventa fuerunt. Quamobrem qui animum ad veritatem inveniendam appellant, nosse debent ea, quæ jam ab aliis inventa sunt: id quod etiam hunc usum præstat, ut alia detegere valeant, de quibus alias non cogitassent. Interest autem, ut verum a falso, certum ab incerto separetur, & ad hoc multum præsidii affert rationis & experientiæ connubium perpetuum. Errores corriguntur, si veritates in eorum locum substituantur, nec opus est, ut serra contentionis reciproceretur cum hominibus rixosis, quibus veritas parum curæ cordique est. Societas scientiarum veritatis amans & studiosa agere debet quod suum est, officiorum, quæ decent eruditos, tenax. Ceterum finem, cujus gratia instituitur, distincte explicare debuimus, ut suo loco appareat, quibusnam mediis idem obtineatur.

§. 442.

Præses societatis scientiarum dicitur is, cuius curæ demandatum est, ut omnia recte fiant in societate, consequenter cui imperium in societate delatum est (§. 194. *part. 7. Jur. nat.*).

Præses societatis scientiarum qui nam sit.

Idem ergo est, quem in genere Rectorem societatis diximus (§. 218. *part. 7. Jur. nat.*). Quamobrem quæ de Rectore societatis in genere demonstravimus (§. 224. *part. 7. Jur. nat.*), ea ad Præsidem societatis scientiarum facile applicantur, habita saltem ratione finis, qui eidem proprius est, nec neglecta differentia, quæ inter societatem intercedit, quæ ab imperante in civitate instituitur, & eam, quam socii sua sponte,

seu proprio motu per se contrahunt: Quæ nimirum sunt universitatis partes in societate privata, eadem sunt Rectoris civitatis in societate ab ipso instituta. Quemadmodum itaque in societate omnia determinanda sunt communi sociorum consensu, ita in societate scientiarum a Rectore civitatis instituta omnia determinanda sunt juxta voluntatem instituentis, a qua pender, quantum juris in Præsidem scientiarum conferre velit. Quemadmodum in civitate imperium non uno modo conferri potest in superiorem; ita quoque idem ad illius similitudinem diversis modis conferri potest in Præsidem scientiarum. Sufficit itaque indicare fontes, unde haurienda est theoria societatis scientiarum, cum nobis permittum non sit in præsentia ea tradere ex instituto.

§. 443.

*Qualis esse
debeat Præ-
ses scientia-
rum.*

Quoniam Præses societatis scientiarum curæ habere debet, ut omnia recte fiant in societate (§. 442.), societas vero veritates jam detectas colligere, in rationes earum inquirere easdemque observationibus & experimentis comprobare, ad certitudinem perductas in ordinem redigere, atque cum aliis connectere, ex iis, quæ inventæ sunt, alias deducere ac omni diligentia errores & defectus in scientiis & artibus obvios corrigere ac supplere tenetur, quantum datur (§. 441.), inprimis autem operam dare, ut ea detegat & perficere studeat, quæ e re civitatis sunt (§. 440.); *Præses scientiarum in omni scientiarum & artium genere probe versatus esse debet, aut ei adjungendi sunt Directores in diversis scientiis atque artibus excellentes.*

Quatenus eruditi conjunctis viribus rerum cognitionem ac Scientiam promovere debent (§. 863. part. 6. Jur. nat.); ipsa naturæ lege societas quædam inter ipsos constituta est (§. 1. part. 7. Jur. nat.), qualem ipsa natura inter homines omnes instituit (§. 142. part. 7. Jur. nat.). Et hinc intelligitur, quo

quo sensu admitti possit, dari *Repp. literariam*. Societas hæc regitur sola lege naturali, cum careat Præside, cui imperium in socios concessum. Unde ea observanda in eadem sunt, quæ de officiis atque jure eruditorum demonstravimus integro capite in parte septima Juris naturæ. Enimvero sicuti non omnes homines, tanquam membra societatis illius naturalis magnæ, quamdiu in statu naturali vivunt, officio suo satisfaciunt & unicuique jus suum tribuunt; ita quoque non omnes eruditi officii omnes partes adimplent, ut boni sint cives in Rep. literaria. Eadem igitur de causa instituendæ sunt societates scientiarum in Rep. qua de causa in civitatem coitur statu naturali relicto. Ac ideo porro in societate scientiarum in Rep. instituta rectius satisfieri potest officiis eruditorum & præcaveri, ne unus jus alterius violet, quam in vulgo sic dicta Rep. literaria, in qua prohi dolor! haud raro valet proverbium Germanorum, quo quis dicitur eo perversior, quo doctior, je gelehrter, je verschrter: sit ita, quod etiam Rector civitatis coercere debeat perverfos eruditorum mores & intra limites officii eosdem continere (§. 395.).

§. 444.

Societas scientiarum suas habere debet leges. Etenim *De necessi-* quælibet societas suas habere debet leges (§. 46. *part. 7. Jur. tate legum* *nat.*). Quamobrem societas quoque scientiarum leges suas *in societate* habere debet (§. 439.). *scientia-*

Vide, quæ alias de necessitate legum in qualibet societate *tum.* annotavimus (*not. §. 46. part. 7. Jur. nat.*).

§. 445.

Leges societatis Statuta ejusdem appellantur. In ge- *Statuta* nere enim leges particulares universitati cuidam in specie *quid sit.* præscriptæ *Statuta* vocari solent.

In civitate statuta distinguuntur a legibus non tam re, quam
Tt 3 nomi-

nomine, cum utrisque definitio legis in genere competat (§. 131. part. 1. *Phil. pract. univ.*), quatenus scilicet leges omnibus promiscue civibus feruntur, quodcumque tandem vitæ genus sequantur, statuta vero universitati cuidam particulari propria sunt, quippe quorum ratio desumpta est ex certo vitæ genere, aut ex aliis circumstantiis particularibus.

§. 446.

*De materia
statutorum
societatis
scientiarum.*

Quoniam statuta societatis leges sunt, ad quas membra societatis actiones suas componere tenentur (§. 445.) leges autem in qualibet societate præscribunt media, quibus finis societatis obtinetur (§. 49. part. 7. *Jur. nat.*); statuta quoque societatis scientiarum præscribere debent media, quibus finis ejusdem obtinetur.

Probe hic perpendenda sunt, quæ in eam rem in genere alibi annotavimus (nos. §. 49. part. 7. *Jur. nat.*).

§. 477.

*De libertate
philosophandi
societati
scientiarum
concedenda.*

Societati scientiarum concedenda est philosophandi libertas. Etenim societas scientiarum veritates ab aliis detectas colligere & ad certitudinem perducere debet, ac novas detegere (§. 441.). Quamobrem cogi nequit, ut aliorum de rebus philosophicis sententiam defendat tanquam veram, utut contrarium ipsi videatur; sed permittendum est, ut suam de iis sententiam publice proponat, sive ea receptis vulgo opinionibus conformis sit, sive contraria. Quoniam itaque liberas philosophandi consistit in permissione publice proponendi suam de rebus philosophicis sententiam (§. 151. *Disc. pralim.*); societati scientiarum concedenda est philosophandi libertas.

In societate scientiarum facilius præcaveri potest, ne liber-
tas

tas philosophandi vertatur in licentiam sentiendi, ex qua damnum redundare possit in Remp. quatenus disseminantur opiniones religioni & bonis moribus, vel statui civili adversæ, cum suas habeat leges (§. 444.), quas ut stricte observent singula membra Præses curæ habere debet (§. 442.), quippe custos legum. Contradictorium est, committere alicui veri inquisitionem atque investigationem & eidem præscribere, ut quædam sine inquisitione sumat tanquam vera & ex iis deducat, quæ inde consequuntur, iisdemque conformet, quæ statuit. Diffiteri non possumus, promiscuam libertatem philosophandi sua habere incommoda, & haud raro Reip. esse damnosam. Sed talia vix metuenda sunt, si libertas philosophandi concedatur societati scientiarum suis non modo legibus munitæ, verum etiam istiusmodi membris instructæ, quæ usum ab abusu separare norunt, præsertim cum de omnibus communi sociorum consensu statuatur.

§. 448.

Præsidi cura esse debet, ut concordia sociorum conservetur, De concordia vero locus non relinquatur. Etenim socii quilibet *dia sociorum* concordēs esse debent (§. 136. *part. 7. Jur. nat.*). Ergo *conservanda.* etiam socii in societate scientiarum concordēs esse debent. Et quoniam Præses scientiarum curæ habere debet, ut omnia recte fiant in societate (§. 442.); consequenter etiam ut socii sint concordēs *per demonstrata*; curæ omnino eidem esse debet, ut sociorum concordia conservetur. *Quod erat nunt.*

Enimvero quoniam concordēs esse nequeunt socii, si discordiæ relinquatur locus (§. 132. 133. *part. 7. Jur. nat.*), præsidi autem curæ esse debet, ut concordia sociorum conservetur, *per demonstrata n. 1.* idem quoque discordiis locum nullum relinquere debet. *Quod erat alterum.*

Leges

Leges societati præscriptæ tendunt etiam ad concordiam sociorum conservandam & discordiis omnem aditum in societatem præcludendum. Præses societatum custos legum est, nec permittere debet, ut aliquis sociorum committat eidem adversa (§. 442. 446.). Præses itaque permittere non debet, quæ discordiis in societate locum faciunt,

§. 449.

De cura societatis scientiarum Societas scientiarum inquirere debet in ea, quæ ad oeconomiam ruralem, veluti rem agrariam, hortensem & pecuariam pertinent, nec non ad artes manuum & opificia, præsertim ea, quæ circa oeconomiam ruralem cognitionem naturæ aliquid conferunt & ope Matheseos perfici possunt. Societas enim scientiarum inquirere debet in omnes veritates inter homines diversæ vitæ genera sequentes dispersas (§. 441.) operamque dare, ut ea detegat atque perficiat, quæ e re civitatis sunt (§. 440.). Quamobrem inquirere quoque debet in ea, quæ ad oeconomiam ruralem, veluti rem agrariam, hortensem & pecuariam, nec non ad artes manuum & opificia pertinent. *Quod erat unum.*

Et quoniam cognitio naturæ & cultus Matheseos societati scientiarum curæ esse debet (§. 439.), ad naturæ autem cognitionem non parum confert notitia eorum, quæ in re rustica & variis opificiis atque artibus manuariis obvia sunt, prouti a posteriori abunde constat, nec minus notum est, artes manuum & varia in re rustica ope Matheseos perfici posse; societas scientiarum utique in ea potissimum inquirere debet, quæ ad cognitionem naturæ aliquid conferre, vel etiam ope Matheseos perfici possunt. *Quod erat alterum.*

Quamvis unicuique sociorum permittendum sit, ut in eo genere veritatum ingenii sui vires exercent, ad quas amplificandas

candas & propagandas maxime aptus est, cum nihil faciendum sit invita Minerva; propterea tamen negligenda non sunt, quæ manifestam in Rep. utilitatem spondent (§. 440.). Eligenda nimirum quoque sunt membra, quæ in hoc genere veritatem operam suam non inutiliter collocant. Physica & Mathesis non in sola speculatione subsistere debet; sed reddenda quoque est generi humano utilis. Omnis enim theoria propter praxin est, etsi non semper immediate ad eandem tendat. Qui alto supercilio contemnunt ea, quæ vulgo prodesse videntur, tanquam vulgaria, abjecta & excelsis ingenio minus digna; illi vano quodam fastu ducuntur, ut ad pompam magis, quam ad utilitatem generis humani philosophari malint: in quo sane non uno modo peccant, quod facile pervidere est iis, qui in Jure naturæ versati sunt.

§. 450.

Quoniam societas scientiarum inquirere debet in ea *De historia* quæ ad omnem rem rusticam, ad artes manuales & opificia & scientia pertinent (§. 449.); *historiam accuratam omnis rei rusticæ, rei rusticæ, omnium artium & opificiorum conscribere & in rationes singulorum, artium & quæ ubivis occurrunt, sollicite inquirere & quamvis altius perficere opificiorum: possint disquirere debet* (§. 439.).

Dudum agnovit *Robertus Boyle*, quantum adjumenti afferant ad naturæ cognitionem notiones ex re rustica, & artium atque opificiorum officinis desumptæ & nostram ea de re sententiam diximus alibi in præfatione ad opus quoddam de Venatione idiomate Germanico conscriptum ab *Henrico Wilhelmo Doehelio*. Notiones autem fecundas inde derivare non licet, nisi accurata propter singulorum in re rustica & omnium artium ac opificiorum genere descriptio. Insunt singulis notiones generales, quæ ab eo, qui sufficiente acumine utitur, abstrahi & instar notionum communium in veritate investiganda adhiberi possunt. Historiam huic usui aptam condere

(*Wolffii Jur. Nat. Pars VIII.*) Uu non

non est cujusvis, nec unius hominis. Artes perficere atque opificia absque istiusmodi historia, immo scientiam earundem tradere ea nondum supposita minime licet. Artem perficere velle nisi penitus perspectam ausus temerarius est. Non desunt exempla, quæ in medium adduci poterant, nisi famæ virorum in suo genere alias optime meritorum parcendum esset (§. 893. *part. 6. Jur. nat.*). Quodsi mihi liceret esse adeo felici, ut ea, quæ de arte inveniendi animo concepi, in ordinem redigere possem; modum derivandi notiones foecundas ex iis, quæ vulgo obvia sunt, expositurus & exemplis confirmaturus essem. Sed hæc a providentia divina dependent.

§. 451.

De iis, quæ ad prudentiam civilem spectant.

Societas scientiarum inquirere debet in omnia, quæ ad civitatem rite constituendam, gubernandam, conservandam & perficiendam requiruntur. Omnes enim artes, consequenter etiam liberales (§. 871. *part. 6. Jur. nat.*), quas inter principem quendam locum obtinet ars Remp. rite constituendi, gubernandi & conservandi, perficere debet, & novis inventis locupletare (§. 439.), ac inprimis operam dare, ut ea detegantur ac perficiantur, quæ re civitatis sunt (§. 440.). Dubitandum igitur non est, quin etiam ad societatem scientiarum pertineat inquirere in ea omnia, quæ ad eam rite constituendam, gubernandam, conservandam atque perficiendam requiruntur.

Nostram de theoria negotiorum publicorum sententiam diximus in Horis subsecivis Marburgensibus. Et per ea, quæ ibidem fusius exposita sunt, propositionis præsentis veritas clarius elucescit. Quantum defectu istiusmodi theoriæ peccetur, tum quod qui publicis negotiis præsumt non ea pollent mentis vi, qua ad prolixas discussiones agendorum opus est, aut propter multitudinem negotiorum istiusmodi discussionibus vacare

care nequeunt, tum quod plerumque alios imitentur, non vero semper satis feliciter, nisi ante imitanda ad rationis trutinam rite exigantur. Non curamus dubia, quæ forsan mo-
veri poterant. Neque enim alia esse poterunt, quam quæ
parit ignorantia modi, quo societas scientiarum huic labori par
esse possit. Eum vero exponere non est hujus loci, quam-
vis nonnulla jam prævidere detur per ea, quæ de artibus & opi-
ficiis perficiendis modo tradidimus (§. 450.).

§. 452.

Societates artium dicuntur, quæ eo fine instituuntur, *De societa-*
ut educantur artifices in arte, quam profitentur, exercenda *tibus ar-*
excellentes. Vocantur etiam *Academica artium*. Qui igitur
tur in *societatibus vel Academicis artium educati sunt artifices, ti-*
rones in urbibus optime instituere possunt. Istiusmodi Acade-
miæ sunt *Academia Pictorum*, in qua ars pingendi exercetur:
Academia Architectorum, in qua architectura docetur: *Acade-*
mia Musicorum, in qua Musica docetur.

Quamvis artium perficiendarum curam ad societatem scien-
tiarum retulerimus (§. 449. 450.); diversa tamen sunt socie-
tatis scientiarum & societatis sive academix artium munia. Illa
enim acquiescit in historia atque scientia artium (§. 450.);
hæc vero praxin artis docet. Unde mutuis consiliis se invi-
cem juvare & sibi mutuo prodesse possunt.

§. 453.

Quoniam in academicis artium educantur artifices *Quod in*
excellentes, qui tirones in urbibus optime instituere possunt *Rep. insti-*
(§. 452.), interest autem Reip. ut artes rite exercentur, *tuenda,*
quod sumere licet, & ipsa obligatio naturalis ad laborem
suum recte perficiendum insinuat (§. 522. part. 1. Jur. nat.);

Uu 2

ideo

ideo in Rep. bene constituta instituenda quoque sunt societates, seu academia artium.

Rektor civitatis curæ etiam habere debet ea, quæ ad vitam commodè atque jucundè transigendam requiruntur (§. 420.). Quamobrem absonum videri minime debet, si illius cura etiam extendatur ad educandum artifices, qui operam suam huc conferre valent. Quemadmodum vero in hoc universo omnia inter se admirando prorsus modo connexa sunt; ita quoque scientiæ atque artes sororio quodam vinculo cohærent, ut mutuis auxiliis indigeant ad sui perfectionem, nec ea, quæ ad vitæ necessitatem, commoditatem & jucunditatem faciunt, ita a se invicem separata sunt, ut non haud raro a se invicem dependeant. Otiosus spectator est rerum humanarum, qui dependentiam istam nondum animadvertit. Absit itaque ut tibi persuadeas, artibus carere posse Remp. quæ tantum ad jucunditatem facere videntur, vel etiam iis, quæ commoditati consulunt ad vitam beatam minime facienti. Istiusmodi iudicia, etsi bonis animis sese subinde commendunt, qui vanitatis spirant contemptum, deproperantur tamen ab hominibus, qui hebetiores sunt, quam ut rerum omnium nexum penitus perspicere valeant. Sed demus exemplum, ut illorum hominum, quorum laudanda est voluntas, sed acumen deficit, ἀβελήαν quodammodo juvemus. Sine arte pictoria rite excolta artem sculptorum procul abesse a perfectione sua patet. Ecquis vero est, qui nesciat, quantum interfit in omni Historia naturali, in philosophia experimental, in astronomia, in architectura, in anatomia, in mechanica practica aliisque multis disciplinis, ut tabulis æneis accurate incidantur, quæ, cum oculis subjici deberent, subjici autem non possint, accurata imagine representanda veniunt. Rerum autem istarum idæ animo insiguntur tum in scientiæ, tum in vitæ usum.

§. 454.

De cura ut
opifices la-

Rektori civitatis cura esse debet, ut omnes opifices labore
suo

suo rite fungantur. Etenim naturaliter opifices omnes obli-
gantur laborem suum recte perficere (§. 522. *part. 1. Jur. re fungan-*
nat.), eodemque ita perfungi, ut finem per eum intentum
ex asse consequantur (§. 523. *part. 1. Jur.*). Quamobrem
cum Rector civitatis operam dare debeat, ut obligationi
naturali satisfaciant cives (§. 395.); eidem quoque curæ
esse debet, ut opifices labore suo rite fungantur.

Ostenditur etiam hoc modo. Rectori civitatis cu-
ræ esse debet, ut res artificiales in usum civium multiplicen-
tur (§. 421.), & nemo non ultro concedet, eas debere esse
ad usum, cui destinantur, maxime aptas. Quamobrem cum
opifices parent res artificiales, & eadem ad usum, cui desti-
nantur, maxime aptæ deprehendantur, siquidem illi labo-
rem suum recte perficere eodemque ita perfungi studeant,
ut finem per eum intentum ex asse consequantur; rectori
civitatis curæ etiam esse debet, ut omnes opifices labore
suo rite fungantur.

Non ignotæ sunt querelæ civium, si opifices desiderentur,
qui labore suo rite perfungi nesciunt, aut per negligentiam,
vel malitiam nolunt. Neque ignota sunt damna, quæ incur-
runt cives, siquidem opifices res artificiales non rite faciant.
Talia cum obvia sint, prolixè recenseri non est opus; sufficit
attentionem ad ea excitasse.

§. 455.

Quoniam Rectori civitatis curæ esse debet, ut omnes
opifices labore suo rite fungantur (§. 454.), nemo autem
labore suo rite fungi potest, nisi qui novit, quomodo eo-
dem rite fungi debeat & habitum eodem rite fungendi sibi
comparavit, quod per se patet; *Cura ista*
potro expen-
dunt. *necesse est ut sint opifices ex-*

*cellentes, qui alios instituere possunt & curandum ut fideliter insti-
tuant, nec in numerum eorumdem recipiantur, nisi apti, nec fe-
rendum, ut in officio quis desiderari patiatur industriam suam.*

Paucis hic multa complectuntur sive officia in genere spe-
ctes, sive in specie, & in Politica latum campum aperiunt,
ubi de mediis dispiciendum, quibus illa obtinentur.

§. 456.

*De cura su-
perioris cir-
ca virtute-
tem.*

*Cura esse debet Reſtori civitatis, ut ſubditi ſint virtute
dediti, & ne a virtutis tramite ad vitia deſcendant, & qui deſce-
dunt a vitiis revocentur & in viam rectam reducantur. Etenim
in civitatem quoque ideo coſunt homines, ut ſint felices
(§. 4.). Aſt ſine virtute nemo felix eſſe, nec felicitas a
virtute ſcungi poteſt (§. 400. part. 1. Phil. pract. univ.), vi-
tio vero deditus felix eſſe nequit (§. 403. part. 1. Phil. pract.
univ.). Reſtori itaque civitatis curæ eſſe debet, ut ſubditi
ſint virtute dediti & ne a virtutis tramite ad vitia deſcendant,
qui vero deſcendunt, ab iisdem in viam rectam revocentur.*

Oſtenditur etiam hoc modo. In Rep. constituenda
opera danda eſt, ut qui ad legem naturæ ſervandam proni
ſunt juventur, nec ab aliis impendantur, ceteri autem vi ad-
igantur, ut minimum actus externos ad legem naturæ com-
ponent (§. 395.). Quamobrem cum in habitu actiones ſuas
legi naturali conformiter dirigendi actiones ſuas virtus (§. 321.
part. 1. Phil. pract. univ.), in habitu contrario vitium con-
ſiſtat (§. 322. part. 1. Phil. pract. univ.) & continuo com-
mittendo actiones legi naturæ conformes virtus (§. 324.
part. 1. Phil. pract. univ.), continuo autem committendo
actiones legi naturæ contrarias vitium conſervetur & augea-
tur (§. 325. part. 1. Phil. pract. univ.); Reſtori civitatis curæ
eſſe debet, ut ſubditi ſint virtuti dediti & ne a virtutis tra-
mite

mite ad vitia deflectant, & qui deflectunt a vitiis revocentur & in viam rectam reducantur.

Non deerunt forsan, qui existimaturi sunt, quod in Rep. ratio saltem habenda sit honestatis externæ, ut scilicet actus subditorum externi legi naturæ convenient, actionum vero internarum, quæ ad virtutem requiruntur (§. 328. *part. 1. Phil. pract. univ.*), minime. Enimvero decipit eos error, quod vident, in Rep. actus saltem externos puniri, non vero cogitationes. Alia vero quæstio est, quinam actus in Rep. sint puniendi; alia vero, quibusnam subditi adsuescieri debeant. Accedit quod honestas externa non sufficiat ad arcendas injurias omnes, cum interna honestate carentes non desistant a machinationibus occultis & aliis clam nocere non vereantur. Virtute vero non certius contra injurias quasvis præsidium est. Quodsi fieri posset, ut subditi omnes efficerentur virtuosi, curam omnem honestatis externæ abjiceret Rector civitatis, cum ea virtutem sua sponte comitetur: at quoniam illud fieri nequit, honestas saltem externa promovetur, quantum datur.

§. 457.

Inprimis Rectori civitatis cura esse debet, ut subditi sint pii. Etenim Rectori civitatis curæ esse debet, ut subditi sint virtuti dediti, nec ab ejus tramite ad vitia deflectant (§. 456.). Enimvero si pietas cum virtute conjungitur, ea facilius acquiritur & conservatur (§. 344. *part. 1. Phil. pract. univ.*). Quamobrem Rectori civitatis inprimis curæ esse debet, ut subditi sint pii. *De pietate promovenda.*

Qui pietatem cum virtute conjungit, actiones legi naturæ conformes committit, disformes omittit, quia Deus illas committi, has omitti vult (§. 341. *part. 1. Phil. pract. univ.*), consequenter sola voluntas Dei motivum sufficiens est actiones alias committendi alias omittendi (§. 887. *Psych. empir.*), si vel maxime quis non capiat actionum intrinsecam bonitatem & malitiam, quæ alias motiva

motiva agendi & non agendi sunt (§. 337. *part. 1. Phil. pract. univ.*). Et quoniam Deus in omnibus actionibus colendus (§. 1124. *part. 1. Jur. nat.*), hoc autem facit, qui pius est (§. 1127. *part. 1. Jur. nat.*), virtus omnis absque pietate imperfecta est. Immo qui pius non est, ei facile persuadet utilitas, ut a virtutis tramite deflectat.

§. 458.

*De cultu di-
vino pro-
movendo.*

Reſtori civitatis curæ eſſe debet, ut ſubditi Deum colant.

Etenim homines obligantur per ipsam essentialiam atque naturam suam colere Deum (§. 1122. *part. 1. Jur. nat.*) & ut Deum colant præceptum legis naturalis est (§. 1123. *part. 1. Jur. nat.*). Quamobrem cum Rector civitatis operam dare debeat, ut subditi actiones suas ad legem naturæ componant (§. 395.); eidem quoque curæ eſſe debet, ut Deum colant.

Ostenditur etiam hoc modo. Rectori civitatis curæ eſſe debet, ut subditi sint pii (§. 457.). Quamobrem cum pius actiones suas determinet vi motivorum ab attributis divinis & providentia divina defunctorum (§. 339. *part. 1. Phil. pract. univ.*), consequenter edat actiones, quas editurus non eſſet, nisi pro certo haberet dari Deum, Deum autem colit, qui certas edit actiones, quia agnoscit Deum eſſe, eas non editurus, nisi eundem agnosceret (§. 511. *part. 2. Theol. nat.*); Rectori civitatis curæ eſſe debet, ut subditi Deum colant.

Poterat idem probari adhuc aliter; sed opus non est, ut simus prolixiores in re satis manifesta. Pertinent ad cultum divinum officia omnia erga Deum (§. 1234. *part. 1. Jur. nat.*). Quodsi ergo Rector civitatis providere debet, ut Deus colatur; nihil eorum omittere tenetur, quæ conferre potest ad hoc, ut subditi officiis erga Deum satisfaciant.

§. 459.

§. 459.

Doctores publici dicuntur, qui publica autoritate con- *De Doctori-*
stituuntur, ut eos, qui in civitate degunt, de Deo & volun- *bus publi-*
tate ejus, de virtute ac vitiis & cultu divino instituant, ad *cis.*
virtutem incitent & a vitiis revocent. Quoniam Rectori
civitatis curæ esse debet, ut subditi sint virtuti dediti, nec
ab jus tramite ad vitia deflectant, & qui deflectunt, eos ab
iisdem in viam rectam revocentur (§. 456.), ut sint pii (§. 457.),
& Deum colant (§. 458.); consequenter officiis erga Deum
satisfaciant (§. 1234. *part. I. Jur. nat.*), *Doctores publici in*
Rep. sunt instituendi.

Doctores publicos hic vocamus nomine generali, qui po-
pulum publice docent & ea curant, quæ ad cultum divinum
spectant. Modus colendi Deum religio vocatur (§. 512.
part. 2. Theol. nat.). Cum gentes omnes non eodem modo
colant Deum; religio non eadem est apud omnes. Diversi-
tas religionum diversa quoque peperit nomina eorum, quibus
cultus divini cura commissa est. Ita apud Protestantes *Mini-*
stri Ecclesia dicuntur. Vocantur etiam subinde *sacerdotes*,
quamvis non satis apte, certe alio sensu, quam apud Catho-
licos; nonnunquam etiam *Concionatores*. Sed in jure naturæ,
ubi de iis potissimum agitur, quæ ex principiis rationis dedu-
cuntur, ea attendenda non sunt, quæ ex alio fonte derivantur
& denominationem suam inde accipiunt.

§. 460.

Quoniam *doctores publici* populum instituere debent *Quales illi*
de Deo & voluntate ejus, de virtute colenda ac vitiis fu- *esse debeant.*
giendis atque cultu divino, eundemque ad virtutem incitare
& a vitio revocare (§. 459.); *neceffe est, ut notitia Dei & vo-*
luntatis ejusdem, & tam eorum, quæ ad theoriæ, quam praxin
(Wolffii Jur. Nat. Pars VIII.) X x *virtu-*

virtutum & vitiorum, omnemque cultum divinum pertinent, sint instructi & ad docendum apti. Quoniam vero alios exemplo nostro virtutes docere & ad earum studium incitare debemus (§. 639. *part. 1. Jur. nat.*), exempla bona aliis præbentes, mala vero non prodentes (§. 930. *part. 1. Jur. nat.*), imprimis etiam exemplum Deum rite colendi (§. 1242. *part. 1. Jur. nat.*), exemplorum etiam magna vis est (§. 299. *& seqq. part. 2. Phil. pract. univ.*), præsertim si præbeantur ab iis, qui alios docere debent, ac imprimis penes plebem imperitam, quod indices experimur; *doctores publici in virtutis quolibet genere ac cultu divino præter alios excellere debent.*

Si in religione naturali subsistamus, quemadmodum in Jure naturæ fieri debet, quod non progreditur ultra ea, quæ beneficio rationis cognoscuntur, ex iis, in quibus doctor publicus populum instituere debet, patet, eum in Theologia naturali, in Jure naturæ, in philosophia morali & civili, seu Ethica atque Politica, & in Historia naturali & Physica, quatenus ad cognitionem Dei a posteriori acquirendum facit, versatum esse debere. Et quia Theologia imprimis naturalis supponit Ontologiam, Psychologiam & Cosmologiam generalem, Philosophia autem moralis Ontologiam & imprimis Psychologiam empiricam; eundem quoque Ontologiæ, Cosmologiæ & Psychologiæ empiricæ non imperitum esse debere, ut vero in addiscendis scientiis istis inoffenso pede progrediatur, & facultatibus cognoscendi rite utatur, Logicæ quoque & Mathematicæ puræ methodo veterum pertractatæ operam assiduam navare. Religio naturalis a revelata separari nequit. Quamobrem si vel maxime hæc in civitate introducta; doctores tamen publici omnibus istis scientiis operam dare debent, nec ad Theologiam revelatam accedere, nisi istis præmissis. Atque hinc intelligitur, ex quibusnam judicium fieri possit, num quis ad munus doctoris publici obeundum sit aptus, si a religione revelata disculas, quæ præterea alia adhuc requirit istis super-

superaddenda, sed a foro nostro aliena. Per se autem pater, nobis hic non esse sermonem nisi de iis, quorum notitia imbutus esse debet animus doctoris publici, quæ tamen omnem aptitudinem nondum absolvit. Cum populum docere debeat & ad virtutis studium, vitiorum fugam incitare; non deſtini debet iis dotibus, quæ ad docendum requiruntur, tam naturalibus, quam exercitio acquisitis: qua de causa arte quoque oratoria carere nequit. Et quatenus exemplo quoque populum docere debet agenda & non agenda ac modum Deum ſincere colendi; ad aptitudinem omnino pertinet, probis moribus ac pietate eſſe conſpiciuum. Non ſine ratione diſertius dicere libuit, quæ propoſitio præſens in ſe continet. Ad ea enim non modo animum attendere debent, qui ad munus doctoris publici ſeſe præparant; verum etiam illi, quibus demandata eſt cura conſtituendi Profeſſores. Quodſi Profeſſores deſiderentur, qui ea tradere rite valent, quæ ad doctoris publici munus adſpiranti cognitu neceſſaria ſunt; fieri vix poterit, ut Reſp. habeat doctores publicos, qui munere ſuo rite fungantur. Caret igitur etiam fructu, quem ab iis ſperare poterat.

§. 461.

Templa dicuntur ædificia eo fine extructa, ut in iis *Templum* conventus cultus divini gratia celebrentur. Dicuntur etiam *quid ſit. Aedes ſacra*, vel *Aedes Dei*; idiomate vernaculo *Kirchen*.

Apud Romanos adſiciebantur nomina Deorum, quibus ædes iſtæ erant dicatæ, ut ædes Jovis, ædes Mercurii, ædes concordiæ: templum vero ſine adjectione dicebatur ædificium ſacris uſibus deſtinatum.

§. 462.

Quoniam homines natura obligantur ad conventus *De templis* cultus divini gratia celebrandos (§. 1251. *part. 1. Jur. nat.*), in Rep. con- in civitate vero cura etiam habenda, ut Deus colatur (§. *denais*.

XX 2

458.);

458.); eo quoque fine extruenda sunt ædificia, ut in iis conventus cultus divini gratia celebrentur, consequenter cum hæc ædificia templa sint (§. 461.), *in Rep. templa sunt condenda.*

Sunt qui templorum extruccionem ad superstitionem referunt, quasi in ædibus privatis conventus cultus divini gratia celebrari possint. Atque nullus dubito fore, ut iidem existiment, absurdum esse, ut templorum in Rep. extruccio ad Jus naturæ referatur. Enimvero perpendant velim, nos eorum extruendorum necessitatem non aliunde, quam ex principiis Juris naturæ deduxisse, quæ ipsimet in dubium vocare minime possunt. Quod vero ex indubiis Juris naturæ principiis necessaria consequentia deducitur, id utique Juris naturæ est.

§. 463.

*Quod in iis
munere suo
fungi debeant doctores
publici.*

Doctores publici munere suo fungi debent in templis.
Etenim in templis celebrantur conventus cultus divini gratia (§. 461.). Enimvero in his conventibus docendi sunt qui conveniunt, quoniam sit Deus, quænam sit ejus de actibus nostris determinandis voluntas, quomodo sit colendus, & adhortandi, ut Deum colant, quæque his gemina sunt (§. 1241. 1252. *part. 1. Jur. nat.*). Quamobrem cum hoc munus demandatum sit doctoribus publicis (§. 459.); doctores publici munere suo fungi debent in templis.

Constituuntur doctores publici populi instituendi causa (§. 459.), & templa conduntur, ut cultus divini gratia, cujus illa institutio pars haud postrema est (§. 1241. *part. 1. Jur. nat.*), convenire possit populus. In Rep. igitur constituuntur doctores publici, ut in templis populum doceant, & in iis cultus divini causa convenire debeat populus. Ita sane obtinetur, ut unus multis instruendis sufficiat, & vel omnes, qui in eodem loco habitant, vel certe multi simul cultui Dei eterno vacare possint.

§. 464.

§. 464.

Quoniam doctores publici munere suo fungi de-
bent in templis (§. 463.), *officio eorum parum convenis in ad-* *De conventi-*
culis priva-
bus suis privatis conventus privatos instituire cultus divini causa, *tis in adibus*
consequenter Rector civitatis id ferre non tenetur. *doctorum*
publicorum.

Turbant ordinem Reip. qui conventus privatos instituunt
cultus divini causa, qui celebrari debent in templis ex con-
stitutione Rectoris civitatis, & ipsimet si hoc faciant doctores
publici munus suum suspectum reddunt populo, vel eum su-
perstitiosum efficiunt, quasi cultus istiusmodi privatus melior
sit cultu publico. Pietatis pompas cultores conventicula
privata vel cultui divino publico præferunt, vel eidem jun-
gunt, ut aliis videantur sanctiores. Ast cum inde plurima
mala in Remp. redundant, in Rep. bene constituta recte non
tolerantur. Nihil vero absurdius cogitari potest, quam si do-
ctores publici, qui in templis populum instituere debent, &
quibus tempus abunde sufficit, ut quæ docenda sunt ipsum
doceant, in contemtum muneris sui conventiculis privatis de-
lectentur. Sed quidni ab initio hominibus bonæ mentis per-
suadet incitria, quod deinceps alii vel coeco impetu, vel ob
rationes a veritate alienas imitantur?

§. 465.

Templa ita extruenda sunt, ut sint cultui divino apta. *De figura*
Conducuntur enim eo fine, ut in iis conventus cultus divini *templorum.*
gratia celebrentur (§. 461.). Quamobrem cum necesse
sit, ut qui in iis conveniunt cultui divino commode vacare
possint; ita extruenda sunt, ut cultui divino apta sint.

Edificium recte extructum dici nequit, nisi fini, cujus
causa extruitur, sit aptum. Quamobrem nec templum recte
extructum dici poterit, nisi aptum sit fini, cujus causa extrui-
tur, cultui nimirum divino (§. 461.). Lex naturæ nos ob-

ligat ad actionum omnium rectitudinem (§. 189. part. 1. *Phil. pract. univ.*), immo etiam ut recte laborem nostrum perficiamus (§. 522. part. 1. *Jur. nat.*), ac ideo operam demus, ut ne res artificiales, quarum in numero templa sunt, sua careant perfectione (§. 525. part. 1. *Jur. nat.*), consequenter singula in iisdem distinguenda determinentur per finem, cujus gratia fiunt (§. 524. part. 1. *Jur. nat.*). Nihil igitur hic præcipitur, quod sit a principiis Juris naturalis alienum, etsi hoc minime videant, qui nexum veritatum ad Juris scientiam pertinentium minime perspexerunt. Architecti vero est ex hoc fine deducere, quomodo templa extruenda sint, ut pateat structura a structura aliorum ædificiorum differentia. Et quid conveniat, ad prudentiam civilem pertinet,

§. 466.

Dies festi

quanam sint, nantur,

Dies festi dicuntur, qui cultui divino publico desti-

Ita in Rep. Hebræorum Moses diem septimum hebdomadis cultui divino destinaverat, qui dicebatur *sabbatum*. Unde hodiernum dies iste, qui *Saturni dies* dici solet, etiam *dies Sabbathi* appellatur. Apud Christianos dies primis hebdomadis, qui *dies Solis* vocatur, cultui divino publico dicatus, ac ideo *Dies* quoque *Dominica*, vel simpliciter *Dominica* dicitur. Fuisse apud Judæos festi dies etiam alii, qui *Festorum* nomine insigniuntur, ob rationes peculiares instituti, quales etiam apud nos celebrantur,

§. 467.

*Quod sint
in Rep. in-*
stituendi.

In Rep. instituendi sunt dies festi. Etenim ipsa lege naturali homines obligantur conventus cultus divini gratia celebrare (§. 1251. part. 1. *Jur. nat.*), ac eorum causa (§. 461.) condenda sunt in Rep. templa (§. 462.) & doctores publici constituendi (§. 459.), qui munere suo in iisdem fungun-

tunguntur (§. 463.). Quamobrem necesse est, ut certi determinentur dies, in quibus cultui divino publico vacandum, consequenter cum dies cultui divino publico destinati sint dies festi (§. 466.); dies festi in Rep. sunt instituendi.

Pater itaque juris naturalis esse, ut certi dies cultui divino destinentur, etsi ratio naturalis nulla dari possit, cur dies præcise septimus, vel ex septem unus illi sit dicandus. Ideo Sabbathum dici potest juris naturalis, quatenus est dies cultui divino dicatus, non vero quatenus dies est præcise septimus. Et ea de causa in locum diei septimi a Christianis surrogari potuit dies primus hebdomadis concursus cum Judæis evitaturis, ut libertate tam naturali, quam christiana usi ipso facto comprobarent, se lege Mosaica non teneri: id quod Ecclesiæ quoque placuit in celebrando Paschate. Quodsi Sabbathum esset juris naturalis, ob immutabilitatem hujus juris (§. 142. *part. 1. Phil. pract. univ.*) in ejus locum surrogare non licuisset diem primum hebdomadis, seu diem solis. Non est quod excipias, diebus festis non esse locum nisi in Rep. seu in statu civili, consequenter eos esse non posse juris naturalis, cum status civilis non a natura sit institutus, sed demum hominum facto introductus (§. 4.). Etenim in statu naturali non modo Paterfamilias in domo suo dies festos instituere potuit sed & debuit; verum etiam plures patresfamilias in ædibus vicinis habitantes inter se convenire possunt, quod cultus divini causa convenire velint, ac ideo eidem certos dies destinare. Eo enim ducit obligatio naturalis ad celebrandos conventus cultus divini gratia (§. 1251. *part. 1. Jur. nat.*).

§. 468.

In diebus festis a labore consueti & negotiis ordinariis vacare debemus, nisi qua sine neglectu officiorum naturalium differri bus festis ab non possunt. Etenim dies festi cultui divino publico destinantur (§. 466.), consequenter in iis instituendi sumus de his vacan-

Deo dum.

Deo & voluntate ejus, de actionum nostrarum eidem conveniente determinatione & modo cum colendi, adhortandi etiam sumus, ut Deum rite colamus in omnibus nostris actionibus, virtuti studeamus, vitia fugiamus (§. 1241. 1124. *part. 1. Jur. nat.* & §. 459. 463. *h.*). Quamobrem cum eorum meminisse debeamus, quando occasio agendi offertur, & voluntatem efficere constantem ac perpetuam ea agendi, quæ docti sumus; necesse omnino est, ut ea statim animo recolamus, eadem perpendamus, & ad nos applicemus, ne cogitationes aliæ animum ab iis avertant. Quoniam itaque hoc fieri nequit, nisi in diebus cultui divino destinatis a labore consueto & negotiis ordinariis vacemus, quod per se patet; in diebus festis a labore consueto & negotiis ordinariis vacare debemus. *Quod erat unum.*

Enimvero cum officia naturalia lege naturali præscribantur (§. 225. *part. 1. Phil. pract. univ.*), quæ vero ab hac lege venit obligatio necessaria & immutabilis sit (§. 142. *part. 1. Phil. pract. univ.*); officia quoque naturalia negligere non licet. Quamobrem cum ea, quæ nunc fieri debent nec differri possunt, utique præferenda sint iis, quæ alio quoque tempore fieri possunt, eorum autem meditatio, quæ in conventibus publicis edocti sumus, in aliud quoque tempus differri possit, immo cultus divinus non unice restringatur ad diem festum, sed hominis tota vita cultus divinus esse debeat (§. 1253. *part. 1. Jur. nat.*); in diebus festis non illicita sunt negotia ordinaria, quæ sine neglectu officiorum naturalium differri minime possunt. *Quod erat alterum.*

Rigor legis mosaicæ de Sabbatho non est juris naturalis, quemadmodum ex demonstratione partis primæ propositionis præsentis liquet: hoc tamen non obstante tacitam ea lex habet

bet exceptionem, quam in parte altera expressimus, ipso Christo interprete, cum die Sabbathi hydropicum curaret. Quousque vero eundem extendere debeat Rector civitatis, prudentiæ ipsius relictum (§. 456. & seqq.).

§. 469.

Dies festi differunt pro diversitate dogmatum, qua in iis De diversis publice proponuntur. Etenim dies festi in eo conveniunt, ut in *sate festo* iis cultui publico vacemus (§. 466.) & doctores publici *rum*, populum in templis instituant de Deo & voluntate ejus, de cultu Numini exhibendo & de theoria & praxi virtutum (§. 459. 463.). Quamobrem cum dogmata alia sint aliis magis ardua, veluti ea, quæ agunt de summis Dei beneficiis; ideo dies festi differre nequeunt nisi diversitate dogmatum, quæ in iis proponuntur.

Convenit hoc moribus Christianorum, apud quos festis magnis annumerantur festa nativitatis, resurrectionis Christi, atque missionis spiritus S. cum summa Dei beneficia sint, quæ ad oeconomiam salutis pertinent. Et quoniam dogma Trinitatis mysterium maxime arduum est, a quo tota oeconomia salutis dependet; festum quoque Trinitatis illis accensetur, & ob eandem rationem in Ecclesia Romana festum Corporis Christi. Utile vero est, differentiæ festorum ideam habere populum, præsertim plebem, quæ sensu magis & imaginatione, quam ratione ducitur, ne suam desiderari patiatur attentionem, quam ad ardua dogmata percipienda & ponderanda asferre debet, & ut devotio ejus magis excitetur ac conservetur. Convenit hoc gratiarum actioni, quam Deo debemus (§. 1212. *part. 1. Jur. nat.*) & celebrationi nominis divini (§. 1204. *part. 1. Jur. nat.*) nobis præceptæ (§. 1205. *part. 1. Jur. nat.*). Quamvis vero in Rep. festa ab hominibus instituantur, non tamen propterea habenda sunt pro instituto mere humano, cum ex demonstrationibus anterioribus abunde

(*Walfat Jur. Nat. Pars VIII.*)

Yy

pateat

pateat, ea non institui nisi ipsa lege naturæ jubente (§. 467.), consequenter voluntati divinæ convenienter (§. 284. *part. 1. Phil. pract. univ.*). - Quod, Deo volente, immo jubente, instituitur, pro instituto divino utique habendum, quatenus ejus voluntati convenit: quo sensu etiam Rectores civitatis a Deo constituti dicuntur, etsi populus jus, quod habent, in eos contulerit, ut ideo in sacris literis ordinationi divinæ refragari dicantur, qui ipsis refractarios se præbent.

§. 470.

*De conven-
tibus in
templis die-
bus festis
non negli-
gendis.*

Conventus publicos in templis diebus festis negligere non debemus. Etenim in templis conventus celebrantur diebus festis cultus divini causa (§. 461. 466.), ac ideo in Rep. templa condenda (§. 462.), festa instituenda sunt (§. 467.). Quamobrem cum ipsa natura obligentur homines conventus cultus divini causa celebrare (§. 1251. *part. 1. Jur. nat.*), ut is conjunctim peragatur (§. 1252. *part. 1. Jur. nat.*), in civitate autem Rector ejusdem curare debeat, ut Deus colatur (§. 458.); conventus publicos in templis diebus festis negligere non debemus.

Non est quod excipias, te jam nosse ea, quæ in istis conventibus docentur. Etenim reficanda quoque est memoria eorum; ut eorundem meminerimus, quorum meminisse debemus, incitandi sumus ad studium virtutis, & odium vitiorum fovendum in animis nostris: inprimis vero exempla bona præbenda sunt (§. 1242. *part. 1. Jur. nat.*), & cultus publicus, si rite sese habet, plurimum utilitatis unicuique affert, cui pietas & infucata virtus curæ cordique est. Hæc omnia satis aperta sunt, etsi intra cancellos religionis naturalis subsistamus, nec *μυστήρια* eis *ἀλλοτρίως* committamus, Theologia ultro relinquentes ea, quæ ipsorum sunt.

§. 471.

Quoniam conventus publici in templis diebus festis *De non fe-*
non negligendi (§. 470.), Rector autem civitatis curæ ha-*rendo negle-*
bere debet, ut Deus colatur (§. 458.), ac eo fine templa *An cultus*
condere (§. 462.) & dies festos instituere (§. 467.), igno *divini pu-*
in præstandis officiis negligentes vi adigere, ut minimum *blici.*
actus externos ad legem naturæ componant (§. 395.); *Re-*
Et quoque civitatis adigere vi potest subditos, ut conventibus publi-
cis in templis diebus festis intersint, nec eos temere negligant.

Quid hic fieri conveniat, ne superior officio suo desit, &
ne jure suo abutatur, ad prudentiam civilem pertinet. Quam-
obrem insuper quoque habemus objectiones, quæ a nonnullis
moveri posse facile prævidemus. Nobis hic sufficit nihil as-
seruisse, nisi quod ex principiis evidentibus intulimus, quæ ne-
mo in dubium vocare potest, nisi qui nexum veritatum in Ju-
re naturæ demonstratarum intime non perspexit. Homines
plerumque de iis, quæ ad philosophiam moralem pertinent,
judicium ei conformant, ad quod eos ducit appetitus ipsorum.
Ceterum non sine ratione addimus, neglectum minime feren-
dum temerarium esse debere. Quemadmodum enim vacuitas
a labore in diebus festis admittit exceptionem (§. 468.); ita
quoque necessitas, ut quis cultui publico intersit, non ea est,
quæ omni prorsus exceptione caret.

§. 472.

Quoniam *in Rep.* ferendum non est, ut quis cultum *De contem-*
publicum Numinis temere negligat (§. 471.); ita *multo mi-*
nus ferendus est *contemptus religionis* (§. 512. part. 2. Theol. nat.). *minime fe-*
rendo.

Differt utique neglectus cultus divini a contemptu ejusdem
Quemadmodum enim, qui intermittit alteri deferre honorem
debitum, non ideo eundem contemnit (§. 538. 787. &
siqq. pars. 1. Jur. nat.); ita quoque qui cultui divino publico

non interest ejus contemtoribus propterea statim accensendus. Contemnit religionem, qui nullum ei pretium statuit ac irreverenter de eadem loquitur, vel factis quibuscunque declarat, se eam pro re nihili habere (§. 787. part. 1. Jur. nat.).

£. 473.

*De atheismo
& Deismo
non propa-
zando.*

Cum in Rep. ferendus non sit contemptus religionis (§. 472.), athei vero omnem religionem pro figmento habeant (§. 516. *part. 2. Theol. nat.*), & Deistæ irreligionarii sint (§. 564. *part. 2. Theol. nat.*), qui vi erroris sui religionem pro re nihili habent (§. 529. 512. *part. 2. Jur. nat.*); in Rep. *tolerandum non est, ut atheismus & deismus diffeminetur.* Immo cum in Rep. Rector civitatis vi adigere possit subditos, ut cultui divino publico inter sint, nec cum temere negligant (§. 471.); in eadem quoque athei & Deistæ, qui atheismum & Deismum publice proficiuntur, seu se tales esse declarant, hoc est vel existere Deum, vel eum curare res humanas aperte negant (§. 411. 529. *part. 2. Theol. nat.*), & obligationem divinam quoad legem naturæ tollunt (§. 539. *part. 2. Theol. nat.*), *tolerandi non sunt.*

Athei & Deistæ confundendi non sunt cum iis, qui Deum existere vel curare res humanas ignorant, aut num existat, vel res humanas curet, dubitant. Hi enim quamvis ignorent dari religionem, vel num detur dubitent; non tamen ideo eandem contemnunt, cum illi de re sibi ignota prorsus non cogitent, hi vero eandem in medio relinquant. Facile autem intelligitur, ignorantiam simplicem existentie divinæ non cadere in eum, qui in Rep. vivit, ubi Deus colitur,

§. 474.

*De suspicio- Ferendum non est, ut qui acumine pollent, vel aliis acu-
ne atheismi- tiores habentur, atheismi suspecti reddantur: immo ipsi quoque
sibi*

sibi cavere debent, ne seipsos in suspicionem atheismi aut Deismi & Deismi adducant. Etenim si illi, qui acumine pollent, vel aliis acutiores habentur, atheismi suspecti reddantur; facile inde nativis claris scitur præjudicium, quasi acumine pollentes assensum præimportanda. bere nequeant propositioni, quod detur Deus, consequenter quod perspiciant, existentiam Dei probari sufficienter minime posse. Quamobrem porro facile contingit, ut qui præjudicio hoc capiuntur, vel in dubitationem de existentia Dei adducantur, vel sibi persuadeant, probabilius esse, non dari, quam dari Deum, ut ideo ad atheismum via sternatur. Quoniam itaque in Rep. ferendum non est, ut atheismus disseminetur (§. 473.); ideo nec ferendum, ut qui acumine pollent, vel aliis acutiores habentur, atheismi aut Deismi suspecti reddantur. *Quod erat unum.*

Et quia idem verendum est, si qui acumine præstant & aliis acutiores habentur, ipsimet sese atheismi, aut Deismi suspectos reddant, nemo autem aliis exempla mala præbere debet (§. 930. part. 1. Jur. nat.); qui acumine præstant & imprimis si & ab aliis acutiores ceteris habentur, sollicite sibi cavere debent, ne seipsos in suspicionem atheismi, vel etiam Deismi adducant. *Quod erat alterum.*

Nihil magis solenne est, quam ut consequentarii mathematicos & philosophos ea defendentes, quæ opinionibus ipsorum contrariantur, atheismi, aut minimum Deismi suspectos reddant. Immo sunt, qui putant, Matheseos studium & intimiorem rerum naturalium cognitionem ad atheismum, vel Deismum seducere sui cultores. Quemadmodum vero consequentiariorum licentia refrænanda; ita error de Matheseos accuratiori studio & intimiori rerum naturalium cognitione evidenter refutandus. Quoniam vero non omnes capiunt demonstrationes, sine quibus error refutari nequit; ideo qui

Mathesi ac Physicæ operam navant, omnium maxime operam dare debent, ut omnem atheismi atque Deismi suspensionem a se depellant.

§. 475.

De opinionibus religionis & bonis moribus adversæ. Tolerandum enim non est, ut religio in contemptum adducatur (§. 472.), sed cu-
moribus ad- ræ potius habere debet Rector civitatis, ut Deus colatur
versis non (§. 458.). Quamobrem cum opiniones religioni adversæ
disseminan- eandem in contemptum adducant, adeoque cultui divino
dis. obfint; ut errores religioni adversæ publice disseminentur, permittendum non est. *Quod erat unum.*

Similiter cum Rectori civitatis curæ esse debeat, ut subditi sint virtuti dediti, nec a virtutis tramite ad vitia deflectant (§. 456.), a virtutis autem tramite ad vitia abducantur, si eorum animi opinionibus bonis moribus adversis imbuantur, quod per se patet; permittendum quoque non est, ut publice disseminentur opiniones bonis moribus adversæ. *Quod erat alterum.*

Contradictorium est constituere doctores publicos, qui populum instituunt de Deo & voluntate ejus, de cultu divino, de virtutibus ac vitiis, eundem ad virtutem colendam incitent & a vitiis avocent, ac permittere, ut ab aliis publice disseminentur opiniones, quæ religioni & bonis moribus adversantur, Illud cum fieri debeat (§. 459.); hoc utique permittendum non est. Quamvis vero hæc satis manifesta sint; in praxi tamen multæ sese offerunt difficultates, non facile superandæ; supponimus hic religionem esse veram, hoc est, Deum coli eo modo, quo colendus est. Supponimus bonitatem morum æstimari lege naturæ, consequenter eam absque errore cognitam esse atque perspectam. Ast non ubique viget vera reli-
 gio

gio; haud raro erroneæ opiniones in Jure naturæ communi quodam consensu receptæ sunt. Contingit itaque, ut religioni adversari putetur, quod apprime eidem convenit, & ut bonis moribus minime adversum existimetur, quod pravis accenseri debet. Quodsi jam non permittatur, ut disseminentur opiniones religioni & bonis moribus adversæ; fovendi erunt errores de Deo & cultu ejusdem, non emendandi mores pravi, quibus populus infectus est. Ecquis vero non videt, hæc repugnare iis, quæ curæ habere debet Rector civitatis per ea, quæ antea demonstravimus, nec convenire officiis lege naturali præscriptis? Enimvero quamvis singulis permittendum non sit, ut disseminent opiniones religioni receptæ & bonis moribus adversæ; non tamen hinc sequitur, Rectorem civitatis omnem abjicere debere curam, ne perversæ de Deo & cultu ejus foveantur opiniones & pro bonis moribus reputentur, qui pravis potius accensendi. Sed horum discussio ad Politicam potius spectat, quam ad Jus naturæ.

§. 476.

Quoniam permittendum non est, ut disseminentur *Quorum-* opiniones religioni & bonis moribus adversæ (§. 475.); *nam libro-* ideo permittendum non est, ut imprimantur libri, vel alibi *im-* impressi vendantur, qui continent opiniones religioni & bonis moribus pressio & adversas. Et quoniam in civitate nil admittendum, quod *venditio* fini ejusdem repugnat (§. 22. 9. 13.), consequenter *nec per-* prohibenda. *mittendum, ut disseminentur opiniones fini civitatis adversa, ea de* causa nec permittendum erit, ut imprimantur libri, vel alibi *im-* impressi vendantur, qui continent opiniones fini civitatis, seu *statui* publico adversas.

Hæc quidem apud nos uno probantur ore; praxis tamen ab iis longe recedit. Sub prætextu libertatis philosophandi aut sentiendi licentia quædam sentiendi invaluit, quæ plurimum obest religioni. Nec pudet eruditos, qui libros publici
juris

juris faciunt, pessimos, quibus delectantur, prodere mores. Immo apud nos turpibus moribus non accensetur, aliorum bene meritorum famæ detrahere, & eorum contemptum ad gloriam vertere.

§. 477.

*De Censori-
bus libro-
rum.*

Censores librorum dicuntur personæ, quibus demandatum est, ut ne permittant imprimi libros, opiniones religioni, bonis moribus & statui publico adversas continentes. Quoniam permittendum non est, ut libri imprimantur, qui continent opiniones religioni, bonis moribus & statui publico adversas (§. 475.); *in Rep. censores librorum sunt constituendi, nec permittendum, ut sine censura libri imprimantur, ac omni modo curandum, ut munere suo rite fungantur censores.*

Censores non rite funguntur munere suo, si vel legere ea negligunt, de quibus judicium ferre debent, vel si ea non satis perpendunt, vel denique si amoris & odii in censendis libris plurimum tribuunt, vel etiam aliis de causis, in quos prolixè inquirere non est nostri instituti. Nihil vero magis deceat censores, quam si invidia se eo adduci pariantur, ut libellos famosos approbent, imprimi permittant, tendentes ad eos infamandos, quorum famam tueri non uno nomine obligantur. Dolendum omnino est, quod, qui eruditi nomine superbire volunt, nondum didicerint, quinam esse debeant eruditi mores cumque commendent. Scripta imprimis cristica moribus istis contrariantur, cum dudum invaluerit mos convitiis inter se certandi: qui etsi turpis foetus impotentis animi sit, a censoribus tamen pro laudabili habetur. Sed quomodo coercenda sit censorum negligentia & malitia, in Politica disquirendum.

§. 478.

§. 478.

Superiori cura esse debet, ut in cultu divino publico ceremonia apta & convenienter instituantur, atque iisdem recte utatur nris in cultu populus, ut abrogentur, quæ maiorem habent abusum, quam usum tu divino. & si quæ nullo fine adhibentur, iis significatus conveniens, siquidem detur, imponendus. Etenim ipsa lege naturali obligamur instituere ceremonias in cultu divino externo (§. 1249. *part. 1. Jur. nat.*). Quamobrem cum cura cultus publici pertineat ad superiorem civitatis (§. 458. & *seqq.*); eidem quoque curæ esse debet, ut ceremoniæ in cultu divino publico instituantur. Et quoniam ceremoniæ aptæ esse debent ac convenientes (§. 483. *part. 2. Phil. pract. univ.*); eidem omnino curæ esse debet, ut in cultu divino publico ceremoniæ instituantur aptæ ac convenientes. *Quod erat primum.*

Enimvero ceremoniæ instituuntur propter usum (§. 507. *part. 2. Phil. pract. univ.*), sine quo actus temerarii forent, cum nullo fine adhiberentur (§. 277. *part. 3. Jur. nat.*), & revera nullæ forent (§. 465. *part. 2. Phil. pract. univ.*). Quamobrem cum perinde sit, ac si ceremoniæ non fuissent institutæ, si quæ institutæ sunt, nullæ fuerint, temere autem nil quicquam sit faciendum (§. 278. *part. 3. Jur. nat.*), & omnis actio recta esse debeat (§. 189. *part. 1. Phil. pract. univ.*); superiori, qui curæ habet ceremoniarum institutionem *per demonstrata*, curæ quoque esse debet, ut populus iisdem recte utatur. *Quod erat secundum.*

Cum a ceremonia sit abstinendum, quæ maiorem admittit abusum, quam usum habet (§. 508. *part. 2. Phil. pract. univ.*), superiori autem curæ esse debeat, ut populus ceremoniis recte utatur, *per demonstrata n. 2.* eidem quoque curæ esse debet, ut ceremoniæ abrogentur, quæ maiorem
(*Wolffii Jur. nat. Pars VIII.*) 22 abusum

abufum admittunt, quam ufum habere poffunt. *Quod erat tertium.*

Quia vero ceremoniæ non ideo abroganda, quod nulla eft, fi fignificatus conveniens eidem imponi poffit (§. 466. *part. 2. Phil. præct. univ.*), fuperiori autem incumbit, ut ceremoniæ aptæ & convenientes inftituantur, *per demonftrata n. 1.* eidem quoque curæ effe debet, ut ceremoniis, quæ nullo fine adhibentur, confequenter nullæ funt (§. 465. *part. 2. Phil. præct. univ.*), fignificatus conveniens imponatur. *Quod erat quartum.*

Quænam de ceremoniis fint tenenda, prolixè demonftravimus in parte altera Philofophiæ præctiæ univerfalis, quæ ad inftitutum præfens facile applicantur & applicari debent. Ne vero fuperiori plus juris tribuere videamur, quam par eft, circa facra; probe perpendenda funt, quæ de diverfo modo transferendi imperium in unam, vel plures perfonas in fuperioribus demonftravimus. Addenda etiam funt alia, quæ de regimine inferius demonftrabuntur. Hic tantummodo doceatur, quænam fieri debeant, ut civitas recte conftituatur, ut appareat, quænam jura imperio contineantur. Quinam vero fingula jura exerceri debeant, cum id non uno modo conftitui poffit, a conftituto venit, quemadmodum jam fuprà annotavimus (*not. §.*).

§. 479.

*De officio do-
ct. rum pu-
blicorum
part. 2. Phil. præct. univ.
circa cere-
monias.*

Quoniam populus ceremoniis rectè uti debet (§. 478.), ceremoniæ autem funt figna artificialia (§. 451. *part. 2. Phil. præct. univ.*), confequenter vim fignificandi a voluntate inftituentis habent (§. 958. *Ontol.*), ac ideo necesse eft, ut populus fignificatum norit, *doctores autem publici* docere debent ea, quæ ad cultum divinum fpectant (§. 459.); iidem quoque *ceremoniarum fignificatum populo inculcare,*

inculcare, cumque eadem se habeant ad actiones, quibus inserviunt, per modum medii ad finem (§. 464. *part. 2. Phil. pract. univ.*), & per ea intendatur omnimoda actionum rectitudo (§. 456. *part. 2. Phil. pract. univ.*), ad rectum illarum usum populum incitare debent.

Poterat idem etiam inde inferri, quod ceremoniarum significatum eos docere debeamus, quorum interest, ac sedulo iisdem inculcare (§. 457. *part. 2. Phil. pract. univ.*), doctorum autem publicorum in civitate sit docere populum ea, quæ ad cultum divinum spectant (§. 459.). Quemadmodum, vero ceremoniarum introductarum significatum unicuique amplificare licet (§. 455. *part. 2. Phil. pract. univ.*), consequenter extendere ad ea, de quibus minime cogitavit instituens (§. 452. *part. 2. Phil. pract. univ.*); ita quoque doctores publici significatum illarum amplificare possunt: hoc ipso nimirum ceremoniæ fiunt utiliores, ut finem per eas intentum rectius consequi derur.

§. 480.

Cum ceremoniæ pertineant ad cultum divinum (§. De contem. 479.) consequenter in contemptum cultus divini, adeoque religionis (§. 512. *part. 2. Theol. nat.*), facile vergat, si ceremoniæ contemnuntur, in Rep. autem ferendus non sit contemptus religionis (§. 472.); ideo *nec ferendum est, ut ceremonia contemnuntur, consequenter ne publice exagitantur & eraducantur* (§. 787. *part. 1. Jur. nat.*).

Qui ceremonias omnes promiscue damnant easque a cultu divino abesse debere contendunt, quid sint ceremoniæ & quanam sit earundem usus, nondum intelligunt. Neque etiam naturam mentis humanæ intime perspiciunt, nec omnem legis naturalis amplitudinem animo comprehendunt. Non ignota loquor iis, qui in Philosophia nostra satis sunt versati

& animum sciendi cupidum ad singula, quæ in ea demonstrantur, attenderunt. Equidem qui ceremonias exagitant atque continent, se plusquam ceteros sapere arbitrantur; oppido tamen falluntur. Accidit iis, quod communiter accidit vituperatoribus, ut de re, quam nondum intelligunt, iudicium deproperent. Vulgus ceremonias ab essentialibus cultus divini non distinguit, atque ideo illarum traductio facile vergit in contemptum religionis. Non obest vulgo ac iis, qui ea in re non alius vulgo sapiunt, defectus acuminis ad ceremonias ab essentialibus religionis distinguendum requisiti, modo iisdem rite utantur. Qui enim ceremoniis rite utitur, vi earum id consequitur, ut abundantius satisfaciatur iis, quæ ad cultum divinum ita pertinent, ut sine iis subsistere nequeat (§. 442. *part. 2. Phil. pract. univ.*). Quodsi objicias, dari etiam ceremonias absurdas (§. 450. *part. 2. Phil. pract. univ.*), & has esse abrogandas, neminem fore, qui dissiteatur; dari etiam indecoras (§. 481. 482. *part. 2. Phil. pract. univ.*), & has esse rejiciendas (§. 480. *part. 2. Phil. pract. univ.*); præterea vulgus imperitum, cum ceremonias ab essentialibus cultus divini non distinguat, in iisdem utpote in sensus incurrentibus omnem cogitationem suam defigere, & ideo facile sibi persuadere, quasi in hisce omnis cultus divinus consistat, ac per consequens a vero Numinis cultu avocari; eas igitur majorem admittere abusum, quam usum habere, consequenter ab iis esse abstinendum (§. 508. *part. 2. Phil. pract. univ.*); has autem rationes omnes urgere, ut absurditas & indecorum ceremoniarum ostendatur, & inevitabilis earundem abusus demonstretur; quod repono, non unum habeo. Nimirum, si quæ sunt ceremoniæ absurdæ, vel prorsus indecoræ; superior informandus, ut eas abroget (§. 478.): ne vero ad abusum trahantur, de vero earundem usu instituendus populus (§. *cit.*). Utrumque fieri potest absque publica illarum traductione. Nemo in civitate sibi sumere debet, quod est alterius, invokando in jus alteri competens, ac omnia ita fieri debent in Rep.

Rep. ne animi subditorum perturbentur in iis, quæ agenda sunt.

§. 481.

Res sacra dicuntur, quæ cultui divino publico dicata sunt. Unde *loca sacra* dicuntur, quæ eidem dicata sunt. Et *usum sacrum* vocamus, qui præbetur cultui divino. Quamvis cum *res sacra* cultui divino publico dicuntur, eæ *alium usum præter sacrum non habere* debent, ac per consequens *iisdem abutitur, qui eas ad alium usum transfert*, *Res sacra quam sint.*

Ita apud Christianos vasa sacra sunt, quæ in administratione sacræ cœnæ ac baptismatis adhibentur; res sacræ sunt altaria & eorum ornatus; vestes sacræ sunt, quibus utuntur sacra administrantes in functionibus sacris. Nemini autem competit jus rebus ad certum usum sacrum dedicatis aliter utendi, quam ad quem eadem dedicatæ sunt. Ita calice non uti licet in conviviis, cuius usus solum esse debet in sacra cœna. Non est quod excipias, instrumenta musica, quibus utimur in templis, etiam extra templa in cauponis & aliis locis profanis adhiberi. Ea enim non sunt dedicata ad cultum divinum. Sane si supponamus dedicata esse, nec iis uti licet extra cultum divinum. Ipsa nimirum ratio naturalis suadet, neminem sibi arrogare posse usum rei non suæ, qui ipsi concessus non est.

§. 482.

Res profana dicuntur, quæ sacræ non sunt, consequenter quæ ad cultum divinum publicum non sunt dedicatæ (§. 486.). Et eodem modo *usus* dicitur *profanus*, qui sacer non est, consequenter cultui divino non præbetur (§. 487.). Hinc *profanari* dicitur *res sacra*, si ad alium, quam ad sacrum usum adhibetur. *Res profana quam sint.*

Ira profanatur calix, si pastor ecclesie eodem uti velit in convivii; non vero profanantur instrumenta musica, si iisdem utaris tam in templo, quam in cauponis, quia ea ad cultum divinum dedicata non sunt, consequenter usum profanum habere possunt. Hinc & nomen Dei profanari dicitur, si aliter, quam ipsius colendi gratia adhibetur. Similiter dies festus profanatur, cum cultui divino dicatus sit (§. 466.) actibus cultui divino tam externo, quam interno contrariis. Non progredimur hic, quemadmodum in ceteris, ultra ea, quæ juris tantummodo naturalis sunt, sepositis iis, quæ a religione revelata veniunt.

§. 483.

*Consecratio
quid sit &
quomodo
fiat.*

Consecratio est actus, quo res quædam cultui divino publico dicatur. Quoniam itaque consecratione res cultui divino dedicatur, eadem ab omni usu profano separatur, & ad usum sacrum unice dedicatur. Quamobrem si res quædam ad usum sacrum Ecclesie offertur, vel ab ea comparatur; naturaliter consecratur, quando primum in cultu divino publico usurpatur eo animo, ut in posterum non alium præter hunc habere debeat usum. Et quia cura cultus divini, consequenter eorum omnium, quæ ad eundem quomodocunque spectant, ad Rectorem civitatis pertinet (§. 458.); si ritibus quibusdam consecratio fieri debeat, eos Rector civitatis determinare debet (§. 307. part. 6. Jur. nat.).

Naturaliter consecratio nihil aliud requirit, quam ut in cultu divino publico actu adhibeatur, nec peculiari quodam ritu opus est. Ita si quis rem, cuius usus esse potest in cultu divino publico, Ecclesie donet eo fine, ut in cultu divino publico adhibeatur; quando ea primum adhibetur, ab usu quolibet alio, quem habere poterat, separatur & voluntati donatoris conformiter usui sacro actu dicatur, atque ita consecratur. Quodsi vero rationes nonnullæ suadeant, ut ritus quidam accedant,

consecratio efficitur sollemnis. Ita solum apud Gentiles res sacre publica autoritate a consule, aut alio magistratu per sollemnia verba, vel per Principem ipsum consecrabantur, & hodie in Ecclesia Romana ab antistite & Episcopo cujusque loci, vel qui alias pontificalia celebrare potest. Consecrationem sollemnem, quæ non sine ritibus fit publice non sapere superstitionem per se, ex ipsa superstitionis definitione intelligitur (§. 1255. part. 1. Jur. nat.), vi cujus quod superstitioni debetur facile separatur ab eo, quod ab illa alienum est, sicuti cultus divinus supersticiosus a vero discernitur. Effectus autem consecrationis est, ut re consecrata non aliter uti liceat quam in cultu divino publico, nec ab usu sacro ad profanum transferri ea possit ab iis, qui ministerio sacro funguntur, vel etiam aliis.

§. 484.

Ecclesia dicitur coetus hominum eodem modo Deum *De Ecclesia* colentium, consequenter eidem religioni addictorum (§. 3 ejus mem- 212. part. 2. Jur. nat.). Vocatur autem *Ecclesia particularis*, bris. quæ in loco quodam particulari est, veluti in una urbe, vel certa ejus parte, aut in uno pago. *Universa* autem *Ecclesia* est multitudo omnium hominum eodem modo Deum colentium, seu eidem religioni addictorum, per quæcunque terrarum loca fuerint dispersi. Homines vero singuli dicuntur *Membra Ecclesiæ*.

Sumimus vocabulum *Ecclesiæ* in significato generali, qui convenit Juri naturæ. Præcipit lex naturæ, ut Deus colatur verus eo modo, qui essentia: atque attributis ipsius convenit, prouti in parte prima abunde demonstravimus. Modus hic colendi verum Deum, cujus agnitio ex Theologia naturali petenda, religionem naturalem constituit (§. 512. part. 2. Jur. nat.). Quemadmodum itaque de cultu divino agentes non progredimur ultra ea, quæ religionis naturalis sunt; ita etiam

in definienda Ecclesia non habetur religionis revelatæ ratio. Quæ de ecclesia christiana qua tali tenenda sunt, ad Theologiam revelatam pertinent. Religio tamen naturalis cum conservetur in revelata, nisi quod hæc alia adhuc superaddat; Ecclesiæ significatus generalis etiam convenit Ecclesiæ christianæ cum in genere spectatæ, tum etiam in specie; quatenus quoad religionem christianam non omnes idem sentiunt. In significato generali *Ecclesiæ vera* est, quæ Deum colit eo modo, qui attributis ac voluntati ejus convenit.

§. 485.

Res vel Bona Ecclesiæ quanam sint.

Res ecclesiastica, vel *Ecclesiæ* dicuntur, quæ ad usum quandam Ecclesiæ pertinent, non tamen directe & simpliciter ad cultum divinum dedicantur. Universim sumptæ *Bona Ecclesiæ* vocantur *Kirchen-Güter*. Quamobrem cum res sint vel corporales, vel incorporeales (§. 496. 497. part. 1. *Jur. nat.*); *Bona ecclesiæ tam in rebus incorporalibus quam corporalibus consistere possunt.*

Ita ædificia destinata ad habitationem ecclesiæ ministrorum, vel aliarum personarum, quibus certa quædam functio in cultu divino publico competit, sunt res ecclesiasticæ & ad bona Ecclesiæ pertinent. Similiter prædia, agri, prata, pascua, horti, vineæ, piscinæ, sylvæ, quarum redditus ad sustentationem ministrorum ecclesiæ & aliarum personarum, quibus certa quædam functio competit, reparationes templorum & ædificiorum ecclesiasticorum, aliisque istiusmodi usibus impenduntur, consequenter quæ ad usum quandam Ecclesiæ destinata sunt, res Ecclesiæ sunt, & bonis ecclesiasticis annuerantur. Huc etiam pertinent jura, veluti jus venandi, aucupandi & piscandi, si eodem fine concessum, item census ex certis prædiis annuatim præstandi & si qua alia sunt, quæ ad augendos redditus Ecclesiæ faciunt.

§. 486.

§. 485.

Imagines, quæ attributa & beneficia insignia Dei, itemque exempla singularia pietatis in memoriam revocant, in templis nec in tem-
collocare licet. Illæ enim faciunt ad agnitionem Dei, quod *plus toleran-*
 per se patet; hæ autem ad pietatem invitant (§. 277. part. 2. *Phil. pract. univ.*), atque Dei attributa & beneficia, nec non
 motiva pietatis memoriæ firmiter infigunt, quod a po-
 steriori sumitur. Quamobrem cum pietas & agnitio Dei
 ad cultum divinum pertineat (§. 1234. part. 1. *Jur. nat.*),
 cultus divini autem gratia templa frequententur (§. 461.);
 quin imagines, quæ attributa & beneficia Dei insignia, item-
 que exempla singularia pietatis in memoriam revocant, in
 templis collocare liceat, dubitandum non est.

Præter omnem itaque rationem contenditur, imagines
 omnes ex templis ejiciendas esse. Falluntur etiam qui eas pro
 superfluo templorum ornatu habent, vel easdem cultui divino
 adversari statuunt. Ipsa religio naturalis earum in templis
 utilitatem defendit. Christiani semper meminisse debent Chri-
 sti crucifixi & a mortuis resurgentis. Jure igitur non repre-
 henduntur, si imaginem Christi crucifixi, vel resurrectionis
 ejusdem in templis suis collocent. Nulla est consequentia:
 cultus divinus subsistit sine usu imaginum. Ergo eædem non
 sunt tolerandæ in templis. Quæritur enim, num imaginum
 aliquis usus fieri possit in cultu divino? id quod vi demon-
 strationis præsentis in dubium vocari nequit. Doctores pu-
 blici in templis funguntur munere suo (§. 463.), consequen-
 ter populum docent ea, quæ de Deo & voluntate ipsius, de
 virtute & vitiis atque cultu divino nosse debent, & eum ad
 virtutem incitant, a vitiis revocant. Quamobrem cum ima-
 gines, quæ attributa & beneficia insignia Dei, itemque exem-
 pla singularia pietatis in memoriam revocant, idem præstent;
 si in templis collocentur, doctorum publicorum munere fun-
 guntur.

(*Wolffii Jur. Nat. Pars VIII.*)

Aa 2

§. 487.

§. 487.

*Quales sint
rei.*

Imagines in templis sunt res sacræ. Usus enim imaginum facit ad cultum divinum publicum *vi demonstrationis precedentis*, consequenter si in templis collocantur, cultui divino publico dicantur. Quamobrem cum res sacræ sint, quæ cultui divino publico dicantur (§. 481.); imagines in templis sunt res sacræ.

Eodem jure imagines rebus sacris annumerantur, quo candelabra argentea in altaribus collocata in earum numerum referuntur. Usus harum ad ceremonias pertinet: ostendimus vero jam alias imaginum usum ceremoniarum loco esse (§. 1263. *part. 1. Jur. nat.*). Et quoniam naturaliter res consecrantur, quando primum in cultu divino publico usurpantur eo animo, ut in posterum alium usum præter hunc habere non debeant (§. 483.); imagines quoque dum in templis collocantur, naturaliter eo ipso consecrantur. Ponamus imaginem, qualem in templis collocare licet (§. 486.), a te offerri, ut in templo collocetur; non alium ejus intendere potes usum, quam quem in templo habere potest ac debet, & eam ad perpetuum hunc usum destinatam esse vis. Quod si imago hæc acceptatur, & in templo actu collocetur, sane non alio animo templo inferri potest, quam ut posthac non alium, quam istum usum habere debeat. Naturaliter itaque imago a te Ecclesiæ oblata consecratur. Non dubito fore haud paucos, quibus id paradoxum videbitur, ut ne quid gravius dicam. Sed hi erunt, qui non satis accurata mentis trutina, quæ huc pertinent, pensitarunt singula. Nos veritatis cupidi verum a falso secernimus, nec si vero falsi quid adhæret, plane ac simpliciter rejicimus. Nostrium est ostendere, quid rationi conforme sit: quod eidem consentaneum est, id tanquam erroneum rejicere non possumus.

§. 488.

*Res, quas quis ad cultum divinum privatum adhibet, scilicet Quales sint
 cra non sunt.* Res enim istæ cum tuæ sint, de earum usu *res ad cul-*
pro lubitu disponere potes (§. 118. part. 2. *Jur. nat.*), nec tum *arvi-*
 per hoc, quod sic, vel aliter de eo disponas, desinunt esse *num priva-*
 tuæ, cum dominium earum ideo non transferas in alium (§. tum *adhibi-*
 124. part. 2. *Jur. nat.*). De earum igitur usu aliter dispo- 1a.
 nere potes, quam nunc disposuisti (§. 118. part. 2. *Jur. nat.*),
 consequenter si eam ad cultum divinum privatum adhibes,
 eam non perpetuo ad eundem adhibere teneris. Quam-
 obrem cum res sacra non sit, nisi quæ ad cultum divinum
 cumque publicum dedicatur (§. 481.), & licet ad cultum
 privatum adhibeatur semper tamen manet res tua, adeoque
 privata; res, quæ ad cultum divinum privatum adhibentur,
 sacræ non sunt.

Ponamus te in conclavi tuo habere imaginem argenteam
 omniscientiam Dei hieroglyphice repræsentantem, ut hujus
 constanter memineris & ea tanquam motivo in actionibus
 suis determinandis utaris. Non tamen ideo res sacra erit, sed
 privata tua, quamvis sacra sit, si eandem in templo collocari
 cures (§. 487.).

§. 489.

Ex distantibus constare dicitur ens si quæ simul sumta *Ex distanti-*
 unum efficiunt, a se invicem separata manent. *Cohærentia bus* *quam*
 autem vocantur, quorum partes junctura in unum sunt *coa-* *consent,*
 etæ. *Seneca* significatu strictiori *composita* appellat: alii quo- *quam* *co-*
 que *connexa* dicunt. *hærentia*
sint.

Seneca composita distinguit ab iis, quæ corpore continua
 sunt, sicuti homo, animantia bruta, plantæ; Composita vero
 ipsi sunt navis, domus, horologium. Sed in hanc distinctio-
 nem

nem jam non subtiliter inquiremus, cum proprie ad philosophiam primam pertineat disquisitio.

§. 490.

*Quale ens
sit populus
& ecclesia.*

Quoniam populus est multitudo hominum in civitatem consociatorum (§. 5.), per se autem patet, singulos homines, qui civitatis membra sunt, a se invicem separatos manere, & ex distantibus constat ens, si, quæ simul sumta unum efficiunt, a se invicem separata manent (§. 489.); *populus est ens, quod ex distantibus constat.* Et similiter cum *ecclesia* sit coetus hominum eodem modo Deum colentium, seu eidem religioni addictorum (§. 484.); ea quoque *ex distantibus constat.*

Dantur plura istiusmodi entia, veluti exercitus, senatus, ministerium ecclesiasticum, collegia Professorum, artificum, opificum.

§. 491.

*Principium
unionis
quid sit.*

Principium unionis est, quod ex multis efficit unum. Quamobrem quia principium in se continet rationem alterius (§. 866. *Ontol.*), consequenter *principium unionis continet rationem sufficientem unionis*, ex ratione autem sufficiente intelligitur, cur aliquid sit (§. 56. *Ontol.*); *ex principio unionis intelligitur, cur multa simul efficiant unum.*

Est itaque principium unionis veluti vinculum, quod plura a se invicem distincta continet, ut certo quodam modo conjuncta sint.

§. 492.

*Quodnam
sit in populo
& ecclesia.*

Quoniam principium unionis est, quod ex multis *fit in populo* efficit unum (§. 491.), populus autem consociatione in civitatem

vitatem unus efficitur (§. 5.), & ecclesia communione religionis, inprimis particularis ejusdem in individuo cultus divini externi communione (§. 484.); *principium unionis in populo est consociatio in civitatem, in ecclesia communio religionis, inprimis in particulari ejusdem cultus divini publici in individuo communicatio.*

Eodem modo patet in corporibus cohærentibus principium unionis esse juncturam, veluti in domo coagmentationem lapidum, tignorum aliarumque partium. Nec abfimili modo principium unionis in vocabulis dici potest coagmentatio syllabarum, in syllabis literarum.

§. 493.

Quæ ex distantibus constant, eadem manent, quamdiu idem manet principium unionis. Cum enim principium unionis ex multis efficiat unum (§. 491.), quamdiu idem manent, quæ ex net principium unionis, ea, quæ a se invicem separata sunt, *distantibus* eodem modo uniuntur, consequenter eadem manent (§. *constant.* 181. *Ontol.*). Quoniam itaque ex distantibus constant, quæ simul sumta unum efficiunt, & se invicem tamen separata manent (§. 489.); quæ ex distantibus constant, eadem manent, quamdiu idem manet principium unionis.

Non enim propter ea, quæ a se invicem separata sunt, ens unum fit, si ea simul sumuntur; sed quia illa inter se certo quodam modo uniuntur, etiamsi per se separatim existant.

§. 494.

Quoniam principium unionis idem manere potest, *idem* porro etiamsi ea, quæ distant, commutentur, aliis decedentibus, *expenditur.* aliis in locum decedentium succedentibus, quamdiu vero idem manet principium unionis, *quæ ex distantibus constant,* eadem manent (§. 493.); hæc eadem *manent, etiamsi* dece-

dentibus aliis alia in eorum locum succedant, salvo nimirum principio unionis.

§. 495.

*Quamdiu
populus
idem, eccle-
sia eadem
maneat.*

Cum quæ ex constantibus constant, eadem manent, etiamsi decedentibus aliis alia in eorum locum succedant (§. 494.), populus autem & ecclesia ex distantibus consistunt, salvo nimirum principio unionis (§. 490.); *populus idem manet, eadem manet ecclesia, etiamsi decedentibus aliis hominibus alii in eorum locum succedant, salva nimirum consociatione in casu priore, communionem religionis seu cultus divini publici in individuo in casu posteriore (§. 492.).*

Entia moralia in eo imitantur naturam. Hæc enim idem conservat corpus humanum, etiamsi particulæ materiæ, ex quibus constat, in continuo sint fluxu, quod aliis decedentibus aliis in eandem locum succedentes eodem modo unit. Quamvis corpus nostrum non semper ex eadem numero materia constet; hoc tamen non obstante omnes uno ore faterentur, idem numero esse corpus, quod per omnem vitam habemus. Dudum hoc observarunt veteres. Hinc *Seneca* epist. 58. Nemo nostrum, ait, idem est in senectute, qui fuit juvenis; nemo est mane, qui fuit pridie. Corpora nostra trapiuntur fluminum more. *Aristoteles* populum flumini comparat, quod semper idem vocatur, quanquam alia subeat constanter aqua, alia decedat.

§. 496.

*De interitu
quomodo-
cumque com-
pisorum.*

Sublato principio unionis, tum quæ ex distantibus constant, tum quæ coherencia sunt, intereunt. Etenim cum principium unionis ex multis efficiat unum (§. 491.); eodem sublato, etiamsi singula adhuc subsistant, eadem tamen simul sumpta non amplius unum efficiunt. Eas igitur istud, quod ex distantibus

stantibus, vel etiam coherentibus constabat, non amplius subsistit. Quamobrem patet sublato principio unionis cum ea, quæ ex distantibus constant, tum quæ coherentia sunt, interire (§. 489.).

Quando ædes diruuntur, partium coagmentatio tollitur consequenter principium unionis, quo efficiebantur ens, quod ædium nomine compellabatur. Ædes autem tum interire evidens est. Similiter quando corpus humanum post mortem putrefactione corrumpitur, solutione mixti junctura particularum tollitur, ac per consequens principium unionis. Corpus vero humanum tum interire liquet.

§. 497.

Quoniam sublato principio unionis, quæ ex distantibus constant, intereunt (§. 496.), populus autem ex distantibus constat (§. 490.) & principium unionis est consociatio in civitatem (§. 492.); *populus interit, sublata consociatione in civitatem.* Et quoniam consociatio hæc subsistere nequit, si singuli, qui consociati erant, intereunt, vel tam pauci supersint, qui civitatem constituere, vel populum facere nequeunt; *populus quoque interit, si singuli intereunt, vel tam pauci ex eis supersint, ut populum facere nequeant.*

Singulos, qui populum faciunt, interire simul posse, aut certe plurimos, ut tam pauci supersint, qui populum facere nequeunt, pro impossibili non habendum. Fieri enim potest, ut populi mari abripiantur, quorum exemplum ex *Plutone* refert *Plinius* Hist. nat. lib. 2. c. 90. alia *Tertullianus* in libro de pallio, vel ut terræ motu penitus hauriantur, quorum exempla refert *Ammianus Marcellinus* lib. 17. rer. gest. *Seneca* epist. 92. *Plinius* lib. 2. c. 92. hist. nat. Huc etiam referendum, si quis populus se ipsum internecioni dat, quod de *Saguntinis* narrat

narrat *Livius* lib. 21. c. 14. de *Sidoniis* *Justinus* lib. 18. c. 3. Absit itaque, ut existimes, in corollario secundo sumi, quod non dabile.

§. 498.

*De interitu
populi ob
sublatam
corporis ra-
tionem.*

Quoniam populus interit, sublata consociatione (§. 497.), hæc autem tollitur, si quacunque de causa a societate discedant, aut vi ita distrahantur, ut coire non possint; *populus interit, si quacunque de causa a societate discedant, aut vi ita distrahantur cives, ut coire non possint.*

Discessus a societate civili dividitur in spontaneum, & invitum. Sponte disceditur, quando inexpectata incommoda oriuntur, quæ obstant, quo minus vitæ necessitati, commoditari, vel etiam jucunditati prospicere detur, veluti ob pestem, sterilitatem, animalia nocua, seditionem. Exempla vide apud *Plinium* Hist. nat. lib. 8. c. 29. Huc etiam refer, quod olim facilius, quam hodie, accidere poterat, si relictis sedibus veteribus passim novas quærent cives, quas putant istis meliores. Inviti discedunt, si vi belli victi in alias regiones abducuntur, vel ex terris suis ejiciuntur. Exemplum luculentum habemus in eversione Reip. Judaicæ. Quamvis enim hodiernum Judæi supersunt & genus suum propagent, ita tamen inter gentes per orbem terrarum dispersi sunt, ut coire nequeant. *Grotius* de J. B. & P. lib. 2. c. 9. populum interire dicit sublata corporis ratione, si ita interit, quia qui populum fecerant & facere poterant, adhuc supersunt, non tamen amplius populum faciunt, societate earum civili sublata. Ast in casu propositionis præcedentis populum interire ait, sublati partibus, hoc est, personis, quæ populum fecerant.

§. 499.

*De interitu
speciei.*

Cum consociatio, quæ fecerat populum, etiam tollatur, si vel singuli servitutem personalem subire coguntur, vel

vel retenta libertate personali leges peregrinas & magistratum peregrinum recipere, ut sint multitudo sine imperio; populus quoque interit, qui fuerat, si aut singuli servitutem personalem subeant, aut universi imperio privantur, seu libertas civis ipsis auferatur.

Grotius loc. cit. hoc modo speciem interire dicit: quatenus populus idem non manet. Exempla interitus sublata libertate personali adducit idem *Ulpiano* lib. 8. c. 3. & lib. 11. c. 3. 4. ex *Gellio* in Noct. Attic. lib. 10. c. 3. exemplum autem interitus posterioris ex *Livio* lib. 26. Referenda huc quoque est redactio in formam provinciarum Romanis usitata, cujus exempla vide apud *Vellejum Paterculum* lib. 2. c. 38.

§. 500.

Cum etiam ecclesia ex distantibus constet (§. 490.), *Quando ecclesia interit* & principium unionis in ecclesia sit religionis ac inprimis *ecclesia interit* in particulari cultu divini publici numero ejusdem communio *est*. (§. 492.), quæ autem ex distantibus constant, intereunt sublato principio unionis (§. 496.); *ecclesia interit*, sublata *communione ejusdem religionis & particularis interit* sublata *communione cultus divini publici numero ejusdem*.

Multitudo hominum per se non facit ecclesiam, sed quatenus certo quodam modo Deum colunt. Et hoc pacto membra fiunt ecclesiarum ejusdem universalis. Quando autem membra plura cohabitant, ecclesiam particularem non ideo faciunt, deficiente nimirum principio unionis, quo efficitur ecclesia particularis, ut singuli fiant membra ecclesiarum particularis; sed quatenus eundem cultum publicum communem habent. Atque hinc obvium est, ecclesiam universalem interire, seu nullam amplius esse, si modus colendi Deum hoc modo prorsus tollatur in omni terrarum orbe; particularem vero, si qui co-

(*Wolffii Jur. Nat. Pars VIII.*)

Bb b

habi-

habitant non amplius eidem numero cultui publico conjunctim vacare possint, ut ante.

§. 501.

Quando intereat sub-
lato corpore.

Quoniam communio ejusdem cultus divini publici tollatur, si omnes intereunt, qui conjunctim in eodem loco cultui divino publico vacant, quod per se patet, sublata autem hac communione, *ecclesia particularis* in eo loco interit (§. 500.); *interit, si omnes eidem religioni addicti extirpentur, aut casu quodam funesto intereant.*

Vide, quæ antea annotavimus de interitu populi, sublato corpore (not. §. 497.).

§. 502.

De interitus ecclesia-
sublata cor-
poris ratio-
ne.

Similiter cum ejusdem cultus publici communio tollatur, si non amplius permittitur, ut eidem conjunctim vacent, sicuti antea consueverant, vel vi expellantur, aut distrahantur, ut non amplius convenire possint, sublata autem communione cultus divini publici in eodem loco, *ecclesia particularis*, quæ ibidem fuerat, interit (§. 500.); eadem interit, si non amplius permittitur, ut membra ejusdem sicuti ante cultui divino publico vacent, vel vi expellantur, aut distrahantur, ut non amplius cultus divini publici causa convenire possint.

Non est, quod excipias, qui cultui divino publico in eodem loco vacabant, manere eidem religioni addictos, consequenter membra ecclesiæ manere: immo conjunctim adhuc convenire posse in loco quodam vicino cum aliis, qui eodem modo colunt Deum. Etenim membra manent ecclesiæ universalis, quæ non interit, etsi interierit particularis, & qui cum aliis eidem religioni addictis in loco vicino conveniunt
cukus

cultus divini publici causa non sunt membra ecclesiæ istius particularis, quæ in loco isto est, sed spectantur tanquam extranei, quibus aditus ad cultum divinum publicum permittitur, sicuti non cives sunt, quibus commerciorum causa aditus conceditur in terras nostras, sed extranei. Aliud est esse membrum ecclesiæ universalis, aliud vero membrum ecclesiæ particularis. Qui membrum ecclesiæ particularis est, is etiam membrum ecclesiæ universalis est, non vero ex adverso membrum ecclesiæ particularis est, qui universalis est membrum. Quamobrem qui desinit esse membrum ecclesiæ particularis, manere adhuc potest membrum ecclesiæ universalis, & per consequens intereunte licet ecclesia particulari, singuli tamen, qui fuerant ejusdem membra, manent membra ecclesiæ universalis, propterea vero non fiunt membra ecclesiæ cujusdam particularis alterius. Hæc satis manifesta sunt, modo animum attendas ad ea, quæ de differentia ecclesiæ universalis & particularis antea diximus (§. 484.).

§. 503.

Similiter cum communio ejusdem cultus publici in *De interitū* aliquo loco tollatur, si qui fuerant huic religioni addicti *ecclesiæ spectant* aliam amplectantur, aut ad eam amplectendam vi adigantur *interit* (§. 112. part. 2. *Theol. nat.*), sublata autem communione *eunte*, cultus publici in eodem loco, intereat *ecclesiæ particularis* (§. 500.) ea etiam *interit*, si qui fuerant ejus membra, religionem aliam amplectantur, vel ad eam amplectendam vi aut metu adigantur, seu brevius, *mutata religione in aliquo loco, ecclesiæ particularis interit, quæ antea ibidem fuerat.*

Ita e. gr. ecclesiæ Lutherana aliquo in loco interit, si qui fuerant eidem addicti catholicam amplectantur. Quamvis enim tum adhuc eodem in loco adhuc subsistat ecclesiæ quædam particularis, non tamen ea est, quæ fuerat antea. Neque eandem ecclesiam faciunt iidem homines, sed quia eidem religioni addicti eodem in loco communem cultum divi-

num publicum habent. Notandum vero in genere, non inutilibus accensenda esse, quæ de interitu populi & ecclesiæ cuiusdam demonstravimus. Patebit enim in sequentibus, inde alia definienda esse, quæ in Jure publico universali tradenda.

§. 504.

Mutatis sedibus maneat populum.

Si loco migraverit populus, & sedes ab imperio vacuas occupat; populus manet. Etenim si loco migraverit populus & re populum. alias sedes vacuas ab imperio occupat; consociatio non tollitur, nec alieno imperio subijcitur, quod per se patet. Enimvero consociatio civilis efficit populum (§. 5.). Quamobrem si loco migraverit & alias sedes ab imperio vacuas occupat, populus manet.

Nihil refert, utrum populus loco migret sua sponte, an vero coactus, veluti si vi expellatur: differentia enim hæc in demonstratione non attendenda. Similiter patet, parum referre, utrum sedes ab imperio vacuæ sint, quia a nulla gente adhuc occupatæ, an vero ideo, quod veteres incolæ fuerint expulsi, aut sedes suas mutare coacti. Aliter se res habet, si in loca secedant, in quibus occupatum est imperium, & eidem sese vel sponte subijciunt, vel subijcere coguntur. Tum enim fiunt accessio alterius populi, per se autem populus non manent. Quoniam vero alieno imperio non eodem modo subijci possunt; ideo quoque de eorum jure idem in omni casu non licet pronunciare.

§. 505.

An mutata forma Reip. idem maneat populus.

Mutata forma Reip. populus idem manet. Quamvis enim forma Reip. hoc est modus exercendi imperii, seu gubernandi Remp. mutetur, consociatio tamen civilis, quæ facit populum (§. 5.), propterea non mutatur, consequenter principium unionis non tollitur (§. 491.), nec forma Reip.

Reip. quicquam in imperio quod inde oritur, mutat (§. 152.). Quamobrem cum populus ex distantibus constet (§. 490.), quæ vero ex distantibus constant eadem manent, quamdiu idem manet principium unionis (§. 493.); populus quoque idem manet, etsi forma Reip. mutetur.

Pendet a populi voluntate, num imperium per se, an per alium exercere velint (§. 36.), consequenter quamnam Reip. formam introducere (§. 131. & seqq.). Consociatio efficit populum, antequam de forma Reip. eligenda deliberet atque decernat: unum tamen eligat necesse est. Quamcunque igitur elegerit formam, nihil in ipsa consociatione mutatur, consequenter nec alius fieri potest populus, si hanc potius, quam aliam elegerit. Facit populus, quod vi juris sui facere potest. Esse hunc populum & esse hanc Reip. formam a se invicem minime dependent. Alia longe est ratio, cur mutata religione mutetur ecclesia: neque enim religio, seu modus colendi Deum (§. 12. part. 2. Theol. nat.) conferri potest cum forma Reip. seu modo exercendi imperium. Qui in unam ecclesiam coeunt, in hunc modum colendi Deum, consequenter in hanc religionem consentiunt & non alio fine consociantur, quam ut hoc modo colant Deum, non alio. Quamobrem si religio mutatur, perinde est, ac si, qui hoc fine consociati fuerant, nunc alio consociantur: quod sane idem est, ac a societate pristina discedere & aliam novam inire. Dispar igitur omnino ratio est, si in civitate forma Reip. in ecclesia religio mutetur. Sicuti non eadem manet Resp. si imperium hoc, vel alio modo exercentur; ita nec eadem manet ecclesia, si hoc modo colatur Deus, vel alio. Quamobrem patet, cum ecclesia comparandam esse Remp. minime autem civitatem, vel populum. Resp. civitatis ordinatio est (§. 26.), & hæc diversa evadit pro diverso modo exercendi imperium, quemadmodum diversitas ecclesiæ oritur ex diverso modo colendi Deum. Si totum coetum religionariorum tanquam eas unum ex distantibus constans consi-

derare velis in oppositione ad irreligionarios, eum cum populo comparare posses, & tunc dici poterat, mutata religione eos, qui nunc alii religioni addicti sunt, coetum religionariorum manere. Ast istiusmodi abstractiones ab usu loquendi abhorrent, quamvis in presenti attendendæ sint, ut nebulæ penitus dispellantur, ne caligine mentem obfuscent.

§. 506.

De statu democratico in regnum mixto.

Quoniam mutata forma Reip. idem manet populus (§. 505.), Resp. vero vel democratia, vel aristocratia, vel monarchia est, vel ex hisce quomodocunque mixta (§. 151. & seqq.); si sublata democratia introducatur monarchia, vel status mixtus ex democratia & monarchia, aut aristocratia, consequenter si *populus liber sibi imponit Regem, qualemcunque volueris* (§. 139.), *idem manet & contra.*

Populus Romanus non eandem semper habuit Reip. formam: alia enim fuit sub Regibus, alia sub consulibus, alia sub imperatoribus. Idem vero semper fuit populus, non sub Regibus alius, alius vero sub consulibus, alius sub imperatoribus. Non est, quod objicias, populum interire, consequenter non manere eundem, si universi cives servitutem civilem subeant (§. 499.): etenim tum modus exercendi imperium non mutatur, quemadmodum contingit, si populus sibi Regem imponit & contra, sed ipsum imperium aufertur & quæ fuerat civitas sui juris juri alieno subjicitur.

§. 507.

Cujusnam

Res tam sacra, quam ecclesiastica naturaliter sunt ecclesiæ sint res sacre particularis in certo quodam loco. Res enim sacræ cultui dicuntur & ecclesiæ publico dicantur (§. 481.), ecclesiasticæ vero ad usus alios ecclesiæ spectant (§. 485.). Quamobrem cum ecclesiæ particularis cultum divinum publicum in eodem loco com-

communem ~~liber~~beat (§. 484.); rebus tam sacris, quam ecclesiasticis indiget. Necesse igitur est, ut vel communis sumtu comparentur, vel liberalitate membrorum quorundam ecclesiæ, aut aliorum ipsis donentur. Enimvero si proprio sumtu comparentur, per se patet, eas ecclesiæ particularis in isto loco esse, & quoniam res donata donatarii est (§. 48. *part. 4. & §. 675. part. 2. Jur. nat.*), si res sacræ & ecclesiasticæ libertate aliorum ecclesiæ donentur, eadem quoque ipsius sunt. Patet itaque res tam sacras, quam ecclesiasticas naturaliter esse ecclesiæ particularis in aliquo loco.

Ita templum in pago & res, quæ ad usum cultus divini in eodem dicatæ sunt, ecclesiæ sunt, quæ in isto pago est. Similiter ædes habitationi pastoris ecclesiæ in eodem destinata, & agri atque prata ad sustentationem ejus destinata sunt ecclesiæ istius. Huc etiam pertinent certa jura eodem fine ecclesiæ concessa, quorum exercitium pastori confertur.

§. 508.

Quoniam ecclesia eadem manet, etiamsi alii homines decedant, alii in loca decedentium succedant, salva nimirum communionem cultus divini publici in eodem loco (§. 495.); *res autem tam sacra, quam ecclesiastica naturaliter sunt ecclesiæ particularis in certo quodum loco (§. 507.); eadem manent ecclesiæ istius particularis, etiamsi nemo eorum amplius in vivis sit, qui erant ecclesiæ membra, cum ea comparentur, aut quomodocunque acquirerentur.*

*An semper
maneant
ecclesiæ.*

Ecclesia persona moralis est, quæ non moritur, etiamsi singuli, qui præsentis tempore ejus membra sunt, moriantur, sed tamdiu vivere intelligitur, quamdiu vivunt homines eodem modo consociati, seu eidem cultui divino publico in eodem loco conjunctim vacantes. Quemadmodum itaque quilibet

quilibet dominium retinet in suis rebus, quamdiu vivit, ita etiam res sacræ atque ecclesiasticæ manent ejus ecclesiæ, cujus ab initio fuerant, quamdiu superest. Nihil in hisce difficultatis est, modo personam moralem cum persona physica non confundas & animum ad ea attendas, quæ differentiam eorum, quæ ex distantibus constant a coherentibus faciunt (§. 489.)

§. 509.

Quale sit

jus ecclesiæ ter utendi, quam ut adhibeantur ad eum usum, cui destinata sunt. in rebus sacris & ecclesiasticis.

Ecclesia non competit jus rebus sacris & ecclesiasticis ali-
Etenim res sacræ ad cultum divinum dedicantur, nec usum
alium, quam sacrum habere debent cum ex intentione eorum, qui eas ecclesiæ donant, tum membrorum ecclesiæ nunc viventis, quæ communi sunt easdem comparant (§. 481.), & cum res ecclesiasticæ ad alios usus ecclesiæ destinantur (§. 485.), eodem modo intelligitur, quod eosdem non alios usus eadem habere debeant. Quamobrem ecclesiæ non competit jus rebus sacris & ecclesiasticis aliter utendi, quam ut adhibeantur ad eum usum, cui destinata sunt.

Quamvis naturaliter res tam sacræ, quam ecclesiasticæ sint ecclesiæ (§. 507); dominium tamen earum restrictum est, quatenus usus earum definitus, quem habere debent. Neque hoc singulare est. Etenim possum tibi donare rem quandam, ea lege, ut ne eadem uti possis nisi quemadmodum volueris. Etsi itaque alium quoque usum habere illa possit, ab eodem tamen abstinendum, quia tibi permissus non est. Transtuli in te dominium restrictum, aut si mavis, limitatum: acceptatione igitur tua jus aliud acquirere non potuisti. Similiter si volui, ut jus in te translatum per te transmitti debeat ad alium, nonnisi jus eo, quem statui, modo transmissibile acquirere potuisti.

§. 510.

§. 510.

Ecclesia res sacras & ecclesiasticas pro lubitu alienare ne- An res sacrae quis. Etenim ecclesiae non competit jus rebus sacris & ecclesiasticis aliter utendi, quam ut adhibeantur ad eum usum, *sive ab ecc-* cui destinatae sunt (§. 409.), cumque usus iste subsistat, *et- clisia alie-* iamli singuli moriantur, qui nunc membra ecclesiae sunt, & *nati possint.* iisdem mortuis ecclesia non intereat, sed adhuc supersit (§. 495.), & res tam sacrae, quam ecclesiasticae ejusdem maneant (§. 508.); neutrum autem eorum fieri possit, si alienentur (§. 662. *part. 2. Jur. nat.*); ecclesia quoque res sacras & ecclesiasticas pro lubitu alienare nequit.

Videndum omnino est, quale jus in rebus sacris & ecclesiasticis acquisiverit ecclesia, cum ejusdem propriae factae sunt. Quae non destinatae sunt ad temporarium usum, eundem ecclesiae subducere nequeunt, qui in praesenti ecclesiam faciunt. Idem accidit circa res sacras & ecclesiasticas, quod obtinet in translatione imperii, ut qui nunc sunt ecclesiae membra eas habeant jure usufructuario, non vero pleno jure proprietatis, proprietate nimirum manente apud ecclesiam totam, quae etiam membra futura complectitur, sicuti Rex in regno successorio jure usufructuario habet imperium, quod ad successores transmittendum, proprietate revera manente apud populum, etsi exercitium juris suspendatur, ac quodammodo restringatur. Quod est ecclesiae, non est hominum, qui nunc ecclesiam faciunt. Etsi enim qui nunc vivunt ecclesiam nunc faciant; cum tamen iidem non faciant omni tempore, qui nunc faciunt, ecclesiae contra distinguendi sunt, quatenus spectatur tanquam ens perpetuo duraturum, aut, si *maius*, interitu successivo membrorum praesentium non interitum.

§. 511.

Qui nunc ecclesiam faciunt de rebus sacris & ecclesiasti- De restri-
cis dispo- *ne non possunt in praerudicium ecclesiae pro tempore fu-* Etione ju-
(Wolffii Jur. nat. Pars VIII.) C c c *ture. ris in rebus*

sacris & ecclesiasticis. *iuro.* Res sacræ & ecclesiasticæ naturaliter sunt ecclesiæ particularis in certo loco (§. 507.) & ejusdem manent, etiam si singuli, qui nunc ejus membra sunt, moriantur (§. 508.). Quamobrem cum tam sacræ (§. 481.), quam ecclesiasticæ destinatæ sint ad certum usum (§. 485.), nec ecclesia aliter ejusdem uti debet, quam ad hunc usum, cui destinatæ sunt (§. 509.); qui in posterum ecclesiam facient, iisdem idem usus competit, consequenter qui nunc ecclesiam faciunt illis, qui in posterum eandem facient, pro lubitu eundem auferre minime possunt (§. 336. *part. 2. Jur. nat.*). Quoniam itaque id fieret, si in præjudicium ecclesiæ pro futuro tempore disponderent; qui nunc ecclesiam faciunt de rebus sacris & ecclesiasticis dispondere non possunt in præjudicium ecclesiæ pro futuro tempore.

Usus rerum sacrarum & ecclesiasticarum pertinet ad ecclesiam, quæ manet, etiam si singuli, qui nunc eam faciunt, fuerint mortui (§. 494.). Præsentia igitur membra violant jus ecclesiæ, si quomodocunque de rebus istis disponent, ut futuro tempore ecclesia eundem usum habere non possit, consequenter injuriam faciunt iis, qui futuro tempore ecclesiam facient (§. 859. *part. 1. Jur. nat.*). Quamobrem injustum est, quicquid disponitur de rebus sacris & ecclesiasticis in præjudicium ecclesiæ pro tempore futuro (§. 239. *part. 1. Phil. pract. univ.*). Quoties ecclesia dicitur, non intelliguntur homines, qui nunc eandem faciunt, etiam si omnes simul sumantur (§. 494.). Iura igitur ecclesiæ spectanda non sunt tanquam hominibus hæc competensia.

§. 512.

De rebus sacris in vero penuria; Si res sacræ superflue adfuerint, rerum ecclesiasticarum vero penuria; illas vendere & in usus alios Ecclesia necessarios penam inde collectam impendere naturaliter licet. Quod si enim res, quædam sacræ fuerint superflue, cum rerum sacrarum usus

usus in cultu divino sit (§. 481.), absque iis cultus divinus *sia impen-*
celebrari potest (§. 239. part. 4. Jur. nat.), consequenter dendis.
 iis carere potest ecclesia. Quodsi vero rerum ecclesiastica-
 rum fuerit penuria, ad usus alios ecclesiæ necessarios mini-
 me sufficiunt, quod per se patet. Quamobrem cum tam res
 sacræ, quam ecclesiasticæ sint ecclesiæ (§. 507.) quæ iisdem
 ita uti debet, ut ecclesiæ omni modo prospiciatur (§. 481.
 485.); naturaliter nil obstat, quo minus res sacras, quibus
 carere potest in cultu divino, impendat in alios usus Eccle-
 siæ necessarios ad cultum divinum directe non spectantes,
 ejus tamen causa faciendos; Naturaliter igitur res sacras su-
 perfluas vendere licet, si rerum ecclesiasticarum fuerit pe-
 nuria, & pecuniam inde collectam in alios usus Ecclesiæ
 impendere licet.

E. gr. ponamus ædes habitationi ministrorum ecclesiæ de-
 stinatas esse reficiendas, ne collabantur, reditus autem eccle-
 siasticos reficiendis minime sufficere; si res sacræ superflue
 adfuerint, quia eas alienare & pecuniam inde collectam in re-
 fectionem ædium ecclesiasticarum impendere naturaliter li-
 ceat, dubitandum non est. Idem intelligitur eo in casu, si
 reditus ecclesiæ casu quodam imminui contingat, ut ad su-
 stentationem ministrorum ecclesiæ non amplius sufficiant.
 Ministris ecclesiæ carere nequit ecclesia, si cultus divinus pu-
 blice celebrari debet; rebus autem sacris, si quæ superflue
 fuerint, carere potest. Interest igitur ecclesiæ, ut ministris ec-
 clesiæ de habitatione & sustentatione prospiciatur, at parum
 interest, ut res sacras superfluas habeat. Quamobrem cum
 res sacræ ad cultum diuinum publicum dedicarentur, casus pro-
 positionis præsentis tacite exceptus intelligitur. Quemadmodum
 elemosynam petere non licet iis, qui labore suo tantum acqui-
 rere valent, quantum ad vitæ necessitatem sufficit (§. 220.
part. 4. Jur. nat.); ita nec ecclesia aliorum opem implorare

C c c 2

debet,

debet, quamdiu ipsamet necessitati suæ prospicere valet. Ceterum in casu propositionis præsentis non disponi de rebus sacris in præjudicium ecclesiæ pro tempore futuro, quod facere minime licet (§. 511.), nemo non videt.

§. 513.

De rebus sacris. Si res quædam sacra facta fuerint inutiles; eas alienare, quæ in-
pecuniam inde redactam vel in usum sacrum, vel ecclesiasticum
utiles facta. impendere licet, prout casus tulerit. Etenim si res quædam sacrae inutiles facta fuerint, in cultu divino publico nullum amplius usum habere possunt (§. 481.). Quoniam tamen ecclesiæ sunt (§. 507.); ea de iis in utilitatem ecclesiæ disponere potest: quod cum fiat, si alienentur & pecunia inde redacta in usum sive sacrum, sive ecclesiasticum impendatur, prouti is, vel hic magis necessarius; quo minus hoc fiat, quoniam non disponitur in præjudicium ecclesiæ pro futuro tempore, quod facere minime licet (§. 511.), nihil omnino obstat. Quamobrem si res quædam sacrae facta fuerint inutiles, eas alienare & pecuniam inde redactam vel in usum sacrum, vel ecclesiasticum impendere licet, prout casus tulerit.

Non obstat, quod res sacrae alium usum, præter sacrum, habere non debeant (§. 481.), nec ecclesia easdem ad alium usum adhibere possit, quam cui destinatae sunt: id enim intelligitur, quamdiu usum istum habere possunt. Non eo sine ab ecclesia, quæ nunc est, comparantur, aut eidem ab aliis offeruntur, ut nullum habeant usum, consequenter ut inutiles facta asservantur. Res omnes sunt usus gratia & hujus causa comparantur. Stultum est asservare res, quæ nulli usui sunt, & carere rebus, quæ usui esse poterant.

§. 514.

§. 514.

Si temporum calamitate reditus ecclesiastici ita imminuantur, ut sustentationi ministrorum ecclesiæ non sufficiant, aut tione rerum ob intolerandam famem pauperum vitæ succurrendum, vel in aliis sacrarum in necessitatibus subveniendum sit miseris; res sacras alienare licet, casu extreme. Etenim res sacræ ad cultum divinum dedicatæ sunt (§. 481.), *ma necessi-* consequenter cultu divino sublato, earum usus expirat. *tatis.*

Quamobrem si temporum calamitate reditus ecclesiastici ita imminuantur, ut sustentationi ministrorum ecclesiæ non sufficiant, cum sine his cultus divinus publicus subsistere non possit (§. 459.); res sacras hujus conservandi causa alienare licet. *Quod erat unum.*

Quodsi intoleranda fames ita premat pauperes, ut vitæ eorum sit succurrendum; eidem succurrere opus misericordiæ est (§. 255. part. 4. *Jur. nat.*). Quamobrem cum misericordes esse debeamus erga eos, qui a malo, quo affliguntur, se ipsos liberare nequeunt (§. 259. part. 4. *Jur. nat.*), & ut hoc faciamus, Deus velit (§. 276. part. 1. *Phil. pract. univ.*), obedientia vero Deo præstita sit pars cultus divini interni (§. 1234. part. 1. *Jur. nat.*); cultui divino interno repugnat malle servare res sacras cultus externi splendidiore causa, quam vitæ pauperum subvenire. Quoniam itaque in casu collisionis cultus Dei internus præferendus splendori cultus externi, qui eo carere potest, cum ille sit indispensabilis necessitatis (§. 142. part. 1. *Phil. pract. univ.*); si ob intolerandam famem vitæ pauperum succurrendum, res sacras alienare licet. *Quod erat secundum.*

Idem eodem modo intelligitur, si in aliis necessitatibus subveniendum miseris. *Quod erat tertium.*

Temporum calamitate imminui posse reditus ecclesiasticos,

Cc c 3

ut

ut sustentationi ministrorum ecclesiæ non sufficiant, in dubium reuocari nequit. Contingere potest istiusmodi immunitio, tum copiis hostilibus terras infestantibus, tum annonæ caritate per multum temporis continuata. Operibus vero misericordiæ esse etiam locum in alio casu, quam in quo fames intoleranda premit pauperes, exemplum a *Iustiniano* in Institutionibus de Rer. div. §. 3. loquitur, si ejusdem religionis consortes ab hostibus capti redimendi sint & nihil aliud suppetat, unde redimantur. Et quamvis hic potissimum habenda sit ratio eorum, qui ejusdem ecclesiæ particularis fuerunt membra; non tamen ad hæc ita restringuntur opera misericordiæ, ut non extendenda sint etiam ad membra ecclesiæ universalis. Consona hæc sunt principiis Juris naturæ, etiamsi hic seponamus ea, quæ a religione christiana veniunt. Quamvis vero qui res sacras ecclesiæ donarunt, vel pecuniam ad eas comparandas, eas dedicaverint ad cultum divinum publicum & præcise ad eum usum, quem in eodem habere possunt, vel quem ipsimet expresse dixerunt; non tamen dici potest, a voluntate ipsorum alienum esse, ut in casu necessitatis inde subveniatur vitæ ministrorum ecclesiæ, vel pauperum, aut miseris aliis succurratur: huc enim ducit bona interpretatio (§. 515. part. 6. Jur. nat.).

§. 515.

*De nexu
juris oppigno-
randi cum
jure alie-
nandi.*

Qui rem alienare potest, eam etiam oppignorare potest. Qui enim rem oppignorat, in creditorem transfert jus conditionatum eandem vendendi (§. 1145. part. 5. Jur. nat.). consequenter dominium transferendi (§. 939. part. 4. Jur. nat.), adeoque alienandi (§. 662. part. 5. Jur. nat.). Quamobrem cum jus alienandi in alterum transferre possit, qui habet, seu rem alienare potest; qui rem alienare potest, eandem etiam oppignorare potest.

Quando res oppignoratur, periculo alienationis exponitur
(§. 1144.

(§. 1144. part. 5. Jur. nat.). Unde oppignoratio via ad alienationem esse dicitur. Quamobrem facile patet jus oppignorandi rem ita cohæreere juri alienandi, ut sine hoc concipi non possit, cumque minus sit rem periculo alienationis exponere, quam actu alienare, non minus patet, qui rem actu alienare potest, eundem quoque eam periculo alienationis exponere, consequenter oppignorare posse.

§. 516.

Quoniam qui rem alienare potest, eam etiam oppignorare potest (§. 515.); facile intelligitur, *res sacras & ecclesiasticas eo in casu oppignorari posse, in quo eas alienare licet.*

Non igitur opus est, ut sigillatim demonstretur, quando nam res sacræ & ecclesiasticæ oppignorari possint,

rum sacrarum & ecclesiasticarum.

§. 517.

Si res sacras & ecclesiasticas oppignorando necessitati parere datur; eadem alienanda non sunt. Quando oppignoratio necessitati parere datur; ut alienationi nentur, nulla necessitas urget. Quamobrem cum ecclesiæ præferenda. non competat jus res sacras & ecclesiasticas pro lubitu alienandi (§. 510.), consequenter nec eas absque urgente quadam necessitate alienare debeat; si eosdem oppignorando necessitati præsentari parere detur, alienandæ non sunt.

Si res oppignorando necessitati parere datur, cum spes reluendi pignus ecclesiæ superesse, tum adesse debet, qui pecuniam sub pignore, vel hypotheca credere velit. Quodsi oppignoratio necessitati præsentari parere detur, alienatio fit in præjudicium ecclesiæ pro futuro tempore: id quod fieri minime debet (§. 511.). Non est quod objicias, spem reluendi pignus esse fallacem, cum futura prævidere non liceat, & qui ecclesiam nunc faciunt plus sperare posse de facultati-
bus

bus ecclesiæ, quam in iis est: etenim si spes fallat, alienationi via minime præcluditur, quæ vero actu alienata sunt, ea recuperare haudquaquam datur. Quamobrem imprimis probe dispiciendum, ne res immobiles ecclesiasticæ alienentur, quamdiu oppignorando servari possunt. Hæc quamvis ad prudentiam ecclesiæ spectare videantur, in iure tamen naturæ etiam attendenda veniunt, quia qui nunc ecclesiam faciunt de rebus sacris & ecclesiasticis disponere non debent in præjudicium ecclesiæ pro futuro tempore. Aliter prorsus sese res habet, si qui de re disponit pleno iure sit dominus, ut de ea disponere possit pro lubitu (§. 118. part. 2. Jur. nat.), & ipsi quoque permittendus sit juris sui abusus (§. 169. part. 2. Jur. nat.), cum nihil faciat in præjudicium tertii (§. 120. part. 2. Jur. nat.).

§. 518.

Derebus sacris necessariis.

Res sacra necessaria dicuntur, sine quibus cultus divinus publicus locum habere non potest, aut saltem commode habere nequit. Quoniam templa sunt rebus sacris accensenda (§. 461. 481.); sine iis autem cultui divino publico vacare non liceat, aut saltem minus commode (§. 461.); *templa rebus sacris necessariis annumeranda veniunt.*

Enumeratio rerum sacrarum necessariorum fieri nequit, cum cultus divinus publicus variet pro diversitate religionum, ita ut non in omni Ecclesia earundem rerum indispensabilis sit usus. Ita Christiani in sacra coena, quæ ad cultum divinum publicum spectat, opus habent calice, quo carere possunt qui alii quam christianæ religioni addicti sunt. Templa annumeravimus rebus sacris necessariis. Quamvis enim qui eidem religioni addicti sunt, cultus divini celebrandi causa in ædibus etiam privatis, immo in locis quibuscunque aliis convenire possint; nemo tamen diffiteri potest, si ingens membrorum ecclesiæ fuerit multitudo, id parum commode fieri

fieri posse non modo ob angustias loci, verum etiam ob causas alias, quas experientia facile suggerit.

§. 519.

Res sacrae utiles dicuntur, quæ etsi necessariae non sint, *Derebus sac-* cultum tamen divinum promovent, aut facilitant. *Quam-cris utili-* obrem cum ceremoniæ in memoriam nobis revocent ea, *bus,* quorum in cultu divino meminisse debemus (§. 442. *part. 2. Phil. pract. univ.*); *res sacrae ceremoniis servientes rebus sacris* *utilibus annumeranda.* Et eodem modo patet, *imagines quo-* que in templo collocatas, *qua attributa & beneficia insignia Dei,* *itemque singularia pietatis exempla in memoriam nobis revocant,* *in eundem censum venire.*

Ad res sacras utiles referendæ sunt apud christianos vestes sacrae, quibus utuntur sacerdotes in eucharistiæ administratione, candelabra in altaribus posita, imagines Christi crucifixi in iisdem collocatae. Pertinent enim res istæ ad cultum divinum ceremonialem, cultus interni incitamenta: id quod in dubium vocari nequit, modo animum attendere velis ad ea, quæ in parte secunda Philosophiæ practicae universalis prolixè demonstravimus.

§. 520.

Res pretiosa dicuntur, quæ magno pretio comparan- *Derebus sa-* tur; *minus pretiosa* vero, quæ exiguo, vel vili pretio com- *cris pretio-* parari possunt. Quoniam rerum pretium æstimatur cum ex *sis & minus* materia, ex qua constant, tum ex artificio, quo perficiuntur; *pretiosis.* *res sacra tam necessaria, quam utiles & pretiosa, & minus pretiosa* esse possunt (§. 518. 519.).

Calices sunt res sacrae necessariae (*not. 518.*): ast quis est, qui nesciat, argenteos & auratos pretiosiores esse stanneis, & gemmis textos esse pretiosiores argenteis, qui iisdem destituuntur.

(*Wolfs Jur. Nat. Pars VIII.*)

D d d

tur.

tur. Similiter tabularum pictarum pretium insigniter augeat artificium, & ornatum altarium tam materia, quam artificium pretiosum facit. Tabulæ autem pictæ & quæ ad ornatum altarium pertinent rebus sacris utilibus accensentur (§. 519.).

§. 521.

*Effectus
pretiositatis
rerum sa-
crarum.*

Pretiositas rerum sacrarum est incitamentum magnificationis Dei. Cum enim rebus sacris in cultu divino publico utamur; si fuerint pretiosæ, eo ipso indigitamus, nos Deum maximi facere debere, consequenter magnitudinis ejus ideam in animo suscitant, ad quem colendum accedimus. Quoniam itaque omnis cogitationum nostrarum series a sensu incipit (§. 64. *Psych. nat.*); rerum sacrarum pretiositas appetitum movet ad Deum maximi faciendum, consequenter magnificationis Dei incitamentum est.

Qui rerum sacrarum pretiositatem damnant, vel vili pendunt, quia ad cultum Numinis internum non facit, quod pura saltem mente colendum; naturam mentis humanæ ignorant, aut saltem non cognoscunt distincte. Neque enim perpendunt, nos sensu duci ad actus internos, in quibus cultus divinus internum consistit. Quamvis vero sint, qui pretiositatis rerum sacrarum non faciunt usum, quem habere debent; neglectus tamen usus non tollit usum, sicuti nec abusus eundem tollit, si qui cultum internum ab externo separantes in hoc solo acquiescunt. Nec est, quod objicias, fieri non posse, ut in omni Ecclesia res sacræ sint pretiosæ, consequenter cultum divinum deficere in nonnullis, ubi minus pretiosæ sunt. Homines enim de pretiositate rerum sacrarum statuunt ex pretio rerum suarum. Quamobrem quæ alicubi pretiosæ habentur, alibi viles æstimantur. Sufficit itaque res sacras pretio distingui a rebus, quibus nos utimur, præsertim ad decorem. Ipsa experientia veritatem propositionis præsentis confirmat

firmat non modo in vulgo imperito, verum etiam in aliis, qui vulgo alius sapiunt.

§. 522.

• Quoniam pretiositas rerum sacrarum est incitamentum magnificationis Dei (§. 521.), Deum autem maximi facere debemus (§. 1181. part. 1. Jur. nat.) & ejusdem magnificatio ad cultum divinum internum spectat (§. 1234. part. 1. Jur. nat.), ab externo minime separandum (§. 1254. part. 1. Jur. nat.); rebus sacris, quæ cultui divino publico unice dicatæ sunt (§. 481.), rectè utimur pretiosis, consequenter earum pretiositas juri naturæ convenit (§. 189. part. 1. Phil. præd. univ.).

Cum lex naturæ regat omnes actus humanos; absonum minime videri debet, quod etiam disponat de pretiositate rerum sacrarum, de qua multa adhuc dici poterant, quæ eandem commendant, nisi hic sufficeret earum convenientiam cum Jure naturæ esse evictam. Illud tantummodo probe adhuc inculcandum, nos pretiositatis rerum sacrarum cum facere debere usum, quem ea habere debet, & ut facere valeamus, magnitudinem Dei esse agnoscendam & propositum eam maximi faciendi animo firmiter esse infigendum, tunc enim ideam illius conspectus rerum sacrarum pretiosarum ex templo suscitabit & ad exequendum propositum magnificationis divinæ ducet: id quod proderit in omni cultu divino reliquo & imprimis faciet, ne internum ab externo separemus.

§. 523.

Si necessitas res sacras alienare cogit, pretiosa præsertim nites potius alienanda, quam minus pretiosa, & in locum necessariorum substituenda sunt minus pretiosa. Etenim cum res pretiosæ utiliter quidem in cultu divino adhibeantur (§. 521.),

Dd d 2

fine

rum attendenda. sine iis tamen cultus divinus subsistat, & alienatione pretiosarum facilius prospiciatur necessitati præsentis, quam minus pretiosarum, quod per se patet, ac præterea earundem alienatio id præstet, ut rectius perpendatur calamitas præsentis temporis, quæ alienandi necessitatem imponit, quod utilitate sua non carer, pro diversitate circumstantiarum haud difficulter æstimanda; si necessitas res sacras alienare cogit, pretiosæ potius alienandæ sunt, quam minus pretiosæ. *Quod erat primum.*

Quoniam sine rebus utilibus cultum divinum celebrare possumus, non vero sine necessariis (§. 518. 519.), utut necesse non sit ut necessariae sint pretiosæ, cum magnificationis Dei adhuc alia dentur incitamenta, quam rerum pretiositas, in quo usus ejus consistit (§. 521.), immo si necessariae fuerint pretiosæ, eæ eundem usum habeant quam pretiosæ utiles; si rerum sacrarum alienationem necessitas quædam unget, alienandæ potius sunt res utiles, quamvis pretiosæ, quam necessariae. *Quod erat secundum.*

Denique cum rebus necessariis carere nequeamus in cultu divino publico (§. 518.); si res pretiosæ necessariae alienentur, in earum locum utique substituendæ sunt similes minus pretiosæ. *Quod erat tertium.*

Non diffiteor, plura subinde attendenda esse, si decerni debeat, quænam ex rebus sacris sint alienandæ, sive ea spectes, quæ alienandi necessitatem imponunt, sive res ipsas sacras: nimis tamen prolixum foret singulorum rationem excutere. Quæ igitur in casu emergente perpendenda, prudentiæ alienantium relinquenda. Immo nec huic semper locum facit necessitas, cui parendum. Ita sæpe deest occasio alienandi, quæ velis, & tunc alienanda sunt, quæ retinere mallets.

Non obstat, quod res sacræ ad alium usum adhiberi non debeant, nisi ad sacrum (§. 481). Etenim hæc obligatio ecclesiam tantummodo tangit, quamdiu existit (§. 509.). Quodsi ea non amplius existat, nullus quoque amplius illarum rerum sacer usus est, cultu divino publico cessante, ac per consequens, quæ fuerant res sacræ, sacræ esse desinunt. Idem quoque intelligitur de rebus ecclesiasticis.

§. 526.

Quando eas Quoniam ecclesia intereunte res sacræ & ecclesiasticæ
Reſtor civi- fiunt ejus, cui jus occupandi res dominio vacuas competit,
tatis acqui- seu proprium factum est (§. 525.); *ſi hoc jus in Reſtorem ci-*
rat. *vitatis fuerit translatum, aut alio modo ei proprium factum, Re-*
ſtoris civitatis ſiunt res ſacræ & eccleſiaſtica, eccleſia intereunte,
conſequenter de iis diſponere poteſt, prouti viſum fuerit (§. 118.
part. 2. Jur. nat.)

Jus occupandi res dominio vacuas a Rectore civitatis alio adhuc modo acquiri poſſe, quam ut a populo in eum transferatur, ſuo loco parebit.

§. 527.

De rebus ſa- Si eccleſia religionem mutat, nec jus occupandi res domi-
cris & eccle- nio vacuas Reſtori civitatis competit; res ſacræ & eccleſiaſtica eo-
ſiaſticis mu- rum ſiunt, qui novam eccleſiam faciunt, ſeu manent eccleſia no-
tata reli- va: quodſi vero ſuperiori civitatis competat jus occupandi res do-
gione. minio vacuas, de iis diſponere debet in uſum eccleſia novæ, prouti
neceſſarium videbitur. Quodſi enim eccleſia religionem mu-
tet, interit (§. 503), conſequenter res ſacræ & eccleſiaſticæ
fiunt nullius (§. 524). Quamobrem ſi jus occupandi res do-
minio vacuas non competat Reſtori civitatis, qui novam ec-
cleſiam faciunt, jus res ſacræ & eccleſiaſticas eccleſiæ in-
tereuntes occupandi habent. Fiunt igitur, mutata religione,
ipſorum res iſtæ (§. 525). *Quod erat primum.*

Enimvero

Enimvero qui novam ecclesiam faciunt, iidem sunt, qui priorem faciebant, quod per se patet. Quamobrem cum eorum sint res sacræ & ecclesiasticæ, mutata religione, qui novam ecclesiam faciunt, nisi jus occupandi res dominio vacuas competat Rectori civitatis *per demonstrata n. 1.* mutata religione res sacræ & ecclesiasticæ manent apud ecclesiam novam. *Quod erat secundum.*

Quodsi denique Rectori civitatis competat jus occupandi res dominio vacuas, cum mutata religione ecclesia intereat (§. 503), res sacræ & ecclesiasticæ fiunt Rectoris civitatis (§. 526). Enimvero cum Rectori civitatis curæ esse debeat, ut subditi colant Deum (§. 458), necesse etiam est, ut ecclesiæ prospiciat de iis, quæ ad cultum divinum publicum & alios usus ecclesiæ requiruntur, consequenter ne desint res sacræ & ecclesiasticæ (§. 481. 485). Quamobrem cum de rebus sacris atque ecclesiasticis, quæ fuerant ecclesiæ prioris, pro lubitu disponere possit (§. 526); mutata religione de iis disponere debet in usum novæ ecclesiæ, prouti necessarium videbitur. *Quod erat tertium.*

Non omnis religio eundem requirit apparatus rerum sacrarum, nec eundem numerum rerum ecclesiasticarum: id quod adeo manifestum est, ut plura eam in rem dicere superfluum foret. Quemadmodum itaque ecclesia nova, si res sacras & ecclesiasticas prioris retinet, de iis disponere potest, sicuti religioni suæ convenit; ita quoque Rector civitatis, quando eas acquirit, in usum novæ ecclesiæ disponere potest, prouti eidem necessarium videbitur, ut cultus divinus novæ religioni convenienter celebrari possit. Si alius fuerit Rector ecclesiæ, quam civitatis, cui subsunt omnes ecclesiæ particulares; facile patet, de Rectore ecclesiæ eadem tenenda esse, quæ de Rectore civitatis demonstrantur. Sed hic quoque non confundenda sunt, quæ juris naturalis sunt, cum iis, quæ ab instituto

stituto veniunt, id quod clarius elucescet, ubi alia inferius a nobis fuerint demonstrata. Nullas hic religiones supponimus, quæ in orbe vel olim floruerunt, vel etiam nunc florent; sed de religione nonnisi in abstracto agitur in Jure naturæ. Quæ enim facti sunt, extra sphaeram hujus Juris sunt, etsi quæ in genere demonstrantur, ad quamlibet religionem applicari possint & debeant; ut agnoscat & fiat, quod justum & æquum est.

§. 528.

Quando Re-
ctor civita- Quoniam *Rektor civitatis* res sacras & ecclesiasti-
cas cas mutata religione acquirens de iis in usum novæ eccle-
siæ res sa- fix disponere debet, prouti necessarium videbitur (§. 527),
cras & ec- & eidem jus competit de iis pro lubitu disponendi (§. 526);
clesiasticas mutata religione res sacras & ecclesiasticas ecclesia nova omnes relin-
novæ eccle- quere potest, immo si iisdem omnibus indigeat, relinquere debet, cumque
siæ relinque- tunc sint ecclesia nova, hac pro lubitu disponere potest, quam ad
re debeat. usum sacrum, quam ad ecclesiasticum destinari debeant (§. 118.
part. 2. Jur. nat.) nisi ipse *Rektor civitatis* certam usus legem
prescripseris (§. 112. *part. 2. Jur. nat.*).

Mutata religione res, quæ fuerant sacræ vel ecclesiasticæ, tales non manent, nec tanquam tales acquirit *Rektor civitatis*. Quando igitur eas ecclesiæ novæ donat, de earum destinatione vel ipse statuere potest, vel ecclesiæ novæ liberum relinquere, ut statuat, quomodo e re ipsi visum fuerit. Cura cultus divini publice tacite inest pacto originario, quo civitas constituta, & unde enatum est imperium *Rektori civitatis* competens. Quamobrem obligatio ejus, de qua hic agitur, perfecta est, ut sine injuria eandem insuper habere nequeat: id quod satis manifestum est iis, qui principiis Juris naturæ passim demonstratis animum imbutum habent, ut proluxa demonstratione minime sit opus.

§. 529.

§. 529.

Comœdias dicimus representationes factorum personarum sive verarum, sive fictarum & exitus lati. Qui co-*quid sit* *moedias* agunt, *Actores* appellantur. Idiomaticè patrio co-*Tragoedia.* *moedias* *Schauspiele*, abusu loquendi, qui invaluit, *Comœdien* appellamus. *Tragoedias* autem vocamus representationes factorum personarum sive verarum, sive fictarum & exitus tristic. Vernaculo sermone dicimus *Trauer-Spiele*, abusu loquendi frequentissime *Tragœdien*.

Veteres *comœdias* a *tragoediis* distinguebant personarum conditione & fortunarum negotiorumque qualitate atque exitu. In *comœdiis* inducebantur personæ humiles; in *tragoediis* heroës, reges, duces. In iis in mores hominum invehebatur; in his nonnisi tristes exitus & fortunarum priorum in pejus mutatio repræsentabantur, ut eis, quod triste est, proprium esset. Nos insuper habita personarum conditione in distinguendis *comœdiis* a *tragoediis* potissimum ad eventus & exitus negotiorum respeximus, tum quod hæc differentia magis convenire videatur usui loquendi apud nos recepto, tum quod significatus vocabulorum ita determinatus instituto præsentis magis convenit.

§. 530.

Comœdia & *tragoedia* eundem, quem exempla propria experientia, præbent usum, sed efficacia majore. Etenim *comœdiæ* & *tragoediæ* repræsentant facta hominum & exitum eadem subsecutum (§. 529.), consequenter perinde est, ac si singula fieri ac evenire propriis oculis videremus. Facta hominum & exitus, quem habent, exempla sunt (§. 250. part. 2. *Phil. pract. univ.*), & eorum, quæ ipsimet videmus, propria experientia est (§. 664. *Log.*). Quemcunque igitur usum præbent
(*Wollst. Jur. Nat. Pars VIII.*) Ecce

bent exempla experientiae propriae, eum etiam praebere debent comoediae atque tragoediae. *Quod erat unum.*

Enimvero in comoediis & tragoediis facta hominum ad eundem exitum referenda, una cum eodem atque ceteris omnibus quomodocunque ad ea spectantibus, in continua serie repraesentantur, quae in se longo subinde temporis tractu disjuncta sunt, ita ut singula propriis oculis usurpare & memoriae insigere, consequenter eorum a se invicem dependentiam observare non valeamus. Quamobrem cum in dubium revocari minime possit, comoedias & tragoedias multo perfectiorem ideam factorum humanorum & exitus ea subsequenter animo ingenerare & firmitus memoriae insigere, quam experientiam nonnisi multo studio atque magna circumspeditione acquirendam; comoediae & tragoediae eundem, quem exempla propriae experientiae, usum praebent efficacia multo majore. *Quod erat alterum.*

Si nobis prolixioribus esse liceret, multo luculentius doceri poterat, quantum ideae, quas comoediae atque tragoediae animo ingenerant, praestent iis, quas experientia propria hominibus suppeditat. Sed haud difficile erit, ea per se cognoscere, modo diversitas modi ideam acquirendi in utroque casu rite perpendatur. Inprimis hic considerari debet, quod in comoediis atque tragoediis facilius conservetur attentio ad ea, quae ideae isti inesse debent, quam eadem afferri potest ad singula, si ipsimet ea experiri velimus. Ceterum hic supponimus, comoedias atque tragoedias tales esse, quales esse debent, ut profint. Absit enim, ut existimes, nos omnes promiscue probare. Quemadmodum enim exempla alia bona, alia mala sunt, nec his tribuenda, quae de illis praedicantur; ita similiter de comoediis & tragoediis statuendum.

§. 531.

Quoniam in philosophia practica exemplorum multus isque prorsus insignis est usus (§. 259. part. 2. *Phil. pract. univ.*) & ad cognitionem vivam imprimis plurimum faciunt (§. 273. part. 2. *Phil. pract. univ.*), & optime nos instruunt ad omne officii genus (§. 297. part. 2. *Phil. pract. univ.*) *De utilitate comoediarum & tragoediarum*, in *Rep.* & comoediæ autem & tragoediæ eundem, quam exempla, usum præbent, sed majore efficacia (§. 530.); *cura Rectoris civitatis tragoediæ ad praxin philosophiæ moralis atque civilis* (§. 62. 64. circa eas-
65. *Dist. pralim.*), consequenter officiorum hominis & civis, plurimum adjumenti offerunt. Quoniam itaque etiam curæ esse debet Rectori civitatis, ut subditi sint virtute præditi & ne a virtutis tramite deflectant, & qui deflectunt a vitiis revocentur & in viam rectam reducantur (§. 456.) & imprimis ut sint pii (§. 457.); *comoedias quoque & tragoedias in Rep. nun modo tolerare, verum etiam curare debet, ut ad eum, quem præbere debent, usum sint aptæ.*

Qui comoedias & tragoedias agunt, quales esse debent, socias doctoribus publicis præstant operas (§. 459. 531.). Eadem non solum delectare debent otiosos, sed prodesse omnibus. Abusus tolerandus non est in Rep. sed curandum, ne deficiat usus. Non est, quod objicias, quæ ad virtutem colendam & vitia fugienda faciunt, ea doceri posse, & si exempla desiderentur, peti eadem ex historia. Cum enim paulo ante ostenderimus, comoedias & tragoedias multo majore efficacia eum, quem exempla propriæ experientiæ, præbere usum (§. 530.); multo firmitus idem tenendum de exemplis, quæ solum narrantur, vel in libris descripta leguntur. Si actores personam, quam repræsentare debent, recte induunt; multa observantur, quæ verbis describi nequeunt, aut verbis descripta nec satis intelliguntur, nec appetitum adeo valide movent. Sicuti vox viva melius docet; ita multo melius exem-

plum vivum, quod etiam in eo conspiciamus, qui personam alienam recte induit.

§. 532.

*De subditis ab injuria aliorum tu-
tis præstan-
dis.* *Reſtori civitatis cura eſſe debet, ut quilibet ſit tutus ab injuria aliorum.* Etenim ad finem, cujus gratia in civitatem coitur, tranquillitas quoque (§. 13.), conſequentur vacuitas a metu injuriarum ſpectat (§. 11.). Quamobrem cum in Rep. conſtituenda determinanda ſint ea, quæ ad finem civitatis obtinendum faciunt (§. 393.); id quoque curæ eſſe debet Reſtori civitatis, ut quilibet ſit tutus ab injuriis aliorum.

Inter præcipuas curas Reſtoris civitatis referendum, cives tutos præſtare ab injuriis. Quodſi enim permittatur, ut quis pro lubitu alterum injuria afficiat, permittendum quoque ut læſus injuriam ipſe vindicet, aut deterior erit conditio hominum in ſtatu civili, quam in ſtatu naturali: quod utrumque abſurdum eſt.

§. 533.

*De injuſticia elimi-
nanda.*

Quoniam in Rep. quilibet ab injuria aliorum tutus eſſe debet (§. 532.), injuria autem admittitur, quando quid ſit contra jus perfectum alterius (§. 859. part. 1. *Jur. nat.*); in Rep. ferendum non eſt, ut quid fiat contra jus perfectum alterius, conſequenter ut: jus alterius vel tollatur, vel diminuat; vel uſus ejus quomodocunque impediatur (§. 239. part. 1. *Phil. præſt. univ.*), atque ideo nihil injuſti tolerandum (§. cit.).

Convenit hoc maxime ſocietati civili, quippe quæ contrahitur a ſingulis, ut jure ſuo quiete fruantur & tuto id ab alio conſequantur (§. 4.). Qui vero jure ſuo uti impeditur, eodem minime quiete fruatur, & ſi cujus jus tollitur, vel diminuitur, idem ab alio minime conſequitur. Jus ſuum non con-

consequitur locator, si conductor non solvit mercedem debitam, aut non integram solvit, quum debebat. Ast in casu priori conductor tollit, in posteriori diminuit jus locatoris ad mercedem. Si locator conductorem ante diem expellere velit propterea quod pinguiores reperit; conductor quiete jure suo non fruitur; ast tunc quoque in usu juris sui impeditur.

§. 534.

Quia in Rep. ferendum non est, ut quid fiat quod *De læsione* est contra jus perfectum alterius (§. 532.), qui vero quid in Rep. non facit contra jus alterius cum lædit (§. 920. part. 1. *Jur. nat.*); *toleranda. in Rep. ferendum non est, ut unus alterum lædat.*

Adversatur læsio juri securitatis (§. 919. part. 1. *Jur. nat.*), homini unicuique natura competens (§. 918. part. 1. *Jur. nat.*), quod rueri debet Rector civitatis.

§. 535.

Similiter cum in Rep. ferendum non sit, ut contra *De jure suo* jus alterius quidpiam fiat (§. 533.), qui vero nihil facit, *alteri tribuendo* est contra jus alterius, sed nonnisi ea facit, quæ *se- buendo*. cundum jus alterius, aut eidem convenienter fieri possunt, jus suum alteri tribuit (§. 921. part. 1. *Jur. nat.*); *in Rep. curandum, ut unicuique jus suum tribuatur.*

Ita conductor morosus adigendus, ut locatori mercedem debitam solvat: qui enim tempore convento mercedem solvit, eamque integram, conductori jus suum tribuit.

§. 536.

Quia in Rep. curandum, ut unicuique jus suum tribua- *De justitia* tur (§. 535.), justitiæ autem est jus suum cuique tribuere (§. *colenda*. 926. part. 1. *Jur. nat.*); *Rectori civitatis cura esse debet, ut justitia floreat in Rep.*

Justitia maxime tuetur societatem civilem, nec sine ea finis civitatis obtinetur. Ea adeo necessaria est, ut sine ea nec prædonum ac latronum societas subsistere possit. Quamvis enim eorum injusta sit societas respectu extraneorum, ipsi tamen inter se speciem quandam justitiæ observare tenentur. Misera est Resp. ex qua justitia exulat.

§. 537.

*De fraude
non toleran-
da.*

Quoniam denique qui alterum fraudat, inscio datum dat, seu ita agit, ut is faciat jacturam sui, seu ejus, quod suum esse debebat (§. 147. *part. 5. Jur. nat.*), consequenter jus suum diminuit, in *Rep.* vero ferendum non est, ut jus alterius diminuatur (§. 533.); in eadem quoque, *quantum datur præcavendum, ne quis ab altero fraudetur, nec ut fraus committatur ferendum.*

Facile intelligitur, fraudem omnem justitiæ adversari (§. 147. *part. 5. & §. 926. part. 1. Jur. nat.*). Fraudationibus ubi locus est, justitia vapulat. Dico autem præcavendum esse, ne quis ab altero fraudetur, quantum datur: fieri enim non potest, ut fraudatio omnis præcaveatur. Rector autem civitatis obligari nequit ultra id, quod possibile (§. 209. *part. 1. Phil. pract. univ.*). Quædam hic relinquenda sunt circumspectioni singulorum, quos in suis non otiosos esse convenit in *Rep.* quasi omnem curam abicere debeant in Rectorem civitatis.

§. 538.

*Judex qui-
nam sit.*

Judex dicitur persona, quæ unicuique in civitate jus suum tribui curat & unumquemque adversus injurias aliorum defendit. Quamobrem cum justitiæ sit suum cuique tribuere (§. 926. *part. 1. Jur. nat.*), injuriam autem facere injustitiæ (§. 859. *part. 1. Jur. nat. & §. 239. part. 1. Phil. pract. univ.*)

nmv.) ; *judicis est curare, ut justitia satisfiat, nec injustitia tolleretur.*

Quemadmodum Ulpianus l. 1. ff. de J. & J. Istos justitiæ sacerdotes appellat; ita Judices optimo Jure hoc nomine compellantur. Etenim Jcti saltem docent, quid justum sit, quid injustum; ast judices curant ut fiat quod justum est, nec ferunt, quod injustum.

§. 539.

In civitate constituendi sunt judices. Etenim in civitate De judicibus te curandum, ut justitia floreat (§. 536.), nec tolerandum, in civitate quod injustum est (§. 533.). Quamobrem cum judicis sit *constituenda*, ut justitiæ satisfiat, nec injustitia tolleretur (§. 538.); *dis.* in civitate judices constituendi sunt.

Elucet hinc necessitas Judiciorum, quibus carere nequit Resp. Quænam vero de iis observanda sint, ne quicquam hac in parte desideretur, cum ex subsequentiis, tum ex Politica clarius elucescet.

§. 540.

Judices causas in judicium deductas cognoscere, a cujusnam De officio parte stet jus pronunciare & victo injungere debent, ut præstet vindictæ. centi, quod debet; si sponte præstare nolis, eundem vi adigere. Etenim judex curare debet, ut unicuique jus suum tribuatur & adversus injurias defendere unumquemque (§. 538.). Necessè igitur est, ut ipsi constet, cur jus quoddam prætendat unus, quod alter ipsi denegat, aut in quo injuria consistat, quam unus alteri fecisse aut facere velle dicitur, consequenter ut de veritate factorum certus sit. Quamobrem causas in judicium deductas cognoscere debet. *Quod erat primum.*

Quo-

Quoniam vero decidere debet controversiam, quæ inter partes agitur; causa cognita pronunciare tenetur, a cujusnam parte litigantium stet jus. *Quod erat secundum.*

Et quoniam curare debet, ut is, a cujus parte stat jus, ab altero id consequatur & ob injuriam factam ipsi satisfiat, vel ob nondum factam sufficienter caveatur (§. 538.); porro necesse est, ut victo injungat, quod vincenti præstandum præstare, si autem sua spo ite tacere nolit, cum ad præstandum vi adigat. *Quod erat tertium.*

Facile patet, observatis iis, quæ in propositione præsentè præcipiuntur, judices curare, ut jus suum unicuique tribuatur, & unumquemque adversus injurias aliorum defendere, & hoc pacto officio suo ita defungi, ut justitiæ satisfiat, nec injustitiæ locus relinquatur, quemadmodum fieri debet (§. 538.).

§. 541.

*Quales esse
debeant ju-
dices.*

Quoniam judices rem controversam decidere debent (§. 540.), consequenter idem eorum officium est, quod arbitrorum (§. 945. part. 5. Jur. nat.), arbiter vero legum peritus (§. 985. part. 5. Jur. nat.), vir bonus (§. 973. part. 5. Jur. nat.), & impartialis esse debet (§. 963. part. 5. Jur. nat.), seposito omni respectu personarum (§. 965. part. 5. Jur. nat.); *judices quoque legum periti, viri boni, & impartiales esse debent, ab omni respectu personarum procul remoti, consequenter cum judices in Rep. sint constituendi, tales eligendi sunt.*

Officium judicis ad officium arbitrorum reducimus, ne de novo prolixè demonstranda sint, quæ alibi jam demonstravimus. Non differunt arbitri a judicibus, nisi quod illi a litigantibus per compromissum sponte eligantur, hi vero ab eo, qui

qui imperium habet in civitate, constituantur (§. 945. part. 5. Jur. nat. & §. 539. 6.). Electio & constitutio cum pertineat ad modum habendi jus decidendi rem controversam, ea nihil in ipso jure variat, consequenter nec in usu ejusdem & iis, quæ ad hunc requiruntur. Quoniam vero arbitri in statu naturali locum habent, judices non nisi in civili, status autem naturalis ordine prior est civili; ideo quoque de arbitris erat agendum in Jure naturali, antequam de civitate tractatio institueretur, consequenter in demonstrando officium judicum & quæ inde pendent ad officium arbitratorum & ab eodem dependentia recte reducuntur. Nimirum judices constituere in civitate est idem ac arbitros dare iuvitis, ad quos recipiendos nemo naturaliter cogi potest.

§. 542.

Cognitio causa dicitur notitia facti sufficienter probati, *Cognitio* ob quod jus aliquod prætendit actor. Quamobrem ut *ju- causa quid* *dex* causam cognoscat, antequam sententiam ferre possit; *fit.* *in facti notitiam inquirere* & ut quoad omnes circumstantias contra *negantem probetur curare debet.* Quamobrem cum judici idem incumbat, quod arbitro (§. 983. part. 5. Jur. nat.); *qua de causa cognitione observare tenetur arbiter* a nobis alibi (§. 986. & seqq. part. 5. Jur. nat.) demonstrata, *eadem tenenda sunt a iudice.*

Diximus jam ante (not. §. 541.), judices non esse nisi arbitros necessarios, qui in statu civili succedunt in locum voluntariorum, quibus utendum in statu naturali. Eodem igitur in utroque casu causæ cognitio est.

§. 543.

Sententia judicis est effatum judicis, quo declarat quid *Sententia* *justum sit* in causâ controversâ coram ipso a partibus litigan- *quid sit.* *tibus ventilata,* seu decisio controversiæ coram ipso a parti- *(Wolffii Jur. Nat. Pars VIII.)* Ff f *bus*

bus litigantibus ventilatæ. Dicitur etiam *sententia definitiva*, quatenus decisionem totius controversiæ continet. *Causa* igitur *nonnisi cognita iudex sententiam ferre debet* (§. 542.).

Convenit adeo sententia definitiva cum laudo arbitratorum (§. 945. *part. 1. Jur. nat.*). Nullam vero esse sententiam iudicis, quæ fertur, causa nondum cognita, aut nondum satis cognita, veluti si nondum sufficienter probata sint, quæ a parte una narrantur, ab altera vero negantur, absque ulteriori demonstratione patet.

§. 544.

*Sententia se
submittere
quid sit.*

Victus in iudicio *sententia se submittere* dicitur, si in sententia iudicis acquiescens se ad id obligatum agnoscit, ad quod præstandum a iudice condemnatur, seu quod ut præstet iudex eidem injungit.

E. gr. si iudex pronunciat, reum solvere debere actori centum & is in sententia iudicis acquiescit ac centum solvere promittit, eidem se submittit.

§. 545.

*Effectus
istius sub-
missionis.*

Quoniam si victus sententiæ iudicis se submittit, in eadem acquiescit & se obligatum agnoscit ad præstandum id, quod sententia exigit (§. 544.); *si victus sententia se submittit, lis finita est, & victus victori præstare tenetur, quod sententia exigit.*

Quando nimirum victus in sententia iudicis acquiescit, nihil habet, quod eidem opponere, vel contra eam excipere possit. Liti igitur ulteriori locus non est. Et quia se obligatum agnoscit ad præstandum id, quod sententia exigit, necesse etiam est ut actu præstet (§. 113. *part. 1. Phil. pract. univ.*). Causa in iudicium deducitur non tantum eo fine, ut declare-

tur

tur, a cujusnam parte stet jus; verum etiam ut jus suum consequatur is, cui id competit.

§. 546.

Quodsi victus sententia judicis se submittere nolis, cum Quanam re judicium eludi non possit, quippe quod eo fine constitutum, sit opus, si ut quilibet jus suum consequatur (§. 538.); necesse est ut inquis sententia certum tempus rationes suas exponat, cur se ad præstandum ea se gravatum existimet, quod sententia exigit (§. 543.).

Sententia judicis vel rota impugnari potest, vel ex parte, hoc est, quoad nonnulla, quæ eadem exigit. Ita condemnatus in restitutionem rei cum fructibus potest se obligatum agnoscere ad rem, sed non ad fructus restituendum. Qui in sententia judicis acquiescere non vult, eam pro justa non habet. Quamobrem utique docere debet, ob quasnam rationes eam existimet juri adversam.

§. 547.

Si quis sententia judicis se gravatum existimet, ei permis- De provocatum esse debet querelas suas ad superiorem deferre & ejusdem decisionem ad suam causam committere. Etenim in Rep. superiori curæ esse debet, ut jus suum cuique tribuatur (§. 535.). Quodsi ergo a iudice condemnatus ad aliquid præstandum existimet, eum male judicasse, consequenter sententiam ejus juri adversam esse suo; necesse omnino est, ut ipse superior sententiam ad examen revocet & num justæ sint querelæ adversus eam motæ dispiciat, consequenter sententiam vel reformando, vel confirmando finem liti imponat. Quamobrem si quis sententia judicis se gravatum existimet, ei permillum esse debet querelas suas ad superiorem deferre & ejusdem decisioni causam committere.

Justitiæ est tollere querelas de jure. Quodsi ergo quis sententiam judicis juri adversam existimet; si ea simpliciter standum, querelæ non tolluntur. Quamobrem cum in Rep. florere debeat justitia (§. 536.); omni modo id agendum, ne quis iustas videatur habere querelas de jure. Maxime igitur convenit officio superioris, ut querelas adversus sententiam judicis moras tollat. Hoc nimirum pacto nihil amplius in superiore desiderari potest quoad curam, quam adhibere debet, ut unicuique jus suum tribuatur (§. 535.) & quilibet sit tutus ab injuria aliorum (§. 532.).

§. 548.

*Appellatio
quid sit.*

Provocatio a iudice ad superiorem ob sententiam, vel aliud factum, quod quis iniquum existimat, ut ipse causam decadat, *Appellatio* dicitur.

Nondum hic disquirimus, quænam quoad appellationem in Rep. constituenda sint. Hæc enim ad regimen pertinent. Hic tantummodo agitur de jure appellandi, quatenus naturalem habet rationem.

§. 549.

*An in Rep.
admittenda.*

Quoniam qui sententia judicis se gravatum existimat, ei permissum esse debet querelas suas ad superiorem deferre & ejusdem decisioni causam committere (§. 547.), qui vero a iudice ad superiorem provocat, ob sententiam aliudve factum, quod iniquum existimat, ut ipse causam decadat, ad superiorem appellet (§. 548.); *appellationes in Rep. sunt admittenda.*

Non est quod objicias, iudices constitui, qui controversias de jure decident, quia impossibile est, ut ipse Rector civitatis hoc faciat. Quodsi ergo admittantur appellationes, fore ut causis decidendis omnibus non sufficiat. Etenim ne numerus

merus causarum via appellationis ad superiorem delatarum in
nimium evadat, non in qualibet causa permittenda est appel-
lacio, nec temeraria appellatio impune ferenda. Sed de his,
quemadmodum modo diximus (not. §. 548.), hic nondum
est dicendi locus.

§. 550.

Quoniam appellans a iudice ad superiorem provo- *Quænam*
cat, ob sententiam vel aliud factum, quod iniquum existi- *preces cum*
mat, ut idem causam decidat (§. 548.); ad appellationem mi- *appellatione*
nime referendum, si quis querelas quasdam de facto quodam iudicis non consun-
eodem inscio ad superiorem deferat, & opem ejus adversus hunc im- *pendenda.*
plorat: quod licere eodem modo patet, quo ante appella-
tionem admittendam esse demonstravimus (§. 547. 549.).

Quodsi verendum, ne istiusmodi preces importune fiant,
importunæ non impune ferendæ sunt, prouti idem de temera-
riis appellationibus ante annotavimus (not. §. 549.).

§. 551.

Supplicatio dicitur actus, quo victus iudici declarat, *Supplicatio*
se sententia esse gravatum, atque petit ut propter rationes, *quid sit &*
quas exponit, eandem corrigat. Quoniam iudici curæ esse *an sit licita.*
debet, ut jus suum cuique tribuatur (§. 538.); si conde-
mnatus existimet sententiam juri suo esse adversam, ratio-
nes, ob quas ita existimat, ut sibi exponat permittere, eas
trutinare & si querelas justas deprehenderit, sententiam a
se latam retractare debet, consequenter *supplicatio licita est,*
sen permittenda.

Iudex instar arbitri leges ad facta applicare debet, quando
sententia pronuncianda (§. 984. part. 5. Jur. nat. & §. 541. b.).
Quoniam iraque facile contingit, ut in formanda notione fa-
cti circumstantia aliqua non attendatur, quæ variat jus, vel

etiam in applicatione legis aberretur; ideo audiendus est, qui se sententia gravatum existimat, utrum horum quid docere possit, nec ne. Supplicatio igitur nihil continet, quod sit officio iudicis adversum, nec auctoritati ejus quicquam decedit, si meliora edoctus aliter sentiat.

§. 552.

An supplicatio tollat appellacionem.

Quodsi ob rationes a supplicante in medium allatas iudex sententiam a se latam retractare nolit; naturaliter supplicatio non obstat, quo minus adhuc appellatio interponatur (§. 551. 548.).

Rationes, ob quas quis sententia iudicis se gravatum existimat, *Gravamina* dici solent. Quoniam vero non omnes de eadem re iudicant eodem modo; gravamina, quæ nullius ponderis esse censet iudex, non exigui ponderis videri possunt superiori, ad quem appellatur, & ad retractandam sententiam sufficientia. Tunc vero necesse est, ut iudex a quo gravamina refutet, rationes exponendo iudici ad quem, cur ea nullius ponderis esse existimet, consequenter in sententia a se lata persistat. Supplicationi æquipollet *Leuteratio* in foro Saxónico recepta, qua sententia iudicis gravatus gravaminibus adductis, ob quæ sibi injuriam factam sententia existimat, petit, ut acta ad extraneos impartiales, hoc est, collegium aliquod Istorum, transmittantur, qui sententiam dicant: sit ita quod alii *Oberleuterationem* cum supplicatione comparent, quæ adhibetur, si sententia prima in leuterationis instantia fuerit confirmata, vel eidem quid adjectum, quo se gravatum existimat, qui leuterationem interposuit, ut acta denuo transmittantur ad collegium aliud. Neque enim semper contingit, ut duo Istorum collegia rem controversam eandem eodem modo decident.

§. 553.

Res iudicata quid sit.

Res iudicata dicitur, quando contra sententiam nihil amplius opponi potest, aut opponi lege permittitur, consequen-

sequenter si quis sententiae iudicis se submittit (§. 544.), aut non amplius datur alius, ad quem provocari possit, veluti si lege cautum sit, ut adversus sententiam in instantia appellationis latam nihil opponi possit, sed ea standum sit.

In camera imperiali sententia camerali gravato conceditur *Revisio actorum*, quæ fit per commissarios Imperatoris & Statuum imperii ad id deputatos. Multiplicatis autem instantiis lites nimium protrahuntur: de quo inferius agendum.

§. 554.

Quoniam contra sententiam, quæ in rem judicatam transiit, nihi amplius opponi potest (§. 553.); *quamprimum* *judicata*, *sententia in rem judicatam transiit, lis finita est & victus præstare tenetur, quod sententia exigit*, consequenter si sponte præstare nolit, *vi adigendus ut præstetur*.

Modestinus l. 1. ff. de sent. & re jud. Res judicata est, inquit, quæ finem controversiarum pronuntiatione iudicis accipit. Etenim iudicis partes suscipere, ut cum *Ulpiano* loquamur, nihil aliud est, quam polliceri, finem se sententia sua controversiis impositurum. Quod igitur a iudice pronuntiatum fuit, pro vero habetur, quamprimum sententia in rem judicatam transiit. Quamobrem pars victa negare amplius nequit se debere, in quod a iudice condemnata est, consequenter id præstare tenetur.

§. 555.

Executio rei judicata dicitur actus, quo a magistratu *Executio* victus vi adigitur ad præstandum id, quod exigit sententia, *quid sit*. si ipse id sua sponte præstare nolit.

Qui sponte præstare non vult, quod exigit sententia, duplici modo adigi potest, ut id præstetur, vel quatenus tandem ipse
invi

invitus adducitur ad id præstandum, vel quatenus pati cogitur, ut ex rebus ipsius satisfiat parti victrici. Executionem autem in genere definimus non determinantes modum, quo retractorii compelluntur ad præstandum id, quod a iudice pronunciatum est: ab eo enim desumitur differentia executionis. Quid vero hic conveniat juri naturæ, docet propositio sequens.

§. 556.

De modo executionis, git, loco hujus rem quamcunque eidem auferre potest iudex, ut ex si sententia ea victori satisfiat, aut ea non ante reddatur, quam præstiterit id, dationem exigat.

Si victus in judicio sponte non præstet, quod sententia exigit, loco hujus rem quamcunque eidem auferre potest iudex, ut ex si sententia ea victori satisfiat, aut ea non ante reddatur, quam præstiterit id, in quod condemnatus est. Quoniam enim in Rep. iudex curare debet, ut unicuique jus suum tribuatur (§. 538.); si quis tribuere nolit, iisdem uti licet mediis, quæ in eodem casu unicuique in statu naturali concessa. Enimvero si rem meam ab eo, qui eam detinet, vel a debitore, quod mihi debet, consequi non possum, naturaliter loco rei meæ vel mihi debitæ eidem auferre licet rem aliam, quæ tantundem valet (§. 112. part. 5. Jur. nat.), vel etiam rem aliam quamcunque non ante reddendam, donec meam, vel mihi debitam acceperim (§. 118. part. 5. Jur. nat.). Quamobrem si victus in judicio sponte non præstet, quod sententia exigit, iudex loco hujus rem quamcunque eidem auferre potest, ut ex ea victori satisfiat (§. 115. part. 5. Jur. nat.), vel ut non ante reddatur, quam præstiterit, in quod condemnatus est.

Facile patet, hoc modo fieri posse executionem, si res quædam restituenda, aut danda, vel si quod faciendum æstimationem habet, quæ præstanda venit. Quod si res immobilis restituenda, vel etiam mobilis, quæ haberi potest; per se patet, hanc ipsam auferri posse invito & dari parti victrici, cujus eam esse a iudice pronunciatum.

§. 557.

§. 557.

Quoniam ablatio rei alienæ loco suæ, vel sibi debi- *Quotuplex*
tæ, quam a detentore, vel debitore consequi non possu- *is sit.*
mus, expletio juris est (§. 1113. part. 5. Jur. nat.), ablatio
vero rei detentoris nostræ, vel debitoris nostri, non ante resti-
tuendæ, quam consecuti fuerimus rem nostram, oppignora-
tio invita (§. 1142. part. 5. Jur. nat.); si sententia judicis exi-
git restitutionem rei, vel solutionem, executio consistit vel in ex-
pletione juris, vel in oppignoratione invita.

§. 558.

Si quod sententia exigit in faciendo consistit, id vero vel De modo
æstimationem non recipit, vel non perinde est, siue quod facien- executionis,
dum adu præstetur, siue ejus æstimatio; pars victæ poena compel- si sententia
lenda ad faciendum, quod sententia exigit. Etenim si id, quod exigit, quod
faciendum, æstimationem non recipit, victus autem præstare faciendum.
tenetur, quod sententia exigit (§. 554.); necesse omnino
est, ut faciat, quod sententia judicis injungitur. Quoniam
vero aliter obligari nequit ad faciendum nisi poena (§. 301.
part. 1. Phil. præd. univ.); poena ad faciendum compellendus
est. *Quod erat primum.*

Enimvero si non perinde est, siue factum, siue æsti-
matio præstetur; parti victrici loco facti obtrudi nequit
æstimatio (§. 200. part. 4. Jur. nat.). Quamobrem si pars
victrix urgeat, ut victa faciat omnino necesse est, & si no-
lit, a judice ad faciendum vi adigenda (§. 553.). Quam-
obrem porro patet, ut ante, partem victam poena compel-
lendam esse ad faciendum. *Quod erat alterum.*

E. gr. Si reus condemnatur ad palinodiam, vel deprecatio-
nem, propter injurias verbales, & quod sententia exigit præ-
(Wolffii Jur. Nat. Pars VIII.) G g g stare

stare nolit, ad præstandum poena compellitur. Similiter si locator operas conductas præstare nolit, poena adigitur ad eas præstandas.

§. 559.

De poena ob injurias factas irroganda.

Si ob injurias factas quis puniendus; judex eum punire debet. Etenim judex unumquemque in civitate contra aliorum injurias defendere debet (§. 538.) consequenter curare, ut, qui te læsit, animum lædendi mutet, & aliis metus incutiatur, ut a læsionibus abtineant. Quamobrem cum naturaliter cuilibet homini competat jus puniendi eum, qui ipsum læsit (§. 1061. *part. 1. Jur. nat.*), tum ut qui læsit animum lædendi mutet, tum ut aliis metus incutiatur, quo a lædendo te vel alios deterreantur (§. 1062. *part. 1. Jur. nat.*); si ob injurias factas quis puniendus, judex eum punire debet.

Jus puniendi reum ob injurias factas metiendum est ex jure puniendi, quod naturaliter unicuique competit, qui ab altero læditur. In statu enim civili judex facere debet, quod in statu naturali per se facere unicuique permissum.

§. 560.

De bello privato in civitate non tolerando.

Bellum privatum in civitate non tolerandum. Etenim in civitate constituendi sunt judices (§. 539.), qui curant, ut unicuique jus suum tribuatur & unumquemque adversus injurias aliorum defendant (§. 538.), & jus suum alteri tribuere nolentem ad tribuendum vi compellunt (§. 554. 556. & *seqq.*), & poenam promeritum puniunt (§. 558.). Quamobrem cum bellum consistat in persecutione violenta juris sui (§. 1102. *part. 1. Jur. nat.*), & qui se vi defendit atque poenam ab eo sumit, qui ipsum læsit, bellum gerat (§. 1114. *part. 1. Jur.*).

Jur. nat.), fini autem civitatis convenientius sit ut per judicem quis consequatur, quod bello consequi intendit (§. 4.); bellum privatum in Rep. minime tolerandum.

Incommoda belli privati haud postrema causa fuit, quæ hominibus naturaliter libertatis suæ amantibus persuasit, ut societatem civilem contraherent. In civitatem coeunt homines, ut unusquisque jure suo quiete fruatur & tuto id ab alio consequatur (§. 4.). Extra civitatem jus ab invito consequi, adversus alios nos & nostra defendere & lædentes punire non possumus sine bello, cujus jus naturaliter nobis competit in eos, qui jus nostrum nobis tribuere nolunt (§. 1104. *part. 1. Jur. nat.*), in aggressorem (§. 973. 1114. *part. 1. Jur. nat.*), raptorem (§. 690. 691. *part. 2. Et §. cit. part. 1. Jur. nat.*), invasorem (§. 717. *part. 2. Et §. cit. part. 1. Jur. nat.*) & in eum qui nos lædit (§. 1061. 1114. *part. 1. Jur. nat.*). Continuis ideo bellis locus est. Bellorum igitur evitandorum gratia civitates constitutæ, scilicet ut sine bello jure nostro frui & id ab aliis consequi possimus. Quamobrem in locum belli privati substituuntur in civitate judicia, quæ quantum bello præstent nemo non intelligit, qui bellum cum judiciis conferre velit. Quodsi objicias, judicum sententiam a vero aberrare posse, consequenter jure suo cadere eum, qui eodem frui debebat; perpendas velim, eventum belli semper esse dubium; nec victoriam ei certam esse, qui justam habet causam. Accedit, quod in statu naturali nulla sit causæ cognitio, sed quilibet sit judex in propria causa, cum nemo ad arbitrium recipiendum cogi possit (§. 945. *part. 5. Jur. nat.*). Hac vero de causa contingit plurima bella esse injusta, & vi armorum non modo injustitiam defendi, verum etiam plurimos vi armorum jure suo privari. Neque etiam bella ea religione geruntur, qua geri debebant, & novis injuriis foveantur. Status civilis naturali longe præferendus esset, si nulla alia inde in cives redundaret utilitas, quam quæ ex judiciorum constitutione, consequenter ex sublatione belli privati resultat.

§. 561.

Quatenus

Quoniam bellum privatum in civitate non toleran-
id sublatum dum (§. 560.), sed per judices consequendum, quod in sta-
in civitate. tu naturali nonnisi bello consequi poteramus (§. 538. h. &
 §. 1104. part. 1. *Jur. nat.*); *in civitate* judicia succedere in lo-
cum belli privati, & jus belli natura homini competens quoad exer-
citium sublatum, nunc, si mavis, non tam jus belli, quam exerci-
tium ejus sublatum.

Introductio judiciorum in locum belli privati non obstat,
 quod jus belli natura homini competens (§. 1104. part. 1.
Jur. nat.) auferri non possit (§. 64. part. 1. *Jur. nat.*). Præ-
 terquam enim quod non invitis ablatum sit, cum in judiciorum
 introductionem, tanquam medium finis civitatis, consentire
 omnes, qui in eandem coiverunt & postea eidem se associant
 (§. 4.); jus quoque suum adhuc revera habent, qui in socie-
 tate civili vivunt, sed idem saltem exercere tenentur per alios,
 nimirum judices, tum ut evitetur omnis abusus, tum ut ne
 locus sit catervæ malorum, quæ exercitium proprium comi-
 tantur.

§. 562.

Quando

Quoniam judicia successerunt in locum belli privati
bellum pri- & nemo jus belli per se exercere debet, sed per judicem
vatum ad- (§. 561.); *ubi judicia cessant, seu quando copia judicis haberi*
huc licitum. nequit, bellum privatum adhuc licitum est.

Quodsi qui in civitatem coeunt, aut postea eidem se asso-
 ciant, jus belli abdicarent; eodem quoque uti nullo in casu
 possent; usus enim ejus, quod non habes, nullus est. Enim-
 vero cum solum in hoc consensisse, aut consentire intelligan-
 tur, quod in tuendo & persequendo jure suo judicis ope uti
 velint; exercitium quoque juris belli proprium sibi reservarunt
 eo in casu, quo judicis copia haberi nequit. Bellum itaque
 priva-

privatum in casu isto injustum non est, cum gerentes utantur jure suo, quod in eodem per se exercere tenentur.

§. 563.

Judicium cessare dicitur momentane, quando judex expectari non potest sine certo periculo, aut damno. Con- *idem specia-*
tinue autem cessat, si judex non adsit, qui controversiam de-
cidere possit, vel velit, seu per quem jus nostrum consequi
valeamus, & quidem jure, si versetur in loco, ab imperio civi-
li vacuo, vel facto, si subditi judicem non audiant, vel judex
aperte cognitionem causæ rejecerit, nec ab eo detur provoca-
tio ad superiorem, vel saltem moram non patiatur periculum
præsens, ut superiorem adire possis. Quamobrem cum bellum
privatum licitum sit, ubi judicia cessant (§. 562.); licitum id est,
quando judex sine certo periculo aut damno expectari nequit, quan-
do versatur in loco ab imperio civili vacuo, quando subditi judi-
cem non audiunt, vel judex cognitionem causæ aperte rejicit, nec
ad superiorem ab eo datur provocatio, aut ob periculum in mora
superior, si quis sit, adiri nequit.

Grotius de J. B. & P. l. 1. c. 3. §. 2. n. 1. singula hæc bene a se invicem distinguit, sicque casus omnes determinat, in quibus bello privato adhuc hodie, introducto dudum statu civili, adhuc locus sit. Sed ne quid obscuri superfit, demus in singulis casibus exempla. Exempla cessationis momentaneæ sunt in aggressore, latrone, prædone, fure nocturno, debitore fugitivo. Jure continue cessant judicia in mari, solitudine, insulis vacuis. Huc etiam refer, si judices seu magistratus ex civitate ejecti, quemadmodum Athenis contigisse autor est *Ælianus* Varior. l. 5. c. 13. Facto cessant judicia, quando tempore rebellionis, aut publicorum motuum nulla est judicum autoritas. Quando autem huc etiam refertur, si judex cognitionem causæ aperte rejicit, justitiæ denegatio non confundenda

est cum protractione ejusdem: neque enim auferitur, quod differtur, nisi præsens periculum sit in dilatione.

§. 564.

*De duratio-
ne belli pri-
vati in civi-
tate.*

*Bellum privatum statim cessat, quamprimum judicis co-
pia haberi potest.* Etenim bellum privatum in civitate lici-
tum non est, nisi quando copia judicis haberi nequit (§. 562.).
Quamprimum igitur copia ejus haberi potest, licitum esse
definit, consequenter permissum amplius non est (§. 170.
part. 1. Phil. pract. univ.), ideoque statim cessat.

Unde bellum privatum dicitur quasi momentaneum & in puncto consistere. E. gr. si quis stricto gladio, vel alio telo lethali impetit corpus tuum, occurrunt vero alii pugnae finem imposituri, a defensione ulteriori statim abstinendum & injuria tibi facta judici denuncianda. Similiter si fur cum re au fugiens apprehenditur, jure eum puniendi utendum non est, sed judici denunciandum, ut in custodiam rapiatur & ab ipso puniatur.

§. 565.

*De modo
evitandi
bellum pri-
vatum.*

Quoniam bellum privatum statim cessat, quamprimum copia judicis haberi potest (§. 564.); *quamdiu suppe-*
sit medium illud evitandi, ut res ad judicem deferatur, a bello
privato abstinendum, consequenter si fuga tibi consulere possis,
fugiendum est, & si aliis praesentibus in auxilium vocatis vim a
te avertere possis, hoc faciendum.

Equidem vulgo creditur, fugere esse ignominiosum; absurdum tamen est ignominiosum dicere, quod officio boni civis convenit (§. 560.). Quamvis enim dicatur fortitudinem esse virtutem (§. 601. *part. 7. Jur. nat. & §. 321. part. 1. Phil. pract. univ.*) fugam autem arguere timiditatem, vitium eidem oppositum (§. 603. *part. 1. Jur. nat. & §. 322. part. 1. Phil.*

Pbil. pract. univ.), defectum vero virtutis (§. 820. *part. 1. Jur. nat.*) & vitium veram parere ignominiam (§. 822. *part. 1. Jur. nat.*); qui ita sentiunt, oppido falluntur, cum veram fortitudinis ac timiditatis notionem minime habeant. Fortis enim is demum est, qui metu periculi imminantis sese adduci minime patitur, ut faciat, quod non facere debebat, vel non faciat, quod facere debebat (§. 600. *part. 1. Jur. nat.*), & timidus, qui vel metu levissimi periculi se abduci patitur ab eo, quod facere debebat (§. 602. *part. 2. Jur. nat.*). At cum in civitate bellum privatum non sit permissum, nisi quando copia judicis haberi nequit (§. 562.), adversus aggressorem se defendere, quando fugere datur, nemo obligatur, consequenter hoc facere quod debeat falsum est. Quocunque igitur modo periculum præsens tamdiu evadi potest, donec judici idem avertere committatur; defensio propria illicita in Rep. Non urgeo hominem naturaliter obligari cum vitæ (§. 371. *part. 1. Jur. nat.*), tum integritatem organi cujusdam lædendi periculum vitare, quantum in potestate ipsius est (§. 373. *part. 1. Jur. nat.*), & fugere debere, si læsionem sibi intentatam ab altero fuga evitare possit (§. 1010. *part. 1. Jur. nat.*); cum hic agatur de eo, quod boni civis est. Non tamen inconsultum est, ad hæc quoque animum attendere, ut ignominie labes, quæ vulgari opinione fugæ adspargitur, eluatur.

§. 566.

Judices sunt magistratus. Etenim judices constituuntur, ut unicuique jus suum tribui curent & unumquemque *Quales persona publica sint iudices.* adversus injurias aliorum defendant (§. 538.). Quamobrem cum in Rep. curandum sit, ut unicuique jus suum tribuatur (§. 535.), nec ferendum, ut unus ab altero lædatur (§. 534.), hoc vero ad exercitium imperii pertineat (§. 32. 30.); judicibus pars quædam imperii exercenda committitur a superiore in civitate. Quamobrem cum magistrat-

gistratus sit is, cui partes quædam imperii exercendæ committuntur a superiore in civitate (§. 162.); iudices magistratus sunt.

Omnis iudex magistratus est, sed non omnis magistratus est iudex. Cum enim multæ sint imperii partes, quas omnes per se cum exercere nequeat superior, aliis exercendas suo nomine demandare tenetur; ideo quoque magistratus dantur, quorum officium diversum est ab officio iudicis. Sed de hac re plura dicenda erunt suo loco.

§. 567.

De ministerio iudicis.

Quoniam iudices sunt magistratus (§. 566.), omnis autem magistratus partes sibi demandatas imperii non exercet proprio nomine, sed nomine superioris, & rationem reddere tenetur actuum suorum superiori & ab eo coerceri potest (§. 162.); iudex quoque *jus reddit non suo nomine, sed nomine superioris, & huic rationem reddere tenetur actuum suorum & ab eo coerceri potest*, si scilicet male justitiam administret.

Superior ministerio iudicis utitur in administratione justitiæ, quam juxta voluntatem ipsius administrare tenetur. Quamobrem nec absolum est, ut ab eo ad superiorem provocetur & querelæ de justitia non recte administrata ad eundem deferantur.

§. 568.

An duellum sit bellum.

Omne duellum bellum est. Etenim qui duellum in-
eunt, inter se conveniunt, quod per victoriam res controver-
sa decisa, vel pugna finita lis dirempta esse debeat (§. 1090.
part. 5. Jur. nat.). Quamobrem cum pugna sit actus, quo
duo sese invicem impetunt (§. 1088. *part. 5. Jur. nat.*); qui
controversiæ decidendæ, aut famæ suæ tuendæ causa duel-
lum

lum ineunt, vi persequuntur jus suum adversus se invicem. Quamobrem cum bellum sit, quando duo adversus se invicem vi persequuntur jus suum (§. 1102. *part. 1. Jur. nat.*); omne duellum bellum est.

Hodie vix contingit, ut controversia de jure per duellum decidatur, injuriæ tamen vindicandæ & famæ suæ tuendæ causa duella adhuc in usu sunt, præsertim inter milites, nobiles & studiosos in Academiis. Horum enim animos obsedit opinio, quasi fama læsa non aliter possit restitui nisi per duellum. Neque alius concipitur finis duelli, quam ut vel decidatur, cujusnam res controversa esse debeat, vel ut fama defendatur, quæ ab altero læsa putatur. Quodsi dicas, posse etiam de præmio duello contendere; ecquis est, qui non videat, cum præmium esse debeat victoris, non aliud agi, quam ut decidatur, quinam altero viribus, aut pugnandi peritia superior sit, consequenter de fama contendere (§. 553. *part. 1. Jur. nat.*)? Si quis alterum ad duellum provocat, nulla causa prægressa; iidem periculum virium suarum, fortitudinis, aut peritiæ pugnandi facere volunt, quando congregiuntur, consequenter causam quandam dubiam decidere volunt, & qui provocatus comparare non vult, infamia laborare putatur, quam declinaturus duello se committere tenetur. Quamvis vero nimis scrupulosa videri possit istiusmodi duelli reductio ad decisionem causæ cujusdam controversæ; non tamen propter ea alii præter eos, quos diximus, fingendi essent fines duelli, cum abunde constet vix dari actum quandam, qui temere suscipi non possit (§. 277. *part. 3. Jur. nat.*). Ea autem de causa actus per se non mutatur. Omne igitur duellum esse bellum, sufficienter a nobis demonstratum est. Monuimus jam alibi (*not. §. 1090. part. 5. Jur. nat.*), Festum per bellum definire duellum, nec in eo a veritate aberrat.

§. 569

*De duellis
in Rep. non
tolerandis.*

Duella controversiæ decidenda, vel famæ tuendæ causa ineunda in civitate toleranda non sunt. Etenim duellum bellum est (§. 568.), & in civitate bella privata non toleranda (§. 560.), sed per iudices, qui constituuntur (§. 539.), unicuique jus suum tribuendum & unusquisque adversus injurias aliorum defendendus (§. 538.). Duella igitur controversiæ decidendæ, aut famæ defendendæ causa toleranda non sunt.

Ostendimus jam alibi omne duellum naturaliter illicitum esse (§. 1091. part. 5. *Jur. nat.*); hic vero evincitur duellum quoque repugnare statui civili, consequenter in civitate non esse tolerandum, & jure naturæ pro civiliter illicito declarari. Tolerantia igitur duelli in civitate labe Reip. est. Non hic repetimus, quod alibi demonstravimus, duellum non esse modum aptum ad controversiam decidendam, nec ad famam tuendam (§. 1092. part. 5. *Jur. nat.*), consequenter absurdum esse, controversiam duello decidere, vel famam eodem defendere velle.

§. 570.

*De duellis
offentationis
causa in-
eundis in
civitate non
tolerandis.*

Duella virium, aut peritæ pugnandi, vel fortitudinis offensandæ causa ineunda in civitate non toleranda. Etenim cum duellum pugna sit (§. 1090. part. 5. *Jur. nat.*), qui duello se committunt, vi sese invicem impetunt (§. 1088. part. 5. *Jur. nat.*), consequenter periculo vitæ, mutilationis alicujus membri, vel vulnerationis sese exponunt. Quamobrem cum quilibet periculum vitæ (§. 371. part. 1. *Jur. nat.*), & integritatem organi cujusdam corporis lædendi vitare debeat (§. 373. part. 1. *Jur. nat.*), & ne volentem quidem occidere (§. 745. part. 1. *Jur. nat.*), vel in periculum vitæ adducere

ducere (§. 746. *part. 1. Jur. nat.*), nec alterum vulnerare, vel partem quandam corporis ad usum suum quomodocunque ineptum facere liceat (§. 740. *part. 1. Jur. nat.*), in civitate autem curandum sit, ut, qui sua sponte obligationi naturali, quæ a lege naturæ venit, satisfacere nolit, ad eisdem satisfaciendum vi adigantur (§. 395.); duella ostentationis virium, aut peritiæ pugnandi, vel fortitudinis causa incunda in civitate toleranda non sunt.

Interest Reip. ut vita subditorum & integritas membrorum corporis eorundem conservetur, quod nemo facile in dubium vocaverit, modo singula perpendat, quæ bonum publicum in civitate exigit. Quamobrem si vel duella ostentationis causa inita per se non essent illicita, statui tamen civili minime convenirent, consequenter cum jus naturæ, quod civilis status introductionem approbat (§. 26.), eidem repugnantia pro civiliter illicitis declaret, eodem jure duella ista pro civiliter illicitis habenda, si vel maxime in Rep. tolerentur. Hic non agitur de eo, quod sit, sed quod fieri debet, & civitatem spectamus, qualis esse debeat, ut labe omni careat.

§. 573.

Injuria reparari dicitur, si pars læsa aliqua præstatio-
ne lædenti restituitur in eum statum, ut perinde sit ac si in-
juria facta non fuisset. Quamobrem patet, *reparatione inju-*
ria factam fieri quasi infictam, & si pars læsa nulla præstitione læ-
dentis restitui possit in eum statum, ut perinde sit ac si facta non
fuisset, injuriam reparari non posse.

E. gr. Si qui rem meam habet, eam mihi restituere nolit, & ad eam restituendam compellatur; facta restitutione perinde est, ac si re mea privatus non fuisset. Non minus habeo, facta restitutione, quam habebam, antequam res mea in alterius potestatem veniret. Idem igitur status est, facta re-

Hh h 2

stitu-

stitutione, qui erat, antequam res mea in alterius potestatem veniret. Similiter centum debes, solvere non vis. Quodsi ad solvendum compellaris, facta solutione tantundem habeo, quantum habere debebam: sunt enim etiam nomina in bonis nostris (§. 450. *part. 2. Jur. nat.*). Facta igitur solutione, idem est rerum mearum status, qui erat, cum deberes, solutionem autem non denegares. Enimvero si quis te colaphis cæsit, nullo modo fieri potest, ut colaphis cæsus non sis. Facta igitur injuria reparari nequit. Idem eodem modo sese habet, si manus amputata, vel aliud quoddam corporis organum ad usum suum ineptum fuerit factum. Hic vero distinguendum est damnum, quod ex læsione resultat, cumque æstimabile sit, reparari utique potest præstatione æstimationis.

§. 572.

*De eo, quod
reparari
potest.*

Quod reparari potest, aut nostrum est, vel fuit, aut nobis debetur. Etenim si quid reparandum, aliquid præstari debet, nimirum vel res, vel factum (§. 80. *part. 3. Jur. nat.*). Res, quæ præstanda, aut adhuc est in dominio nostro, veluti si quocunque modo in potestatem alterius venerit, adeoque restituenda (§. 466. *part. 2. Jur. nat.*), aut ante fuit, sed nobis restituenda, veluti si indebite soluta (§. 573. 578. *part. 4. Jur. nat.*), vel vi & metu extorta (§. 576. *part. 3. Jur. nat.*), aut ad eandem dandam nobis quis obligatur, veluti ex pacto (§. 789. *part. 3. Jur. nat.*), vel si damnum datum refarciendum (§. 580. *part. 2. Jur. nat.*), & fructus ex re aliena percepti restituendi (§. 596. & *seqq. part. 2. Jur. nat.*). Facta, quæ ab altero nobis præstanda, nec nostra esse, vel fuisse, per se patet, consequenter tantummodo alter ad ea præstanda nobis obligatur, adeoque debentur (§. 170. *part. 1. Phil. præf. univ.*). Patet itaque, quod reparandum aut nostrum esse, vel fuisse, aut nobis deberi.

§. 573.

§. 573.

Si injuria reparari non potest, qui eam fecit puniendus est. Quando injuria facta reparari nequit, nulla præstatione lædenti pars læsa reſtitui potest in eum ſtatum, ut perinde ſit ac ſi injuria facta non fuiſſet (§. 571.). Quoniam tamen quilibet in civitate tutus ab injuria aliorum præſtandus (§. 532.); caveri debet, ne qui injuriam fecit, eandem denovo faciat, & ne in poſterum faciat adhuc aliis, & præcaveri, ne alii exemplum ejus ſecuti injuriam alicui facere audeant, conſequenter periculum læſionis futuræ cum ab eo, qui læsus eſt, tum ab aliis avertendum. Quamobrem cum id aliter obtineri non poſſit, niſi puniendo eum, qui injuriam fecit (§. 301. part. 1. Phil. præſt. univ. & §. 1062. part. 1. Jur. nat.), & homini natura competat jus puniendi eum, qui ipſum læſit (§. 1061. part. 1. Jur. nat.), cumque poenæ exactio bellum ſit (§. 1114. part. 1. Jur. nat.), in civitate autem in locum belli privati judicia ſucceſſerint (§. 561.); ſi injuria reparari nequit, qui eam fecit puniendus eſt.

Non eſt quod dicas, injuriam, quæ per ſe reparari nequit, poſſe certa pecuniæ ſumma æſtimari, & eam dari læſo; ut poena non ſit opus, prouti Jure Romano obtinet, ſi de injuria is, qui paſſus eſt, civiliter agat §. 10. I. de injur. Ecquis enim non videt, hac æſtimatione reo poenam imponi, quemadmodum diſerte ait Imperator? Alia enim quæſtio eſt, num propter injuriam, quæ reparari nequit, is qui fecit puniendus ſit, an vero poena, quæ imponitur, danda ſit ei, qui paſſus eſt. Patet autem injurias ſpecialiter ſic dictas, quibus exiſtimatio, ſeu honor & fama alterius læditur (§. 874. part. 1. Jur. nat.), & inprimis reales, quæ in facto conſiſtunt, veluti ſi cui mala pugno percutiatur, tales eſſe, quæ reparari non poſſunt (§. 571.). Notandum vero injurias generaliter ſic dictas, cum in violatione juris perfecti cujuſlibet conſiſtant (§.

859. *part. 1. Jur. nat.*), tales esse posse, ut partim reparari nequeant; partim possint. Ita fur, etsi res furtiva domino restituenda sit (§. 523. *part. 2. Jur. nat.*), naturaliter tamen a domino adhuc puniri potest (§. 551. *part. 2. Jur. nat.*), & fur ad poenam parandum obligatur (§. 552. *part. 2. Jur. nat.*). Sic qui alterum vulnerat non solum injuriam facit, quæ reparari nequit, quatenus impossibile est ut vulneratio facta infecta efficiatur; sed etiam, quæ reparari potest, quatenus in sanationem vulneris impensæ faciendæ, vel etiam lucrum cessat, quod ex operis per aliquod tempus intermittendis alias sperari poterat (§. 571.).

§. 574.

De reparatione injuria.

Si injuria reparari potest, ei, qui passus est, restituendum est, quod suum est, vel fuit, aut præstandum, quod ipsi debetur. Injuria enim reparatur, si pars læsa aliqua præstatione lædentis restituitur in eum statum, ut perinde sit, ac si injuria facta non fuisset (§. 571.). Quamobrem cum id, quod reparari potest, aut nostrum sit, vel fuerit, aut nobis debeatur (§. 572.), & pars læsa restituatur in eum statum, quo perinde est, ac si injuria facta non fuisset, si consequitur quod suum est, aut fuit, vel quod ipsi debetur; si injuria reparari potest, ipsi restituendum est quod suum est, vel fuit, aut præstandum, quod ipsi debetur (§. 540.).

Ita debitor ad solutionem compellendus, si morosusolvere nolit, & ad rem tuam restituendam adigendus, qui eam possidet, si sponte sua eam restituere recuset.

§. 575.

Si injuria partim reparari possit,

Si injuria partim reparari potest, partim reparari nequit; & quod debetur restituendum, & qui fecit puniendus. Etenim si injuria reparari potest, restituendum quod ei debetur, qui passus est

est (§. 574.); si vero nequit, puniendus qui fecit (§. 573.). *partim ne-*
Quamobrem si injuria partim reparari potest, partim nequit, *queat.*
 & quod debetur restituendum, & qui fecit puniendus.

Ita qui te vulneravit sine justa causa, & puniendus, quia
 vulnervavit, & impensas in sanationem vulneris factas re-
 stituere tenetur.

§. 576.

Universitas in civitate spectanda est tanquam persona Quomodo
moralis. Etenim si civitas constituitur, singuli se obligant *universis* ut
 universis, quod commune bonum promovere velint, & *in civitate*
 universi sese obligant singulis, quod sufficientiæ vitæ ipso-*spectanda-*
 rum, tranquillitati & securitati prospicere velint (§. 28.),
 consequenter ex obligatione singulorum universitati nasci-
 tatur jus (§. 23. *part. 1. Jur. nat.*). Quamobrem cum uni-
 versitas sit subjectum certorum jurium & certarum obliga-
 tionum, tale subjectum autem sit persona moralis (§. 70.
part. 1. Jur. nat.); universitas in civitate spectanda est tan-
 quam persona moralis.

Ostenditur etiam hoc modo. Quælibet socie-
 tas spectanda est instar unius personæ (§. 161. *part. 7.*
Jur. nat.), intuitu nimirum finis (*not. §. cit.*), cujus con-
 sequendi gratia cum in eam cadant certæ obligationes
 (§. 941. *Ontol.* §. 118. *part. 1. Phil. pract. univ.*) & hinc pen-
 dentia jura (§. 23. *part. 1. Jur. nat.*), instar personæ moralis
 (§. 70. *part. 1. Jur. nat.*). Quoniam itaque civitas societas
 est (§. 4.); integro quoque civitas, seu universitas in ea-
 dem tanquam persona moralis spectatur.

Quænam sint obligationes universitatis & singulorum, ex fine
 societatis æstimandum (§. 28. 4.) & inde porro derivandum
 est jus universitatis (§. 159. *part. 1. Phil. pract. univ.*),
 quemadmodum in antecedentibus fecimus & in sequenti-
 bus

bus porro faciemus. Sane dum de constituenda Rep. agimus, non aliud agimus, quam ut demonstramus, ad quznam universitas obligetur, ut inde porro pateat, quznam eidem competant jura. Ac ideo personam moralem, quæ universitas est, intimius hinc cognoscere datur.

§. 577.

*De injuria
universitati
in civitate
facta.*

Quoniam universitas in civitate, seu quæ eandem constituit, spectanda est tanquam persona moralis (§. 576.), consequenter eidem certa competunt jura (§. 70. part. 1. Jur. nat.), injuriam autem alteri facit, qui jus ipsius violat, seu contra id quidpiam agit (§. 859. part. 1. Jur. nat.); *universitati injuriam facit, quicumque facit, quod est contra jus quodpiam ipsius, seu jus quoddam ejus violat.*

In civitate igitur injuria singulis facta probe distinguenda est ab injuria, quæ fit universitati, & quomodo injuria singulis facta redundet in universitatem considerandum: quo in casu eodem facto committitur injuria tum in privatum quendam, tum etiam in universitatem.

§. 578.

*De læsione
ejusdem.*

Cum universitati injuriam faciat, quicumque facit quod est contra jus quodpiam ipsius (§. 577.), qui vero quid facit contra jus alterius, eum lædat (§. 920. part. 1. Jur. nat.); *qui quid facit contra jus quodpiam universitatis in civitate, eandem lædit.*

Quoniam universitas persona moralis est (§. 576.), in quam non cadunt nisi certæ obligationes & jura certa (§. 70. part. 1. Jur. nat.); ea quoque aliter lædi nequit, quam factis vel non factis, quæ sunt contra jus ipsius. Quamvis vero hic potissimum spectentur læsiones, quatenus a singulis ad civitatem spectantibus fiunt; suo tamen loco ostenderetur, quomodo etiam ad extraneos & integras gentes sint extendendæ.

§. 579.

§. 579.

Universitati in civitate competit jus puniendi eum, qui De jure pa-
 ipsam læsit, seu violatorem juris sui. Etenim universitas spe-
 ctari potest tanquam persona quædam moralis (§. 576.), latorem ju-
 cui certa competunt jura (§. 70. part. 1. Jur. nat.), & qui ris univer-
 contra hæc quicquam facit, eam lædit (§. 578.). Quam sitati com-
 obrem cum unicuique naturaliter competat jus puniendi petentis.
 cum, qui ipsum læsit (§. 1061. part. 1. Jur. nat.); univer-
 sitati competit jus puniendi eum qui ipsam læsit, seu viola-
 torem juris sui.

Distinguendum hoc jus est ab exercitio juris puniendi pri-
 vati, de quo antea egimus, etiam in eo casu, in quo idem
 factum tum contra jus privati, tum contra jus universitatis,
 quatenus tanquam persona moralis spectatur, committitur
 (not. §. 578.), sit ita quod utraque poena eodem actu ab eo,
 qui injuriam fecit, exigatur, quatenus poena major utramque
 continet.

§. 580.

Factum dolosum, quo alteri damnum datur, vel in-
 juria infertur, *Maleficium* dicitur: *Quasi maleficium* vero vo-
 catur factum istiusmodi culposum. *Maleficium*
quasi maleficium

Ita aggressor, qui alterum vulnerat, damnum eidem dat,
 quatenus eidem causatur impensas in sanationem vulneris faci-
 endas, & præterea securitatem, jus omni homini natura com-
 petens (§. 918. part. 1. Jur. nat.), violat. Factum igitur hoc
 maleficium est. Similiter stupratio violenta virginis malefi-
 cium est, quo injuria, quæ reparari nequit, infertur. Si vero
 quid ex ædibus nostris dejicitur, quo prætereunti vulnus infli-
 gitur; factum hoc quasi maleficium est.

(Wolffii Jur. Nat. Pars VIII.)

Ii i

§. 581.

§. 581.

Delictum & *Crimen* quid sit. Maleficium, quo privato damnum datur, vel injuria inferitur *Delictum*; quo vero damnum datur, vel injuria inferitur universitati in civitate, aut si mavis Reip. *Crimen* appellare lubet. Dicuntur quoque illa *Delicta privata*; hæc *publica*. Quoniam vero eodem facto & privato, & Reip. damnum dari, vel injuria fieri potest; ideo *idem maleficium* & *delictum privatum*, & *publicum*, seu & *delictum*, & *crimen* esse potest.

Vocabula maleficium, delictum & crimen non satis determinatum habent significatum, sed tantisper vagum, ut haud raro promiscue usurpentur. Cum tamen nostrum fuerit ea ad significatum fixum reducere (§. 144. *Disc. pralim.*), ut a significatu famosiori non nimis recederemus operam dedimus. Sufficit nos vocabulis in hoc significatu uti velle, quod nobis utique permittendum.

§. 582.

De legibus in Rep. ferendis.

In Rep. ferendæ sunt leges, tum de iis, quæ fieri debent a civibus, seu subditis, tum de his, quæ facere non debent, tum denique de his, quæ ipsis permessa esse debent. Cum enim civitas societas sit (§. 4.), quælibet autem societas suas habere debeat leges (§. 46. *part. 7. Jur. nat.*), quibus præscribuntur media, quibus finis societatis obtinetur (§. 49. *part. 7. Jur. nat.*); civitas quoque suas habere debet leges, quibus edicitur, quæ finis consequendi gratia a singulis fieri debeant, quæ hujus causa fieri quæ non debeant, aut singulis permessa esse debeant, consequenter istiusmodi leges ferendæ sunt in Rep. (§. 16.).

Leges nimirum vel præceptivæ sunt, vel prohibitivæ, vel permittivæ (§. 163. & *segg. part. 1. Pbil. pract. univ.*). Quamobrem

obrem si leges in Rep. feruntur, perpendendum omnino est, quænam a subditis fieri debeant, ut finis civitatis obtineatur, quænam vitari, ne eidem præjudicetur, quænam denique ex iis, quæ naturaliter licita sunt, permitti possint subditis absque metuendo damno, quod Reip. dari poterat factæ fini civitatis adverso. Ita lex præceptiva est, qua certa merces diurna operariis præstanda definitur: lex prohibitiva, qua lupanaria non esse toleranda declaratur: lex permissiva, qua nobili ignobilem ducere permittitur.

§. 583.

Qua lex nec prohibet, nec præcipit, nec expresse permittit; ea tacite permissa sunt in Rep. Etenim quod lex non *tacite* prohibet, ad id non agendum nos minime obligat (§. 163. *mittantur part. 1. Phil. pract. univ.*); si non præcipit, ad id agendum non *in Rep.* obligat (§. 164. *part. 1. Phil. pract. univ.*), denique quod non expresse permittit, idem agendi, aut non agendi jus non dat (§. 165. *part. 1. Phil. pract. univ.*). Enimvero ad quod agendum, vel non agendum lex nulla nos obligat, neque jus dat: tacite permittit (§. 166. *part. 1. Phil. pract. univ.*). Quamobrem quæ lex nec prohibet, nec præcipit, nec expresse permittit, ea tacite permissa sunt in Rep.

Ita tacite permittitur matrimonium nobilis cum ignobili, si nulla lege prohibetur, nec lege quadam expresse sancitum, ut permissum esse debeat. Tacite permittitur, ut quis cultui divino publico non intersit, si nec præcipitur, ut intersit, nec prohibetur, ut eundem pro lubitu negligat, neque etiam lex ulla extet, quæ unicuique liberum facit, utrum illi interesse velit, an nolit.

§. 584.

Si quod lex civilis expresse permittit, id naturaliter illicitum est; non dat verum jus agendi, sed tantummodo agendi im- *De effectu*
sum est; non dat verum jus agendi, sed tantummodo agendi im- *legis per-*
unitatem missiva, si

quod permittitur, naturaliter illicitum. puniatur & jus ne quis agentem impedire possit, quo minus faciat. Si quid enim naturaliter illicitum, ad id omittendum, seu non agendum naturaliter obligamur (§. 170. part. 1. Phil. pract. univ.). Quamobrem cum obligatio naturalis sit necessaria & prorsus immutabilis (§. 141. 142. part. 1. Phil. pract. univ.), nec lege positiva, seu civili ea tolli potest, consequenter nec hæc verum jus agendi dare potest (§. 156. part. 1. Phil. pract. univ.). *Quod erat primum.*

Enimvero quando lege expresse declaratur, quod quid permissum esse debeat, per se patet, quod quali faciat, propterea puniri non possit, neque cogi ut non faciat. Quamobrem cum impune agamus, quando ab aliis permittendum, ut agamus, quamvis naturaliter ad contrarium obligemur, nec propterea poenæ obnoxii fiamus (§. 418. part. 3. Jur. nat.); si lex civilis expresse permittit, quod naturaliter illicitum est, agendi tantummodo impunitatem dat. *Quod erat secundum.*

Ponamus denique id, quod lege expresse permittitur, quo minus facias, jure impediri posse ab alio; seu ut impediatur eidem permissum esse; perinde omnino erit, ac si permissum non esset: quod cum sit absurdum, lex, quæ expresse permittit, quod naturaliter illicitum, dat etiam jus, ne quis agentem impedire possit, quo minus faciat. *Quod erat tertium.*

E. gr. Si lege expressa permittantur lupanaria, quæ naturaliter illicita sunt (§. 243. part. 7. Jur. nat.); qui ea exercet, non vero jure, sed tantummodo impune hoc facit, nemini tamen competit jus impediendi, quo minus faciat, sed quilibet potius obligatur non impedire. Nimirum in genere lex permissiva obligat tertium ad me non impediendum, quo minus faciam

faciam quod permillum est, & ex ista obligatione nascitur jus non patiendi, ut impediat. Ita in statu naturali mihi permillum est usus rei cujuscunque necessarius (§. 14. part. 2. *Jur. nat.*), sed nemini quoque eundem impedire licet (§. 36. part. 2. *Jur. nat.*).

§. 585.

Legibus tales ac tantæ addenda sunt poena, quæ ad cohibendam legum transgressionem, quantum datur, sufficiunt. Et enim in omni societate hoc fieri potest ac debet (§. 56. part. 7. *Jur. nat.*). Ergo etiam in civitate, quæ societatis species est (§. 4.).

Ostenditur etiam hoc modo. Lege obligari debent subditi ad faciendum, quod præcipitur, & omittendum, quod prohibetur (§. 163. 164. part. 1. *Phil. pract. univ.*). Enimvero obligatio positiva, quæ scilicet a voluntate humana proficiscitur (§. 290. part. 1. *Phil. pract. univ.*), sanctione poenali, consequenter poena legi adjecta (§. 289. part. 1. *Phil. pract. univ.*), introducitur (§. 291. part. 1. *Phil. pract. univ.*). Ergo legibus adjiciendæ sunt poenæ tales ac tantæ, quæ ad cohibendam legum transgressionem sufficiunt.

Ita si adulterium prohibetur, poena adulterii legi prohibiti-væ addenda. Si præcipitur, ut quis conventui intersit; legi præceptivæ adjicienda poena, quam subire debet, qui non advenit.

§. 586.

Si lex præceptiva exigit, ad quod præstandum quis vi compelli potest, poena opus non est. Etenim si quis vi compelli potest ad id præstandum, quod lex exigit; is facere tenetur, quod præcipitur, etiam si nolit, nec sua stare voluntate, ad id opus.

sed legislatoris. Quamobrem cum poenæ sint motiva actionum committendarum, vel omittendarum (§. 287. *part. 1. Phil. pract. univ.*), in hypothefi autem propositionis præsentis motivo nullo fit opus, quod per se patet, modo intelligas, quid sit motivum (§. 890. *Psych. empir.*); si lex præceptiva exigit, ad quod præstandum quis vi compelli potest, poena opus non est.

E. gr. ponamus lege præcipi, ut unusquisque civium certam pecuniam solvat ad pauperes sustentandos, non opus est ut poena decernatur in eos, qui solvere nolunt, cum a magistratu ad solvendum vi compelli possint. Similiter si præcipitur, ut certa merces pro certis operis præstetur; non opus est, ut qui præstare nolit puniatur, cum a iudice ad solvendum compelli possit.

§. 587.

*De legibus
improprie
sic dictis.*

*Si Rector civitatis significat, quid a subditis fieri, aut non fieri debeat, non vero adit, quod secus facientes puniri, aut a magistratu ad faciendum vi adigi debeant; ista voluntatis declaratio proprie loquendo lex non est, sed Rector civitatis subditos instruere saltem voluisse intelligitur, quidnam sit officii ipsorum. Et enim si qui secus faciunt, quam vult Rector civitatis, nec puniuntur, nec vi adiguntur a Magistratu, ut faciant, nulla ipsis necessitas imponitur, id, quod ipse vult, faciendi, consequenter ad faciendum non obligantur (§. 118. *part. 1. Phil. pract. univ.*). Enimvero si subditi non obligantur id facere, quod jubentur, aut non facere, quod displicet Rectori civitatis, quod ipsis præscribitur lex non est (§. 131. *part. 1. Phil. pract. univ.*). Quamobrem si Rector civitatis significat, quid a subditis fieri velit, aut non fieri, non vero secus facientes puniri, aut sua sponte facere nolentes ad faciendum*

ciendum vi compelli jubet; proprie loquendo legem non fert. *Quod erat unum.*

Quoniam tamen significatione voluntatis suæ nihil agere voluisse dicendus, non aliud restat, quam quod subditos instruere saltem voluerit, quid facere sit officii ipsorum. *Quod erat alterum.*

In civitate libertas naturalis singulorum restringitur quoad eas actiones, quæ ad bonum publicum promovendum faciunt, quoad ceteras illa illibata manet (§. 47.), nec ultra eas imperium civile extenditur (§. 35.). Quamobrem non ob quolibet actus juri naturæ adversos puniri debent subditi. Quoniam tamen curæ esse debet Rectori civitatis, ut subditi sint virtuti dediti, & ne a virtutis tramite ad vitia deflectant, & qui defleunt a virtutis revocentur & in viam rectam reducantur (§. 456.); eidem maxime convenit, ut suam etiam de his voluntatem significet & subditis inculcet officium suum. Leges igitur, quæ non sunt nisi repetitiones legum naturalium & civiliter nonnisi improprie leges dicuntur, pro temerariis habendæ non sunt. Accedit quod in puniendis delictis atque criminibus ratio quoque habenda sit transgressionis illarum legum, quemadmodum ex sequentibus elucescet. Istiusmodi leges sunt, quæ jubent cives esse concordēs, pietatis studiosos, virtuti deditos, justitiæ cultores, ut sine urgente causa non negligant cultum divinum publicum, ut dignitati conspicui aliis exemplo sint, ut parentes omni sollicitudine educationem liberorum curent & porro.

§. 588.

*Pœna consistunt in privatione sui, & in faciendo dolore Pœna civi-
in corpore.* Etenim pœnæ, quæ ab homine homini infliguntur, vel sunt mala fortunæ, vel mala corporis (§. 286. *consistant.*
part. 1. Phil. pract. univ.). Quoniam mala fortunæ sunt, quæ
statum

statum externum imperfectiorem reddunt (§. 566. 567 *Psych. empir.*); huc spectant, quæ sunt in bonis nostris (§. 448. *seqq. part. 2. Jur. nat.*) & tama atque existimatio (§. 538. 553. *part. 1. Jur. nat.*). Similiter cum mala corporis sint quæ corpus nostrum, vel statum nostrum imperfecti obnoxium reddunt (§. 566. 567. *Psych. empir.*); huc pertinet jactura vitæ, aut membri cujusdam corporis & dolor, qui in corpore fit. Quamobrem cum quis suo privetur, si privetur iis, quæ sunt in bonis suis, aut membri alicujus corporis, vel ipsius vitæ jacturam faciat; poenæ consistunt in privatione sui & in faciendo dolore in corpore.

Ostenditur etiam hoc modo. Quicquid nostrum est, vel sunt res corporales, vel incorporales, quæ ad statum nostrum externum referuntur, vel vita & membra corporis nostri. Quamobrem si privemur aliquo, quod nostrum est, bonum aliquod amittimus vel fortunæ, vel corporis (§. 567. *Psych. empir.*), consequenter cum absentia boni malum sit (§. 754. *part. 1. Jur. nat.*), malum quoddam nobis accidit. Et quod in corpore sentire dolorem malum sit, nemine contradicente sumi potest. Poenæ igitur quia mala physica sunt, quæ nobis immittuntur ab alio (§. 285. *part. 1. Phil. pract. univ.*); eadem utique consistunt in privatione sui & in faciendo dolore in corpore.

Diversa sunt poenarum genera, quæ ut determinari possint necesse ut constet, in quonam poenæ consistere possint. Nihil homo habet, quod ipsi adimi possit, ut ægre eidem fiat, quam res corporales & incorporales, vitam & corporis membra; nec aliter alias eidem ægre fieri potest, quam corpus affligendo. Quamobrem hinc petenda est omnis poenarum civilium differentia.

§. 589.

Quia poena consistit vel in privatione sui, vel in *Quot modis*
faciendo dolore in corpore (§. 588.), quæ autem nostra *homo puniri*
sunt, vel sunt res sive pecunia, vel jura nobis competentia, *possit.*
vel existimatio aut fama, vel corporis nostri membra atque
vita, & dolor in corpore non uno modo fieri potest, veluti
si virgis cæditur, si baculo percutitur, si ferro candente ad-
uritur; *in poenam adimi possunt res quacunque corporales, qua*
sunt in dominio nostro, pecunia, jura qualibet, sive in perpetuum,
sive ad certum tempus, fama & existimatione privari, seu infamia
notari possumus, corpus variis modis affligi & ipsa denique vita
eripi potest non uno modo.

Qualescunque tandem ab hominibus excogitatae fuerint poe-
nae, eadem ad hæc genera reducuntur. Nostrum non est per-
sequi omnes poenas in specie, quæ vel apud nos, vel gentes
alias usitatae sunt. Sufficit itaque notasse quod necessarium
fuerit varias excogitare poenas, quia delicta & crimina eadem
poena coerceri nequeunt, immo nec idem delictum atque cri-
men in diversis subjectis, vel etiam tempore diverso, prouti
ex sequentibus haud difficulter intelligetur.

§. 590.

Multa dicitur poena; quæ in solutione pecuniæ, vel *Multa quid*
rei cujusdam corporalis, aut incorporalis, cujus quippe *sit.*
pretium pecunia metimur (§. 290. *part. 4. Jur. nat.*), con-
sistit.

Equidem hodie multa communiter sumitur pro poena pe-
cuniaria; constat tamen primitus multæ nomine venisse, quod
teste *Varrone* singula ob peccata exigebatur, veluti ovem, bo-
vem. Et quidem multa minima erat unius ovis, maxima
triginta boum & duarum ovium. Hinc eodem *Varrone* au-
(*Wolfsi Jur. Nat. Part. VIII.*) K k k tore

tore multa maxima dicta trium millium & viginti assium, quia bos centussibus, ovis decussibus æstimabatur. Vid. *Stephanus* in *Thef. Linguae Lat. Voc. Multa*. Ideo quando *Moses* Exod. XXII, 1. furem bovis in restitutionem boum quinque & furem ovis in restitutionem ovium quatuor condemnat, cum boves quatuor & oves tres in poenam dentur, poena hæc utique multæ accensenda.

§. 591.

Fiscus quid sit.

Fiscus vocatur receptaculum pecuniæ privatæ Regis, seu imperantis. Ita tamen etiam appellantur ipsi nummi, aut in genere ipsa bona Regis ad privatos usus destinata. Quæ igitur Regis propria, seu ad ejus usus privatos destinata, in fisco sunt.

Ita *Seneca* de *Benefic.* lib. 7. c. 6. *Cæsar*, inquit, omnia habet, fiscus ejus privata tantum ac sua, & universa in imperio ejus sunt, in fisco propria.

§. 592.

Fiscus collegii quid sit.

Fiscus collegii, aut universitatis ejusdam particularis dicitur receptaculum pecuniæ illi collegio, seu universitati isti propriæ, consequenter ad usus ipsius destinatæ. Solet etiam pecunia ipsa collegio isti propria, ut ad usus suos necessarios de ea disponat, fiscus appellari.

Fiscus simpliciter dictus semper intelligitur de fisco Principis.

§. 593.

Confiscatio quid sit.

Confiscatio bonorum est actus, quo in poenam omnia bona, quæ quis habet, eidem adimuntur & fisco attribuuntur. Unde simul intelligitur, quid sit *Confiscatio rei cujusdam singularis*.

Jure

Jure veteri Romanorum bona ob crimen condemnatorum veluti si vita adimebatur, aut civitas, aut servilis conditio irrogabatur, vel si quis ad ferrum aut bestias, aut in metallum damnabatur, confiscabantur; sed confiscationem hanc in Novell. 134. c. 13. sustulit *Justinianus*, excepto crimine læsæ majestatis, & eandem quoque in imperio Romano-Germanico abrogavit *Carolus V.* Imperator in Ordin. Crimin. art. 218.

§. 594.

Si aliquis bona confiscantur, hæredes non puniuntur ob An si bona ipsius crimen, sed tantummodo malum sentiunt occasione criminis confiscantur ejusdem. Etenim hæredes nullum habent jus in bonis ejus, puniuntur qui punitur, quamdiu vivit, sed tantummodo succedunt in hæredes. bona, quæ defunctus relinquit (§. 958. 960. part. 7. *Jur. nat.*). Enimvero quando bona confiscantur, ea vivo adimuntur & fisco attribuuntur (§. 593.), consequenter post mortem nihil bonorum superest, ac ideo quoque nullum est jus eorum, qui existerent hæredes, si qua bona relinquerentur. Nihil igitur adimitur hæredibus, quod suum erat. Quamobrem nec ipsi puniuntur ob crimen ejus, cujus bona confiscantur in poenam criminis (§. 588.). *Quod erat unum.*

Quoniam tamen crimine non admissio bona confiscata non fuissent, post mortem delinquentis in iis successissent hæredes (§. 958. part. 7. *Jur. nat.*). Quamobrem propter confiscationem bonorum abest hæreditas, quam crimine non admissio habituri fuissent. Quoniam itaque absentia boni malum est (§. 754. part. 1. *Jur. nat.*); bonis ob crimen confiscatis occasione ejusdem malum sentiunt hæredes. *Quod erat alterum.*

Nimirum confiscatio bonorum respectu hæredum est infar casus funesti, quo hæreditate, quam sperabant, privantur.

tur. Et quamvis *Justinianus* & *Carolus V.* Imperator iniquum esse existimaverint, ut ob crimen condemnatorum bona confiscarentur; id tamen non ea de causa factum est, quod criminis non participes puniantur ob factum alienum, sed quod poena nimis dura visa fuerit. Quamobrem confiscationi bonorum adhuc locum fecerunt in crimine læsæ majestatis, seu perduellionis, quod propter atrocitatem graviore poena cõr-cendum.

§. 595.

*Relegatio
quid sit &
ejus effe-
ctus.*

Relegatio est expulsio e civitate, aut saltem e territo-rio quodam. Quod si ergo *relegatus* e civitate ejicitur, mem-brum civitatis esse desinit, consequenter universitatè non am-plius obligatur, nec ei, aut *Rectori civitatis* amplius aliquod jus in eundem competit. Similiter patet, si territorio exire jubetur, in eam magistratus, qui jurisdictionem in eodem habet, nihil juris amplius competere. Patet etiam, *relegato* liberum non esse, ut in terras, ex quibus ejectus est, pro lubitu accedat & ibidem com-moretur.

Cum relegatione convenit aquæ & ignis interdictio: quibus enim aqua & igni interdicatur, ii in ea regione, in qua habi-tant manere non possunt, sed ex ea discere coguntur, cum il-larum rerum usu nemo carere possit. Hoc genus poenæ olim apud Romanos in usu fuit, sed jam apud ipsos in desuetudi-nem abiit & in ejus locum successit deportatio. Notandum vero est nos relegationem sumere in eo significato, qui hodie apud nos receptus est, non vero in illo, qui Romanis erat familiaris. apud quos relegati provincia quidem aliqua & insu-lis excedere jubebantur, civitatem tamen Romanam retinebant, quam deportati amittebant. Quæ in statu civili Romano-rum proprio rationem sufficientem habent, parum commode ad quemvis alium applicantur.

§. 596.

§. 596.

Relegatio temporaria est, quæ ad certum tempus ex-
tenditur, veluti ad biennium, aut triennium. *Alit perpetua* est, quæ per totam relegati vitam durat.

Quod *relegatio temporaria* ultra decennium non extendatur, rationem naturalem minime habet, sed mere civile est.

§. 597.

Deportatio est in locum quandam remotum & certo spatio circumscriptum invitus secessus, quo egredi minime licet.

Hoc poenæ genus apud Romanos successit in locum interdictionis aquæ & ignis, apud quos ut interdictio ignis & aquæ, ita etiam deportatio poenæ capitali æquiparabatur. Effectus vero poenæ istius apud Romanos meræ voluntatis erat, qui proinde pro lubitu variari potest, siquidem ea uti voluerimus. Apud Russos ea adhuc in usu est, ubi in Siberiam mittuntur criminis rei, qua egredi ipsis minime permittitur.

§. 598.

Carcer locus est, unde quis exire prohibetur. *Poenæ carceris* est, qua quis ad certum tempus, vel donec vixerit, in eodem conditur. Quoniam in carcerem detrusus non pro lubitu ire potest, quo voluerit, sed invitus eo in loco, in quo detinetur, manere cogitur; *poena carceris eidem adimitur jus eundi, quo voluerit.* Atque ideo patet, *carcere delinquentes puniri posse* (§. 589.).

Equidem carceris usus est ad detinendos homines criminis reos, ne aufugiant poenam evitaturi; attamen coercendia quoque hominibus inserviunt. Quamobrem hodie poena carceris frequentissima est.

Kk k 3

§. 599.

§. 599.

De interdi-
ctione adi-
tus in cer-
tum locum.

Relegationi quodammodo affinis est *Interdictio aditus in certum locum*, quæ definitione nulla indiget, veluti si quis prohibetur venire in urbem, vel pagum certum. Facile patet, *aditu in certum locum interdici iis, qui sedem fixam ibi non habent*. Patet porro, *relegationem continere interdictionem aditus in certum locum*. Etenim qui ex territorio quodam relegatur, ei etiam interdicitur, ne in eum locum veniat.

§. 600.

De interdi-
ctione exi-
tus ex cer-
to loco.

Ex adverso deportationi affinis est *Interdictio exitus ex certo loco*, quæ itidem definitione non indiget, veluti si quis prohibetur egredi ex urbe, vel domo, vel mutare domicilium, ut invitus manere debeat in urbe, vel ædibus suis, vel eo loco habere domicilium, in quo nunc habet. Facile patet, *deportationem continere interdictionem exitus ex certo loco*.

Nimirum & in hoc, & in proxime præcedente poenæ genere (§. 599.), is qui punitur, privatur aliquo jure, quo alias fruebatur, nimirum jure exeundi vel domicilium mutandi pro lubitu, & ex adverso jure accedendi in aliquem locum, ac ideo interdictio utraque poenæ locum rueri potest (§. 589.). Interdictio, ne quis certo loco egrediatur, veluti urbe, pago, vel domo sua cum carcere quoque convenit (§. 598.).

§. 601.

Pœna capi-
talis quid sit.

Pœna capitalis dicitur, quæ vitam homini adimit. Vocatur etiam *ultimum supplicium*, idiomate patrio *Lebens-Straffe*.

Quoniam vita hominis non uno modo adimi potest, va-
ria

ria quoque dantur poenarum capitalium species, non ubivis gentium eadem. Præcipuas earum commemorare lubet, præsertim eas, quæ apud nos in usu sunt.

§. 602.

Decollatio est poena capitalis, qua caput gladio, vel *De decollatio* alio instrumento amputatur. Unde etiam *Pœna gladii ditione*. citur.

Amputatio capitis in plerisque locis, etiam apud nos, gladio perficitur; in nonnullis locis, veluti in Anglia & Russia, securi.

§. 603.

Suspendium est poena capitalis, qua homo e furca *De suspendium* publica, vel patibulo, laqueo aut catena collo circumdata *dio*. suspenditur.

Hoc nimirum modo homo gulam stringendo necatur.

§. 604.

Crucifixio est poena capitalis, qua homo clavibus *De Crucifixio* per manus & pedes trajectis cruci affigitur. Patet *ixione*. itaque, *crucifixos vitam cum cruciatu traxisse & tandem fame enecatos fuisse*.

Mortis ideo accelerandæ causa subinde crura crucifixorum frangebantur. Supplicium hoc atrocissimum Romanis in usu erat: sed iisdem ad fidem christianam conversis crux in furcam mutata & in locum crucifixionis suspendium substitutum, retenta tamen alicubi atrocitate poenæ, ut suspensi non laqueo suffocentur, sed unco corpori impacto cruciatu atque fame tandem enecentur, prouti refert *Tournesors* in Itinerario Orientalis sermone Gallico editi. Erat aliam *Uncus* peculiare genus supplicii

supplicii ignominiosissimi apud Romanos, quo homo unco gutturi infixio vel in ignem, vel in gemonias scalas, a ut in Tiberim trahebatur. Dicebantur autem *gemoniæ* scalæ, ad quas corpora damnatorum unco tracta præcipitabantur. *Plinius* lib. 8. c. 40. *gemonias* gradus vocat.

§. 605.

De strangulatione.

Strangulatio est poena capitalis, qua homo collo in laqueum inserto vitam finire cogitur.

Supplicium hoc apud Turcas usitatissimum est & quoad modum finiendi vitam convenit cum suspendio, quali nos urimur.

§. 606.

De supplicio rota.

Rota supplicium est poena capitalis, ubi crura & brachia hominis, cervix item & sternum rota contunduntur & mortui deinde cadaver rotæ affigitur.

Hoc genus supplicii jam olim Romanis in usu fuit, quemadmodum ex *Ammiano Marcellino*, Hist. lib. 14. constat, & hodiernum apud nos quoque in variis criminibus receptum.

§. 607.

De submersione & suffocatione in aquis.

Submersio & suffocatio in aquis est poena capitalis, qua homo in aquis submersus suffocatur.

Sanctio Carolina art. 130. 131. & 159. in pluribus criminibus hanc poenam dictari jubet: in Saxonia vero nonnisi in parricidio retenta, ubi damnatus una cum cane, vipera, simia, vel loco istius fele & gallo gallinaceo culeo infusus in flumen propinquum projicitur & aquis suffocatur.

§. 608.

§. 608.

Combustio vel *supplicium ignis* est poena capitalis, qua *De combustio-*
homo rogo impositus concrematur atque in cineres redigi-
tur. Ad mitigandam poenam subinde quoque capite am-
putato nonnisi cadaver concrematur.

Supplicium ignis etiam olim apud varias gentes in usu fuit, sed quæ non uno modo igne necarunt homines, quod hic recensere superfedemus, cum plerique modi a crudelitate immani non sint alieni.

§. 609.

Dissectio in quatuor partes est poena capitalis, qua cor- *De dissectio-*
pus hominis vivi in quatuor partes dissecatur & singulæ ca-
daveris partes in singulis viis publicis suspenduntur. *ne in qua-*
tuor partes.

Supplicium hoc omnium severissimum apud nos habetur & rarissimum est, quo nonnisi adversus personam Imperatoris, vel Principes Electores manu sua delinquentes coercentur. Vid. *Carpzovius* in Criminal. part. 3. quæst. 129. n. 52. 53.

§. 610.

Augmenta poenarum capitalium dicuntur actus, quibus *De Aug-*
ultimo supplicio afficiendus vel affectus majore ignominia affi-
citur, aut cruciatu majore torquetur, veluti si damnatus tra-
hæ impositus & alligatus, vel corio impositus ab equo per
vias & plateas ad locum supplicii pertrahitur, si decollati
cadaver rotæ imponitur, si damnatus vehiculo impositus,
dum ad locum supplicii ducitur, forcipibus candentibus ad-
uritur, si crurifragio plectendi crura & brachia ante rota
frangantur, quam cervix, aut sternum contunditur.

(*Wolffii Jur. Nat. Pars VIII.*)

L I I

Nolu-

Nolumus plura recensere poenarum capitalium genera, quam quæ vel apud nos hodie in usu sunt, vel cum iis conveniunt. Supplicia ultima apud nos usitata sunt decollatio, suspendium, rota, suffocatio in aquis, combustio & dissectio rei in quatuor partes; Augmenta autem eorum impositio trahæ, impositio cadaveris rotæ, adustio forcipum candentium, confusio rotæ, quæ primo crura & brachia franguntur, & a nobis exempli loco modo commemorata sunt.

§. 611.

*Pœna corporis afflicta
ris afflicta
quam di-
catur.*

Pœna corporis afflicta dicitur, quæ dolorem facit in corpore, sed mortem non affert.

Nolumus quoque hic prolixè commemorare poenas corporis afflictas, quæ vel olim apud quasdam gentes, præsertim Romanos, in usu fuerunt, vel etiamnum sunt; sed in iis acquiescimus, quæ apud nos receptæ sunt.

§. 612.

*Fustigatio
quid sit.*

Fustigatio est poena corporis afflicta, quæ dorsum denudatum hominis per vias & plateas oppidi, aut pagi alius virgis cæditur. Alicubi ad palum deligantur & virgis cæduntur rei.

Fustigatio suos habet gradus pro numero plagarum, quibus afficitur corpus. Quamobrem numerus determinandus est, prouti poena major, vel minor irroganda.

§. 613.

De castigatione in carcere.

Affinis fustigationi est *Castigatio in carcere*, quæ est poena corporis afflicta, quæ privatim in carcere virgis fit per lictorem, aut magistrum carceris.

Dici solet castigatio, quia poena hæc emendatrix potissimum

num est, irroganda iis, de quibus spes emendationis suspereft.

§. 614.

Mutilatio membrorum dicitur, si membrum aliquod *De mutila-* corporis abscinditur, aut amputatur. Huc pertinet abscisione mem-
bro digitorum, aurium, linguæ vel nasi, amputatio manus, brachiorum,
vel pedis,

Carpovius in Criminal. part. 3. quæst. 129. n. 28. 32. abscissionem duorum digitorum & manus amputationem tanquam diversas poenas corporis afflictivas distinguit, cum utique sint diversæ species, nec in eodem genere criminis irrogentur. Quoniam tamen eidem generi subsunt, nobis placuit hoc genus mutationem membrorum appellare.

§. 615.

Membrorum extensio est poena corporis afflictiva, qua *De exten-* membra corporis violenta tractione extenduntur.
sione mem-
brorum.

Carpovius loc. cit. n. 39. poenam hanc ait mitiorem haberi fustigatione; illi tamen æquiparari, si ad duos, tres vel quatuor gradus instituat. Ab Italis inventam dicit, quibus *Tratto di corda* appellatur, & inde ad Germanos pervenisse, dubitat tamen, an alibi in Germania, quam in Electoratu Saxonix usu recepta sit, ubi hac poena saltem afficiendi rei, qui in flumine alieno piscari deprehensi fuerint, relictum tamen arbitrio iudicis, ut relegatione, vel quandoque etiam fustigatione puniatur reus. Quamobrem & in Saxonia vix occurrunt hujus poenæ exempla.

§. 616.

Damnatio ad triremes, metallum vel aliquod opus publicum est poena corporis afflictiva, qua hominis corpus continuis *De damna-*
signe ad tri-
remes, me-

salum vel opus publicum. tinuis ac duris laboribus defatigatur. Per se patet, *hoc poena genus esse posse vel temporarium, vel perpetuum.*

Dubitabunt forsā nonnulli, num hoc poenæ genus ad prenas corporis afflictivas referendum sit, si poena corporis afflictiva dicatur, quibus dolor fit in corpore (§. 611.). Equis vero dubitet, defatigationem continuam corporis dolori transitorio æquiparari, si vel maxime dolor proprie loquendo dici non possit, præsertim cum conjuncta sit cum dura servitute & plagis compellatur reus, ne segniter labore perfungatur.

§. 617.

De poena stigmatum.

Stigmatum poena est poena corporis afflictiva, quæ notæ quædam corpori hominis ferro candente inuruntur. Patet autem, *stigmata inuri, ut de crimine ab homine perpetrato aliis constet.*

Hæc poena subinde conjungi solet cum fustigatione sicuti cum fustigatione & stigmatum poena conjungitur relegatio perpetua.

§. 618.

De infamia poena.

Poena infamia dicitur, qua quis existimatione & inde in civitate dependentibus juribus privatur.

Haber ea suos gradus, & multa hic dependent ab opinione hominum. Possit autem hominem quoque puniri, si infamia notetur, inde patet, quod fama bona, honor & existimatio referatur ad id, quod suum est, poena autem in privatione sui consistat (§. 588. 589.). Plures dari hujus poenæ gradus, me non monente, facile intelligitur.

§. 619

Poena infames quam sint.

Poena infames dicuntur, quæ cum ignominia conjuncta sunt, vel famæ nocent. Quamobrem cum poenæ capitales

pitales & corporis afflictivæ infligantur ob crimina perpetrata; *omnes poenæ capitales & corporis afflictivæ infames sunt.*

Nimirum non poena, sed crimen, quod quis admisit, infamat (§. 862. *part. 1. Jur. nat.*). Hinc si innocens punitur, qui non admisit, quod animadversione dignum sit, is minime fit infamis.

§. 620.

Numella sunt poena, qua collo hominis in publico loco circumdatur ferrum semicirculare, alteri suo extremo palo vel muro affixo, altero autem sera munito. Idiomate patrio dicitur *daß Halsseisen*. Io, cui poena hæc irrogatur, *ad numellas sisti* dicitur, quod idiomate patrio redditur *an den Pranger stellen*. Quoniam famæ ejus nocetur, qui ad numellas sistitur (§. 553. *part. 1. Jur. nat.*); *numellæ referuntur ad poenas infamiæ* (§. 618.), *minime autem ad poenas corporis afflictivas* (§. 611.).

De Numellis.

Hinc nostris moribus ad numellas sistuntur poena corporis afflictiva afficiendi, vel etiam relegatione perpetua puniendi, ut ideo numellæ sint præparatorium quoddam poenæ irrogandæ. Quemadmodum vero in genere in poena infamiæ plurimum tribuendum hominum opinioni (*not.* §. 118.); ita quoque numellæ non ubivis & semper eandem ignominiam pariunt, præsertim si nulla poena infamis accedat. Alicubi delinquentes coguntur in conspectu populi lapidem in collo, vel manu circumferre, alicubi ob delicta quædam leviora cavæ publicæ includuntur ad constandam ignominiam. Ast talibus recensendis hic superfedemus.

§. 621.

Sepultura inhonesta dicitur, si cadaver humanum in Io. *De sepulchra inhonesta & asinina.*

co inhonesto, veluti sub patibulo aut in loco, ubi cadavera pecudum excoriantur & decarnantur, conditur, aut saltem non permittitur, ut in coemeterio humo demandetur: quod posterius forsan rectius *Denegatio sepultura honestæ* appellari potest, quasi sepultura intermedia inter honestam & inhonestam. Huc etiam referri potest *sepultura asinina*, quando non permittitur, ut cadaver cum ceremoniis solitis sepeliatur. Quoniam mortuo adimitur jus, quod alias eidem attributum, si in loco inhonesto sepelitur, aut saltem non permittitur, ut in coemeterio, vel cum ceremoniis solitis humo demandetur, in poenam vero homini etiam auferri potest jus quodcunque (§. 589.); *sepultura tam inhonesta, quam asinina, & denegatio sepultura honestæ poenæ esse potest.*

Ignominiosum utique est hominem æquiparare bruto, vel indignum censei, qui hominibus honestis æquiparetur. Ignominia vero etiam cadit in mortuum & famæ hominis etiam post mortem noceri potest. Quamobrem absurdum non est, ut in poenam quoque decernatur sepultura inhonesta, aut asinina, vel denegetur honesta. Atque id tanto magis valet, quatenus poenæ exemplares esse debent (§. 1062. part. 1. Jur. nat.), ut ideo dicendum non sit poenam in mortuo statutam carere omni effectu.

§. 622.

*De poenis
civilibus &
criminali-
bus.*

Poenas civiles appellamus, quæ irrogantur ob delictum privatum; *criminales*, quæ ob crimen, seu delictum publicum infliguntur.

Ira commode in Jure naturæ poenas civiles & criminales a se invicem distingui posse nobis videtur. Quid juri positivo conveniat, definire haud facile est. Cum enim id dependeat a voluntate humana, non ubivis locorum poenæ criminales

minales a civilibus eodem modo distinguuntur. *Carpzovius* part. 3. quæst. 128. n. 4. & seqq. in foro Saxonico poenas capitales & corporis afflictivas criminales haberi affirmat, ceteras, quibus nec vita adimitur, nec corpus affligitur, civiles. Negari tamen non potest enasci hinc subinde dubium, quænam causæ pro criminalibus habendæ, ubi causæ criminales & civiles non ad eundem judicem pertinent. Ita etiam constat pro diversitate circumstantiarum idem delictum non semper eodem modo puniri, ita ut subinde in locum poenæ corporis afflictivæ succedat multa. Unde patet, eandem poenam pro diversitate delicti & civilem, & criminalem esse posse, prouti ea irrogatur vel ob delictum privatum, vel ob publicum, consequenter vel a iudice, ad quem causæ civiles, vel ab eo, ad quem criminales spectant.

§. 623.

Poenæ arbitrariae dicuntur, quæ legibus, aut consuetudine definitæ non sunt, sed arbitrio iudicis determinandæ *De poenis arbitrariis,* relinquantur. Dicuntur etiam *Poenæ extraordinariae.* *sem extraordinariis.*

Interest, quemadmodum singulorum, ita etiam universorum, seu Reip. ne delicta & crimina maneant impunita. Enimvero cum ex subsequentiis satis clucescat, fieri omnino non posse, ut in omni casu poenæ definiantur; iudicibus relinquendum est, ut perpenſis omnibus circumstantiis non modo genus poenæ eligant, verum etiam gradus, si qui dantur, determinent, aut poenas vel exasperent, vel mitigent. Et hætenus poenæ dicuntur arbitrariæ, non vero quasi arbitrio ipsorum relictum sit nova poenarum genera comminisci, aut alibi terrarum usitatis uti ad coercendos delinquentes.

§. 624.

Poenæ exemplares publice sunt exigendæ de reis. *De executione poenarum exemplarium.* Poenæ enim exemplares ideo exiguntur de reis, ut aliis metus incutiat, *De executione poenarum exemplarium.*

cutiatur, ne eodem modo delinquant, vel idem crimen perpetrent (§. 1062. *part. 1. Jur. nat. & §. 622. h.*). Quoniam itaque necesse est, ut videant alii, quam poena afficiatur reus; poenæ exemplares publice sunt exigendæ de reis.

Nemo in dubium vocare auit, ideam poenæ multo clario-rem infigi animis eorum, qui executioni interfunt, quam illorum, quibus nonnisi nomine innotuit, & illi vim multo majorem esse in appetitum sensitivum, quam si quis quandam ex verbis concipit.

§. 625.

Unde gravitas delicti æstimanda.

Gravitas delicti atque criminis æstimanda est ex nocumento, quod affertur & periculo, quod inde imminet. Etenim delicto damnum datur, vel injuria infertur privato, crimine Reip. (§. 581.), consequenter nocumentum affertur. Quamobrem cum hoc majus, vel minus esse possit, & plurimos admittat gradus, delicta quoque & crimina alia majora, alia minora sunt, suosque habent gradus. Patet itaque, cum in nocumento proprie consistat delictum atque crimen; gravitatem utriusque æstimandam esse ex nocumento, quod affertur. *Quod erat unum.*

Enimvero cum haud raro contingat, ut quis facto suo nocumentum majus afferat, quam intenderat, aut majori, vel pluribus nocumentis occasionem det; in æstimanda gravitate delicti atque criminis ratio quoque habenda periculi, quod inde imminet. *Quod erat alterum.*

Vulneratio delictum est. Sed non omne vulnus, quod infligitur alteri, æque nocet ac periculosum est. Sane vulnus, quo sanato, membrum aliquod corporis sit ineptum ad functiones suas obeundum ac per consequens inutile, magis nocet, quam aliud, quo sanato, membrum, cui vulnus inflatum fuerat,

fuerat, ad functiones suas aptum est, quemadmodum fuerat ante. Similiter si aggressor instrumento mortifero impetit corpus alicujus, & eum vulneret; periculum, quod vulnerato imminerebat, majus est, quam si baculo eum percussisset & vulnus quoddam manui infixisset. Eodem modo patet, injurias specialiter sic dictas tam verbales, quam reales magis, vel minus lædere existimationem atque famam injuriati.

§. 626.

Delicta & crimina graviora poenis quoque gravioribus, seu De poenis committentem magis onerantibus, coercenda. Etenim in civitate Reſtori civitatis curæ esse debet, ut quilibet sit tutus ab *delicti pro-* injuria aliorum (§. 532.). Quamobrem quo majus nocu-*portionan-* mentum alicui afferri potest, aut quo majus ex ejus facto *dis.* periculum eidem imminet; tanto magis quoque præcavendum, ne delictum committatur. Quoniam itaque Reſtor civitatis eo fine nil aliud facere potest, quam ut poenis animadvertat in delinquentes (§. 300. *part. 1. Phil. præſt. univ.*), delicta autem graviora sunt, quo majus nocumentum afferretur & ex quibus majus periculum imminet (§. 625.); poenis quoque gravioribus delicta graviora sunt coercenda. *Quod erat unum.*

Enimvero quoniam Resp. spectanda est tanquam persona moralis (§. 576.), & perinde ac privatis aliis eidem injuria fieri (§. 577.), eademque lædi possit (§. 578.), jus quoque lædentem puniendi eidem competit (§. 579.); quæ de delictis, quibus læduntur privati (§. 581.), demonstrata sunt, recte quoque ad crimina, quibus Resp. læditur (§. cit.), applicantur. Quamobrem cum delicta graviora poenis gravioribus coercenda sint, *per demonstrata*; crimina quoque graviora poenis gravioribus coercenda. *Quod erat alterum.*

(Wolſii Jur. Nat. Part VIII.)

M m m

Non

Non alia certe de causa ubivis introducta sunt varia poenarum genera, quorum alia sunt aliis graviora (§ 590. & seqq.), quam quod delicta & crimina alia aliis graviora sunt, nec poenae leviores sufficiant ad deterrendos in delicta & crimina pronos, ne graviora committant. Ponamus levi quadam poena homicidium lui posse; nonne minus verebuntur vindictae cupidum homicidium committere, quam si poena capitali in committentem animadvertatur?

§. 627.

Cur delicta

publica gra- sunt, quam privata? Delicta enim publica nocumentum afferunt Reip. seu universae civitati, privata vero nonnisi pri-
viatoribus poenis coercerentur (§. 581.). Quamobrem cum per se pateat, nocumentum majus esse, quod Reip. affertur, quam quod privato
coercenda, quam cuidam, gravius vero delictum sit, quod majus nocumen-
privata. tum affert (§. 625.) & graviori poena coercendum (§. 626.); delicta publica sive crimina gravioribus poenis coercenda sunt, quam privata.

Delictum utique publicum est, si quis judicem jus dicentem in foro injuria afficit. Gravius itaque puniendus, quam si eadem injuria affecisset privatum in loco privato.

§. 628.

*De his, quae
vi actus
consequuntur.*

Qui minus malum intendit, etiam tenetur de majore, quod ex actu ipsius vi consecutum. Etenim si ex actu, quo alteri malum minus inferre intendis, majus consequi potest, dum id directe intendis, hoc simul indirecte intendis (§. 621. part. 1. Phil. pract. univ.), ac per consequens indirecte vis (§. 624. part. 1. Phil. pract. univ.), & indirecta quoque intentio tibi imputatur (§. 625. part. 1. Phil. pract. univ.), ideoque pro causa libera habendus es mali, quod ex actu tuo

tuo consequitur (§. 527. *part. 1. Phil. pract. univ.*). Quamobrem si minus quidem malum intendas, ex actus tamen tui vi majus consequatur; etiam de hoc teneris.

Ita Seneca in Excerpt. Controv. l. 5. c. 5. eum, qui platenum incenderat, ex qua domus arserat, teneri quoque de incendio pronunciat. Etiam si enim, inquit, partem damni dare noluisti, in totum quasi prudens dederis tenendus es: ex toto enim noluisse debet, qui imprudentia defenditur. Ita quoque de homicidio tenetur, qui, quem vulnerare intendebat, eum occidit. Probe autem norandum, agenti imputari non posse ea, quæ non vi, sed occasione actus consequuntur, quatenus scilicet per accidens, causa aliqua superaccedit, a qua malum dependet, quod ex vi actus non fuisset consecutum. Ita cædis reus non est, qui alteri vulnus minus lethale inflixit, si negligentia chirurgi membrum vulneratum gangræna corripitur, ex qua mors consequitur. Quoniam vero omnia maleficia, qualia sunt delicta & crimina quævis (§. 581.), sunt facta dolosa (§. 580.), consequenter a sciente ac volente committuntur (§. 705. *part. 1. Phil. pract. univ.*); quando præstimanda gravitate delicti periculi inde imminuentis ratio habenda (§. 625.), necesse est id esse tale, ut prævideri potuerit a delinquente. Ita in præsentis exemplo, quod modo dedimus, facile prævideri potest periculum vitæ, in quod adducitur, qui instrumento mortifero impetitur. Periculi vero hujus rationem quoque habendam esse in determinanda poena, dubitandum non est, cum Rectori civitatis curæ esse debeat subditos a metu injuriarum tutos præstare (§. 532.), consequenter omne quoque læsionis periculum ab iis avertere. Ex hæcenus dictis apparet, quam latus hic aperiatur dicendorum campus, si singula minutim persequi deberemus.

§. 629.

Si delictum atque crimen fuerit frequens, graviore poena De delictis coercendum. Quod si enim delictum, vel crimen fiat frequens, & crimini-
Metus, hinc frequen-

M m m 2

*tibus gravi-
viori poena
coercendis.* metus poenæ levioris ab eo committendo deterri neque-
unt qui committunt: quod per se patet. Quamobrem ne-
cesse est, ut graviori poena coercetur.

Metu nimirum poenarum ad non committendum delicta
atque crimina obligandi sunt, qui animum committendi ha-
beant, ut eum deponant, vel ut a delicto & crimine abhorreant,
qui de eo cogitant. Quamvis itaque fieri minime possit, ut
a malo proposito abducantur omnes; poena tamen determi-
nanda, quantum datur, sufficiens, ne culpæ argui possit, qui
impedire debebat, quo minus delinqueretur. Qui sapere non
vult, damno suo sapere discat. Ceterum poenam non esse
nimis gravem, abunde hinc intelligitur, si ea non obstante
delictum vel crimen aliquod adhuc frequens est. Huc omni-
no animum advertere debent, qui de gravitate poenæ judi-
cium sibi sumunt. Neque enim in æstimanda poena tantum-
modo respiciendum ad damnum, quod læso datum.

§. 630.

De delictis Si delictum vel crimen committitur in loco, ubi vi minus re-
in loco com- sisti potest, vel nemo fuerit, qui impedire potest, quo minus id com-
missis, ubi vi mittatur, poena graviori id coercendum, quam in casu opposito.
minus resi- Etenim istiusmodi delicta & crimina tanto facilius com-
sti potest. mittuntur, quando tutius committi posse sibi persuadent ho-
mines malitiosi & facinorosi. Quamobrem cum delicta &
crimina aliter coerceri nequeant, quam poenis (§. 300.
pars. 1. Phil. pract. univ.), ac per consequens eadem, quan-
tura datur, sufficientes esse debent ad deterrendum delin-
quere volentes a malo proposito; si delictum vel crimen
committitur in loco, ubi vi minus resisti potest, vel nemo
fuerit, qui impedire potest, quo minus committatur, poena
graviore id coercendum, quam in casu opposito.

Pertinent huc latrocinia, rapinæ, furta in agris vel sylvis
commissa.

commisſa. Inter eſt maxime Reip. præſtari ſecuritatem viarum publicarum, agrorum, ſylvarum aliorumque locum, a frequentia hominum remotorum.

§. 631.

Si delictum vel crimen fuerit præmeditatum, graviore poena coercendum. Quodſi enim delictum vel crimen fuerit præmeditatum, cum qui perpetravit nullo affectuum impetu ad id fuerit abreptus, id firmius delinquendi propositum ac per conſequens majorem malitiam arguit. Quamobrem iſtiusmodi homines metu poenæ levioris a delinquendo abduci nequeunt. Necesse igitur eſt, ut iſtiusmodi delicta atque crimina graviore poena coercantur.

Dantur delicti ac criminum præmeditatorum gradus ex circumſtantiis determindandi. Qui vero delicta & crimina præmeditantur, cum difficulter animum delinquendi mutant, ab iis plus periculi imminet, quam ab aliis, qui affectuum quoddam impetu ad delinquendum abripiuntur. Sive igitur poenæ fuerint emendatrices, ſive exemplares, graviores eſſe debent, ubi malitiam compescere volueris. Eſt nimirum *malitia*, cum quis data opera male agit.

§. 632.

Quoniam qui delictum vel crimen præmeditatur, *De malitia* graviore poena afficiendus (§. 631.), idem vero data opera male agit, conſequenter malitioſus eſt (*not. §. cit.*); attendenda. *in gravitate poena determinanda habenda quoque ratio eſt malitia.*

Patet ex demonſtratione propositiſ præcedentis, delicta & crimina præmeditata majori poena coercenda eſſe propter malitiam. Habet malitia ſuos gradus, in quos inquirere in præſenti non licet.

§. 633.

*Malitia
gradus su-
premus.*

Malitiosissimi sunt, qui gratis delinquant, hoc est, sine spe ullius commodi. Etenim qui sine spe ullius commodi delinquit, is ipsum delictum, vel crimen per se sibi repræsentare debet tanquam bonum (§. 892. *Psych. empir.*), consequenter cum delictum atque crimen maleficium sit (§. 581.), maleficium autem factum dolosum, quo aliis damnum datur, vel injuria infertur (§. 580.), necesse est ut ex damno aliis dato, vel injuria illata qua tali sine ulla ratione alia voluptatem percipiat (§. 561. *Psych. empir.*). Qui itaque gratis delinquit, ideo data opera delinquit, quia ipsum delictum atque crimen per se delectat. Quamobrem cum malitiosus sit, qui data opera male agit (*not.* §. 631.); qui gratis delinquant, malitiosissimi omnino sunt.

Quoniam crimina & delicta alia aliis majora sunt pro ratione nocuenti, quod afferunt, & periculi, quod inde emergit (§. 625.); facile patet pro diversitate criminum atque delictorum variari quoque gradum malitiæ summæ. Ita major malitia est, si latrones per sylvam iter facientem per horrendos cruciatus interficiant, quem rapinæ committendæ ac occultandæ causa sine cruciatu occidere poterant, quam si quis salutem animi causa innocenti alapam impingit. Immo quo major fuerit cruciatus, quo latro animi saltem causa afficit viatorem; malitia quoque major est.

§. 634.

*De punien-
dis iis, qui
gratis delin-
quunt.*

Quoniam in gravitate poenæ determinanda ratio dis iis, qui habenda malitiæ (§. 632.), malitiosissimi vero sunt, qui gratis delinquant (§. 633.); qui gratis, seu animi saltem causa delinquant, in suo genere gravissima poena coercendi.

E. gr. Si multa, vel carcere puniendus, qui alteri alapam impe-

impegit; multa majori, vel carcere diuturniori puniendus est is, qui animi saltem causa impegit. Et, si rota animadvertitur in latronem, qui animi causa cruciatu horrendo affecit viatorem, antequam eum e medio tolleret, ejus non solum pedes atque manus ante contundendi, quam cervix, sed forcipibus quoque candentibus adurendum corpus, dum trahæ impotens ad locum supplicii rapitur. Raro homo gratis malus est & si quem malitia propter seipsam delectat, is omnem humanitatem exuisse videtur. Nocere alteri absque ulla prævia læsione & ullo commodo sui adeo abhorret a natura humana, ut istiusmodi malitia de homine non concipi posset, nisi pessimorum quorundam prestarent exempla.

§. 635.

In determinanda magnitudine poenæ attendenda sunt qualitates patientis, quæ eandem poenam vel graviores, vel leviores respectus faciunt. Ponamus enim qualitates istas minime attendi ob personarum idem ergo delictum, vel crimen unus graviori poena afficitur, in puniendo quam alter, non solum absque ulla ratione, verum etiam licitus, contra rationem. Quod cum sit absurdum, in determinanda magnitudine poenæ attendendæ utique sunt qualitates patientis, quæ eandem poenam vel graviores, vel leviores faciunt.

Quamvis enim ob ejusmodi qualitates, quæ neque ad delictum, vel crimen, neque ad poenæ sensum faciunt, æqualis meritis inæquales poenæ infligendæ non sint, cum nulla addit inæqualitatis ratio; alia tamen longe ratio est, si qualitas patientis insit in ipsam magnitudinem poenæ. Ita eadem multa magis onerat pauperem, quam divitem, cujus respectu vel pro nulla haberi poterit. Quamobrem ea determinanda est pro modo facultatum patientis. Dives itaque dici nequit gravius puniri paupere, si ille in decuplum, hic in simplum condemnatur, quamvis ejusdem delicti fuerint participes. Similiter

litter homini vili ignominia erit malum leve, honorato grave, & fustigatio magis nocet civi, quam homini vagabundo. Ad sensum poenæ referenda quoque sunt, quæ ex ipsius vi consequuntur. Poenæ summæ cum religione imponendæ, ne quid fiat, quod iustitiæ adversum.

§. 636.

*Quantum
sit jus puniendi in ci-
vitate.*

Jus puniendi in civitate per se definitum non est, sed ex circumstantiis præsentibus ejus constituendi sunt limites. Etenim in civitate per judices exercetur jus puniendi privatis natura competens (§. 559.) & jus quoque puniendi eum, qui Remp. læsit, seu jus ejus violat (§. 579.). Enimvero naturaliter in eum, qui te læsit, tantundem tibi licet, quantum ad avertendum periculum læsionis futuræ sive ab eodem tibi atque aliis, sive ab aliis ejus exemplum secutis tibi metuendæ sufficit (§. 1059. part. 1. *Jur. nat.*) consequenter cum universitas in civitate, aut, si mavis, Resp. spectanda quoque sit tanquam persona moralis (§. 576.), quæ lædi potest perinde ac privata (§. 578.) & cui propterea competit jus puniendi lædentem (§. 579.), idem quoque valet de Rep. quatenus tanquam persona, quæ læditur, spectanda. Juri igitur puniendi in civitate in genere nulli præscribi possunt limites, consequenter per se definitum non est, sed ex circumstantiis præsentibus illi determinandi sunt.

Ostenditur etiam hoc modo. In puniendo attendenda sunt periculum ex facto nocentis imminens (§. 625.), nocentis malitia (§. 632.), circumstantia loci, in quo delinquitur (§. 630.), qualitates patientis, quæ eandem poenam vel graviolem, vel leviolem efficiunt (§. 635.), consequenter in sensum poenæ influunt, delicti item, vel criminis frequentia (§. 629.). Patet itaque jus puniendi per se definitum

definitum non esse, sed ejus limites ex circumstantiis præsentibus determinandos.

Etsi gravitas delicti atque criminis æstimanda sit ex nocumento, quod affertur, & periculo, quod inde imminet; non tamen poenæ magnitudo ex eo solo metienda. Quamobrem cum plura sint, quæ in determinationem poenæ simul influunt, in eodem genere delicti non semper eadem, ideo quoque impossibile est, ut in genere definiri possit, quantum in quolibet delicti vel criminis genere liceat in nocentem,

§. 637.

Quoniam limites juris puniendi in civitate ex circumstantiis præsentibus constituendi (§. 636.); poenæ tantæ poenis quantalicitæ sunt, quanta ad deterrendum nocituros a delicto vel crimine do uti conperpetrando, quantum fieri potest, sufficiunt, consequenter si accessum pareat, non sufficere leniores, gravioribus uti licet.

Poenæ debent esse medium avvertendi delicta & crimina (§. 300. part. 1. Phil. pract. untv.). Quamobrem cum ea admittentes sint puniendi (§. 573. 579.), media vero ad finem consequendum faciant (§. 937. Ontol.); tantis utique utendum est poenis, quantæ ad deterrendum nocituros a delicto, vel crimine perpetrando, quantum fieri potest, sufficiunt. Quantæ autem sufficiant, ne delictum, vel crimen invalescat, experientia omnium optima magistra est. Qui subinde gravitatem poenarum accusant, animum saltem attendunt ad nocumentum, quod affertur, immo ne hoc quidem rite æstimant, cum non perpendant periculum, quod inde consequeretur, si leniori poenæ in nocentes animadverteretur, non vero respiciunt finem poenarum, cujus tamen præcipue habenda ratio est.

§. 638.

Si sine poenis capitalibus crimina coerceri nequeant; poe- Quando
(Wälis Jur. Nat. Pars VIII.) Nn n na poena capi-

ales sint li- n.e capitales licita sunt. Etenim si appareat, non sufficere poenas leviores, gravioribus uti licet (§. 637.). Quodsi ergo certum sit, sine poenis capitalibus crimina coerceri non posse, veluti si facile prævidere possimus, metum poenæ non capitalis minime sufficere ad deterrendum in crimen aliquod pronos ab eo perpetrando, vel experientia doceat, poena licet capitali in reos statuta non tamen deesse, qui idem perpetrant; poenæ capitales licitæ sunt.

Quæcunque rationes adversus poenas capitales a nonnullis urgentur, extrinsecæ sunt, nec a fine poenarum petita, consequenter nil valent. Non majus jus in puniendo civitati conceditur, quam singulis competit in statu naturali, quippe quibus integrum est se (§. 1013 *part. 1. Jur. nat.*) & sua defendere cum interfectione aggressoris, vel raptoris & destructoris (§. 699 *part. 2. Jur. nat.*) nisi aliter defendere possit. Quoniam itaque Resp. perinde sese habet per modum personæ, cui se & sua defendere licet (§. 576. & *seqq.*); ecurr eidem non idem jus competere debet, quod singulis naturaliter concessum? Apud nos furtum suspendio coercetur, poena capitali (§. 601.). Experientia tamen abunde docet, ea non obstante furta committi. Injusta igitur poena dici nequit, propterea quod Moses furtum coerceri non iussit poena capitali, sed saltem multa (*not.* §. 590.), nec aliud poenæ genus Romanis placuerit. Quodsi apud nos nonnisi multæ locus esset in furto, nemo est qui non prævideat, furta adhuc frequentiora fore, quam nunc sunt. Non comparanda est vita furis cum re furtiva, sed considerandum, utrum tanta poena opus sit, ne furta fiant quotidiana, nec ne. Alia longe ratio est nostrorum temporum, quam antiquorum, quæ furta leviori poena coerceri permittebant. Similiter crimina atrociora absque poenis atrocibus qui coercere voluerit, nihil aget.

§. 639.

Talio dicitur par vindicta, qua tantum quis patitur mali, quantum fecit. *Talio quid sit.*

E. gr. Talio erit, si cui manus amputatur, qui eam amputavit alteri; si oculus effoditur, quia effodit alteri; si occiditur, quia occidit alterum.

§. 640.

Quoniam vindicta omnis lege naturali prohibita (§. *An talio sit* 948. part. 1. *Jur. nat.*), talio autem vindicta est (§. 369.); *juris naturalis quoque lege naturali prohibita, seu juris naturalis non est.*

Equidem fuerunt longe plurimi, qui talionem æquissimam judicarunt; hi tamen non satis perpenderunt, quomodo poena a vindicta differat. Vindicta nimirum hoc intenditur, ut tædium creetur alteri, qui tædio nos affecit, seu malum malo referatur: hic autem finis poenæ non est, sed ut a delinquendo deterreantur, qui animum delinquendi habent. Quodsi vindictam tanquam licitam sumas, nihil omnino æquius videtur, quam ut tantum mali quis patiatur, quantum fecit, & *Rhadamantibus*, quem apud inferos jus dicere sinxerunt veteres secundum legem talionis, recte pro judice æquissimo habetur. Enimvero *jus Rhadamantibi*, quod dicitur & in talione consistit, principiis cum in parte prima, tum in antecedentibus de jure puniendi demonstratis parum convenit. Quemadmodum singuli homines animum habere debent ab omni vindictæ cupidine alienum (§. 948. part. 1. *Jur. nat.*); ita quoque is a judice & a Rectore civitatis, dum poenam statuit in nocentem, procul abesse debet. Neque enim, quod vindictæ proprium est (§. 947. part. 1. *Jur. nat.*), voluptatem percipere debet ex tædio, dolore, cruciatu vel malo, quo afficitur nocens, sed misereri potius rei, quod maleficio suo in tot ac tanta mala se conjecerit. Quando igitur vindicta dicitur de judice puniente reum, significatus variatur, ita ut sal-

N n 2

tem

tem externus aq̄us vindictæ proprius designetur, scilicet quod malo afficiatur, qui malum fecit, non ut dolor læsi leniatur dolore lædentis, sed ut læsionum pericula avertantur. Eadem hic tenenda sunt, quæ de defensione sui & jure puniendi privato alibi demonstravimus & annotavimus (§. 992. 1074. part. 1. Jur. nat.).

§. 641.

*Ad malum
poena aqua-
le esse de-
beat malo
culpa.*

Quoniam talio juris naturæ non est (§. 640.), talio autem in eo consistit, ut quantum mali quis fecit, tantumdem patiatur (§. 639.); quod in poenam infligitur malum, tantum esse necesse non est, quantum quis fecit, sed majus, vel minus esse potest, prouti finis poena exigit (§. 637.), consequenter nec juris naturalis est, ut, qui alterum occidit, ei in poenam vita atimatur, seu poena capitalis homicidii juris naturalis non est, etsi eadem pro datis circumstantiis minime repugnet (§. cit.).

Ita Moses poenam furti constituit quadruplum & triplum ejus, quod ablatum fuit, facta restitutione ejus, quod ablatum fuerat, seu damno, quod datum fuerat, reparato (not. §. 590.). Ex antiquissimis temporibus homicidii poena capitalis non erat, sed homicida fuga sibi consulere cogeatur, ne ab iis, qui privato ausu mortem cognati vel amici vindicabant, iterum occideretur, prouti jam moris erat temporibus Caini Gen. IV. 14. immo etiam apud Græcos antiquos, quemadmodum Euripides docet in Oreste, quamvis postea apud eos poena capitalis introducta fuerit, ut propterea Cicero pro Ligurio accusare homicidam, ut moreretur, ad levium Græcorum & immanium barbarorum mores referat. Nimirum Thucydide autore lib. 3. antiquitus quamvis gravium delictorum leves fuerunt poenæ; sed cum ex progressu temporis contemnerentur, ventum ad mortem. Atque hoc convenit cum eo, quod modo demonstravimus (§. 637.), nec reprehensionem meretur, quamvis Plato in legibus poenam homicidii capitalem esse noluerit.

noluerit. Nimirum homicidas capite plecti non est juris naturæ præceptivi, sed permissivi, ita ut eadem poena omitti possit in homicidiis, si finis poenarum permittat, ut ab ea abstineamus, & decerni possit in criminibus aliis, si ille eandem exigit. Ita fuga militis, quando in aciem ducitur exercitus, poena capitali coercetur, quamvis alias poenæ corporis afflictivæ saltem locus sit. Omittimus hic, quæ ex legibus antiquis Germanis inprimis de poena homicidii non capitali in medium afferri poterant, cum nobis curæ non sit inquirere in facta gentium, sed demonstrare ea, quæ sunt juris naturæ.

§. 642.

Similiter quia talio jure naturali prohibita est (§. *An malum* 640.), talione autem non aliud intenditur, quam ut is *malum in se* sentiat, qui male fecit (§. 639.); *malum in se tale non tale fit, ut* *est, ut puniri debeat.*

Contrarium omnino loquitur finis poenarum, qui poenas non aliud esse declarat, quam cautionem de non lædendo, & remedium malitiæ: prouti & poenæ in emendatricem & exemplarem divisio (§. 1062. *part. 1. Jur. nat.*), fini poenarum convenienter facta (§. 1059. *part. 1. Jur. nat.*) aperte loquitur. Sermo autem nobis est de poenis humanis, quatenus sunt juris naturæ permissivi cum in statu naturali, tum in statu civili, non vero de poenis divinis, quæ ad forum Theologorum spectant. Grotius l. 2. c. 20. §. 1. media quasi via incedit, & naturam ipsam dictare ait, sed, quomodo dicter, minime ostendit, licitum & non iniquum esse, ut, qui male fecit, malum ferat, provocans ad jus antiquissimum *Rhadamantbenum*, quod in talione consistit (*not.* §. 639.), & eandem naturam dictare ait §. 3. ut nocens puniatur ab eo, qui non æque nocens est. Enimvero ex antea demonstratis tum hic, tum alibi in parte prima abunde patet, nullo sententiam istam niti fundamento. Quamobrem nec mirum videri debet, quod nullas asserre poterit opinionis suæ rationes naturales, quales tamen in Jure

naturæ requiruntur, & sine quibus in eo nihil affirmandum, vel negandum. In statu naturali omnes homines sunt æquales, nemo altero superior, nemo inferior, consequenter æqualis punit æqualem. Cur vero in statu civili omne exercitium juris puniendi pertineat ad superiorem eidemque competat jus quoque puniendi proprium, in anterioribus evidenter satis demonstravimus. Non igitur opus est, ut cum eodem singamus, eum, qui male egit, eo ipso se quovis alio inferiorem fecisse & quasi ex hominum censu in censum bestiarum detruxisse, quæ homini subjacent, ut inde probetur, naturæ convenientissimum esse, ut qui male fecit puniatur ab eo, qui superior est, etiam in statu naturali.

§. 643.

An cogitationes puniendæ.

Actus interni, etsi casu aliquo, puta per confessionem subsecutam, ad notitiam aliorum perveniant, puniri non possunt. Et enim actu interno, nisi in externos erumpat, nemini nocetur, seu damnum datur, vel injuria infertur, quod per se patet. Enimvero jus puniendi homini natura competit ob læsionem actu factam (§. 1061. part. 1. Jur. nat.), neque ideo aliter per judicem exerceri potest in civitate (§. 559.), quatenus injuria facta reparari nequit (§. 573.), nec ob aliam causam competit Reip. quam quod ipsa actu læsa fuit (§. 579.) & quatenus poenæ addendæ ad cohibendam legum transgressionem (§. 585.). Quamobrem actus interni puniri non possunt.

Recte omnino dicitur l. 18. ff. de poen. cogitationis poenam neminem mereri. Et veritati convenit proverbium Germanorum: Gedanken sind Zöllfren. Si vel maxime volueris me occidere, ad saniozem vero mentem reversus a malo proposito destitisti; nihil mihi mali fecisti. Nec est, quod dicas ab actu interno mihi periculum imminere, quod poena
aver-

avertendum, cum ea cautio sit de non offendendo (not. §. 642.). Id enim tum demum locum habebit, si propositum mihi nocendi manifestes, animo nocendi nondum deposito, non vero si a proposito destitisti. Ab eo enim, qui nocendi animum mutat, nihil periculi imminet. Bene omnino *Laetantius* lib. 6. c. 13, observat, pene supra humanum modum esse, ne in cogitationem quidem admittere, quod sit vel factu malum, vel improbum dictu. Aliter vero sese res habet, si actus externi ad quosdam externos jam procedunt; ex quibus perseverantia in voluntate nocendi certo colligitur. Recte autem *Laetantius* l. c. huc non refert, quæ vel in ira dicuntur, vel in adspectu rerum delectabilium cogitatione tacita concupiscuntur.

§. 644.

Ob errores nemo puniri potest; disseminatio tamen errorum poena coerceri. Per se constat, a voluntate hominis non errores quis dependere, ut pro vero habeat propositionem quandam, puniri possit. vel pro falsa, consequenter cum quis erret, si propositionem falsam pro vera habet (§. 623. *Log.*), poenis ab errore revocari nequit, sed vel a posteriori (§. 985. *Log.*), vel a priori veritatis convincendus (§. 990. *Log.*). Quamobrem cum poenæ alio fine non irrogari deberent erranti, quam ut vel ipse ab errore revocaretur, vel ut ne alii errori assentiantur (§. 1062. *part. 1. Jur. nat.*); ob errores neminem puniri posse patet. *Quod erat unum.*

Enimvero quoniam permittendum non est, ut publice disseminentur opiniones religioni & bonis moribus adversæ (§. 475.); qui istiusmodi opiniones fovet, ei interdici potest, ut ne errores suos disseminet & ad eos amplectendos alios seducat, immo in genere prohiberi, ne quis errores istiusmodi divulgare audeat, consequenter cum legibus tales ac tantæ addendæ sint poenæ, quæ ad cohibendam

dam legum transgressionem, quantum datur, sufficiunt (§. 585.), sub poena quoque conveniente disseminatio erroris prohiberi potest. Quamobrem si quis contra prohibitionem errorem disseminare audeat; poena eundem coercere licet. *Quod erat alterum.*

Aliud omnino est punire aliquem ob errorem, seu quia errat; aliud vero punire ob divulgationem erroris, præsertim eo animo factam, ut alios in eundem pertrahat. Prius equidem absurdum est; at non posterius, præsertim si errores fuerint tales, quibus homines a vero cultu Dei avocantur, vel mores eorum corrumpuntur. Inprimis etiam hic ratio habenda est turbarum, quæ facile in Rep. excitantur, si dissentientes in diversas partes trahuntur, ut ideo sufficiens quoque prohibitionis causa sit, si tale quid metuendum ex opinione, quæ in se nihil nocui habet. Constat nimirum, non insolens esse, quamvis revera absurdum, ut homines propter diversitatem opinionum odio se invicem persequantur, ac inde injuriis mutuis ansa detur, quod impediendum in Rep. quominus sint (§. 532.).

§. 645.

*An athei vel
deisti sint.
puniendi.*

Quoniam tam atheismus (§. 494. part. 2. Theol. nat.), quam Deismus error est (§. 55. part. 2. Theol. nat.), ob errorem autem nemo puniri potest, disseminatio tamen errorum poena coerceri (§. 644.); ob atheismum & deismum nemo puniri potest, seu nemo puniri potest, quia atheus aut deista est, si tamen eundem disseminare & per consequens alios ad atheismum vel deismum seducere audeat, poena coercere eundem licet.

Poenæ nullum esse effectum, sive qua emendatrix, sive qua exemplaris spectetur, si quis puniatur, quia atheus vel deista est, patet ut ante in demonstratione partis primæ propositionis præ-

præcedentis (§. 644.). Finis autem poenæ obtinetur respectu divulgationis hujus erroris.

§. 646.

Qui atheismum, vel deismum, aut alios errores religioni, De poena bonis moribus & status civili adversos disseminant, nec moniti ab disseminatione desistere volunt; e civitate discedere jubendi sunt. Etenim *tionis athei-* propter atheismum & deismum (§. 645.) & propter errores *fmi, deismi* alios quoscunque nemo puniri potest, sed saltem quod eos *& errorum* disseminet (§. 644.). Quamobrem cum poena non aliud *nocuorum.* intendatur, quam ut ne alios seducat, finis hic obtinetur, si e civitate discedere cogatur. Quoniam itaque privatio juris manendi in civitate poena est (§. 589.), poenæ autem tantæ esse debent, quantæ sufficiunt ad deterrendum nocituros, ne noceant (637.); qui atheismum, vel deismum, aut alios errores religioni, bonis moribus & statui civili adversos disseminant, e civitate discedere jubendi sunt. *Quod erat*

utrum. Enimvero quoniam periculum cessat seductionis, si moniti a disseminatione erroris sui desistant, propter errorem vero errantes puniri nequeunt (§. 644.); e civitate discedere jubendi non sunt, si moniti ab errore suo divulgando desistant. *Quod erat alterum.*

Studio noluimus dicere, atheismum, deismum aut alios errores contra prohibitionem disseminantes esse relegandos, etsi significatus vocabuli ferat, ut qui e civitate ejicitur relegari dicatur (§. 595.), quia modus relegandi apud nos usitatus infamiae quid admixtum habet; infamis autem poena utique major est, quam qua famæ parcitur. Alias enim si poena cum ignominia conjuncta esset, non disseminatio erroris, sed ipse error poenam pareret. Conveniunt hæc cum iis, quæ supra demonstravimus (§. 473.), atheismum & deismum publice
(*Wolfii Jur. Nat. Pars VIII.*) O o o pro-

profiteres in Rep. non esse tolerandos: neque enim tolerantur, qui ex ea discedere jubentur. Erunt forsitan nonnulli, quibus poena hæc nimis levis videbitur; sed eos quæso ut cogitent, nos in jure naturæ ea demonstrare, quæ rationi conformia sunt. Ex principiis autem rationi convenientibus nemo demonstrabit, graviori poenæ locum esse, ubi levior sufficit. Quemadmodum vero accedere possunt ad quodvis malefium circumstantiæ, quæ poenam faciunt graviores; ita quoque poenæ disseminationis errorum nocuorum idem accidere potest, & tunc a nobis minime improbat, si major irrogetur. Ne vero ultra id procedatur, quod non iniquum est, quantum liceat per ea, quæ in anterioribus demonstrata sunt, in casu dato haud difficulter definitur. In puniendo nunquam recedendum a lenitate, nisi necessitas urgeat, ne ipse delinquas, dum parcis delinquenti. Neque vero existimandum est poenam adeo levem omnibus promiscue esse ex civitate excludi, præsertim ubi difficile fuerit fortunarum suarum sedem alibi constituere. Quamobrem cum in superioribus demonstraverimus, in determinanda magnitudine poenæ attendendas quoque esse qualitates patientis, quæ eandem poenam graviorem, vel leviores faciunt (§. 635.); subinde poena discessus e civitate in aliam minorem mutanda erit, si reus promittat, se errorem, quem disseminare ausus est, non amplius profiteri velle; errori enim nuncium mittere nequit, nisi ejus fuerit convictus, cogitationis tamen poenam nemo meretur (§. 645.). Nullum datur crimen erroris, cumque ob errorem nemo puniri possit (§. 644.), multo minus poena capitali errantem afficere licitum. Immo dubito, si rem penitus inspicere velimus, an unquam revera sano cuidam in mentem venerit, puniendos esse errantes, quod errant, non vero omnes in hoc consenserint, puniendos esse, quod errores disseminaverint & alios vel actu seduxerint, vel ne seducerent verendum fuerit. Eorum enim, qui de rebus per transennam conspectis pronunciant, nulla hic habenda ratio est. Quando diximus, si monitus ab errore divulgando desistat, eum e civitate

civitate non esse ejiciendum; non est quod objicias, animum errantis errore nocuo adhuc esse imbutum. Modo enim ex antecedentibus repetimus, cogitationis poenam neminem mereri. Neque etiam est quod urgeas, non sufficere, ut ab errore divulgando desistat, vel hoc sancte promittat; sed necesse esse, ut errorem abjuret, hoc est, jurato asseruat, se opinionem, quam fovit, habere pro falsa, & jurato promittat, se falsam hanc opinionem non amplius fovere, multo minus profiteri, aut defendere velle. Id enim nisi faciat erroris sui convictus pejerat (§. 926. *part. 3. Jur. nat.*). Quoniam vero nemini juramentum deferre licet, qui de pejeratione suspectus est (§. 938. *part. 3. Jur. nat.*); ad erroris abjurationem nemo compellendus, qui erroris convictus non est. Quodsi vero erroris convictus fuerit, eum ultro missum facit, neque abjuratione opus est. Qui atheos & deistas in Rep. tolerandos esse defendunt, cum utique supponant, eos errorem suum publice profiteri, propterea quod unicuique relinquenda sit sentiendi libertas, cum assensus veritati præbendus cogi non possit; libertatem sentiendi in licentiam vertunt, nec officium Rectoris civitatis quoad cultum divinum (§. 458.) & virtutem subditorum (§. 456.) perpendunt. Si media effectu destitui non debent, removenda quoque sunt impedimenta, quæ in contrarium offeruntur. Damna atheismi in Rep. recensere, nostri instituti jam non est.

§. 647.

Qui faciunt, quæ in Rep. permittenda non sunt, poenis coercendi. Quinam cendi. Etenim quæ permittenda non sunt, ad ea subditi poenis coercendi. Etenim quæ permittenda non sunt, ad ea subditi poenis coercendi. *Phil. pract. univ.*). Quamobrem cum aliter obligari non possint nisi poenis (§. 300. *part. 1. Phil. pract. univ.*); qui faciunt, quæ in Rep. permittenda non sunt, poenis coercendi.

Ex principio hoc generali facile definitur, ob quamnam facta quis puniri possit. Neque vero verendum est, ne hoc

pacto poenæ in nimium multiplicentur & ex subditis fiant servi. Etenim non solum tacite nonnulla permittuntur, quæ officiis lege naturali præscriptis repugnant, cum impossibile sit, ut ad morum honestatem externam reducantur omnes omnino civium actiones, nec durum est, ut quædam, quæ contemni posse videntur, vel etiam ubivis fere contemnuntur, puniantur, cum poenæ etiam dentur leves, quales sunt multæ parum onerantes & carcer minime durus, & iisdem etiam accenseri possit exprobratio facti, quæ & ipsa suos admittit gradus, cum comminatione, si opus sit, poenæ durioris, si denuo committatur, quod fieri minime debebat.

§. 648.

*De puniendis iis, qui viros acumine pol-
lentes atheismi suspecti reddantur.*

Quoniam qui faciunt, quæ in Rep. permittenda non sunt, poenis coercendi (§. 647.), in Rep. vero minime ferendum, ut qui acumine pollent, vel aliis acutiores habentur, atheismi suspecti reddantur (§. 474.); qui viros acumine pol-
lentes atheismi suspectos facit, immo sub atheorum nomine publice traducis, poenis coerceri debet.

Puniuntur athei non propter atheismum, sed propter disseminationem erroris sui, in quem alios pertrahere conantur (§. 645.). Enimvero si qui acutiores ceteris habentur, atheismi suspecti fiant, alii, qui mallent nullum dari Deum, ut sibi saltem a poenis humanis cavere tenerentur, illorum auctoritate permoti atheismum facile amplectuntur, & athei sunt practici theoreticis multo peiores. Non minus itaque nocent Reip. quidni magis? diffamatores isti, quam qui atheismum profitentur ac defendunt. Quamobrem non injusta est eorum poena. Atheus habendus non est, nisi qui expresse negat dari Deum (§. 111. part. 2. Theol. nat.). Quod si dicas eum istiusmodi fovere opiniones, quæ per consequentiam ad atheismum ducunt; si vera dicis, inde saltem sequitur, opinionem ejus esse falsam, minime autem inde recte inferitur, quod sit atheus & aliis

aliis atheismum persuadere velit. Multo magis vero censuram meretur, qui per malitiam consequentiarum agit, diffamandi nimirum ac nocendi animo, inferens ea, quæ ex opinione alterius minime consequuntur: id quod plerumque fieri solet, quemadmodum omnium temporum exempla manifeste loquuntur, cuilibet adeo nota, qui in historia literaria non proflus peregrinus ac hospes est, ut ea hic recenseri non sit opus.

§. 649.

Similiter quoniam doctores publici in virtutis quolibet genere ac cultu divino præter alios excellere debent (*De doctolibus publicis* §. 460.), ut scilicet virtutem ac bonos mores non tantummodo ore (§. 459.), verum etiam exemplo suo, cujus magna vis est (§. 299. & *seqq. part. 2 Phil. pract. univ.*), doceant (§. 639. *part. 1. Jur. nat.*), doctrinæ autem sine exemplo parum prosunt, immo earum effectus exemplo contrario efficitur nullus; *in Rep. firendum non est, ut doctores publici*, seu, ut nos loqui amamus, *Theologi ac ecclesia ministri propter opiniones dissidentes se invicem aut alios publice traducant atque diffament*, consequenter eos, si sapere nolint, punire licet.

Nihil hodie prohi dolor! frequentius est, quam ut Theologi tum inter se, tum cum aliis controversiam habentes, conviciis magis, quam rationibus certent, quasi convicium dicere sit virtus heroica iisdem propria, in ipsis laudanda, ab aliis vero non imitanda. Quamobrem videas ab hoc more non alienos esse etiam eos, qui eximie cujusdam pietatis laude præter alios excellere volunt. Sane si ex ipsorum scriptis eristicis verba & dictiones contumeliosas excerpere volueris; non alio modo artem conviciandi melius addiscere dabitur. Immo, quod mireris, non desunt inter illos, qui alios sui ordinis reprehendunt, si morem istum non sequantur. Inde etiam est,

O o o 3

quod

quod argumento ab invidia ducto continuo fere utantur, de quo diximus alias (§. 1050. Log.). Equidem censores librorum permittere non debebant, ut in contumeliam aliorum dicta imprimantur (§. 477.); quoniam tamen moribus bonis adversa minime reputant, quibus ipsimet delectantur, & virtutem istam heroicam, si superis placet, laudant, ab iis parum prædicii adversus pessimum istum morem expectes. Quamobrem huic malo medelam asserre aliter non licet, nisi ut addita poena severiori perversus iste disputandi mos prohibeatur, ut a scholasticis, quos contemptui habent, rationibus, non conviciis certare discant, ne cum ordine suo religionem ipsam in contemptum adducant, nostro præsertim tempore, quo irreligionarii adversus religionem argumentum inde petunt, nec in eo se reperisse existimant, quod pueri in faba. A malitia non abest mos iste, & tanto foedior, si nocendi parti adversæ animum prodat, immo foedissimus, si quis, cum pudeat illius, defensorem in conviciando strenuum conducatur, aut saltem tali defensore sponte oblato delectetur. Immo quid dicas de iis, qui de modestia sua gloriantes morem istum sequuntur?

§. 650.

De puniendis in genere Immo cum in genere permittendum non sit, ut disseminentur opiniones bonis moribus adversæ (§. 475.); *re contra* consequenter nec ferendum, ut alios refutaturi eos publice *bonos mores* traducant atque infament, qui vero faciunt, quæ in Rep. *in refutando* permittenda non sunt, poenis coercendi sint (§. 647.); *peccantibus.* Qui alios refutaturi publice iraducunt atque infament, poenis coercendi.

Interest omnino Reip. ut subditi sint modesti, neque ideo famæ aliorum detrudere audeant (§. 456. 395.). Cumque ea de causa censores librorum in lucem publicam emittendorum constituantur, ne imprimi permittant bonis moribus adversa (§. 477.); perversus ille mos alios impugnandi facile aboleri

aboleri potest, modo hi munere suo, prouti decet, fungantur. Turpe omnino est eruditis, quod sua sponte non faciant, quod virtutis ac laudis est, sed in censum infimæ plebis se detru-
dant, ut brutorum instar demum vi compellendi sint ad id faciendum, quod est hominis ratione utentis. Sed si per se sapere nolunt, cum damno suo sapere discant necesse est. De-
fensio veritatis istiusmodi armis minime indiget.

§. 651.

Unusquisque ob injurias tam verbales, quam reales puniri potest. Etenim Reſtori civitatis curæ esse debet, ut quilibet sit tutus ab injuria aliorum (§. 532.). Quamobrem nec permittendum, ut quis injurias specialiter sic dictas, sive verbales, sive reales alteri faciat (§. 887. *part. 1. Jur. nat.*). Quamobrem cum poenis coërcendus sit, qui facit, quæ in Rep. permittenda non sunt (§. 647.); ob injurias tam ver-
bales, quam reales unusquisque puniri potest.

Romano jure injuriæ æstimabantur & judex summam pecuniz moderabatur eamque injuriato adjudicabat. Facile patet, modum hunc vindicandi injurias venire a talione, quæ vult, ut injurians tantum patiatur mali, quantum fecit injuriato (§. 640.). Enimvero cum talio non sit juris naturalis (§. 632.), nec tantum esse debeat malum poenæ, quantum quis fecit, sed nunc majus, nunc minus esse possit, prouti finis poenæ exigat (§. 641.); ut injuria pecunia æstimetur ab injuriato, rationi parum conforme est. Quod vero summa pecuniz, quam æstimandam esse definivit judex, injuriato adjudicetur, ad satiandum animum vindictæ cupidum fieri videtur (§. 947. *part. 1. Jur. nat.*), qui tamen procul ab injuriato abesse debet (§. 948. *part. 1. Jur. nat.*). Modus itaque hic vindicandi injurias juri naturæ parum convenit. Rectius a judice multa dictatur si-
ſco inferenda, vel poena carceris, immo etiam gravior, prouti circumstantiæ exigunt juxta ea, quæ in anterioribus demon-
strata

strata sunt. Ceterum quæ modo de perversis moribus eruditum in impugnandis aliis, vel bellis literariis demonstrata fuerunt (§. 649. 650.); ex propositione præsentis quoque inferri poterant per modum corollarii. Quoniam enim verba contumeliosa ad rem nihil faciunt, de qua contenditur; utique nonnisi injuriandi animo proferuntur, consequenter ad injurias verbales spectant, quocunque tandem prætextu utaris. Ipsa verba satis produnt animum, produnt affectum, cujus impetu abreptus his, non aliis usus es, consideratis præsertim omnibus circumstantiis, & qui distinctas affectuum notiones possidet, haud difficulter inde porro colliget, quo animo illa fuerint prolata. Debet autem vindicationem injuriarum non modo civibus Resp. verum etiam sibi metipsum, quatenus ipsi civitati dedecori cedit, habere cives male moratos, præsertim eos, qui morum integritate præter alios excellere debent (§. 878. 882. 883. *part. 6. Jur. nat.*).

§. 652.

An in statu naturali punire liceat actus vitiosos, quibus alius non læditur.

In statu naturali nemini competit jus puniendi alterum ob actum vitiosum qualemcunque, quo aliis non nocet. Etenim in statu naturali homines omnes liberi sunt (§. 146. *part. 1. Jur. nat.*). Qui autem liber est, ejus conscientię relinquendum, quid agat (§. 157. *part. 1. Jur. nat.*), nec is ulli hominum rationem reddere tenetur actionum suarum, neque ulli competit jus exigendi, ut reddat, quamdiu nihil facit contra jus alterius (§. 158. *part. 1. Jur. nat.*), consequenter quamdiu nemini nocet. Quamobrem in statu naturali nemini competit jus puniendi alterum ob actum vitiosum qualemcunque, quo aliis non nocet.

E. gr. Si foemina lasciva quæstum sui corporis facere velit, nemini tamen jus est propterea eam puniendi, sed ferendum, quamvis non sine indignatione, immo nec propterea injuria afflicienda, quasi digna contumelia. Similiter si quis nimio luxu,

luxu, vel alio quocunque modo bona sua dilapidet; id nemo ipsi prohibere, multo minus ob prodigalitatem punire potest. Quamvis enim in propagandis virtutibus seduli esse debeamus (§. 638. part. 1. Jur. nat.), consequenter alios a vitiis avocare (§. 321. 322. part. 1. Phil. pract. univ.); id tamen fieri debet monendo, siquidem fieri potest, vel exemplo præeundo, quod semper locum habet: vi autem compellere alterum libertati naturali omnino repugnat (§. 157. part. 1. Jur. nat.).

§. 653.

In civitate puniri possunt actus vitiosi, unde malum quoddam derivatur in universitatem, etsi iisdem alius non lædatur, dis actibus seu non committatur quidpiam, quo violatur jus alterius cujusdam vitiosis, unde malum Etenim universitas in civitate spectanda est tanquam persona moralis (§. 576.), consequenter de ea non modo prædicanda veniunt, quæ per se eidem competunt, verum etiam quoddam derivatur quæ a singulis in eandem derivantur. Quamobrem si ex actibus vitiosis subditorum malum quoddam in universitatem derivatur, ipsa id habere putatur. Quoniam itaque quilibet operam dare debet, ut sibi caveat a malis quibuscunque (§. 183. part. 1. Jur. nat.); universitas quoque ferre non debet, ut ex actibus vitiosis singulorum malum quoddam in ipsam derivetur, etsi iisdem non committatur quidpiam, quo violatur jus alterius cujusdam. Enimvero quæ in civitate permittenda non sunt, ea puniri possunt (§. 647.). Actus igitur vitiosi, unde malum quoddam derivatur in universitatem, puniri possunt, quamvis iisdem privatus alius non lædatur.

Quæ de civitate prædicantur, eidem competere vel per se, vel nonnisi derivatione a singulis per se patet, modo ad exempla animum attendere volueris. Ita per se habere dicitur ærarium, leges, jura, Regem; ex derivatione autem a singulis

(Wolffii Jur. Nat. Pars VIII.)

Pp p

dicitur

dicitur docta, fortis, virtuosa, pia, dives, pauper, scelerata, iniusta, quæ plurimos seu plures tales habet. Atque, ideo patet, quomodo fama a singulis derivetur in universitatem, ut fama ejus vel bona, vel mala sit.

§. 654.

*An scelera
aut vitia
quibus alius
non leditur,
puniri pos-
sint.*

Quoniam fama mala, quæ ab actibus vitiosis singulorum in universitatem derivatur, omnino malum quoddam est (§. 567. *Psych. empir.*), & ea in universitatem derivatur, si plurimi fuerint, qui istiusmodi actus committunt, quando vero ab actibus vitiosis singulorum in universitatem malum quoddam derivatur, iidem puniri possunt (§. 653.); *ne plures scelera quadam committant, aut vitio cuidam se dedant, rei in civitate poenis coerceri possunt, etiamsi iidem non ledatur alius.*

Ita foeminae ob quæstum corporis, quem faciunt, personæ aliæ ob ebriositatem, ob luxuriam, ob scortationem, ob impietatem, blasphemiam puniri possunt. Qui scortationem pro re licita habuerunt, nihil quoque inde adversi metuerunt famæ universitatis. Ac idem tenendum est de vitiis aliis. Quamobrem quæ in Rep. permittenda esse putarunt, ea quoque punire non potuerunt. Quoniam vero error quoad unum quendam actum minime obstat, quo minus de aliis cognoscas, quod boni, vel mali sint, & illos committas, hos fugias; ita si quis populus ceteroquin bene moratus quadam permisit, quæ sceleribus annumeranda, inde inferri nequit, apud populum bene moratum, vel in Rep. bene constituta illa poenis coercenda non esse. Ita in China hodiernum tolerantur lenones (*not. §. 365. part. 7. Jur. nat.*), etsi Sinenses virtuti ab antiquissimis temporibus, si quæ gens alia, studuerint & rerum civilium prudentia ceteras gentes omnes superaverint. Male tamen quis hinc inferret, lenocinia in Rep. bene constituta esse toleranda. Nemo autem miretur, quod scelera puniri posse, inde demonstretur, quia ipsa universitas male audit, si

si ea impune perpetrari permittit, non vero quod ea per se poenam mereantur. Etenim ante jam demonstravimus, malum in se tale non esse, ut puniri necessario debeat (§. 642.). Jus vero civitatis deducendum est ex ipsa notione ejusdem, nec libertas singulorum in civitate ultra eas actiones restringendum, quæ ad bonum publicum promovendum faciunt (§. 47.). Quodsi ergo in civitate non permittendum, consequenter puniendum (§. 674.), quod in statu naturali unicuique permittendum erat (§. 156. & seqq. part. 1. Jur. nat.), ratio desumenda est ab ipsa Rep.

§. 655.

Rektor civitatis scelera, seu vitia foeda prohibere & ea pa- De jure pro-
trantes punire potest. Etenim Rektori civitatis curæ esse de- hibendi &
bet, ne subditi a virtutis tramite ad vitia deflectant (§. 456.), ideo punien-
consequenter ne scelera seu vitia foeda perpetrent, etiamsi per di scelera.
ea nemo lædatur. Quamobrem ea prohibere potest (§. 163.
part. 1. Phil. pract. univ.). Quod erat unum.

Quoniam vero legibus addendæ sunt poenæ, quæ ad cohibendam legum transgressionem, quantum datur, sufficiunt (§. 585.); qui non obstante prohibitione scelera aut vitia foeda perpetrant, puniri possunt. Quod erat alterum.

Patet hinc officio Rektoris civitatis non repugnare ut scelera, seu vitia foeda puniat. Sufficiens tamen prohibendi & puniendi ratio ex demonstratione anteriore clarius elucescit (§. 654.), quæ remouet exceptionem, quasi imperium extendatur ultra limites suos (§. 47.), cum coeuntes in civitatem libertati naturali non renunciaverint ultra id, quod finis civitatis, bonum scilicet publicum exigit, nec singuli quoad omnes omnino actiones juri universorum sese subicere voluerint. Quatenus enim actiones singulorum respectum quandam ad universitatem habent, ejus juri omnino subsunt. In-

terest autem Reip. ne civitas male audiat apud externos, qui moribus cultioribus utuntur: quæ de re plura dicenda erunt in Jure Gentium. Alia vero ratio est, si quæ gens pro naturaliter licito habet, quod apud alias pro inhonesto & scelesto habetur. Dantur enim haud pauca in Jure naturæ, quorum ratio non adeo obvia est, ut unicuique pateat.

§. 656.

De poenis

rigorose exigendis.

Pœna legibus constituta a delinquentibus exigenda sunt, nisi singulares fuerint rationes, ob quas vel remittenda, vel saltem mitiganda. Etenim poenæ esse debent motiva actionum committendarum, vel omittendarum (§. 287. part. 1. Phil. pract. univ.), consequenter metu earundem deterrendi sunt subditi, ne faciant, quod prohibetur, aut ut non faciant, quod præcipitur, seu ne delinquant. Certum igitur esse debet delinquere volenti, quod poena legibus constituta ipsum maneat, si delinquat. Quamobrem necesse est, ut, si deliquerit, exigatur. *Quod erat unum.*

Enimvero si rationes fuerint singulares, ob quas vel remittenda poena lege constituta, vel mitiganda; verendum non est, ne, si ea remittatur, vel mitigetur, alius quilibet vel impunitatem delinquendi, vel saltem poenam mitiorem, quam minus metuit, sibi promittat, consequenter ne poena effectu suo destituatur, quam tanquam exemplaris habere debebat (§. 1062. part. 1. Jur. nat.). Quamobrem si rationes singulares fuerint, ob quas vel remittenda poena lege constituta, vel saltem mitiganda; ut omnino exequatur opus non est. *Quod erat alterum.*

Vix quenquam fore existimo, qui delinquere vellet, siquidem pro certo haberet, se poenas, præsertim graves, quales sunt corporis afflictivæ & capitales, immo infames omnes Reip. per

perfoluturum, metu earum malitiam vincente. Nisi enim quis affectu perturbatus vel de poena non cogitet, delinquendi occasione oblata, vel animum ad eam non satis attendat, utique sibi persuadet, se poenas evitaturum, vel quod clam delinquat, vel quod in fuga, aut negatione praesidium se experturum confidat. Neceffe igitur est, ut prava hæc animi persuasio avertatur, ne vires obligationis enerventur.

§. 657.

Quoniam poenæ legibus constitutæ a delinquenti- *De rationi-*
bus exigendæ sunt, nisi singulares fuerint rationes, ob quas *bus remis-*
vel remittendæ, vel saltem mitigandæ (§. 656.); *si poena sionis & mi-*
lege statuta non exigatur, sed vel remittatur, vel saltem mitigetur, rigationis
rationes, ob quas remittitur, vel mitigatur, publicandæ sunt. poena publi-

Poenæ, præsertim quæ publice infliguntur, exemplares esse debent; vires obligationis positivæ, quæ sanctione poenali introducitur (§. 291. part. 1. *Phil. pract. univ.*), enervare minime debent. Quamobrem omnino necesse est, ut rationes, ob quas poena lege statuta remittitur, vel mitigatur, publice innotescant.

§. 658.

Superior poenas legibus constitutas remittere & mitigare De jure re-
potest non samen hoc facere debet sine ratione sufficiente. Ex-
enim jus puniendi in civitate per se definitum non est, sed *mittendi &*
ex circumstantiis præsentibus ejus limites constituendi *mitigandi*
(§. 636.). Quodsi ergo in casu dato adsint rationes, cur *poenas.*
poena potius remittatur, quam exigatur, aut cur potius ea
mitigetur, quam lege constituta præcisè exigatur; nil sane ob-
stat, quo minus eam superior remittere, vel mitigare possit.
Quamobrem poenas legibus constitutas remittere & mitiga-
re potest. *Quod erat unum.*

Enimvero cum subditos tutos præstare debeat a metu injuriarum (§. 532.), & legibus addendæ sint poenæ, quæ ad cohibendam legum transgressionem, quantum datur, sufficiunt (§. 585.), consequenter interfit Reip. ut rei puniantur; poenas remittere ac mitigare minime debet sine ratione sufficiente. *Quod erat alterum.*

Si poenæ jure naturæ essent determinatæ, & naturaliter obligaretur superior ad eas exequendas; ipsi licitum minime esset poenam remittere, vel mitigare, cum obligatio, quæ a lege naturæ venit, absolute necessaria & prorsus immutabilis sit (§. 124. *part. 1. Phil. pract. univ.*). Enimvero quoniam eadem voluntate sua constituuntur, nec casus omnes prævideri possunt, in quibus delinquitur, facile patet, ipsius judicio subesse, utrum pro datis circumstantiis poena omnino sit opus, an mitiori locus relinquendus, consequenter a voluntate ipsius dependere, utrum eam remittere, an mitigare velit. Sane si casus omnes prævidere potuisset, jecquis dubitet, eum statim, cum poenam legi adderet, casus istos excipere potuisse, in quibus poena sit remittenda, vel mitiganda? Quidni igitur eos etiam excipere potest, quando actu occurrunt, consequenter poenam remittere, aut mitigare, siquidem ita visum fuerit? Agitur hic de eo potissimum, quod est officii Regis, qui temere poenam remittere, vel mitigare minime debet, sed nonnisi ob rationes sufficientes, ut jure suo usus recte agat, cum lex naturæ in genere obliget omnes ad recte agendum (§. 189. *part. 1. Phil. pract. univ.*).

§. 659.

*De premiis
meritorum
in Rep.
vel Reip.
rem cruita-*

Superior ob præclara in Rep. vel in ipsam merita beneficium reddere debet parentibus in liberis, vel cognatis in cognatis.
Etenim superioris est obligare subditos ad bene de Rep. ac de se merendum, quod sine ulteriori probatione sumi potest. Enimvero obligatio positiva introducitur præmiorum promiss-

missione (§. 298. *part. 1. Phil. pract. univ.*), consequenter si *sis singula-*
in bene meritos conferantur, etiam alii ad bene merendum *rium.*
obligantur. Quamobrem cum beneficia in liberos ob pa-
rentum, vel cognatos ob cognatorum merita in Remp. col-
lata, vel in ipsum quoque Rectorem civitatis, sint merito-
rum istorum præmia (§. 295. *part. 1. Phil. pract. univ.*); su-
perior ob præclara in Remp. vel in ipsum merita beneficium
reddere debet parentibus in liberis, vel cognatis in co-
gnatis.

Abstineat, ut tibi persuadeas, in civitate non aliter subditos ob-
ligari posse quam metu poenarum. Poenis enim coercantur
homines mali animi. Dantur vero etiam alii, qui præmiis
permoventur ad præclara præstandum. Immo si quid adhuc
bonæ mentis iis insit, qui malo sunt animo, beneficiis & ipsi vin-
cuntur, ut a malo desistant, & animum murent. Prudentia
igitur facile docebit superiorem, quando præmiis locum fa-
cere debeat. Nemo vero est, qui dubitet, superiori non de-
esse benefaciendi materiam & occasionem, qua ad bene de
Rep. & ipso merendum permovere potest subditos.

§. 660.

Superior ob præclara parentum & cognatorum merita in De poena
Remp. vel seipsum poenam remittere, multo magis mitigare potest. remissione
Etenim superior ob præclara in Remp. vel in ipsum merita & mitiga-
beneficium reddere debet parentibus in liberis, vel cognatis *sione ob me-*
in cognatis (§. 659.). Quamobrem cum poena malum *rita paren-*
quoddam (§. 285. *part. 1. Phil. pract. univ.*), absentia vero *tum & co-*
mali bonum (§. 756. *part. 1. Jur. nat.*), consequenter malum *cognatorum.*
minus respectu majoris bonum sit, ac ideo poenæ remissio
& mitigatio beneficii loco habenda (§. 21. *part. 4. Jur.*
nat.); superior ob præclara parentum & cognatorum merita
in

in Remp. vel seipsum poenam remittere, multo magis, quia mitigatio poenæ remissione minor est, cam mitigare potest.

Non minus interest Reip. ut subditi ad præclare merendum de Rep. incitentur, quam ut delicta & crimina non perpetrentur. Absit itaque, ut tibi persuadeas, quasi Rector civitatis desit officio suo, si in puniendo rationem habeat meritorum majorum, vel cognatorum. Dantur autem plures gradus meritorum in Remp. vel personam etiam Rectoris civitatis aut familiam ejusdem, & in iis æstimandis plura attendenda veniunt. Sed talia facile cognoscuntur, ubi occurrunt, nec de his dicendi locus est in præsentī.

§. 661.

De magna spe meritorum delinquentis.

Magna spes meritorum in Remp. in posterum ratio sufficiens est remissionis, aut saltem mitigationis poenæ. Quoniam superioris est incitare subditos ad bene de Rep. merendum; nec eam privare debet meritis, quæ sperare licet. Quamobrem si poena delinquenti infligenda Remp. privet meritis, quæ ab eo in posterum sperari poterant; præstat potius eam vel non exigere, vel non exigere præcise, consequenter vel remittere, vel mitigare. Magna igitur spes meritorum in Remp. in posterum ratio sufficiens est remissionis, aut saltem mitigationis poenæ.

In præsentī casu vix per malitiam delinquitur, sed ab imperu affectuum, cui non adeo facile resisti poterat, delictum procedit, aut crimen, veluti si quis ira in furorem actus occidat alterum. Facile autem patet, multa circumspectio opus esse, ne vana spes in casu præsentī concipiatur: quo fine omnes omnino circumstantiæ sollicitè excutiendæ. Neque minus patet, quando de remissione poenæ sermo est, cum iis nobis negotium esse, qui poenam lege constitutam promeriti sunt, haud quaquam vero de illis, qui ob delicti vel criminis

pene-

perpetrati circumstantias eam meriti non sunt. Quando enim poena lege constituitur, dolus & malitia in delinquente supponitur, absente autem dolo, vel malitia, nec poenæ isti locus est. Tunc autem ea remitti, vel mitigari proprie loquendo dici nequit.

§. 662.

Pœna legibus constituta subditis nota esse debent. Poc-Pœnas leginæ enim motiva esse debent non delinquendi, aut crimina bus constitutione patrandi (§. 287. part. 1. Phil. præd. univ.). Quam-tas notas obrem cum per eas determinari debeat noluntas ad non esse debere. agendum, quod sub poena prohibetur, ne fiat, vel voluntas ad agendum, quod fieri præcipitur, nisi poenam incur-rere malis (§. 889. Psych. empir.); necesse utique est, ut delinquere volentis animum subeat cogitatio poenæ: quod cum fieri non possit, nisi poenæ legibus constitutæ sint in vulgus notæ, eas subditis notas esse debere extra omnem dubitationis aleam positum, est.

Durum omnino videtur poenam præsertim gravem infligere ei, quem merus poenæ a proposito delinquendi abstrahere potuisset, siquidem ea ipsi cognita fuisset. Quamobrem poenæ una cum legibus promulgandæ, ut ad omnium notitiam pervenire possint, ne quis eas ignoret nisi culpa sua. Et dum pueri atque adolescentes docentur in scholis, quæ vitandæ sunt, & populo in templis inculcantur, quæ committenda, quæ omittenda sint, poenarum quoque positivarum mentio fieri debet, præsertim si exempla non fuerint adeo obvia. Sane eo sine poenæ, præsertim graviore, quæ multum onerant reum, publice infliguntur, ut in vulgus emanent & memoria earum conservetur.

§. 663.*

Si quis facile prævidere potest magnitudinem damni, Quando
(Wolffii Jur. nat. Pars VIII.) Q99 *quod quis puniri*

possit ante legem latam. quod dat delinquendo sive privatis, sive Reip. puniri etiam is potest ante legem latam, quamvis aliquanto mitius. Etenim magnitudo damni, quæ datur delinquendo sive privatis, sive Reip. motivum satis efficax est non delinquendi, nisi malitia prædominetur, consequenter cum malitiæ insigni non adeo facile mederi liceat, a poenæ quoque metu non multum præsidii sperandum fuerat. Quamobrem cum in poena irroganda habenda sit ratio malitiæ (§. 632.); si quis facile prævidere potest magnitudinem damni, quod dat delinquendo sive privatis, sive Reip. puniri is etiam potest ante legem latam. *Quod erat unum.*

Quoniam tamen negari haud quaquam potest, si metus poenæ, præsertim gravioris, ad magnitudinem damni, quod delinquendo datur, accedat, motivum fortius fieri, ut malitia majore opus sit, si adversus eam non prævaleat, & in magnitudine poenæ determinanda ratio habenda sit malitiæ (§. 632.), in casu dubio autem malitia major non præsumenda, cum præsumtio semper tendat in partem mitiorem, ne fiat quod iniquum est; qui ante legem latam punitur, aliquanto mitiori poena afficiendus, quam quæ postea legi additur (§. 585.).

Modo quis noverit, quid sint delicta & crimina & ea in Rep. esse punienda, immo graviora poenis gravioribus coercenda; is ignorantiam delicto ac crimini obtendere nequit. Injustum igitur non est, multo minus iniquum, si puniatur, quamvis lege certa quædam poena nondum sit constituta, præsertim ubi ingens periculum ab eo, qui deliquit, aut necessitas exempli eandem exigat.

§. 664.

Quando poena faci-

Ante legem poenalem latam poena facilius remitti potest, quam

quam post legem constitutam. Etenim cum poenæ, præsertim *lius remissiones* & in his capitales, sint ideo exigendæ, ut deter-
reantur alii a delinquendo, ac per consequens, ut ne obli-
gationis sanctione poenali introducendæ (§. 291. *part. 1. Phil. præd. univ.*), vis enervetur (§. 287. *part. 1. Phil. præd. univ.* & §. 889. *Psych. empir.*); si ante legem poenalem la-
tam poena non afficitur, qui deliquit, consequenter si ea re-
mittitur (§. 1089. *part. 1. Jur. nat.*), tale quid metuendum
non est. Quodsi ergo non ingens sit periculum ab eo, qui
deliquit, vel circumstantiæ singulares prodant necessitatem
exempli, ante legem poenalem latam facilius remitti potest
poena, quam post eam constitutam (§. 565. 658.).

Stoici vulgo putantur omnem poenæ remissionem rejecisse
tanquam sapientiæ adversam: an vero simpliciter eam impro-
baverint, jam non disquiremus. Sufficit ex iis, quæ demon-
stravimus, abunde patere, quod poenæ remissio non semper
repugnet sapientiæ, sed potius ea subinde eandem suadeat,
quamvis plures adhuc aliæ eam in finem asferri, possent ratio-
nes, si sententiam istam refutare deberemus. Sunt ex adver-
so alii, qui contendunt, ante legem latam nullam intelligi re-
missionem poenæ. Ubi enim lex nulla sit, ibi quoque nul-
lam esse legis transgressionem, ac ideo poenam nullam, & per
consequens nullam poenæ remissionem. Ast non difficilis est
responsio. Ante legem latam puniri potest, qui facile præ-
videre potuit damnum, quod delinquendo dat (§. 663.),
consequenter in Rep. tale factum minime permittendum esse,
ac ideo poena coercendum delinquentem, præsertim cum idem
manifesto appareat ex eo, quod delicta & crimina alia punian-
tur, nequaquam vero permittatur, ut impune delinquatur,
immo exinde etiam quilibet addiscere possit, poenæ magni-
tudinem determinari ex magnitudine damni, quod datur, & ex
malicia delinquentis. Quamvis itaque certa quædam poena
lege constituta nondum sit, perinde tamen est, ac si poena

in genere etiam gravis esset constituta, in casu dato in specie determinanda. Alia vero ratio est, si in Rep. mixta extra lex fundamentalis, ne quis puniatur ante legem poenalem constitutam. Plura de permissione poenæ jam alias demonstravimus (§. 1094. part. 1. *Jur. nat.*), quæ hic repetenda non sunt, sed ibidem legi possunt.

§. 665.

An liberi

*Liberi puniri nequeunt ob malefacta parentum, nec propter parentes ob malefacta liberorum, nec cognati ob malefacta cognatorum, nec hæres ob malefictum defuncti, cujus in bonis succedit. Etenim nemo puniri potest ob factum alienum (§. 1084. part. 1. *Jur. nat.*) & qui poenam inter se communicant, eorum quilibet punitur ob factum proprium (§. 1083. part. 1. *Jur. nat.*). Quoniam itaque liberi, parentes, cognati & hæres puniuntur ob factum alienum, si ob malefictum parentum, liberorum, cognatorum, atque defuncti, in cujus bona succeditur, punirentur, nec liberi propter malefictum parentum, nec parentes ob malefictum liberorum nec cognati ob malefictum cognatorum, nec hæres ob malefictum defuncti, in cujus bona is succedit, puniri possunt.*

Injuriam unique faceret liberis, qui eos puniret ob delicta vel crimina a parentibus perpetrata, quemadmodum jam alibi in genere monuimus (not. §. 1084. part. 1. *Jur. nat.*). Idem valet de parentibus, de cognatis, de hæredibus, si illi ob factum liberorum, illi ob factum cognatorum, hi ob factum defuncti, in cujus bona succedunt, punirentur. Si vero in poenam alicujus bonæ confiscantur, hæres non puniri, sed tantummodo malum quoddam sentire occasione criminis alieni, supra jam demonstravimus (§. 594.). Equidem hæres repræsentat personam defuncti, in cujus bonis succedit (§. 958. part. 7. *Jur. nat.*); non tamen inde

de sequitur, cum puniri posse propter delictum, vel crimen defuncti, cum personam defuncti non repræsentet nisi quoad continuationem dominii, nec in eum cadunt obligationes defuncti, nisi quæ respectum quendam ad bona, in quæ succeditur, habent & a dominio ortum trahunt (§. cit.). Istiusmodi obligatio reatus non est, quippe quæ ex maleficio oritur (§. 1072. part. 1. Jur. nat.), cui cum dominio nihil commune est. Injustæ igitur fuerunt leges Persarum & Macedonum devotentes & propinquorum capita, quo qui in Regem peccaverant tristiores perirent, Curtio autore, ut recte dixerit *Philo* morem esse tyrannis cum damnatis una tollere quinque familias eis proximas. Neque crudelitatem hanc excusat criminis atrocitas: propinqui enim non magis participes sunt criminis atrocis, quam delicti vel levissimi ab alio commissi. Puniantur ergo, si vel maxime atrocissimum fuerit crimen, innocentes: id quod naturaliter illicitum (§. 1086. part. 1. Jur. nat.).

§. 666.

Quoniam liberi puniri nequeunt ob delictum, vel *De dilatione* crimen parentum (§. 665.), foetus autem in utero necaretur, *poena capitalis* si mulier prægnans ad supplicium ultimum raperetur; *mulieris prægnantis* mulier prægnans, antequam pepererit, poena capitali afficienda non est.

Legibus Ægyptiorum, Græcorum & Romanorum nefas habitum prægnantem mulierem supplicio mortis afficere: parcendum enim infanti in utero, cui delictum, vel crimen matris nullo modo imputari posse nemo est, qui non videat.

§. 667.

Si quid habeant aut expectare possunt liberi, in quod ius *De poena* proprium non ipsis, sed populo aut Regi est, seu quod non in ipsum, parentum in sed in populi aut Regis dominio, & ob crimen parentum id ipsis aut liberis fertur; non liberi puniuntur, sed parentes in liberis. Exenim si in

Qq q 3

quid

quid liberi jus proprium non habent, sed populus aut Rex, a populi aut Regis voluntate unice dependet, quomodo ad utilitatem Reip. de eo disponere velit (§. 118. 135. *part. 2. Jur. nat.*) & si hoc ipsis admitur, non quod suum est adimitur (§. 124. *part. 2. Jur. nat.*), sed superior de eo disponit in utilitatem Reip. seu prouti bonum publicum exigit (§. 23.). Quamobrem cum poena non consistat nisi in privatione sui (§. 588.); si quid habent aut expectare possunt liberi, in quod jus proprium non ipsis, sed populo aut Regi est, seu quod non in ipsorum, sed in populi, aut Regis dominio est, & ob crimen parentum id ipsis aufertur, liberi non puniuntur. *Quod erat unum.*

Enimvero cum parentes operam dare debeant, ut liberi fiant fortunati (§. 732. *part. 7. Jur. nat.*), & huc eos ducit amor naturalis prolis suæ brutis non minus, quam hominibus insitus (§. 259. *part. 7. Jur. nat.* & §. 640. *Psych. empir.*), ut ex fortuna adversa molestiam animi, immo tristitiam percipiant, prouti experientia obvia abunde loquitur, nemo autem negaverit, parentes si prævideant sua culpa liberos fortuna privari, qua vel jam gaudebant, vel gaudere in posterum poterant, & malum, quo quis affligitur ob crimen perpetratum utique poena sit (§. 285. *part. 1. Phil. pract. univ.*); parentes in liberis suis puniuntur, si his ob ipsorum crimen aufertur, quod vel habent, vel expectare poterant, quod tamen in ipsorum domino non est, sed in dominio populi, aut Regis. *Quod erat alterum.*

Quæ de puniendis parentibus in liberis hic demonstrantur, prope notanda sunt & perpendenda, præsertim cum etiam Deus in Scriptura Sacra peccata parentum punire dicatur in liberis usque ad tertiam & quartam generationem, a quo tamen omnis injustitia, iniquitas omnis procul abest. Quodsi enim demon-

demonstratio præsens rite expendatur, nihil in hac punitione reperies, quod injustitiæ, aut iniquitatis redargui possit. Injustus est, qui quid facit quod est contra jus perfectum alterius (§. 239. *part. i. Pbil. præct. univ.*), consequenter qui alteri aufert, quod suum est, aut id, quod ab alio ipsi perfecte debebatur. Ast neutrum fit a superiore in civitate, multo minus a Deo, quando in liberis puniuntur parentes, alias enim liberi punirentur propter peccata, aut crimina parentum: quod fieri non debet (§. 656.). Sunt quædam in Rep. quæ libera superioris voluntate ita conferuntur in cives, ut per nativitatem in eorum posteros deriventur, continuo tamen juri superioris subiecta sunt, ut de iis disponere possit, prout bonum publicum, seu salus Reip. exigit. Istiusmodi sunt nobilitas, jus certarum dignitatum civilium atque munerum publicorum hæreditarium, aptitudo civilis ad certa munera publica, jus possidendi prædia equestria & alia privilegia familiæ data. Hisce si privantur liberi ob crimina parentum, non aufertur quod suum est, aut ad quod jus perfectum habent; sed superior jure suo disponit de eo, de quo pro lubitu disponere potest. Et quia hoc facit eo fine, ut deterreantur alii a delinquendo graviter in Remp. salus vero Reip. suprema lex est, cui convenienter de omnibus istis disponere tenetur superior, siquidem officio suo satisfacere velit; nihil quoque in eo committitur, quod iniquum dici possit (§. 239. *part. i. Pbil. præct. univ.*), etsi primo intuitu tale appareat, quia tacite supponitur, auferri innocentibus propter factum alienum jus quoddam proprium, quod citra injuriam auferri nequit, & factum alienum imputari innocentibus, cujus tamen nullo modo sunt participes. Idem eodem modo intelligitur de Deo parentes in liberis puniente. Etenim Moyses poenam omnem in privatione bonorum fortunæ collocat, ad quæ homo jus perfectum nullum habet, sed quæ Deus dispensat sapientiæ suæ convenienter. Quamobrem dum punit parentes in liberis, nihil his admittit, quod ipsorum erat, vel esse debebat, consequenter nullius injustitiæ argui potest. Et cum hoc medio

utatur,

utatur, ut a peccando deterreantur, qui legem ipsius servare tenentur; de bonis fortunæ, quæ denegat liberis ob parentum peccata, sapientiæ convenienter disponit (§. 678. *Psych. rat.*), ac per consequens nihil committitur, quod vel in homine iniquum dici mereatur (§. 239. *part. i. Phil. pract. num.*). Quemadmodum Rex tum demum puniret liberos ob crimen parentum, si eorum bona propria confiscarentur, si fustigarentur, si supplicium ultimum subire cogerentur; ita quoque Deus tunc demum puniret liberos ob parentum peccata, si eos ad cruciatus infernales damnares, quæ est impiorum poena post hanc mortem. Ea, quæ tam a superiore in civitate, quam a Deo liberis ob parentum crimina & peccata adimuntur, talia sunt, ut, si in civitate salutis publicæ, in mundo autem sapientiæ divinæ convenit, etiam citra ullam culpam unicuique adimi, vel denegari possint. Quamobrem abunde patet, nullam supponi culpam in liberis, quando istiusmodi quid isdem aufertur, vel denegatur, consequenter nec culpam parentum iisdem imputari. Equidem negandum non est, dum parentes puniuntur in liberis, malum quoddam a factis parentum derivari in liberos, a quo fuissent alias immunes; non tamen malum a facto alieno in nos derivatum poena est, sed calamitas, quæ subeunda occasione facti alieni.

§. 668.

Quando parentes puniendi in liberis.

Quoniam liberis, quando in iis puniuntur parentes, quid adimitur, quod habent, aut quod sperare poterant, in quo tamen non ipsis, sed populo, aut Regi dominium est (§. 667.), consequenter occasione criminis parentum malum quoddam in eos derivatur, quod culpa quadam sua non meruerant, amoris tamen universali convenit, ut, quantum datur, caveamus, ne quis incidat in mala fortunæ (§. 613. *part. i. Jur. nat.*), gravioribus vero poenis coercenda sunt crimina graviora (§. 626.), ex nocumento, quod Reip. aufertur, & periculo inde imminente æstimanda (§. 625.

581.);

581.); *parentes in liberis puniri non debent, nisi ob crimina gravissima.*

Sane ea de causa moribus nostris poena parentum in liberis vix obtinet, nisi in causa perduellionis. Et hanc æquitatem secutus *Carolus V.* Imperator, confiscationem quoque bonorum a poena capitali abstulit, quæ Jure Romano cum eadem conjuncta erat, ne occasione criminis parentum malum quoddam in hæredes derivaretur (§. 594.). Parentes in liberis injurii sunt, dum crimen committere non verentur, cujus occasione liberi fortunam adversam experiuntur, cum ipsorum officii sit sibi cavere, ne eorum culpa liberi fiant infortunati (§. 732. *part. 7. Jur. nat.*). Miserari debemus liberorum conditionem atque fortunam, si parentes adeo defunt officio suo. Nec ab hac misericordia abest superior, quando parentes in liberis punit, cum plurimorum amor recte vincat amorem paucorum quorundam: id quod justitiæ maxime convenit (§. 1067. *part. 1. Theol. nat.*). In Deo autem puniente parentes in liberis, dum his subtrahit fortunæ bona, id adhuc singulare est, quod hoc fieri possit in salutem ipsorum, quatenus prævidet, eos bonis fortunæ abusuros, calamitates vero fore incitamentum ad virtutem & pietatem, atque præsidium adversus vitia.

§. 669.

Cadavera supplicium ultimum passorum insepulta in con- *An facinorosa publica relinqui possunt.* Mortuis enim competit jus ad *rosis* dene- sepulturam (§. 768. *part. 6. Jur. nat.*) & id ipsum humani- *gandas* se- ratum debetur, seu homini ideo competit, quia homo est (§. *pultura.* 769. *part. 6. Jur. nat.*). Quamobrem cum in poenam adimi ei, qui deliquit, possit jus quodcunque (§. 589.); in poenam quoque jure sepulturæ is privari potest. Quodsi ergo privatio sepulturæ ad poenam capitalem accedat, hoc ipso eadem augetur (§. 610.). Quoniam itaque crimina gra- *(Wolfii Jur. Nat. Pars VIII.)* Rr r viora

viora poenis gravioribus coercenda (§. 626.), & quatenus poena exemplaris esse debet, eidem maxime convenit, ut cadavera punitorum insepulta in conspectu publico relinquuntur (§. 1062. *part. 1. Jur. nat.*), atque ad ostendendam turpitudinem criminis faciet, si jure, quod humanitati debetur, privetur, qui maleficio suo ex hominum censu in censum bestiarum se detrusit; cadavera supplicium ultimum passorum insepulta in conspectu publico relinqui nefas non est, consequenter relinqui possunt.

Moribus nostris convenit, ut patibulo suspensorum & rotæ impositorum corpora non sepeliantur, sed in conspectu publico relinquuntur, quamdiu natura permittit. Apud Hebræos ante solis occasum corpora eorum, qui ad supplicium publicum damnati fuerant, tollebantur & humo mandabantur. Cadavera quoque punitorum sepultura non privarunt Græci atque Romani. Ideo disputarunt eruditi, utrum licitum sit, nec ne, cadavera quorundam damnatorum diu in publico conspectu relinqui, nec desunt multi, qui hunc morem improbant. Enimvero si animum attendamus ad ea, quæ in demonstratione præsentis afferuntur; non video, cur dubitationi ullus relinqui debeat locus. Quamvis enim humatio mortuis debeatur (§. 767. *part. 6. Jur. nat.*), non tamen inde inferri potest insepulta relinqui cadavera punitorum juri naturæ repugnare. Sane lege naturæ prohibetur occidi hominem (§. 743. *part. 1. Jur. nat.*), ita ut ne volentem quidem occidere liceat (§. 744. *part. 1. Jur. nat.*): hoc tamen minime obstat, quo minus poenis capitalibus utamur ad coercenda quædam crimina, si finis poenarum tales exigit (§. 638.). Nec est, quod objicias, si cadaver hominis, qui poena capitali affectus est, insepultum in conspectu publico relinquatur, eum bis puniri ob idem crimen. Neque enim denegatio sepulturæ spectanda est tanquam poena peculiaris, sed tanquam augmentum poenæ capitalis, quale est si corpus adhuc vivi, dum ad suppli-

supplicium rapitur, forcipibus candentibus aduritur (§. 610.). Habet vero denegatio sepulturæ hanc utilitatem, ut, qui vivus nocuit, post mortem profit aliis, quatenus exemplo suo docet criminis perpetrati & turpitudinem, & noxitudinem, quasi continuo alloquens prætereuntes, eosque dehortans, ne pravo suo exemplo se addant, sed ex casu suo discant, quod vitent. Exemplo autem suo docere alios officium est lege naturæ præscriptum (§. 639. part. 1. Jur. nat.).

§. 670.

Nemo puniri potest ob factum, quod imputari ipsi non potest, nec ultra id, in quantum ipsi imputari potest. Quod si enim factum alicui imputari nequit, is non haberi potest causa libera damni, quod facto suo dedit, vel ejus mali, quod ex eo consecutum (§. 527. part. 1. Phil. pract. univ.). Quamobrem cum penes ipsum non steterit, ut non faceret, nec metu poenæ deterri potuerit, quo minus faceret; ob factum quoque, quod ipsi imputari nequit, puniri neutiquam potest. *Quod erat unum.*

Quando vero ex parte factum ipsi imputari potest, eatenus censetur quoque causa libera mali, quod ex eo consecutum (§. 527. part. 1. Phil. pract. univ.); consequenter cum hætenus cesset ratio, ob quam puniri non potest, evidens omnino est, in tantum eum puniri posse, in quantum factum ipsi imputari potest, sed non ultra id, in quantum imputari potest. *Quod erat alterum.*

Quatenus homo non agit libere, actiones ipsius naturalibus accensendæ, quales sunt brutorum. Sicuti itaque bruta puniri nequeunt; ita nec homines, qui brutorum more egerunt.

§. 671.

*Id specialius
expenditur.*

Quamobrem cum ignorantia invincibilis nemini imputari possit (§. 550. *part. 1. Jur. nat.*), nec cui imputari possint actiones, qui rationis usu adhuc destituitur (§. 566. *part. 1. Phil. pract. univ.*), neque etiam furiosis (§. 567. *part. 1. Phil. pract. univ.*), somniantibus (§. 571. *part. 1. Phil. pract. univ.*), somnabulis (§. 572. *part. 1. Phil. pract. univ.*), melancholicis, quatenus actiones ex melancholia committuntur (§. 574. *part. 1. Phil. pract. univ.*), delirantibus (§. 576. *part. 1. Phil. pract. univ.*); si quis ex ignorantia invincibili contra legem delinquit, poena lege statuta eidem irrogari nequit, vel si in furore, in somnio, vel in delirio, vel ex melancholia, aliquem occidit, tanquam homicida puniri nequit.

Furiosi, deliri atque melancholici custodiendi sunt, ne sibi vel aliis nocere possint. Quamobrem si perpetrato homicidio, aut maleficio alio custodiæ mandantur; id non fit in poenam, sed in securitatem sui & aliorum. Quodsi sibi vel aliis nocent, hoc imputandum non ipsis, sed iis, qui, quos custodire debebant, eos sibimetipsis reliquerunt, & sicuti ab omni culpa non sunt immunes, censuram pro ratione culpæ merentur.

§. 672.

*De ebrietate
summa.*

Quoniam quis puniri potest ob factum, quod in totum ipsi imputari nequit, in quantum id imputari potest (§. 670.), consequenter quatenus dependet a principio, quod actionibus liberis debetur; si quis ob ebrietatem summam, quæ scilicet non solum omnem facultatum superiorum usum homini adimit, verum etiam ipsum usum interiorum lædit, delinquit, is puniri potest, in quantum ebrietas ipsi imputari potest.*

Ponamus e. gr. Sempronium in ebrietate summa parum sibi con-

conscium eorum, quæ agit, occidere Cajum; poena homicidii lege constituta is puniri nequit, abest enim dolus, qui in homicida requiritur, ut poena ordinaria infligi possit. Quoniam tamen tantam ebrietatem vitare poterat atque debebat; culpa non vacat. Pro ratione circumstantiarum, quæ multis modis variare possunt, poena extraordinaria, veluti multa, carcere, aut relegatione coercendus, nec hic insuper habendum id, quod suadet, vel jubet necessitas exempli. In irrogandis poenis omnes circumstantiæ probe sunt excutiendæ, ne quis ultra meritum puniatur. Qua de causa Imperator Carolus V. multa in eo reliquit arbitrio judicis & juris peritorum, quos cum arbitrari jubet, non aliud præcipit, quam ut circumstantias omnes probe explorent & trutinentur, ut pateat, quodnam ad poenam vel augendam, vel minuendam afferat momentum, prouti delinquentem vel gravant, vel excusant. Multa hic dicenda forent, siquidem omnia minutim persequi daretur.

§. 673.

Nemo puniri potest, nisi delicti aut crimine sufficienter ad puniendum probato, seu nisi ejusdem convictus. Etenim quamdiu sufficienter probatum non est, delictum aut crimen ab eo, qui accusatur, vel suspectus habetur, fuisse perpetratum, pro reo haberi nequit, consequenter pro innocente habendus (§. 1085. part. 1. Jur. nat.). Quamobrem cum innocentem punire non liceat (§. 1086. part. 1. Jur. nat.); nemo puniri potest, nisi delicto aut crimine sufficienter probato.

Nimirum quamdiu certo non constat, delictum, vel crimen, cujus quis infimulatur, revera ab eo esse perpetratum; periculum est, ne innocens puniatur. Præsumtio igitur recte fit pro innocentia, cum præstet in casu dubio nocentem absolvi, quam innocentem puniri: illud enim injuria vacat, hoc minime. Nec illud officit fini poenarum, quatenus esse debent

Rr 13

exem.

exemplares: id enim demum fieret, si criminis convictus non puniretur.

§. 674.

De confessione spontanea delicti. Qui delictum vel crimen sua sponte confitetur, absque ulteriori probatione puniri potest, nisi circumstantia lateant, ob quas poena lege constituta vel mitiganda, vel aggravanda. Et enim si quis delictum vel crimen sua sponte confitetur, jam certo constat, quod ab eo fuerit commissum. Quamobrem cum probatio non requiratur, nisi ut certo constet, eum, qui delicti vel criminis insimulatur, aut suspectus est, id commisisse; si quis delictum sua sponte confitetur, ulteriori probatione opus non est, consequenter absque ea puniri potest. *Quod erat unum.*

Enimvero cum certæ etiam esse debeant circumstantiæ, ob quas poena lege constituta vel mitiganda, vel aggravanda, ut poena, quam meretur, afficiatur reus; si quæ circumstantiæ latent, quæ vel ad poenam mitigandam, vel aggravandam faciunt, in has omnino inquirendum. Quamobrem etsi quis delictum, vel crimen sua sponte confiteatur, absque ulteriori tamen probatione condemnari nequit. *Quod erat alterum.*

In primis necesse est, ut pateant circumstantiæ, quæ ad poenam mitigandam faciunt, cum in puniendo modum excedere non liceat (§. 1066. part. 1. Jur. nat.), & excessus in puniendo laxisio sit (§. 1067. part. 1. Jur. nat.). Non est quod excipias, fieri posse, ut quis dicat se deliquisse, qui non deliquit, cum falsa quoque dici posse nemo sit qui nesciat. Enimvero in casu præsentis, quo puniendus qui deliquit, verendum non est, ne agens se deliquisse mentiat, præsertim si poena gravior expectanda. Quodsi vero quis mentiat, singularis quæ.

quædam subesse debet ratio, veluti quod male sanus est, aut quod majoris cujusdam mali evitandi causa poenam quamvis insons subire malit. Casus istiusmodi rarior, cum rei ordinarie negando poenam evitare studeant, quando occurrit, ex circumstantiis præsentibus facile patet, nec iudex circumspæctus confessioni propriæ facilem habebit fidem, consequenter ut factum proberetur, curæ habebit. Ita constar foeminas furore uterino, laborantes, cum magis insimularentur, plurima confessas fuisse maleficia, quibus hominibus pariter atque brutis animalibus nocuerint. Ast ut taceamus a prudenti medico morbum facile detegi posse, ipse etiam iudex ex damniando circumstantias factorum expiscando haud difficulter deprehendet, vera non esse, quæ dicuntur, modo non sibi persuadeat, homines, diabolo cooperante, miraculosa quæque facere posse: quæ sane opinio oppido absurda hodie non facile iudicem seducet. Emotæ mentis indicia in aprico sunt, modo præjudicata opinio non obstat, quo minus ea videri possit. Nolumus recensere casus alios, in quibus confessio statim sua sponte facta suspecta videtur, cum non facile occurrant. Si vero confessio vi aut metu extorquetur, ea non est hujus loci.

§. 675.

Quoniam reo delictum vel crimen sua sponte confite-*De defen-*
fitente in circumstantias latentes adhuc inquirendum, quæ *sione rei.*
ad poenam mitigandam faciunt (§. 674.); *antequam reus*
confessus condemnetur, præsertim si poena gravior, veluti capitalis,
infligenda, ipsi permittendum est, ut, qua sui excusandi causa se
in medium afferre posse existimat, proferat, consequenter indefen-
sus puniendus non est, nisi ipse confiteatur, se in defensionem sui
nihil afferre posse.

Nimirum sicuti interest Reip. ne delicta & crimina maneant impunita; ita quoque plurimum refert, ut Resp. omnem a se amoveat suspicionem, quasi quis puniatur innocens, vel ultra

tra

tra meritum, prouti boni viri est non modo facere id, quod est officii sui, verum etiam sollicite cavere, ne contrariam incurrat suspicionem. Defensio itaque reorum, licet convicti fuerint atque confessi, superflua minime videri debet, quamvis ex iis, quæ sufficienter probata sunt ac reus ipse confitetur, facile appareat, nihil in medium afferri posse ad excusandum eundem, quod alicujus sit momenti. Et ea de causa a iudice defensor quoque datur non desideranti.

§. 676.

De deficiente probatione. Si sufficienter probari nequit, delictum vel crimen ab eo esse patratum, qui ejusdem insinuitur, vel de eodem suspectus est, ipse autem in negando perseverat; opera danda est, ut ad confessionem adigatur. Etenim nemo condemnari debet innocens (§. 1086. part. 1. Jur. nat.), consequenter antequam certo constet, eum deliquisse. Quoniam igitur hoc aliunde constare nequit, quam vel ex probatione sufficiente, vel ex confessione propria, hoc est, nisi vel fuerit convictus, vel confessus, vel confessus & convictus simul, probatio autem sufficiens haberi nequit & qui de crimine vel delicto suspectus est, id constanter negat *per hypoth.*; aut impunitus dimittendus, aut dispiciendum, annon ad confessionem delicti vel criminis adigi possit. Quamobrem cum poenæ legibus constitutæ sint exigendæ, nisi singulares fuerint rationes, ob quas vel remittendæ, vel saltem mitigandæ (§. 656.); si deficiente probatione, qui de crimine, vel delicto suspectus est, convinci nequit, opera omnino danda est, ut ad confessionem adigatur.

In quem magna cadit suspicio, is deliquisse præsumitur. Quamobrem cum poenæ exemplares esse debeant (§. 1050. part. 7. Jur. nat.); consultum non videtur, ut neganti, qui valde suspectus est, nec suspicionem a se amovere valet, statim

tim credatur, isque impunitus dimittatur. Reorum enim est negare, quamdiu in negatione præsidium quoddam adversus poenam invenisse sibi videntur. Quoniam itaque maxime cavendum, ne javelescat opinio, quasi perseverantia in negando poenam effugere valeat reus; non iniquum est, ut negans ad confessionem delicti vel criminis, super quo valde suspectus est, si fieri possit, adigatur. Enimvero queritur, quibus utendum sit mediis. Tortura eum in finem inventa est, & hodiernum apud nos usitata. Sed de ea non omnium eadem est sententia, aliis eandem defendentibus, aliis impugnantibus. Quid igitur de ea sentiendum sit, ne quid admittatur quod a ratione sit alienum, nec rejiciatur, quod finis civitatis exigit (§. 532. 579.), dispiciendum.

§. 677.

Tortura dicitur actus, quo corpus criminis suspecti dolore ac cruciatu afficitur, ut ad confessionem criminis adigatur. *Quæstio* vero vocatur *Interrogatio* de crimine commissio, ad cujus confessionem per tormenta ejusdem suspectum adigere volumus. Fert tamen inconstantia loquendi, ut & actus, quo corpus torquetur, & interrogatio de crimine commissio simul quæstionis nomine veniant. Ac ideo sermone patrio *tortura* dicitur *die preinliche Frage*, quamvis etiam *die Tortur* appelletur.

Genera tormentorum nec olim eadem fuerunt apud omnes gentes, nec hodiernum eadem sunt apud eas, quæ hoc medio ad eruendam veritatem utuntur. Nostrum non est ea recensere. Præter ea, quæ in foro Saxonia usitata sunt, alia quædam recenset *Carpzovius* in *Practica nova imperiali saxonica rerum criminalium* part. 3. quæst. 117. n. 27. & seqq.

§. 678.

Territio sunt minæ de torquendo, quæ intenduntur *Territio* inquisito in loco torture destinato, præsentem carnificem & quid sit. (Wolffii Jur. Nat. Pars VIII.) Sff appa:

apparatu ad torquendum requisito. Dividitur ea in *mutam* five *verbalem*, & in *realem*. Nimirum *Territio verbalis* est simulatio carnificis de torquendo inquisito absque omni tactu & apprehensione ejusdem: alit *Realis* vocatur, quæ cum præparatoriis & præludiis tormentorum leviusculis conjuncta est.

Nimirum ut *Carpzovii* verba nostra faciamus, in territio-
 verbali carnifex verbis & gestibus severioribus & ad torquen-
 dum consuetis irruit in inquisitum, non aliter ac si ipsum pre-
 hendere ac torquere vellet, absque apprehensione tamen; in
 reali vero manus quoque apponit, inquisitum vestibus denu-
 dat, ad scalam ducit, instrumenta, quibus tortura peragitur,
 in conspectum ipsius ponit, forcipes digitorum affigit, iisque
 pollices ejus comprimit. Atque hinc patet, territio-
 nem ver-
 balem, cum inquisitus dolores & cruciatus corporis nullos sen-
 tiat, sed saltem metuat, vere torturam dici non posse (§. 677.);
 etsi per abusum ita subinde dicatur; realem vero esse tortu-
 ram inchoatam, cum præter actus præparatorios accedant
 etiam dolores, etsi a cruciatibus absterneatur.

§. 679.

*Finis territi-
 onis.*

*In tortura cruciatibus corporis; in territio-
 nem inquisitus adigi debet ad criminis commissi confessio-
 nem, seu
 ducendam veritatem.* Quoniam enim cruciatus corporis tan-
 quam malum ingens per naturam fortiter averfamur (§. 592.
 596. *Psch. empir.*), consequenter eos amoliri conamur; cru-
 ciatibus corporis in tortura, metu eorundem in territio-
 nem inquisitus permoveri debet, ut in illa ab iis liberetur, in
 hac ne in eosdem infiliat. Quamobrem cum aliter a cru-
 ciatibus, quos patitur, liberari, in casu priore, in postero-
 re autem eos effugere non posse sibi videatur, nisi crimen
 commissum confiteatur, in tortura cruciatibus corporis, in

tet-

territione metu eorundem inquisitus adigi debet ad criminis confessionem, seu dicendam veritatem.

Quamvis dicatur inquisitus ideo torqueri, ut veritatem dicat, quia criminis commissi suspectus est, consequenter falso id negare præsumitur, non tamen inter tormenta neganti creditur, sed si a cruciatu liberari velit confiteatur necesse est, se id commississe, aut perferendi sunt cruciatus, quos iudex ad eruendam veritatem sufficientes arbitratus fuerit. Patet itaque torturam ideo esse introductam, quod existimatur, si quis crimen commisit, eum potius id confessurum, quam horrendos cruciatus perlaturum, & hoc respectu tortura adhiberi dicitur ad eruendam veritatem, quam alio modo eruere non datur.

§. 680.

Tortura consistit in cruciatibus diis ac impatibilibus. Abun. *Quam diu de hoc patet genera torturæ ad animum revocanti.* Mittamus *res sit ser-* illa, quæ, cum a crudelitate non abessent, passim exoleverunt, *intra.* & perpendamus saltem, quæ hodiernum in Saxonix Electoratu ulitata sunt. Carnifex juncturas manus funiculis subtilioribus duriter contortis arctissime constringit, vel instrumentis excavatis ad formam forcipis pollices torquendi comprimit, aut etiam ejusmodi instrumentis tibias; torquendum scalæ subjicit & violenta extensione articulos omnium membrorum dilacerat; immo candentibus luminibus cutem in certis corporis partibus lente adiurit, aut extremas digitorum partes immissis infra ungues pincis cuneolis iisque postmodum accensis adustione lædit. Vid. *Carpzovius* part. 1. quæst. 117. n. 41. Equis dubitet, quamvis tortura ad cruciatus majores non extendatur, hos ipsos tamen satis diros ac impatibiles esse?

Equidem non omnibus hisce tormentis promiscue utuntur

§ § 2

in

in quovis crimine & casu quolibet ; abunde tamen patet, vel levissimum, qua ligatura est, intolerabiles creare cruciatus.

§. 681.

*An tortura
sit medium
aptum ad
cruendam
veritatem.*

Tortura non satis apta est ad cruendam veritatem. Et enim cum tortura in cruciatibus diris & impatibilibus consistat (§. 680.), dantur sane haud pauci qui mori malunt, quam istos pati, consequenter licet innocentes sint, potius confiteantur, se commisisse crimen, quam ut tantos cruciatus vel diutius perferant, vel in eos infiliat, præsertim cum etiam accedat macula a carnifice tortis opinione hominum adhærens, quæ per omnem vitam non tollitur, nec propterea quod quis torturam adigi non potuerit ad criminis confessionem, liberetur ab ejus suspicione, ob quam torturæ subiectus fuit. Dantur vero præterea alii, a quibus per tormenta nullo modo exprimi potest veritas, consequenter qui quosvis cruciatus perferre malunt, quam confiteri crimen, quod commiserunt, præsertim si animum attendant ad gravitatem poenæ ob id criminis insligendæ & ad spem vitæ conservandæ, cruciatibus toleratis. Abunde igitur patet, torturam non satis aptam, esse ad cruendam veritatem.

Experientia dudum comprobatum est, plurimos innocentes propter tormentorum sævitiam confessos & condemnatos fuisse, cum innocentia eorum demum patefacta fuerit, postquam poena capitali fuerunt affecti. Commemoratu dignum est exemplum apud *Carpzovium* loc. cit. n. 6. de duobus opificibus peregre abeuntibus, quorum unus brevi rediit cum aërius vestitu invicem permutato, atque propterea homicidii accusatus totæque condemnatus fuit. Non deerat hic suspicio homicidii commissi. Ast cum aliunde de veritate constare non posset, aut absolvendus in dubio erat homo miser, aut confessio

fessio per tormenta extorquenda. Placuit posterius, sed sinistro prorsus eventu, cum in innocentem gravi poena fuerit scilicet virum. Hæc sane ratio est, cur in Anglia & Suecia tortura nullus sit locus, & cur etiam inter nos, ubi tortura in usu est, non desint multi, qui eandem damnant. Equidem Cicero more majorem introducit esse ait, ut per tormenta veritas exquiratur, quia pleraque crimina clam & occulte committuntur, ut semper copia testium haberi non possit; esse tamen hoc remedium indagandæ veritatis non modo periculosum, sed & maxime dubium, nec dissuadet illi, qui torture necessitatem defendunt. Mos vero iste ab Atheniensibus & Rhodiis desumptus creditur. Nostrium igitur esse existimamus inquirere paulo sollicitius, num & quando per tormenta veritatem exquirere liceat.

6. 682.

Si tortura nunquam adhibenda, nec terrore nunquam lo- De depen-
cus esse potest. Etenim terrore consistit in minis de tor- dentia effe-
quendo, quæ intenduntur inquisito in loco torture destina- tus terro-
to præsentante carnifice & apparatu ad torquendum requisito tionis a tor-
(§. 678.), ut metu cruciatuum is adigatur ad dicendam ve- tuta.
ritatem (§. 679.). Enimvero si tortura nunquam adhiben-
da, qui terrore novit, sibi, ut in negando perseveret,
cruciatuum istos metuendos non esse, consequenter minas esse
vanas. Quamobrem cum terrore nullus sit effectus, nisi
ipsa quoque tortura usu recepta sit; si tortura nunquam ad-
hibenda, nec terrore nunquam locus esse potest.

Non est, quod excipias, nemini nisi judici constare debere, quod ultra territorium progredi non debeat. Tam testum enim hoc esse non posse, quin detegatur, nemo hoc sibi, vel aliis facile persuaserit. Sane quod constet, territorium subinde adhiberi, qui in negando praesidium adversus poenam sibi invenisse putant, nihil consentitur, quamdiu minime videntur

serio rem agi, ita ut nec territioni reali cedant, antequam vident tormentis majoribus, quam quæ in hac adhibentur, se esse subjiendum. Torquendus semper incertus esse debet, quousque carnifex in torquendo sit progressurus, qui omnem tormentorum apparatus in promptu habet, immo ignorare, quamdiu sit torquendus, si cruciatus præsentis metum mortis vincere debent, quam ut evitet eosdem perferre mavult.

§. 683.

*Quando a
tortura ab-
stinendum.*

Si vel minima suspicio est fore, ut torquendus quodvis mentiri malit, quam tormenta pati; tormentis subjiendus non est. Etenim tortura non alio fine adhibetur, quam ut inquisitus, cui neganti fides non habetur, quia super crimine patrato suspectus est, vi cruciatuum adigatur ad dicendam veritatem (§. 679.). Enimvero si vel minima suspicio est, fore, ut torquendus quodvis mentiri malit, quam tormenta pati; confessioni per tormenta extortæ parum tuto fides habetur, consequenter adhuc verendum, ne is innocens puniatur (§. 1085. part. 1. Jur. nat.). Quamobrem cum innocens puniendus non sit (§. 1086. part. 1. Jur. nat.); si vel minima suspicio est fore, ut torquendus quodvis potius mentiri malit, quam tormenta pati, tormentis subjiendus non est.

Nemo diffretur, præstare ut plures nocentes absolvantur, quam innocens unus ad poenam præsertim capitalem condemnatur. Quamobrem cum tortura non satis apta sit ad eruendam veritatem (§. 681.); minime adhibenda, ubi aliqua suspicio est, fore ut metu tormentorum, vel impatientia inquisitus confiteatur se fecisse, quod ei nunquam in mentem venit: neque enim tortura medium esse debet adigendi ad mentiendum, seu falsum dicendum. Crudele omnino est ac inhumanum tormentis lacerare corpus hominis, cujus confessioni per tormenta extortæ fides tuto haberi nequit. Multa vero sunt, quæ suspicionem movent fore, ut inquisitus quodvis potius

potius mentiri malit, quam tormenta pati, cum a persona ejus, tum ex aliis circumstantiis desumenda. Quamobrem multa circumspectione opus est, ne tormentis abutatur iudex, si vel maxime mos obtinuerit, ut per tormenta veritatem exquirere liceat. Sufficiente autem circumspectione vix ac ne vix quidem utetur, qui inquisitum non vidit, nec examini ejus interfuit. Iudex igitur potius ipse de tortura statuere debebat, quam rem adeo periculosam committere aliis, quibus nonnisi acta legere datum est, & ad horum sententiam exequendam obligatum esse. Neque est quod dicas, confessioni per tormenta extortæ non haberi fidem, nisi ea ex intervallo post torturam, vel etiam teritionem, extra locum torturæ ratificetur, si ratificare nolens denuo torqueatur, cum in ratificatione tum adhuc superfit metus cruciatuum tanto quidem major, quanto intolerabiliores expertus inquisitus.

§. 684.

Si tortura fuerit gravior poena criminis, ejus suspectus torquendus non est. Etenim tortura non alio fine adhibetur, *De tortura* quam ut per tormenta criminis perpetrati veritas cruatur, *poena gravior.* (§. 679.), ne maneat impunitum (§. 656.). Quoniam vero tortura consistit in cruciatibus diris & impatibilibus (§. 680.); absurdum omnino est, cruciatibus majoribus adigere velle criminis suspectum ad ejus confessionem, ut minus quoddam malum, quale poena est (§. 285. *part. 1. Phil. pract. univ. per hypoth.*), eidem inferri possit. Quodsi ergo tortura fuerit gravior poena criminis, ejus suspectus torquendus non est.

Si daretur electio poenæ levioris & torturæ gravioris, facile pareret fore, ut etiam innocens poenam subire, quam torqueri malit, immo non desunt plurimi, qui mori malunt, quam horrendos istiusmodi cruciatus perferre. Quamobrem cum tortura per se medium parum aptum sit ad eruendum veritatem (§. 680.)

(§. 680.); in casu propositionis præsentis ab omni ratione prorsus alienum est. Et, siquidem tanta videatur necessitas crimina puniendi, quanta tamen probata non est, cum nemo innocens sit puniendus (§. 1086. *part. 1. Jur. nat.*), consequenter non ob suspicionem criminis perpetrati, sed quia vere perpetravit; præstaret tamen poenam quandam leviozem eamque minime infamem dictare, quam, ut paulo graviori locus forsitan esse possit, ad torturam prorumpere. Immo ex iis, quæ diximus, facile apparet, in casu propositionis præsentis tantum non semper adesse suspicionem, ut quis malit et si innocens dicere, se deliquisse, quam tormenta pati, consequenter eum injuste torqueri (§. 683.). Equidem negari non potest, cruciatus, quos sustinere debet torquendus, superare dolores, quos poenæ capitales pleræque inferunt; inde tamen inferri nequit, torturam quavis poena capitali esse duriozem, cum multi vitæ servandæ causa exquisitissimos quoque dolores perferre malint & revera minus malum sit illos pati, quam vita privari. Absit itaque, ut tibi persuadeas, ob hanc rationem torturam simpliciter pro illicita declarandam esse.

§. 685.

*De tortura
non adhiben-
da, si cri-
men poenam
capitalem
non meretur.*

Quoniam *tortura* naturaliter illicita est, si ea poena criminis fuerit gravior; eadem *naturaliter licita non est*, si crimen, *leviori quacunq; poena, quam capitali coercendum.*

Quamvis ostenderimus, naturaliter illicitum esse, ut suspectus criminis, quod poenam capitalem non meretur, torqueatur; nondum tamen hinc sequitur, si crimen poenam capitalem meretur, ejus suspectum torqueri posse. Etenim inde tantummodo manifestum est, ad indagandam veritatem, ne crimen maneat impunitum, & delinquere cupidi negando impunitatem se consecuturos sperent, non esse utendum mediis ipsa poena durioribus.

§. 686.

§. 686.

Si tanta nondum fuerit probabilitas, ut ad certitudinem De probabilitate vix quicquam adhuc deesse videatur, quam propria inquisiti conlitis defessio; torqueri is non debet. Etenim si vel minima supersit Au tortus suspicio fore, ut inquisitus quodvis mentiri malit, quam torram illicita pati, tormentis subjiciendus non est (§. 683.), cum tam facili- que tortura sit medium non satis aptum ad eruendam veritatem (§. 681.), & in cruciatibus diris ac impatibilibus consistat (§. 680.); a ratione alienum est, per tormenta ad confessionem adigere velle inquisitum, nisi maxima adsit probabilitas, quod criminis commissi reus sit, ut vix quicquam adhuc deesse videatur, quam propria confessio. Quamobrem si nondum tanta probabilitas adsit, torqueri is non debet.

Torturam absque indiciis inferendam non esse *Carolus V.* præcipit, ac ideo qui de rebus criminalibus tractant de indiciis istis prolixè agunt. Sunt autem *Indicia* rationes, per quas inducitur probabilitas criminis perpetrati. Nostrum jam non est indicia illa recensere & in valorem eorundem inquirere, cum in Jure naturæ tantummodo quæatur, quid fieri licite possit, quid nequeat. Praxis tota redit ad æstimationem probabilitatis, quippe quæ plurimos admittit gradus. Quodsi modus æstimandi probabilitatem in formam artis esset reductus, hoc est, si logica probabilium prostacket, qualis adhuc desideratur; præsens quoque praxis & faciliior, & clavior evaderet. Non tamen diffitemur, ea, quæ de hisce indiciis passim traduntur, prodesse posse ad principia generalia probabilitatis eruenda, siquidem sufficiente acumine perlustrentur & universalialia particularibus, in quibus latent, dextre abstrahere didiceris.

§. 687.

Quoniam torquendus nemo est, si tanta nondum fue- Absque in-
rit probabilitas, ut ad certitudinem vix quicquam adhuc de- diciis suffi-
(*Wolffii Jur. Nat. Pars VIII.*) Tt t esse cientibus

sufficientes esse videatur, quam propria confessio (§. 686.); *injustum probatis in-* est ad torturam prorumpere, *indiciis sufficientibus nondum sufficienter* iustam esse, probatis, multoque magis absque *indiciis ad confessionem delicti per* torturam, tormenta aliquem adigere velle.

Cum indicia sint rationes, quæ probabilitatem generant (not. §. 686.), sufficientia intelliguntur, quando tantam probabilitatem generant, ut certum propemodum videatur, crimen revera a negante fuisse perpetratum, nec ideo ad plenam certitudinem quicquam deesse videatur, quam ut accedat propria confessio. Probatio indiciorum, quæ in factis consistunt, cum aliter fieri non possit nisi per testes (§. 1014. part. 5. Jur. nat.), pro sufficiente habetur, si duo, vel plures testes jurati iidemque minime suspecti (§. 1034. part. 5. Jur. nat.), idem affirmant (§. 1037. part. 5. Jur. nat.). Per se autem patet, cum ad generandam probabilitatem plura indicia concurrant, singula sufficienter probari debere, indicia enim non sufficienter probata non augent probabilitatem, sed spectanda sunt, veluti abessent, seu eorum in æstimanda probabilitate nulla habenda est ratio. Crudele est inquisitionem inchoare a tortura, ut ideo confessio per tormenta hoc modo extorta pro nulla recte habeatur.

§. 688.

*Quando
tortura non
illicita.*

Si crimen e diametro securitati publica adversetur, inquisitione ejus valde sit suspectus, corpore autem sano & robusto, & malitia ejus manifesta; per tormenta ad confessionem adigi potest. Etenim si crimen e diametro adversatur securitati publicæ, per se patet, Reip. maxime interesse, ne istiusmodi crimen committatur, consequenter cum hoc aliter impediri nequeat nisi metu poenarum (§. 301. part. 1. Phil. pract. nrov.), ut poena gravior, qua coercendum (§. 627.), actu infligatur, nec crimen tam grave maneat impunitum. Enimvero cum nemo puniri debeat nisi crimine sufficienter probato (§. 673.), deficiat autem probatio sufficiens *per hypoth. & in-*quisitus

quisitus quamvis valde suspectus in negando tamen persistat, *per eandem*; aliud medium cum adigendi ad confessionem, siquidem revera commiserit, non suppetit quam tortura (§. 677.). Quamvis vero eadem non satis apta sit ad eruendam veritatem, quatenus scilicet torquendus quidvis potius mentiri, quam tormenta pati mavult (§. 681.); cum tamen valde suspectus sit, ut innocens torqueatur, verendum non est, & quoniam sano ac robusto corpore est *per hypoth.* & malitia ejus manifesta, ut per eam præfracte negare præsumatur id, cujus sibi maxime conscius est, nec suspicio adest fore, ut potius mentiri malit, quam tormenta pati, aut diutius pati vel iis, quæ experitur, majora. Quamobrem in hypothesi propositionis præsentis inquisitus per tormenta ad confessionem adigi potest.

Quodsi torturæ usus ita restringatur, verendum non est, ne ab innocente confessio extorqueatur ac idem poena, quam nullo modo meruit, afficiatur. Cur itaque in casu propositionis præsentis tortura damnetur tanquam injusta, ratio sufficiens dari nequit. Sed demus exemplum, ut id clarius pateat. Ponamus latrocinia & rapinas fuisse commissas. In Sylva deprehendi hominem vagabundum, res raptas habentem & instrumenta lethifera. Eundem cum examinaretur plura mentitum & mendaciorum convictum fuisse, & hoc aliove pacto prodidisse malitiam suam. Eundem esse corpore sano & robusto, ut tormenta pati possit. Ecquis putet, in hoc casu verendum esse, ne innocens ad confessionem criminis, quod tamen non commisit, per tormenta adigatur, cum ex adverso magis verendum videatur, ne tormenta pati, quam verum dicere malit? Esse autem latrocinia & rapinas istiusmodi crimina, quæ securitati Reip. e diametro adversantur, nemo in dubium vocare potest. In hunc vero censum etiam veniunt qui seditionem movent, monetam falsam cudunt, crimen perduellionis committunt. Atque in hisce criminibus, si adsint

circumstantiæ, quas in propositione præsentè expressimus, torturam illicitam non esse abundè evictum existimamus. Ubi vero abusus ejus vel minimum metuendus, nec tanta sit necessitas exempli, ultro fatemur, eam firmiter defendi non posse, prouti ex iis, quæ antea demonstravimus, satis superque patet.

§. 689.

An consultum sit torturam prorsus abolere.

Parum consultum est criminis suspectum ad confessionem tormentis adigere velle, si convinci nequit. Quoniam enim tortura non satis apta est ad veritatem eruendam (§. 681.), nec eidem locus concedendus, si vel minima suspicio est fore, ut inquisitus quidvis potius mentiri malit, quam tormenta pati (§. 683.), & ea prorsus illicita est, si criminis poena levior fuerit, quam capitalis (§. 685.), neque adhiberi potest, nisi criminis commissi tanta fuerit probabilitas, ut ad certitudinem vix quicquam adhuc deesse videatur (§. 686.), ipsum vero crimen e diametro adversatur securitati publicæ, inquisitus valde suspectus sano & robusto corpore, ac ejus malitia manifesta (§. 688.), itidemque indicia sufficienter sunt probata (§. 687.); tanta circumspèctione opus est ad suspectum criminis torturæ subjiciendum, quæ in paucos cadere videtur, & abusus magis metuendus, quam sperandus usus. Quamobrem cum nemo innocens sit puniendus (§. 1086. *part. 1. Jur. nat.*), nec adeo horrendis cruciatibus, quales sunt tormenta (§. 680.), afficiendus, quod absque probatione sumi potest, utpote amorì universalì e diametro adversum (§. 619. *part. 1. Jur. nat.* & §. 651. *Psych. empir.*); si criminis suspectus convinci nequit, parum consultum est eum ad criminis confessionem tormentis adigere velle.

Qui torturam defendunt, hac potissimum utuntur ratione,
quod

quod interfit Reip. crimina non manere impunita. Necessitas puniendi inde venit, quod alii deterri debent, ne exemplis pravis se addant. Enimvero hinc inferri nequit, si crimen aliquod commissum esse constet, necesse esse ut aliquis puniatur; sed saltem inde sequitur, ut puniatur is, qui id commisit, nec quod commiserit diffiteri potest. Manent poenæ exemplares, etiam si in casu dubio executioni non demandentur. Neque vero semper ea est hominum malitia, ut præfate negare audent, si indicia sufficienter probata graviter ipsis commemorantur, neque delicta omnia clam & occulte committuntur, ut, nisi ad torturam confugas, impunita manere debeant. Omnia hæc satis patent exemplo illarum gentium, quæ a tortura abhorrent: neque enim propterea crimina apud ipsas sunt frequentiora, quam apud gentes alias, quæ vel immani sævitia veritatem extorquere a negantibus volunt. Quod si vero quis torturam prorsus rejicere noluerit, rarissime saltem eadem utendum, observatis iis, quæ propositio præcedens præcipit, & habita maxime malitiæ manifestæ ratione, quam inquisitus in examine sufficienter prodit. Non magis vapulat iustitia, quam si vel uno in casu detegatur, hominem innocentem fuisse punitum & ut puniri posset, confessionem mendacii per dira tormenta immani sævitia fuisse extortam. Vindicta propria non toleratur propter facilem metuendum abusum: absonum itaque est, publicam alligare mediis, quorum si non facilior, saltem æque facilis est abusus, quam usus.

§. 690.

Tortura spiritualis dicitur juramentum purgatorium *Tortura spiritualis* criminis suspecto a iudice delatum. Quoniam juramento *rituali* quid purgatorio præsumptiones adversus se militantes elidi debent sit.

(§. 1065. part. 5. Jur. nat.); si *tortura spiritualis* utendum ad eruendam veritatem, criminis suspectus jurare debet, se id non perpetrasse & falsa esse, ob qua suspectus redditur, aut veram excusationem suam, prout circumstantia jurare jusserint.

T t 3

Jurans

Jurans per Deum testem probat se vera dicere (§. 852. *part. 3. Jur. nat.*). Quamobrem inquisitus juraturus jurare debet, vera esse non minus ea, quæ negat, quam quæ affirmat. Ex actis itaque patere debet, quomodo concipi debeat juramentum, si per id de veritate facti dubii constare debet.

§. 691.

Quando eadem non sit aliam infamem meretur; tortura spiritalis medium non satis tutum est ad veritatem eruendam, nec ea utendum. Etenim cum poena capitali vita adimatur (§. 601.), poenæ autem corporis afflictivæ non modo dolorem faciant in corpore (§. 611.), verum etiam perinde ac poenæ infamæ aliæ tamæ noceant (§. 619.); valde metuendum est, ne quis vitæ ac famæ, quæ cum illa pari passu ambulare vulgo dicitur, servandæ causa pejeret (§. 926. *part. 3. Jur. nat.*). Quamobrem cum nemini juramentum deferre liceat, qui de pejuratione suspectus est (§. 938. *part. 3. Jur. nat.*); si crimen poenam capitalem, vel corporis afflictivam, aut infamem aliam mereatur, tortura spiritali tanquam medio parum apto ad veritatem eruendam, *per demonstrata*, utendum non est.

Pejratio morsus conscientiæ causatur, ac ideo torturæ comparatur, quia facit cruciatus in anima, sicuti hæc in corpore. Dolores & cruciatus in corpore sunt transeuntes, aut morsus conscientiæ permanentes. Quamobrem non desunt, qui torturam spirituales corporali duriores esse existimant. Hoc quidem valeret, si vindictæ divinæ & poenarum post mortem æternarum certo persuasi essent omnes, nec remissionem peccati sibi promitterent; non tamen ita sentiunt omnes, sed alii Deum vindicem non timent, alii se veniam facile imperaturos putant. Atque ideo juramentum parum valet in præsentī calu ad eruendam veritatem. Nolumus commemorare alia, quæ

quæ ex Theologia juramenti delationem dubiam reddere, videntur.

§. 692.

Si constet crimen aliquod esse commissum, omnis opera De incarceratione danda est, ut reus detegatur; si is notus fuerit, in carcerem conjiciendus; si lateret, aut fugit, nihil intentatum relinquendum, ut & captura apprehendatur. Etenim poenæ legibus constitutæ sunt exiti. (§. 656.). Quamobrem cum hoc fieri nequeat, nisi constet, quinam crimen perpetraverit, & nisi reus in potestate judicis sit constitutus; si reus ignotus sit, aut lateat, opera omnino danda est, ut detegatur; si fugit, ut apprehendatur; si notus est ac præsens, in carcerem conjiciendus.

Reorum est fugere & spe fugæ latitare, ut poenam effugiant. Quamvis itaque carcer in numero poenarum sit (§. 598.); rei tamen incarceration non sit poenæ, sed saltem custodiæ causa. Quamobrem etsi contingat, peracta inquisitione reum absolvi; non tamen ideo innocens punitus dici potest. Si nihil prorsus culpæ in eodem hæret, tribuendum hoc, quod factum, fortunæ adversæ, quam quis patienter ferre debet.

§. 693.

Reus in carcere non diutius detinendus, quam donec sententia judicis vel absolutus, vel condemnatus fuerit, & in casu poenæ in carcerem non differenda. Etenim cum reus incarceratione sit detineretur, ne aufugiat & judicium eludat, quod per se patet; *detinendus.* incarceration fit saltem custodiæ causa. Quamobrem si sententia judicis absolvitur, nulla amplius ratio est, cur custodiatur, ne aufugiat. Quamobrem nec diutius in carcere detineri potest, cum alias carcer foret poena (§. 598.), consequenter innocens puniretur, quod fieri nefas (§. 1086. part. 1. Jur. nat.).

Enim-

Enimvero si reus fuerit condemnatus, mortis supplicium, vel poenam corporis afflictivam metuens angore & tristitia maceraretur, si diutius in carcere detineretur. Quamobrem cum amoris universali, quo etiam reos prosequi tenemur (§. 619. 632. *part. I. Jur. nat.*), repugnet absque ulla urgente necessitate iisdem tædia, seu molestias animi creare (§. 651. *Psych. empir.*); si reus fuerit condemnatus, quam primum fieri potest, sententia executioni mandanda, consequenter poenæ executio nequaquam differenda.

Poenæ corporis afflictivæ quin pronunciata sententia statim exigi possint, nihil ob stare videtur. Nulla igitur ratio est, cur reus in carcerem reducat. Quodsi poena capitalis fuerit decreta, in loco commodiori reus custodiri & ad mortem per aliquot dies præparari debet, antequam poena actu exigatur.

§. 694.

Incarcerationem fieri ciant criminis suspectum. Nisi enim probabiles fuerint criminis non debere ab aliquo perpetrati rationes, nec contra eum inquiri potest, quod per se facile patet. Quamobrem cum incarceratione custodiæ saltem causa fiat, ut inquisitioni locus esse possit & reo convicto, vel confesso poena merita decerni decretaque executioni mandari, sicque crimina non maneant impunita (§. 656.); nemo incarcerari debet, nisi probabiles rationes eum criminis suspectum faciant.

Nemo incarcerari debet, nisi probabiles rationes eum faciant suspectum. Nisi enim probabiles fuerint criminis non debere ab aliquo perpetrati rationes, nec contra eum inquiri potest, quod per se facile patet. Quamobrem cum incarceratione custodiæ saltem causa fiat, ut inquisitioni locus esse possit & reo convicto, vel confesso poena merita decerni decretaque executioni mandari, sicque crimina non maneant impunita (§. 656.); nemo incarcerari debet, nisi probabiles rationes eum criminis suspectum faciant.

Quoniam carcer malum minus tortura est, probabilitas vero suos habet gradus, haud difficulter patet, leviora indicia sufficere ad capturam & incarcerationem, quam ad torturam. Patet vero etiam, incarcerationem ob crimen commissum & inquisitionem detrahere famæ incarcerati & inquisiti, consequenter cum naturaliter nefas sit alterius famæ detrahere (§.

871. *part. 1. Jur. nat.*), & licet quis fuerit absolutus, opinio-
ne tamen vulgi semper aliqua macula adhæreat, rector autem
civitatis ad famam subditorum conservandam obligetur (§. 395.),
temerariam incarcerationem, seu absque indicibus suf-
ficientibus factam illicitam esse. Equidem cum Reip. in-
ter sit crimina non manere impunita (§. 656.), obligatio pu-
niendi reos cum obligatione tuendæ famæ subditorum collidi-
tur (§. 206. *part. 1. Phil. pract. untv.*); quoniam tamen fa-
mam alterius lædere prohibemur, consequenter lex prohibitiva
revera colliditur cum præceptiva, abstinendum potius ab in-
carceratione, quam ut verearis, ne crimen maneat impuni-
tum, & opera danda, ut reus, qui ignoratur, detegatur, in-
quirendo nimirum in indicia certiora, quæ majorem probabi-
litatem pariunt. Hactenus dicta qui perpendit, is nihil in-
justi, nedum iniqui in eo deprehendet, ut iudex injustam incar-
cerationem decernens puniatur. Jure Saxonico tenetur iudex
pro injusta incarceratione captivo per singulos dies naturales
solvere triginta solidos. Vid. *Carpzovius Crimin. part. 3.*
quæst. III. n. 71. Quoniam tamen captura & incarceratio
non omnibus personis æque nocet; rectius poena incarcerationis
injustæ pro qualitate personarum variat.

§. 695.

*Incarceratio fieri non debet, si poena in absentem exequi Incarceratio
debet.* Etenim reus carceri includitur custodiæ causa, ne quando lo-
aufugiat & judicium eludat, prouti ex demonstrationibus cum non
præcedentibus patet (§. 691. 694.). Quoniam itaque hoc habeat.
metuendum non est, si poena quoque in absentem exequi
datur; in casu hoc incarceratione non est opus.

Inferunt hinc nonnulli, reum non esse incarcerandum, si
poena sit in relegatione (§. 595.). Illud concedi potest, si
certum sit, antequam inquisitio fuerit absoluta, ultra relega-
tionem in decernenda poena progrediendum non esse, nec
præstandam esse *urpbedam*, quæ est juramentum de non re-
(*Wolffii Jur. Nat. Pars VIII.*) Uu u ver-

vertendo; hæc enim si præstanda sit, poena in absentem exequi non datur. Gravius autem ob violatam religionem iuramenti punitur, qui præstita iuramenta revertitur, quam qui eadem non præstita reddit.

§. 696.

De incarceratione in exequi non datur (§. 695.); *si crimen fuerit tale, quod poenarum criminibus nam capitale, aut corporis afflictivam meretur, reus incarcerationem cadus est.*

pitalem & corporis afflictivam merentibus.

In hoc casu manifesta est necessitas incarcerationis. Nemo enim facile erit, qui non fuga sibi prospicere malit, quam poenam mortis, aut corporis afflictivam subire. Quamvis enim naturaliter ad poenam patiendum obligetur, qui alterum læsit (§. 1071. part. 1. Jur. nat.), consequenter etiam is, qui crimen aliquod commisit; paucissimi tamen sunt, qui huic obligationi satisfaciunt, sed fugere poenæ evitandæ causa plerumque reorum est. Rarissima sunt exempla eorum, qui, crimine perpetrato, sua sponte ad poenam subeundam sese offerunt. Immo merito dubitatur, annon hi ipsi animi sui sententiam mutent, ubi ad se redierint: qua etiam de causa recte custodiuntur in carcere, donec inquisitio fuerit absoluta & sententia iudicis poena irroganda publicata (§. 693.).

§. 697.

De teste incarcerationando.

Testis, qui de fuga suspectus est, incarcerationi potest. Et enim reus puniri nequit, nisi fuerit convictus, vel confessus (§. 673. 674.), consequenter cum reorum sit negare, per testes convincendi iidem sunt (§. 1014. part. 5. Jur. nat.), & indicia, quæ criminis clam commissi suspectum reddunt, vel etiam inquisitum gravant, ex testibus sunt exquirenda. Quamobrem cum neutrum horum fieri possit, si testes aufugiant; testis de fuga suspectus incarcerationi potest.

Durum

Durum equidem videtur ob crimen alienum in carcerem rapi, qui in numero poenarum est (§. 598.); cum tamen Reip. intersit, ne crimina maneant impunita (§. 656.), salutis Reip. causa sentire aliquod incommodum iniquum non est. Et quamvis de fuga suspectus sit peregrinus, prodesse tamen alteri, consequenter etiam Reip. cuidam, quæ instar personæ spectanda, aut, si mavis, integro cuidam hominum multorum coetui, etiam cum aliquo incommodo suo ab officiis naturaliter alteri debitis minime abhorret.

§. 698.

Inculpatus dicitur, qui de delicto, vel crimine aliquo *Inculpatus*
postulatur. *quinam dicitur.*

Equidem significatus hic probatæ latinitati prorsus contrarius videtur, quippe cum *inculpatus* significet eum, qui omni prorsus culpa caret, seu virum bonum, in quo nihil deprehenditur, quod reprehensionem meretur; in Jure tamen is introductus. Vocabulum itaque tanquam terminus technicus est retinendus, præsertim cum *inculpatus* idem significet, quod *culpatus*, ut significatus præsens defendi possit, si dicatur, vocabulum sumi participialiter, non vero adjective.

§. 699.

Si reus, vel inculpatus metu carceris aufugit, & absens An & quomodo
promittit judici, quod citatus iudicio semper se sistere & causam *modo saltem*
suam agere velit, præstata securitate de non incarcerando; iudex *condemnatus*
eam ipsi iribere debet, præstata cautione de sistendo se iudicio. Qui *si conceden-*
enim cum aufugerit absens promittit se iudicio se sistere & *das.*
causam suam agere velle; is vel innocentiam suam se probare, vel se in tantum defendere posse confidit, ut a poena ordinaria, quæ capitalis, vel corporis afflictiva est, aut alia quædam gravis, absolvetur. Quamobrem cum nemo puniri

Uu u a

possit,

possit, nisi criminis convictus (§. 673.), & confesso concedenda sit defensio (§. 675.), nec puniendus ultra id, quod ipsi imputari potest (§. 670.); securitas de non incarcerando eidem concedenda. Ne tamen iudicium eludatur, sed is citatus iudicio semper se sistat, cautio omnino præstanda est. Atque ideo patet, si reus, vel inculpatus aufugit & absens iudici promittit, quod citatus iudicio se semper sistere & causam suam agere velit, modo a metu carceris immunis sit, iudicem securitatem de non incarcerando ipsi tribuere posse præstita cautione de sistendo se iudicio.

Præstat omnino, reum, vel inculpatum innocentiam suam docere, vel se sufficienter defendere, ac ea fini extra carcerem respondere, quam securitatem præstare nolle, ut fuga poenæ evitata fuisse putetur. Illud magis convenit iustitiæ vindictivæ, quam opinio, quasi incarceratio poenæ loco esse debeat. Immo cum poenæ exemplares esse debeant, interest etiam Reip. ut palam fiat, num quis solius carceris metu aufugerit, quam ut pro nocente habeatur & fuga sibi consuluisse videatur, ne poenam meritam subire cogeretur. Quodsi vero quæsieris, quam cautionem opus sit, ut reus, vel inculpatus stet promisso de se iudicio sistendo; facile patet, pignoribus, vel fidejussoribus cavendum esse, aut hypotheca in bonis immobilibus, si quæ habet, constituta. Naturaliter tamen nihil ob stare videtur, quo minus cautio quoque iuratoria sufficiat, siquidem impossibile sit, ut alia præstetur. Cautio enim obligare debet reum, vel inculpatum, ne fidem fallat; non vero medium lucrandi esse iudici, si fallat. Petit autem securitatem de non incarcerando, & de iudicio sisti cautionem præstari nomine absentis citati curat defensor.

§. 700. *

Salvus con-
ductus quid
sit.

Securitas de non incarcerando tributa reo a iudice præstata ab ipso cautione de iudicio sisti dicitur *Salvus conductus*,

Reus vocatur, idiomate patrio ein *sicheres Geleite*. *Salvo conducto* itaque *concesso reus securus ad iudicium ire ac inde recedere potest, & per totum tempus inquisitionis durantis in loco iudicii tuto commorari*. Jure Saxonico *salvus conductus* distinguitur in *generalem & specialem*. *Generalis* dicitur, qui tantummodo continet jus tuto ad iudicium veniendi ac inde recedendi, non vero simul jus in loco iudicii tuto commorandi extra diem iudicum, absque præstita cautione: *Specialis* vero, qui jus utrumque continet præstita cautione a reo. Vocatur autem *Dies iudicus*, in quo iudicium agitur. Et *salvus conductus specialis* proprie; *generalis* improprie *salvus conductus* dicitur.

Ratio naturalis nulla est, cur præstita cautione *salvus conductus specialis*; absque cautione præstita saltem *generalis* sit concedendus, veluti si quis nec propria habeat bona, quibus cavere possit, nec adsit qui pro eo fidejussorie cavere velit. Rationes enim naturales desumendæ sunt ex ipsis rebus, de quibus agitur, non vero ab intrinsecis circumstantiis. *Salvo conductui* vero non obstat, quod iudex nihil intentatum relinquere debeat, si reus latitet, aut aufugit (§. 692.); etenim hoc jam factum supponitur, antequam *salvus conductus* petatur, quippe qui non petitur, nisi quando reus absens citatur.

§. 701.

Si qui saluum conductum habet sententia a iudice lata ad De durationem poenam capitalem, vel corporis afflictivam condemnatur, aut torture salvis subiiciendus est; salvus conductus cessat. Etenim poena *conductus*. capitali, vel corporis afflictiva reus affici nequit, nec torture subiici potest, nisi is sui copiam faciat iudici. Quamobrem si sententia iudicis poena capitalis, vel corporis afflictiva, aut tortura dictatur; ut e iudicio tuto ac secure recedat, concedi amplius nequit, consequenter incarcerationis est.

est. Salvus itaque conductus in hypothefi propositionis præfentis cessat.

Salvus conductus non continet immunitatem a poena, aut tormentis, ubi tortura usu recepta est; nec in arbitrium rei confert, utrum sententiæ judicis se submittere, an vero fuga eam eludere velit. Quamobrem patet cessare debere saluum conductum, sententia publicata, qua standum, etiamsi iudex illum concedens hoc non expresse dixerit, prouti in foro Saxonico moris est, ubi instrumentis petenti exhibitis inseruntur hæc verba: *Bis so lang etwas peinliches wieder ihn erkant.* Hisce enim idem significatur, quod in propositione præfente disertius exprimitur. Quodsi dicas, reum, cui nota sunt, quæ hætenus acta in iudicio, facile prævidere posse sententiam judicis, consequenter tempestive sibi fuga prospecturum, nec in iudicio compariturum; hoc equidem negari minimè potest, non tamen inde recte infertur, saluum conductum nullius esse utilitatis. Etenim si contingat reum fugere, antequam sententia publicetur; res reducitur in eum statum, qui erat ante, quam salvus conductus concederetur, consequenter non deterior sit judicis conditio, aut, si mavis, Reip, conditio, cujus interest, ne crimina maneant impunita (§. 656.), & contra absentem jam certius eo modo procedi potest, quo alias proceditur, nec si capi possit fugitivus inquisitione ulteriori opus est.

§. 702.

*Quando
salvus con-
ductus non
conceden-
dus.*

Salvus conductus concedi nequit, nisi quando iudex de crimine incertus est, neque reus convictus, aut confessus. Quodsi enim certum fuerit iudici, reum crimen commisisse, & is fuerit convictus, aut confessus, poena capitali, vel corporis afflictiva is afficiendus (§. 656.), & in apico est, quod nec innocentiam suam probare & se defendere possit. Quoniam itaque necesse est, ut reus copiam sui faciat iudici, nec

nec ulla adest ratio, cur salvus conductus eidem sit concedendus; ideo concedi is nequit, nisi quando iudex de crimine incertus est, neque reus convictus, vel confessus.

Securitas de non incarcerando nemini dari potest, qui, ut ejus copia sit, in carcerem conjiciendus. Qui convictus, vel confessus est, ad poenam subeundam obligatur (§. 1071. *part. 1. Jur. nat.*), consequenter se judici sistere debet, ut ea executioni demandetur. Absurdum itaque foret concedere alicui securitatem veniendi in judicium ac inde rursus recedendi, consequenter saluum conductum (§. 700.).

§. 703.

Quoniam reo confesso *salvus conductus* concedi nequit; is *statim cessat*, quando in loco judicii reus confitetur, se *crimen commississe*, consequenter *hic e loco judicii in carcerem ducendus*. *De salvo conductu finito ob confessionem rei.*

Quando reus crimen fatetur, de fuga statim suspectus est. Quamobrem præsumi nequit fore, ut ad audiendam sententiam citatus judici se sistat sui que copiam faciat, ut puniri possit. Quodsi ergo judicium eludit minime debet, necesse est ut reus custodiæ causa in carcere detineatur, donec sententia publicari & executioni mandari possit.

§. 704.

Si reus durante inquisitione delictum, vel crimen committit, ob quod incarcerari potest, non obstante salvo conductu incarceratione rei, *cerandus*. Salvus conductus enim concessus intuitu criminis *salvo conductu commissi*, quod in causa fuit, ut is peteretur, consequenter *in nondum ad delicta, vel crimina alia, de quibus tunc temporis, cum concederetur, non cogitatum fuit, minime extendi potest*. Quoniam itaque reo nulla data fuit securitas de non incarcerando, si durante inquisitione delictum, vel crimen committat,

mittat, ob quod incarcerari potest; non obstante salvo conductu incarcerandus.

Salvus conductus foret licentia delinquendi, si ad alia crimina & delicta, quam illud, cujus intuitu concessus, extenderetur. Nihil vero absurdius cogitari potest istiusmodi licentia.

§. 705.

*An poena in
cadavere
executioni
dari possit.*

Si reus confessus, vel convictus moriatur, antequam poena capitali affici potuerit; in cadavere eam executioni dare licet, quantum fieri potest, & si poena fuit corporis afflictiva, honesta sepultura eum privare & in loco inhonesto sepelire licet. Etenim cum poenæ exemplares esse debeant (§. 1060. 1062. part. 1. *Jur. nat.*), præsertim graviore, quales sunt capitales & corporis afflictivæ (§. 601. 611.), quibus crimina coercenda (§. 627.); interest omnino Reip. ut executioni mandentur. Quodsi vero reus confessus, vel convictus moriatur, antequam poena capitali, quam meruit, affici potuerit; ea quidem prouti debebat, executioni mandari nequit, necessitas tamen exempli suadet, ut fiat, quantum fieri permissum. Quamobrem quæ in cadavere executioni dari possunt, quin ea licite fiant dubitandum non est. *Quod erat unum.*

Quodsi poena saltem fuerit corporis afflictiva, eam in cadavere, quod omnis sensus expers est, exequi velle, ridiculum videretur, ut inde fini, qui per poenam, quatenus exemplaris est, intenditur (§. 1062. part. 1. *Jur. nat.*), parum satisfaceret. Quamobrem cum a mortuo poena alia exigi non possit, nisi ut sepultura honesta privetur (§. 621.); quin poenam infamem meritis honesta sepultura privari & in loco inhonesto sepeliri possit, dubitandum non est. *Quod erat alterum.*

Ante-

Antequam reus convictus, vel confessus est, puniri nequit (§. 673. 674.), cum an poenam meruerit incertum adhuc sit. Quodsi ergo moritur, antequam convictus, vel confessus fuerit; injustum foret in cadaver scire, immo cadaver in loco inhonesto sepelire velle. Alia vero est ratio, si certum fuerit crimen a reo fuisse perpetratum, & eum hanc præcise poenam meruisse, quæ etiam executioni demandata fuisset, nisi mors prævenisset. Quidni ergo eidem exemptioni adhuc danda sint ea, quibus mors minime obstat? Exempli gratia ponamus, reum e patibulo fuisse suspendendum & in conspectu publico suspensum relinquendum, quamdiu natura permittit. Etsi mors naturalis maleficum liberet a morte violenta manu carnificis inferenda, non tamen ideo suspensionem e patibulo & relictionem cadaveris suspensi in conspectu publico tollit. Cum cadaver suspensum in publico relinquatur, quatenus poena exemplaris esse debet; quidni in carcere mortui cadaver e patibulo adhuc suspendi & in conspectu publico suspensum relinqui debet? Poena morte non tollitur, nisi in quantum actus ad eam requisiti redduntur vel impossibiles, vel prorsus inutiles, qui in moralibus istis æquiparantur. Similiter si reus ad rotæ supplicium fuerat damnatus, cadaveris quoque crura & brachia cum cervice rota contundi possunt & ipsum deinde rotæ affigi. Cur hoc absque ulla labe crudelitatis fieri nequeat, non video. Nec qui peracto supplicio in loco inhonesto sepeliendus erat, minus recte ibidem sepelitur ante supplicium mortuus. Infami autem poena, licet minime capitali, afficiendus in loco honesto ut sepeliatur, parum convenit fini poenæ capitalis. Sicuti vero opinio tyrannus vulgo dicitur, si vulgo crudele videatur quasi scire velle in cadavera mortuorum; consultius utique puto, cadavera reorum, etsi convictorum & confessorum, sine ullo strepitu in loco non inhonesto humari, cum rigorem exequendi poenam in cadavere quoad actus, quos mors non effecit impossibiles, vel inutiles, necessitas exempli tum non exigit, sed potius dissuadeat.

§. 706.

*De dilatio-
ne poena
ob morbum.* Ob morbum graviores (quo scilicet totum corpus lan-
guet) poena capitalis & corporis afflictiva differenda. Si enim
reus morbo graviore decumbat, nemo non videt, quod ad
locum supplicii duci nequeat, nec sine periculo ad eundem
deferri. Quamobrem cum in executione poenarum, qua-
tenus exemplares esse debent, animi spectatorum avocandi
sint a rebus alienis, quos attendere debent ad ipsum suppli-
cium; poena capitalis ob morbum graviores differenda.
Quod erat unum.

Quodsi homo morbo graviore laborans poena cor-
poris afflictiva affici debeat, veluti fustigari (§. 612.), sine
periculo mortis id fieri non poterit. Quamobrem cum hoc
perinde foret, ac si graviore poena afficeretur reus, ubi le-
vior sufficiebat, consequenter modus in puniendo excede-
retur (§. 1066. part. 1. Jur. nat.), hoc autem facere mini-
me liceat (§. cit.); morbo graviore laborans poena cor-
poris afflictiva affici minime debet, consequenter differen-
da. *Quod erat alterum.*

Utrumque simul etiam ostenditur hoc modo. Quic-
quid ad hoc conferre valeamus, ut alter careat morbis, vul-
neribus, fracturis & luxationibus & ne moriatur, ad id fa-
ciendum naturaliter obligamur (§. 759. part. 1. Jur. nat.),
consequenter etiam ad non faciendum contrarium (§. 722.
part. 1. Jur. nat.). Quamobrem cum id sit legis præceptivæ & pro-
hibitivæ (§. 163. 164. part. 1. Phil. pract. univ.), jus autem puniendi
legis permissivæ (§. 165. part. 1. Phil. pract. univ.); si pu-
niendus morbo graviore laborat, lex præceptiva & prohibi-
tiva colliditur cum lege permissiva (§. 206. part. 1. Phil.
pract. univ.). Quoniam itaque in casu collisionis lex per-
missiva

missiva cedit præceptivæ ac prohibitivæ (§. 211. *part. 1. Phil. pract. univ.*); morbo graviore laborans puniendus non est. Enimvero cum poenæ legibus constitutæ a delinquentibus sint exigendæ, nisi singulares fuerint rationes, ob quas remittendæ (§. 636.), morbus autem, quo laborat puniendus, sufficiens ratio non est remissionis poenæ, quæ adhuc exigi potest, ubi convaluerit (§. 56. *Ontol.* & §. 1089. *part. 1. Jur. nat.*); ob morbum graviorem, quo reus puniendus laborat, poena non prorsus remittenda, sed saltem differenda, donec convaluerit.

Demonstratio posterior magis convenit Juri naturæ, quippe tota ex principiis ejus contexta, quam priores particulares, ad communem captum magis compositæ, sed acutioribus minus evidentes. Immo posterior revera later in notionibus communibus, quæ cum sint communes sensum illum communem gignunt, ob quem naturaliter homines non iniquæ mentis abhorre videntur a punitione ægrotorum, nec consistit nisi in evolutione illarum notionum: id quod facile perspicient, qui in Psychologia satis versati sunt, ac per consequens norunt, quid sibi velit notionum confusarum evolutio. Crudele videtur omnibus, qui bonam mentem non prorsus deposuerunt, in ægrotum poenis favire. Crudelitas vero arguit non modo cupidinem vindictæ (§. 957. *part. 1. Jur. nat.*), a qua alicui prorsus animum puniens habere debet (§. 1078. *part. 1. Jur. nat.*), verum etiam nimietatem ejusdem (§. 957. *part. 1. Jur. nat.*), ut ideo a punitione ægroti abhorreant illi ipsi, quorum animos cupido vindictæ adhuc obsedit. Necessitas puniendi delicta & crimina, quæ inde venit, quod poenæ exemplares esse debeant, dilationi poenæ minime obstat, quippe quæ non tollit ipsam poenæ remissionem, si singulares fuerint rationes, ob quas ea remittenda (§. 656.). Et, si vel maxime contingat reum mori, eidem tamen adhuc satisfieri potest, quatenus exempli necessitas punitionem urget (§. 705.).

Forſan in re ſatis manifeſta prolixiores eſſe videmur, quam neceſſe fuerat: ſed cogitandum eſt, multa manifeſta videri iis, qui in notionibus confuſis acquieſcunt, quæ perſpicacioribus evidētia non ſunt, niſi ad notions diſtinctas reducantur, hanc vero reductionem convenire theoriæ Juris naturæ. Ceterum non ob quemvis morbum poenæ executionem eſſe differendam, ultro largimur, ac ideo ad eos morbos, quo totum corpus languet, ſeu facultas morrix omnis læditur, dilationem reſtringimus. Dantur enim morbi chronici aliiſque leviores ac minus periculoſi, qui facultatem motricem minime, aut parum ſaltem lædunt. Arque iidem non obſtant, quo minus poenæ exigantur, quamvis interdum ſuadeant ejus mitigationem, quatenus dolor naturalis auget poenalem; ut poena durior habeatur, quam ſi is abeſſet (§. 635.). Sed ad particularia iſta, quemadmodum in aliis, ita nec hic deſcendere nobis datur. Sufficit excitare attentionem illorum, quorum inſtituto hoc magis convenit. Iſtiusmodi autem theoria particularis ſupponit morborum hiftoriam, ut ideo iudex conſilio medicorum peritorum uti debeat, ne in executione poenæ peccet, quando morbus dilationem, aut mitigationem urget. Equidem *Carpzovius* part. 3. quæſt. 137. n. 31. 34. poenæ corporis afflicti-væ dilationem probat, ne ex cruciatibus corporis mors reo imminet; executionem vero poenæ capitalis potius accelerandam eſſe exiſtimat, ne per mortem perſonæ condemnatæ ſupervenientem executio ſententiæ plane irrita fiat. Enimvero ſi quis ea perpendit, quæ cum in demonſtratione propoſitionis præſentis, tum in his, quæ ad eandem annotavimus, perpendit, is facile perſpiciet accelerationem executionis ob metum, ne morte puniendi irrita efficiatur, tantæ non eſſe neceſſitatis, quantæ videtur: neque enim alio nictur fundamento, quam quod Reip. interſit, fontes poenas promeritas publice luere, quatenus ſcilicet poena unius eſt metus multorum. Hoc vero dubium modo ſuſtulimus, & in quæſtione hac decidenda utendum eſt morborum diſtinctione, quam modo commemoravimus.

§. 707.

*Si reus condemnatus gravioris criminis reddatur suspectus, De executio-
vel idem ultro confiteatur, executio poenae differenda, donec de illo nis dilatione
quoque cognitum fuerit.* Etenim crimina graviora poenis gra- ob crimen
vioribus coercenda (§. 626.). Quamobrem si reus con- *gravius*
demnatus crimen adhuc gravius commisit, quam propter *commissum*.
quod condemnatus est; poenam quoque graviorem meretur,
quam quæ ipsi dictata fuit, cum illud ignoraretur. Neces-
se igitur est, ut de eo cognoscatur, ut poenam meritam sub-
eat, consequenter si post condemnationem majoris criminis
suspectus reddatur, vel ipse idem ultro confiteatur, execu-
tio poenæ ob crimen minus grave dictatæ differenda, donec
de illo quoque cognitum fuerit.

Ob crimen gravius nimirum, quod ante condemnationem
rei non innotuit, executio poenæ differenda, quatenus exem-
plaris esse debet (§. 1062. *part. 1. Jur. nat.*).

§. 708.

*Si testibus crimen falsi objiciatur, qui in causa criminali De dilatione
deposuerunt, poenae executio differenda, donec de illo cognitum fue- ob crimen
rit.* Quodsi enim testes, qui in causa hac capitali deposue- *falsi testibus*
runt, falsi crimen commiserunt, cum propter eorum testi- *objectum*.
monium pro vero habeatur, crimen a reo fuisse commissum
(§. 1044. *part. 5. Jur. nat.*); is pro convicto haberi non-
dum potest, seu crimen, cujus arguitur, sufficienter proba-
tum nondum est. Quamobrem cum nemo puniri possit,
nisi delicto aut crimine sufficienter probato, seu nisi ejusdem
convictus fuerit (§. 673.); si testibus crimen falsi objicia-
tur, qui in causa criminali deposuerunt, poenæ executio
differenda, donec de illo cognitum fuerit.

Nec obstat, quod crimen confessus fuerit. Multæ enim sunt rationes, quæ movere possunt inquisitum ad confessionem, etiamsi sibi innocentie suæ probe sit conscius, veluti metus torturæ, ubi ea usus recepta est, vel tædium carceris diuturnioris, vel quod in præsentî animi perturbatione non videar, quomodo falsitatem testimonii probare velit, vel quod mori malit, quam labe perpetua famæ suæ per inquisitionem adpersa affectum esse: quæ tamen voluntas mutabilis, præsertim quando metus mortis imminenti vincit metum labis sibi posthac obijciendæ ab aliis.

§. 709.

Confrontatio quid sit.

Confrontatio est actus, quo testis vel criminis socius confessus inquisito præsentē ac negante narrat, quæ is fecit, factique circumstantias, consequenter testis ea, quæ deposuit, repetit atque confirmat. Quoniam non omnes adeo præfractæ sunt frontis, ut negent ea, quæ ipsis coram in iudicio dicuntur ab iis, quos præsentēs fuisse, cum crimen perpetrarent, vel ejus socios norunt; *confrontatione inquisitus haud raro ad confessionem adigitur.* Et quoniam præterea ex vultu, trepidatione, voce ac gestibus, ipso etiam sermone colligitur criminis commissi si non veritas, saltem maxima probabilitas, vel etiam negantis malitia patefiat; *confrontatio medium aptum est ad eruendam veritatem delicti, vel criminis commissi.*

Ea ideo quoque adhibetur in praxi criminali, quamvis circumspeditione opus sit, ne ad confrontationem absque iudiciis sufficientibus deveniatur, cum ea haud parum lædat famam viri honesti.

§. 710.

De dilatione poenæ ob cri-

Ad indagandos & convincendos consocios criminis poenâ differ-

differenda. Etenim si plures fuerint, qui crimen aliquod si-
mul commiserunt, non sufficit unum puniri, sed puniendi
sunt omnes (§. 1080. *part. 1. Jur. nat.*), quilibet nempe ob
factum proprium (§. 1083. *part. 1. Jur. nat.*). Quamo-
brem si velit condemnatus plures criminis, ob quod con-
demnatus est, socios detegere, vel aliunde innotescit, plu-
res fuisse eorundem criminum, ob quæ ipse damnatus fuit,
consocios, cumque præterea constet, inquisiti cum socio cri-
minis confesso confrontationem esse medium aptum ad eru-
endam veritatem criminis commissi (§. 709.); ad indaganda
& convincendos criminis consocios poena differenda.

Quamdiu poena differenda sit, ex circumstantiis dijudican-
dum, præsertim si ratio habenda confrontationis, ubi maxime
attendenda spes, ut consociorum criminis copia haberi possit.
Quodsi objicias, dilationis causa a reo condemnato fingi per
mendacium posse criminis socios, vel etiam circumstantias,
quæ spem faciunt fore, ut copia illorum haberi possit, cogi-
tandum est, non adeo facilem habendam esse inquisito fidem,
nisi eorum, quæ dicit, satis probabiles afferat rationes, immo
etiam circumstantiæ dantur, ex quibus mendacium conde-
mnati patescit, aut ob quas ipse ad ejus confessionem adigi
nequit, ne executio temere diu protrahatur. Dilatione poe-
næ inprimis opus, si fuerit quædam furta, rapinas & latroci-
nia committendi causa contracta societas, & unus vel aliquot
socii fuerint apprehensi, qui convicti & confessi condemnati
fuerunt. Quoniam enim societates istiusmodi securitati pu-
blicæ & diametro adversæ sunt, Reip. plurimum interest, ut
extirpentur, ita ut haud raro poena complici recte remitta-
tur, si consilia suppeditare possit, quomodo eorum copia fieri
queat.

§. 711.

*In poena executione ceremonia licita sunt, quæ faciunt ad De ceremo-
niam in exe-*

cutione poe- insinuandam spectatoribus turpitudinem criminis & ad ostenden-
na adhiben- dendam detestationem ejusdem, vel fallaces modos poenam effugien-
dis. *di: tum etiam quæ malefico in memoriam revocant ea, de quibus*
tempore hoc mortis instantis cogitare debet. Rectori enim civi-
 tatis curæ esse debet, ut subditi a vitiis revocentur & in viam
 rectam reducantur (§. 456.). Quamobrem non sufficit, ut
 metu poenarum deterreantur, ne crimen committant (§.
 347. *part. 1. Phil. pract. univ.*); verum etiam ipsis insinuen-
 tur motiva a malitia criminis desumpta (§. 337. *part. 1. Phil.*
pract. univ.), inter quæ etiam locum habet turpitudinis ac de-
 testatio criminis, quorum illa hominem nomine hominis in-
 dignum reddit, hæc vero omnibus bonis perosum. Quam-
 obrem cum lex naturæ det nobis jus instituendi ceremonias,
 quæ ad bene & recte agendum faciunt (§. 503. *part. 2. Phil.*
pract. univ.); in poenæ executione ceremoniæ licitæ sunt,
 quæ faciunt ad insinuandam spectatoribus turpitudinem, &
 ad ostendendum detestationem criminis (§. 170. *part. 1. Phil.*
pract. univ.). *Quod erat primum.*

Quoniam metu poenæ non deterrentur a crimine
 perpetrando, qui animum perpetrandi habent, quamdiu sibi
 persuadent, se hoc, vel alio modo poenam effugere posse;
 nil quicquam magis necessarium videtur, quam ut agnosca-
 tur, quam fallaces sint modi, quibus malefici poenam effu-
 gere student. Quamobrem cum ceremoniæ sint signa, quæ
 nobis in memoriam revocare debent ea, de quibus in præ-
 senti cogitare debemus (§. 442. *part. 2. Phil. pract. univ.*)
 eademque rationi conformes (§. 443. *part. 2. Phil. pract.*
univ.) & lex naturæ nobis det jus eas instituendi (§. 503.
part. 2. Phil. pract. univ.); ceremoniæ quoque in executione
 poenæ licitæ sunt, quæ faciunt ad ostendendum fallaciam
 modorum, quibus crimina committentes poenam se effugere
 posse

posse sibi persuadent (§. 170. *part. 1. Phil. pract. univ.*). *Quod erat secundum.*

Denique cum charitas suadeat, ne negligamus, ut, qui male vixit, saltem bene moriatur, & ne poenæ imminentis cogitatio avertat animum malefici ab iis, quæ in articulo mortis cogitare debet bene moriturus, consequenter apprime opus sit, ut in hisce cogitatio omnis defigatur, ceremoniæ autem ea in memoriâ revocant, quorum in præfenti meminisse debemus (§. 442. *part. 2. Phil. pract. univ.*); patet ut ante, ceremonias licitas esse, quæ malefico, dum ad locum supplicii ducitur, in memoriâ ea revocant, de quibus tempore mortis instantis cogitare debet. *Quod erat tertium.*

Non desunt, qui cum ceremonias omnes damnent, eas maxime rident, quæ in executione poenæ maleficis infligendæ adhibentur, vel quod eas inutiles existimant, vel quod in re seria non esse ludendum arbitrantur. Enimvero hi sunt, qui nec theoriam ceremoniarum, quam in parte altera Philosophiæ practicæ universalis tradimus, perspectam habent, nec mentis humanæ naturam cognitam, quam in Psychologia explicavimus, nec animum ad ea attendunt, quæ in propositionis præsentis demonstratione continentur. Quo quis enim imperitior ac rudior, eo ad reprehendendum pronior. Prostant vero passim ceremoniæ in executione poenarum, quibus malefici afficiuntur, usu receptæ. Perinet huc proclamatio rei (*das Zettersgeschrey*) per præconem (*den Blutschreyer*) horrenda voce vindictam criminis poscentem. Hac ipsa enim indigitatur, crimina non manere debere impunita. In terris saxonis proclamatio hæc, dum iudicium criminale solenne peragitur, tribus vicibus repetitur ante accusationem rei, & eam fieri jubet pro more ac consuetudine cujusque iudicii Imperator *Carolus V.* in *Ordin. Crimin. art. 87.* Porro huc referri debet vestitus (*Wolffs Jur. Nat. Pars VIII.*) Y y y tus

rus furum, quo induti ad supplicium ducuntur, in patria mea usiratus. Is enim non modo significat turpitudinem furi, verum etiam fallaciam modi ipsum occultandi. Similiter in crimine sodomiz rogo etiam imponitur brutum, cum quo rem habuit maleficus, in illius detestationem. Immo huc etiam spectat mos præferendi malefico imaginem christi crucifixi, ut ejus conspectu excitetur ac conservetur fiducia in ejus merito collocanda, quo poenæ licet temporali subjiciendus liberatur a poena æterna.

§. 712.

*De poena
autochiria
licita.*

Autochires, nisi fuerint furiosi, deliri & melancholici, vel infano amore laborent, sepultura honesta privari possunt & inhonesta pro ratione circumstantiarum puniri. Etenim autochiria naturaliter illicita est (§. 356. part. 1. Jur. nat.), & pro diversitate circumstantiarum malum quoque inde derivatur in ipsam universitatem, seu Remp. Quamobrem cum Rector civitatis scelera foeda prohibere ac punire (§. 655.), immo etiam actus vitiosos punire possit, unde malum quoddam in universitatem derivatur, etsi iisdem non tollatur jus alterius cujusdam (§. 653.); autochiria quoque in civitate prohiberi ac puniri potest. Quoniam vero mortuus puniri nequit, nisi quatenus ipsi denegatur sepultura honesta, & is in loco inhoneste sepelitur, vel etiam modo inhoneste ad locum sepulture cadaver trahitur (§. 621.); autochires sepultura honesta privare & inhonesta pro ratione circumstantiarum punire licet. *Quod erat unum.*

Enimvero quoniam nemo puniri potest ob factum, quod imputari ipsi nequit (§. 670.), autochiria autem furiosis, melancholicis, deliris & amore infano laborantibus imputari haud quaquam potest (§. 567. & seqq. part. 1. Jur. nat.);

nat.); nec iidem ob autochiriam puniri possunt. *Quod erat unum.*

Sunt equidem qui existimant, sepulturam inhonestam magis nocere famæ cognatorum, quam propitidis, qui cum mortui sint, nullum poenæ sensum habent; hæc tamen ratio minime sufficit, ut ea pro absurda habeatur. Etenim poena omnis infamis opinione vulgi maculam quandam adspersit famæ cognatorum malefici: ecquis vero dixerit, crimina ideo istiusmodi poena non esse coercenda, vel saltem iniquum esse, ut eorum cadavera vel in loco inhonesto sepeliantur, vel in conspectu publico insepulta relinquantur? Et quamvis poenæ sensum nullum habeant mortui, si cadavera in loco inhonesto sepeliantur, vel ignominioso modo ad locum istum trahantur; non tamen ideo poenæ finis cessat, quatenus exemplaris esse debet. Neque enim omnes rationem nullam habent eorum, quæ post mortem ad ipsos quomodocunque spectantia consequuntur, sed dantur bene multi, qui ea magis curant, quam quæ vivis accidunt, ac imprimis volunt, ut etiam post mortem nihil ignominiosi sibi contingat, nec ipsi ignominiam suis inferant. Varias autem dari autochiriæ circumstantias, ob quas modus sepulturæ inhonestæ variari potest, non ignotum est. Ita autochiria, quæ poenæ evitandæ causa committitur, recte pro crimine habetur (§. 581.), quatenus scilicet contrariatur obligationi poenam subeundi (§. 1071. *part. 1. Jur. nat.*), & Reip. interest crimina non manere impunita (§. 656.). Si vero quis ob pauperatatem vitæ pertæsus manus violentas sibi metipsum infert, is omnino minus deliquisse censendus,

§. 713.

*Atheos & irreligionarios inhonesto modo sepelire non licet, De atheo-
nisi errores suos disseminaverint, nec moniti ab eo desistere vo-
luerint: recte tamen iis denegatur sepultura sollemnis.* Etenim religiona-
ob atheismum, consequenter nec ideo, quod quis irreligio-
rarius *se-
pultura.*

Y y 2

narius est, nemo puniendus (§. 645.). Quamobrem cum sepultura inhonesta poena sit (§. 621.); atheos & irreligionarios inhonesto modo sepelire non licet. *Quod erat primum.*

Enimvero qui atheismum, vel deismum, aut alios errores religioni, bonis moribus & statui civili adversos disseminant, nec moniti ab eo desistere volunt, e civitate discedere jubendi sunt (§. 646.), consequenter eos punire licet (§. 595.) pro ratione meriti (*not.* §. 646.), quantum scilicet sufficit, ne alios seducant. Quamobrem si atheus, irreligionarius, qui errores suos disseminat, nec monitus ab eo desistere vult, antequam e civitate ejicitur; moriatur, cum in mortuum poena alia cadere nequeat, quem sepultura inhonesta (§. 621.); quin modo inhonesto sepeliri possint dubitandum non est. *Quod erat secundum.*

Quoniam tamen ceremoniæ in sepultura adhiberi solitæ desumuntur partim a religione, partim a meritis in Remp. a religione autem alieni sunt athei & irreligionarii, & meritis in Remp. adversatur atheismus & contemptus religionis, quatenus inde labes quædam eidem adspersitur; inconveniens non est, ut sepultura cum ceremoniis solitis seu solennis atheis & irreligionariis denegetur, quamvis non in poenam eorum, sed in detestationem erroris, quo imbuti fuerunt. *Quod erat tertium.*

Sævire in cadaver athei, aut eum ignominia afficere post mortem non est medium aptum atheum, vel irreligionarium convincendi erroris sui. Neque ideo poena exemplaris esse potest, ut alii deterreantur, ne eundem errorem foveant, quod si dicas metu ignominie post mortem inferendæ saltem deterri posse alios, ne atheismum profiteantur, nec religionem contemnant, suoque exemplo alios seducant; ex anterioribus jam patet, hoc minime tolerandum esse, sed si quis monitus
a dis-

a diffeminando errore suo desistere nolit, eum e civitate esse ejiciendum. Quodsi quis in articulo mortis confiteatur, se esse atheum, vel irreligionarium; tum saltem errorem prodit, non diffeminat, neque enim aliis eundem persuadere conatur.

§. 714.

Poenis in civitate esset locus, etiamsi homo in agendo tantummodo appareret, non vero esset liber. Etenim metu poenae libertatem vorum deterri posse homines ab actionibus committendis, tantis solutum etiam adigi ad eas committendas, experientia quotidiana laetatur poenae abunde docet & in brutis indies conspiciamus. Quamvis namque itaque homo in agendo non esset liber, metus tamen poenae eundem adhuc haberet effectum, consequenter is medium foret impediendi, quo minus actionem quandam committeret, vel adigendi eundem, ut committat. Quamobrem cum poenae non alio fine decernantur, quam ut homines ad actiones tam omittendas, quam committendas compellantur (§. 288. part. 1. Phil. pract. univ.); poenis in civitate adhuc locus esset, etiamsi homo in agendo tantummodo appareret, non vero esset liber.

Constat & olim fuisse multos, & hodiernum esse plurimos, qui libertatem voluntatis negant, aut saltem in dubium vocant. Sane materialistae, qui nonnisi existentiam corporum admittunt, spirituum vero & rerum immaterialium existentiam negant, cum ex homine nonnisi machinam faciant, libertatem quoque voluntatis negant. Negant vero etiam eandem haud pauci; qui animam immaterialem & a corpore diversam esse agnoscunt. Alii denique, qui ad nexum perceptionum & appetitionum ac aversionum animum attendunt, cum perspicere non possint, quomodo libertas voluntatis cum eodem consistere queat, de ea dubitant. Immo non desunt, qui alios impugnaturi, per consequentiam ipsis obijciunt, quod libertatem,

tatem in agendo tollant. In vulgus notum est, id objectum esse tam contra systema causarum occasionalium *Cartesii*, quam systema harmoniæ præstabilite *Leibnitii*. Qui libertatem hominis in agendo negant, iis vûgo objicitur, quod tollant jus puniendi maleficos in Rep. ita ut omnes poenæ civiles sint injustæ. Sed recte hoc jam negavit *Hobbesius* materialismi instaurator & libertatis in agendo destructor. Etenim sive homo revera sit liber, sive tantummodo appareat, eum esse liberum, prouti *Spinoza* videtur; metus poenæ, immo motivorum quorumlibet aliorum idem semper erit effectus. Nec interest Reip. sive effectum hunc necessarium esse dicas, sive imperio animæ subiectum, cum sufficiat eum esse medium deterrendi alios, ne delinquant, vel etiam eum, qui deliquit, ne denuo delinquat. Quamvis mihi nihil absurdius videatur materialismo, immo multo absurdius, si animam esse materialem statuatur, quam si quis contendat, triangulum & quadratum esse unam eandemque figuram, & procul absum ab opinione eorum, qui fatalem rerum omnium necessitatem defendunt; veritatem tamen defendere ac stabilire contra objectiones iniquas tanto magis meum esse duxi, quanto magis necesse est, ut justitia poenarum civilium agnoscat, sine quibus civitas & singula ejus membra rura præstari nequeunt ab injuria aliorum: id quod tamen finis societatis civilis maxime exigit. Effectum vero poenarum nulla licet supposita libertate in agendo clarissime conspicimus in brutis, veluti in canibus certo agendi modo assuefaciendis. Quodsi dicas homini non imputari posse actiones nisi liberas (§. 528. *part. 1. Phil. pract. univ.*), quæ vero imputari non possunt, ea nec puniri posse (§. 670.), consequenter si nulla prorsus dantur actiones liberæ, nec quenquam puniri posse ob factum ullum; consequentia recte negatur. Qui enim libertatem in agendo tollunt, duplicem tamen statum hominis admittunt, alterum scilicet, quo metus poenarum potest esse motivum non agendi, alterum, quo esse nequit, qualis est furiosorum & puerorum, aut, si mavis, infantium. Imputabuntur ergo actiones in casu

casu priori, non vero in posteriori. Sed in re satis manifesta nolumus esse prolixiores.

§. 715.

Quicquid superior ad l. conferre potest, ut sanitas subditorum conservetur & amissa restituatur; ad id faciendum obligatus subnat. Singuli enim sanitatem conservare (§. 393. part. 1. *Jur. ditorum.*) &, quando in morbum incidunt, operam dare obligantur, ut sanitati restituantur (§. 413. part. 1. *Jur. nat.*). Quamobrem cum in Rep. ea instituenda sint, quæ medi-
orum vicem præstant officiis lege naturæ præscriptis pro virili satisfactoris & eorundem praxin faciunt (§. 396.); quicquid superior ad hoc conferre potest, ut sanitas subditorum conservetur & amissa restituatur; ad id faciendum obligatur.

Interest non minus singulorum, quam universorum, seu Reip. ut sanitas conservetur, aut, siquidem eandem amitti contingat restituatur. Nemo ea de re dubitabit, nisi qui minime perpendit, quod ad omnem laborem & omnes functiones munerum inepti sint ægrotantes: unde non uno modo damnum aliquod in ipsam Remp. redundat, quod utique avertere tenetur is, cujus est curare, ut bonum publicum omni, quo datur, modo promoveatur.

§. 716.

Quoniam ad sanitatem conservandam opus est cibo ac potu salubri (§. 395. 397. part. 1. *Jur. nat.*), eidem veni-
ro nocent & morborum causa sunt cibi ac potus insalubres (§. §. cit.); superior autem conferre debet, quod potest, ad
sanitatem subditorum conservandam (§. 715.); idem curare
debet, ut possint cibi ac potus salubres, ac severe prohibere, ne
insalubres vendantur, consequenter curare ne cerevisia rite co-
quatur,

quatur, ac præparetur, nec permittere, ut vina cum detrimento sanitatis adulterentur.

Lucri cupido causa est, ut religioni parum habeatur insalubritate cibi ac potus vinorum sanitati, immo vitæ insidias struere. In hunc censum potissimum referendi vinorum adulteratores, & qui vina factitia pro naturalibus vendunt, iis potissimum in locis, in quæ ex oris peregrinis vina advehuntur. Unde videas oenopolas ditescere cum detrimento sanitatis mul-
torum. Foeda istiusmodi lucri cupido in Rep. minime ferenda, consequenter poenis coercenda. Quibus vero mediis fraus impediatur &, ubi commissa fuerit, detegatur, docere non est hujus loci, sed ad prudentiam civilem pertinet.

§. 717.

De apparatus medicamentorum, necessitate medicorum & chirurgorum & medicina cultura. Similiter quoniam superior, quicquid ad hoc conferre potest, ut sanitas amissa restituatur, ad id faciendum obligatur (§. 715.), ad sanitatem autem recuperandam opus est medicamenti (§. 414. pars. 1. Jur. nat.), immo etiam medicis atque chirurgis peritis, quorum scilicet est morbos ac vulnera, rupturas, fracturas, luxationes curare; cura superioris esse debet, ut non modo æquo pretio veniantur medicamenta salutaria, verum etiam ne desint medici ac chirurgi periti, & ut ars salutaris indies magis magisque perficiatur.

Vitam ac sanitatem amant omnes; sed pauci valetudinem suam diligenter curant. Ad artem salutarem pertinet non modo docere, quomodo sanitas conservetur, verum etiam quibus mediis amissa restituatur. Enimvero nullibi plures audias, nec injustas querelas de incertitudine scientiarum, quam ubi de medicina sermo incidit, ita ut optimus fere medicus habeatur, qui non nocet, quamvis parum prosit, & cui deinde ea tribuuntur, quæ naturæ vindicanda fuerunt. Non diffidentur hoc medici periti, quos artis suæ immaturitatem abunde docuit

docuit non unius lustri experientia, ita ut etiam *Hoffmannus* noster, qui præclarum inter sui ordinis viro nomen adeptus, pro conservanda sanitate dudum hanc quoque regulam præscripserit: Fuge medicum & medicinam, si vis esse sanus, & *Harvæus* integrum Tractatum conscripserit de morbis expectatione curandis, ut taceam alios, qui morbos diæta curari jubent. Quamvis hæc non in genere vera sunt, ab omni tamen veritate non prorsus aliena sunt. Apprime igitur opus est, ut medicina ad majorem certitudinem evehatur, id quod tamen non adeo facile est, quemadmodum sibi persuadent & aliis se persuadere posse confidunt illi, qui intra breve tempus, cum experientia propria omni adhuc destituantur, medicinam ad certitudinem mathematicam evehere sibi sumunt. Abunde omnino patet, quam necessarium sit, ut Rectores civitatum hanc curam ad se pertinere agnoscant, nihil eorum prætermittentes, quod ad medicinam perficiendam conferre possunt. Et quoniam medici imperiti plurimum nocent ægris, nec satisfacit excusatio, quod medicis impune occidere liceat; ideo non levis esse debet cura, ne ad curandum ægros admittantur, nisi qui, quantum pro præsentis rerum statu permittitur, artem suam rite didicerunt, nec ferendum erat, ut quivis idiota in Doctorem medicinæ impune promoveatur, quasi promotiones esse debeant medium acquirendi, & privilegium doctorale sit privilegium nocendi ægris pro certa pecuniæ summa venale. Huc etiam pertinet, ne Professores Medicinæ instituantur, qui nec ipsi satis intelligunt ea, quæ alios docere debent, nec artem salutarem exercuerunt, destituti ea experientia, quæ in Professore medicinæ utique requiritur. Hoc vero jam patet ex iis, quæ supra de Professoribus instituendis in genere demonstravimus (§. 436.). Patet haud difficulter, quam multa hic consideranda sint, si superior hac in parte officio suo satisfacere velit. Sed ea non Juris naturæ, verum prudentiæ civilis sunt.

§. 718.

*De morbis
contagiosis
& peste.*

Quoniam *superior*, quicquid contere ad hoc potest, ut sanitas subditorum conservetur & amissa restituatur, consequenter ut morbi avertantur, ad hoc faciendum obligatur (§. 715.), hominibus autem maxime infesti sunt morbi contagiosi & imprimis pestis, quod experientia abunde loquitur; *maximopere* quoque is curare debet, ut morbi contagiosi atque pestis imprimis, quantum datur, avertantur & ubi invaerint grassari prohibeatur.

Pestis inter hostes capitales Reip. dudum relata, & Politici de eadem e civitate proscribenda solliciti fuerunt. Hætenus tamen problema hoc de peste e civitate proscribenda mansit insolutum, perinde ac problema de quadratura circuli, de longitudine maris, de perpetuo mobili, quorum illud Geometras, id Geographos & Astronomos, hoc Mechanicos diu multumque vexavit & hodiernum vexat. Quamvis vero hætenus repertum non sit, quomodo morbi contagiosi ac imprimis pestis e civitate prorsus proscribi possint; non tamen prorsus ignorantur media, utiliter adhibenda, ne contagium propagetur, & ne in loco, ubi grassantur, nimiam stragem dent. Absit itaque, ut tibi persuideas in propositione præsentis præcipi talia, quæ in potestate non sunt.

§. 719.

*De lue pec-
corum.*

Si lues pecora corripit, opera danda ne malum late serpat, eidemque tempestive medela afferenda. Quanto emolumento sit Reip. res pecuaria, cujus ideo maxima cura habenda, in vulgus notum est. Quamobrem cum Resp. emolumentum hujus jacturam faciat, si lues pecora corripit, damnum ab ea utique avertendum omni studio atque labore (§. 420.), consequenter opera danda, ne malum late serpat eidemque tempestive medela afferenda.

Non

Non minus in pecora sævit lues, quam pestis in homines, ira ut quotidie ingens strages detur. Damnum vero non modo sentiunt possessores, qui jacturam bonorum faciunt; verum etiam ceteri omnes, quorum victui & amictui ex re pecuaria prospiciendum, immo ipsa universitas, quatenus possessores oneribus Reip. ferendis non sunt pares. Lues pecorum itaque accensenda hostibus naturalibus Rerump. qui sunt pestis, atque fames seu annonæ difficultas, nisi eam sub fame comprehendere volueris, consequenter ex civitate proscribenda foret, siquidem in potestate nostra esset. Quamvis autem lues ista haud raro grassetur, & multi multa de eadem scripserunt; ejus tamen theoriam certam & remedia efficacia adhuc desideramus. Quamobrem rerum naturalium scrutatores omni animi contentione id agere debebant, ut, quæ latent, detegerent: philosophandum enim est in Reip. ac generis humani utilitatem. Quamdiu vero desunt arma, quibus Reip. insensus hostis prosterni & profligari potest; ea tentanda sunt, quæ in potestate sunt, ne quid culpa nostræ prætermittatur, quod ad minuendum nocumentum fieri poterat.

§. 720.

Reſtori civitatis cura eſſe debet, ne ſubditi labore nimio De labore ſanitati officere cogantur. Quicquid enim Reſtor civitatis ad *uimio vi-* hoc conferre poteſt, ut ſanitas ſubditorum conſervetur, ad *tando.* id faciendum obligatur (§. 715.), exploratum vero eſt laborem nimium ſanitati eſſe adverſum. Quamobrem quin illi curæ quoque eſſe debeat, ne ſubditi labore nimio ſanitati officere cogantur, dubitandum eſt.

Oſtenditur etiam hoc modo. Laborem nimium vitare naturaliter obligamur (§. 519. *part. 1. Jur. nat.*). Enimvero in Rep. ea inſtituenda ſunt, quæ mediſſimorum vicem præſtant officiis lege naturali præſcriptis ſatisfactoriis (§. 396.).

Zz z 2

Quam-

Quamobrem Rectori civitatis curæ quoque esse debet, ne subditi labore nimio sanitati officiant.

Interest Reip. subditos esse sanos, cum unusquisque eorum spectandus sit tanquam membrum, quod functione sua suum confert, ut toti corpori bene sit. Absit itaque ut tibi persuadeas, curam sanitatis singulorum non pertinere ad universos, consequenter ad Rectorem civitatis, sed eam singulis relinquentam esse. Contrarium satis patet per ea, quæ in genere supra demonstravimus (§. 395.). Quæ in statu naturali sunt singulorum, ea in civili sunt universorum, quatenus actiones & ea, quæ sunt singulorum, respectum quendam habent ad universos. Quando nimirum homines in civitatem coeunt, membra fiunt unius corporis, & actiones illorum jam referuntur ad finem, cujus causa contracta est societas. Ac ideo ea, quæ sunt singulorum, spectanda quoque sunt tanquam universorum, quatenus ad hunc finem referuntur.

§. 721.

*De tempore
operum di-
arumarum,
collatione
munerum
publicorum
& salariis.*

Quoniam Rectori civitatis curæ esse debet, ne subditi labore nimio sanitati officiant (§. 720.); *tempus operis diurnis impendendum definire debet, nec qui muneribus publicis præsiciuntur, pluribus simul præsiciendi, quibus omnibus diligenter obvenndis vix pares sunt, consequenter ne plura ambire teneantur, publicorum salaria sufficientia prabenda.*

Salaria sufficientia sunt, si ad ea comparanda sufficiunt, quibus ad vitæ necessitatem & commoditatem, tum etiam decorem indigemus (§. 473.). Relegenda hic sunt, quæ supra de pretio laborum determinando annotavimus (not. §. 424.). Facile autem patet, in salario determinando habendam non modo esse rationem quantitatis pretii rerum, quod non ubivis locorum, nec tempore omni idem est, verum etiam decori, quod non minus variat, ut ideo in genere nihil certi determinari

nari possit. Quodsi salaria fuerint nimis tenuia, vel muneris sui negligentes alia agunt, quibus defectum illorum suppleant, vel modis illicitis acquirere ea student, quibus indigentiae suae prospiciant, unde multa mala in Remp. abundant. Pro diversitate circumstantiarum alia adhuc consequuntur, quæ Reip. nocent, nec in ea toleranda sunt. Per se vero etiam iniquum est, ut, qui utilem Reip. operam præstat, mercedem, qualem meretur, non accipiat. Quæ vero dicuntur de iis, qui operas suas Reip. collocant; ea quoque intelligenda de his, qui operas diurnas collocant privatis.

§. 722.

Superiori cura esse debet viarum, præsertim publicarum, De commoditas. Quantum referat, ut sine omni molestia ac periculo in viis incedere ac vehi possimus, nemo est qui ignorat, præsertim publicarum, & abunde experiuntur, qui iter faciunt aut curris onustos de loco ducunt. Quamobrem cum quilibet naturaliter obligetur damnum quodvis a se avertere (§. 493. part. 2. Jur. nat.), & vitam commode transigere, quantum datur (§. 466. part. 1. Jur. nat.), omnemque molestiam quantumlibet exiguam vitare (§. 451. part. 1. Jur. nat.), superiori vero curæ esse debeat, ut praxin eorum, ad quæ homo naturaliter obligatur, faciliat, consequenter minime negligat ea, quæ ea fini conferre potest (§. 396.); ei quoque curæ esse debet viarum, præsertim publicarum, commoditas.

Neglectus viarum publicarum a nemine non reprehenditur, & multas audimus de eodem querelas, tandem abest ut quis sibi persuadeat viarum, præsertim publicarum, curam non tangere superiorem civitatis. Convenit utique fini civitatis, ut absque omni molestia non modo incedere, sed etiam vehi & curris onustos in locum destinatum ducere possit. Ex fine

autem civitatis æstimanda est cura, quæ ad superiorem pertinet.

§. 723.

De cura superioris circumveniens æquo pretio comparari possit, ut adsint architecti & fabri lignarii ac murarii alique opifices periti, & ne officio suo in extruendis ædificiis desint. Etenim Rectori civitatis curæ esse debet, ne desit rerum ad habitationem necessariorum copia omnibus sufficiens (§. 420.). Quoniam itaque, ne desit habitatio commoda, extruenda sunt ædificia, ad ædificia vero extruenda non modo requiritur materia apta, sed eligenda quoque est, quæ firmitatem ædibus præstat, prouti in Architectura civili docetur; curæ superiori omnino esse debet, ut materia ædificiis extruendis conveniens æquo pretio comparari possit. *Quod erat primum.*

Quoniam vero ædificia esse debent firma, utilia sive commoda & pulchra (§. 18. & seqq. *Archit.*), architecti vero est, dato scopo fundatoris dataque area, in qua ædificium excitandum, invenire ejus formam, ac fabrorum lignariorum & murariorum aliorumque opificum ea secundum formam istam actu extruere, ideo necesse est, ut in Rep. bene constituta etiam adsint architecti & fabri murarii ac lignarii, alique opifices periti. *Quod erat secundum.*

Enimvero cum aliud sit nosse, quomodo opus aliquod perfici debeat, aliud vero recte id perficere, naturaliter autem quilibet obligatur ad laborem suum recte perficiendum (§. 522. *part. 1. Jur. nat.*), & ut hoc fiat, superiori curæ esse debeat (§. 395.); eidem quoque curæ esse debet, ut architecti, fabri murarii atque lignarii, alique opifices

ces, quando ædificiũ aliquod extruendum, officio suo ne defint. *Quod erat tertium.*

Plurima hic occurrunt, quæ superiori observanda sunt, ne in cura circa ædificiorum extruccionem quicquam desiderari patiatur: sed ea ad prudentiam civilem pertinent, cum in Jure naturæ saltem doceatur, ad quod faciendum superior obligetur, minime vero, quomodo obligationi huic satisfaciatur. Sed demus exemplum, nè quicquam obscuritatis supersit, vel inutilia hic præcipi quisquam sibi persuadeat. Interest Reip. ne patres familiarum inducantur ad infinitas sumtuum profusiones, dum ædificia extruunt, ut haud raro ex bonis ejiciantur. Quomodo huic malo Ephesi lege vetusta medesam huic malo attulerint ii, penes quos summa rerum erat potestas, *Vitruvius* in præfatione ad librum decimum de architectura commemorat. Architectus, inquit, cum publicum opus curandum recipit, pollicetur quanto sumtu id futurum: tradita æstimatione, magistratui bona ejus obligantur, donec opus sit perfectum. Eo autem absoluto, cum ad dictum impensa respondet, decretis & honoribus ornatur. Item si non amplius quarta in opere consumitur, ad æstimationem est adjicienda, & de publico præstatur, neque ulla poena tenetur. Cum vero amplius quam quarta in opere consumitur, ex ejus bonis ad perficiendum pecunia exigitur. Qui architecturam civilem didicit & ædificia extrui curavit, ut, quantum damni patiantur patresfamilias architectorum, fabrorum aliorumque opificum imperitia & negligentia; facile perspicier, quantum interfit Reip. ut ne sine poena grassentur imperiti & negligentia coercantur. Equidem *Vitruvius* lib. i. c. i. præcipit, ut architectus philosophiam moralem didicerit, quæ, ut ait, eum perficit animo magno, & uti non sit arrogans, sed potius facilis, æquus & fidelis, sine avaritia, quod maximum sit, cum nullum opus vere sine fide & castitate fieri possit, & Rectoris civitatis est curare, ut subditi omnes, consequenter & ii, quorum opera in extruendis ædificiis utimur, sint virtuti dediti &

ne

ne a virtutis tramite ad vitia defleant (§. 456.); quoniam tamen virtus cogi nequit, & lucri cupido plurimos a virtutis tramite trahit, ideo aliis utendum mediis, ut architecti, fabri aliique opifices, quorum opera in ædificiis extruendis utimur, opus suum vere perficiant. Sed nostrum jam non est ad alia descendere, quæ superioris curæ incumbunt, ut quod suum est hac in parte faciat,

§. 724. .

De cura superioris circa firmitatem ædificiorum & incendia.

Quoniam superiori curæ esse debet, ut ædificia recte, consequenter firma extruantur (§. 18. *Archit. civ.*), ad firmitatem vero requiritur immunitas a ruinæ periculo (§. 6. *Archit. civ.*), consequenter etiam a damno, quod casu quodam funesto, veluti tempestatibus ac inprimis incendiis iisdem dare potest; *non modo negligentia eorum coercenda, qui incendium faciunt, multoque magis qui intus subortum occultare student, verum etiam curandum, ut tempestive restinguatur & ne flamma vicina ædificia alia corripiat, atque ut ædificia contra injurias tempestatum satis sint munita.*

Si incendia sæviunt, quantum detur damnum ædes inhabitantibus nemo est, qui ignorat, & ædificiis nihil magis adversatur, quam incendium. Maxime igitur interest Reip. ut hoc damnum, quantum datur, avertatur. & cum in potestate nostra non sit idem prorsus avertere, saltem provideatur, ne culpa nostra augeatur. Obligationem superioris ad damnum hoc avertendum deducimus ex cura, quam circa firmitatem ædificiorum adhibere debet, cum non sufficiat ædificia firma extrui, sed videndum quoque, ut ea tollantur, quæ firmitati adversantur. Non tamen propterea negamus, curam circa incendia ex alio quoque fonte derivari posse, nimirum ex averfione damni ac periculi, quod ex incendio emergit. Ast firmitas ædificii per se exigit, ut damnum metuendum non sit ex tempestate,

§. 725.

§. 725.

Ædificia imprimis publica in Rep. bene constituta venusta De venusta esse debent. Constat ex architectura dari ædificiorum venustatem, quæ nullo sumtu peculiari, verum arte unice iisdem conciliatur, qualis est quæ a symmetria & eurythmia (§. 24. 31. *Archit. civ.*) & a perfectione ædificii, seu convenientia adæquata cum finibus fundatoribus ortum trahit (§. 8. 10. *Archit. civ.*). Quamobrem cum superiori curæ esse debeat, ut ædificia recte extruantur & architecti, fabri alique opifices opus suum recte perficiant (§. 723.); quin in Rep. bene constituta ædificia venusta quoque esse debeant, dubitandum non est. *Quod erat unum.*

Quoniam ædificia venusta splendorem conciliant civitati, & publica, qualia sunt templa, curiæ, gymnasia, collegia academica &c. sumtu publico extruantur & conserventur, publica imprimis ædificia in Rep. bene constituta venusta esse debent. *Quod erat alterum.*

Non deerunt forsitan haud pauci, qui arbitrabuntur venustatem ædificiorum parum curandam esse, cum ipsa nil conferat ad felicitatem eorum, qui ea inhabitant. Homines posse esse felices, modo ipsis non desint ad vitam commode ac jucunde transigendam necessaria, nec curis ac ærumnis conficiantur, utut in casis sine arte factis ac stramine tectis habitent; & ex adverso non deesse, qui ædes magnificas inhabitant, nec absque tædiis continuis integras dies noctesque consumunt. Enimvero quamvis ædes venustæ miserum ob alias causas non reddant felicem; negari tamen minime potest, eas placere unicuique &, si daretur optio, easdem a quovis prælatum iri ceteris paribus casæ humili ac nulla arte factæ. Neque etiam negari potest, voluptatem, quæ ex ædificiorum venustate percipitur, utpote in se innocuam (§. 384. *part. i. Phil. pract.*)

(*Wolffii Jur. Nat. Part VIII.*)

Aa aa

univ.)

univ.), felicitatem hominis augere (§. 286. part. 1. Jur. nat.). Præterea ædificia venusta & splendida possessori auctoritatem conciliant penes vulgum: quod quamvis opinione ejus tantummodo nitratur, nemo tamen est qui nesciat, dandum in Rep. multum esse hominum opinioni, prouti etiam ex sequentibus clarius elucescet. Mortimus alia, quæ præterea dici poterant & quæ respectum ad Remp. habent, quoad ædificia præsertim publica. Cultior vita hominum non solum exigit ea, quæ profunt, verum etiam illa, quæ delectant.

§. 726.

De paupertate, egestate vel egestatem incidant, aut ad mendicitatem redigantur. Et se & mendicem enim quilibet sibi cavere debet, quantum in potestate tua est, ne in paupertatem, vel egestatem incidat, aut ad mendicitatem redigatur (§. 416. part. 4. Jur. nat.). Quamobrem cum non modo superiori curæ esse debeat, ut hoc faciant subditi (§. 395.), verum etiam Reip. intersit, ne iidem sint pauperes, egeni atque mendici, ut operibus Reip. ferendis sint pares; superiori maxime curæ esse debet, ne subditi in paupertatem vel egestatem incidant, aut ad mendicitatem redigantur.

Civitas opulenta non est, quæ plurimos pauperes, egenos atque mendicos alit. Patebit autem inferius, quantum intersit, ut sit opulenta. Ac ideo diximus, superiori maxime curæ esse debere, ut ne subditi fiant pauperes, egeni vel prorsus mendici. Hinc vero multa fluunt, quæ jam ante alio ex fonte deduximus, veluti de incendiis (§. 724.): incendia enim facere pauperes, egenos atque mendicos, per se manifestum est & obvia experientia confirmatur. Similiter hac ratione potissimum nitratur lex Ephesiorum, de qua paulo ante diximus (not. §. 723.). Notandum vero est, ad curam hanc, de qua in præsentia loquimur, pertinere imprimis, ne ipse superior sub-

subditos ad paupertatem, egestatem aut mendicitatem redigere debeat.

§. 727.

Quoniam superiori curæ esse debet, ne subditi in paupertatem & egestatem incidant, aut ad mendicitatem redigantur (§. 726.), annonæ autem caritas plurimos efficit pauperes, egenos, immo mendicos, quod tanquam a posteriori satis notum absque ulteriori probatione sumitur; *in Rep. ferendum non est, ut annona flagelletur*, consequenter *qui hoc faciunt, puniendi* (§. 647.), & *si qua suppetant media, quibus subditi sublevantur, ne annona caritas ipsis sit damnoſa, iis utendum.* *De annona caritate.*

Incendium annonæ dudum inter crimina relatum, quod *Dardanariatus* vocari solet, quia *Ulpianus* l. 6. de extraord. crimin. *Dardanarium* appellat eum, qui annonam suppressit, ut semum carius vendat. Nec desunt media, quibus pauperioribus in annonæ caritate prospicitur. Pertinent huc granaria publica & granaria tribuum opificum. Quamvis vero de his hic non dicendi locus sit, quemadmodum in casibus similibus sæpius jam inculcavimus; eorum tamen mentionem facere volumus, ne quis præcipi existimet, quæ in potestate superioris non sunt. Non hodie demum propositum est problema, quomodo effici possit, ut constans frumenti pretium sit, cujus solutio præmio quantovis condecoranda foret. Sed problemata istiusmodi non facilem habent solutionem, cum rerum civilium idem sit nexus, qui naturalium: qua de causa facile contingit, noceri in parte alia, si in hac opem ferre velis.

§. 728.

Superiori curæ esse debet, ut ne desit sufficiens lignorum copia. Ignis usu homines in vita carere non posse, nemo est qui ignorat. Præter hunc usum vero lignorum adhuc

A a a a a

infi-

infinitus alius usus est, quemadmodum nemo ignorat, ut opus non sit de eo disertius dici. Sane non minor est lignorum, quam annonæ necessitas, si quidem vel soli necessitati vitæ, nedum commoditati consulere volueris. Quoniam itaque Rectori civitatis curæ esse debet, ne desit rerum ad victum, amictum, habitationem vitæque commoditatem ac jucunditatem sufficiens copia (§. 420.); eidem quoque curæ esse debet, ut ne desit lignorum sufficiens copia.

Multis in locis Germaniæ, immo etiam aliarum regionum lignorum penuria indies fit major, ita ut raritas quotannis augeat pretium: id quod etiam nos experimur. Absit igitur, ut tibi persuadeas, curam de sufficiente lignorum copia superfluum esse, quod natura sua sponte eadem proferat. Nondum tamen vidi sylviculturæ ullibi operam dari, ac removeri obstacula, quæ naturæ in producendis arboribus sylvestribus obijciuntur, quamvis dudum ea de re opus egregium conscripserit & luci publicæ exposuerit vir omni laude dignus *de Carlowitz*. Et quamvis multis in locis lignorum loco straminibus utantur plurimi, atque hic mos indies magis invalescat; non tamen hoc fit sine detrimento agriculturæ, quippe cum stramina stercorationi agrorum debeantur, præsertim ubi recta straminea non exiguum straminum quantitatem consumunt. Damnum ex lignorum raritate redundans in Remp. graphice delineaturus amplissimum dicendi campum ingrederetur. Quod si solum usum, quem ligna in alendo igne præbent, respicias, majorem certe, quam annonæ deprehendes: neque enim solum sine igne homo vivere nequit, ita ut aqua & igne alicui interdiceret Romanis idem fuerit, ac poena capitali eundem afficere, verum etiam innumera sunt, quibus homines maxime indigent, præsertim si moribus cultioribus vivendum, quæ tamen omnia absque ignis usu perfici minime possunt. Sylvicultura autem absurda videri nequit, propterea quod hætenus non vidimus nisi sponte in sylvis nasci arbores: antequam enim agri-

agricultura esset inventa, frumenta quoque nonnisi sponte nascebantur. Ast seculum nostrum quæstuosum est, non tam avaritia hominum, quam luxu, ut de commodo saltem præfenti cogiteretur, quasi posterorum, præsertim in Rep. inter illa entia referenda, quæ ex distantibus constant (§. 489.), nulla prorsus habenda sit ratio.

§. 729.

Quoniam superiori curæ esse debet, ut ne defit *De ligno-*ficiens lignorum copia (§. 728.), curare vero etiam idem *ram nefan-*tenetur, ne subditi in paupertatem & egestatem incidant, *do pretio* aut prorsus ad mendicitatem redigantur (§. 726.), vel etiam *non augen-*defectu rerum necessariarum sanitati damnum inferant (§. *do.* 715.); *in civitate ferendum non est, ut nulla urgente necessitate ab hominibus quæstus nefandum pretium lignorum augeatur.*

Modo monuimus, lignorum cum annona parem esse necessitatem (*not.* §. 728.). Unde sequitur, ut annonam incendere & lignorum pretium augere paria sint crimina. Illud pro crimine dudum habitum; hoc vero inter crimina nondum relatum, quamdiu lignorum copia abunde suppetebat. Absolum vero non est, ut pretium lignorum nefandum augere quæstus solius causa pro crimine hodie habeatur, cum nunc eidem sit locus, qui antea nullus erat. Ad publicam igitur curam pertinet pretium lignorum æquum determinare, ne lucrum unius, vel paucorum quorundam sit damnum plurimorum. Auget & minuit curam superioris in administranda Rep. tempus, pro diversitate eorum, quæ contingunt.

§. 730.

Similiter cum superiori curæ esse debeat, ne defit *De parsimo-*lignorum sufficiens copia (§. 728.), si vero ligna fiant *nia ligno-*riora & ob raritatem cariora, parce iisdem utendum sit, ne *ram.*abusu magis rarefiant & raritas magis damnosa sit; *ligno ra-*

Aa aa 3

rescense

rescente ad ejus parsimoniam obligandi subditi & tollendus, quantum datur, abusus.

De parsimonia lignorum, præsertim cum indies fiant rario-
ra & ob raritatem cariora, multa apud nos præsertim literis
prodiderunt haud pauci; sed ea hæcenus curæ privatorum re-
liæta. Constat vero quam difficile sit mutari mores, nisi pu-
blica accedat autoritas. Quamobrem omnino necesse est, ut
in re ad Remp. maxime spectante curam suam non desiderari
patiatur superior. Multo amplior hodie, dum ligna indies ra-
rescunt, eorum usus est, quam antea cum abundarent, ut ad
utilitatem præsentem animum tantummodo, sed perperam
attendentes arbores extirparent & sylvas in prata atque agros
converterent. Quamobrem major quoque est necessitas li-
gnis parce utendi & de hac parsimonia omnino cogitandum
iis, quibus Reip. conservatio curæ cordique esse debet. Resp.
non sine prudentia administranda: prudentiæ vero est in de-
cernendis iis, quæ in præsentem facienda, prospicere quoque
illa quæ futura sunt, ne quod prodest in præsentem vel longe
in posterum noceat.

§. 731.

Luxus quid sit. *Luxus dicitur sumptuosior cibi, potus, vestitus & alia-
rum rerum cura.*

Luxum pluribus describere velle, hodie superfluum existi-
mari potest, cum ubivis grassetur, ac indies magis magisque
in eundem effundantur omnes pecunia licet rarefcente.

§. 732.

De damno ex luxu redundante. *Quoniam luxus est sumptuosior cibi, potus, vestitus &
aliarum rerum cura (§. 731.); luxu pecunia dilapidatur, & eidem
dediti in paupertatem atque egestatem incidunt, immo haud pauci
ad mendicitatem rediguntur.*

6 1 2 3

Cum

Cum interfit Reip. ne subditi fiant pauperes atque egeni, & ne ea multos alere cogatur mendicos; multum ex luxu damni in Remp. redundat, quod hodie satis manifestum est & in oculis in currit, modo eos aperire volueris. Inprimis hic probe considerandum, quod luxus doceat nefarias artes alios defraudandi, ut corrodatur pecunia multo luxu dilapidanda: luxus enim, qui vitio verti debebat, laudi ducitur, quæ potior videtur nomine viri boni atque honesti.

§. 733.

Luxus in Rep. tolerandus non est. Luxu enim pecunia De luxu non dilapidatur, & eidem dediti in paupertatem atque egestatem incidunt, immo haud pauci ad mendicitatem rediguntur (§. 732.). Quamobrem cum superiori maxime curæ esse debeat, ne subditi in paupertatem, vel egestatem incidunt, aut ad mendicitatem redigantur (§. 726.); luxus quoque in Rep. tolerandus non est.

Qui de principum redditibus augendis cogitant; luxum minime improbant, immo fovendum esse putant. Enimvero non omnes semper circumstantias satis perpendunt, ob quas contingit ut, dum hoc modo redditus Principum augere student, alio modo iisdem noceant. Et vix præsumitur Princeps velle redditus suos augeri cum dilapidatione pecuniæ subditorum & secuta hinc multorum defraudatione (not. §. 732.). Non urgeo luxum per se esse illicitum, consequenter in Rep. minime tolerandum (§. 456.). Ceterum cum luxus in cibis, potu, vestitu aliisque rebus spectetur (§. 731.); facile patet, non unum esse, quod prohibendum, ut luxus omnis proscribatur.

§. 734.

Reſtori civitatis cura quoque eſſe debet, ne mendicis ac De mendicis deſint ea, quibus ad viſa neceſſitatem indigens. Etenim cis & pauperibus naturaliter obligamur dare mendicis eleemoſynam (§. 220. ribus.

238. *part. 4. Jur. nat.*), itemque egenis (§. 244. *part. 4. Jur. nat.*). Quoniam itaque in constituenda Rep. opera danda, ut qui ad legem naturæ servandam proni sunt juventur, nec ab aliis impediuntur, ceteri autem vi adigantur, ut minimum actus externos ad legem naturæ componant (§. 395.), eleemolyna autem datur ad res necessarias comparandas, aut in rebus necessariis consistit (§. 237. *part. 4. Jur. nat.*); Rectori civitatis curæ quoque esse debet, ne mendicis ac egenis desint ea, quibus ad vitæ necessitatem indigent.

Superior in civitate prospicit salutem omnium promiscue; nemine excepto. Quamobrem curam quoque gerere debet mendicorum atque egenorum, qui alieno auxilio maxime indigent. Et id tanto magis fieri necesse est, tum quod mendicare soleant, qui jus mendicandi minime habent, tum quod ad eleemosynas dandas parum prompti haud raro sunt, qui largiores, quam alii, dare poterant atque debebant. In Rep. vero danda est opera, ut omnia, quantum datur, recte fiant, nec recte prætermittitur, aut negligitur, quod hac in parte a cura superioris expectari potest.

§. 735.

De mendicitate illicita. In Rep. permittendum non est, ut mendicent, qui labore suo tantum acquirere possunt, quantum ad vitæ necessitatem sufficit. Etenim qui labore suo tantum acquirere possunt, quantum ad vitæ necessitatem sufficit, jus mendicandi nulum habent (§. 220. *part. 4. Jur. nat.*), sed iis laborandum est (§. 514. *part. 1. Jur. nat.*), minime vero mendicandum, ut otio illicito fruantur (§. 515. *part. 1. Jur. nat.*). Quamobrem cum superiori curæ esse debeat, ne subditi vitiis sese dedant (§. 456.); in Rep. permittendum non est, ut mendi-

mendicent, qui labore suo tantum acquirere valent, quantum ad vitæ necessitatem sufficit.

Offendimus jam alias, jus mendicandi non competere nisi his, qui vel virium defectu laborare nequit, vel cui, cum laborare vellet, occasio laborandi deest (§. 221. *part. 4. Jur. nat.*). Quando itaque quæritur, num quis labore suo tantum acquirere non possit, quantum ad vitæ necessitatem sufficit; non solum spectanda est laborandi impotentia, verum etiam occasionis defectus. Atque hinc elucescit, quantum interfit, ut cura eleemosynarum superiori relinquatur, cum privatus in casu dubio iudicium de mendicitate relinquere teneatur mendicanti (§. 228. *part. 4. Jur. nat.*), ut haud raro contingat, eleemosynas accipi ab iis, quibus non debeantur, & ex adverso denegari his, qui iisdem maxime indigent, cum miser homo ferre teneatur, si petenti jure a natura sibi concessio eleemosyna denegetur (§. 225. *part. 4. Jur. nat.*).

§. 736.

Quoniam in Rep. permittendum non est, ut mendicent, qui labore suo tantum acquirere valent, quantum ad vitæ necessitatem sufficit (§. 735.), iis tamen, cui vires ad laborandum suppetunt, non semper sese offert occasio laborandi, quo in casu jus mendicandi naturaliter competit (§. 221. *part. 4. Jur. nat.*); si cui sunt vires ad laborandum sufficientes, ne mendicare teneatur, occasio laborandi eidem suppeditanda; aut, si talem per se invenire possit, ad laborem compellendus.

Denuo hinc apparet, quam necesse sit, ut cura eleemosynarum Reſtori civitatis relinquatur: privatus enim quamvis eleemosynam petenti denegare possit, eum tamen ad laborandum compellere & ne aliorum liberalitate abutatur impedire nequit. Labore suo cum unusquisque aliis prodesse debeat,
(Wolſii Jur. Nat. Pars VIII.) Bb bb utpote

urpote qui tendit ad communem utilitatem; si qui laborare potest, mendicare vult, perinde est ac si organum aliquod in corpore nostro functionem suam non obeat.

§. 737.

*De ergastul-
lis.*

Ergastulum appellare lubet locum, in quo opus facere coguntur, qui, cum labore possint, mendicare malunt. Idiomate patrio dicuntur *Zucht- und Arbeit-Häuser*. Quoniam, si cui vires ad laborandum sufficientes, ne mendicare teneatur, occasio laborandi eidem suppeditanda, aut, si talem per se invenire possit, ad laborem compellendus (§. 736.); in *Rep. instituenda sunt ergastula, & in eis ad laborem adigendi, qui, cum laborare possint, mendicare malunt.*

Apud Romanos *ergastulum* dicebatur locus, in quo mancipia deteriora in vinculis opus facere cogebantur. Ast cum apud nos servitus dudum in desuetudinem abierit; *ergastula* in significato Romanorum nullum amplius habent usum. Quoniam vero significatus generalis, qui speciali inest, convenit loco, in quo opus facere coguntur, qui cum laborare possint, nolunt, sed ut in otio vitam transigant mendicando aliis sunt molesti, in quavis autem *Rep.* hoc tolerandum non est (§. 735.); significatus iste generalis a moribus nostris minime abhorret, consequenter cum vocabulo alio destituamur, in eodem quin idem accipere liceat dubitandum non est. Ceterum usus *ergastulorum* apud nos etiam hic est, ut homines nullius frugis in ea detrudantur, & sibi idem opus perficere cogantur, donec ad meliorem frugem redierint.

§. 738.

*De procho-
trophis.*

Prochotrophium dicitur locus, in quo aluntur egeni, qui labore suo ea, quibus ad vitæ necessitatem indigent, acquirere nequeunt, ac destituuntur cognatis, vel amicis, qui indi-

indigentia ipsorum prospiciunt. Quoniam Rectori civitatis curæ esse debet, ne mendicis atque egenis desint ea, quibus ad vitæ necessitatem indigent (§. 734.); *in Rep. instituenda sunt prochorotrophia, & in eis alendi, qui labore suo acquirere non possunt ea, quibus ad vitæ necessitatem indigent, nec aliunde habere possunt.*

Non est quod dicas, his permittendum esse ut mendicent, aut alio modo egestati ipsorum ex eleemosynis publico nomine collectis esse prospiciendum. Etsi enim hoc fieri possit, immo debeat; propterea tamen non tolluntur prochorotrophia cumque facile appareat fieri haud quaquam posse ut omnes, quibus jus mendicandi natura competit, in prochorotrophis alantur, hisce non obstantibus erunt adhuc multi, immo plurimi, quibus vel mendicatio permittenda, aut ex eleemosynis publicis prospiciendum. Negari adeo nequit, in Rep. bene constituta prochorotrophia desiderari minime debere.

§. 739.

Rector civitatis cura habere debet ægros, quibus desunt De cura ad vitam conservandam & sanitatem recuperandam necessaria. ægrotorum. Ægroti, quibus desunt ad vitam conservandam & sanitatem recuperandam necessaria; quamvis si sani essent labore suo acquirere valerent, quæ ad vitæ necessitatem faciunt, omnino accensendi sunt egenis (§. 238. part. 4. Jur. nat.). Quamobrem cum Rectori civitatis curæ esse debeat, ut ne egenis desint ea, quibus ad vitæ necessitatem indigent (§. 734.) & quicquid is ad hoc conferre potest, ut subditi ægroti sanitatem recuperent, ad id faciendum obligetur (§. 715.); idem quoque curæ habere debet ægros, quibus desunt ad vitam conservandam & sanitatem recuperandam necessaria.

Ægroti per se miseri sunt: quodsi paupertas, vel egestas

Bb bb 2

mise.

miseriam auger, eidem opem ferre nolle, plus quam immiseri-
cordiæ est. Ne igitur sint immiserabiles, aliena miseri-
cordia vivere ac sanari debent. Quamobrem Rector civitatis
nihil reliquum facere debet, quod ad miseros istos alendum
& sanandum pertinet. Non est quod dicas, opera mi-
seri-
cordiæ privatis esse relinquenda, quippe qui non modo
naturaliter misericordes esse obligantur, (§. 257. part. 4. *Jur.*
nat.) consequenter a Rectore civitatis ad id compellendi (§.
395.), verum etiam quatenus societatem civilem contraxe-
runt, quæ socii miseriam communem facit. Etenim cum plu-
rima obstant, quo minus singuli faciant, quod est officii sui,
& quod universitatis est, id Rector civitatis curæ habere de-
bet; ad ipsum omnino pertinet, ut curæ habeat ægrotos mi-
serabiles. Non de suo misericors esse tenetur Rector civita-
tis erga eos, qui a morbo, quo laborant, suo sumtu se libe-
rare nequeunt: quæ enim facit qua Rector civitatis non suo
sumtu facit, sed sumtu universitatis, seu publico, cujus quip-
pe nomine id facit. Quamvis enim qua privatus miseri-
cors esse debet (§. 259. part. 4. *Jur. nat.*); facile tamen
patet, officium privatum non extendendum esse ultra id, quod
in potestate est.

§. 740.

*De nosoco-
miis.*

Nosocomium dicitur locus, in quo ægrotantes paupe-
res aluntur & curantur, idiomate patrio ein Kranken-Ho-
spital. Quoniam Rector civitatis curæ habere debet ægro-
tos, quibus desunt ad vitam conservandam & sanitatem re-
stituendam necessaria (§. 739.); in *Rep. nosocomia sunt insti-
tuenda*,

Pertinet huc etiam institutum Fratrum misericordiæ in Ec-
clesia Romana, qui ægrotantes egenos in monasterium suum
colligunt &, ne languoribus atque inedia consumantur, mi-
serorum membra refovent. Huc etiam pertinet institutum
aliorum religiosorum, qui pharmacopolia instruunt, & ex iis
ægro-

ægrotis pauperibus medicamenta a Medico præscripta gratis præbent. Sed de istiusmodi institutis non tam in Jure naturæ, quam in Politica agendum. Ceterum nosocomiis affines sunt domus, in quibus milites invalidi aluntur, ne mendicando vitæ necessitatibus prospicere teneantur, sermone patrii Invaliden-Häuser dictæ. Qui enim universitatis causa valetudinis jacturam fecerunt, his officium universitati præstitum non debet esse damnosum, quin potius hujus est miseriæ ipsorum, quæ prorsus tolli nequit, medelam asserre, quantum licet.

§. 741.

Rectori civitatis curæ esse debet, ut pupilli egeni educen- De cura pu-
tur. Pupillis deesse vires sufficientes, ut labore suo acqui- pillorum
rant ea, quæ ad vitæ necessitatem sufficiunt, per se patet. egenorum.
Et quoniam egeni sunt, nec res necessarias in patrimonio
habent (§. 238. part. 4. Jur. nat.), consequenter iis quoque
sumtibus destituuntur, quos educatio requirit. Quoniam
itaque Rectori civitatis curæ esse debet, ne egenis desint
ea, quibus ad vitæ necessitatem indigent (§. 735.), tum
etiam ut probe educentur liberi, quorum parentes sumtus
necessarios suppeditare ipsis non potuerunt (§. 429.); is
utique curæ habere debet, ut pupilli egeni educantur.

Educatio libetorum magnum momentum affert ad salutem
Reip. ut ideo ejus interfit, ne negligatur, aut parum diligen-
ter curetur. Pupilli personæ miserabiles sunt, & absque ope
aliena sibi metipsi consulere nequeunt. Quodsi fuerint egeni,
miseria ipsorum augetur inopia. Quamobrem si nemo sit,
qui opem ferat, miseris pereundum foret. Crudelitatis ita-
que foret eos negligere. Quod vero universitatis sit, conse-
quenter ad Rectorem civitatis pertineat eorum miseriam sub-
levare, abunde intelligitur per ea, quæ paulo ante annota-
vimus.

Bb bb 3

§. 742.

§. 742.

De orphanotrophis.

Orphanotrophium est locus, in quo educantur pupilli egeni. Idiomate patrio dicuntur *Waisen-Häuser*, itemque *Kinder-Hospitäl*. Quoniam Rectori civitatis curæ esse debet, ut pupilli egeni educantur (§. 741.); *in Rep. orphanotrophia condenda sunt*. Et quoniam perinde est, si vel liberi fuerint parentibus orbi, consequenter pupilli (§. 840. *part. 7. Jur. nat.*), siue parentes sint adeo pauperes, ut sumtus in educationem liberorum facere nequeant; *in orphanotrophia etiam recipiendi sunt liberi parentum paupertate pressorum*.

Non hic agimus de iis, quæ pertinent tum ad pupillos in orphanotrophis educandos, tum ad eos, qui educationi eorum præsumt. Quamvis enim Jus naturæ, sicuti omnes actus humanos, ita etiam institutionem orphanotrophiorum regat, & in iis singulis officia sua præscribat; ad particularia tamen istiusmodi descendere non licet: id quod etiam de ergastulis, ptochotrophis, aliisque institutis publicis tenendum. Sufficit nos in Tomis anterioribus demonstrasse principia, unde talia sunt derivanda, & eum, qui animum advertit ad ea, quæ ex officiis lege naturæ præscriptis deduximus, non ignorare modum, quo illa hinc sint derivanda.

§. 743.

De liberis pauperibus absque parentum sumtu instituendis.

Si parentes equidem habeant, unde de alimentis prospicere possunt liberis suis, ast sumtus facere nequeunt, ut instituantur in iis, quorum notitia iis necessaria; in Rep. curandum, ut absque parentum sumtu instituantur. Etenim in Rep. non modo curandum, ut liberi absque sumtu parentibus oneroso instituantur in iis, quorum notitia ipsis necessaria atque utilis, verum etiam negligendi non sunt illi, quorum parentes sumtus necessarios suppeditare non possunt (§. 429.). Quoniam
ergo

ergo negligendi essent, nisi gratis instituerentur, quod per se patet; in Rep. curandum est, ut absque parentum sumtu instituantur.

Gratuita liberorum egenorum institutio species eleemosynæ est, cum ejus eadem sit necessitas, quæ alimentorum: hæc enim faciunt ad vitam animale, illa vero requiritur, ut vitam hominis vivere possis. Pueri itaque & puellæ sumtu publico educandi alimentariis æquiparantur. Horum cum curam gerere debeat Rector civitatis (§. 741.), quidni etiam illorum?

§. 744.

Schola pauperum dicuntur, in quibus gratis instituuntur pueri atque puellæ in iis, quorum notitia ipsis necessaria ac utilis. Quoniam ut hoc fiat, in Rep. curandum (§. 743.); in Rep. *scholæ pauperum sunt instituenda.* Vocantur hæc etiam *Schola pia*, idiomate patrio Armen. *Schulen*. Ex quia in orphanotrophiis pueri atque puellæ similiter instituuntur in iis, quorum notitia ipsis utilis ac necessaria (§. 648. part. 7. Jur. nat. & §. 743. h.); *Schola pauperum cum orphanotrophiis conjungenda.*

Orphanis æquiparantur liberi quoad institutionem quorum parentes in eandem sumtus facere nequeunt, cum pesinde sic ac si carerent parentibus eorumque præsidio ac ope. Quamobrem a fine orphanotrophiorum minime abhorret, ut liberi pauperum in iis gratuita fruantur institutione. Idem vero, quatenus carent didactro, componuntur egenis, quibus jus mendicandi, consequenter eleemosynam petendi (§. 53. part. 4. Jur. nat.), naturaliter competit (§. 244. part. 4. Jur. nat.). Solvere igitur pro ipsis didactum idem est ac eleemosynam dare.

§. 745.

§. 745.

De promiscua mendicandi libidine non toleranda.

In Rep. promiscua mendicandi libido non toleranda. Permittendum enim non est, ut mendicent, qui labore suo tantum acquirere possunt, quantum ad vitæ necessitatem sufficit (§. 735.), sed quibus sunt vires ad laborandum sufficientes iis occasionem laborandi suppeditare, aut, si talem per se invenire possunt, eos ad laborem compellere debemus (§. 736.). Cumque naturaliter nemini liceat plus mendicare, quam quantum ad vitæ necessitatem sufficit (§. 226. part. 4. Jur. nat.); nec permittendum ut quis ultra id eleemosynas corrodat in præjudicium aliorum egenorum & cum molestia dantium. Curandum tamen mendicis atque egenis, ne defint ea, quibus ad vitæ necessitatem indigent (§. 734.). Quamobrem cum admissa promiscua mendicandi libidine fieri haud quaquam possit, ut eleemosynæ rite distribuantur, & illi eas accipiant, quibus debentur, nec plures accipiant, quam debentur, quod per se patet; in Rep. promiscua mendicandi libido toleranda non est.

Clarissime hinc perspicitur, quam sit necesse, ut eleemosynarum distributio curæ publicæ demandetur, & eleemosynarii constituantur.

§. 746.

De poenis mendicationis illicitæ.

Quoniam in Rep. promiscua mendicandi libido non toleranda (§. 745.), qui vero faciunt, quæ in Rep. permittenda non sunt, poenis coercendi (§. 647.); si qui mendicant, aut eleemosynas petunt, qui jus mendicandi non habent, eos punire licet; multoque magis eos, qui miseriam simulant, præsertim si crimen falsi accedat, seu falsis literis utantur ad fidem faciendam assertioni suæ, sive mendacio.

Amori

Amori universali omnium erga omnes & societati quoque civili maxime convenit, ut indigentiam egenorum sublevent illi, quibus fortuna opes dedit. Nemo tamen sua culpa carere debet iis, quæ ad vitæ necessitatem faciunt. In Rep. igitur constituenda curæ quoque habendum, ne sint mendici, qui ostentim eleemosynas colligere tenentur. Ideo Moses in Rep. Hebræorum constituit, ne inter eos sint mendici, & mendicationem sustulit. Quam molesta sit promiscue permessa mendicandi libido, satis experiuntur omnes, ubi ea non coercetur, & quam parum ea conveniat amori universali & societati civili, abunde intelligunt, qui perpendunt, quod eleemosynas corrodant indigni, neglectis haud raro iis, qui easdem maxime merebantur, & otio diffuant, qui laborare debebant, tandemque nihil agentes male agere discant, immo mendicando viam ad furta sternunt. Crimen falsi potissimum committitur simulando damna ex incendiis: quales mendici recte furibus æquiparantur, non solum quatenus surripiunt, quod naturaliter egenis debetur, verum etiam quatenus error, in quem dolose inducunt alios, dat causam eleemosynis. Durum itaque videri minime debet, si prava mendicandi libido poenis coercetur.

- §. 747.

Cavendum est in Rep. ne subditi nimis eleemosynis onerentur. Etenim superiori curæ esse debet, ne subditi in paupertatem, vel egestatem incidant, aut ad mendicitatem redigantur (§. 726.). Quamobrem cum eleemosynæ nimix exhauriant opes subditorum, facile contingit, ut multi in paupertatem, vel egestatem incidant, aut tandem ipsi ad mendicitatem redigantur. Cavendum igitur est in Rep. ne subditi nimis eleemosynis onerentur.

Erunt forsitan nonnulli, qui existimaturi sunt, superioris nullas esse hac in re partes. Enimvero plures sunt, quam videri
 (Wolff Jur. Nat. Pars VIII.) Cc cc deri

Nocent his usuræ lege concessæ, prouti indies videmus, consequenter multo majus damnum asserunt immodicæ, five ut tales exigantur, five in fraudem legis sub alio titulo præstentur. Quibus damna ex immodicarum & alias illicitarum usurarum exactiione emergentia non ignota sunt; is haud difficulter perspiciet, usurariam pravitatem inter ea, quæ in Rep. toleranda non sunt, haud postremum sibi vindicare locum, præsertim cum lucri cupido, quæ plurimorum animos obsedit, facile eandem persuadeat hominibus a charitate alienis. Quamvis enim charitas hominibus omnibus communis atque familiaris esse debebat; vix tamen ea quicquam aliud rarius est.

§. 749.

Quoniam usuraria pravitas in Rep. non permittenda *De poena* (§. 748.), quæ vero permittenda non sunt, poenis coër-*usuraria* cenda (§. 647.); *Superior non modo quantitatem usurarum de pravitatis* finire debet, verum etiam eis majores, aut etiam in casu prohibito *Usurarum* alias permissas exigentes punire.

quantitate
definienda.

Difficile est in genere determinate, quantæ usuræ justæ esse debeant, vi eorum, quæ in parte quarta de usuris licitis ac illicitis demonstravimus (§. 1407. & seqq. part. 4. Jur. nat.). E. gr. apud nos usuræ quincunces legitimæ sunt, constat tamen fructus ex prædiis percipiendos non æquiparari hisce usuris. Quodsi ergo quis pecuniam alienam in usum prædii sui vertere cogatur, is eadem non tantum lucratur, quantum pro ejus usu solvere tenetur, consequenter usuræ quincunces in hoc casu naturaliter illicitæ sunt (§. 1407. part. 4. Jur. nat.), præsertim si reditus prædii possessori alendo vix sufficiant, quamvis in casu alio naturaliter exigi liceret istis majores. Videbimus tamen deinceps fieri non posse, ut rigor juris naturalis in Rep. stricte observetur, sed tolerandum subinde, quod iniquum, nisi subditi sua sponte æqui esse velint, instar zizaniorum, quæ penitus evelli sine majore damno, quod frugibus datur, nequeunt. Videndum tamen, ne plura tolerantur,

quam quæ tolerari necesse est. Cumque nihil magis ab omni humanitate alienum sit, quam usurariam pravitatem exercere in pauperes, præsertim a ditioribus; in hoc casu tanto severius animadvertendum in acerbissimos foeneratores.

§. 750.

*De pecunia
usu opifici-
bus prolevi-
bus usuris
comparan-
do.*

Opera danda est in Rep. ut opifices, qui aliena pecunia indigent, ea tamen vix tantum acquirere possunt, quantum valent usura legitima, seu lege definita, usum illius pro levioribus usuris accipere queant. Per se patet, interesse Reip. ut opifices in opificio suo sint diligentes, consequenter si aliena pecunia indigeant, ne ejus usu destituantur. Quoniam vero usura illicita sunt, quæ excedunt lucrum pecuniæ alienæ usu faciendum (§. 1407. part. 4. Jur. nat.), nec in Rep. permitendum sit, ut cives ad paupertatem, vel egestatem redigantur (§. 726.); si qui opifices aliena pecunia indigent, ea tamen vix tantum acquirere possunt, quantum valent usura legitimæ, opera omnino danda est, ut usum pecuniæ alienæ pro levioribus usuris accipere valeant.

Non est quod existimes hic præcipi, quæ ad praxin transferri nequeunt. Etenim non deerunt multi, præsertim locupletiores, qui levibus usuris contenti sunt, modo de sorte sint securi. Quamobrem institui potest ærarium publicum, in quod pro levibus usuris confertur pecunia, unde deinceps administratores prospiciunt indigentia opificum. Immo quidni pluribus persuadeat charitas, ut sine usuris in idem conferant nummos suos, quos inde recipere possunt, quando iisdem ipsimet indigent. Quænam vero de ærario istiusmodi publico sint constituenda, ea ad prudentiam civilem pertinent.

§. 751.

De dilapidatione bono-

In Rep. tolerandum non est, ut cives bona sua dilapident.
Qui

Qui enim bona sua dilapidat, abusu ea imminuit (§. 459. *part. 2. Jur. nat.*), consequenter tandem in paupertatem, *leranda*. immo egestatem incidit (§. 238. *part. 4. Jur. nat.*). Quamobrem cum superiori maxime curæ esse debeat, ne subditi in paupertatem vel egestatem incidant (§. 726.); in Rep. tolerandum non est, ut cives bona sua dilapident.

Equidem naturaliter unicuique permittendus rerum suarum abusus (§. 169. *part. 2. Jur. nat.*), consequenter etiam in statu naturali nemo impedire potest, ne quis bona sua dilapidet; non tamen inde sequitur, idem nec licere in statu civili. Etenim in civitate libertas naturalis singulorum restringitur quoad eas actiones, quæ ad bonum publicum promovendum faciunt (§. 47.), consequenter quatenus respectum quendam ad Remp. habent. Interest autem Reip. ne cives fiant pauperes, vel egeni.

§. 752.

Quoniam prodigus plures & majores facit pro fa- *De curatore* cultate patrimonii sui expensas, quam quas officium aliquod *prodigorum*. erga seipsum, vel erga alios exigit (§. 385. *part. 4. Jur. nat.*), adeoque dominio suo abusus (§. 168. *part. 2. Jur. nat.*), bona dilapidat (§. 459. *part. 2. Jur. nat.*), in Rep. vero tolerandum non est, ut cives bona sua dilapident (§. 751.); *prodigalitas in Rep. non ferenda*, consequenter *prodigis administratio bonorum suorum adimenda & curator dandus, qui administrat*.

Prodigis recte datur curator Jure Romano: id enim convenit æquitati naturali. Constare autem debet de prodigalitate, antequam dari possit. Quare si curatorem dari petunt agnati, vel cognati; prodigalitem probare tenentur.

§. 753.

Similiter quoniam in Rep. tolerandum non est, ut *Quiniam* *lar* cives

di sint pro- cives bona sua dilapident (§. 751.), constat autem ludendo
hibenda. haud paucos bona sua dilapidare; in *Rep. prohibendi sunt la-*
di, quibus bona dilapidantur.

Istiusmodi ludus est, qui Gallis *Bassette* dicitur, & qui in
 ejus locum successit *l'barao*, qui ludi nil habent, quod delectet,
 sed saltem insidias struunt pecuniæ alienæ.

§. 754.

De nimio Quoniam ludi sunt prohibendi, quibus bona dilapi-
lucro ex lu- dantur (§. 753.); ideo non permittendum, ut quis lucrum capiat
dis. ex ludis, quibus bona dilapidantur, seu ut ex iis fiat locupletior
 consequenter ferendum non est, ut ludo de lucro nimio, paupertatis
 & egestatis causa, contendatur (§. 365. part. 5. Jur. nat.).

Controversia agitur inter JCtos, utrum ex ludo concedenda sit actio in foro, nec ne. Quoniam naturaliter permittendus est etiam domini abusus (§. 169. part. 2. Jur. nat.), & contractus lusorius omnis jure externo in se illicitus non est, modo hoc dare vel facere lege naturali non sit prohibitum (§. 357. part. 5. Jur. nat.); si lege civili contrarium non sancitum, quod ex ludo debetur, solvendum, & per consequens ratio nulla est, cur actio in foro ad consequendum id, quod debetur, non sit concedenda. Enimvero si ludi fuerint prohibiti lege civili, vel lucrum, quod ex iis sperare licet, ad certam quantitatem restrictum, in casu priori deneganda est actio in foro, in posteriori non concedenda nisi quoad quantitatem lege spectatam, salva tamen poena propter legis transgressionem irroganda. Quoniam tamen in *Rep.* prodigalitas non permittenda, ita ut prodigis adimenda sit bonorum administratio & dandus curator, qui administret (§. 752.); Reip. bene constitutæ parum convenit, ut ad consequendum id, quod ex ludo debetur, actio in foro concedatur, præsertim si in dando ludentes naturali libertate abutantur, quæ contractum luso.

lulorium tuctur (§. 356. 357. part. 5. Jur. nat.). Ceterum si quæras, quodnam lucrum sit nimium; haud difficulter responderetur, si consistat in pecunia, qua quis ad res necessarias, ac utiles sibi comparandas indiget, vel ad prospiciendum futuræ vitæ necessitati: id enim legi naturali repugnat (§. 365. part. 5. Jur. nat.) & curæ quoque superiori in statu civili incumbenti (§. 726. b. & §. 238. part. 7. Jur. nat.). Er huc omnino respiciendum, si vel certa lucri ex ludo capiendi quantitas determinanda, vel certis personis ludi omnes prohibendi (§. 367. part. 5. Jur. nat. §. 395. b.).

§. 755.

Similiter cum lotaria, olla & rota fortunæ æquiparentur ludis fortuitis (§. 320. 336. 337. 353. part. 5. Jur. nat.), & spes lucri facile imponat hominibus tenuioris fortunæ, ut pecuniam, qua ad res necessarias sibi comparandas maxime indigent, alex committant, consequenter dilapident (§. 459. part. 2. Jur. nat.); ludi autem, quibus bona dilapidantur, permittendi non sunt (§. 753.); ideo nec lotaria, nec olla fortuna, nec rota fortuna in Rep. bene constituta permittenda, nisi boni publici causa, quod aliter promoveri nequit, lotaria concedantur (§. 24. 25.).

Lotiarum hodie frequentissimarum maximus abusus est, qui in detrimentum Reip. cedit, cum homines tenuioris sortis spe lucri ad dilapidandam pecuniam, qua maxime indigent, adducantur, multum pecuniæ in regiones peregrinas mittatur, pro qua nihil recipitur. Nemo negare potest, id non fieri sine manifesto Reip. detrimento. Quamvis itaque lotiarum deusus fini civitatis conveniens, ac ideo non improbandus; non tamen propterea lotariæ promiscue sunt permittendæ, & usus earum, quantum datur, ita restringendus, ne facile deneret in abusum, aut, si a priori fieri debeat denominatio, magis abusus, quam usus dici mereatur. Dico, quantum datur:

tur: neque enim concipi potest ulla Resp. quæ absque omni injuria administratur. Reip. omni ex parte perfectæ nonnisi in utopia locus est. Id tamen minime obstat, quo minus ea cognoscamus, quæ ad perfectionem Reip. pertinent, ut ad eam contendamus, ne quid deficiat culpa nostra. Olla autem ac rota fortunæ ad publicam utilitatem nihil prorsus confert & lucra plerumque in rebus consistunt, quas emere noller, qui eas lucratur, & infidias ut plurimum struunt hominibus tenuioris sortis, qui cani apud *Æsopum* frustum carnis perenti, dum umbræ inhiat, assimilantur,

§. 756.

*Lusor & aleator qui-
nam dica-
tur.*

Lusores dicuntur, idiomate patrio *Spieser*, qui lusum tanquam artem exercent; in specie autem *aleatores* appellantur, qui aleam tanquam artem exercent. Quoniam hominibus laborandum est (§. 514. part. 1. *Jur. nat.*), consequenter labore suo unusquisque acquirere debet pecuniam, qua res, quibus indiget, sibi comparet; *lusorum non est vita genus honestum* (§. 968. part. 1. *Jur. nat.*).

Convenit hoc notionibus hominum communibus. Inde nimirum est, ut lusores & aleatores vulgo male audiant, & communis hominum opinio labem quandam famæ ipsorum adspersit.

§. 757.

*De lusori-
bus non so-
lerandis.*

Quoniam lusores & aleatores lusum & aleam tanquam artem exercent (§. 756.), consequenter pecuniæ aliorum inhiantes præsertim imperitos & incautos defraudare student & istiusmodi ludos eligunt, in quibus ipsis est major spes lucrandi, quam perdendi metus, immo de lucro nimio contendere solent, ut ea de causa multos ad pecuniam dilapidandam seducant, tolerandum vero non sit, ut unus alterum

alterum fraudet (§. 537.) & ut ludendo pecunia dilapidetur (§. 753.), immo ad laborem compellendi, qui, cum possint, laborare nolunt (§. 514. *part. 1. Jur. nat. & §. 395. h.*); *lufores & aleatores in Rep. tolerandi non sunt.*

Tolerandum non est, ut cives pecuniam dilapident (§. 751.), nec fraudi faciendus locus (§. 537.). Proscribendum igitur e Rep. est vitæ genus, quo non aliud intenditur, quam ut pecunia dilapidetur, ac alii defraudentur. Neque enim sufficit, ut incauto nebulas offundat lucri cupido, ne prævideat damnum, quod incurrit, immo ne videat periculum, cui pecuniam exponit, nec fraudem lusoris advertat, qua eidem insidiatur. Præcavendum omnino est, præsertim cum hoc facillime fieri possit, ne sero nimis cum damno suo sapere discant, qui tempestive sapere nolunt. Convenit maxime naturæ societatis civilis, quæ omnium eandem contrahentium facultates naturales animæ atque corporis unit, aut, si malis, communes facit, ut intellectus eorum, qui sapiunt, suppleat defectum illorum, qui per se sapere nequeunt.

§. 758.

Superiori cura habendum, ut pupillis sint tutores, qui De cura suorum educationem diligenter curant & eorundem bona fideliter perioris curæ diligenter administrant. Etenim superiori curæ esse debet, ut liberi, consequenter etiam pupilli (§. 840. *part. 7. Jur. nat.*) probe educantur (§. 429. *h. & §. 255. part. 7. Jur. nat.*), cumque ferendum non sit, ut quis ab altero fraudetur (§. 537.), & præcavendum ne quis in paupertatem, vel egestatem incidat, aut ad mendicitatem redigatur (§. 726.), pupilli autem bona sua per se administrare nequeant, illi etiam curæ esse debet, ut bona pupillorum fideliter administrentur. Quoniam itaque tutorum est pupillos educare & bona eorundem administrare fideliter ac diligenter (§. 850. *part. 7. Wolfii Jur. Nat. Pars VIII.*)

Dd dd

Jur.

Jur. nat.); superiori omnino curæ habendum, ut pupillis sint tutores, qui eorum educationem diligenter curant eorundemque bona fideliter atque diligenter administrant.

Pupilli, cum orbi sint parentibus, quos ipsa natura ducit ad eos educandum & fortunatos efficiendum, miseratione digni sunt, quod parentibus orbi fuerint, antequam essent educati & fortunæ ipsorum ab illis prospectum fuisset. Plus igitur quam inhumanum foret, nisi in societate civili universitas causam eorum suam faceret, consequenter superior, penes quem jus universalitatis est, eorum curam in se susciperet. Non suæ tantum utilitatis causa homines in civitatem coiverunt; verum etiam liberis suis non minus, quam sibi prospicere voluerunt. Obligationi itaque, qua universi tenentur singulis (§. 28.), etiam inest cura pupillorum. Quod igitur pupilli per se facere nequeunt, sed per alios fieri necesse est, id ut recte fiat curæ superioris relictum.

§. 759.

*Eo disertius
explicatur.*

Quoniam superiori curæ habendum, ut pupillis sint tutores, qui eorum educationem diligenter curant & eorundem bona fideliter administrant (§. 758.); *ad tutelam administrandam admittendi non sunt, nisi persone, quæ educationem pupillorum diligenter curare eorundemque bona fideliter administrare valent, & ut numeri suo satisficiant omni cura dispiciendum, consequenter tutores testamentarii & legitimi prævia cognitione confirmandi, antequam administrationi se submittant &, si tales desint, vel satis tuto tutelam illis demandari non posse appareat, publica auctoritate dandi idonei.*

Paucis hic multa comprehenduntur, ex quibus ea facile deducuntur, quæ de tutela constituenda sunt in civitate tum quoad ejus declarationem, tum quoad administrationem.

§. 760.

§. 760.

Magistratus tutelaris sunt personæ, quibus publico *De magi-*
nomine omnis cura tutelarum committitur. Quamobrem *stratu tute-*
magistratus tutelaris est *inquirere, num tutores testamentarii & le-*
giti sint idonei, & *his deficientibus dare tutores, nec non dispicere,*
num tutores tutelam rite administrant, & curare, ut hoc faciant.
 Jure Romano *tutores* a magistratu dati dicuntur *dativi*, qui
 significatus quoad statum civilem etiam in Jure naturæ reti-
 neri potest. Patet autem, *magistratum tutelarem esse tutorem*
superiorem, cui ceteri subsunt. Idiomate Germanico colle-
 gium illarum personarum, quæ tutelarum curam publicam
 gerunt, vocatur *das Vormundschafft-Ampt.*

Necessitatem magistratus tutelaris colligere licet ex iis, quæ
 paulo ante annotavimus (not. §. 758.). Facile autem patet
 magistratum hunc munere suo recte fungi debere, ut pupillis
 satis sit prospectum.

§. 761.

In Rep. cura habendum, ut, qui bene de eadem merentur, De honoran-
a ceteris honorentur. Quoniam enim unusquisque alterum *dis iis, quib-*
tanti existimare debet, quanti meretur (§. 647. *part. 1. Jur. bene de Rep.*
nat.), consequenter agnoscere perfectionem alterius (§. 538. *merentur.*
part. 1. Jur. nat.), adeoque virtutes intellectuales atque mo-
 rales, quibus instructus est (§. 548. *part. 1. Jur. nat.*); si
 qui de Rep. bene merentur, ceteri ejus merita agnoscere &
 propter ea honorare eosdem debent. Quamobrem cum in
 Rep. opera danda sit, ut singuli minimum actus externos ad
 legem naturæ componant (§. 395.), honor autem in acti-
 bus externis consistit (§. 538. *part. 1. Jur. nat.*); in Rep.
 curæ habendum, ut, qui bene de eadem merentur, a cete-
 ris honorentur.

Honor hic tanto magis debetur, quanto certius est eos, qui de Rep. bene meretur, bene mereri de singulis ejus membris, etsi diverso modo. Alii enim consulunt universis, alii vero coetui cuidam in specie, ita ut universus istiusmodi personarum ordo de singulis bene mereatur, consequenter personæ istæ ab aliis honorandæ propter earum merita in se & propter merita universi ordinis, in quo sunt, in singulos. Ita e. gr. pastor ecclesiæ meretur honorem propter merita in ecclesiâ particularem, in qua munere suo fungitur, meretur vero etiam honorem propter merita totius ordinis ecclesiæ ministrorum in universos. Ideo Apostolus 1. Tim. V, 7. Qui bene præfunt, ait, presbyteri, duplici honore digni habeantur, nimirum primo, quia bene præfunt, secundo autem, quia sunt in ordine presbyterorum, per se honore digno, consequenter propter munus, quo funguntur.

§. 762.

*De honore
ob merita in
Remp. deter.
minando.*

Quoniam in Rep. curæ habendum, ut, qui bene de eadem merentur, a ceteris honorentur (§. 761.), nemo autem ob merita in Remp. alterum honorare potest, nisi qui verum de iis judicium ferre valet (§. 540. part. 1. J. nat.), ut vero merita in Remp. agnoscantur & rite æstimentur a singulis, fieri haud quaquam potest; ideo in Rep. determinandi sunt actus externi, quibus honor ob merita in Remp. exhibetur bene de eadem merentibus a ceteris (§. 538. part. 1. J. nat. & §. 395.).

Haud difficile intelligitur, fieri non posse, ut singuli merita aliorum in Remp. distincte agnoscant &, prouti par est, æstiment, consequenter unumquemque, qui de Rep. bene meretur, tanti æstiment, quanti meretur. Qui vero per se de re aliqua judicare nequit, is stare tenetur judicio aliorum. Quamobrem subditi acquiescere debent in judicio superioris de meritis in Remp. Hoc autem supposito, quæritur, quibusnam actibus externis judi-

judicium istud significare debeant, ut honorem debitum bene merentibus exhibeant. Necessè igitur est, ut superior eosdem determinet, cujus ideo standum est voluntate, quemadmodum statur ejusdem judicio. Per se enim patet, actus istos externos, in quibus honor consistit, judicio illo niti (§. 538. *part. 1. Jur. nat.*).

§. 763.

Tituli vocantur vocabula, quibus significatur præcellentia cujusdam supra alios ob merita in Remp. Idiomate patrio dicimus *Titul.* Huc pertinet, quod nomina, quibus certum in Rep. munus designatur, tribuantur aliis, qui hoc munere non funguntur, ut indicetur, ipsos quoad merita singularia iis æquiparari, qui funguntur.

Titulos definimus, quales esse debent, insuper habito abusu, cujus ratio habenda in Jure naturæ non est, in quo nimirum veritati unice litatur, & titulorum usus, non abusus demonstratur.

§. 764.

Tituli & præcedentia sunt modi apti ad honorem bene de Rep. merentibus a singulis exhibendum. Etenim titulis significatur præcellentia supra alios propter merita in Remp. (§. 767.) & præcedentia est jus prioritatis in ordine a pluribus *scilicet* simul observando (§. 104. *part. 1. Jur. nat.*). Quamobrem cum titulos alteri tribuendo & præcedentiam in conventionibus concedendo significetur, nos merita ipsius in Remp. agnoscere ac de iis stare judicio superioris, consequenter eidem honorem, quem judicio superioris meretur, exhibeamus (§. 538. *part. 1. Jur. nat.*); tituli & præcedentia sunt modi apti ad honorem bene de Rep. merentibus a singulis exhibendum,

D d d d 3

Nimi-

Nimirum si tituli & præcedentia determinantur pro diversitate meritorum in Remp. singulis, qui de ea bene merentur, vel etiam certo cuidam ordini convenientes; eo ipso docetur, quomodo ob merita in Remp. unusquisque sit honorandus. Signa, quæ significatum fixum ac determinatum habent, referri nequeunt inter inania, quasi tituli sint vocabula nihil significantia & præcedentia nihil habeat realitatis, consequenter in titulis & præcedentia honor non consistat verus, sed saltem putativus. Id enim tum demum verum est, si tribuuntur non merentibus, in quo abusus consistit usum minime tollens.

§. 765.

In quo dignitas civilis consistat.

Quoniam tituli & præcedentia sunt modi apti ad honorem bene de Rep. merentibus exhibendum (§. 764.), in hoc autem honore præcellentia supra alios consistit, qui nimirum eodem carent, & præcellentia hæc dignitas civilis est (§. 205.; *dignitates civiles in titulis & præcedentia consistunt.*

Confunduntur subinde munera Reip. cum dignitatibus civilibus, quia hæc istis adhærent inseparabiliter, ita ut qui munere fungitur, dignitate, quæ illam comitatur, fruatur. Sed quæ diversa sunt, ea a se invicem distinguenda.

§. 766.

Quibusnam dignitates civiles conferenda.

Dignitates civiles non conferenda sunt nisi meritis. Consistunt enim in titulis & præcedentia (§. 765.). Quamobrem cum tituli significant præcellentiam supra alios ob merita in Remp. (§. 763.), ut sint modi apti una cum præcedentia ad honorem bene de Rep. merentibus a singulis exhibendum (§. 764.), unicuique autem honor exhiberi debet, quem meretur (§. 648. *part. 1. Jur. nat.*); dignitates civiles non sunt conferendæ nisi meritis.

Ponamus dignitates civiles conferri absque meritis.
Quo-

Quoniam in titulis & præcedentia consistunt (§. 765.); tituli & præcedentia non amplius erunt signa præcellentiæ supra alios ob merita in Remp. ideoque desinunt esse modi apti ad honorem exhibendum bene de Rep. merentibus a singulis, prouti ex demonstratione anteriori (§. 764.) clarius elucescet. Erunt itaque dignitates civiles prorsus inutiles & nonnisi arrogantiam fovere aptæ (§. 566. *part. 1. Jur. nat.*), quæ cum sit vitium (§. *cit.*), a vitiis autem revocandi sint subditi (§. 456.), consequenter non ad eadem incitandi; dignitates civiles conferri non debent nisi meritis.

Arrogantia vitium est, quod plurimum nocet Reip. si præsertim publice foveatur. Ut enim alia taceamus, si dignitates civiles conferantur immeritis; arrogantia luxum parit, in Rep. minime tolerandum (§. 733.); utpote eidem maxime insensum. Quodsi dignitates civiles conferantur absque meritis, necesse est, ut vilescant, & his superbientes eridentur ab iis, qui rectius sapiunt, præsertim exteris. Accidit hoc imprimis, si nomina munerum, quibus dignitates adhærent, convertantur: in titulos, ut iis superbiant homines, quorum non sunt paria merita cum illis, qui muneribus istis funguntur. Arrogantes non modo sibi persuadent, se his esse paræ, verum etiam ab aliis tales haberi prætendunt: id quod in contemptum ipsorum munerum vergit, cum dignitas illorum, qui hisce funguntur, simul vilescat, consequenter hi priventur honore, quem habere debebant, ut habeant alii, qui eam in contemptum adducunt. Non existimandum est, dignitates civiles sola hominum opinione niti & ab ea accipere naturam suam, seu, ut clarius loquar, determinationes essentielles ab ea esse perentias: id enim tum demum obtinet, ubi abusu promiscue conferuntur cuilibet, quem arrogantia compellit ad eas petendas, contrarium vero abunde patet ex iis, quæ hæcenus dicta sunt. In Rep. bene constituta ratio regit omnes actus, nec reus admittitur, nisi quod ex fine civitatis vi principiorum Juris naturæ

naturæ legitime deducitur. Pseudopolitici sunt, qui aliter sentiunt, nec salutis publicæ consulunt, sed officiunt.

§. 767.

De dignitatibus civilibus & titulis venalibus.

Quoniam dignitates civiles non conferendæ sunt nisi meritis (§. 766.), promiscue vero ad easdem patet aditus, si fuerint venales, seu certa pecuniæ summa soluta obtineri possint; *dignitates civiles, consequenter tituli (§. 765.) non debent esse venales.*

Sunt equidem qui existimant medium aptum esse ad locupletandum fiscum vendere titulos. Sed in Rep. bene constituta fiscus augendus non est modo salutis publicæ adverso & contra nitente Jure naturæ, quod reverenter habendum in omnibus, quæ in Rep. & Reip. causæ sunt. Pertinent huc, quæ modo de Pseudopoliticis annotata sunt (not. §. 766.). Resp. bene constituta non fert actus contradictorios in exercitio imperii, nec ita prospiciendum est bono publico, ut dum prodis in parte una, noceas in altera. Multa circumspectio ne opus est, ut quid expediat in Rep. rite dijudices. Qui bonum publicum non ex omni parte cognoscunt, iis facile imponit ratio a parte una desumpta: neque enim perspiciunt indivisum nexum, quem partes omnes inter se habent. Actus, in quibus exercitium imperii consistit, ita inter se connectuntur, ut unus dependeat ab altero, consequenter si unus vitiosus fuerit, contagium inde trahat alter, & idem continuo etiam ad alios serpat, ac difficile tandem sit fontem malorum perspicere. Quamobrem hic maxime valet illud pervulgatum, principii esse obstandum.

§. 768.

De usu dignitatum civilium.

Dignitates civiles debent esse premia meritorum insignium in Rep. Consistunt enim in titulis & præcedentia (§. 765.) & per titulos significatur præcellentia supra alios ob merita
in

in Remp. (§. 763.), cumque præcedentia consistat in jure prioritatis in ordine a pluribus simul observando (§. 104. *part. 1. Jur. nat.*), hac ipsa significatur, quod supra alios meritis in Remp. excellat. Quamobrem si ob merita insignia in Remp. dignitates civiles a superiori conferuntur, ad quas conferendas nemini perfecte obligatur, ita ut eas exigere possit, quod per se patet; dignitates civiles spectantur tanquam præmium meritorum insignium in Remp. (§. 295. *part. 1. Phil. pract. univ.*) Quoniam itaque dignitates civiles non conferendæ sunt nisi meritis (§. 766.); dignitates civiles debent esse præmia meritorum insignium in Remp.

Interest Reip. ut ad præclara in Remp. merita incitentur illi, quibus sunt vires sufficientes ad præclare de Rep. merendum. Motivis itaque opus est (§. 889. *Psych. empir.*), consequenter præmiis (§. 296. *part. 1. Phil. pract. univ.*), sine quibus non concipitur civilis obligatio ad præclare de Rep. merendum (§. 301. *part. 1. Phil. pract. univ.*). Præmia non consistunt nisi in pecunia & honore. Gloria stimulus est ad præclara præstanda absque ulla spe lucrì (§. 771. *Psych. empir.*), & qui gloria ducuntur, ii sunt, qui præclare de Rep. mereri student. Placet his benignum aliorum de se judicium (§. 772. *Psych. empir.*), ac per consequens honor alit studium bene de Rep. merendi. Quamobrem cum tituli & præcedentia, consequenter dignitates civiles (§. 765.), sint medium aptum ad honorem bene de Rep. merentibus a singulis exhibendum (§. 764.); præmia meritorum egregiorum in Remp. meliora concipi nequeunt dignitatibus civilibus, sive ea cohæreant muneribus publicis, sive eadem ab iis sint divulsa. Quodsi conferantur promiscue petentibus, nulla prorsus habita ratione meritorum, omnia in autem maxime si fuerint venales; præmia esse desinunt, quæ ad præclare merendum incitamento esse debent, ut ideo dignitates civiles promiscue conferre in immeritos idem propemodum sit ac

(*Wolff Jur. Nat. Pars VIII.*) Ee ee studium

studium bene merendi de Rep. suppressere. Et si vel maxime etiam conferantur in bene meritos gratis, motivis tamen detrahatur vis, ubi vident immeritos æquiparari bene meritis. Non ignoræ sunt querelæ, nec ex injustæ, si meritis nullum statuatur pretium, vel saltem non statui appareat.

§. 769.

De ignominia, quibus præsertim eos, qui dignitatibus civilibus ornati. Etenim nemo afficitur alterum ignominia afficere debet (§. 829. part. I. Jur. nat.). præsertim Quamobrem cum curandum sit in Rep. ut actiones minime externæ ad normam legis naturalis componantur (§. 395.); in Rep. ferendum non est, ut quis ignominia afficiat alios. *Quod erat unum.*

Enimvero in Rep. potissimum curæ habendum, ut qui bene de Rep. merentur a ceteris honorentur (§. 761.); & eo fine in eos conferuntur dignitates civiles (§. 763. 764.), tanquam præmia meritorum egregiorum in Remp. (§. 768.). Quamobrem cum ignominia honori contrarietur (§. 538. 811. part. I. Jur. nat.); in Rep. imprimis ferendum non est, ut ignominia afficiantur, qui dignitatibus civilibus ornati. *Quod erat alterum.*

Peccat in personam, qui alium ignominia afficit, quatenus naturaliter unicuique debetur, ne ab alio ignominia afficiatur. Peccat vero etiam in Remp. quatenus superioris voluntate, quæ universi populi voluntas esse censetur, aut, si mavis Reip. instar personæ consideratæ, is, quem honorari præ ceteris vult, ignominia non afficiendus. Obligatio autem, qua tenemur Reip. venit ab ipsa obligatione naturali, quatenus non modo civitates legi naturali convenienter instituuntur, verum etiam Resp. constituuntur, prout ex anterioribus abunde liquet, ut ideo obligatio utraque non ledendi famam akerius sit æquiparanda. Quot vero modis ignominia qui afficiatur, patet ex iis, quæ alias prolixè docuimus

(§. 812.)

(§. 812. *Et seqq. part. 1. Jur. nat.*). Pertinent huc imprimis, quæ de injuriis specialiter dictis tam verbalibus, quam realibus tradidimus (§. 874. *Et seqq. part. 1. Jur. nat.*).

§. 770.

Quoniam in Rep. ferendum non est, ut quis alios, *De poena* præsertim eos, qui dignitatibus civilibus ornati sunt, igno- *corum, qui* minia afficiat (§. 769.), qui vero faciunt, quæ in Rep. per- *ignominia* mittenda non sunt, poenis coercendi (§. 647.), & delicta *afficiunt* atque crimina graviora poenis quoque gravioribus coercen- *alios.* da (§. 626.) & publica magis, quam privata (§. 627.), consequenter ea, quibus injuria committitur adversus Remp. quam illa, quibus injuria saltem affertur privato (§. 581.); *Qui alios ignominia afficiunt, puniendi sunt; qui vero ignominia afficiunt dignitatibus civilibus conspicuos, gravius puniendi.*

Ostendimus jam superius injurias tam reales, quam verba- les puniri posse in Rep. (§. 651.): sed ostendendum quoque erat, graviozem poenam mereri eos, qui ignominia afficiunt viros dignitatibus civilibus conspicuos. Duplicem hi committunt injuriam, urpote eodem actu & personam, & Remp. lædentes (not. §. 769.). Duplicem ideo merentur poenam, consequenter poena graviori afficiendi. Ut vero hoc jure utatur superior absque omni conscientie labe, sollicitè cavere debet, ne dignitates civiles conferantur in immeritos, consequenter ne culpa ipsius vilescant. Alias enim quodammodo concurrere videtur ad injuriam in viros dignitatibus civilibus ornatos, quatenus in hos committitur, cum dignitatibus istis destituti se illis pares existiment, & ipsæ dignitates contemptus materiam aliis præbeant: id quod in vulgus notum est. Quod si tituli sint nomina munerum publicorum, quibus dignitates coherent, contemptus in eos ipsos redundat, qui muneribus istis funguntur: id quod multum detrahit auctoritati ipsorum, qua maxime indigent.

Ecce

§. 771.

§. 771.

*De modo ob-
ligandi ad
præclara in
Remp. me-
rita.*

Ad præclara in Remp. merita civiliter nemo obligari potest nisi dignitatibus civilibus. Etenim dignitates civiles, remoto abusu, sunt præmia meritorum insignium in Remp. (§. 768.). Enimvero obligari civiliter nemo potest nisi poenis & præmiis (§. 301. part. 1. *Phil. pract. univ.*). Quamobrem cum per se patet, poenas non esse aptas ad aliquem obligandum, ut præclare de Rep. mereatur; ad præclara in Remp. merita civiliter nemo obligari potest nisi dignitatibus civilibus.

Non est, quod objicias, præmia quoque consistere posse in pecunia (*not.* §. 768.), aut rebus aliis, quæ donari possunt. Neque enim solum jam ostendimus honore potissimum aliis merita egregia in Remp. (*not. cit.*); sed & considerare debemus, dona pleraque esse transeuntia, nec ad omnium notitiam pervenire, titulos vero & præcedentiam, seu dignitates civiles esse constantes & omnibus innotescere, quorum interest, ne earum sint inscii. Neque est, quod porro urgeas, dari etiam res alias, quibus collatis in viros de Rep. præclare meritos significatur eorum præcellentia supra alios, quales sint nostro ævo in Europa ubivis recepti ordines equestres, quos idiomate patrio Ritter-Orden appellamus, & ordo bene meritorum, quem nomine a Gallis mutuato l'ordre pour merite dicimus, idiomate patrio den Verdienst-Orden dicere debebamus, cum nostra lingua vocabula composita amet, quæ lingua Latina & Gallica non fert. Etenim hi ordines non differunt a titulis, quamvis certis insignibus gaudeant ad personas in eos erectas ab aliis distinguendas. Inventum hoc maximi faciendum, sed in Politica disertius explicandum. Ceterum ex propositione præsentè denuo elucescit, quantum interfit, ut dignitatum civilium evitetur abusus, quo vilescunt, immo in contemptum adducuntur.

§. 772.

§. 722.

Libellorum famosorum autores & qui eos divulgant, gra- De punien-
viori poena coercendi, quam qua in injurias verbales alias statui- dis libello-
tur. Etenim libellorum famosorum autores scriptis verbis *rum famo-*
 injuriam inferunt aliis, eorumque famam lædunt (§. 876. *forum auto-*
part. 1. Jur. nat.), consequenter delictum, vel crimen eorum *ribus & vul-*
 præmeditatum est, & malitia manifesta (*not. §. 631.*) *gatoribus.*
 Quamobrem cum delictum vel crimen præmeditatum gra-
 viori poena sit coercendum (§. 631.) & in gravitate poe-
 næ determinanda habenda sit ratio malitiæ (§. 632.); li-
 bellorum famosorum autores graviore poena coercendi,
 quam quæ in injurias verbales alias statuitur. *Quod erat*
unum.

Enimvero qui libellos famosos divulgant, ad inju-
 rias, quæ per eos inferuntur, concurrunt, quatenus nimi-
 rum autor illius non alio sine libellum famosum conscribit,
 quam ut quæ nocent famæ alterius per alios latius divul-
 gentur (§. 106. *part. 2. Phil. pract. univ.*). Quamobrem
 cum poenam inter se communicent qui ad actionem ejus,
 qui te læsit, concurrunt (§. 1082. *part. 1. Jur. nat.*), conse-
 quenter ob læsionem istam simul puniendi (§. 1081. *part. 1. Jur.*
Jur. nat.), pro qualitate facti proprii (§. 1083. *part. 1. Jur.*
nat.); qui libellos famosos divulgant, perinde ac eorum
 autores *per demonstrata*, graviore poena afficiendi, quam quæ
 in injurias verbales alias statuitur. *Quod erat alterum.*

Si libellorum famosorum significatus latior retinetur, quem
 in Jure naturæ vocabulo tribuimus (§. 876. *part. 1. Jur. nat.*);
 cum injuriæ verbales gradu differant, poenæ quoque libello-
 rum famosorum gradu differre debent, nec eadem affici pos-
 sunt eorum autores, vel vulgatores. Quodsi vero injurias
 leviores a gravioribus distinguere velis, & libellos famosos

restringere ad crimina, quæ alicui obijciuntur; quemadmodum in Jure civili obtinet; hoc utique civile est & rationem civilem habet, non naturalem (*not. §. cit.*). Nimirum significatus restrictior huc facit, ut facilius certa quædam poena libellorum famosorum determinari possit. Quod vero vulgatores eorundem cum ipsorum autoribus in eundem fere censum referantur, manifesta ratio est, quia nimirum absque animo injuriandi non propalantur. Qui enim famæ aliorum detrahi non vult, is quæ eidem adversa sunt minime propalabit. Delectatur utique læsione famæ alterius, qui eidem adversa divulgat.

§. 773.

De vulgarioribus libellorum famosorum in res librorum specie.

Quoniam qui libellos famosos divulgant, puniendi (§. 772.); typographi quoque libellum famosum excudentes & qui emendum vendendumque curant, puniendi. Et quia censorum permittit non debent, ut typis describantur scripta bonis moribus & statui publico adversa continentes (§. 477.), consequenter impedire tenentur, ne libelli famosi excudantur; si libellos famosos imprimi permittunt, gravius omnino puniendi, quam qui alio modo eos divulgant.

Quædam jam supra de censoribus libellorum famosorum annotavimus, ut turpitudinem facti ostenderimus (*not. §. 477.*). Hic vero adhuc ostendendum erat, in eos severius esse animadvertendum, cum non modo ad vulgationem illorum concurrant, verum etiam faciant, quod e diametro officio illorum repugnat.

§. 774.

Onera Reip. quid sint.

Onera Reip. dicuntur omnes sumtus Reip. administrandæ ac defendendæ causâ faciendi.

Multos & magnos requiri sumtus tum ad Remp. bene constitutam

stitutam administrandam, tum ad eandem contra omnes insultus hostiles defendendam, non minus ex iis intelligitur, quæ hæcenus de Rep. constituenda demonstrata fuerunt, quam obvia experientia confirmatur, ita ut nemo sit, qui onera Reip. in dubium vocare possit. Hoc adeo manifestum est, ut derideretur, qui fingere vellet Remp. sine sumtu administrandam & defendendam.

§. 775.

Onera Reip. ferre tenentur universi. Qui enim in civitatem coeunt, sese invicem sibi obligant, quod commune bonum conjunctim promovere velint (§. 28. 9.). Quamobrem cum hoc obtineri non possit, nisi Resp. administretur & contra omnes insultus hostiles defendatur, prouti ex iis abunde intelligitur, quæ hæcenus de Rep. constituenda, consequenter de civitate rite ordinanda (§. 16.), demonstrata fuerunt, sine sumtu autem Resp. nec administrari, nec defendi possit (not. §. 774.); universi quoque istos suppeditare debent. Quoniam itaque sumtus ad Remp. administrandam & defendendam necessarii sunt onera Reip. (§. 774.); onera Reip. ferre tenentur universi.

Nihil magis naturale est, quam ut ad sumtus societatis causa faciendos contribuant omnes conjunctim, qui in ea sunt, nisi ob rationem quandam singularem consensu ceterorum quidam eximantur. Quamobrem cum civitas sit societas (§. 4.), qui in ea sunt ad sumtus quoque civitatis causa faciendos, consequenter ad Remp. administrandam & defendendam necessarios conjunctim contribuere debent.

§. 776.

Quoniam onera Reip. ferre tenentur universi (§. 775.); De modo in Rep. constituenda determinandi quoque sunt modi, quibus sum-
tus *onera Reip.*
sustentandi

determi-
nando.

us ad Remp. administrandam ac defendendam necessarij suppeditantur & sustentantur (§. 774.).

In constituenda Rep. haud postrema cura est determinare modum onera Reip. sustentandi, ne singuli nimis onerentur & ne defint sumtus necessarij ad Remp. administrandam & defendendam. Hisce enim deficientibus; fieri haudquam potest, ut finis civitatis obineatur, consequenter singulis, qui in eam coiverunt, ita prospiciatur, quemadmodum intendebatur. Non sufficit nosse, quænam finis consequendi causa fieri debeant: nisi etiam adsit rerum gerendarum nervus, pecunia, magno conatu nihil agitur.

§. 777.

De contri-

butione sin-

gularum ad

onera Reip.

tatum, ne scilicet ad egestatem redigantur. Singuli ad onera Reip. contribuere debent pro modo facultatum suarum, ne scilicet ad egestatem redigantur. Onera enim Reip. adferre tenentur universi (§. 775.), consequenter singuli ad onera Reip. ea contribuere tenentur. Quoniam tamen nemo obligari potest ultra id, quod possibile (§. 209. *part. 1. Phil. pract. univ.*), & curæ habendum, ne subditi in paupertatem, vel egestatem incidant (§. 726.); singuli ad onera Reip. contribuere debent pro modo facultatum suarum, ne scilicet ad egestatem redigantur.

Vulgo dicitur onera in Rep. esse distribuenda in ratione lucri, quod percipitur. Quemadmodum vero hoc ex principiis de jure civitatis minime demonstratur; ita etiam contingit plures emergere casus, in quibus regula fallit & principiis illis adversatur, ut oneribus in ea ratione distributis haud pauci evadant pauperes atque egeni, nec amplius ea acquirere labore suo valeant, quæ ad vitæ necessitatem faciunt. Accidit hoc, si extra ordinem onera majora ferenda sunt; si difficillimis temporibus annona ingravescit & quæstus conteritur; si qui ob numerosam familiam, vel alia de causa vix tantum acqui-

acquirunt, quantum ad præsentem vitæ necessitatem, nedum commoditatem sufficit; si denique ob calamitates privatas, veluti morbos diuturniores, expensæ privatæ multæ extraordinariæ fieri debent. Quodsi ergo onera ita distribuenda, ne si non omnes, saltem multi nimis premantur, immo opprimantur, magna circumspeditione opus est.

§. 778.

*Curæ habendum in Rep. ne onera subditis imponantur nisi Unde quant-
tra, quam Reip. administratio & defensio exigit.* Onera enim, *ritas on-*
ad quæ ferenda universi tenentur (§. 775.), imponuntur *ram deter-*
Reip. administrandæ & defendendæ causa (§. 774.). *minanda.* Quam-
obrem patet, non imponenda esse onera, quæ huc non faciunt; consequenter curæ in Rep. habendum, ne onera subditis imponantur ultra, quam Reip. administratio & defensio exigit.

Nihil in Rep. fieri debet absque ratione sufficiente: ratio autem petenda est a fine civitatis. Ejus causa ordinatur civitas, consequenter Resp. constituitur. Quamobrem non alia datur ratio onerum subditis imponendorum, quam quod fine iis Resp. administrari & defendi nequeat. Hinc igitur æstimandum est omne jus onerum imponendorum, quod lege naturæ concessum.

§. 779.

*Onera ordinaria sunt, quæ perpetuus usus in admini- De oneribus
stranda Rep. exigit: extraordinaria vero, quæ casus quidam ordinariis
emergentes exigunt.* & extraor-

Istiusmodi casus extraordinarius est, si bellum exardescit. Huc etiam pertinet, si munimenta excitanda, ædificia publica extruenda, Rex magnam habeat familiam, legati in aulis exteris sustentandi & ita porro.

(Wolffii Jur. Nat. Pars VIII.)

Ff ff

§. 780.

§. 780.

*De oneribus
extraordi-
nariis im-
ponendis.*

Quoniam onera Reip. universi ferre tenentur (§. 775.); eadem autem non imponenda sunt ultra quam Reip. administratio & defensio exigit (§. 778.). *Si casus quidam emergunt, qui vel Reip. administranda, vel defendenda causa sumtus extraordinarios exigunt, onera extraordinaria imponenda sunt (§. 779.).*

Ostendendum hic erat jus onera extraordinaria imponendi, quod sola necessitas non facit. Onera omnia Reip. ferre tenetur universitas (§. 775.), ac ideo etiam obligatur ferre extraordinaria: ex hac vero obligatione nascitur jus onera extraordinaria imponendi (§. 23. part. 1. Jur. nat.). Quæ vero de modo onera distribuendi antea demonstrata sunt (§. 777.), ea inprimis in imponendis oneribus extraordinariis, præsertim majoribus ac subditos gravantibus, observanda.

§. 781.

*Ærarium
publicum
quid sit.*

Ærarium publicum dicitur locus, in quo pecunia publica reposita est.

Vocatur etiam ærarium ipsa pecunia publica uno in loco condita; sed præstat ab hac æquivocatione abstinere.

§. 782.

*De necessi-
tate ararii
publici.*

Quoniam universitas onera Reip. ferre debet (§. 775.), & singuli ad onera ista contribuere tenentur pro modo facultatum suarum (§. 777.), ærarium vero publicum locus est, in quo pecunia publica reponitur (§. 781.); *Reip. arario opus habet.*

Non ignoro, esse nonnullos, qui existimant, sine ærario contineri posse Remp. Sed ut verum fatear, æquivocatio quædam latet in verbis. Etenim qui illud affirmant, potissimum

mum ac unice fere contendunt, sine milite mercenario consistere posse Remp. consequenter tributis non esse opus. Atsi concedamus in quibusdam Reip. formis milite mercenario non esse opus, negari tamen haud quaquam potest alios adhuc requiri sumtus, sine quibus Resp. administrari nequit, & si vel maxime tota civitas non habeat ærarium quoddam, coetus tamen particulares, ex quibus constat, habere debent æraria, in quæ reponuntur pecuniæ in usum publicum a singulis collectæ, & quæ simul sumtæ subeunt vicem ærarii publici, sicuti revera etiam hodie, ubi ærarium publicum habetur, adhuc hodie sunt æraria coetuum particularium, quæ revera consideranda sunt tanquam pars ærarii publici, nec alia de causa constituuntur, quam ut brevi manu inde haberi possit pecunia ad usus publicos in certis locis necessaria. *Huberus* de Jure Civitatis lib. 3. sect. 3. c. 1. n. 2. qui sententiam istam defendit, expresse ait: si rebus & finibus suis contenti populi nihil aliud agerent, quam ut quietem suam adversus externos tuerentur, & hac gratia se ipsos in armis exercitos & pro aris focusque paratos ad decertandum exhiberent, mercenariis militibus, qui majorem usum, quam ut libertatem ipsorum opprimant, a quibus aluntur, habent nullum, facile carerent, quemadmodum plerosque veterum illis caruisse constat. Probat hoc exemplis Lacedæmoniorum & Frisiz patriæ suæ. Illos enim, quamdiu se domi continebant, sine mercenariis militibus & sine tributis, immo sine auri & argenti usu per quingentos annos id consecutos fuisse, ut ne hostis ullus pedem in terra Laconica poneret; Frisiam vero vetustissimam libertatem inde a Romanis temporibus, maxime post *Caroll M.* ætatem sine mercenariis, & sine tributis ullis contra maximas exterorum invasiones facile defendisse. Quis itaque non videt, ærarium publicum hic unice restringi ad usum belli? Mutantur vero etiam tempora, & in illis mutatur Rerum status. Unde ipse *Huberus* l. c. §. 5. tandem fateri cogitur, res vere nunc æstimanti nullum præstantius optimi status civitatis & imperii signum atque argumentum haberi posse,

quam ararii communis providam constitutionem & diligentem administrationem.

§. 783.

*De statu
ararii pu-
blici.*

Quoniam in arario publico reponitur pecunia publica (§. 781.), consequenter ea, quibus necessitatibus Reip. prospicitur (§. 23.); in arario publico semper parata pecunia esse debet, quantum Reip. administratio & defensio exigit, consequenter cum onera Reip. a subditis ferenda vel ordinaria sint, vel extraordinaria (§. 779.), modi ararium locupletandi duo sunt, ordinarius & extraordinarius.

- Pecunia parata in arario esse debet tum ad usus ordinarios, qui satis certi sunt; tum ad extraordinarios, qui in casu emergente, præsertim belli tempore, offeruntur. Illis prospicitur modis ordinariis, hisce vero extraordinariis locupletandi ararium. Quamobrem sufficit, pecuniam paratam semper esse in arario eo tempore, quo eodem indiget Rector civitatis, nec opus est, ut usus incerti gratia pecunia sterilis in arario reponatur, nisi quantum prudentiæ est prospicere casui subito emergenti. Sed hæc pertinent ad prudentiam civilem, nec proprie sunt hujus loci.

§. 784.

*De sumti-
bus Reftori
crōitati su-
peditandis.*

In regno subditi Regi sumtus suppeditare tenentur ad sumtus Reftori sustentandum se familiamque regiam & obtinendum dignitatis regia splendorem sufficientes. Idem tenendum de optimatibus in Aristocratia. Etenim penes Regem est imperium (§. 139.), qui id boni publici causa exercet (§. 42. 35.). Et quantum in eo exercendo adhibere teneatur curam, ex iis abunde patet, quæ hætenus demonstrata fuerunt. Quamobrem cum per se pateat, sine sumtu se familiamque suam Regem sustentare non posse; populus omnino eos suppeditare tenetur.

tur. In regno itaque subditi Regi sumtus suppeditare tenentur, ad sustentandum se familiamque regiam sufficientes. *Quod erat primum.*

Quoniam vero per se patet, interesse Reip. ne dignitas regia contentui pateat, vulgus vero eandem æstimet ex iis, quæ in oculis incurrunt, necesse omnino est, ut dignitas regia sit in summo splendore. Quamobrem cum subditi Regi suppeditare teneantur sumtus ad se familiamque regiam sustentandum, *per demonstrata*; sumtus hi sufficientes quoque esse debent ad obtinendum dignitatis regiae splendorem. *Quod erat secundum.*

Cum in Aristocratia collegium optimatum idem sit, qui Rex est in regno (§. 135. 139.); quæ de Rege demonstravimus, ea etiam tenenda sunt de optimatibus in aristocratia. Quamobrem optimatibus quoque suppeditandi sunt sumtus ad se familiasque sustentandas & dignitatis suæ splendorem obtinendum sufficientes. *Quod erat tertium.*

Subditos seu populum Regi suppeditare debere sumtus ad sustentationem sui atque familiae regiae sufficientes, instar axiomatis sumi poterat. Quæ vero de splendore regio adjecimus, ea decorum requirit, quod ipsa lex naturæ imperat (§. 204. *part. 1. Phil. pract. univ.*). Status civilis efficit homines inæquales, propter diversa eorundem in Remp. merita, quos natura fecerat æquales, cumque Rector civitatis meritis hisce superet omnes, ejus quoque summa est in civitate dignitas, Hujus igitur in determinando decoro maxime habenda est ratio. Quemadmodum enim decorum naturale determinatur per ea, quæ homini natura insunt, vel inesse debent & huic convenientem ejus statum (§. 196. *part. 1. Phil. pract. univ.*); ita *decorum civile* determinatur per ea, quæ unicuique insunt, vel inesse debent, quatenus hanc in civitate gerit personam

moralem. Unde *Decorum regium* æstimandum ex iis, quæ personæ Regis qua talis insunt, vel inesse debent. In statu autem civili multum haud raro dandum est opinioni vulgi, ut per ea, quæ sensui patent, tanquam latentium signa adducatur ad debitum certarum personarum præsertim Rectoris civitatis existimationem, prouti jam ante (not. §. 762.) insinuavimus.

§. 785.

De redditibus fixis eo sumtus, ad se familiamque suam sustentandum & dignitatis sue sine Rectori splendorem obtinendum sufficientes (§. 784.); eo fine ipsi civitatis assignandi sunt certi redditus, pro diversitate circumstantiarum assignandis. gendi.

In Reip. constitutione a voluntate populi dependet, quoniam redditus ipsi assignare velit, utrum scilicet ex agris publicis, an ex aliis subditorum præstationibus fixis. Præstat tamen prius, ne subditi contributionibus nimium onerentur. Ita olim *Romulus* urbe condita instituit, ut ager Romanus in tres æquas divideretur partes, quarum una pro sacerdotibus & sacerdotum sumtibus, secunda Reip. onenibus serviret, tertia in cives divideretur. Hoc nimirum pacto onera Reip. non erant civibus molesta, & Regi prospicebatur abunde de sumtibus ad se familiamque suam sustentandum necessariis. Enimvero cum lex naturæ saltem onera Reip. ad subditos devolvat, modum vero eadem ferendi, qui varius esse potest, non definiat, nisi quod lex perfectiva ceteris meliorem eligi jubeat, quem circumstantiæ eligi permittunt; ideo nihil de eo per modum constantis præcepti injungi potest.

§. 786.

*Domania
quid sint.*

Prædia, quorum redditus assignantur Rectori civitatis ad sustentandum se familiamque suam, dicuntur *Domania*, idiomate patrio solent *Tafselgüter* appellari.

Signifi-

Significatum hunc fixum vocabulo tribuere libuit, ut citra confusionem demonstrantur ea, quæ de oneribus Reip. tenenda sunt, nec in quavis Rep. eodem modo sese habent, etsi vaga loquendi libido significatum laxiorem admittat, immo subinde idem a ratione non alienus sit. Ita sane Romuli ævo tertia pars agrorum Romanorum Reip. oneribus serviens *domaniorum* nomine à ceteris distingui potuisset, quia tunc sumtus ad Regem regiamque familiam & splendorem dignitatis regis sustentandum necessarii non separabantur a ceteris sumtibus Reip. causa faciendis.

§. 787.

Quoniam redditus ex domaniis Rectori civitatis ad *Qualia* sustentandum se familiamque suam assignati sunt (§. 786.), *na* *sus* re- consequenter ad usus ipsius privatos destinantur, bona *auditus* *ex* *do-* tem Regis privata sunt, quæ ad usus ipsius privatos desti- *manis.* nantur (§. 286.); *reditus ex domaniis bona Regis privata sunt.* *Et idem intelligitur de optimatibus in aristocratia.*

Si significatus vocabuli domaniorum latius extendatur, ut etiam complectatur sumtus administrationis Reip. causa faciendos; redditus ex domaniis præter bona Regis privata comprehendunt quoque regia, quæ tamen cum istis in unam massam confundi non posse, si de jure Rectoris civitatis quoad usum reddituum ex domaniis ex lege naturæ statuendum, supra ostendimus (§. 287.).

§. 788.

Quia redditus ex domaniis bona Regis seu Rectoris *Libera* *ai-* cujuscunque civitatis privata bona sunt (§. 787.), *confe-* *spondendi* quenter tanquam ipsius propria in dominio ejusdem (§. 124. *potestas* *de* *part. 2. Jur. nat.*), de re vero sua dominus pro arbitrio suo *reditibus* *ex* disponere potest (§. 118. *part. 2. Jur. nat.*); *de* *reditibus* *domaniis.* quoque *ex* *domaniis* *Rex, ac* *Re* *dux* *quilibet* *civitatis* *pro* *arbitrio* *suo*

suo disponere potest, consequenter usumfructum in dominio a dies vite sua alteri concedere, redditus ex domaniis aliis locare potest.

In redditus ex domaniis Rector civitatis plenum habet dominium, modo eos liberalitate sua non ita imminuat, ut, cum non amplius sint sufficientes ad sustentandum ipsum familiamque ejus & splendorem dignitatis eidem convenientis, subditi tributis extraordinariis onerentur: id nimirum perinde foret, ac si liberalis esset non de suo, sed de eo, quod civium est, id quod legi naturæ, quamvis ea liberalitatem præcipiat (§. 251. part. 4. Jur. nat.), parum convenit (§. 97. part. 4. Jur. nat.). Bene merita in Remp. compensare ad Reip. administrationem pertinet, consequenter huic fini serviunt sumtus administrationis Reip. causa faciendi, quantum ærarium publicum permittit (§. 781.).

§. 789.

De proprietate domaniorum.

Domania non sunt in dominio Rectoris civitatis, sed universitatis seu populi, nisi regnum fuerit patrimoniale. Etenim cum redditus ex domaniis assignati sint Rectori civitatis ad sustentandum se suamque familiam (§. 786.), consequenter eo mortuo pertineant ad successores quoscunque; domania in usum perpetuum instituta, consequenter in dominio Rectoris civitatis, qui nunc est, esse nequeunt (§. 121. part. 2. Jur. nat.). *Quod erat primum.*

Quoniam vero universitas seu populus domania instituit, ne desint redditus ad sustentandum Rectorem civitatis ejusque familiam necessarii, consequenter ea ab initio fuerunt populi, seu universitatis; dominio in Rectorem civitatis minime translato; eadem manent in dominio universitatis, seu populi. *Quod erat secundum.*

Enimvero si regnum fuerit patrimoniale, imperium
est

est in patrimonio, consequenter in dominio (§. 448. 452. *part. 2. Jur. nat.*), Regis (§. 155.), ac ideo etiam in dominio ipsius omnia sunt, quæ imperii causa constituta. Quamobrem cum per se pateat, imperii causa constituta esse domania (§. 786.); si regnum fuerit patrimoniale, domania sunt in dominio Regis. *Quid erat tertium.*

Si regnum non fuerit patrimoniale, usufructuarium est (§. 155.). Quamobrem etiam domania Rex habet saltem usufructuario jure, unde jus ipsius æstimandum est ex iis, quæ de usufructu demonstrata sunt (§. 1420. *U seqq. part. 5. Jur. nat.*). Quando vero in regno patrimoniali dominium in domaniis tribuitur Regi; id intelligitur de regno perfecte patrimoniali. Quodsi enim fuerit imperfecte tale, cum saltem jus transferendi imperium pro lubitu sit penes Regem (§. 292.), domania non possidet nisi jure usufructuario, consequenter jus in domaniis non majus habet quam Rex usufructuarius. In casu dubio regnum præsumitur patrimoniale imperfecte tale, & semper tale præsumitur, si populi voluntate fuerit patrimoniale factum, neque enim populus voluisse præsumitur, ut in præjudicium sui domania alienentur. Aristocrata perfecte talis, ut pro lubitu de domaniis disponere possint optimates, vix concipitur.

§. 790.

Quoniam domania non sunt in dominio Rectoris *De alienatione domania* civitatis nisi regnum sit patrimoniale (§. 789.), non dominus vero rem alienare nequit (§. 667. *part. 2. Jur. nat.*); *miorum.* Rector civitatis, nisi regnum patrimoniale fuerit, domania alienare nequit, consequenter si alienaverit, successor domanium alienatum revocare potest. Quoniam tamen de redditibus ex domaniis pro arbitrio ad dies vitæ suæ disponere potest (§. *Wolffii Jur. Nat. Pars VIII.*) Gg gg 788.);

788.) *fructus perceptos a possessore repetere nequit successor nisi a tempore mortis antecessoris.*

Successori ex alienatione nullum nascitur præjudicium, nisi quatenus carere debet fructibus inde percipiendis. Ad hos ipsi jus est, quam primum regnum ad eum devolvitur. Fructus igitur perceptos a morte antecessoris repetens, quod suum est repetit.

§. 791.

De oppignoratione domaniorum.

ReCTOR civitatis domania oppignorare nequit, nisi habeat jus nova tributa indicendi absque ulla restrictione. Etenim Rector civitatis domania in dominio non habet, nisi regnum fuerit patrimoniale, quod hic non supponitur (§. 789.). Enimvero nemo oppignorare potest, nisi rem suam (§. 164. part. 5. Jur. nat.). Quamobrem Rector civitatis domania oppignorare nequit. *Quod erat primum.*

Enimvero si habeat jus nova tributa indicendi, absque ulla restrictione, ea indicere poterat, si ita visum fuisset, cum domania oppignoraret, ne oppignoratione opus fuisset, consequenter si subditi pignus ltere coguntur, perinde est ac si tributum solverent, quod Rector civitatis jure suo imponere poterat. Quamobrem si habet jus nova tributa indicendi absque ulla restrictione; domania oppignorare potest. *Quod erat secundum.*

Quodsi vero jus nova tributa indicendi ad certos casus fuerit restrictum, cum domania oppignorare nequeat, nisi quatenus ipsi competat jus nova tributa indicendi *per demonstrata n. 2.* domania quoque oppignorare nequit nisi in eo casu, in quo ipsi permissum est nova tributa indicere. *Quod erat tertium.*

Non

Non est, quod absolum videatur oppignorare domania, non sine novo tributo tuenda, si Rectori civitatis competat jus nova tributa pro lubitu indicendi. Etenim non uno in casu contingit, ut tributum, si hoc tempore solvendum, oneret cives, quod alio tempore minus gravat. Oppignoratio igitur fit in commodum civium, non in detrimentum eorundem.

§. 792.

Domania nullo tempore præscribi possunt. Exemin na- De præscri-
turaliter usucapio, consequenter præscriptio (§. 1031. *part. ptione do-*
3. *Jur. nat.*), non procedit, nisi ex derelictione præsumta *maniorum.*
(§. 1024. *part. 3. Jur. nat.*). Quamobrem cum ad Recto-
rem civitatis præsentem non pertineant nisi reditus ex do-
manis (§. 787. 789.), nec factum antecessoris cujuscun-
que nocere potest suo successori (§. 790.); derelictio do-
maniorum concipi nequit, consequenter præsumtio ejus
nulla est. Quamobrem patet domania nullo tempore præ-
scribi posse.

Domania non subjacere juri civili, quod disponit de rebus
privatorum, facile patet. Quamobrem de iis judicandum est
ex lege naturali, quod genuinum fontem præscriptionis aperit.
Ad hoc vero si recurrimus, præscriptio domaniorum in nume-
rum non entium utique referenda, cum notio, quæ ei conve-
nire debet, contradictionem involvat, prouti ex demonstra-
tione propositionis præsentis patet. Accedit, quod ex silen-
tio diurno rei derelictio non præsumatur, si manifestæ fue-
rint rationes in contrarium (§. 1058. *part. 3. Jur. nat.*), qua-
les in casu domaniorum adesse nemo facile in dubium voca-
verit. Cum enim silentium, ex quo consensus præsumitur,
debeat esse scientis ac volentis (§. 1055. *part. 3. Jur. nat.*)
abunde autem constat, Rectores civitates curæ potius habere
incrementum reddituum, quam decrementum, ne quidem præ-
sumuntur scire alium percipere fructus ad se pertinentes, nisi

singulares prorsus fuerint rationes, cur id velint, multo difficiliore iis, quæ fuerunt domania alienantibus.

§. 793.

*Quod quando-
cumque
tempore
elapso revo-
cari possint.*

Quoniam domania nullo tempore præscribi poterant (§. 792.), alienata vero revocari possunt (§. 790.); quando-
cumque tempore elapso revocari possunt.

Etenim si præscriptio allegari nequit a possessore domaniorum, revocationi, aut, si mavis vindicationi nihil obstat, consequenter quovis tempore revocari, seu vindicari domania possunt a quolibet possessore.

§. 794.

*An cum con-
sensu populi
alienari pos-
sint.*

Domania alienari nequeunt in regno successorio cum populi consensu, nisi æquivalens in eorum locum substituat: si non fuerit successorium, cum populi consensu alienari possunt. Etenim si regnum fuerit successorium, in locum Regis deficientis certa lege succedunt alii (§. 279.), voluntate nimirum populi regnum condentis definita (§. 277.). Quamobrem cum ex ista delatione omnes successores habeant jus quæsitum ad regnum, quale primo Regi fuerit delatum; jus etiam quæsitum habent ad redditus, qui ad regiam dignitatem sustentandum destinati sunt. Quoniam itaque jus quæsitum nemini invito auferri potest (§. 336. pars. 2. Jur. nat.); redditus, qui ad regiam dignitatem sustentandam destinati sunt, consequenter cum ad hos pertineant redditus ex domaniis (§. 786.), in regno successorio ne quidem cum populi consensu domania alienari possunt. *Quod erat primum.*

Quoniam tamen nihil detrimenti capit successor, si in locum domaniorum alienatorum substituat æquivalens, cum ipsa domania in dominio ejus non sint (§. 789.), sed

sed saltem reditus ad eum pertineant (§. 727.); quin cum populi consensu alienari possint, dubitandum non est. *Quod erat secundum.*

Quod si regnum non fuerit successorium, sed electivum, dum Rex novus eligitur, cum is nullum jus sicuti ad successionem, ita nec ad reditus ex domaniis ante electionem habeat (§. 278.), sumtus ad sustentandum ipsum familiamque ejus & splendorem dignitatis regiae eidem assignare potest, quos voluerit. Quamobrem nil prorsus obstat, quo minus Rex praesens cum consensu populi domania alienet. Ea igitur cum populi consensu alienare potest. *Quod erat tertium.*

Quae in regno successorio adhuc notari poterant de eo casu, in quo nondum nati sunt ad regnum capaces, quando domania alienantur, pater ex iis, quae in casu simili superius de jure succedendi demonstrata sunt (§. 366.). Ceterum cum jus succedendi in reditus ex domaniis conjunctum sit cum jure succedendi in regnum; non puto fore quenquam, qui dubitaverit, quae de successione in regnum valent, ea etiam valere debere de successione in reditus ex domaniis. Quando Rex electus moritur, imperium ad populum redit (§. 314.). De regno igitur & ad idem pertinentibus pro lubitu disponere potest populus, cum nemo sit, cui jus quoddam auferri queat.

§. 795.

Si reditus ex domaniis augeat populus ob rationes, quae De incrementis ad personam Regis praesentis respectum habent; a populi univ. memento redire voluntate dependet, utrum incrementum hoc successori relinquantum ex dote velit, an nolit; secus, si ob rationes alias quascunque. Etenim manii a populo facto.

Gg gg 3

pulus

pulus saltem in incrementum consensit Regis præsentis causa, minime autem voluisse intelligitur, ut sit perpetuum. Jus igitur ad istud incrementum transtulit in Regem præsentem, non vero in successorem, consequenter jus hoc personale est (§. 539. *part. 3. Jur. nat.*). Quamobrem cum jus personale morte personæ extinguatur (§. 542. *part. 3. Jur. nat.*); jus ad incrementum illud morte Regis præsentis expirat, consequenter a populi unice voluntate dependet, utrum id ipsum successori relinquere velit, an nolit. *Quod erat unum.*

Enimvero si rationes incrementi respectum non habeant ad personam Regis præsentis; eadem subsistunt, etiam si alius in regno succedat. Quamobrem populus facile voluisse intelligitur, ut incrementum hoc sit perpetuum & jus ad idem non minus cohareat juri succedendi, quam jus ad redditus ceteros ex domaniis. Quoniam itaque jus ad redditus ceteros ex domaniis successori auferre nequit populus *per partem secundum propositionis præcedentis* (§. 794.); nec jus ad incrementum reddituum ex domaniis auferre potest. *Quod erat alterum.*

E. gr. Ratio augendi sumtus ad dignitatem regiam sustentandum necessarios, quæ personam Regis præsentis unice respicit, est numerosa ejus familia. Quæ igitur respectu hujus dantur, ea successor prætereundum nequit. Gemina ratio est, si ob calamitates temporum redditus ordinarii ex domaniis non fuerint sufficientes: qua de causa etiam incrementum illorum saltem in certum tempus, aut sub certa conditione decerni potest. Quæ vero non personæ Regis præsentis, sed regni causa constituuntur, ea utique perpetua sunt, seu tamdiu durant, quamdiu regnum hoc modo constitutum durat. Ceterum rationes personales desumi quoque possunt ab iis, quæ dona-

donationum causæ legitimæ sunt (§. 124. *Et seqq. part. 4. Jur. nat.*). Et ne dubitationi locus relinquatur, utrum rationes incrementi sint tantummodo personales, nec ne; consultum est, ut populus incrementum decernens easdem exprimat.

§. 196.

Si Rex de suo domaniorum redditus augeat, incrementum De domaniorum redditibus ad omnes ejus successores. Etenim si Rex de suo domaniorum redditus augeat, actus hic æquiparatur donationi de suo aut sub lege fideicommissi mortis causa factæ (§. 140. *part. 4. His. Et §. 1070. part. 7. Jur. nat.*), scilicet ut post mortem suam incrementum, quod fecit, sit successoris ac deinde a quolibet successore transferatur in sequentem. Quamobrem cum non minus fideicommissum (§. 1069. *part. 7. Jur. nat.*), quam donatio mortis causa sit juris naturalis (§. 142. *part. 4. Jur. nat.*); incrementum hoc omnino pertinet ad omnes ejus successores.

Populo igitur nullum jus est in hoc incrementum, nec successorum ullus jus ad idem auferre potest. Dantur autem rationes, cur Rex de suo domaniorum redditus augere velit, veluti si id facit in majorem familiæ suæ splendorem, aut, si desit familia, in splendorem ipsius civitatis. In jure tamen æstimando saltem respicitur voluntas, non vero attenduntur motiva.

§. 197.

Si Rex de suo domaniorum redditus augeat; incremento De libertate legem dare possit, quamcumque voluerit. Etenim ex demonstratione propositionis præcedentis patet, incrementum hoc *quia de suo* esse donationis quandam speciem successorum gratia factæ *angentis*. Enimvero a voluntate donatoris unice dependet, quæ lege donare velit (§. 130. *part. 4. Jur. nat.*). Quamobrem si Rex
de

de suo domaniorum reditus augeat; incremento legem dare potest, quamcunque voluerit.

E. gr. adjicere potest onus quoddam, veluti ut quotannis certa pecuniæ summa erogetur in pauperes, vel detur clericis, qui in aula sacra administrant. Vix autem opus esse videtur, ut moneam; quando de incremento reddituum ex dominiis loquimur, nos non intelligere incrementum, quod ex ipsis dominiis quomodocunque melioratis provenit, sed de eo sermonem esse, quod aliunde illis accedit.

§. 798.

An fideicommissum tolli possit.

Fideicommissum tolli potest consensu eorum, qui nunc vivunt & quorum interest, ne tollatur. Etenim cum nondum natus jus nullum habere possit (§. 830. *pars. 6. Jur. nat.*), nec antequam foetus in utero materno concipitur, spem acquirendi per nativitatem jus aliquod habeat (§. 836. *pars. 6. Jur. nat.*); si fideicommissum consensu eorum, qui nunc vivunt, & quorum interest, ne tollatur, nondum natis, nec in utero materno conceptis nihil adimitur, quamvis fideicommissum, si jam nati, aut minimum in utero concepti essent, ad eos quoque quodammodo pertineret. Quamobrem si qui nunc vivunt & quorum interest, ne fideicommissum tollatur, in hoc consentiunt, ut tollatur; nihil obstat, quo minus consensu eorum tolli possit. Tolli igitur eorum consensu potest.

Nimirum nemini sublatione fideicommissi fit injuria. Nec est quod objicias, repugnare hoc voluntati fideicommissum relinquentis: neque enim prohibuisse supponitur, ne tollatur, nec ea dixisse, unde voluisse intelligatur, ut sit perpetuum.

§. 799.

§. 799.

Quoniam fideicommissum tolli potest consensu eo. *De aliena-*
rum, qui nunc vivunt, & quorum interest ne tollatur (§. tione incre-
 798.), ex demonstratione autem propositionis anterioris *menti redi-*
 (§. 796.) constat, *incrementum redituum domaniorum a Rege tium doma-*
præsente pro successoribus institutum sub lege fideicommissi; in- niorum a
crementum hoc consensu eorum, qui nunc vivunt, & regni ca- Rege facti.
paces sunt, alienari potest.

E. gr. ponamus, Regem præsentem domaniis adjecisse prædium quoddam suum, vel sua pecunia emptum. Successor consensu eorum, qui regni capaces sunt, prædium hoc alienare potest, immo dominium ejus transferre in filium quendam suum, vel filiam suam, vel agnatum alium.

§. 800.

Si Rex incrementum domaniorum de suo instituens velit, Quando ea
ut idem sit perpetuum; successor consensu eorum, qui nunc vi- fieri non
vunt, & regni capaces sunt, illud alienare nequit. Etenim cum possit.
 successor incremento domaniorum, quod de suo instituit, legem dare possit, quamcunque voluerit (§. 797.); prohibere etiam potest, ne alienetur, ac per consequens ut idem sit perpetuum. Quamobrem cum institutio incrementi istius donationis quædam species sit, prouti ex demonstratione superiori (§. 796.) apparet, donatio autem etiam fieri possit sub pacto non alienandi rem donatam (§. 133. *part. 4. Jur. nat.*); si Rex incrementum redituum ex domaniis, quod de suo fecit, velit esse perpetuum, standum erit ejus voluntate, consequenter idem nec consensu eorum, qui nunc vivunt & regni capaces sunt, alienari potest.

In casu dubio facilius præsumitur voluisse, ut sit perpetuum, quam idem non curasse, cum ordinarie id fecisse intelligi.

(*Wolffii Jur. Nat. Pars VIII.*)

Hh h h

telligi.

relligatur in maiorem familiæ regnatricis splendorem, vel ipsius etiam civitatis splendorem.

§. 801.

*De moneta
procuranda.*

Cura habendum in Rep. ne desit moneta ad res & operas comparandas sufficiens. Cum enim pro pecunia res & operæ quælibet ab alio comparentur (§. 293. *part. 4. Jur. nat.*); si desit moneta ad res & operas comparandas sufficiens, fieri haud commodè potest, ut unusquisque sibi comparet res & operas, quibus indiget. Quamobrem cum in Rep. curæ sit habendum ne desit rerum ad victum, amictum, habitationem vitæque commoditatem ac iucunditatem necessariorum copia omnibus sufficiens (§. 420.), & tam laborum, quam rerum pretia ita determinanda sint, ut quilibet ea sibi comparare possit, quibus indiget (§. 424.); curæ etiam habendum, ne desit moneta ad res & operas comparandas sufficiens.

Monetæ penuria ingens malum est. Quamvis enim omnium rerum abundantia adsit, cum tamen nemo sit, qui iis solis contentus esse possit, quæ ipse habet, nemo quoque monetæ usu quotidiano carere potest. Quantum penuria ista sit malum, inprimis experiuntur qui res majoris pretii emere ac vendere volunt, nec sine moneta sufficiente commercia florere possunt.

§. 802.

*De diversis
moneta speciebus.*

Quoniam curæ habendum, ne desit moneta ad res & operas comparandas sufficiens (§. 801.), variis autem monetæ speciebus diversi nimirum valoris opus est, tum ad res & operas majoris pretii, tum ad eas, quæ minoris pretii sunt, comparandas, & speciebus exigui valoris indigemus indies cum ad frangendos majores nummos, tum ad supple-

plendum, quod excurret; opera danda est, ut singularum specierum moneta proster sufficiens copia.

Nummorum minorum necessitatem aperte loquitur indispensabilis singulis diebus usus. Et quam sit molesta illorum raritas, etiam si majoribus abundes, experientia docet. Summæ igitur curæ haberi debet, ut nummorum minorum sufficiens copia proster.

§. 803.

Cura habendum in Rep. bene constituta, ut bonitas extrin- De bonitate
seca moneta conveniat cum ejus bonitate intrinseca, seu ut moneta extrinseca
sit proba. Quoniam enim pecunia datur pro re qualibet (§. moneta,
292. part. 4. Jur. nat.), consequenter etiam pro ea materia,
ex qua moneta cusa, veluti auro & argento (§. 333. part. 4.
Jur. nat.), necesse omnino est, ut si quis aurum vendat, vel
argentum, tantundem auri in nummis aureis, vel tantun-
dem argenti in argenteis accipiat, quantum dat auri, vel
argenti (§. 976. part. 4. Jur. nat.). Quamobrem cum bo-
nitas intrinseca monetæ æstimetur ex materia & pondere,
extrinseca vero consistat in valore arbitrio Rectoris civitatis
eidem imposito (§. 544. part. 4. Jur. nat.); in Rep. bene
constituta curæ habendum, ut bonitas extrinseca monetæ
conveniat cum intrinseca, seu, cum proba sit moneta, si
bonitas extrinseca determinatur per intrinsecam, seu valor
impositivus respondet valori intrinseco, quem a materia ac
pondere habet (§. 545. part. 4. Jur. nat.), ut moneta sit proba.

Quantum intersit Reip. ut moneta sit proba, non ignotum
est illis, qui omnem commerciorum rationem intimius per-
spiciunt, quæ quantum momentum habeant in Rep. satis ex-
ploratum est. Ideo Huberus lib. 3. de Jure Civit. sect. 3. c. 2.
§. 10. monet, monetam reprobam omnis commercii, quo

Hh hh 2

stat

stat res publica, nervos succidere & fundamenta subruere: cujus asserti ratio luculenter patet per ea, quæ de pretio rerum & pecunia demonstravimus in parte quarta Juris naturæ. Et hæc sane ratio est, cur Sineses aliique populi usi fuerint loco monetæ auro & argento puro pondere æstimato.

§. 804.

De are viliori auro & argento puro permiscendo.

Quoniam curæ habendum in Rep. bene constituta, ut bonitas extrinseca monetæ conveniat cum ejus bonitate intrinseca (§. 803.), in cudendis autem nummis & vasis fabrefaciendis artifices auro & argento puro commode uti non possunt, ac ideo tantum æris soliditatis causa, aut plumbi, vel stanni coloris gratia addunt, quantum ad sumtus & moderatum artificis lucrum sufficit; *Rektor civitatis præscribere debet, quantum metalli vilioris auro & argento puro in nummis cudendis & vasis fabrefaciendis admiscere liceat, nec permittendum, ut ab ea lege recedatur, consequenter qui hoc facere audent, poenis coercendi (§. 647.).*

Nisi hoc observetur, impossibile est, ut civium & commerciorum detrimentum evitetur: naturaliter tamen fraus omnis prohibita est (§. 148. part. 5. Jur. nat.) & Rektori civitatis utique incumbit, omnem movere lapidem, ne eidem ullus concedatur locus.

§. 805.

Moneta adulteratores.

Moneta adulteratores dicuntur, qui vel monetam falsam cudunt, veluti vilioris metalli quantitatem majorem permiscendo, quam lege publica cautum, vel etiam radendo candem deminuunt.

Posterius potissimum contingit in monetis aureis, præsertim iis, qui ex auro puriori constant.

§. 806.

§. 806.

Quia permittendum non est, ut major metalli *De moneta* vilioris quantitas auro & argento in cudendis nummis ad- *adulterato-* misceatur, quam lege publica definitum & qui hoc faciunt, *ribus pu-* poenis coercendi (§. 804.), consequenter nec ferendum, ut *niendis.* moneta, cujus bonitas extrinseca publica fide nititur (§. 803.), radendo deminuatur, & qui hoc faciunt, poenis itidem coercendi; adulteratores vero monetæ sunt, qui alterutrum faciunt (§. 805.); *in Rep. ferendum non est, ut mo-* *meta adulteretur, & adulteratores poenis coercendi.*

Cum monetarum adulteratores fraude, quam committunt, plurimum dent damni; graviorem omnino poenam merentur (§. 625.), inprimis autem illi, qui falsam monetam cudunt, cum eorum fraus non a quolibet, qui eam accipit, detegi possit. Optandum vero foret, ne, qui punire debent alios monetam corruptentes, ipsimet internam monetæ suæ bonitatem intrinsecam corrumperent, præsertim cum ejus usus ob commercia cum exteris vicinis intra proprium territorium vix contineri possit.

§. 807.

In Rep. permittendum non est, ut quilibet pro lubitu mo- *De jure mo-* *netam cudat, si vel maxime moneta, quam cudat, fuerit bona. netandi non* Etenim in Rep. ferendum non est, ut major metalli vilioris *promiscue* quantitas auro & argento in cudendis nummis admisceatur, *concedendo.* quam lege publica definitum (§. 804.). Quamobrem cum hoc difficillime evitetur, nec adulteratores monetæ facile detegantur, immo si vel maxime proba moneta cudatur, de probitate tamen ejus non satis certi esse possunt, qui eadem utuntur, siquidem promiscue permittatur, ut monetam cudat, qui velit; in Rep. permittendum non est, ut quilibet

Hh hh 3

pro

pro lubitu monetam cudat, si vel moneta, quam cudit, fuerit bona.

Monetæ probitatem tueri debet publica fides, cum qui eadem utuntur eam examinare minime valeant. Quod vero intersit Reip. ne fides publica fiat sublesta, aut suspecta, nemo est qui nesciat. Signum utique fidei publicæ esse debet Imago & inscriptio Rectoris civitatis una cum insignibus, ut quilibet tutus sit ab omni fraude, quæ in corrumpenda moneta facile committi poterat. Quamvis itaque qui sine permissu superioris proprio ausu monetam probam cudunt, adulteratoribus monetæ accenseri nequeant; hoc tamen non obstante graviter puniri possunt, quatenus fidem publicam surripiunt & lucro publico inhiant animo se locupletandi: id quod furto utique gravius crimen,

§. 808.

De exportatione monetæ probæ. In Rep. ferendum non est, ut moneta proba ad externos exportetur & ejus loco minus probam invehant trapezitæ, aliquæque probæ lucri sordidi cupidi. Etenim perinde est, siue moneta corrumpatur, siue exportata proba minus probam invehant trapezitæ & alii lucri sordidi cupidi. Quinobrem cum adulteratio monetæ ferenda non sit (§. 807.); nec monetæ probæ exportatio & minus probæ invectionio ferenda.

Facile patet, si moneta proba exportetur & cum minus proba permuretur, id non fieri sine manifesto plurimorum damno, præsertim si ærario publico inferri nequeat nisi proba & a superiore probata, quæ apud trapezitas & alios homines lucri sordidi cupidos cum minus probata non sine fœnore permuranda.

CAPUT IV.

De Juribus majestaticis.

§. 809.

Imperium civile ita exerceri debet, ut bonum publicum, quantum fieri potest, promoveatur. Imperium enim civile exercendi quod est jus universis in singulis in civitate competens imperium (§. 32.), non extenditur ultra eas actiones, quæ ad bonum civile publicum obtinendum pertinent (§. 35.). Quicunque igitur fuerit, qui imperium publicum exercet, id non sui, sed boni publici gratia exercet. Quamobrem patet, id ita exerceri debere, ut bonum publicum, quantum fieri potest, promoveatur.

Si status fuerit popularis, cum imperium in hoc sit penes populum (§. 131.), obligatio hæc nascitur ex ipso pacto, quo in civitatem coivit hominum naturaliter liberorum (§. 146. part. 1. Jur. nat.) multitudo (§. 28.). Quoniam vero in ceteris Reip. formis imperium a populo delatum est vel uni cuidam personæ, vel pluribus conjunctim, & in utroque casu jus populi habet civitatis Rector (§. 133. & seqq.); eadem obligatio oritur ex pacto, quod in delatione imperii populus vel cum ea persona, vel iis iniit, cui vel quibus imperium defert.

§. 810.

Quoniam imperium civile ita exerceri debet, ut bonum publicum, quantum fieri potest, promoveatur (§. 809.), statim quæ lex vero naturæ dat jus ad ea, sine quibus obligationi naturali satisfieri nequit (§. 159. pars. 1. Phil. præf. univ.); qui imperium civile exercere debet, ei competant omnia jura, sine quibus ita exerceri nequit, ut bonum publicum, quantum fieri potest, promoveatur.

promoveatur, consequenter cum jura majestatica sint, quæ ad summum imperium ejusque exercitium pertinent (§. 207.), *jura majestatica sunt, sine quibus imperium civile ita exerceri nequit, ut bonum publicum, quantum fieri potest, promoveatur.*

Obligationem imperii ita exercendi, ut bonum publicum promoveatur, esse naturalem, seu a lege naturæ venire, inde patet, quod civitates legi naturæ convenienter fuerunt constitutæ (§. 26.). Quamobrem cum pactum, quo constitutæ fuerunt (§. 4.), licitum sit (§. 170. *part. 1. Phil. pract. univ.*); pactum hoc, sicuti cetera omnia juri naturæ non repugnantia, naturaliter obligat (§. 789. *part. 3. Jur. nat.*). Quoniam vero in capite præcedente prolixè admodum demonstravimus, quænam in Rep. fieri debeant, ut bonum publicum promoveatur; inde haud difficile erit jura majestatica deducere. Id tamen adhuc notandum est, quia imperium civile hic spectatur, quale in se est, non quale uni, vel pluribus personis fuit delatum, nisi expresse aliud dicatur, jura quoque majestatica recenser, quæ in imperio continentur, & tanquam ejus partes potentiales considerantur, sive omnia conjunctim existant in uno subiecto, sive in diversis, & sive exercitium fuerit absolutum, sive ad certas leges fundamentales restrictum, prouti in formis Rerump. mixtis obtinet.

§. 811.

*Quam late
pateant.*

Quia ei, qui imperium civile exercere debet, competunt omnia jura, sine quibus id ita exerceri nequit, ut bonum publicum, quantum fieri potest, promoveatur (§. 810.); *Qui imperium civile exercet, ei competit jus omnia constituendi, quæ ad bonum publicum consequendum ipsi facere videntur.*

Exercitium cujuslibet juris majestatici respectum habere debet ad bonum publicum, tanquam constantem ejus normam.

§. 812.

§. 812.

Potestas legislativa dicitur jus condendi leges.

*Potestas le-
gislatoria.*

De legibus ferendis in Rep. plurima demonstranda veniunt, ut pateat, quomodo leges civiles sint condendæ, eaque doctrina maximi momenti est & apprime ad Jus naturæ pertinet, quo regitur voluntas legislatoris. Quamobrem necesse erit, ut ea de re postea dicamus. Hic saltem ostendendum, quod superiorum civitatis competat.

§. 813.

Superiori competit potestas legislativa. Superior enim habet jus omnia constituendi, quæ ad bonum publicum consequendum ipsi facere videntur (§. 811.). Quamobrem quæ fieri debent hujus consequendi causa, præcipere, quæ fieri non debent, prohibere potest, immo debet & obligare subditos, ut ad normam præscriptam actus externos componant (§. 29. 36.). Quamobrem cum regula, a superiore præscripta, juxta quam subditi actiones suas determinare obligantur, lex sit (§. 131. *part. 1. Phil. pract. univ.*); superiori competit jus condendi leges, consequenter potestas legislativa.

Ostenditur etiam hoc modo. Quælibet societas habet jus ferendi leges de iis, quæ ad eandem spectant (§. 46. *part. 7. Jur. nat.*). Quamobrem cum civitas sit societas (§. 4.); eidem quoque competit jus ferendi leges de iis, quæ ad civitatem pertinent. Quoniam itaque superiori competit jus in actiones subditorum (§. 141.), quatenus ad bonum publicum consequendum faciunt (§. 35.), consequenter respectum ad civitatem, seu Remp. habent (§. 30.); superiori competit potestas legislativa.

(*Wolffii Jur. Nat. Pars VIII.*)

Ii ii

Potestas

Potestas legislativa inter jura majestatica eminet, ita ut imperium sine ea concipi nequeat. Hac nimirum sublata, status civilis foret nullus, cum salva unicuique maneret libertas naturalis, vi cuius ipsi permittendum, ut faciat, quod visum fuerit (§. 156. part. 1. *Jur. nat.*). Etsi enim fingas Remp. in qua saltem bellum privatum singulis ademptum, quatenus consistit in violenta persecutione juris sui atque jure puniendi injurias inferentem; ne hoc quidem sine potestate legislativa concipi poterit. Quodsi homines omnes obligationi naturali, quæ a lege naturæ venit, sua sponte satisfacerent & satisfacere possent; non opus foret ut in civitates coirent, & legibus civilibus libertas naturalis circumscriberetur. Istiusmodi autem homines cum ne per somnium quidem fingi possint, nec fictio speciem quandam mentiri queat, nisi supponas eos in civitate educari; necessitas constituendi civitates legum quoque civilium necessitatem continet.

§. 814.

*Idem porro
est penditur.*

Quoniam superiori competit potestas legislativa (§. 813.), in democratia autem populus universus superior est (§. 142.), in aristocratia universitas optimatum (§. 143.), in monarchia monarcha (§. 134.); *in democratia potestas legislativa competit populo universo, in aristocratia universitati optimatum, in monarchia monarcha, consequenter in democratia, lex est, quod populus constituit, in aristocratia, quod constituunt optimates, in monarchia, quod constituit monarcha.* Quoniam vero in Rep. mixta imperium limitatum (§. 138.), prouti populo imperium deferenti visum fuerit (§. 36.), ita ut jus omne Reſtoris civitatis metiendum sit ex voluntate, quæ populo fuit, cum imperium transferret (§. 43.); potestas quoque legislativa limitari potest, scilicet ut superior ad condendas leges requirere debeat vel populi universi, vel certorum quorundam ex populo consensum. Et quia lex funda-

fundamentalis civitatis est, ut Rector ejus in certis negotiis requiratur consensus vel populi universi, vel certorum quorundam ex populo (§. 78.); in *Rep. mixta potestas legislativa superiori competens metienda est ex legibus fundamentalibus.*

Legibus civilibus restringitur libertas civium, seu subditorum, cum secundum eas actiones suas determinare teneantur, non vero pro lubitu, seu prouti sibi visum fuerit. Quamobrem cum homines naturaliter sint libertatis suæ amantes; leges novæ iisdem semper sunt suspectæ, quatenus verentur, ne libertas eorum arctius constringatur, quam par sit. Sane non alia de causa populi libertatis amantes statum popularem aliis Rerump. formis prætulerunt, aut saltem Resp. mixtas statui monarchico & aristocratico. Ac ideo potestatem legislativam vel sibi reservarunt, vel saltem legibus fundamentalibus circumscripserunt: quod num benefactum sit, hic non disputandum, ubi non quaeritur de eo, quod melius sit, sed omnis de jure saltem quaestio est. Ceterum hinc intelligitur, cur Imperator in Instit. §. 4. de J. N. G. & C. legem dicat, quod populus Romanus senatorio magistratu veluti consule interrogante constituebat. Definitio enim hæc aptata est ad formam Reip. Romanæ, quemadmodum definitiones in Jure civili formari debent, ubi de eo, quod in certa quadam civitate obtinet, quaestio est.

§. 815.

Potestati legislativa non subsunt leges fundamentales. An leges
Leges enim fundamentales civitatis sunt, ad quarum observantiam Rector civitatis adstringitur in exercitio imperii (§. tales ad po- 77.), consequenter eadem ad modum habendi & exercendi restatem le- imperium pertinent. Enimvero cum a populi voluntate legislativam dependeat, definire, a quonam & quomodo imperium exer- referenda. ceri debeat (§. 36. & seqq.); modus habendi & exercendi imperium non in ipso imperio continetur, sed eidem extrinsecus

insecus accedit, quatenus scilicet populus de imperio tanquam re sibi propria (§. 34.) pro lubitu disponit (§. 118. *part. 7. Jur. nat.*). Quamobrem cum potestas legislativa sit jus in imperio tanquam pars potentialis contenta (§. 63.); leges fundamentales civitatis non subsunt potestati legislativæ.

Ostenditur etiam hoc modo. Leges fundamentales præscribuntur superiori, ut secundum eas imperium exerceat, seu Remp. administret (§. 77.). Leges vero, quas condit superior, tenent subditos, & jus eas condendi, seu potestas legislativa superiori competit (§. 813.). Quamobrem cum leges fundamentales non sublint juri superioris, eadem quoque subesse nequeunt potestati legislativæ.

Non est quod objicias, leges fundamentales constitui a populo, populum vero universum, quamdiu imperium in alium, vel alios nondum transtulit, esse superiorem civitatis (§. 133.), ac per consequens quia potestas legislativa superiori competit (§. 813.), eidem quoque subesse leges fundamentales. Etenim leges fundamentales condit populus, dum Remp. instituere, seu civitatem ordinare vult, cum non uno modo id fieri possit (§. 37. 38.). Tum vero populus non agit jure universis in singulos competente, seu imperii (§. 32.), consequenter non tanquam superior (§. 141.); sed instar domini de re sibi propria disponit, quomodo eandem administrari in utilitatem suam velit (§. 34.).

§. 816.

an superior Quoniam potestati legislativæ non subsunt leges
leges funda- fundamentales civitatis (§. 815.); *superior vi potestatis legis-*
mentales *latoria leges fundamentales condere nequit.*
condere pos-
sint.

Superior nimirum non ordinare civitatem, sed gubernare Remp.

Remp. debet. Imperium vero non est jus civitatem ordinandi, sed Remp. gubernandi, quæ ante instituenda, quam gubernari possit. Dum Resp. instituitur, singuli sese obligant sibi invicem vi pacti, quod hanc formam Reip. habere velint, consequenter inter se conveniunt de legibus fundamentalibus, quas de modo habendi & exercendi imperium observari & ad quas superiorem adstringere velint, qui cum iisdem subiectus sit (§. 77.) nihil quoque juris in iisdem sibi arrogare valet.

§. 817.

Lex abrogari dicitur, quando declaratur, quod sub- *Abrogatio*
ditos non amplius obligare debeat. Unde patet, quid sit *legis quid*
jus abrogandi leges, nimirum jus declarandi, quod ea non sit.
amplius obligare debeat, seu legis instar observanda sit.
Quoniam leges mutare idem est ac veteres tollere & alias in
earum locum substituere (§. 290. Ontol.); *jus mutandi leges*
jure abrogandi continetur.

§. 818.

Quoniam superiori competit jus condendi leges (§. Cuinam
812. 813.); a voluntate ipsius dependet, quales condere *competat*
velit (§. 156. part. 1. Phil. pract. univ.), consequenter etiam *jus leges ab-*
num legem quandam tollere velit, & utrum aliam in ejus *rogandi &*
locum substituere velit, an nolit. Quamobrem cum legem *mutandi.*
abroget, qui eam tollit, hoc est declarat, quod ea subditos
amplius obligare non debeat (§. 817.); *superiori competit*
jus leges abrogandi, & quoniam eodem jure continetur *jus*
mutandi leges (§. cit.), eidem quoque *competit jus mutandi*
leges.

Cum in Rep. mixta potestas legislativa metienda sit ex
legibus fundamentalibus (§. 814.), per has vero exercitium
imperii, consequenter potestatis legislative limitatur (§. 77.);

in Rep. mixta fieri potest, ut superiori non liceat leges quasdam abrogare, vel mutare sine populi, aut aliorum certorum consensu. Tum vero potestas legislativa, quæ jus leges abrogandi & mutandi continet, non est imminuta; sed saltem non tota in superiorem translata, verum pars quædam ejus populo, vel aliis reservata. In Rep. nimirum mixta populus vel alii certi ex populo sunt participes imperii eo modo, qui per leges fundamentales definitur. Quamvis vero libera sit voluntas superioris in legibus ferendis, mutandis & abrogandis; libertas tamen hæc, perinde ac naturalis (§. 159. *part. 1. Jur. nat.*), non tollit obligationem naturalem, qua sublata jus degenerat in licentiam (§. 150. *part. 1. Jur. nat.*). Potestas legislativa jus est, quod oritur ex obligatione imperium civile ita exercendi, ut bonum publicum, quantum fieri potest, promoveatur (§. 809. 810.). Ac ideo voluntas legislatoris regitur jure naturali, quemadmodum omne exercitium imperii civilis. Evidentius hoc patebit ex sequentibus, quæ de modo condendi leges civiles demonstraturi sumus. Neque aliud fert obligatio, quæ ex pacto, quo civitas constituta (§. 4.), resultat (§. 28.), nec aliter populus in personam unam, vel plures potestatem legislativam conferre, aut ejusdem aliquos participes facere potuit, quam ut leges condantur, quæ præscribunt media bonum publicum promovendi.

§. 819

*De interpretatione
legum civilium.*

Jus interpretandi leges superiori in civitate competit.
Etenim cum leges interpretari idem sit ac inquirere, quidnam per verba legis indicare voluerit legislator (§. 459. *part. 6. Jur. nat.*), leges autem condere (§. 813.) & mutare sit superioris (§. 817.); in casu dubio omnino ipsius quoque est declarare, quomodo verba legis intelligenda sint, ac ideo jus interpretandi leges in civitate superiori competit.

In

In casu dubio legem interpretari nequit, nisi qui leges condere ac mutare potest. Facile enim contingit, ut alius verbis tribuatur sensus, quam quem intendit legislator. Quamvis vero hoc fiat, etiamsi Rector civitatis, qui nunc est, legem ab antecessore latam interpretatur; in eo tamen nihil est, quod juri ejus adversatur; si vero fiat ab aliis, quibus potestas legislativa minime competit, ii jus usurpant ipsis minime competens.

§. 820.

Leges fundamentales superior interpretari nequit. Et- An superior enim superior vi potestatis legislativæ, quæ eidem com- *leges fundam-* petit, leges fundamentales condere nequit (§. 816.), nec *mentales* eidem illi subsunt hæ leges (§. 815.). Quamobrem nec *interpretari* superiori competit jus leges fundamentales interpretandi (§. *possit.* 459. *part. 6. Jur. nat.*).

Ostenditur etiam hoc modo. Superior obligatur ad legum fundamentalium observantiam (§. 77.). Ponamus igitur eum habere jus eas interpretandi, prouti voluerit: contra leges fundamentales facere poterit, quod voluerit, ac idem populo ferendum, qui stare tenetur interpretatione ipsius. Legum fundamentalium hoc modo vis & efficacia aut nulla erit, aut pro lubitu labefactari potest. Quod quam sit absurdum, nemo non videt.

Nemo est qui dubitet, nihil absurdius concipi posse, quam legem alicui ferre & ejus interpretationem liberam relinquere eidem, ita enim in fraudem legis facere potest, quæ libuerit (§. 521. *part. 6. Jur. nat.*): id quod legislator fieri noluit (§. 522. *part. 6. Jur. nat.*). Idem vero valet de legibus fundamentalibus, quod de omni lege verum est.

§. 821.

§. 821.

An populus.

Leges fundamentales populus interpretari nequit; Etenim per leges fundamentales definitur jus superioris, quando imperium limitatur (§. 74. 77.), consequenter interpretatione opus est, quando de jure superius controversitur (§. 459. part. 6. Jur. nat.). Quamobrem cum superiori jus tale competat, quale leges fundamentales esse volunt, jus vero per eas acquisitum eidem auferri non possit (§. 336. part. 2. Jur. nat.); populus quoque leges fundamentales interpretari nequit.

Quando de jure superioris inter ipsum ac populum controversitur, facile patet neutrum esse posse judicem in propria causa. Quoniam vero communem judicem non habent, quaeritur, quomodo controversia sit decidenda. Necessse igitur est, ut ad hanc quaestionem adhuc respondeatur.

§. 822.

Quomodo interpretatio legum fundamentalium fieri debeat.

Si lex fundamentalis interpretanda, id ferri debet secundum regulas, quas Jus natura approbat: quod si vero de ea convenire nequeant superior atque populus, necesse est ut vel amabili compositione, vel transactione, vel per arbitros lis finiatur. Neque enim superior (§. 820.), neque populus leges fundamentales interpretari potest (§. 821.). Quamobrem cum dentur regulæ interpretandi juri naturæ approbatæ, quas c. 3. part. 6. Jur. nat. demonstravimus; juxta eas omnino interpretatio fieri debet. Quod erat unum.

Enimvero si de applicatione illarum regularum conveniri non possit; lis inter superiorem & populum de vero sensu legum fundamentalium in casu dubio nondum finitur. Quamobrem cum inter eos, qui communem judicem non agnoscunt, lis aliter finiri nequeat, nisi vel amabili compositione

positione (§. 869. *part. 5. Jur. nat.*), vel transactione (§. 880. *part. 5. Jur. nat.*), vel arbitrio (§. 945. *part. 5. Jur. nat.*), fini autem civitatis, nimirum tranquillitati, adversum sit vi armorum adigere superiorem ad transactionem (§. 1103. 1104. *part. 5. Jur. nat.*); necesse omnino est ut vel amicabile compositione, vel transactione, vel per arbitros lis finiatur. *Quod erat alterum.*

Æquitati naturali maxime convenit, ut legum fundamentaliū interpretatio fiat secundum regulas interpretandi, quas Jus naturæ approbat. Et cum dissidia inter superiorem ac populum tollant tranquillitatem Reip. omnium maxime, si ad arma veniatur, populo libertatem suam, superiore jus suum defendere volente, fini civitatis apprime convenit inquirere in interpretationem, utrum recte fiat, nec ne, ac recta interpretatione stare. Immo cum non minus populus, quam superior ad ea facienda obligetur, quæ ad securitatem publicam conservandam requiruntur; naturali quoque obligationi tam populi, quam superioris maxime convenit, ut ad interpretationem, quam Jus naturæ probat, confugiant. Quodsi vero de ea convenire nequeunt, ne quid committatur, quod obligationi isti contrarietur, lege naturali non permittitur modus alius controversiam de interpretatione finiendi, quam vel per amicabilem compositionem, vel per transactionem, vel per arbitros: in sortem ut consentiant partes dissidentibus vix credendum. Quid vero prudentiæ sit, non est hujus loci disquirere.

§. 823.

Dispensatio est permissio actus lege prohibiti in casu *Quid sit dispensatio* singulari facta. *Dispensare* igitur *idem est ac legem tollere in ea dispensatio.* *sa quodam singulari,* consequenter *ab obligatione, quæ inde venit,* *aliquem liberare.*

Ex. gr. ponamus matrimonia inter certas personas propter
(*Wolfsi Jur. Nat. Pars VIII.*) K k k k gradum

gradum cognationis esse prohibita. Quodsi permittatur, ut personæ quædam in eodem gradu sibi invicem cognatæ matrimonium ineant; permissio hæc dispensatio est. Similiter dispensatio fit, si prohibitum sit, ne nobilis ignobilem ducat, & nobili cuidam permittatur, ut ducat.

§. 824.

De jure dispensandi.

Quoniam dispensare idem est ac legem tollere in casu quodam singulari (§. 823.), consequenter quoad unam, vel alteram personam, legem autem abrogare idem ac eandem tollere quoad omnes (§. 817.); *qui legem abrogare potest, is etiam dispensare potest.* Quamobrem cum superiori competat jus abrogandi leges (§. 818.); eidem quoque competit *jus dispensandi.*

Jus dispensandi casus quidam particularis est juris abrogandi, ac ideo cum eo sub potestate legislatoria continetur.

§. 825.

Quando nam dispensativa superior dispensare nequit.

Contra legem naturæ & si qua datur, legem divinam positivam dispensativam superior dispensare nequit. Etenim obligatio, quæ a lege naturæ venit, necessaria & immutabilis est (§. 142. *part. 1. Phil. pract. univ.*). Quamobrem nemo ab eadem liberari potest. Quoniam itaque superior dispensans aliquem ab obligatione, quæ a lege venit, liberat (§. 823.); contra legem naturæ dispensare nequit. *Quod erat unum.*

Quodsi detur lex positiva divina, obligatio dependet a voluntate Dei (§. 149. *part. 1. Phil. pract. univ.*). Enimvero homo omnis, consequenter etiam superior in civitate quacunque, obligatur ad omittendas actiones voluntati divinæ contrarias (§. 978. *part. 1. Theol. nat.*). Quamobrem superior ab ea obligatione neminem liberare, ac per consequens

consequens contra legem divinam dispensare nequit (§. 823.).
Quod erat alterum.

Obligatio naturalis tantæ necessitatis est, ut ne quidem Deus contra eandem dispensare quinquam possit (§. 282. part. 1. *Phil. pract. univ.*), neque etiam tanquam ejus autor velit (§. 275. part. 1. *Phil. pract. univ.*). Convenit hoc sanctitati ejusdem (§. 1063. 1065. part. 1. *Theolog. natur.*). Nolle autem eidem adversa omnipotentia ejus nihil derogat (§. 347. 353. part. 1. *Theol. nat.*). Nemo hominum actiones suas liberas determinare debet suo arbitratu, sed necesse est, ut eas determinet, quemadmodum Deus vult (§. 970. part. 1. *Theol. nat.*). Quodsi ergo velit, ne quis hoc faciat, superiori liberum non est velle ut faciat, consequenter contra legem divinam dispensare nequit.

§. 826.

Quoniam superior contra legem naturæ &c, si qua *intra quos* datur, legem positivam dispensare nequit (§. 825.); *jus limites dispensandi in civitate superiori competens* (§. 824.), *ultra leges sineatur humanas extendi nequit.*

Jus dispensandi fluit ex potestate legislativa (*not.* §. 824.). Eam igitur non egreditur hoc jus. Circa eas leges, quæ juri superioris subsunt, dispensare potest; non vero circa alias, quæ a voluntate ipsius minime pendent.

§. 827.

Similiter quia superior contra legem naturæ &c, si *De permis-* qua datur, legem positivam dispensare nequit (§. 825.); *hione eorum,* si quadam *permittente* tenetur, qua legi naturæ, aut, si qua datur, qua legi *nat-* divina positiva contrariantur, ea tantum impune fieri permittit. *tura ac di-*

Quædam legi naturæ contraria in civitate subinde esse per- *vina repu-* mittenda, patebit inferius, ubi de legibus civilibus sumus actu- *gnant.*

ri, & quodammodo jam inde patet, quod imperium civile, ad quod etiam jus dispensandi referendum, non extendatur ultra eas actiones, quæ ad bonum publicum consequendum pertinent (§. 35.). Si qua datur lex positiva divina, ea a voluntate divina venit (§. 149. part. 1. *Phil. pract. univ.*), consequenter cum non habeat rationem sufficientem in ipsa hominis rerumque essentia atque natura, esset enim tum lex naturalis (§. 135. part. 1. *Phil. pract. univ.*), ea nobis aliunde innotescere nequit nisi per revelationem, prouti constat ex iis, quæ de modo cognoscendi voluntatem divinam demonstravimus (§. 443. *Et seqq. part. 1. Theolog. natur.*). In Jure igitur naturæ demonstrari nequit, num detur lex quædam positiva divina; sed disquisitio hæc alterius fori est.

§. 828.

Interpretatio authentica.

Interpretatio legum authentica dicitur, quæ fit ab ipso superiore. Quamobrem cum eidem jus interpretandi competat (§. 819.), idemque leges mutare possit, prouti e re visum fuerit (§. 817.); *interpretatione authentica semper standum*, consequenter *judices secundum eam jus perpetuo dicere tenentur*.

Non alio fine interpretatio a superiore requiritur, quam ut de genuina ejus voluntate constet. Quando igitur eam declaravit, cum voluntas ipsius faciat legem (§. 149. part. 1. *Phil. pract. univ.*), interpretatio authentica instar legis habenda, hoc est, verba legis obscura vel ambigua in eo sensu accipienda sunt, quem ipsis tribuit legislator. Perinde nimirum est, ac si tum legem demum tulisset.

§. 829.

Interpretatio doctrinalis.

Interpretatio doctrinalis vocatur, quæ fit secundum regulas rectæ interpretationis a iudice. Quoniam interpretandis *ius quid sit*, jus superiori in civitate competit (§. 819.), consequenter iudici

judici, qui curare debet, ut jus suum unicuique tribuatur, & unumquemque adversus injurias aliorum defendere (§. 538.), interpretatio non permixta intelligitur, nisi quatenus sensum legis secundum leges rectæ interpretationis eruere valet; *interpretatio doctrinalis locum non habet, si lex fuerit adeo obscura, ut per regulas rectæ interpretationis constare nequeat de mente ejus*, consequenter *tum recurrendum est ad authenticam* (§. 228.).

Eliguntur judices legum periti (§. 541.), qui ideo quoque leges rite interpretari posse præsumuntur. Quamobrem cum iis committatur, ut controversias civium causa cognita decendant (§. 540. b. & §. 960. part. 5. *Jur. nat.*), facta nimirum applicatione legum ad factum præsens; ipsis quoque permittendum, ut leges interpretentur, ubi secundum regulas interpretationis rectæ de mente earum constare potest. Constituuntur enim judices, ne superior semper sit adeundus. Subdividitur a Dd. interpretatio doctrinalis *in ampliativam*, qua ob similitudinem casus legis casus specialis ad alios similes extenditur; *in illativam seu comprehensivam*, qua ex generali legis ratione infertur aliquid, quod verbis legis non enunciatur; *in restrictivam*, qua verba generalia ad casum verbis legum expressum restringuntur, & *in explicativam seu declarativam*, qua sensus legis ex verborum significato eruitur. Enimvero si ea teneamus, quæ de interpretatione demonstrata sunt (§. 460. & *seqq. part. 6. Jur. nat.*); subdivisiones istæ abunde intelliguntur, nec iisdem hic immorari tenemur! Quæ enim ibidem de interpretatione tradita fuerunt; ad doctrinalem spectant vi definitionis, quæ sola ratione regitur, ita ut voluntati interpretis locus nullus relinquatur, sicuti in authentica (§. 828.), in eo a doctrinali differente. Nimirum quamvis interpretatione inquiretur, quid legislator per verba legis indicare voluerit (§. 459. part. 6. *Jur. nat.*); ea tamen extendenda quoque est ad casus, lege minime comprehensos, quatenus

eædem vel earundem rationes spectantur tanquam principia generalia, ex quibus alia recte inferuntur, quemadmodum tanquam verum admittitur, quod ex veritatibus aliis tanquam principiis demonstrandi recta ratiocinatione inferitur. Nam quia legum concordia esse debet, non vero eædem sibi mutuo contradicere debent; legislator ea quoque voluisse præsumitur, quæ cum iis consentiunt, etsi de eo non cogitaverit, cum leges ferret. Recta enim interpretatio etiam ducit ad ea, quæ voluisset legislator, si eidem cognita fuissent, quæ nunc palam sunt (§. 515. part. 6. Jur. nat.). Hæc omnino ratio est, cur doctrinalis interpretatio habeatur pro præsumptione voluntatis legislatoris, a qua omnem vim ea accipit, cum obligatio civilis veniat a lege civili (§. 290. part. 1. Phil. pract. univ.), consequenter tota pendeat a potestate legislatoria. Unde patet, quomodo intelligi debeat quod dicitur, interpretationem doctrinalem vim suam accipere ab authentica.

§. 830.

*De valore
interpretationis doctrinalis.*

Quoniam interpretatio doctrinalis fit a iudice (§. 429.), iudici autem non competit potestas legislativa (§. 813.); *interpretatio doctrinalis per modum legis recipi nequit, consequenter secundum eam iudices alii non tenentur jus dicere in eodem casu recurrente.* Et quoniam appellationes in Rep. sunt permittendæ (§. 549.), appellatio vero est provocatio a iudice ad superiorem, ut ipse causam decidat (§. 548.); *si quis in sententia a iudice secundum interpretationem doctrinalem lata acquiescere nolit, ei permittendum est, ut ab interpretatione doctrinali ad authenticam provocet (§. 828.).*

Inde est, quod dicitur, iudicis decisionem, secundum scilicet interpretationem doctrinalem factam in causa dubia, valere tantum in ista causa, nec extendi ad alias. Etenim cum iudici permessa sit interpretatio doctrinalis, iudex vero quilibet in exercitio juris sui dependeat a superiore, cujus nomine jus dicit,

dicat, non vero a iudice alio; in interpretandis quoque legibus, quatenus hoc ipsi concessum, suum sequitur iudicium, non vero iudicio alterius stare tenetur. Quando vero ratio appellandi alia non est, quam interpretatio doctrinalis, quam pars sententia gravata minus recte factam existimat ob rationes a regulis interpretandi desumptas, quæ aliter faciendam ipsi persuadent; unque ab interpretatione doctrinali ad authenticam provocatur. Quare si contingat sententiam a superiore confirmari, id quod obrinet, si superior vel ipse in tribunali appellationum, quando causa deciditur, fuerit præsens, vel sententia ab eodem lata ipso offeratur, ut eam confirmet, vel reformet; confirmatio omnino continet interpretationem authenticam, cum eo ipso confiteatur, doctrinalem menti suæ conformiter factam esse. Sane etiam si iudex interpretationem authenticam a superiore petit; an ita intelligenda sit lex, quemadmodum sibi videtur, querere potest: id quod omnino idem est ac interpretationem doctrinalem confirmationi ejus submittere, qua facta ecquis dubitet interpretationem istam pro authentica habendam esse?

§. 831.

Interpretatio usualis appellatur, quæ usu fori introdu- *De interpre-*
 eta, seu secundum quam semper pronunciatum in iudicio, *tatione*
 consequenter *ea vim consuetudinis obtinet.* Facile autem pa- *usuali,*
 tet, *interpretationem usualem esse doctrinalem in foro receptam*
 (§. 829.).

Nimirum qui primi fuerunt interpretes, interpretatione doctrinali usi sint. Eam deinceps continuo approbarunt iudices, quoties idem casus denuo occurrit. Constante igitur hac approbatione interpretatio ista consecuta est auctoritatem, ut non facile sine approbatione superioris ab eadem discedere liceat. Plenior lucem affundent ea, quæ de consuetudine demonstranda veniunt.

§. 832.

§. 832.

*Jus punien-
di jus maje-
staticum es-
se, seu par-
tem imperii.*

*Ad jura majestatica pertinet jus puniendi, seu jus punien-
di pars imperii civilis est.* Etenim superiori civitatis compe-
tit potestas legislativa (§. 813.), jus nimirum condendi le-
ges (§. 812.), tum de iis, quæ fieri debent a civibus, seu
subditis, tum de his, quæ facere non debent, tum denique
de his, quæ permessa esse debent (§. 582.). Quoniam ita-
que civilis obligatio, quæ positiva est (§. 290. part. 1. *Phil.
pract. univ.*), faciendi nimirum ea, quæ præcipiuntur, non
faciendi ea, quæ prohibentur, nec impediendi aliquem in
iis, quæ permessa sunt, introducitur sanctione poenali (§. 291.
part. 1. *Phil. pract. univ.*), consequenter poenarum constitu-
tione (§. 289. part. 1. *Phil. pract. univ.*); superiori quoque
competit jus puniendi. Quamobrem cum jus superiori com-
petens in actiones singulorum (§. 141.) imperium sit (§. 32.)
& jus ad exercitium imperii requisitum jus majestaticum est
(§. 207.); jus puniendi est pars imperii civilis & ad jura
majestatica pertinet.

Ostenditur etiam hoc modo. Legibustales ac tan-
tæ addendæ sunt poenæ, quæ ad cohibendam legum trans-
gressionem, quantum datur, sufficiunt (§. 585.). Quoniam
itaque superiori competit potestas legislativa (§. 813.), ni-
mirum jus condendi leges (§. 812.), & præterea sublato
bello privato (§. 560.) per judices punire debet eum, qui
injuriam fecit privatis (§. 559.), universitati etiam in civi-
tate competit jus puniendi eum, qui ipsam seu Remp. læsit
(§. 579.); superiori utique jus puniendi competit. Unde
porro patet, ut ante, eam esse partem imperii civilis & ad
jura majestatica pertinere.

Jus puniendi a potestate legislativa inseparabile est, nec
bellum

bellum privatum tolli potest, nisi jus puniendi injurias aliis facientem in superiorem transferatur, quod in locum illius succedit. Sine jure igitur puniendi imperium civile exerceri nequit, ac per consequens idem ad jura majestatica pertinet (§. 810.). Inseparabilitas juris puniendi a potestate legislativa adeo manifesta est, ut a nemine in dubium revocari queat, cum leges ferendo nihil agatur, nisi metu poenarum ad earum observantiam obligentur, qui sua sponte obligationi suae satisfacere nolunt. Neque enim sufficit naturaliter unumquemque civem obligari ad observantiam legum civilium, quae sunt media finis civitatis consequendi (§. 49. *part. 7. Jur. nat.* & §. 4. *b.*), vi pacti, quo civitas constituta (§. 4.) & singuli sese obligant universis ad bonum publicum promovendum (§. 28.) & vi pacti cum superiore, in quem imperium transulerunt (§. 36.), quatenus nimirum pacta naturaliter sunt servanda (§. 789. *part. 3. Jur. nat.*). Obligatio hæc naturalis supponit homines ratione utentes & ab affectibus eidem contrariis animum immunem possidentes. Quoniam vero istiusmodi subditi supponere non licet, cum plerique homines affectibus potius, quam ratione regantur tantum non semper, & subinde facile omnes; ideo obligatio positiva opus est, non aliter quam sanctione poenali introducenda (§. 301. *part. 1. Phil. pract. univ.*), metu poenarum affectus alios in contrarium nitentes superante. Similiter necessitas puniendi eum, qui injurias facit alteri, cum sublatione belli privati adeo arcte coheret, ut sine injustitia a se invicem separari nequeant. Naturaliter enim cuilibet competit jus puniendi eum, qui ipsum læsit (§. 1061. *part. 1. Jur. nat.*), ut in posterum tutus sit ab injuriis ejus atque aliorum (§. 1059. *part. 1. Jur. nat.*). Quoniam itaque ad finem civitatis pertinet tranquillitas (§. 13.), ut nimirum quilibet habeat animum vacuum a metu injuriarum (§. 11.), ac ideo Rectori civitatis curæ esse debet, ut quilibet sit tutus ab injuria aliorum (§. 532.); non eo fine in civitatem coitur, ut quilibet alterum impune lædat, sed ut facilius consequatur id, quod bello privato intenditur in statu naturali,

(*Wolffii Jur. Nat. Part VIII.*) LII

turali, ad quod omnino pertinet jus puniendi lædantem (§. 1114. part. 1. Jur. nat.).

§. 833.

Quanam

poena jure (§. 832.); *jure majestatico determinatur poena legibus adju-*
majestatico *cienda & juris tam privatorum, quam Reip. violatoribus decer-*
determinen- *nenda.*

itur.

Non est quod objicias, poenas multas arbitrio judicis vel magistratus determinandas esse, nec fieri posse ut superior ipse eas determinet, aut a judice determinatas approbet. Quod enim judex facit, id non facit nisi jure a superiore sibi concessio, consequenter quatenus is per ipsum jus majestaticum exercet. Valet hic illud pervulgatum: Quod quis per alium facit, per se fecisse putatur. Et jus judicis vel magistratus juri majestatico ita subest, ut superior judicem vel magistratum jure sibi concessio abutentem punire possit.

§. 834.

De jure gla-
dii, seu jure *maleficis.*
vita ac ne-
cis.

Jus gladii dicitur jus poenam capitalem sumendi de-
dit, seu jure maleficis. Vocatur etiam *Jus vita ac necis*, quamvis hoc la-
tius extendatur, quatenus sub jure belli etiam continetur jus
exponendi vitam subditorum periculo necis, immo etiam
sub imperio eminente. Quoniam jus puniendi ad jura ma-
jestatica pertinet (§. 832.), quando vero sine poenis capi-
tibus crimina coerceri nequeunt, poenæ capitales licitæ
sunt (§. 638.), & jus poenam capitalem sumendi de male-
ficis jus gladii est, *vi def. pref. Jus gladii ad jura majestatica*
pertinet. Sed quia innocentem punire non licet (§. 1086.
part. 1. Jur. nat.), & poena gravior illicita, ubi levior sufficit
(§. 1065. part. 1. Jur. nat.); *jus gladii superiori non competit ni-*
hi in eos, qui capitalia commiserunt.

Quidam

Quidam jure gladii jus omne puniendi comprehendunt, immo etiam jus vitæ ac necis, quatenus ex jure belli & jure emittente in personas resultat; sed cum ab omni æquivocatione sit abstinendum (§. 144. *Disc. præl.*), nec synonymia præter necessitatem admittenda (§. 143. *Disc. præl.*); ideo præstat jus gladii in significato strictiori, quem in definitione eidem tribuimus, retineri.

§. 835.

Jus gladii nascitur ex jure se suaque defendendi. Uni-
Fons juris
 veritas enim in civitate spectatur tanquam persona moralis gladii.
 (§. 576.), quæ injuria affici lædique potest (§. 577. 578.).
 Quamobrem cum unicuique homini competat jus se (§. 973.
part. 1. Jur. nat.), suaque defendendi (§. 691. *part. 2. & §.*
354. part. 7. Jur. nat.); jus se suaque defendendi adversus
 lædentes universitati in civitate, seu Reip. competit. Enim-
 vero se (§. 1013. *part. 1. Jur. nat.*), suaque (§. 699.
part. 2. Jur. nat.) & pudicitiam suam defendere licet cum
 interfectione lædantis, si periculum læsionis aliter averti ne-
 quit (§. 355. *part. 7. Jur. nat.*). Ergo etiam jus defenden-
 di se suaque Reip. competens *per demonstrata* extenditur us-
 que ad interfectionem lædantis, si periculum læsionis aliter
 averti nequit. Quamobrem cum non alio fine puniantur
 crimina, quibus damnum datur, vel injuria affertur univer-
 sitati in civitate, seu Reip. (§. 581.), quam ut periculum
 læsionis ab eadem avertatur (§. 1062. *part. 2. Jur. nat.*);
 jus poena capitali afficiendi criminum patratores Reip. com-
 petit, consequenter jus gladii (§. 834.), propterea quod se
 suaque defendere licet usque cum interfectione lædantis, si
 periculum aliter averti nequit. Patet itaque jus gladii nasci
 ex jure se suaque defendendi.

Plurimum refert nosse fontem, unde jus gladii derivatur, ne

fecus de eodem statuas, quam par est. Qui putant superiori competere jus vitæ ac necis, quod instar domini de vita ac necesse subditorum disponere possit, a veritate procul absunt, nec jus gladii intra suos limites coarctare valent, ut omnis evitetur abusus. Abunde patet ex anterioribus superiori competere non posse jus, nisi quod originarie in populo est, quando in civitatem coalescit, ac inde in Regem vel optimates derivari, nisi maneat apud populum: jus vero populi non differt a jure singulis naturaliter competente, nisi quatenus vi pacti, quo civitas constituta (§. 4.), sese sibi invicem obligarunt ad idem conjunctis viribus tanquam jus commune exercendum (§. 28.). Ideo ipsum quoque jus se suaque defendendi, quatenus conjunctis viribus exercetur in civitate, consequenter ab eo, qui jus populi habet, jus gladii est. Neque vero absolum videri debet, quod jus gladii, cum revera sit jus puniendi (§. 834.), in jus se suaque defendendi convertatur, quasi jus puniendi cum jure defendendi confundatur. Ex enim si crimina maneant impunita, periculum læsionis Reip. imminet non modo ab eo, qui læsit, verum etiam ab aliis, consequenter cum ad hoc avertendum poenis sit opus, eadem sunt medium resistendi agere quid volenti, quo nos lædat. Hanc resistenciam vero esse defensionem manifestum est (§. 972. part. 1. Jur. nat.). Ast homini non competit dominium in vitam suam (§. 351. part. 1. Jur. nat.). Quamobrem dum in civitatem coeunt, inter se convenire nequeunt, ut universis sit jus in vitam singulorum. Neque ideo populus universus, consequenter is, qui populi jus habet, est dominus vitæ singulorum, ut de ea pro lubitu statuere possit.

§. 836.

Unde ea in-
notescant,
qua de jure tante

Quoniam jus gladii nascitur ex jure sese suaque defendendi (§. 835.), naturaliter unicuique homini competente (§. 973. part. 1. & §. 691. part. 2. & §. 354. part. 7. Jur. nat.);

nat.); quæ de jure sese suaque defendendi demonstrata sunt, ad gladii tenenda. jus gladii quoque applicanda sunt.

Plurimum refert in Rep. ne jure gladii abutatur Rector civitatis, sed ut eodem recte utatur. Quamobrem necesse est, ut constet, undenam deducendus sit genuinus juris hujus usus. Enimvero non rectius dijudicare possumus usum ejusdem quam si jus gladii reducamus ad jus defensionis, quale naturaliter homini unicuique competit. Inde nimirum apparet, qua religione id sit exercendum.

§. 837.

Quoniam de jure gladii valent, quæ de jure sese defendendi demonstrata sunt (§. 836.), qui vero se defendit, mali, quod sibi intentatur, aversionem, non malum, quod alteri infert, intendit (§. 992. part. 1. Jur. nat.); quando Rector civitatis jure gladii utitur, non necem malefici intendit, sed aversionem laesionis, ut scilicet singuli, qui in civitate degunt, sint ab eo tuti.

Nimirum Rector civitatis non poena capitali affici curat maleficum, quia vult, ut is e medio tollatur; sed quia vult Remp. esse incolumem, ne cujusdam vitæ ac bonis periculum immineat ab aliis, quod fieri nequit, nisi e medio tollatur. Nullum igitur jus in vitam hominis sibi arrogat, quasi ea sit in dominio suo.

§. 838.

Ex eadem ratione quia defensor non vult malum alterius, quatenus est malum alterius, sed quatenus est medium unicum declinandi proprium, & mallet alterum ab eo esse immunem (§. 993. part. 1. Jur. nat.), nec ex malo, quod sui defendendi gratia alteri inferendum, voluptatem

percipit (§. 994. *part. 1. Jur. nat.*), neque hoc facit ullo in aggressorem odio (§. 996. *part. 1. Jur. nat.*), sed animum habet ab omni vindictæ cupidine alienum (§. 999. *part. 1. Jur. nat.*), salvo amore inimicorum (§. 998. *part. 1. Jur. nat.*); *Reſtor civitatis non vult necem malefici, qua talem, ſed qua medium unicum declinandi necem & jacturam bonorum a ſubditis: mallet idem maleficum capite non eſſe plectendum, nec ex nece ejus voluptatem percipit, eum non puniens ullo odio, ſed animo ab omni cupidine vindictæ alieno ac amore inimicorum prorsus illaſo.*

Patet hinc abunde, non modo qua religione jus gladii in Rep. ſit exercendum; verum etiam ea religione non rectius jus ſeſe ſuaque defendendi, qua debet, exerceri poſſe, niſi civitatibus introductis in jus gladii convertatur. Quoniam jus puniendieum, qui alterum læſit, naturaliter unicuique competens (§. 1061. *part. 1. Jur. nat.*) eodem prorsus animo exercendum (§. 1074. & ſeqq. *part. 1. Jur. nat.*); quo jus ſe defendendi (§. 993. & ſeqq. *part. 1. Jur. nat.*); dum jure gladii non aliter utitur ſuperior, quam quatenus juri deſenſionis competit, & idem non locum amplius relinquit exercitio proprio juris puniendi (§. 560.), eo ipſo quoque jus puniendi certius ea religione exerceri poteſt, qua debet. Nihil certe difficilius eſt, ſi non prorsus impoſſibile, quam ut in ſtatu naturali punientis ac ſe defendentis is ſit animus, quem habere debet. Difficultates autem, quæ in ſtatu naturali locum habent, in ſtatu civili tolluntur.

§. 839.

*De vitando
abusu juris
gladii.*

Similiter quia in jure ſeſe defendendi modum excedere non licet (§. 1001. *part. 1. Jur. nat.*), conſequenter non uti licet mediis durioribus, ubi leniora profunt, immo leniſſima (§. cit.); *Reſtor civitatis jus gladii non extendere debet*

bet in infinitum, ac per consequens non animadvertere in maleficos, ubi poenis levioribus finem poena consequi datur.

Sicuti defensor lædit aggressorem, quatenus modum excedit (§. 1002. *part. 1. Jur. nat.*); ita quoque læditur maleficus, si graviore poena afficitur, quam finis poenæ exigit, & excessus in puniendo recte comparatur, poenæ innocentis, cum nemo puniri debeat, ultra quam meretur & salus publica exigit.

§. 840.

Patet porro quia non modo se (§. 1013. *part. 1. Jur. De poena capitalis*), verum etiam res suas (§. 699. *part. 2. Jur. nat.*), & pitali furti, pudicitiam suam in statu naturali defendere licet cum in homicidii, perfectione aggressoris, raptoris & stupratoris violenti, si rapina, sexualiter periculum evitari nequit (§. 355. *part. 7. Jur. nat.*); pri violenti. poena capitalis homicidii, furti, rapinae, ac stupri violenti injusta non est, si istiusmodi crimina poenis minime capitalibus coerceri nequeant.

Qui poenas capitales damnant, propterea quod solus Deus sit vitæ dominus, fontem juris gladii ignorant, aut quantum sit jus se ac suæ pudicitiamque suam defendendi non intelligunt. Unde patet, quam necesse fuerit, ut jus gladii ex genuino fonte deduceremus.

§. 841.

Quoniam jus gladii summa religione exercere debet De confirmatione superior (§. 938.), nec id extendere in infinitum, ut eodem utatur, ubi poenæ leviores sufficiunt fini poenarum confirmando (§. 939.); nemo quoque poena capitali afficiendus, saltem nisi ea a superiore fuerit confirmata.

In re tanti momenti utique suo judicio stare debet superior, non judicum, & quæ propriam conscientiam tangunt, ea non relin-

relinquere conscientiz aliorum. Poenæ igitur capitalis confixio recte petitur a superiore, antequam ea irrogetur,

§. 842.

*Poenarum
remissio &
mitigatio
quale sit jus.*

Poenarum remissio & mitigatio ad jura majestatica pertinet. Etenim cum superiori competat jus poenas legibus constitutas remittendi & mitigandi, si ratio sufficiens adsit (§. 658.), sicuti poenas legibus adjiciendas & juris tam privatorum, quam Reip. violatoribus decernendas determinandi (§. 833.); ipsius judicio relictum est, quales poenas determinare, & num determinatas in casu aliquo emergente ob circumstantias singulares remittere, aut mitigare consultum ducat, consequenter jus poenas remittendi & mitigandi cum jure puniendi coheret & poenarum remissio ac mitigatio utique ad exercitium illius pertinet. Quamobrem cum jus puniendi ad jura majestatica pertineat (§. 832.); poenarum quoque remissio & mitigatio ad jura majestatica pertinet.

Absurdum omnino foret jus poenas remittendi & mitigandi separare a jure puniendi. Ponamus enim alii competere jus puniendi, alii vero jus poenam remittendi vel mitigandi. Qui poenas determinat, nihil agit, cum ab alterius voluntate unice dependeat, qualem ipse poenam, an nullam dicere velit.

§. 843.

*De jure ag-
gratiandi.*

Jus poenas remittendi & mitigandi dicitur *Jus aggratiandi.* Quamobrem cum poenæ remissio & mitigatio ad jura majestatica pertineat (§. 842.); *Jus aggratiandi jus majestaticum est.*

Notandum hic quoque est, quod alias jam iterato monuimus, nos in definiendo non attendere mores nostros, sed definitiones condere principiis Juris naturæ convenienter, ut ea, quæ definiuntur, agnoscantur, qualia in se sunt origine sua, non

non vero quomodo voluntate humana deinceps mutantur: id quod non uno modo fieri potest. Videbimus autem deinceps, quomodo juribus majestaticis mutatio quædam accidere possit.

§. 844.

Jus aggratiandi sub jure dispensandi continetur. Et- *An sub jure* enim cum naturaliter qui alterum læsit ad poenam subeun- *dispensandi* dam obligetur (§. 1071. *part. 1. Jur. nat.*), & superior poe- *contineatur.* nas legibus determinando & juris alieni, præsertim Reip. violatoribus decernendo obligationem civilem introducat ad faciendum, quod fieri vult, & non faciendum, quod non vult (§. 288. 291. *part. 1. Phil. pract. univ.*), consequenter etiam ad poenam lege statutam subeundam; qui delinquit aut crimen aliquod patrat, tam naturaliter, quam civiliter obligatur ad poenam jure superioris determinatam subeundam (§. 833.). Quodsi ergo superior poenam lege statutam remittit, aut mitigat; reum ab obligatione eandem subeundi liberat. Quamobrem cum superior circa legem dispenseret, quando aliquem ab obligatione, quæ inde venit, liberat (§. 823.), jus vero aggratiandi in remissione vel mitigatione poenæ (§. 843.), consequenter in liberatione ab obligatione ista consistat; jus aggratiandi sub jure dispensandi continetur.

Parum difficultatis habet propositio præsens, modo ad notionem dispensationis & juris aggratiandi animum attendas. Sane si poena remittitur, vel mitigatur, perinde est ac si lex poenalis nulla esset. Quando dispensatur, itidem perinde est, ac si lex prohibitiva non extaret. In utroque igitur casu tollitur lex in casu singulari, ac per consequens dispensatio fit.

§. 845.

De limitibus

juris aggratiandi.

Jus aggratiandi naturaliter superior habet in quolibet crimine; quod si vero poena quadam fuerit lege divina positiva statutata, criminis reum aggratiare nequit. Etenim poenæ in civitate constituuntur a superiore (§. 833.), lege autem naturali determinatæ non sunt (§. 636.). Quamobrem cum superior poenas legibus statutas remittere & mitigare possit (§. 658.), in eo autem jus aggratiandi consistat (§. 843.); jus aggratiandi superior naturaliter in quolibet crimine habet. *Quod erat unum.*

Enimvero quia jus aggratiandi sub jure dispensandi continetur (§. 844.), consequenter tam late, quam hoc pateat, superior autem contra legem divinam positivam dispensare nequit (§. 825.); si qua poena lege divina positiva fuerit, statuta, superior, reum criminis aggratiare nequit. *Quod erat alterum.*

Superior poenam remittere & mitigare potest, cujus determinatio a voluntate ipsius dependet; non vero eam, quæ voluntati suæ non subest, qualis est, si qua datur, divina positiva statuta. An dentur poenæ lege divina positiva statuta, aut, quod perinde est, leges divinæ positivæ poenales, quæ omnes in universum homines obligant, in Jure naturæ demonstrari nequit. Immo nec inter christianos idem adeo exploratum est, ut non desint qui negativam amplectuntur. Leges enim poenales per Moysen Hebræis latæ revera sunt leges civiles Reip. Hebræorum, quas forenses dicunt Theologi. Erat illa Resp. Theocratia, in qua superior erat Deus. Leges igitur Hebræis ferebat tanquam Rex eorum, ut ideo eos tantummodo obligaret ad earum observantiam, non vero totum genus humanum, cui nunquam promulgatæ fuerunt. Sed nostrum non est ea uberius discutere.

§. 846.

§. 846.

Aboleri dicitur accusatio vel inquisitio, si de crimine, De abolitio-
 cujus aliquis postulatur, non inquirendum, consequenter is *ne.*
 absque omni cognitione, aut saltem inquisitione nondum
 absoluta e numero reorum eximitur. Quamobrem patet,
abolitionem esse remissionem poena in casu dubio.

Antequam quis criminis fuerit convictus, vel confessus, pro
 reo haberi nequit. Convictus autem haberi nequit, antequam
 inquisitio fuerit absoluta, multo minus antequam fuerit in-
 choata. Quoniam vero nemo innocens puniri potest (§. 1086.
part. 1. Jur. nat.); nec dici potest, num poenam, vel qualem
 mereatur. Unde si accusatio, vel inquisitio sive nondum in-
 choata, sive nondum consummata aboletur; poena criminis,
 cujus quis postulatur, utique remittitur in casu dubio.

§. 847.

Quoniam superior poenam remittere & mitigare *Criminam jus*
 potest, quam quis meretur (§. 658.), multo magis in casu *abolendi*
 adhuc dubio eam remittere potest, ac per consequens cum *competas &*
 remittendo poenam in casu dubio accusatio, vel inquisitio *quale sit.*
 sive nondum inchoata, sive nondum consummata aboleatur
 (§. 846.); superior accusationem, vel inquisitionem sive nondum
 inchoatam, sive nondum consummatam abolere potest, & jus hoc
 abolendi continetur sub jure aggratiandi (§. 843.), consequenter
 ad jura majestatica pertinet (§. cit.). Quia vero poenam lege
 constitutam remittere minime debet superior sine ratione suf-
 ficiente (§. 658.); ideo nec accusationem, vel inquisitionem,
 sive nondum inchoatam, sive jam coeptam, sed nondum consumma-
 tam, seu absolutam absque ratione sufficiente abolere non debet.
 Et quoniam abolitio & permissio poenæ pari passu ambu-
 lant (§. 846.); eadem sunt rationes abolitionis, quæ remissionis

Mm mm 2

poena

poena, seu ob quas rationes poena remitti potest, ob easdem quoque accusatio, vel inquisitio aboleri potest.

Abolitione non aliud intenditur, quam ut memoria criminis, cujus quis suspectus habetur, extingatur. Qui de eo postulatur, pro non reo declaratur, antequam constet, utrum revera reus sit, nec ne. Quamobrem famæ ejus consulitur abolitione, qui de crimine postulatur.

§. 848.

De amnestia.

Differt ab abolitione *Amnestia*, quæ est oblivio injuriarum & criminum patratorum in perpetuum decreta. *Amnestia* igitur sancita & præstata ante actuum rerum nemo accusari, neve puniri potest. Vocatur amnestia etiam *Lex oblivionis*. Quoniam superior imperium ita exercere debet, ut publicum bonum, quantum fieri potest, promoveatur (§. 809.), eique competunt omnia jura, sine quibus ita exerceri nequit (§. 810.); si e re civitatis fuerit, ut amnestia præstetur, superior eam præstare valet.

Amnestia inprimis opus est in statu Reip. turbulento, ubi ultro citroque injuriæ inferuntur & accipiuntur, ut is in pristinum habitum revocetur: item in bellis intestinis, ut pace facta pristina tranquillitas restituatur. Ita teste *Plutarcho* in Politicis decreta fuit amnestia, cum triginta tyrannis Remp. occupantibus status Reip. Atheniensis esset turbulentus &, autore *Valerio Maximo* labentem civitatis statum in integrum restitutus *Tbrasybulus* plebiscitum interposuit, ne qua præteritarum rerum mentio fieret.

§. 849.

An amnestia præstata

Quoniam amnestia sancitur atque præstatur, quando oblivio injuriarum & criminum patratorum in perpetuum de-
tiopertineat cernitur (§. 848.); si in rebellionem amnestia a superiore præstatur,

rar, id non tam vi imperii sit, quam transactione, ut pax restitua- ad imperi-
tur (§. 879. part. 5. Jur. nat.), consequenter a pacto vim um civile.
suam accipit (§. 882. part. 5. & §. 789. part. 3. Jur. nat.). Ast
si amnestia præstatur in alio quocunque casu, quo subditi injuriam
non asserunt superiori, sed vel sibi invicem, vel magistratui, aut
personis aliis, quarum potestas a superiore subiecti sunt, cum
tunc amnestia contineat solum poenæ remissionem & aboli-
tionem (§. 848.), ea utique vi imperii civilis præstatur (§.
843. 847.).

Amnestia subditis præstatur non alio fine, quam ut ne re-
rum ante actarum accusari, neve puniri possint, consequenter
aceusatio & inquisitio aboletur (§. 846.), sicque poena iis,
qui eam meruerant, remittitur, quia memoria malefactorum
aboletur, quasi quod factum est factum non sit. Alia vero
utique ratio est, si superior cum civibus rebellibus paciscitur,
rum enim vel ipse iisdem per modum conditionis amne-
stiam offert, vel cives eandem sibi stipulantur; alia longe ra-
tio est, si superior vi juris majestatici amnestiam sancit & præ-
stat iis, quos ob maleficia sua punire poterat, tum enim cum
his, contra quos inquirendum erat & qui puniri poterant, non
transigit, sed proprio motu amnestiam præstat imperium salu-
ti publicæ convenienter exercens.

§. 850.

Si præteritarum injuriarum oblivione certius cavetur, ne Amnestia
novis iisque gravioribus pendantur fores, vel si eadem tutius fi- num sit na-
niantur, si poena remittatur, quam si nocentes puniantur; amne- turaliter li-
stia naturaliter licita. Etenim poenæ potissimum irrogantur, cita.
ut præcaveantur injuriæ futuræ (§. 1075. part. 1. Jur. nat. &
§. 838. h.), atque superioris est cives præstare tutos ab inju-
riis (§. 532.). Quoniam itaque is curæ quoque habere de-
bet, ut, si talis fuerit status, quo mutuas injurias sibi invi-

M m m m 3

cem

cem afferunt, eadem quantocyus finiantur. Quia poena remittenda, si majus malum metuendum, ubi poena exigitur, quam periculum læsionis futuræ videtur, ubi ea remittitur (§. 1095. *part. 1. Jur. nat.*), & major utilitas ex poenæ remissione, quam exactione speranda (§. 1096. *part. 1. Jur. nat.*); si is fuerit rerum status, ut injuriarum præteritarum oblivione certius caveatur, ne novis iisque gravioribus pandantur foras, vel eadem tutius finiantur, si poena remittatur, quam si nocentes puniantur, amnestia naturaliter licita est (§. 848.).

Qui sibi persuadent malum omne in se tale esse, ut puniri debeat, vel punitionem cum vindicta confundunt; de amnestia a superiore præstita subditis delinquentibus finistre judicant, præsertim si injuriæ, quas vindicari mallent, ipsos quoque tangunt. Enimvero cum falsum sit malum in se tale esse, ut puniri debeat (§. 642.), ac perperam inde puniendi necessitas absoluta inferatur, omnes autem animum ab omni vindictæ cupiditate alienum habere debeamus (§. 948. *part. 1. Jur. nat.*); illi errant, hi peccant, quando amnestiam a superiore præstitam damnant. Nostrum igitur fuit demonstrare, quandonam ea naturaliter licita sit. Quemadmodum enim nil temere fieri debet (§. 278. *part. 3. Jur. nat.*); ita nec temere amnestia præstanda, sed sufficiens adesse debet ratio, cur præsteretur, quia scilicet vel medium unicum est, vel saltem tutius videtur mala graviora præcavendi, vel præsentia finiendi. Tum enim utique e re civitatis est, ut amnestia punitioni præferatur, quemadmodum eam ante restrinximus (§. 848.).

§. 851.

Juris affirmativi & negativi differentia.

Jus affirmativum est, quod consistit in faciendo: *Jus autem negativum*, quod consistit in non faciendo. *Jure igitur affirmativo facere quid licet, seu permittitur* (§. 165. 170. *part. 1. Phil. pract. univ.*); *jure autem negativo aliquid non facere*

cerē licet, quod alias erat faciendum; seu ut non faciamus permittantur (§§. cit.).

Non est quod objicias, 'jus affirmativum' & negativum sine utilitate distingui. Qui enim jus habet aliquid faciendi, cum non necesse sit ut faciat, sed saltem facere liceat (§. 170. *part. 1. Jur. nat.*); eundem quoque id, quod facere potest, non facere posse, cum libertati ejus relictum sit, utrum facere velit, nec ne. Ita qui jus cerevisiam coquendi habet, non necessario coquere tenetur, sed si ita visum fuerit non coquere potest. Enimvero dantur etiam talia, quæ facere debebas; quando vero permittitur, ut non facias, jus negativum ab affirmativo utique differt. Respicit enim hoc factum privativum, sicuti jus affirmativum factum positivum (§. 24. *part. 1. Phil. pract. univ.*). Ita jus negativum est immunitas onerum civilium, quæ alias tanquam civis præstare tenebaris.

§. 852.

Quoniam jure negativo facere non licet, quod alias *non datur* erat faciendum (§. 851.), obligatio vero naturalis, seu quæ *jus negativum* a lege naturæ venit, necessaria & immutabilis est (§. 142. *vum natum part. 1. Phil. nat.*); *lex naturæ* nemini dare potest jus non *faciale*. faciendi id, ad quod eadem lege obligatur, ac ideo *jus naturale nullum negativum est, sed omne affirmativum*, consequenter *non datur jus negativum nisi positivum*.

Non est quod objicias, officia erga alios habere hanc restrictionem, ut ea præstentur, quatenus alter id, quod præstandum est, non habet in potestate sua & tu citra neglectum officii erga reipsum præstare vales (§. 608. *part. 1. Jur. nat.*), consequenter obligationem præstandi alteri officia humanitatis naturaliter quoque junctum sibi habere jus negativum, ut certo in casu liceat non præstare. Etenim ubi cessat obligatio, cum quid fieri necesse non sit (§. 118. *part. 1. Phil. pract. univ.*), per se cessat actio, nec demum opus est, ut ad
non

non agendum detur jus quoddam. Jura nascuntur ex obligatione (§. 23. *part. 1. Jur. nat.*), ubi ergo obligatio nulla est, nihil quoque adest, unde jus quoddam oriri possit. Aliiter vero sese res habet quoad leges positivas, quarum obligationem superior tollere potest quoad certas personas, ut non facere teneantur, ad quod faciendum alii sunt obligati. Pendet enim obligatio a voluntate superioris, qui eam pro libitu vel ad omnes extendere, vel certas personas ab eadem eximere, aut liberare potest. His igitur competit jus non faciendi, cum ceteros teneat obligatio faciendi. Atque hoc jus negativum est & subsistit, quamdiu obligatio ceterorum durat. Hac enim sublata tollitur quoque jus istud.

§. 853.

Privilegium.

Privilegium est concessio juris cujusdam, sive affirmativi, sive negativi, personæ uni vel pluribus, aut certo personarum ordini facta, quo ceteri carent. *Privilegiarius* dicitur, qui privilegium habet. Vocatur vulgo *privilegiatus*.

Ita immunitas tributorum, vel vestigialium privilegium est, cum ceteri tributa & vestigialia solvere teneantur. Similiter privilegium Professorum apud nos est immunitas geradæ & heergewetti, ut scilicet bona utensilia & res expeditoriæ, quæ juxta statuta Saxonica & Halensia ab hæreditate communiter separanda, ad eandem adjiciantur. Privilegium quoque est, si certæ cuidam personæ concedatur monopolium certarum mercium. Privilegium militum & sacerdotum, seu ministrorum ecclesiæ, tanquam militum spiritualium est, quod ad eas quoque gerada pertineat, seu iidem una cum filiabus in gerada materna succedant, & quod absque solennitatibus testari & pro parte testati, pro parte intestati decedere possint.

§. 854.

Quid proprie sit.

Quoniam privilegiis personæ uni, vel pluribus, aut certo personarum ordini conceditur aliquod jus sive affirmativum,

tivum, sive negativum (§. 853.), consequenter facere permittitur, quod aliis non licet, aut non facere, quod facere alii tenentur (§. 851.); de iis vero, quæ fieri debent, aut non debent, vel etiam permissa esse, disponunt leges (§. 163. & seqq. part. 1. Phil. pract. univ.), privilegia revera sunt leges, quibus omnes obligantur, ut personam privilegiatam jure suo frui patiantur, nec in usu ejus eandem turbent, seu quicquam committant, quod eidem adversatur.

Ita tributa, vel vectigalia non licet exigere ab eo, qui immunitas concessa. Si cui monopolium concessum, non licet alii easdem merces vendere, & omnes easdem emere obligantur a privilegiato. Filia Professoris apud nos non potest auferre geradam in præjudicium filiorum, vel patris, matre mortua. Respectu personæ privilegiatæ privilegia habent vim legis præceptivæ ac prohibitivæ (§. 163. 164. part. 1. Phil. pract. univ.).

§. 855.

Jus privilegia concedendi superiori competit & ad jura Cuinam majestatica pertinet. Quoniam enim privilegia revera sunt leges, quibus omnes obligantur, ut privilegiatum jure suo frui patiantur, nec in usu ejus eundem turbent (§. 854.); jus privilegia concedendi competere nequit nisi ei, qui potestatem legislativam habet (§. 812.). Quamobrem cum superiori competat potestas legislativa (§. 813.), eademque ad jura majestatica pertineat (§. 810.); jus privilegia concedendi superiori competit & ad jura majestatica pertinet.

Tueri privilegiarium in exercitio privilegii sui nemo potest, nisi qui jus in actiones civium habet, consequenter imperium publicum (§. 32.). Atque hinc abunde patet, privilegiorum concessionem ad imperii exercitium spectare, consequenter

(Wolfs Jur. Nat. Pars VIII.) N n n n jus

jus majestaticum esse (§. 810.). Privilegia nimirum exigit salus publica, siquidem eorum evitetur abusus, qui cum abesse debeat, quemadmodum in ceteris, ita hic quoque abesse supponitur. Atque inde est, quod subinde imperium publicum absque privilegiorum concessione exerceri recte nequeat. Apparet hoc evidenter in eo casu, ubi vel ob præclara in Remp. merita personæ cuidam, vel in partem salarii certo cuidam, ordini immunitas onerum civilium præstatur.

§. 856.

An in concessione re-
gnet vo-
luntas supe-
rioris.

Quoniam jus privilegia concedendi superiori competit (§. 855.); a voluntate superioris dependet, cuinam privilegium, quale & qua lege id concedere velit.

Equidem imperium civile ita exercere debet superior, ut bonum publicum, quantum fieri potest, promoveatur (§. 809.); non tamen inde inferri potest, a voluntate superioris minime dependere, cuinam privilegium & qua lege concedere id velit. Inde enim tantummodo sequitur, ut boni publici promovendi causa privilegia concedantur. Hac nimirum lege regitur voluntas superioris in omni imperii exercitio, consequenter in omni, quod constituit. Ipsius autem judicio cum relictum sit, ut statuatur de eo, quod bonum publicum exigit; a voluntate utique ejusdem dependet, quid constituere velit, consequenter etiam cuinam privilegium, quale & qua lege id concedere velit.

§. 857.

De modo
concedendi
privilegium.

Quia a voluntate superioris dependet, cuinam privilegium, quale & qua lege id concedere velit (§. 856.); superior privilegia concedere potest, vel ad tempus, vel ad dies vitæ, nec non sub poena, ut abusu, vel certo quodam facto, aut non facto committatur, itemque sub onere quocunque, nec non sub certa conditione, præsertim potestativa, aut etiam precario.

Ex

Ex modo igitur concessionis multa determinanda sunt, quæ de privilegiis in quæstione sunt. Quoniam vero id omni difficultate caret, quando quæstio quædam incidit; non opus est, ut ad particularia descendamus. Exemplum abusus est, si is, cui vectigalis immunitas concessa, in gratiam amici mercedem ejus pro sua venditat, vel si vinum, quatenus a privilegiario consumendum, a vectigali immune lucrificandi animo vendat aliis. Ita sub onere monopolium conceditur, si privilegiarius, quotannis certam pecuniæ summam solvere tenetur. Conceditur privilegium sub conditione, si victor ex prælio redierit, aut si negotium aliquod publicum perfecerit. Ad tempus definitum concessum privilegium, si ad sexennium restringitur, ad tempus indefinitum, si tamdiu eodem uti debet, donec salarium pinguius constituatur.

§. 858.

Superior privilegium in poenam auferre potest ob maleficium, quod idem non attingit. Etenim in poenam auferri aliquod privilegium in concessione juris cujusdam consistat (§. 853.); *possit.* cui possunt jura quælibet (§. 589.). Quamobrem cum privilegium in concessione juris cujusdam consistat (§. 853.); *possit.* idem quoque in poenam auferri potest. Privilegia vero concedit superior (§. 855.), eidem competit jus puniendi (§. 832.), idemque poenas ob maleficia decernere potest (§. 833.). Privilegium itaque ob maleficium, quod idem non attingit, in poenam auferre potest superior.

Non confundendum est privilegium poenale, quod abusu, vel certo quodam facto, aut non facto committitur, cum ablatione privilegii in poenam. Illud nimirum poenam continet; hoc minus. Factum, ob quod punitur privilegiarius in casu priori respectum ad privilegium habet; in posteriori non necessario. Quamvis enim superior, cujus est decernere poenas (§. 833.), ob abusum quoque privilegium adimere possit, etiam in concessione dictum non fuerit, ut abusu, com-

mittatur; hoc tamen naturale non est, ut abusu committi debeat. Quodsi vero in genere lex feratur, quemadmodum ferri posse nemo dubitat, ut privilegium abusu committatur; privilegium omne tacite poenam hanc continet, & hactenus poenale intelligitur.

§. 859.

Unde metiendum jus in concessione sufficienter declarata. Etenim a voluntate superioris, qui privilegium concedit (§. 855.), unice dependet, quale & qua lege id concedere velit (§. 856.), consequenter privilegiarius non plus juris sibi arrogare potest, quam concedens ipsi concedere voluerit. Jus igitur privilegiarii metiendum est ex voluntate concessionis sufficienter declarata (§. 427. pars. 3. Jur. nat.).

Jus privilegiarii metiendum est ex voluntate concedentis

Privilegiarius non plus juris sibi arrogare potest, quam ipsi concessum: neque enim alia ratio est, cur hoc jure fruatur, quam quia ipsi concessum. Ut igitur de voluntate concedentis constet, necesse est ut privilegium in scripturam redigatur, etsi valor non a scriptura dependeat, sed, vim suam accipiat a voluntate concedentis.

§. 860.

De interpretatione privilegii.

Quoniam jus privilegiarii metiendum est ex voluntate concedentis in concessione sufficienter declarata (§. 859.), voluntas vero concedentis intelligitur ex eo, quod dictum, vel scriptum est; *jus privilegiarii non extendendum ultra id, quod dictum est, & in casu dubio jus interpretandi privilegium non compess nisi concedenti.*

Non plus juris acquirere potuit privilegiarius, quam quod in eum conferre voluit concedens. Stricte igitur inhaerendum verbis ipsius. Si de interpretatione oriatur dubitatio, nec

nec verba dubia interpretari potest privilegiarius, ne plus juris sibi arroget, quam ipsi concedere voluit superior, nec eadem interpretari contra ipsum potest alius, ne forsitan derogat juri ipsius. Necesse igitur est, ut recurratur ad concedentem, quantum juris privilegiario concedere voluerit declaraturum. Accedit, quod contra voluntatem concedentis jus privilegiarii nec augeri, nec imminui possit (§. 859.): quorum alterutrum facile contingit, si privilegii interpretatio fiat ab alio, quam a concedente, præsertim cum in casu priori difficile sit evitatu, ne in interpretando plus favori, vel odio tribuatur, quam veritati, cum plerosque homines plus regat id, quod interest, quam veritas.

§. 861.

Privilegiarius pati non tenetur, ut alius quid faciat, quod De effectu privilegio ipsius adversatur. Cum enim privilegium in jure privilegii. quodam privilegiario concessio consistat (§. 853.); si quis quid facit, quod privilegio adversatur, is facit, quod est contra jus privilegiarii, consequenter eum lædit (§. 920. *part. 1. Jur. nat.*). Quamobrem cum homini competat jus non patiendi, ut alius ipsum lædat (§. 913. *part. 1. Jur. nat.*), & privilegia contineant prohibitionem, nec quicquam ab ullo committatur, quod iisdem adversatur (§. 854.); privilegiarius tam naturaliter, quam civiliter pati non tenetur, ut alius quid faciat, quod privilegio ipsius adversatur.

Frustra privilegia concederentur, si privilegiarius pati teneretur, ut ab aliis fiant privilegio suo adversa, veluti si ipsi soli concessum esset vinum vendere in urbe, si alius adhuc vendere vellet, nisi ea continerent jus non patiendi, ut alius faciat privilegio adversa. Manifesta foret contradictio dare alicui jus, quo carent alii, ac permittere ut alii idem jus sibi arrogent, vel usum illius juris pro lubitu impendant, aut imminuant.

Nn nn 3

§. 862.

§. 862.

De aque privilegiatis.

Privilegiatus contra aque privilegium uti nequit. Privilegiarius enim utitur privilegio suo contra alium, quatenus non patitur, ut is eodem jure utatur, quod ipsi vi privilegii competit (§. 853.). Qui vero æque privilegiatus est, idem quod ipse privilegium habet, consequenter eodem jure quo hic fruitur, consequenter quo minus eodem ille utatur, hic prohibere nequit. Privilegiatus itaque contra æque privilegium privilegio uti nequit.

E. gr. Si Cajus & Sempronius habeant privilegium vendendi omnis generis vina in urbe; Cajus prohibere nequit, ne certa vina vendat Sempronius, vel etiam ne certæ personæ vinum emant a Sempronio. Paria nimirum utriusque sunt jura, nec unus plus juris in præjudicium alterius sibi arrogare potest, minus alteri permittere.

§. 863.

De tuendis privilegiatis.

Superior tueri tenetur privilegiantem contra eos, qui contra privilegium quid facere audent & promissio tutela in ipsa concessione jam tacite continetur. Quando enim alicui privilegium datur, ei jus conceditur, quo alii carent (§. 853.) & privilegium respectu aliorum lex est prohibitiva, ne quicquam committatur, quod eidem adversatur (§. 854.). Quamobrem cum permitti absurdum sit, ut quis contra privilegium quid facere audeat; superior, qui privilegium alicui dat (§. 855.), eum etiam tueri debet adversus eos, qui contra privilegium quid facere audent.

Ostenditur etiam hoc modo. Quoniam qui privilegium habet, ei certum jus competit, quo alii carent (§. 853.); quod contra privilegium ab alio committitur, injuria est (§. 859. *part. 1. Jur. nat.*). Quamobrem cum Re-

tori

tori civitatis curæ esse debeat, ut quilibet sit tutus ab injuria aliorum (§. 532.); idem quoque tueri tenetur privilegiarium contra eos, qui contra privilegia quid faciunt. *Quod erat unum.*

Et quoniam tutela hæc a privilegio inseparabilis est, *per demonstrata*, cum alias privilegium dando nihil ageretur, si cuilibet contra id committere liceret, quod visum fuerit; superior, dum privilegium alicui dat, eo ipso eidem promittere intelligitur, quod eum contra omnes tueri velit, qui contra hoc privilegium quid facere ausint. Patet itaque promissionem tutelæ in ipsa concessione jam tacite contineri. *Quod erat alterum.*

Si expresse hoc dicatur, quod superior jus privilegiarii tueri velit; verba hæc respiciunt non tam privilegiarium, quam ceteros, qui nil committere debent privilegio adversum. Inde est, quod etiam poena decernatur in eos, qui tale quid facere ausi fuerunt. Legi enim prohibitive, cui assimilatur privilegium respectu non privilegiatorum (§. 854.), poenæ adjectio convenit (§. 292. *part. 1. Pbil. pract. univ.*).

§. 864.

Privilegium personale est, quod individuo physico datur. Quoniam itaque superior, qui dat privilegium (§. privilegium 855.), vult, ut nonnisi huic individuo, qua physico jus, *personale* & quod conceditur, competat (§. 853.), & ex voluntate ipsius quale jus exmetiendum est jus omne privilegiarii (§. 859.); *privilegium eo acquirendum ad personam privilegiarii ita restringitur, ut ab ea in aliam transire nequeat*; consequenter *jus ex privilegio personali acquisitum personale est* (§. 539. *part. 3. Jur. nat.*).

Quodsi personam moralem, qualem repræsentat non modo persona, quæ certo munere fungitur in Rep. verum etiam inte-

grum aliquod collegium, vel familia quædam, vel certus hominum ordo, vel coetus quidam hominum, ab individuo physico distinguere nolueris; in genere dici poterat, privilegium omne esse personale, nec egredi personam privilegiatam: quod etsi in disciplinis utile sit ad formandos conceptus universales, ne tamen perplexa reddere videamur, quæ in se plana & perspicua sunt, privilegia personalia in significato strictiori accipere maluimus.

§. 865.

*Quando ex-
piret.*

Quoniam jus ex privilegio personali acquisitum personale est (§. 864.), jus autem personale morte personæ extinguitur (§. 542. part. 3. Jur. nat.); *privilegium personale mortuo privilegiato expirat, consequenter in hæredes non transis.*

Nulla jura personalia in hæredes transeunt, utpote qui non succedunt nisi in jus defuncti, quod habuerat in bonis suis (§. 953. part. 7. Jur. nat.), non vero in ea, quæ personam ipsius respiciunt, ac ideo extra bona sunt.

§. 866.

*De privile-
gio personæ
& hæredibus
dato.*

Si privilegium datur personæ & ejus hæredibus; hæredes non succedunt in jus defuncti, sed jura ipsis promissum a morte privilegii vim suam acquirunt. Quoniam a voluntate superioris dependet, cuinam privilegium & qua lege concedere velit (§. 856.); sicuti privilegium dare potest personæ cuidam, ita quoque idem dare potest hæredibus ea lege, ut eodem non ante uti possint, quam illa fuerit mortua. Quando igitur privilegium datur personæ & hæredibus; superior declarat, quod mortuo privilegiario idem privilegium competere debeat hæredibus, consequenter hæredes privilegio non fruuntur qua hæredes, seu quatenus in bonis defuncti succedunt, sed voluntate superioris, qui id ipsum in

in eos transferri voluit. Patet itaque, quod non succedant in jus defuncti; sed quod jus ipsis in privilegio promissum a morte privilegiarii vim suam acquirat.

Si privilegium datur personæ & hæredibus, duplex privilegium datur, alterum nimirum personæ, alterum hæredibus: quæ duo privilegia a se invicem distincta sunt, & quorum neutrum ab altero dependet, utroque vim suam acquirente a voluntate superioris. Privilegium personæ pure datur, quod statim dum accipitur vim suam exerit; hæredibus autem adjecto die incerto, mortis scilicet privilegiarii, sub hac quasi conditione, si hæredes privilegiario extiterint. Alterum igitur hoc privilegium demum validum fit, si privilegiario defuncto extiterint hæredes (§. 467. part. 3. Jur. nat.): quodsi nulli extiterint hæredes, privilegium alterum evanescit (§. 534. part. 3. Jur. nat.).

§. 867.

Privilegium personæ & hæredibus simpliciter datum non intelligitur datum nisi descendantibus & pro substrata materia non tatione privi-
nisi masculis. Etenim interpretatio facienda de eo, de quo privilegii per-
 verisimiliter fuit cogitatum (§. 512. part. 6. Jur. nat.). *sona & hæ-*
 Enimvero quando de persona & ejus hæredibus loquimur, *redibus da-*
 ea & ex ea nascituri atque ex his porro per nativitatem de-
 scensuri animo nostro obversantur, seu persona, de qua lo-
 quimur, & ejus liberi cujuscunque gradus, qui illi supervi-
 xerint. Quamobrem cum privilegium metiendum sit ex
 voluntate concedentis (§. 859.); privilegium personæ &
 hæredibus simpliciter datum non intelligitur datum nisi de-
 scendentibus. *Quod erat unum.*

Enimvero si materię, de qua agitur, parum convenit, ut verba tam late sumantur, quam patere videntur, per interpretationem restrictivam eidem convenienter restrin-

(Wolffii Jur. Nat. Pars VIII.)

Oo oo

genda

genda sunt (§. 531. *part. 6. Jur. nat.*). Quamobrem si materix, de qua in privilegio agitur, parum convenit, ut verba privilegii etiam ad foeminas extendantur, ea restringenda sunt ad descendentes masculos. *Quod erat alterum.*

Privilegia dantur contra jus commune, quo utuntur ceteri (§. 853.), ac ideo maxime odiosa sunt respectu horum (§. 494. *part. 6. Jur. nat.*). Quamobrem cum in odiosis verba sumenda sint in strictiori significato, immo admittendus etiam sit sermo figuratus aliquantulum, ut onus nimium vitetur (§. 506. *part. 6. Jur. nat.*); vocabulum hæredis sumendum in privilegii interpretatione est in significato strictissimo, quem habere potest.

§. 868.

De privilegio familiae. Privilegium familia dicitur, quod datur familiae cuiusdam, hoc est, personæ & omnibus ab ea per nativitatem descendentibus. Quoniam jus privilegii metiendum est ex voluntate concedentis in concessione sufficienter declarata (§. 859.) & superior, qui concedit (§. 655.), privilegio legem dare potest, quam voluerit (§. 656.); ex verbis privilegii patet, quale jus familia competat & quomodo a persona una ad aliam devolvatur, nisi eadem promiscuo utantur omnes. Et quia privilegium ultra familiam, cui datum est, extendi nequit (§. 860.); familia extincta expirat.

Familia hic consideratur instar personæ unius, quemadmodum ante monuimus (*not. §. 864.*). Unde privilegium familiae considerari potest instar personalis & quæ de persona in hoc casu dicta sunt ad familiam applicari possunt, mutatis mutandis.

§. 869.

*Privilegium certo cuidam ordini, vel collegio datur. Sin. De privile-
gulis personis competit, nisi quatenus certæ personæ contradistin-
guuntur ceteris, quamdiu in isto ordine, vel membra ejus collegii dñi vel col-
lant, vel in eo hunc locum obtinent. Quoniam enim privile-
gium datur certo cuidam ordini, vel collegio, quatenus
omnibus, qui sunt in isto collegio, vel ordine datur, singulis
omnino personis competit. Et quia ipsis datur, quatenus
sunt in isto ordine, vel membra ejus collegii, privilegio
non fruuntur tanquam individua physica, sed tanquam per-
sonæ morales. Quando itaque in ordine non amplius
existunt, vel membra ejus collegii non amplius sunt, ratio
cessat, cur privilegium ipsis competere debeat; ac per con-
sequens ipsis competere nequit. Quod erat unum.*

Quia vero superior, qui privilegium dat (§. 855.),
pro lubitu dare potest, quale ipsi visum fuerit (§. 856.), &
in eo sequenda est voluntas ipsius (§. 859.); si certæ cui-
dam personæ istius ordinis, vel collegii jus quoddam potius
præ ceteris conceditur, id ad personam, quæ locum hunc
obtinere, quatenus eundem obtinet, ita restringitur, ut nemi-
ni ceterorum competere queat, consequenter loco isti inhæ-
ret & per eum in personam, quæ locum hunc obtinet, qua-
tenus eundem obtinet, ita restringitur, ut nemini ceterorum
competere queat, consequenter loco isti inhæret & per eum
in personam derivatur, quæ eundem occupat. Quamobrem
patet personam, quæ jure isto fruitur, eodem frui non posse,
nisi quamdiu in ordine, vel collegio illo hunc locum obti-
net. Quod erat alterum.

Privilegia ordini cuidam, vel collegio data in personas de-
rivantur, quando ordini, vel collegio isti associantur, perinde

ac servitutes prædiis impostæ derivantur in eorum possessores, quorum personam minime respiciunt. Sunt nimirum etiam jura, quæ inhærent rebus sive physicis, sive moralibus, & per eas in personas certas derivantur, aut, si accuratius loqui malueris, quorum usus in eas derivatur. Etenim jus ipsum a re, cui inhæret, inseparabile ex ea in personam transire nequit, sed hæc eodem saltem fruitur, quamdiu res illa ad eam pertinet, nisi fingere velis, jus rei inhærens transire in personam & ex ea in rem recidere, quamdiu res ad eandem pertinere definit: quæ ipsa fictio absurda non est, nec prorsus inutilis in inveniendō & demonstrando, præsertim ubi conceptus generales formare volueris. Istiusmodi privilegia spectari quoque possunt tanquam sub conditione data, si & quamdiu fueris in hoc ordine, aut membrum hujus collegii, vel si & quamdiu locum hunc habueris in collegio. Quodsi vero peculiare quoddam jus conceditur ei, qui certum quendam locum obtinet; privilegium hoc revera singulare est, nec proprie ordini, vel collegio datum intelligitur, sed personæ cuidam istius ordinis, vel collegii, quatenus eum locum obtinet, aut, si mavis, privilegium ad certum locum restrictum, cui inhæret. Exempla istiusmodi privilegiorum sunt privilegia Clericorum, Professorum, militum, Ecclesiæ cujusdam particularis, Academiæ, Facultatis in Academia, collegii opificum, vel artificum & ita porro.

§. 870.

De revocabilitate & immutabilitate privilegiorum. Privilegia certo cuidam ordini, vel collegio data a superiori revocari & immutari possunt; non tamen is temere hoc facere debet. A voluntate nimirum superioris dependet, num & quale privilegium certo cuidam ordini, vel collegio dare velit (§. 856.), nec privilegia ista dantur personis, ut per se jus quoddam ipsis competat, sed jus saltem ex ordine, vel collegio in eos derivatur, quia ordini, vel collegio competit, & ipsæ in eodem existunt. Quoniam vero superior imperium

perium civile ita exercere debet, ut bonum publicum, quantum fieri potest, promoveatur (§. 809.); istiusmodi privilegia non concessa intelliguntur, nisi sub tacita hac clausula, quamdiu bonum publicum non aliud suaserit. Quodsi ergo ipsi visum fuerit, bonum publicum aliud suadere, utique declarare potest, privilegium ordini isti, vel collegio non amplius competere debere, consequenter illud revocare (§. 741. *part. 3. Jur. nat.*), vel pro lubitu immutare (§. 290. *Ontol.*), non tamen temere hoc facere debet.

Privilegia certo ordini hominum, vel collegio cuidam data facilius revocantur, & mutantur, quam personalia, præsertim si hæc titulo oneroso fuerint acquisita. Etenim in casu priori pro præsentis rerum statu dantur privilegia, qui ubi mutatur, cessat illorum ratio ac ideo privilegia non temere tolluntur, aut mutantur, & hoc fit absque ulla injuria eorum, qui in isto ordine, vel collegio sunt, cum a superioris voluntate unice dependeat, num privilegium quoddam eidem competere debeat, vel quale (§. 856.), nisi expresse id confirmaverit, atque ad non tollendum, vel mutandum se obligaverit: id quod in casu posteriori plerumque factum intelligitur, si non expresse, saltem tacite, prouti vel ex verbis privilegii, vel ex circumstantiis aliis colligitur, sequendo leges rectæ interpretationis.

§. 871.

Privilegia certo ordini, vel collegio data non transiunt in An privilegii hæredes, nisi ad hos a superiore fuerint expresse extensa. Etenim privilegia ordini nemo fruitur privilegio, quod certo ordini vel collegio datum, nisi quamdiu in eodem extiterit (§. 869.), consequenter data in hæredes dum quis moritur, jus ejus expirat, nec ideo in hæredes transire potest. *Quod erat unum.*

ire possint.

Enimvero cum a voluntate superioris dependeat, cuinam privilegium, vel quale dare velit (§. 856.); privilegium

legium tale, quale habuit defunctus, quia hujus ordinis fuit, vel quatenus membrum collegii hujus fuit, dare etiam potest hæredibus ejus. Quodsi ergo privilegium aliquod certo ordini, vel collegio datum a superiore fuerit expresse extensum ad hæredes quoque personarum illius ordinis, vel membrorum istius collegii, quin jure, quo fruebatur defunctus, post mortem ejus frui debeant ejus hæredes, ac ita quasi jus defuncti transeat in hæredes, dubitandum non est. *Quod erat alterum.*

Privilegium ordinis, vel collegii cujusdam ad hæredes extensum, revera peculiare privilegium est, quod hæredibus datum, nec ab illo ullo modo dependet, ita ut illo salvo tolli ac mutari possit. Istiusmodi privilegium nostræ academiz est exemptio viduarum & liberorum a censu emigrationis quod, quatenus a Professoribus ad hos extenditur, revera peculiare privilegium est hisce datum, & dari poterat, etiam si professoribus non competeret. Quomodo vero hic interpretandum sit vocabulum hæredis, patet ex iis, quæ paulo ante demonstrata & annotata sunt (§. 867.). Si liberi nominentur intelliguntur & filiz, item nepotes & neptes, ubi rationi privilegii hæc interpretatio convenit.

§. 872.

Qua de causa privilegia concedenda.

Privilegia dari non debent, nisi boni publici causa. Et enim jus privilegia dandi ad jura majestatica pertinet (§. 855.), consequenter superiori competit, quatenus imperium civile sine iis ita exercere nequit, ut bonum publicum, quantum fieri potest, promoveatur (§. 810.). Quamobrem cum imperium civile aliter exerceri non debeat, nisi ut bonum publicum, quantum datur, promoveatur (§. 809.); privilegia dari non debent, nisi boni publici causa.

Privilegia non temere concedenda sunt, ac in primis cavendum,

dum, ne vergant in præjudicium aliorum. Quoniam vero materia illorum varia est; ita quoque ex circumstantiis singularibus dijudicandum, utrum ea præjudicent aliis, nec ne, & num e re civitatis sit privilegia istiusmodi dari, qualia a nonnullis vel expetuntur, vel proprio motu conferre vult superior.

§. 873.

Si privilegia quædam vergant in detrimentum Reip. aut Quando multorum civium; superior ea tollere potest. Etenim privilegia dari non debent, nisi boni publici causa (§. 872.), con-tollenda. sequenter cavendum, ne vergant in detrimentum Reip. aut multorum civium. Quamvis itaque ex privilegio jus quoddam habeant personæ privilegiatæ (§. 853.), quod ipsis auferri non posse videtur (§. 336. *part. 2. Jur. nat.*), nisi in poenam (§. 855.), & superior privilegiorum tueri debeat contra eos, qui contra privilegium quid facere audent, immo privilegium contineat tacitam promissionem hujus tutelæ (§. 836.); quoniam tamen superiori competit dominium eminens, vi cuius de rebus subditorum ita disponere potest, quemadmodum salus Reip. exigit (§. 110. 111.), vi illius quoque privilegia tollere potest, si vergant in detrimentum Reip. aut civium multorum.

E. gr. Ponamus immunitatem onerum certo cuidam ordini, vel collegio esse concessam. Quodsi contingat, oneribus nimium gravari ceteros ob istam immunitatem; quin privilegium hoc recte superior tollat dubitandum non est, præsertim si qui immunes sunt onera facilius ferre possint ceteris. Nimirum ab initio privilegium istiusmodi concedi ceteris non erat grave, ac sine nocumento Reip. concedi poterat; ast mutato rerum statu in detrimentum Reip. vergere potest, ut sit tollen-

tollendum. Similiter immunitas a milite præfidiario urbi cuidam concessa tolli potest, si interfit Reip. ne eadem illo destituatur.

§. 874.

Monopolii concessio.

Monopolium dicitur jus certas merces vendendi uni vel pluribus, aut certo cuidam collegio soli concessum. Quamobrem cum concessio juris uni vel pluribus, aut certo cuidam collegio facta privilegium sit (§. 853.); *monopolii concessio privilegium est.*

Ad monopolia accedit proxime jus collegiis artificum & opificum, itemque mercatorum competens, vi cujus ipsis solis concessum res certas artificiales parare ac vendere, vel vendere etiam merces certas, ita ut prohibere possint, ne alii extra collegium res easdem parent, aut merces easdem vendant. Naturaliter enim unusquisque hominum eum laborem seligere debet, cui obeundo se parem sentit (§. 528. *part. 1. Jur. nat.*), consequenter res artificiales parare potest, quas voluerit. Et quoniam homines non modo vitam conservare (§. 350. *part. 1. Jur. nat.*), verum etiam, quantum datur, commode (§. 466. *part. 1. Jur. nat.*) ac jucunde transigere (§. 471. *part. 1. Jur. nat.*), & postquam dominia introducta sunt, patrimonium suum amplificare debent, quantum in potestate est (§. 458. *part. 2. Jur. nat.*); naturaliter unicuique competit jus res artificiales quascunque, quas parare potest, æquo pretio aliis vendendi & mercaturam, prouti visum fuerit, exercendi. A statu igitur civili venit, ut res certas conficiendi & merces certas vendendi ad certa collegia restringatur (§. 425.): quod aliter fieri non potuit, nisi privilegiis datis (§. 853.).

§. 875.

*Quando-
nam mono-*

Quoniam monopolii concessio privilegium est (§. 853.), privilegia vero danda non sunt nisi boni publici causa

causa (§. 872.), & si vergunt in detrimentum Reip. aut *polia* *conce-*
multorum civium, tollenda (§. 873.); monopolia quoque di possint.
concedi non debent nisi boni publici causa, & si vergunt in de-
trimentum Reip. aut multorum civium, tollenda.

Habemus hic principium generale, ex quo judicium fieri debet in casu quocunque particulari, utrum monopolium recte concedatur, nec ne. Non major difficultas occurrit circa monopolia, quam jus privative concessum certis artificum, opificum, vel mercatorum collegiis (*not. §. 874.*). Utrobique disponitur de jure, quod naturaliter hominibus est commune, ut eo uti liceat ei, qui vult, ac potest. De eo autem disponere convenit dominio eminenti (§. 111.), vi cujus superior de iis, quæ sunt singulorum ita disponere potest, prouti salus publica exigit (§. 110. 111.). Abutitur hoc jure suo, si de monopoliiis & jure collegiorum artificum, opificum & mercatorum privativo aliter disponit, quam salus publica exigit.

§. 875.

Si monopolia ea cautione conceduntur, ut merces bona non Quando
majori, quam antea, vel prorsus valiori pretio a quolibet comparari monopoliis in
possint, nec se ac concessione aliis multis abripitur lucrum, quo ma-se illicita
xime indigent; naturaliter in illicita non sunt. Etenim si con-*non sint.*
 cessis monopoliiis non majori pretio res emere cogantur, qui iisdem indigent, quam antea, eademque fuerint ejusdem bonitatis, nemo, qui merces emit, habet, de quo conqueri possit, nec superior monopolia concedens in eo quicquam committit, quod imperii exercitio repugnet (§. 420. 424.). Quod si porro ii, quibus jus vendendi res istas adimittitur, lucro, quod inde fecerant, carere facile possint; nec in eo quicquam committit superior, quod exercitio imperii repugnet (§. 401. 423.). Patet itaque si monopolia ea cautio-
 1. (*Wolffii Jur. Nat. Pars VIII.*) Pp pp ne

ne conceduntur, ut merces bonæ non majori, quam antea, vel prorsus viliori pretio a quolibet comparari possint, nec hac concessione aliis multis, qui ante nimirum vendiderant, abripitur lucrum, quo maxime indigent; ea exercitio imperii minime repugnare, consequenter naturaliter in se illicita non esse (§ 170. *part. 1. Phil. pract. univ.*).

Consideramus hic, *monopolia*, qualia in se sunt, ubi saltem attenditur jus emtorum & illorum, quibus jus vendendi adimitur, quo antea fruebantur: de quo disponere, prouti & re civitatis fuerit, utique superioris est (§ 401.). Quamvis vero *monopolia* in se illicita non sint in hypothese propositionis præsentis; fieri tamen potest ut ob circumstantias casus emergentis illicita fiant, quatenus ob easdem vergunt in detrimentum Reip. veluti si qui monopolium exercet sit extraneus & pecuniam, quam lucratur, in alias regiones exportet. Equidem stante hypothese propositionis præsentis rationes adhuc esse debent, quæ movent voluntatem superioris ad privilegium concedendum (§. 889. *Psyeb. empir.*); sed eadem non attenduntur, ubi de jure saltem quæstio est. Pertinent illæ ad prudentiam civilem, de qua in Politica agitur. Ceterum ex propositione præsentē facile intelligitur, *monopolia in se illicita esse, si qui rebus indigent eas majore quam antea pretio emere cogantur, quamvis sint minoris, quam antea, bonitatis, & lucrum, quod ante fecerant alii, iisdem abripitur, etsi intercesset Reip. ne eodem privarentur.* Non igitur opus, ut hoc demum demonstretur. Abusus vero monopoliorum in causa est, ut vulgo promiscue damnentur, quoniam in re odiosa ad eum facilius animum attendunt homines, quam ad innocuum usum.

§. 877.

De aliena-
tione privi-
legii.

Nemo privilegium alienare potest, sine consensu superioris. Etenim a voluntate superioris dependet, cuinam privilegium dare velit (§. 856.), consequenter si cuidam privilegium

privilegium dat, hoc ad personam ejus ita restrictum intelligitur, ut ab ea in aliam transferri non possit, ac ideo personale est (§. 549. *part. 3. Jur. nat.*). Quamobrem cum privilegium in jure consistat (§. 853.), jus autem personale alienari nequeat (§. 541. *part. 3. Jur. nat.*); nemo quoque privilegium alienare potest. *Quod erat nunc.*

Quoniam vero superior privilegium dare potest, cui voluerit (§. 855. 856.), quando vero in alienationem consentit, perinde omnino est, ac si privilegium det huic, in quem alienatur; quin cum consensu superioris privilegium alienari possit, dubitandum non est. *Quod erat alterum.*

Aliud omnino est concedere alicui jus, ut eodem utatur & fruatur; aliud vero concedere jus de jure sibi concessio pro arbitrio suo disponendi. Concessio illius hoc minime continet. Distinguendus est modus habendi privilegium ab ipso privilegio. Habetur privilegium jure usufructuario, non jure proprietatis, nisi proprietas singulariter fuerit concessa, quæ concessio privilegium quoddam speciale est ab altero diversum, nec cum eo cohærens.

§. 878.

Quoniam privilegium alienari potest cum consensu superioris (§. 877.), a voluntate autem superioris dependet, *quando pro* qua lege id dare velit (§. 856.); *privilegium quoque dare nari possit.* *potest cum potestate alienandi, præsertim si titulo oneroso obtineatur,* quia tamen sine consensu superioris alienari nequit, seu per se alienabile non est (§. 877.), *alienandi potestas nunquam præsumitur.*

In Jure naturali non loquimur de eo, quod est facti; sed quod est juris. Nostri enim moribus privilegia vix dantur tanquam alienabilia, etsi subinde cessio permittatur cum consensu

sensu superioris, ubi perinde est, si hæc persona, si alia in commodum Reip. utatur.

§. 879.

De monopolio alienando.

Similiter quia privilegium nemo alienare potest, sine consensu superioris (§. 877.), concessio autem monopolii privilegium est (§. 874.), *qui monopolium habet, jus suum in alium transferre nequit, sine consensu superioris (§. 662. part. 2. Jur. nat.).* Quoniam tamen privilegium dari potest ea lege, ut alienari possit (§. 878.), *monopolium quoque alicui concedi potest ea lege, ut qui habet id pro lubitu in alium transferre queat.*

Ita pater monopolium cedere nequit filio, nisi superior consentiat: quando autem superior consentit, tum perinde est, ac si respectu patris idem tollat, & simile privilegium, quod is habuerat, filio ejus det, cui dare poterat, etiamsi pater non habuisset.

§. 880.

De privilegio ad certum tempus dato, privilegio ante terminum mortuo.

Si privilegium detur ad certum tempus, & antequam id finiatur, privilegiarius moriatur, per reliquum tempus illud ad hæredes pertinet, nisi ex materia vel aliunde appareat, idem personæ esse. Quodsi enim privilegium detur ad certum tempus, aut id sit eo fine, ut ultra istud tempus eodem frui non debeat privilegiarius, etiamsi termino elapso adhuc fuerit in vivis; aut ut toto illo tempore durare debeat, seu dies adjectus spectatur tanquam terminus ultra quem durare non debeat, aut tanquam terminus, ante quem non debeat finire. Facile patet, in casu priori non tolli respectum, quem ad personam habet, consequenter privilegium esse personale (§. 543. part. 3. Jur. nat.), atque ideo mortuo privilegiario expirare, nec ad hæredes transire (§. 865.); in casu autem posteriori illud intelligi reale, ut mortuo privilegiario adhuc

huc subsistat, ac per consequens in jus ipsius succedant hæredes, sicuti in reliquum, quod est in bonis ejus (§. 958. *part. 7. Jur. nat.*). Quæritur itaque, quomodo in casu dubio colligatur, utrum dies adjectus sit tanquam terminus, ultra quem privilegio frui non debeat privilegiarius, vel tanquam terminus, ante quem idem non debeat extinguui. Valet igitur hic id, quod recta interpretatio suggerit. Nimirum si materia talis sit, quæ respectum ad personam habet, nec ad aliam promiscue extendi potest, vel etiam ratio, cur privilegium personam privilegiarii unice respiciat; vel aliæ dentur circumstantiæ, quæ demonstrant personam privilegiatam, casus utique prior obtinet: si materia istiusmodi fuerit, ut privilegium exerceri quoque possit ab hærede, nec ad sin rationes manifestæ, ob quas idem ad personam privilegiatam restringendum sit, casus posterior existit. Quamobrem patet, si privilegium detur ad certum tempus, & antequam id finiatur, privilegiarius moriatur, residuo tempore illud ad hæredes pertinere, nisi ex materia, vel aliunde appareat, idem personale esse.

E. gr. Ponamus nobili ob insignia merita in acie concessam esse jus venandi per decennium. Cum fructus ex venatione percipiendus per decennium spectandus sit tanquam præmium fortitudinis, facile intelligitur, si is anno quarto moriatur, per residuos sex annos jure venandi adhuc frui hæredes. Similiter si monopolium fuerit concessum titulo oneroso per sexennium, & privilegiario anno quarto mortuo existat hæres habilis; is per biennium residuum privilegium adhuc exercere poterit. Enimvero si cui ob singularem favorem concedatur immunitas certorum onerum ab aliis præstandorum per annos novem; privilegiario mortuo eadem non fruitur hæres residuo tempore, cum immunitas ista respectu personæ concessa intelligatur. Alia vero est ratio, si beneficium hoc hæredi petenti non denegat superior.

§. 881.

Regimen superioris compesens.

Superior regere debet civitatem, seu Remp. Etenim superiori competit jus in actiones singulorum (§. 141.), consequenter imperium publicum (§. 194. part. 7. *Jur. nat.* §. 32. b.). Quamobrem cum regimen in exercitio imperii consistat (§. 218. part. 7. *Jur. nat.*); superior civitatem, seu Remp. regere debet.

Imperium cum sit jus (§. 194. part. 7. *Jur. nat.*), jus autem omne facultas moralis agendi (§. 156. part. 1. *Phil. pract. univ.*); imperium foret inutile, nisi exerceretur, consequenter nisi qui habet, regeret subditos (§. 218. part. 7. *Jur. nat.*). Superior itaque imperium non alia de causa habet, quam ut civitatem regat. Hoc adeo manifestum est, ut absque probatione instar axiomatis sumi poruisset.

§. 882.

Quinam regat pro diversitate formarum Reip.

Quoniam superior civitatem regit (§. 881.), in democratia vero populus universus superior est (§. 142.), in aristocratia universitas optimatum (§. 143.), in monarchia monarcha (§. 133.), vel Rex in regno (§. 139.); in democratia populus ipse regit, in aristocratia optimates regunt civitatem, in monarchia vero monarcha, vel in regno Rex.

Nimirum si Rex non habuerit imperium plenum summum, sed certo modo limitatum, vel restrictum; civitatem regit juxta leges fundamentales (§. 74. 77.): id quod etiam obtinet in aliis formis Rerump. mixtis. Quoniam vero in presenti non habetur ratio diversitatis formarum Reip. quæ hic demonstrantur ad quemlibet Rectorem civitatis pertinent, sive is fuerit persona una, sive plures fuerint, aut populus universus.

§. 883.

§. 883.

Superior civitatem regit partim per se, partim per alios. Quotuplica
 Ex iis, quæ de constituenda Rep. demonstrata sunt in capite *modo civi-*
 præcedente, abunde intelligitur, fieri haud quaquam posse, *tas regatur.*
 ut omnia, quæ curæ superiori esse debent, faciat ipse. Con-
 stat præterea, multa admodum, quæ fieri debent, esse quo-
 tidiana, nec ubivis superiore ipsū præsentem esse posse:
 immo in executione plurimorum aliorum ope eundem indi-
 gere. Necesse igitur est, ut multa aliis facienda commit-
 tat, quæ per se facere nequit, sibi que tantummodo reservet
 ea, quæ majoris momenti sunt & Kemp. universam propius
 attingunt, & quæ in loco, ubi residet, expediri possunt.
 Quoniam igitur imperium civile exercens alia per se facit,
 alia per alios, in illius autem exercitio regimen consistit
 (§. 218. part. 7. Jur. nat.); civitatem partim per se regit,
 partim per alios.

A posteriori idem in omnium oculos incurrit. Sed quo-
 niam hic reddenda est ratio eorum, quæ fiunt, & a priori
 ostendendum, quæ fieri debeant, si Resp. spectetur tanquam
 constituenda; non abs re fuit, ut rationes in medium afferre-
 mus, ob quas superior civitatem partim per se, partim per
 alios regat.

§. 884.

Officium publicum vocamus administrationem certo-*Officium pu-*
 rum negotiorum vi imperij civilis gerendorum & executioni *blicum quid*
 dandorum. Quamobrem *officio publico funguntur non modo il-*
lis, quibus exercitium cujusdam juris ad imperium civile pertinen-
tis committit superior, verum etiam hi, quorum ministerio vel ipse,
vel illi utuntur in executione negotiorum. Quamobrem cum
 magistratui certæ partes imperij exercendæ committantur a
 superiore

superiore (§. 162.), & in specie iudicibus committatur, ut unicuique jus suum tribui curent in civitate & unumquemque adversus injurias aliorum defendant (§. 538.); *magistratus & iudices*, consequenter etiam ii, quorum ministerio in executione negotiorum suorum utantur, officio publico fungantur. Appellari etiam potest *Munus publicum*.

Non difficultate caret munera publica, vel officia, præsertim si ad species eorum descendas, ita definire, ut verba exacte eum significatur servent, quem ex mente Romanorum habere debent. Vide sis *Bodinum* de Rep. lib. 3. c. 3. & 4. Non ignoro vocabula Latina non amplius esse Latina, si vel tantillum significatus eorum mutetur; sed recte observat *Bodinus* l. c. c. 3. parum referre, quibus verbis, si Latina desint, utamur, modo rem teneamus. Nec a mente ejus absunt J&ti, qui rebus, quas ignorarunt Romani, nomina imposituri vel vocabula Germanica in Latina vertunt, veluti quando *Gerad*am vocant *die Gtade & Hergewettum* das *Heergewette*. Quidni etiam significatum vocabulorum pro lubitu restringere, vel extendere liceat, si usus exigat? Placuit itaque officium publicum, vel munus ita definire, quemadmodum maxime convenit universalitati Juris naturæ & institutis nostris magis respondet. Quamvis vero officia publica in generali hoc significatu, quem vocabulo tribuimus, accepta ministeria quoque, quæ vulgo abjecta putantur, immo proflus macula quadam affecta censentur, complectantur, veluti munus carnificis, listorum, custodis carceris; id ipsum tamen parum nos angit. Etenim dantur quoque organa corporis humani, quæ etsi ignobiliora reputentur, non tamen minus in numerum organorum corporis referuntur, quam cetera nobiliora, & ad conservationem corporis non minus necessaria sunt ceteris, quibus homo carere nequit, ut vitam hominis vivat. Sane jus gladii superiori competit (§. 834.), qui idem exercet per iudices (§. 538.). Hi vero in executione poenæ capitalis utuntur ministerio carnificis. Quod itaque facit carnifex, id sit jure

jure imperii civilis, quod exercere nequit superior, nisi per judices nec sine ministerio carnificis. Carnificis ideo munus non minus publicum est, quam judicis, & ad exercitium imperii civilis illud non minus necessarium est, quam hoc esse nemo in dubium vocat. Judici competit jus inquirendi in delicta publica seu crimina & poenas meritas decernendi; carnifici jus poenam exequendi. Jus utrumque ab imperio civili venit, atque in eo judicis & carnificis officium conveniunt, quod uterque agat jure ab imperio civili veniente. Absurdum igitur non est, ut officium eorum, qui nonnisi jure ab imperio civili veniente & consequenter a superiore vel immediate, vel mediate ipsis concessio agunt, communi nomine appelletur. Ut vero generali hac appellatione utamur, universalitas eorum, quæ in jure naturæ demonstrata sunt, requirit.

§. 885.

Quoniam qui officio publico funguntur, negotia *per quoniam* publica vel gerunt, vel exequuntur (§. 884.), superior *civitatem* autem civitatem per alios regit, quatenus eorum ministerio uti *regas* *superior* *regas* *superior* vel in imperio exercendo, vel in iis, quæ ad idem spectant, exequendo (§. 218. part. 7. *Jur. nat.*); *Qui officio publico funguntur, per eos civitatem regit superior.*

Ne paradoxum, immo absurdum videatur, quod hic inferitur; probe perpendenda sunt, quæ modo satis prolixè annotavimus (nos. §. 884.). Sane nemo in dubium vocat ad regimen civitatis pertinere, ut puniantur malefici. Poenæ autem legibus constitutæ sunt exigendæ (§. 656.). Executio igitur poenæ ad regimen civile itidem pertinet. Quamobrem superior exequitur jus suum per eos, quibus vel ab ipso, vel per alios executio poenæ demandatur.

§. 886.

Superiori competit jus munera seu officia publica conferendi. De jure conferendi munera.
(*Wolfii Jur. nat. Pars VIII.*)

mera publi- di. Etenim superioris est regere civitatem (§. 881.), par-
ca. tim per se, partim per alios (§. 883.), consequenter a vo-
 luntate ipsius dependet, per quosnam eandem regere velit.
 Quamobrem cum per eos civitatem regat, qui munere pu-
 blico funguntur (§. 885.); superiori competit jus munera
 seu officia publica conferendi.

Nemo igitur autoritate privata officium aliquod publicum
 alicui conferre potest. Sed quicumque officio aliquo publico
 fungitur, quaecunque tandem sit, is jus suum habere non
 intelligitur nisi a superiore & quicquid agit, id agit nonnisi jure
 a superiore concesso, aut, si mavis per ipsum exequitur jus
 quoddam suum superior.

§. 887.

*De modo
 conferendi
 officium pu-
 blicum per
 alios.*

Quoniam superiori competit jus officium publicum
 conferendi (§. 886.), perinde vero est, sive pure, sive per
 alios id alicui conferat, & quantum juris in conferendo his
 concedere velit (§. 11. part. 3. Jur. nat.); superior quoque
certis personis concedere potest jus certa quædam officia publica con-
ferendi vel pure, vel ea lege, ut confirmatione ipsius sit opus, vel
etiam saltem jus nominandi certas personas, ex quibus eam eligit,
quam velit.

Regnat in hisce voluntas superioris, ac inde est, quod non
 ubivis in conferendis muneribus publicis eadem observentur.
 Hinc videas in civitatibus minoribus officia publica conferri
 aut saltem collata confirmari a superiore, quæ in majoribus
 per alios absque confirmatione conferuntur.

§. 888.

*De collatio-
 officiorum*

Si officium aliquod publicum conferri nequit sine confir-
matione superioris; collatio non ante valida, quam a superiore fue-
rit

rit confirmata, & si eam confirmare nolit, vel persona alia eligen- publicorum
da, vel ipse superior idem alii conferre potest, cui voluerit, nisi per confirmatio-
leges fundamentales jus collatorum fuerit definitum. Etenim si ni subje&a.
superior confirmationem sibi reservavit, officium publicum
conferri nequit sine consensu superioris (§. 658. part. 1. Phil.
pract. univ.). Quamobrem patet collationem non ante va-
lidam fieri posse, quam a superiore fuerit confirmata, cum
eam confirmare non teneatur, si nolit. *Quod erat primum.*

Quodsi ergo confirmare nolit, necesse omnino est,
ut officium personæ alii conferatur. Quoniam vero non
jure proprio conferuntur officia publica ab aliis, sed jure su-
perioris, a quo jus conferendi ipsis concessum (§. 886. 887.),
aut per quos is idem exercet; a superioris utique voluntate
dependet, utrum velit ab his personam aliam eligi, an vero
ipse per se personæ cuidam officium conferre velit. Quam-
obrem si collationem confirmare nolit, vel persona alia a
collatoribus eligenda, vel ipse superior officium alii confer-
re potest, cui voluerit. *Quod erat secundum.*

Enimvero si jus collatorum per leges fundamentales
fuerit definitum, cum superior adstrictus sit ad earum obser-
vantiam (§. 77.); iis omnino standum, quod legibus fun-
damentalibus convenit, consequenter si per eas ipsi officium
conferre non licet, nec denegare confirmationem sine justa
causa, in priori casu collatores personam aliam eligere te-
nentur, in posteriori rationes, ob quas confirmationem de-
negat, reddere tenetur superior. *Quod erat tertium.*

§. 889.

*Habiles ad officium publicum dicuntur, quibus sunt vi. De habilita-
res sufficientes; ut eodem recte fungantur, & constans est ac te. eorum,
perpetua voluntas eodem recte fungendi.*

Qq qq 2

Qui

quibus offi-

*cia publica
conferun-
tur.*

Qui officio aliquo fungi debet, is faciat necesse est, quæ officii ratio exigit. Quodsi facere debet, necesse est, ut & possit, & velit. Ut possit, instructus esse debet viribus ad agendum sufficientibus, quæ vel ad facultatem cognoscitivam, vel ad locomotivam referuntur pro diversitate eorum, quæ fieri debent: ut vero velit constantia voluntatis requiritur, ne a proposito recte faciendi ullo modo se dimoveri patiatur, & perpetuas, ut eadem constantia adsit in omni casu (§. 1062. *part. 1. Theol. nat.*). Ita nimirum in functione muneris nihil desideratur (§. 30. *part. 1. Phil. pract. univ.*): si quid vero vel ex parte intellectus, seu in genere facultatis cognoscitivæ, vel voluntatis ac noluntatis, vel denique locomotivæ desideretur, ut quis munere suo recte fungatur fieri nequit.

§. 890.

*Quibusnam
officia publi-
ca conferen-
da.*

Quoniam superior civitatem regit per eos, qui officio publico funguntur (§. 885.), consequenter imperium per eos exercet (§. 218. *part. 7. Jur. nat.*), imperium vero ita exerceri debet, ut bonum publicum, quantum fieri potest, promoveatur (§. 809.), consequenter necesse est, ut qui munere seu officio publico funguntur, & viribus sufficientibus instructi sint, & voluntatem constantem ac perpetuam habeant eodem recte fungendi, adeoque habiles sint (§. 889.); *officium aliquod publicum nemini conferri debet, nisi qui habilis est.*

Si ad officia publica admoveantur inhabiles, fieri non potest, ut civitas recte regatur, consequenter bonum publicum, quantum fieri potest, promoveatur: id quod adeo verum est, ut, si quis officio vel abjectissimo, aut quod exigui, vel nullius momenti videtur, minus recte fungatur, labe ista inficiantur functiones aliorum, quæ per se nihil vitii habent. Nimirum qui officiis publicis funguntur habent se per modum organorum corporis humani, quorum alia nobiliora, alia igno-
bilia

biliora censentur pro diversitate functionum. Non ignotum vero est; si functiones quædam ignobiliorum minus recte se habeant, in consensum trahi etiam nobiliora, quamvis per se omni vitio careant. Non minor nexus est inter eos, qui officiis publicis funguntur, quam inter organa corporis humani, qui cum mutuam quandam dependentiam actionum inferat, etsi difficulter haud raro observabilem, nec est quod miremur, ex nonnullorum inhabilium promotione subinde nasci malum, cui vix ac ne vix quidem mederi datur. Maxime igitur hic valet illud pervulgatum, principiis esse obstandum, ne pars sincera trahatur.

§. 891.

Quia officium publicum nemini conferri debet, nisi *An pro offi-* qui habilis est (§. 890.); *officia publica vendi non debent, nec cio publico* conferri plus licitanti, ne scilicet inhabilem habilitiori præferri certum precontingat. Quoniam tamen jus conferendi officia publica *tuum exige-* superiori competit (§. 886.), ac ideo ab ipsius voluntate *de re liceat.* pendet, qua lege eadem conferre velit (§. 11. *part. 3. Jur.* *nat.*); *si utilitatis publicæ causa aliquid solvendum ab eo, cui offi-* cium aliquod publicum confertur, id conferri potest sub hac condi- *zione, ut certam pecuniam solvas, modus tamen solutionis & pecu-* nia summa ita determinari debet, ne ea de causa habilitior excluda- *tur, vel possponatur.*

In se illicitum non est pro officio publicoolvere certum pretium, modo sufficienter caveatur, ne habiles arceantur, inhabiles vero admittantur. Quomodo vero determinari hoc pretium, modusque solvendi possit, ne tale quid metuendum sit, prudentiæ civilis est, veluti si pars salarii per unum, vel alterum annum eo sine impendatur; quo in casu tamen liberum est unicuique, si possit, de suo illud statimolvere. Quoniam tamen nil fieri debet in civitate, nisi boni publici causa (§. 809.); nisi utilitas publica id urgeat, officia publica ea

lege non facile sunt conferenda. Ceterum cum fortuna non omnibus det opes, quibus natura benignior dotes animi & vires corporis largita, & qui nihil in se desiderari passi sunt, ut fierent habiles; nemo non videt, modo velit, quam sit periculosum, officia publica æquiparare rebus, quæ emi ac vendi possunt.

§. 892.

*De iis, qui
muneribus
se corrumpi
patiantur in
officiis con-
ferendis.*

Quoniam officia publica vendi non debent, nec conferri plus licitanti (§. 891.), perinde vero est, siue hoc se corrumpi fiat, siue qui conferendi jus habent, aut superiori commendantur in dare vel præsentare debent personas habiles, muneribus se corrumpi patiantur; minime ferendum ut ab iis, qui munus ali-
quod ambiunt, munera accipiant, qui vel officia conferunt, vel superiori personas habiles commendare aut præsentare debent, con-
sequenter cum poenis coercendi sint, qui faciunt, quæ in
Rep. permittenda non sunt (§. 647.), qui munera accipiunt,
a superiore recte puniuntur.

Non est quod excipias, posse munera accipi etiam ab iis, qui habiles sunt, consequenter tum nullum inde pati incommodum Remp. Etenim in Rep. obviam eundum non solum præsentati malo, sed omne etiam periculum avertendum, quod imminere posse apparet. Et præterea constat, naturaliter illicitum esse, ut pro eo, quod quis facere obligatur, quasi mercedem quandam exigat.

§. 893.

*De ambitus
crimine non
tolerando.*

Quia ferendum non est in Rep. ut munera accipiantur ab iis, qui officium quoddam publicum sibi conferri petunt (§. 892.); ideo nec ferendum, ut qui officium ambit, pecunia data eos corrumpat, qui vel conferendi, vel nominandi jus habent, siue pecunia statim detur, siue sub ea conditione promissa-

ent

sur, si obtentum fueris, consequenter qui hoc faciant puniendi (§. 647.).

Injuriam facit Reip. eamque lædit non minus, qui pecuniam dat, quam qui accipit. Utrumque igitur prohibendum, consequenter puniendum (§. 585.).

§. 894.

Crimen ambitus vocatur, quo quis data pecunia, vel *Quale id* alio illicito modo corruptis suffragiis munus quoddam publicum, vel dignitates civiles sibi parat.

Quoniam crimen ambitus in recepto significato etiam ad dignitates civiles extenditur, eundem immutare non debui-
mus (§. 142. *Disc. pral.*), etiamsi de dignitatibus civilibus inferius demum agatur. Patet autem per demonstrata (§. 893.), crimen ambitus recte puniri. Immo interest Reip. ut puniatur. Committi autem diximus hoc crimen, non modo si data pecunia, verum etiam alio modo illicito suffragia corrumpantur. Dari enim adhuc modos illicitos alios, nemo ignorat. Ita huc referendum, si, qui officium ambit, sese offert ad foeminam quandam in matrimonium ducendam, qui absque hoc conditione aliis non præferretur. Convenit cum crimine ambitus in Jure Canonico *Simonia*, quæ committitur, si quis sacerdotium pretio sibi comparat, & a Protestantibus non satis apte, si originem vocabuli spectes, ad eos trahitur, qui munus ecclesiasticum, seu ministri ecclesiæ pretio sibi comparant. Sed per nos valcant verba sicut nummi, modo id fiat sine præjudicio veritatis. Quemadmodum vero crimen ambitus minime committitur, si publico officio admotus certam pecuniam solvere tenetur ex constitutione superioris (§. 891.); in eodem casu nec *Simonia* committitur.

§. 895.

§. 895.

*De jure ad
officium pu-
blicum.*

Qui habilis est ad officium publicum, is jus imperfectum ad idem habet, jus vero perfectum idem ambiendi. Quoniam officium publicum conferendum non nisi habili (§. 890.), quatenus quis habilis est, idem ipsi recte conferri potest. Quoniam vero plures esse possunt, qui vel æque habiles sunt, verum quorum unus habilior ceteris, & a superioris voluntate dependet (§. 886.), vel etiam eorum, quibus hoc commisit superior, cuinam officium aliquod conferre velint (§. 887.); ut idem sibi conferatur, nec superiorem, nec eos, qui jus ipsius habent, nemo cogere potest, quamvis habilis fuerit. Habet igitur jus nonnisi imperfectum ad officium, quod ambit (§. 237. *part. 1. Phil. pract. univ.*). *Quod erat unum.*

Enimvero cum civis quilibet obligetur ad commune civitatis bonum promovendum (§. 28.), consequenter se utilem Reip. præstare debeat, quantum potest; si habilis est ad munus quoddam obeundum, ipsa lex naturæ dat ei jus, ut id ambiat (§. 158. *part. 1. Phil. pract. univ.*). Quamobrem cum jus perfectum sit, quod nobis dat lex naturæ, ut obligationi nostræ satisfaciamus (§. 905. *part. 1. Jur. nat.*); jus ambiendi officium publicum, ad quod quis habilis est, jus perfectum est. *Quod erat alterum.*

Judicium de habilitate petentis, non est ipsius petentis, sed ejus, qui officium publicum confert. Habilitas itaque non facit jus perfectum ad officium (§. 906. *part. 1. Jur. nat.*); sed saltem meritum parit (§. 785. *part. 1. Phil. pract. univ.*). Cujus est conferre officium, is quidem obligatur id conferre nonnisi habili, sed propterea, non tibi, quia habilis es: neque enim deesse possunt alii non minus habiles, & de stabi-

habilitate standum ipsius judicio est, prouti modo insinuvimus.

§. 896.

Quoniam qui ad officium habilis est, is jus imper-
fectum ad idem habet (§. 895.), qui vero jus imperfectum
ad quid habet, id meretur (§. 237. 785. *part. 1. Phil. pract. dignis con-*
univ.); *Qui ad officium habilis est, meretur ut id eidem confere-*
tur & eodem dignus est, consequenter cum officia publica non
conferenda sint nisi habilibus (§. 890.), *cura habendum est,*
ut eadem conferantur dignis ac iis, qui merentur.

Quodsi ergo officia conferantur indignis & qui merentur
prætereuntur, non iniquæ sunt horum querelæ, licet de inju-
ria sibi facta conqueri minime possint (§. 895. *b. & §. 859.*
part. 1. Jur. nat.). Et superior, qui officia certa conferendi
jus magistratui impertitur voluisse præsumitur, ut nonnisi di-
gnis conferantur.

§. 897.

Si ex indigni electione damnum fecerit Resp. is, cui officio-
rum publicorum collatio mandata est, rescire tenetur. Quo-
niam enim curæ habendum, ut officia publica conferantur *quod ex in-*
indignis (§. 896.); si cui officiorum publicorum collatio man-
data est, ei non aliter collata intelligitur, quam ut dignos ne fecit
eligat, consequenter ad eligendum dignum Reip. obligatur. Resp.
Quod si ergo ex indigni collectione damnum fecerit Resp.
damnum hoc culpa, vel dolo collatoris datur (§. 701. 717.
part. 1. Phil. pract. univ.); Quamobrem cum damnum re-
scire teneatur, is, cujus dolo, vel culpa datum (§. 580.
part. 2. Jur. nat.); si ex indigni electione damnum fecerit
Resp. is, cui officiorum publicorum collatio mandata est,
rescire tenetur.

(*Wolffii Jur. Nat. Pars VIII.*)

Rr rr

Toti

Totidem verbis hoc asserit *Grotius* I, 2. c. 17. §. 3. nec a veritate aberrat, quemadmodum ex demonstratione patet. Obligatio eligendi dignum nascitur ex pacto inter superiorem & eum, cui officiorum publicorum quorundam collatio mandatur (§. 640. *part. 4. Jur. nat.*), seu inter hunc & Remp. cujus jus habet superior, intercedente. Obligatio hæc sicuti perfecta est (§. 403. *part. 3. Jur. nat.*); ita quoque eidem jus perfectum respondet, quo Resp. hoc exigere potest a collatore, ut dignos eligat (§. 908. *part. 1. Jur. nat.* & §. 235. *part. 1. Phil. pract. univ.*). Violatur itaque indigni electione jus Reip. perfectum, ac per consequens eadem injuria afficitur (§. 859. *part. 1. Jur. nat.*). Damnum injuria hæc datum Reip. reparandum & qui fecit etiam puniendus. Damni nimirum reparatio & poena simul locum habent, nec confundendæ sunt: id quod in aliis quoque malefactorum generibus obtinet.

§. 898.

De remotio- *Removeri* ab officio scilicet dicitur, qui eodem priva-
ne, suspensio- tur; *Suspendi* vero is, qui eodem fungi ad tempus certum,
ne & dimis- vel indefinitum prohibetur; *Dimitti* denique is, cujus pre-
sione. cibus annuit superior, ut eodem diutius fungi non teneatur. *Remotio* quoque *Depositio* appellari solet. *Removetur* itaque
 & *suspenditur* *in vitis*; *dimittitur* vero *volens*.

Remissiones, suspensiones & dimissiones adeo notæ sunt, ut iis rebus accensenda sint, quas definiri opus non est, ut intelligantur; sed quæ saltem definiuntur, quatenus earum notio distincta est principium demonstrandi.

§. 899.

De tempore, *Si cui officium confertur non in certum diem, vel sub con-*
quo quis of- *ditione resolutive; in perpetuum collatum intelligitur.* Etenim
cio fungi de- si officium non confertur in diem, nullum definitur tempus,
bet. quo elapso jus eodem fungendi expirare debet. Quod si
 sub

sub conditione resolutive non conferatur, nec duratio juris eodem fungendi ad aliquod tempus restringitur, quo conditionem extare certum est (§. 488. *part. 3. Jur. nat.*). Quamobrem si nec in certum diem, nec sub conditione resolutive officium conferatur; collator voluisse intelligitur, ut is, in quem officium confert, eodem fungatur, quamdiu vixerit, consequenter in perpetuum collatum intelligitur.

Quando officium in perpetuum collatum dicitur, eo ipso intelligitur, quod qui eodem fungitur ab obligatione sua invito collatore seu superiore se liberare non possit, nec pro lubitu se eodem abdicare, ex adverso vero nec superior, seu collator illum sine justa causa eodem privare.

§. 900.

Collatio officii perficitur pacto, inter collatorem & eum, cui Quomodo conferitur, inito. Etenim qui officium aliquod publicum alteri collatio offi- confert, certorum negotiorum administrationem, vel executionem eidem committit (§. 884. 641. *part. 4. Jur. nat.*), & tur. cui perficia- dum is, cui confertur, idem acceptat, eo ipso declarat, quod negotia ista diligenter administrare, vel exequi velit (§. 2. *part. 3. Jur. nat.*). Quamobrem cum in eo conveniant qui officium confert & qui acceptat (§. 698.), hæc conventio autem promissionem contineat de officio diligenter obeundo (§. 642. *part. 3. Jur. nat.*), conventiones vero promissionem continententes pacta sint (§. 788. *part. 3. Jur. nat.*); collatio officii perficitur pacto inter collatorem & eum, cui confertur, inito.

Quando officium publicum alicui confertur, non modo qui confert declarat, se in ipsum transferre jus ea faciendi, quæ vi officii istius fieri debent, verum etiam is, qui id confertur, promittere tenetur, se diligenter eodem functurum,

R r r r 2

immo

immo etiam juramento promissionem confirmare. Adfunt itaque omnia, quæ ad pactum ineundum requiruntur. Quamobrem paradoxum videri nequit, collationem officii pacto perfici. Nec obstat officium conferri petenti, cum etiam pacta ineantur cum iis, qui ad paciscendum se offerunt.

§. 901.

De obligatione ex pacto. Quoniam collatio officii perficitur pacto inter collatorem & eum, cui confertur, inito (§. 900.), pacta vero ista, quo collatio sunt servanda (§. 789. part. 3. Jur. nat.); non minus superior, latius perficienda, quam is, in quem collatum est, ea servare debet, de quibus inter eos vel expresse, vel tacite conventum fuit, & jure inde & jure utriusque metiendum est tum ex eo, quod expresse dictum, acquisito, tum vero etiam ex eo, quod ipsa natura negotiorum, qua gerenda, vel exequenda committantur, insinuat.

Sane ideo literæ dantur ei, cui officium quoddam confertur, in quibus collator voluntatem suam declarat tum de iis, quæ facere debet acceptans, tum de juribus & salario, quibus frui debet, nisi ea jam per se sint manifesta, ut id obtineat, quod more receptum.

§. 902.

De Salario sine mora solvendo. Quoniam servanda sunt ea, de quibus in collatione officii publici conventum (§. 901.); *salarium promissum statim solvendo.* & tuto tempore sine mora solvendum, & qui officio fungitur, omnem diligentiam in diligentiam adhibere debet, ut omnes officii sui partes adimpleat. obeundo munere adhibenda.

Salarium promissum intelligitur tacite, quod ordinarium seu solitum est, utut nihil expresse de eodem fuerit dictum. Quamobrem eadem ex pacto obligatio est, sive de salario certo expresse fuerit conventum, sive tacite ordinarium in conventionem suppositum. Et quamvis quilibet jam naturaliter obligetur, ut officio suo recte fungatur (§. 189. part. 1. Phil. pract.

præf. univ.); ad hoc tamen etiam vi ipsius pacti, quo officii collatio perficitur, unusquisque sese obligat.

§. 903.

Quia salarium promissum solvendum (§. 902.); *De salarii quantum quis officio fungitur, id diminui nequit, nisi id fiat vel diminutio in poenam (§. 589.), vel vi dominii eminentis (§. 111.). ne.*

Nimirum in poenam auferri potest etiam jus ex pacto questum (§. 589.), ac per consequens jus percipiendi salarium (§. 901.): vi dominii autem eminentis in casu necessitatis de salario quoque disponere potest superior, prouti salus publica exigit (§. 111.). In utroque igitur casu nihil committitur, de quo iustæ moveantur querelæ, quamvis in casu posteriori æquitati conveniat, ut, cessante necessitate, resarciatur, quod ablatum, quantum fieri potest (§. 119.).

§. 904.

Qui officio publico fungitur, ei salarium dandum. Et- De salarii enim cum Resp. spectatur tanquam persona moralis (§. 576.) æquitate. & qui officio publico funguntur, negotia ipsius administrant (§. 884.); hi Reip. operam suam præbent. Quamobrem cum naturaliter nemo obligetur alteri gratis præstare operas, si is vicissim quid præstare possit (§. 268. *part. 4. Jur. nat.*), sed tantummodo obligemur ad operas pro æquo pretio aliis communicandas (§. 322. *part. 4. Jur. nat.*), onera vero Reip. ferre tenentur universi (§. 775.); qui officio fungitur, pro præstita Reip. opera mercedem accipere debet (§. 327. *part. 4. Jur. nat.*), seu salarium eidem dandum (§. 905.).

Pactum illud, quo collatio officii publici perficitur (§. 900.), proxime accedit ad locationem conductionem operarum (§. 1194. *part. 4. Jur. nat.*). Conductor nimirum est Resp. cujus administratio operis istis indiget, quatenus tanquam persona

sona moralis spectatur (§. 576.), ac per consequens collator officii, qui Remp. quoad jus conferendi repræsentat; locator vero est is, cui officium confertur (§. 1195. *part. 4. Jur. nat.*). Et salarium merces est, quæ pro præstatione operarum solvitur, sive ea in pecunia, sive in rebus aliis quibuscunque, aut partim in pecunia, partim in rebus consistat (§. 1211. *part. 4. Jur. nat.*). Quodsi collationem officiorum publicorum reducās ad contractum locationis conductionis, ex iis, quæ de hoc contractu demonstrata sunt, nullo negotio solves plures quæstiones, quæ de officiis publicis incident. Cum nos famulis conducticiis utamur, quæ de heri ac famuli jure ac obligatione valent, ea etiam de jure ac obligatione superioris seu collatoris & ejus, qui officio publico fungitur, jure atque obligatione intelliguntur.

§. 905.

Salarium

*quid proprie
sit.*

Salarium merces est, quæ solvitur pro operis Reip. in obeundo munere publico præstitis.

Probe omnino considerandum est, quid sit salarium, ne vel jus dantis nimium extendatur, vel in quantitate determinanda ab æquitate nimis procul recedatur, vel etiam a salario separentur, quæ in idem imputanda.

§. 906.

*De privile-
giis in par-
tem salarii
imputandis.*

Quoniam salarium merces est, quæ solvitur pro operis Reip. in obeundo munere publico præstitis (§. 905.), merces vero consistere potest tam in pecunia, quam in rebus aliis quibuscunque (§. 1211. *part. 4. Jur. nat.*), consequenter etiam in jure quocunque habenti utili (§. 451. *part. 2. Jur. nat.*); *lucrum vel commodum ex privilegiis intuitu officii concessis in partem salarii imputandum*, consequenter quoniam salarium non diminuendum, quamdiu quis officio fungitur (§. 903.); *privilegia quoque intuitu officii concessa, ex quibus*

quibus lucrum, vel commodum aliquod percipitur, tollenda non sunt.

E. gr. Immunitas onerum, qua quis fruitur, quatenus officio publico fungitur, privilegium est. Quamobrem cum lucremur, si quod alias solvendum erat, solvere non cogamur; ex privilegio isto lucrum percipitur. Et quoniam perinde est, si quis pinguiori fruatur salario & de eo partem contribuere teneatur, siue minori fruatur & a contributione immunis sit; lucrum istud seu commodum in partem salarii imputatur. Quod si ergo privilegium tollatur, idem omnino est ac si salarium parte quadam mulctetur, & per consequens tollere istiusmodi privilegium non minus pacto, quo collatio officii perficitur, repugnat, quam salarii diminutio.

§. 907.

Salariis ita constituenda sunt, ut iisdem sustentari possint, De quantis qui officiis publicis funguntur. In civitate enim opera danda, *sate salario* ut quilibet studio ac labore suo tantum acquirere possit, *rum.* quantum ad res, si non voluptuarias, aut utiles, saltem necessarias comparandum, consequenter se sustentandum sufficit (§. 423.). Quamobrem cum qui officio publico funguntur, operas suas Reip. locent (*not.* §. 904.), & salarium merces sit, quam pro iis accipiunt (§. 905.), ipsi autem alio labore acquirere non possint, quæ ad sui sustentationem necessaria, quod supponitur; salariis omnino ita constituenda sunt, ut iisdem sustentari possint, qui officiis publicis funguntur.

Dari quidem possunt quædam munera, per quæ aliis laboribus vacare datur, etiamsi nihil prætermittas, quod ad ea rite obeunda requiritur, ut adeo tempus in iisdem consumi opus non sit. Sed de his nobis jam sermo non est, quamvis præfens propositio interpretatione minus coacta etiam de his intelligi possit, quatenus qui istiusmodi officio funguntur, ad sustentationem

sustentationem sui tantummodo indigere censentur eo, quod reliquo labore acquirere poterant, nisi temporis quandam partem in officio consumere tenerentur. Varia autem cum sint vivendi genera in civitate, quæ etiam variant pro varietate officiorum, ad sui sustentationem non omnes, qui officio publico funguntur, eodem sumtu indigent. Absit itaque, ut tibi persuadeas, quasi per propositionem præsentem salaria omnia exæquantur. Ceterum quando sustentatio cui dicitur, per eam quoque intelligitur sustentatio earum personarum, quas alere tenemur, veluti uxoris, liberorum & famulorum ac famularum, quibus carere non possumus. Si cui numerosior sit familia, quam ut se suosque sustentare possit; is eadem utitur fortuna adversa, quam experiuntur alii, qui quaestioso quodam negotio vel opificio se sustentare conantur. Quoniam vero officia publica conferenda non sunt nisi habilibus (§. 390.), habilitatem vero non semper comitantur opes seu divitiæ; in determinandis salariis ordinariis non habetur ratio bonorum, quæ quis possidet,

§. 908.

Quando salaria constituta sint augenda.

Quoniam salaria ita constituenda sunt, ut iisdem sustentari possint, qui officiis publicis funguntur (§. 907.); si successu temporis pretia rerum valde augeantur, ut multo major sumtus in sustentationem impendendus sit, quam illo tempore, quo salaria primum constituta, *salaria pro pretiorum incremento augenda.*

In salarii incremento determinando non habenda est ratio luxus, utpote qui in Rep. tolerandus (§. 733.). Quamobrem nec dignitas major ad officium quoddam accedere debet, quam quæ per se eidem convenit, ne decorum exigere videatur, quod luxui imputandum. Qui officio aliquo publico fungitur, vel certum vitæ genus sequitur, contentus esse debet ea dignitate, quæ illi, vel huic adhæret. Sed de his postea suo loco distinctius erit agendum.

§ 909.

§. 909.

Accidentia sunt redditus, qui occasione officii, quo *Accidentia* quis fungitur, eidem obveniunt. Quamobrem cum redi- *quid sint.* tus alii sint statim, alii variabiles (§. 363. *part. 4. Jur. nat.*); *accidentia quoque alia statim sunt, alia variabilia.*

Ita *accidentia* ministrorum ecclesiæ apud Lutheranos sunt pecuniæ, quæ solvuntur pro infantibus baptizandis & mortuis sepeliendis, pro copula sacerdotali & nummus confessionis, der Weichspfeunig, item pecunia, quam ex legatis capiunt, frumentum a rusticis præstandum, & quæ sunt alia hisce gemina.

§. 910.

Quoniam *accidentia* sunt redditus, qui occasione of- *An sint pars* ficii, quo quis fungitur, eidem obveniunt (§. 909.), con- *salarii.* sequenter in sustentationem sui impendi possunt, salaria autem ita constituenda sunt, ut iisdem sustententur, qui officio publico funguntur (§. 907.); *accidentia in partem salarii imputantur.*

Ideo salaria minora constituuntur, si multa fuerint *accidentia*, præsertim statim; aut pinguiora, si vel pauca, vel prorsus nulla *accidentia* fuerint. Unde haud raro contingit, *accidentia* salarium multo superare. Quoniam vero *accidentia* in partem salarii imputantur, *vi prop. præf.* & certi quidam redditus sunt (§. 909.); facile patet, in eorum numerum referri non posse munera, quæ vel ex liberalitate dantur a nonnullis, vel quæ quis exigit pro eo, quod vi officii gratis facere obligatur. Quicquid enim illicito modo quis accipit, licet occasione officii obvenire videatur; in numerum *accidentium* referri nequit: neque enim in Jure naturæ quicquam supponitur, nisi quod justum & æquum est.

§. 911.

*An diminui
possint.*

Quoniam accidentia in partem salarii imputantur (§. 910.), salarium autem diminui nequit, nisi id fiat vel in poenam, vel vi dominii eminentis (§. 903.); ideo *nec accidentia imminui possunt, nisi æquivalens substituantur*, veluti si salarium augeatur.

Accidentia, quæ in partem salarii imputantur (§. 910.), non minus in sustentationem eorum, qui officio publico funguntur, constituuntur, quam salaria (§. 907.). Qui vero Reip. utiles operas præstant, merentur utique, ut vitam non modo commode, verum etiam decore & quantum datur, jucunde transigant. Sed hæc ad motiva pertinent, cur accidentia non sint diminuenda, quæ in Politica expendenda.

§. 912.

*De acciden-
tium decre-
mento ne-
cessario.*

Si occasione ejus, quod in utilitatem Reip. constituendum, quidam patiuntur detrimentum in accidentibus; hoc non obstat, quo minus illud constituatur. Etenim si occasione ejus, quod in utilitatem Reip. constituendum, quidam patiuntur detrimentum in accidentibus, seu damnum in iis sentiunt; aut illud erit non constituendum, aut hoc erit ferendum. Colliditur itaque utilitas totius universitatis, seu publica, cum utilitate nonnullorum, seu privata quorundam (§. 206. *part. 1. Phil. pract. univ.*), consequenter exceptio facienda (§. 207. *part. 1. Phil. pract. univ.*). Enimvero cum nemo civium bonum privatum promovere debeat in præjudicium publici (§. 25.), nec velle potest, ut utilitas sua privata utilitati totius Reip. seu universorum præferatur. Quamobrem si occasione ejus, quod in utilitatem Reip. constituendum, quidam patiuntur detrimentum, seu damnum sentiunt in accidentibus; hoc non obstat, quo minus illud constituatur.

E. gr.

E. gr. moribus nostris Acta in foro litigantium transmittuntur ad collegium aliquod Juridicum, Facultatem nimirum Juridicam, vel Scabinatum. Cum e re civitatis sit, ne lites in foro protrahantur, & ne præter necessitatem in consecutionem juris sui sumtus nimii sint faciendi; transmissio actorum a superiore recte abrogatur. Quodsi hoc fiat, damnum in accidentibus sentiunt collegia Juridica. Hoc tamen minime obstat, quo minus transmissio actorum abrogetur. Parum enim convenit, ut cum damno univerforum pauci quidam fiant locupletiores (§. 585. *part. 2. Jur. nat.*). Superior non ita consulere debet utilitati paucorum, ut postponatur utilitas univerforum, & prompta justitiæ administratio negligatur.

§. 913.

Si officium non fuerit collatum in certum diem, nec sub De injusta conditione resolutive, sed simpliciter; quamdiu quis officio diligenter fungitur, ab eodem removeri nequit. Etenim si officium non fuerit collatum in certum diem, nec sub conditione resolutive, in perpetuum collatum intelligitur (§. 1899.). Quamobrem cum ea, de quibus in pacto, quo collatio perfecta (§. 900.), vel expresse; vel tacite conventum sint servanda (§. 901.), & quamdiu quis officio diligenter fungitur, ex parte sua pactum servet, consequenter ratio cesset, cur pars altera ab eodem recedere possit (§. 827. *part. 3. Jur. nat.*); is, cui officium simpliciter collatum, eodem privari nequit, quamdiu eodem diligenter fungitur. Quoniam itaque removeretur, qui officio privatur invitus (§. 898.); si cui officium simpliciter collatum, quamdiu is eodem diligenter fungitur, removeri nequit.

Remotio in hoc casu cum non fieret sine violatione juris ejus, qui officio fungitur, injusta utique foret (§. 239. *part. 1. Phil. pract. univ.*).

§. 914.

De dimissio-
ne.

Si cui officium simpliciter collatum, eundem naturaliter dimittere non tenetur superior, nisi moribus aliud fuerit introductum, in hoc tamen etiam casu dimittere non tenetur, si e re civitatis sit, ne dimittatur, nisi expresse contrarium fuerit conventum. Etenim si cui officium simpliciter collatum, id in perpetuum collatum intelligitur (§. 899.), consequenter is, cui collatum est, sese vi pacti, quo collatio perfecta (§. 900.), obligavit, quod eodem fungi velit, quamdiu potuerit, seu vires sufficientes sibi fuerint. Quamobrem cum servare teneatur id, de quo expresse, vel tacite conventum (§. 901.); quando petit, ut ne diutius officio fungi teneatur, superior ejus precibus annuere, consequenter eum dimittere naturaliter non tenetur (§. 898.). *Quod erat primum.*

Enimvero si moribus fuerit introductum, ne petentibus dimissio denegetur; in pacto, quo collatio perfecta (§. 900.), tacite conventum, ne petenti denegetur dimissio. Quamobrem cum servandum sit, de quo tacite conventum (§. 901.); dimissio petenti denegari nequit. *Quod erat secundum.*

Competit vero superiori potestas eminens, vi cujus de persona civis salutis publicæ causa in casu necessitatis disponere potest (§. 114.). Quodsi ergo e re civitatis sit, ut, qui officio quodam publico fungitur, eodem diutius fungatur, veluti si æque habilis haberi non possit, aut damnum sentiat Resp. si ad externos dimittatur; eum dimittere non tenetur, etiamsi moribus aliud fuerit introductum. *Quod erat tertium.*

Denique si expresse fuerit conventum, ne dimissio petenti denegetur; eo ipso conventum fuit, quod superior potesta-

potestate eminente adversus ipsum uti nolit. Quamobrem cum id servandum sit, de quo expresse fuit conventum (§. 901.); superior quoque potestate eminente adversus ipsum uti nequit, consequenter is dimittendus est, etiamsi e re civitatis maxime foret, ne dimitteretur. *Quod erat quartum.*

Potestas eminens non competit iis, quibus jus conferendi certa quædam officia & jus dimittendi concessit superior. Quamobrem hi eadem uti nequeunt contra mores, sicuti ex adverso superior eadem uti potest, etiamsi cum his expresse fuerit conventum, ne petenti denegetur dimissio: conventio enim extendi nequit ultra jus ipsorum.

§. 915.

Si quis officio negligenter, vel fraudulenter fungitur; re- De justa removeri potest, etiamsi simpliciter fuerit collatum. Etenim cum motione ob officium publicum conferri non debeat nisi habili (§. 890.), negligenter consequenter ei qui eodem recte fungi & potest, & vult (§. vel fraudu- 889.); vi pacti, quo collatio perfecta (§. 900.), si non lentam ad-expresse, saltem tacite promississe intelligitur is, cui officium ministratio-collatum, quod diligenter ac sine omni fraude eodem fun- nem. gi velit. Quodsi ergo negligenter, vel fraudulenter eodem fungatur, a pacto recedit (§. 901.). Quamobrem etiamsi is, cui officium simpliciter collatum, ab eodem removeri nequeat (§. 913.), cum tamen, quando pacta mutuas præstationes continent & unus paciscentium a pacto recedit, etiam alteri ob eodem recedere liceat (§. 827. part. 3. Jur. nat.); si quis officio negligenter, vel fraudulenter fungitur, removeri potest, etiamsi simpliciter fuerit collatum.

Remotio in hypothesi propositionis præsentis pro poena habenda non est. Quodsi enim damnum dedit, qui negligenter,

ter, vel fraudulenter officio functus est, vel poenam meretur; damni reparatio & poenæ exactio per remotionem non tollitur, manant enim hæc tria ex diversis fontibus. Paradoxum vero haberi non debet, multo minus absurdum, quod jura superioris circa officia publica & eorum, qui iisdem funguntur, ex pacto deducamus, prouti eadem deducenda esse jam demonstravimus (§. 901.). Absurdum enim non est, universos pacisci cum singulis, cum istiusmodi pactione ipsa civitas fuerit constituta (§. 4.). Quando vero superior cum singulis paciscitur, hoc facit nonnisi eo jure, quod universis originarie competit, ut in democratia manifesto apparet, nec intuitu hujus pacti singuli spectantur tanquam subditi.

§. 916.

De remotione in poenam.

Remotio fieri potest in poenam, etiamsi factum, ob quod puniendus in officio publico constitutus, illud non attingat. Etenim in poenam alicui auferri potest jus quodcunque (§. 589.), consequenter etiam in poenam superior eum, qui officio recte fungitur, removere potest ob factum, quo poenam meritis, quam jure suo prouti ipsi videtur decernere potest (§. 832. 833.), etiamsi factum istud officium minime attingat.

Ita in poenam removeri potest minister ecclesiæ ob stuprum, vel adulterium, vel etiam ebrietatem, quia istiusmodi actus viriosos punire potest superior (§. 653.) & remotio in casu præsentis poena admodum conveniens est (§. 459.).

§. 917.

De suspensione in poenam.

Ab officio quis suspendi potest in poenam. Etenim qui suspenditur, is officio fungi ad certum tempus, vel tempus indefinitum prohibetur; qui vero removetur, officio prorsus privatur (§. 898.). Quamobrem cum removeri (§. 916.),

916.), ac ideo officio privari possit in poenam (§. 898.); multo magis prohiberi potest, ne ad certum tempus, vel tempus definitum eodem fungatur, consequenter suspendi.

Suspensio est quasi remotio in diem, seu ad certum tempus. Atque ideo de suspensione facilius intelligitur, quod de remotione demonstratur in se spectata.

§. 918.

Qui officio publico fungitur, sine consensu superioris, aut De abdicatione se eodem abdicare nequit. Etenim qui officio publico fungitur, se obligavit superiori, vel collatori vi pacti, quo collatio perfecta (§. 900.), quod eodem fungi velit vel in perpetuum, vel donec dies certus veniat, aut conditio resolutive existat, prouti vel simpliciter, vel in certum diem, vel sub conditione resolutive fuerit collatum. Quamobrem cum nemo ab obligatione sua seipsum liberare possit (§. 674. part. 3. Jur. nat.), quilibet autem alterum ab ea, qua sibi tenetur, liberare queat sola voluntate sua (§. 837. part. 3. Jur. nat.), quando vero quis se abdicat officio, cum declaret se jus vi ejusdem sibi competens amplius habere nolle (§. 115. part. 3. Jur. nat.), consequenter & ab obligatione, qua tenetur superiori, vel collatori, liberari velle; qui officio publico fungitur, sine consensu superioris, aut collatoris se eodem abdicare nequit.

Eadem utrinque obligatio est, quippe ex eodem pacto veniens (§. 900.). Quemadmodum itaque qui alicui officium publicum contulit, pro lubitu eundem eo exuere nequit (§. 913.); ita nec huic liberum est eodem pro lubitu se abdicare. Equidem plerumque magis interest ejus, qui officio quodam publico fungitur, ne eodem exuatur, cum salarium accipiat in sui sustentationem, nec adeo facile sit alium se sustentandi modum invenire, quam hujus, qui officium contulit,

tulit, ne ille eodem se abdicet, cum plerumque non deficiant alii æque habiles, qui eadem diligentia eodem fungi possunt; hanc tamen differentiam non tam iustitia, quam charitas attendi jubet, ac per consequens ea attendenda non est, ubi de jure agitur, quod ex pacto metiendum (§. 901.).

§. 919.

De eo, qui ob

Si quis ob morbum diuturniorem, vel ætatem nimis prove-
morbam vel etiam officio in perpetuum ipsi collato obeundo non sufficit; ei ad-
ætatem pro- huc salarium debetur, *ad-* *ajungendus vero est alius, qui officio fun-*
vectam of- gatur. Quando enim officium in perpetuum confertur, ope-
ficio obeun- ræ perpetuæ pro salario perpetuo promittuntur (§. 900.).
do non suf- Quamobrem salarium perpetuum debetur & operæ perpetuæ
ficit. exigi possunt (§. 901.). Enimvero cum nemo obligari possit ad id, quod impossibile (§. 209. part. 1. Phil. præf. univ.), notorium vero sit fieri posse, ut quis in morbum diuturnum cadat, vel ætate ingravescente deficiant vires muneris obeundo pares, & salarium præbeatur in sustentationem sui (§. 907.); facile præsumitur tacite fuisse conventum, ut salarium adhuc præbeatur, etiamsi contingat, deficere vires muneris obeundo pares, vel ob morbum diuturniorem, vel ætatem nimis provectam. Quamobrem cum servandum etiam sit, quod tacite conventum (§. 901.); si quis ob morbum diuturniorem, vel ætatem nimis provectam officio in perpetuum collato obeundo non sufficit, ei adhuc salarium debetur. *Quod erat unum.*

Quoniam tamen necesse est, ut quis officio fungatur, quando is qui debebat, per se eodem fungi nequit; ei adjungendus alius est, qui fungatur. *Quod erat alterum.*

Non est quod excipias, officium in perpetuum conferri sub tacita hac conditione, quamdiu eidem obeundo suffecerint vires:

vires : cum enim plerique officium publicum ambiant, ut honeste se sustentare possint, nemo facile præsumitur ita contrahere velle, ut necessaria vitæ subsidia ipsi subducantur, si casu quodam funesto, qualis est morbus diuturnior, vel ætate ingruvescente contingat, ut deficient vires ad munus obeundum sufficientes (§. 244. *part. 2. Jur. nat.*). Neque hoc nimis durum videri debet ex parte Rectoris civitatis, quippe qui curæ habere debet, ne defint ægrotis ad vitam conservandam necessaria (§. 739.), & ne subditi in paupertatem vel egestatem incidant, aut ad mendicitatem redigantur (§. 726.). Sane simile pactum intercedit inter dominum & servum, qui se sponte illi in servitutem dat (§. 1088. *part. 7. Jur. nat.*), cum in eo alimenta perpetua pro operis perpetuis promittantur (§. 1080. *part. 7. Jur. nat.*). Etsi autem servus cadat in morbum, ut operas nullas præstare possit, consequenter etiam si ob ætatem nimis provectam deficient vires; dominus tamen hoc non obstantè alimenta eidem præstare debet (§. 1112. *part. 7. Jur. nat.*). Nemo vero dixerit, id pacto inesse, ut, quando servus operas præstare non valet, nec dominus ei alimenta debeat: certitudo enim alimentorum perpetuorum in causa fuit, ut quis servitutem subire voluerit. Eadem vero certitudo in causa est, ut quis eligat istiusmodi vitæ genus, quo officii publici functione sibi parat necessaria vitæ subsidia. Neque vero est, ut excipias, fieri posse ut quis de proprio se sustentare possit, etiam si nullo salario fruatur: hoc enim pacto extrinsecum est, ex quo obligatio præbendi salarii fluit, sicuti & sunt alia, quæ ad rationes suadentes referenda in moralibus, ast non in quæstionibus de jure attendenda.

§. 920.

Quoniam salarium adhuc debetur ei, quem officio *De consensu* obeundo non amplius sufficere contingit & alius adjungens *necessario* indus, qui eodem fungatur (§. 919.); ideo multo magis *in abdicatione* *consentire debet superior, vel collator, si quis ob va-* *nem.*

(Wolffii *Jur. nat. Pars VIII.*)

Tt tt

cillan-

cillantem valetudinem, vel aetatem ingravescentem officio sese abdicat (§. 115. part. 3. Jur. nat.).

In hoc casu abdicatio liberat superiorem, vel collatorem ab onere præbendi salarium, quod alias eidem incumberet, aut saltem metuendum erat (§. 919.): si vero denegaretur consensus, onus quoddam in abdicare volentem devolveretur, quod pacto non inest, quo collatio perfecta (§. 900.); prout ex anterioribus facile colligitur.

§. 921.

De expectatione data.

Si Rex præsens officium alicui confert in eventum mortis alterius, qui eodem in præsentis fungitur, aut si alia de causa vacare contingat, ipse autem moriatur, antequam vacet; successor collationem ratihabere non tenetur, sed morte conferentis jus expectantis expirat, nisi regnum sit patrimoniale. Etenim si regnum patrimoniale non fuerit, Rex imperium, consequenter & jus officia publica conferendi (§. 886.), in usufructu habet, ac ideo eidem quoad exercitium competit, (§. 40.). Quamobrem id exercere potest, quamdiu vivit, non vero exercitium ultra mortem extendere, postquam successoris jus competit. Quodsi ergo officium aliquod alicui confert in eventum mortis ejus, qui nunc eodem fungitur, aut si alia de causa vacaverit; id non aliter intelligi potest, quam si se adhuc vivo alterutrum contingat. Quamobrem si ipse moriatur, antequam alterutrum contingat, conditio non existit, consequenter collatio conditionata non fit valida, sed evanescit (§. 534. part. 3. Jur. nat.), ac propterea jus expectantis expirat, nec successor collationem ratihabere tenetur. *Quod erat unum.*

Enimvero si imperium fuerit patrimoniale, de ipso imperio

imperio pro libitu disponere potest, quomodo ipsi visum fuerit (§. 40. b. § 131. part. 2. Jur. nat.), consequenter etiam constituere quædam in præsentia, quæ successor, in quem imperium transfertur voluntate ipsius (§. 283.), ac propterea ea lege, quæ transferenti placuerit, ratihabere tenetur. Quamobrem si cui officium quoddam publicum confertur in eventum mortis ejus, qui nunc eodem fungitur, vel si alia de causa vacaverit; facile intelligitur hoc voluisse, ut jus expectantis non extinguatur, etiamsi se mori contingat, antequam officium vacet, ac per consequens successor collationem ratihabere tenetur. *Quod erat alterum.*

Ea nimirum differentia est inter expectationem in regno patrimoniali & regno usufructuario datam, ut illius extensio ultra mortem dantis in hoc pugnet cum jure successoris, consequenter etiam repugnare intelligatur voluntati, in illo minime. Moraliter nimirum voluntati dantis repugnat, quod velle non potuit; minime autem, quod potuit: atque ea de causa in casu altero nulla adest ratio, cur voluntas dantis simpliciter declarata restringatur, sicuti in casu primo.

§. 922.

Quoniam perinde est, si alicui officium conferatur in eventum mortis alterius, qui nunc fungitur, si huic adjungatur cum spe succedendi, quod per se patet, quando vero officium confertur in eventum mortis ejus, qui eodem nunc fungitur, [jus] expectantis cum morte dantis expirat, nec successor collationem ratihabere tenetur, nisi regnum fuerit patrimoniale (§. 921.); si quis alteri in officio adjungitur cum spe succedendi, spes adjuncti evanescit, quando Rex moritur, antequam officium vacet, & successor adjuncto præterito officium conferre potest, cui voluerit.

Non est quod excipias, adjunctum, qui vices alterius in
T t t 2 obeun-

eundo munere subiit vel gratis, vel exiguo quodam cum commodo suo, mereri, ut aliis præferatur, quando officium vacat. Etenim si vel maxime concedatur, in eo consistere aliquod meritum; haud quaquam tamen idem parit jus ad successionem, quod quis acquirere nequit nisi voluntate ejus, qui jus conferendi habet. Ea autem in præsentī deficit, cum jus adjungentis non duret dante mortuo & cum mortuus velle definit. Alia vero est ratio, si expectatio detur a collegio quodam, cui jus sine confirmatione conferendi officium competit. Collegium enim nunquam interit, etsi moriantur ii, qui in eodem nunc sunt (§. 494.).

§. 923.

*An quis ad officium publicum ob-
eundum cogi possit.*

Si alius æque habilis reperiri non possit, qui officio quodam fungatur; superior vi eum adigere potest, ut id obeat. Er civitatis esse, ut officiis publicis recte fungantur ii, quibus conferuntur, nemo in dubium vocat, & vel ex eo patet, quod nemini conferri aliquod officium publicum debeat, nisi habili (§. 890.). Quamobrem cum superiori competat potestas eminens, vi cujus salutis publicæ causa in casu necessitatis de persona civis disponere potest (§. 113. 114.); si alius æque habilis reperiri non possit, qui officio quodam fungatur, superior vi eum adigere potest, ut id obeat.

Præceptum prudentiæ est: Non sit alterius, qui suus esse potest. Attamen eodem non derogatur juri superioris, neque etiam officio boni civis, qui pro virili conferre debet, quod ad bonum publicum promovendum conferre potest (§. 24. 28.). Durum igitur videri non debet, si quis invitus officio publica fungi utilitatis publicæ causa tenetur, cum mallet in otio vitam consumere. Perperam nonnulli ad imperium despoticum referunt, quod potestati eminenti tribuendum, sit ita quod haud raro hæc in illud vertatur. Qui vero distinctam potestatis eminentis

eminentis notionem habet, haud difficulter ejus usum ab abusu distinguet, ut verendum non sit, ne confundantur, quæ diversa sunt, quamvis negandum non sit ea facile inter se confundi, nisi circumstantiæ singulares fuerint perspectæ.

§. 924.

Si unus pluribus officiis simul diligenter fungi possit, plura De pluribus uni conferre licet: secus non licet. Neque uni plura conferenda officiis uni sunt officia, si qui uno fungitur subesse debet ei, qui fungitur altero, collatis.

Quoniam qui officiis publicis funguntur, vel certa negotia publica gerunt, vel sibi demandata exequentur (§. 884.); Reip. tantummodo interest, ut omnes functiones rite impleantur, consequenter nil refert, utrum unus pluribus officiis simul fungatur, an plures, modo unus pluribus par sit. Quodsi ergo unus pluribus officiis simul diligenter fungi possit, plura uni conferre licet. *Quod erat primum.*

Enimvero si quis pluribus simul eadem diligentia fungendis non sufficiat, necesse omnino est, ut vel in uno, vel in omnibus eandem desiderari patiat, consequenter bonum publicum non eo modo promovetur, quemadmodum fieri debebat & poterat, siquidem singula singulis collata fuissent. Quamobrem cum tum perinde sit ac si inhabilibus officia collata fuissent (§. 889.), ea vero conferenda non sint, nisi habilibus (§. 890.); si unus pluribus officiis simul diligenter fungi non possit, uni plura conferre non licet. *Quod erat secundum.*

Denique si officia, quorum unum alteri ita fuerit subordinatum, ut, qui uno fungitur, in functione dependeat a voluntate ejus, qui altero fungitur; huic demandata intelligitur inspectio, num ille officio rite fungatur, & ille in functione sua tenetur sequi voluntatem hujus. Quamobrem cum per

se pateat, absurdum esse ut ei, qui officio aliquo fungitur, una committatur inspectio, utrum rite fungatur, nec ne, & ut simul jubentis ac parentis personam sustineat; uni plura officia conferenda non sunt, si qui uno fungitur subest ei, qui fungitur altero. *Quod erat tertium.*

Quoniam iis, qui officio publico funguntur, danda sunt salaria (§. 904.), & hæc ita constituenda, ut iisdem sustentandis sufficiant (§. 907.), salaria autem sint onus Reip. (§. 774.); officia publica præter necessitatem non sunt multiplicanda, Quamobrem si unus pluribus par sit, quin sumtuum compendio ea uni conferre liceat, ecquis dubitet? Secus est si sumtuum compendium conjunctum sit cum dispendio salutis publicæ, & multo pejus est, si absque sumtuum compendio salus publica sentiat; damnum, vel incomodum, lucri privati causa. Sed disquisitionis politicæ est, utrum expediat, nec ne, ut uni plura officia conferantur. Salva vero conscientia unus plura officia ambire nequit, qui sibi conscius est se omnibus simul parem non esse & per alios facere tenetur, quæ necessario fieri debent, ipse autem facere per se nequit, in aliis autem negligentiam suam multitudine negotiorum, quibus obruitur, excusat. Quodsi ergo superior eundem uno contentum esse jubeat & ut eodem per se ea, quæ debet, diligentia fungi jubeat; non habet, de quo conqueratur, sed quod sponte sua facere debebat, siquidem officio boni civis satisfacere & conscientiæ suæ rationem habere velit. Quæ de officiis, quorum unum alteri subordinatum esse debebat, uni non conferendis demonstravimus, quamvis adeo manifesta sint, ut contrarii absurditas non minus in oculos incurrat, ac si quis judicis & actoris vel rei personam simul sustinere velit, aut appellatio ab eodem judice ad eundem fiat; non desunt tamen absurditatis hujus exempla, quæ nonnisi avaritia & ambitio tuetur.

§. 925.

Superiori competit jus onera tam ordinaria, quam extra-ordinaria exigendi & imponendi. Etenim Remp. sine sumtu *ra exigendi.* administrari ac defendi non posse, adeo manifestum est, ut in dubium vocare nemo auit. Vidimus quoque iis, qui officiis publicis funguntur, danda esse salaria (§. 904.), sustentationi eorum sufficientia (§. 907.). Suppeditandi quoque sunt Regi sumtus ad sustentandum se familiamque regiam & obtinendum dignitatis regiae splendorem sufficientes, idemque de optimatibus tenendum (§. 784.). Hæc omnia referenda sunt ad onera Reip. (§. 774.), partim ordinaria, partim extraordinaria (§. 779.). Quamobrem cum onera Reip. ferre teneantur universi (§. 775.), & singuli ad ea contribuere tenentur pro modo facultatum (§. 777.), & quando utilitas publica exigit, nova quoque onera imponenda sint; ad imperii civilis exercitium utique etiam pertinet exactio & impositio onerum tam ordinariorum, quam extraordinariorum. Quamobrem cum superiori competat imperium civile (§. 32. 141.); superiori competit jus onera tam ordinaria, quam extraordinaria exigendi & imponendi.

Inter jura majestatica præcipua referri omnino debet jus onera imponendi civibus & ea ab iisdem exigendi, prouti usus Reip. requisiverit (§. 810.). Qui dictum *Comminai* probant, nulli Principum in terris licere ab invitis civibus exigere pecunias, lubrico admodum nituntur fundamento, quod proprietas bonorum in civilibus imperiis relicta sit privatis, non vero adempta, ut vi imperii de pecunia subditorum disponere possit, qui imperium exercet. Superiori enim competit dominium eminens, vi cujus de rebus propriis civium salutis publicæ causa in casu necessitatis disponere potest (§. 111.), & in hoc consentiunt, qui in civitatem coeunt (§. 118.). Ex
ca

ea igitur ratione ab imperio sejungi nequit jus imponendi & exigendi onera Reip. a subditis ferenda. Superior onera imponens & exigens nil facit, nisi ut imperet ea, ad quæ præstanda se se obligarunt singuli universis, quorum jus habet & exercet. Ceterum jus onera imponendi & exigendi hic consideramus, quale in se est & imperio originarie inest, nullo habito respectu ad Rerump. mixtarum formam, in quibus jus imponendi onera, vel etiam exigendi aut sibi reservavit populus, aut aliis nonnullis concessit, vel ita contulit in Regem, ut is sine certorum quorundam consensu nova onera imponere non possit.

§. 926.

*Tributum
quid sit.*

Tributa sunt pecunia, quæ pro rebus immobilibus, veluti domibus & agris, pro moventibus, pro bonis, quæ quis possidet, aut negotio quæstuoso, vel etiam pro capite suo solvitur, onerum Reip. ferendorum causa. Idiomate patrio vocatur *Steuer* ac in specie *Bermögen-Steuer*, quando redditur pro bonis; *Kopf-Steuer*, quando pro capite redditur.

Modi imponendi onera civibus admodum variant, neque iidem semper fuerunt apud Romanos. Quamobrem cum nomina, quibus a se invicem discreta, nec apud ipsos Romanos eundem significatum retinuerunt, quem ab initio habuerant; multo minus hoc apud nos fieri potest. In Jure tamen naturæ, ubi non supponitur particularis quædam Reip. forma, necesse est, ut vocabula fixum quendam & determinatum habeant significatum, & in eo libertati auctoris utique aliquid relictum est. Quem igitur nos vocabulis significatum tribuere consultum ducimus, cum ut intelligamur, tum ut ea demonstrare commode valeamus, quæ juris naturæ consentanea sunt; eum ea fini explicamus, de verbis ceteroquin cum nemine litigaturi.

§. 927.

Tributaria dicuntur res, de quibus tributum solvitur. *De rebus*
Ita *agri tributarii* sunt, de quibus solvitur tributum. *Eo-tributarii.*
dem sensu domus tributaria dicitur. Idiomate patrio voca-
mus *Steuerbahr*.

§. 928.

Annona vocantur species, quæ de agris & moventi- *De annona.*
bus redduntur ferendorum onerum Reip. causa, veluti fru-
mentum, vinum, olcum, panis, caro, sal. Quoniam spe-
cies sunt res pecunia æstimabiles, ut ideo pro iis pecunia
solvi possit (§. 292. part. 4. *Jur. nat.*); *annona de agris & mo-*
ventibus reddenda ad tributum referri, seu sub eo comprehendendi
potest. Quoniam tamen pretium specierum non perpetuo
idem est; *annona tributo variabili æquipulles, consequenter si*
species taxentur pretio fixo, non tantundem solvit, qui pretium
solvit & qui annonam reddit.

§. 929.

Vedigal dicitur pecunia; quæ ferendorum onerum *Vedigal*
Reip. causa solvitur pro mercibus & rebus consumptilibus, *quid sit.*
pro vectura & si qua sunt his gemina.

Quæ de tributo diximus, ea etiam tenenda sunt de vectiga-
libus (*not. §. 926.*). Quodsi onera Reip. naturaliter confide-
remus, ea vel imponenda sunt rebus immobilibus, vel mobili-
bus, vel personis sive quoad substantiam bonorum, sive quoad
annuos redditus, sive quoad capita spectatas, habita ratione
quæstus. Inde porro deducere liceret singulorum horum ge-
nerum species. Facile igitur videmus, quam multis modis
onera hæc variari possint, quibus singulis, sicuti & generibus
eorum, commoda nomina defunt. Nos vocabulis Latinis,
quæ de hac materia prostant, significatum imponere volui.
(*Wolffii Jur. Nat. Pars VIII.*) Uu uu mus

mus, qui non in totum ab eo, quem apud Romanos habuerunt, abit, & omnem differentiam, quæ naturaliter habent onera hæc, exhaurit. Ceterum differentia quædam etiam peri potest ab usu, quem pecunia, quæ solvitur utilitatis publicæ causa, vel etiam species, quæ redduntur, habent. Sed ea extrinseca est: maxime tamen attendenda venit, ubi quaeritur, quænam onera licite imponantur civibus, & quomodo tributa, annona & vectigalia sint impendenda.

§. 930.

De muneribus publicis.

Ad onera Reip. etiam pertinent *Manera publica*, quatenus officiis in eo contradistinguantur, ut sine dignitate gratis, vel etiam damno patrimonii & sumptibus administrantis expediantur. Hinc apud Romanos officia publica, quæ diximus, appellantur *Honores*. Istiusmodi munus publicum est munus excipiendi personali hospitio milites, quod nobis die *Einquartirung* dicitur. Unde patet, *munera publica esse onera, quibus ararium non impletur, sed levatur, & administrationem muneris publici æquivalere tributi solutioni.*

Perinde omnino est, si quis utilitatis publicæ causa gratis facere cogatur, pro quo alias mercedem exigere poterat, siue tributum solvat, multoque evidentius idem conspicitur, si damno patrimonii & sumptibus suis munus administretur, tum enim non modo jacturam facit administrans mercedis operarum, verum etiam impensarum. Abunde hoc patet, si vel solum munus personali hospitio excipiendi milites consideres, quod incognitum fuit veteribus, nostro autem ævo multo notius, quam ut quantum sit hoc onus dicamus.

§. 931.

De effectibus

Tributa rebus immobilibus & munera publica earum possessoribus impofita illarum pretium minuunt; Vectigalia autem rebus mobilibus impofita pretium earum augent. Extremum si tributa

ta rebus immobilibus imponuntur, quotannis certa pecuniæ *publicorum*, summa pro iis solvenda (§. 926.). Quamobrem cum *per-itemque ve-* inde sit ac si lucrum minus faceret, qui eas possidet, quam si *digalium*. essent immunes, consequenter quantum valet hoc onus, tantum a pretio subtrahendum (§. 307. *part. 4. Jur. nat.*); tributa rebus immobilibus imposita pretium earum minuunt.
Quod erat unum.

Quoniam administratio munerum publicorum æquivalet tributorum solutioni (§. 930.), consequenter perinde est, si rebus immobilibus tributa, si earum possessoribus munera publica imponantur, tributa vero rebus immobilibus imposita earum pretium minuunt, *per demonstrata n. 1.* munera quoque publica rerum immobilium possessoribus imposita pretium earum minuunt. *Quod erat secundum.*

Enimvero si vectigalia imponuntur rebus mobilibus, pro iis certa pecunia solvenda (§. 929.). Quamobrem cum ea accedat pretio earum, quod antea erat; idem augeri manifestum est. *Quod erat tertium.*

Propositionem præsentem extendendam esse ad omne onus, quod rebus immobilibus & earum possessoribus, vel etiam mobilibus Reip. causa imponitur, ex iis patet, quæ in antecedentibus modo dicta sunt, modo onera ista sint perpetua. Temporaria enim damno casuali æquiparanda, quæ ideo pretium rerum non afficiunt.

§. 932.

Quoniam tributa *rebus immobilibus* & munera publi- *De tributis* ca earum possessoribus imposita pretium ipsarum minuunt & *muneri-* (§. 931.); si tributa nova iisdem vel etiam munera publica *bus publicis* earundem possessoribus imponuntur, præsertim qua damno *pairimo-* novis *caute* non imponendis.
Uu uu a

nii & sumtibus administrantibus expedienda, possessorum patrimonium minuitur, seu cives bona immobilia possidentes jacturam faciunt honorum suorum. Quamobrem cum curæ habendum fit in Rep. ne onera subditis imponantur ultra, quam Reip. administratio & defensio exigit (§. 778.), & ne subditi in paupertatem vel egestatem incidant, aut ad mendicitatem redigantur (§. 726.) & quia ferendum non est, ut cives bona sua dilapident (§. 751.), nec ea fieri debeant, ut inviti ea quasi dilapidare cogantur; tributa nova rebus immobilibus & munera, quæ nimium gravant possessores, hisce imponenda non sunt, nisi summa urgeat necessitas.

Invitæ omnino bonorum dilapidationi æquiparatur imminutio pretii rerum immobilium per novorum onerum impositionem, si ea absque urgente necessitate publica fiat, ut absque hoc remedio nimis molesto ac duro salutis Reip. consulere non liceat: quo in casu jactura partis bonorum, quam facit possessor, damno casuali æquiparanda. Quantum detur damnum in civitate, si pretia rerum immobilium oneribus novis impositis minuuntur; discretius hic explicandum non est.

§. 933.

*Quando
nam Rex
domania &
alia ad pa-
trimonium
populi spe-
ctantia op-
pignorare
possit.*

Si Regi competat jus nova tributa indicendi, domania & res alias ad patrimonium populi spectantes, seu quorum fructus destinati sunt ad sustentanda Reip. onera, oppignorare possit. Et enim si Rex habet jus nova tributa indicendi; dum domania, vel res alias ad patrimonium populi spectantes oppignorat, pecuniam, quam a creditoribus accipit, a populo exigere poterat, qui tributa indicta solvere tenebatur. Quoniam itaque perinde est, sive tributa indicta solvat, sive res pignori oppositas luat, & ipsa hæc luitio tributi quædam species est; si Regi competat jus nova tributa indicendi, do-
mania

mania & res alias ad patrimonium populi spectantes oppignorare potest.

De domaniorum oppignoratione jam dictum est superius (§. 791.). Quoniam tamen idem valet de rebus ad patrimonium populi spectantibus, eorum mentionem hic denuo facere libuit. Non vero est quod excipias, oppignoratione non esse opus, si populus pignus luere teneatur, a quo statim tributa nova exigi poterant. Etenim non idem semper est rerum status, ut pecunia, qua indiget superior, statim exigi possit a subditis. Necesse igitur est, ut res alienum contrahatur. Perinde omnino est, ac si populus, qui pecuniam, quam solvere debeat, non habebat paratam. Quodsi ergo superior res, quarum proprietas ad populum spectat, oppignorat; nihil facit, quod jure suo facere non posset, nec de quo jure conqueri poterat populus: supponimus enim res non oppignorari nisi in eo casu, quo Reip. causa sumtus faciendi. Nobis jam sermo non est de abusu juris, quem semper abesse supponimus, quoties quæstio est de eo, quod a superiori fieri potest. Facile autem intelligitur oppignorationem fieri eo in casu, quo sumtus extraordinarii fieri debent, ad quos ordinaria tributa non sufficiunt.

934.

*- Tributa & vectigalia impendi debent in eam usum, cujus Quomodo
causa imposita sunt, vel imponenda. Sunt enim onera Reip. tributa &
(\$. 926. 929.), consequenter spectant ad sumtus Reip. admini- vectigalia
strandæ ac defendendæ causa faciendos (\$. 774.). Quam- impendi de-
obrem cum administratio ac defensio Reip. varias requirat beant.
sumtus, tributa quoque & vectigalia non destinantur eidem
usui. Enimvero cum in Rep. curæ habendum sit, ne onera
subditis imponantur ultra, quam Reip. administratio & de-
Uu uu 3 tensio*

fensio exigit (§. 778.); tributa & vectigalia impendi debent in usum, cujus causa imposita sunt, vel imponenda.

Ita si vectigal solvitur pro vectura viarum publicarum causa, viz publicæ reficiendæ sunt. Si tributum solvitur in usum militarem; alimentis & stipendiis militum & apparatui bellico idem impendendum, & ita porro. *Ærarium* nimirum publicum provide constituendum & diligenter administrandum: nervus enim rerum gerendarum tam belli, quam pacis tempore hodie pecunia est, nec imitari datur *Lycurgi* institutum, qui inter privatos nullum nisi ferrei nummi usum admisit & ita ordinavit civitatem, ne Reip. vires auro vel argento tam pacis, quam belli tempore indigerent.

§. 935.

*Collecta
quid sit.*

Collecta dicitur pecunia, quæ a civibus usus cujusdam particularis gratia colligitur. *Collecta* igitur est *onus extraordinarium* (§. 779.).

Ita e. gr. collecta est, quando pecunia colligitur extructioni templi, vel ædium incendio devastatarum impendenda, quas possessores suis sumptibus extruere nequeunt, vel etiam pauperum alendorum gratia. Nimirum collectæ non directe respiciunt Remp. universam, sed saltem quosdam de Rep. quatenus universi etiam consulere tenentur singulis, consequenter quibusdam de Rep.

§. 936.

*Cuiam jus
collectandi
competat.*

Quoniam collecta onus extraordinarium est, quod civibus imponitur (§. 935.), jus autem onera extraordinaria imponendi in civitate superiori competit (§. 925.); *jus* quoque collectandi *superiori* competit, consequenter collectas concedere superioris est, nec *jus* collectandi exerceri potest sine ipsius permisso.

Cum

Cum collecta confundendæ non sunt eleemosynæ, quas privatus quidam colligit miseriæ sublevandæ causa, in quam fatali incendio, vel alia calamitate reductus est, etsi significatus vocabuli communis hunc sensum ferat, terminus enim artis restrictior est. Nec obstat, quod plerumque arbitrio unius cujusque relinquatur, num quid & quantum ad collectam contribuere velit: etenim a superioris voluntate dependet, num unicuique liberum esse debeat, quid dare velit, an vero certi quid, quod exigendum, determinare velit, sicuti etiam in communi sermone collata dicitur, quod a singulis colligitur, sive unusquisque eorum sponte sua det, quod ipsi placuerit, sive certum quid determinetur, quod ab unoquoque contribuendum.

§. 937.

Superiori competit jus de eleemosynis disponendi. Recto. De jure dis-
ri enim civitatis curæ esse debet, ne mendicis ac pauperibus ponendi de-
desint ea, quibus ad vitæ necessitatem indigent (§. 734.), *eleemosynis.*
nec permittendum est, ut mendicent, qui labore suo tan-
tum acquirere possunt, quantum ad vitæ necessitatem suffi-
cit (§. 735.). Non toleranda in Rep. promiscua mendican-
di libido (§. 745.) & cavendum, ne subditi nimis elee-
mosynis onerentur (§. 747.). Superioris itaque est de elec-
mosynis disponere, quemadmodum e re civitatis fuerit &
juri naturæ consentaneum (§. 220. *§. seqq. part. 4. Jur. nat.*).
Quamobrem patet superiori competere jus de eleemosynis
disponendi.

Sine publica autoritate eleemosynæ vix dari possunt & ac-
cipi juri naturæ convenienter & promiscua mendicandi libido
sæpe haud parum gravat subditos. Haud postrema igitur cu-
ra est, quæ ad exercitium imperii civilis pertinet, ut de elec-
mosynis constituatur, quod e re civitatis est tum respectu dan-
tium, tum respectu accipientium. Quemadmodum vero su-
perior

perior exercitium aliorum jurium ad imperium civile spectantium magistratibus committit, ita quoque curam eleemosynarum eidem committere potest.

§. 938.

De jure monetae cudenda.

Jus monetae cudenda ad jura majestatica pertinet. Et enim in Rep. curæ habendum, ut ne desit singularum specierum monetae sufficiens copia (§. 802.), & ut ea sit proba (§. 803.), nec permittendum, ut quilibet pro lubitu monetam cudat, si vel maxime, quam cudit, fuerit bona (§. 807.). Quamobrem patet jus cudendæ monetae ad exercitium imperii civilis pertinere. Est igitur jus majestaticum (§. 810.).

Nemo negaverit, jus cudendæ monetae ita exerceri minime posse, ne publicum defraudetur, nisi id ad superiorem pertineat, qui solus valorem extrinsecum ita determinare potest, ut singuli eum admittere teneantur, & solus ne adulteretur præcavere omnium optima potest. Ipsi igitur est de moneta constituere, quod e re civitatis fuerit, & plurimum interest Reip. ut omnia, quæ ad monetam spectant, rite constituantur.

§. 939.

De maleficio

Quoniam jus monetae cudendæ ad jura majestatica etiam eos, qui pertinet (§. 938.); qui monetam cudere audent sine permisso sine superioris, etiamsi probam cudat, hoc tamen non obstante jus superioris seu jus quoddam majestaticum violat (§. 239. part. I. Phil. monetam præf. univ.).

cudunt.

Ideo jam superius annotavimus, graviter puniendos esse etiam eos, qui sine permisso superioris monetam etiam probam cudunt. Diximus ante (not. §. 934.), *Lycurgum* inter privatos nonnisi ferrei nummi usum admisisse. Facile patet, valorem

valorem extrinsecum monetæ tum minime respondisse valori interno. Equis vero hoc facere poterit, & cogere cives, ut eundem admittant, nisi superior? Immo omnia, quæ in Rep. constituenda sunt, ad imperii civilis exercitium pertinent, & per consequens jus ea constituendi ad jura majestatica.

§. 940.

Superiori competit jus valorem extrinsecum monetæ tam Jus superioris propriæ, quam peregrinæ determinandi, eum augendi & minuendi, ris circa va-
prouti e re civitatis visum fuerit. Etenim superior præscribere debet, quantum metalli vilioris auro & argento puro *trinsecum* in nummis admisceri debeat (§. 804.). Quinodrem cum *monetæ*, valor intrinsecus æstimetur ex materia & pondere, extrinseca vero consistat in valore eidem imposito (§. 544. *part. 4. Jur. nat.*), hunc vero imponere nequeat nisi superior (§. 938.), qui leges præscribere potest (§. 813.); Superiori utique competit jus valorem extrinsecum monetæ, quam cudi curat, determinandi. *Quod erat primum.*

Enimvero si propter commercia cum exteris permit-
 tendum, ut *monetæ peregrinæ* invehatur; patet valorem ex-
 trinsecum utriusque monetæ proportionalem esse debere valo-
 ri intrinsecum utriusque, ita ut se habeat valor extrinsecus mo-
 netæ peregrinæ ad valorem extrinsecum propriæ ut illius
 valor intrinsecus ad valorem intrinsecum hujus, ne scilicet
 æqualitas in contractibus servanda turbetur diversarum mo-
 netarum usu. Superiori itaque etiam competit jus determi-
 nandi valorem extrinsecum monetæ peregrinæ, quam ha-
 bere debet in civitate. *Quod erat secundum.*

Quod si ergo e re civitatis visum fuerit, ut valor mo-
 netæ extrinsecus vel augeatur, vel minuatur, quamvis curæ
 potissimum habere debeat, ut bonitas extrinseca illius con-
 (Wessii Jur. Nat. Pars VIII.) Xx xx veniat

veniat cum bonitate intrinseca (§. 803.); hoc tamen non obstante, cum imperium civile ita exerceri debeat, ut bonum publicum, quantum fieri potest, promoveatur (§. 809.), valorem extrinsecum monetæ augere & minuere potest, prouti e re civitatis fuerit. *Quod erat tertium.*

Oportundum equidem foret, ut Rectores omnium civitatum monetam probam cudi curarent, cujus scilicet valor extrinsecus cum intrinseco conveniret, quemadmodum fieri debebat (§. 803.), nisi vi dominii eminentis aliter disponi jubeat necessitas (§. 110. 111.); id tamen magis oportundum, quam sperandum, prouti sunt seculi nostri mores. Quamobrem de valore extrinseco monetæ provide constituendum, ne quid damni inde sentiant cives, vel civitas universa: id quod pertinet ad prudentiam civilem. Facile autem patet, superiorem abuti jure suo, si valorem extrinsecum monetæ ita determinet, ut is sit civibus damnosus. Damnum enim, quod ex moneta minus proba in totam Remp. redundat, haud exiguum est, cum inde dependeat pretium rerum omnium ceterarum.

§. 941.

De moneta Si ob temporum calamitates moneta ex materia vili, vel nullius valoris intrinseci tribuendus; cessantibus illis superior curare debet, ut cum moneta feci in casu proba permuteetur. Etenim si ob temporum calamitates moneta ex materia vili, vel exigui, aut nullius fere pretii cudenda, eique valor extrinsecus immodicus tribuendus; patet id fieri penuria pectinæ, quæ suntibus Reip. administrandæ ac defendendæ causa faciendis non sufficit, consequenter si necessitas urget, ut monetæ exigui, vel nullius valoris intrinseci valor immodicus tribuendus, id ad onera Reip. referendum (§. 774.) & vi dominii eminentis valorem istum constituit superior (§. 110. 111.). Quamobrem cum onera Reip.

Reip. singuli ferre debeant pro modo facultatum suarum (§. 777.), &c, si de rebus singulorum vi dominii eminentis disponitur, quantum fieri potest, ipsis satisfaciendum, nec damnum nisi pro rata ferendum (§. 119.); cessante necessitate, quæ immodicum istum valorem monetæ urgebat, superior curare debet, ut cum moneta proba permutetur.

Experientia constat, ob temporum calamitates gentes quasdam usas fuisse moneta ex corio cusa, vel monetæ cupræ immodicum valorem fuisse tributum, quæ valorem intrinsecum argentæ ejusdem ponderis longe superabat, immo vix auræ ejusdem ponderis conveniret. Nisi subditi ad incitas redigi debeant si non omnes, saltem plurimi, necesse omnino est, ut valorem istiusmodi immodicum publica tueatur fides, consequenter ut monetæ probæ deficientis vicem interea sustineat moneta nullius pretii, donec cum proba permutari possit. Perinde nimirum est ac si in contractibus fides haberetur de pretio, & publicum debitoris vicem sustineret, qui vero ultimi monetam istam acceperunt, essent creditorum loco, moneta permutanda chirographi locum obtinente. Hæc si accurate perpendas, nihil in immodico istiusmodi valore, quem necessitas imponi jubet, deprehendes, quod sit injustum, vel iniustum, nec habent singuli quicquam, de quo jure conqueri possint. Saluti omnium prospicitur, quantum per temporum calamitates datur, nec quisquam sentit onus, quam quod unicuique civi ferendum, si monetæ nullius aut immodici valoris cum proba permutandi causa onera extraordinaria sint imponenda, ordinariis minime sufficientibus.

§. 942.

Superiori competit jus dignitates civiles conferendi. Et-De jure enim dignitates civiles debent esse præmia insignium in Rep. ferendi dignitatorum (§. 768.). Quamobrem cum de Rep. non mo-
do bene mereantur, qui officio quodam publico funguntur *viles*.

Xx xx 2

(§. 884.),

(§. 884.), verum etiam ii, qui eximia quadam diligentia funguntur, propter habilitatem eminentem, non omnibus communem (§. 889.); dignitates civiles connectendæ non modo sunt cum officiis publicis convenientes, sed & majores conferendæ iis, qui ob habilitatem singularem iisdem utilius funguntur. Quoniam itaque superiori competit jus officia publica conferendi (§. 886.) cumque ea conferri non debeant, nisi habili (§. 890.) & collatio pacto perficiatur utrinque servando (§. 900. 901.), ac ideo ejusdem sit judicare, qua diligentia quis officio fungatur; eidem quoque competit jus dignitates civiles conferendi.

Ostenditur etiam hoc modo. Superior curæ habere debet, ut, qui bene de Rep. merentur, a ceteris honorentur (§. 761.), determinando actus externos, quibus honor ob merita in Remp. exhibetur bene de eadem merentibus a ceteris (§. 762.). Quamobrem cum hoc fieri aliter non possit, nisi quatenus de titulis & præcedentia disponit (§. 764.) & in his dignitates civiles consistunt (§. 765.); necesse omnino est, ut habeat jus dignitates civiles conferendi, consequenter id eidem competit.

Nimirum omne jus superiori competere debet, sine quo officio suo satisfacere nequit, sicuti naturaliter lex naturæ unicuique dat jus ad ea omnia, sine quibus obligationi suæ naturali satisfacere nequit (§. 159. *part. 1. Pbil. pract. univ.*). Quemadmodum itaque operam dare tenetur, ut subditi minimum actus externos ad legem naturæ componant (§. 359.); ita quoque curare debet, ut qui alios honorare nequeunt, quemadmodum merentur, vel etiam nolunt, externum tamen honoris cultum iis exhibere teneantur, qui honore digni sunt. Necesse igitur est, ut ipsi competat jus de eo statuendi, prouti sibi visum fuerit. Atque ideo jus dignitates civiles conferendi cum imperio civili arte coheret, sicuti jura cetera, de quibus

quibus antea dictum est. Quomodo vero jus hoc rite sit exercendum, ut bonum publicum, quantum fieri potest, promoveatur, quemadmodum fieri debet (§. 809.), per ea patet, quæ supra jam demonstravimus (§. 766. & seqq.). Quamvis autem primo intuitu parum interesse videatur Reip. quomodo jus hoc exerceat superior; penitus tamen rem inspicientibus satis patet, abusum ejus Reip. plurimum nocere, & multorum vitiorum esse fomitem, quæ in Rep. minime alenda, sed summo potius studio eradicanda sunt. In statu naturali homines omnes æquales sunt (§. 81. part. 1. *Jur. nat.*), nemini prærogativa ulla (§. 94. part. 1. *Jur. nat.*), nemini præcedentia competit (§. 106. part. 1. *Jur. nat.*). Honorem non pariunt nisi facta ex virtutibus intellectualibus & moralibus profecta (§. 551. part. 1. *Jur. nat.*) & unicuique liberum est, quomodo alterum honorare velit (§. 538. 539. part. 1. *Jur. nat.*). In statu civili vero, cum alii aliis Reip. utiliorem operam præstant, merita in Remp. homines faciunt inæquales, & quatenus superior, cui ea perspecta sunt, actus externos determinans, quibus honor debitus unicuique conferatur, inæqualitatem istam tueretur.

§. 943.

Ad jura majestatica pertinet jus belli. Ad finem enim *De jure bel-* civitatis etiam pertinet securitas (§. 13.), consequenter *vali-* cuitas a metu omnis vis externæ (§. 12.). Quamobrem *le, quale sit.* necesse est, ut civitas defendatur adversus injurias extraneorum, & vi persequatur jus suum adversus eos, siquidem id ipsi tribuere nolunt. Quoniam itaque jus se defendendi (§. 1114. part. 1. *Jur. nat.*) & jus vi persequendi jus suum adversus eum, qui idem nobis tribuere non vult, jus belli est (§. 1103. part. 1. *Jur. nat.*) civitati jus belli competit, consequenter cum Resp. administrari nequeat sine jure belli, ad jura majestatica utique etiam pertinet jus belli (§. 810.).

Jus belli omnino involvit jus in actiones civium, quatenus alii arma sumere, alii ad sumtus bellicos contribuere, alii operas alias præstare tenentur, ac ideo negari nequit jus belli pertinere ad imperium civile (§. 32.), nec hoc sine eo ita exerceri posse, ut bonum publicum promoveatur (§. 23.). Enimvero cum jus belli sit jus genti unicuique competens in gentes alias; de eo rectius agetur in Jure Gentium. Sunt qui jus belli ad jus gladii referunt, quatenus eidem inesse videtur jus quoddam in vitam civium, quemadmodum supra jam annotavimus (not. §. 834.). Enimvero cum commodius visum fuerit jus gladii in strictiori significato sumere (§. 834.); jus quoque belli ab eodem distinguimus, ut omnis evitetur confusio, nec in demonstrando præter necessitatem difficultatibus implicemur. Quatenus vero cum jure belli jus quoddam in vitam civium cohæret, id in Jure Gentium disertius explicandum erit. Qua etiam de causa jam prætermittimus jura particularia, quæ jus belli continet, quatenus id ipsum sine iis exerceri, seu bellum geri minime potest, qualia sunt jus conscribendi militem & belli causa tam tributa indicendi, quam munera imponendi.

§. 944.

De jure pactiones faciendi cum gentibus aliis.

At jura majestatica quoque pertinet jus pactiones faciendi cum gentibus aliis utilitatis Reip. causa. Etenim cum imperium civile ita exerceri debeat, ut bonum publicum, quantum fieri potest, promoveatur (§. 809.); si utilitas Reip. exigit, ut pactiones ineantur cum gentibus aliis, eadem utique incundæ sunt. Quoniam itaque sine jure pactiones faciendi cum gentibus aliis utilitatis Reip. causa imperium civile ita exerceri nequit, ut bonum publicum, quantum fieri potest, promoveatur, jus pactiones faciendi cum gentibus aliis ad jura majestatica pertinet (§. 810.).

Competit hoc quoque jus genti unicuique respectu aliarum.

rum. Quamobrem de eo quoque fufius agendum in Jure Gentium. Hic faltem ejus mentionem obiter quafi facere volumus, ne quicquam prætermiffisse videamur, quod ad jura majestatica maxime referendum. Quamobrem fi quis adhuc quædam defiderare poffe videatur in demonstratione tam juris belli, quam juris pactiones faciendi cum gentibus aliis; is, quæfo expectet, donec in Jure Gentium originem utriusque Juris alius repetere datum fuerit. Ea igitur de causa hic loci etiam fíentio præterimus jus mittendi legatos, quod poriffimum a jure pactiones faciendi & jure belli dependet, prout fuo loco oftensuri fumus.

§. 945.

Per *Jus circa sacra*, aut *Jus sacrorum* intelligimus jus *Jus circa* disponendi de iis, quæ ad cultum divinum & Ecclesiam *sacra quid* spectant. *fit.*

De Jure sacrorum varix sunt opiniones, quæ tamen non tam Juri naturæ, quam interpretationi Scripturæ sacræ originem debent, ac ideo religionem christianam & ecclesiam christianam præsupponunt. Nos non transcendimus in Jure naturæ sphæram eorum, quæ ex principiis rationis demonstrari possunt. Si qua enim divinitus constituta in Scriptura sacra traduntur, ea ad forum theologorum spectant. Ex principiis rationis alia religio deduci nequit, quam naturalis (§. 512. *part. 2. Theol. nat.*). Quamobrem nec alia in eodem supponitur Ecclesia, quam qui est coetus Deum eo modo colentium, quem ratio infinuat. Quia vero quæ de jure circa cultum divinum, quatenus naturalis est, & in Ecclesiam, quæ huic cultui dedita, demonstrantur, ad Ecclesiam quoque christianam applicari possunt ac debent, quatenus verbo divino, quo nritur religio & Ecclesia christiana, non alia superadduntur, aut constituta sunt; ideo quæ de jure circa sacra naturali demonstraturi fumus, minime referenda sunt inter ea, quæ nullius usus sunt, quin potius sine hisce principiis dissentientes opiniones

niones de jure sacrorum inter christianos dijudicare non licet. Quinque vulgo commemorantur opiniones de jure summæ potestatis in Ecclesiam. Prima Papæ, secunda presbyteris, tertia, quæ *Hobbesii* est, imperio civili jus omne subijcit; quarta inter jus Ecclesiæ internum & externum distinguit, & hoc ad imperium civile refert; quinta denique ecclesiasticis præter confessionem fidei nihil concedit, sed potestatem omnem imperio civili adscribit. Nos in examinandis istis opinionibus nullam operam collocabimus; sed de jure sacrorum ea saltem trademus, quæ ex principiis rationis demonstrari possunt, seposito omni sectæ præjudicio. Vid. *Huberus* de Jure Civ. lib. 1. Sect. 5. c. 1. & seqq.

§. 946.

*An Rectori
civitatis
competat.*

Rectori civitatis competit jus aliquod circa sacra. Curæ enim habere debet, ut subditi Deum colant (§. 458.), sintque pii (§. 457.) ac virtuti dediti, a vitio alieni (§. 456.). Ac ideo in Rep. instituendi doctores publici (§. 459.), condenda templa (§. 462.), instituendi dies festi (§. 467.). Curare debet, ne cultus divinus publicus negligatur (§. 471.), & ne religio contemnatur (§. 472.), in cultu autem divino ceremoniæ aptæ & convenientes instituantur (§. 478.). Quoniam igitur necesse est, ut Rector civitatis de iis, quæ ad cultum divinum & ecclesiam spectant, disponat (§. 1230. & seqq. part. 1. Jur. nat. & §. 484. b.); jus vero disponendi de iis, quæ ad cultum divinum & ecclesiam spectant, jus circa sacra est (§. 945.); Rectori civitatis, seu superiori jus aliquod circa sacra competit.

Naturaliter competere superiori in civitate aliquod jus circa sacra, in dubium vocari nequit, quia ex eodem fonte derivatur, ex quo fluunt cetera jura ad imperium civile spectantia. Nimirum quando civilis societas contrahitur, singuli in hoc consentiunt, ut universis competat jus determinandi ea, quæ ad

ad finem civitatis consequendum necessaria sunt (§. 28. 30.). Atque hoc ipsum jus imperium civile est (§. 32.), a quocunque tandem & quacunque lege exerceatur (§. 37.). Quamobrem cum cultum divinum publicum & alia, quæ ad ecclesiam spectant, non minus requirat finis civitatis, quam cetera, quæ de Rep. constituenda demonstrata sunt, prouti ex demonstrationibus superioribus (§. 458. & seqq.) abunde patet, jus disponendi de iis, quæ ad cultum divinum publicum, & de aliis, quæ ad ecclesiam spectant, non minus ad jus Rectoris civitatis pertinet, quam jus constituendi cetera, quæ in eodem constituenda sunt. Quodsi vero populus imperium non sibi metipsum retinuit, sed in alium, vel alios transtulit; jus Rectoris civitatis metiendum est ex voluntate populi. Tantum nimirum est, quantum contulit & conferre potuit, salva obligatione naturali, quæ in se immutabilis (§. 142. part. 1. *Phil. pract. univ.*). Videndum itaque quantum juris circa sacra populus in Rectorem civitatis transferre potuerit, & quantum transferre voluisse intelligatur.

§. 947.

Qui in civitatem cœunt, inter se convenire nequeunt, ut Quatenus de cultu divino interno & iis, quæ vi interni in externo aliter sese de religione habere non possunt, pro vero haberi debeat, quod visum fuerit parti convenire majori, nisi quatenus controversia in Ecclesia orta provisionaliter nequeunt, decidenda, aut de ea certi quid constituendum. Etenim quæ ad qui in civitatem divinam spectant, si dogmata, quæ is supponit, spectes, eorum veritas nititur demonstratione, prouti cœunt, ex Theologia naturali patet; si vero agenda spectes, eorum veritas similiter via demonstrationis innotescit, prouti patet ex iis, quæ in parte prima Juris naturæ demonstrata sunt in regro capite quarto. Quodsi præterea sumatur, Deum quædam revelasse de se ac voluntate sua modoque ipsum colendi, prouti Christiani per Prophetas & Apostolos in eorum
(Wolffii Jur. nat. Pars VIII.) Yy yy scri-

scriptis, quæ Scripturæ sacræ nomine comprehendimus, factum esse sumimus; quæ ex principiis rationis demonstrandis superaddenda veniunt, ex revelatione divina dijudicanda sunt. Quamobrem cum fieri non possit, ut habeas pro vero, nisi convincaris (§. 983. Log.), consequenter id imperari minime possit; qui in civitatem coeunt, inter se convenire nequeunt, ut, quod de cultu divino interno visum fuerit parti majori, habeatur pro vero. *Quod erat primum.*

Enimvero si qua sunt in cultu divino externo, quæ aliter sese habere nequeunt, quamdiu habeantur pro vero, quæ ad cultum divinum internum spectant, sive directe, quatenus sunt hujus pars quædam, sive indirecte, quatenus agenda nituntur dogmatis, seu veritatibus theoreticis; de illis conveniri nequit, quod de his conveniendum non est, cum sibi mutuo repugnantia velle nequeamus. Quamobrem cum, qui primi in civitatem coeunt, inter se convenire nequeant, ut, quod de cultu divino interno visum fuerit parti majori, habeatur pro vero, *per demonstrata*; ideo nec convenire possunt, ut, quod de iis, quod vi cultus interni in externo aliter sese habere nequeunt, parti majori visum fuerit, habeatur pro vero. *Quod erat secundum.*

Quodsi vero in Ecclesia controversia aliqua oriatur de dogmatis vel agendis, sive de iis, quæ ad cultum divinum internum pertinent, aut ad eundem in externo ita referuntur, ut vi illius aliter sese habere non possunt; cum intersit Reip. ut ea terminetur, ne ex dissensu mutua oriantur odia, tranquillitati Reip. adversa (§. 11.), nec infirmi, quibus verum a falso discernere datum non est, reddantur perplexi, provisionaliter saltem decidendum est, quid publice doceri, aut fieri in cultu divino publico debeat, aut quid

quid interea constituendum, donec pars una convicta cedat alteri & concordia una sit sententiarum. Quoniam vero provisionalis istiusmodi decisio, aut constitutio obtineri nequit, nisi admittatur ut id valeat, quod parti majori visum fuerit; qui in civitatem coeunt, saltem tacite convenisse intelliguntur, ut, si controversia quædam in Ecclesia oriatur, quæ provisionaliter vel decidenda, vel de qua provisionaliter certi quid statuendum, illud valeat, quod visum fuerit parti majori. *Quod erat tertium.*

Assensum extorqueri non posse, nisi per rationes, quæ unicuique videntur evidentes, & vel ad convincendum, vel persuadendum sufficiunt, adeo manifestum est, ut a nemine in dubium revocari possit. Quamobrem & quilibet concedere tenetur, non posse imperari, ut pro vero habeas id, de quo convictus, vel persuasus non es per rationes tibi evidentes. Maxime igitur absurdum foret, ut quis assensum suum subijcere vellet voluntati aliorum. Obstat vero etiam ipsa lex naturæ, & si præterea admittas revelationem quandam divinam de cultu Nominis, etiam hæc ipsa, quo minus in iis, quæ in propositione præsentate sumuntur, subijcias voluntati humanæ. Quæ enim lex naturæ præcipit aut prohibet, ea tantæ sunt necessitatis, ut mutari non possint, & quæ inde venit obligatio, non minus necessaria est (§. 142. *part. 1. Phil. præf. univ.*). Et quæ Deus fieri vult, ea ut faciat homo necesse est, nec quicquam in iis relictum arbitrio ipsius (§. 970. *part. 1. Theol. nat.*). Quamobrem si vel maxime, qui primi in civitatem coeunt, convenire vellent, ut in iis, quæ ad cultum divinum internum pertinent & in externo indivulso nexu isti cohærent, pendere velint a voluntate partis majoris; pactum tamen hoc foret illicitum (§. 170. *part. 1. Phil. præf. univ.*), consequenter nullum. Si vero controversia in Ecclesia orta ut terminetur, vel sopiatur, e re tam Ecclesiæ, quam civitatis fuerit, cum parti neutri imperari possit, ut sententiam alterius amplectatur

& pro vera habeat, vi eorum, quæ modo dicta sunt, non aliter id obtineri potest, nisi ut provisionaliter vel decidatur, quid publice doceri aut fieri debeat, aut certi quid constituatur, veluti ut unicuique liberum sit sententiam suam proponere ac rationibus defendere, citra contumeliam & insectationem partis alterius, vel ut de eo, quod controversum est, in cultu divino publico raceatur. Istiusmodi autem decisiones & constitutiones provisionales, ubi omnium æquale jus est, aliter fieri non possunt, nisi ut prævaleat, quod parti majori visum fuerit eorum, qui in Ecclesia sunt. Quodsi hæc probe perpendas, circa propositionem præsentem nihil prorsus dubii restabit. Necesse autem omnino est, ut hæc probe perpendantur, quia ex propositione præsentem deducenda sunt, quæ ad jus circa sacra pertinent, ne scilicet id ulterius extendas, quam licitum est.

§. 948.

*Quomodo
jus circa sa-
cra natura-
liter restrin-
gendum.*

Quoniam civitates pacto constitutæ (§. 4.), consequenter nec jus universalis in singulos aliud competere potest, quam quod pacto isto continetur, qui vero in civitatem coeunt, inter se convenire minime possunt, ut de iis, quæ ad cultum divinum internum spectant, vel iisdem in externo indivulso nexu cohærent, prævaleat id, quod parti majori visum, nisi controversia in Ecclesia orta vel provisionaliter decidenda, vel de ea certi quid constituendum (§. 947.);

jus circa sacra, quatenus originarie in populo est, extendi nequis ad ea, quæ ad cultum divinum internum spectant & indivulso nexu cum eodem in externo cohærent, nisi quatenus provisionaliter controversia in Ecclesia orta decidenda, aut de ea certi quid constituendum.

Videmus itaque, quomodo jus circa sacra naturaliter restringatur, & inde porro liquet, quando eodem abutatur is, cui exercitium ejus convenit, idem ultra limites jure naturali definitos

nitos

nitos extendendo. Aliter nimirum jus circa sacra concipi nequit, quam quale ex pacto, quo civitates constitutæ, resultare potest. Et propterea necesse est, ut in Jure naturæ idem ex fonte suo deducimus. Cum vero ex ipsa demonstratione propositionis præcedentis pateat, pacto illo præjudicari non posse iis, si qua divinitus revelata sunt; ea omnia salva manent, quæ de jure circa sacra revelationi divinæ consentanea demonstrari possunt, sed ea cum non sint ejus fori, in quo jam versamur, Theologis tractanda relinquimus. Agitur hic de jure publico universali, non vero de eo, quod vel omnibus civitatibus christianis commune, aut huic, vel alteri proprium est. Quod enim a religione christiana venit, ad civitatem quæ talem minime pertinet.

§. 949.

Quoniam jus circa sacra non aliter in alium trans-*Quanam* ferri potuit, quam quatenus originarie in populo est, quod *vi juris* cir- per se patet; *Qui jus circa sacra in Rep. habet, is imperare pro ea sacra im-* labitu nequit ea, quæ ad cultum divinum internum sive directe, perire ne- sive quocunque alio modo spectant, aut in externo indivulso quo- queat, qui dam nexu cum eodem coherent, nisi quatenus provisionaliter con- id exercet. troversia in Ecclesia orta decidenda, aut de ea certè quid statuen- dum (§. 849.).

Ita imperari nequit, ut dogma aliquod habeatur pro vero, nec ut hoc modo colatur Deus, qui opinionibus Deum colentium repugnat. Neque enim excipi potest, veram esse de Deo modoque ipsum colendi sententiam, quæ imperatur, cum jam antea monuerimus, assensum veritati præbendum imperari minime posse. Quando vero controversia aliqua oritur in Ecclesia, quam terminari non minus e re Ecclesiæ, quam civitatis est, imperari potest, ut dogma aliquod publice doceatur, non vero quod eidem contrarium, aut ne sententia quædam in conventibus publicis Ecclesiæ defendatur, vel ut utraque pars

sententiam suam citra contumeliam & insectationem partis alterius defendat rationibus, ac dissentientes se invicem amice tolerant, prouti cum res, de qua agitur, tum status Reip. aut ecclesiæ hoc potius, quam aliud statuendum suadet, vel permittit.

§. 950.

De iis, quæ

Qui primi in civitatem coeunt, inter se convenire debent, in cultu di- ut in iis, quæ in cultu divino externo non uno modo fieri possunt, vivo exter- valeat istud, quod majori parti placuerit. Etenim si qua in cul- no non uno tu divino externo non uno modo fieri possunt, ea nec lege modo fieri naturali nec; si qua datur revelatio divina, eadem determi- possunt. nata sunt, consequenter lex naturæ in casu priore, & revelatio divina in posteriore tantummodo nobis dat jus ad faciendum, quod convenientius visum fuerit, etsi vi legis naturæ perfectivæ curæ nobis esse debeat, ut eligamus id, quod pro datis circumstantiis melius nobis videtur (§. 193. part. 1. Phil. pract. univ.), neque enim ultra id obligari possumus (§. 209. part. 1. Phil. pract. univ.). Enimvero qui primitus in civitatem coeunt, tacite conveniunt, quod parti majori visum fuerit, id habendum esse pro totius populi voluntate, nisi expresse fuerit conventum, ut nonnisi unanimia, vel certus votorum numerus vincat (§. 157.), quod posterius in præsentī casu vix fieri poterit, si negotium exitum habere debet, quemadmodum necesse est ut habeat. Quamobrem qui primi in civitatem coeunt, inter se convenire debent, ut in iis, quæ in cultu divino externo non uno modo fieri possunt, valeat istud, quod parti majori placuerit.

Pleraque ad cultum divinum externum spectantia talia sunt, quæ non uno modo fieri possunt. In his igitur regnat arbitrium singulorum, quorum omnium etsi æquale jus sit, eo ipso tamen, quia societatem incunt, singuli sese obligant universis,

sis, quod jus suum dependens esse debeat a voluntate plurimorum, quatenus in hoc consentiunt, ut, quæ unanimi consensu constituenda, exitum habere debeant. Exempli loco esse possunt ceremoniæ, tempus, quo in templis cultus divini publici causa in diebus festis conveniendum, vestitus, quo in administratione cultus divini ministri ecclesiæ uti debent, & quæ alia sunt hujus generis longe plurima.

§. 951.

Quoniam jus circa sacra non aliter in alium transferri potuit, quam quatenus originarie in populo est; *Qui de iis dispositus circa sacra in Rep. habet, is de iis, quæ in cultu divino publico ni possit vi sive externo non uno modo fieri possunt, pro lubitu disponere potest, juris circa prouti e re civitatis vel ecclesia ipsi visum fuerit.* sacra.

Facile patet, nos hic supponere, jus circa sacra in aliquem translatum esse pleno jure, ut ejus exercitium nullo modo restrictum sit. Nondum autem hic supponimus, in quemnam jus istud sit transferendum: hoc enim demum demonstrandum.

§. 952.

Qui in statu naturali in ecclesiam unam se congregant, De ecclesia inter se convenire debent, ut de iis, quæ ad cultum divinum publicum spectant, vel ad Ecclesiam, valeat, quod iis placuerit, qui naturali numero prævalent. Cum qui in unam ecclesiam se congregant, eodem modo Deum colere velint (§. 484.); easdem de Deo & voluntate ipsius cultuque interno opiniones formare debent, quatenus cultus publicus externus ab iis dependet. Quoniam vero natura homines omnes liberi sunt (§. 146. part. 1. Jur. nat.), consequenter in agendo non dependent ab ullo homine, nisi a seipso (§. 153. part. 1. Jur. nat.), ac præterea æquales sunt (§. 31. part. 1. Jur. nat.), conse-

consequenter æqualia jura habent (§. 78. *part. 1. Jur. nat.*); si se in unam ecclesiam congregant, ea, quæ non uno modo fieri possunt, quoad cultum divinum publicum, vel Ecclesiam, communi consensu determinare debent. Et quia societatem quandam ineunt (§. 1. *part. 7. Jur. nat.*), in societate autem ratum esse debet, quod plurimis placuerit (§. 80. *part. 7. Jur. nat.*), nisi in quibusdam negotiis expressa conventionne unanimia vota requirantur, quæ exitum habeant necesse non est (§. 107. *part. 7. Jur. nat.*); qui in statu naturali in ecclesiam unam se congregant, inter se convenire debent, ut de iis, quæ ad cultum divinum publicum, vel ad Ecclesiam spectant, valeat, quod iis placuerit, qui numero prævalent.

Propositio præsens nihil difficultatis habet. In statu enim naturali a voluntate paciscentium unice dependent omnia, de quibus inter se convenire volunt, nisi quod interne obligentur, ne consentiant in id, quod legi naturæ adversatur (§. 159. *part. 1. Jur. nat.*): id quod tamen conscientiæ ipsorum relinquendum (§. 157. *part. 1. Jur. nat.*). Qui igitur in statu naturali in ecclesiam se congregant, de iis, quæ ad cultum divinum publicum atque ecclesiam spectant, disponere possunt, prouti ipsis visum fuerit. Patet autem in statu naturali concipi non posse nisi ecclesias particulares (§. 484), etsi nihil obstat, quo minus ecclesiæ plures particulares eandem religionem profitentes per pacta invicem socientur: quod si contingat, inter eas valent ea, de quibus in pacto fuit conventum. Naturaliter enim jus una in alteram nullum habet, nec una alteri perfecte quid debet; sed intra ea sola subsistendum, quæ charitatis sunt, & naturaliter homo quilibet alteri præstare tenetur, siquidem officio hominis satiscere voluerit, nihil vero exigi potest.

§. 953.

Quoniam qui in statu naturali in ecclesiam unam se *penes quem* congregant, de iis, quæ ad cultum divinum publicum & ec- *est jus sa-* clesiam spectant, voluntate sua constituere possunt, quem- *crorum in* admodum ipsis videtur (§. 952.); *in statu naturali omne jus statu natu-* circa sacra est *penes unamquamque Ecclesiam particularem (§. 945.), rali,* nisi quatenus ecclesiæ plures particulares per pacta idem fecerint *dependens a se invicem (not. §. cit. & §. 789. part. 3. Jur. nat.).* Et quoniam de jure suo pro arbitrio statuere possunt, trans- ferendo idem in alium, vel alios ea lege, qua placuerit (§. 11. 12. part. 4. Jur. nat.); *in statu naturali ecclesia una* particularis jus circa sacra vel in unam personam, vel in certum collegium transferre potest, sive absolute, sive certa lege, & eccle- *sia particulares plures idem in eandem personam; vel idem colle-* giium sive proprio matr, sive communi consensu transferre pos- *sunt.*

In præsentī hypothēsi jus circa sacra sese habet per modum imperii civilis, quorum illud originarie penes Ecclesiam est & res incorporalis ejusdem propria, quemadmodum hoc origi- narie est penes populum (§. 33.) & res populi propria (§. 34.). Quamobrem quæ de imperio civili demonstrata sunt, quatenus idem populus vel sibi retinet, vel in alium, aut alios plures transfert; ea etiam in præsentī hypothēsi de jure circa sacra intelliguntur. Ceterum hinc patet, jus circa sacra originem suam non deducere ex civitate, sed ex ecclesia, & per conse- quens per se non inesse imperio civili, sed ad illud accedere & quodammodo ab eo dependens effici, prouti ex sequenti- bus clarius elucescet. Paret ulterius, naturaliter non repugna- re, ut jus circa sacra quoad universam ecclesiam competat personæ uni, unitatis conservandæ causa. Atque ideo multo minus dubitari potest, diviniter hoc institui potuisse: id quod num institutum sit quoad ecclesiam christianam, cum ex scri- *(Wolffii Jur. Nat. Part. VIII.)* Zz 22 *ptura*

ptura sacra decidendum sit, discussio ejus ad Theologorum forum pertinet.

§. 954.

De necessaria depen- *Qui in civitatem coeunt, in hoc consentire tenentur, ut*
densia juris respectum quendam ad Remp. habent, vel quorum executio brachio
circa sacra civili indiget, & quatenus ecclesia tutelam civilem requirit. Et-
ab imperio *enim imperium civile, quod est jus universis in singulos*
civili. *competens (§. 32.), metiendum est ex fine civitatis (§. 30.),*
ac ideo eidem subsunt actus omnes, quatenus respectum
quendam ad finem civitatis, consequenter Remp. habent
(§. 16.). *Quamobrem qui in civitatem coeunt, in hoc*
consentire tenentur, ut jus circa sacra sit dependens ab im-
perio civili quoad eos actus, qui respectum quendam ad
Remp. habent. Quod erat unum.

Et quoniam jus circa sacra exerceri nequit, nisi quæ decreta sunt executioni dari possint; si quorundam executio brachio civili indiget, ad ea utique consensus ejus requiritur, penes quem imperium civile est, cum ab ipsius voluntate dependeat executio. Quamobrem qui in civitatem coeunt, in hoc consentire debent, ut jus circa sacra sit dependens ab imperio civili quoad ea, quorum executio brachio civili indiget. *Quod erat secundum.*

Denique cum in civitatem coeant homines tranquillitatis & securitatis causa (§. 4. 13.), consequenter ut vacui sint a metu injuriarum & vis externæ (§. 11. 12.); in hoc quoque consentiunt, ut ecclesiam tueatur superior adversus injurias aliorum atque vim externam, consequenter ut sint sub tutela civili. Quamobrem qui in civitatem coeunt, in hoc

hoc quoque consentire tenentur, ut jus circa sacra sit dependens ab imperio civili, quatenus tutela civili opus habet. *Quod eras tertium.*

Nemo presumitur velle contradictoria. Hinc pactum posterius mutat in priori, quæ cum eo consistere nequeunt. Naturaliter jus circa sacra oritur ex pacto, quod ineunt, qui in ecclesiam se congregant; imperium civile vero ex pacto eorum, qui in civitatem coeunt. In statu naturali modus paciscendi dependet ab arbitrio membrorum Ecclesie, nisi quatenus is, quemadmodum omnis actus alius, regitur a Jure naturæ, & quatenus standum iis, quæ divini sunt instituti: in statu civili autem in iis, quæ respectum ad Remp. habent, sine superioris permisso nihil conveniri potest. Per imperium itaque civile limitatur jus circa sacra, sive ecclesia demum oriatur in Rep. sive antequam ea constituatur, sed non uno eodemque modo, prouti facile colligitur. Ac ideo imperium civile partem quandam juris circa sacra ad se trahit, quod per se eidem minime inest, cum gens concipi possit ab omni cognitione Dei remota ac per consequens omni cultu divino destitutum, ubi jus circa sacra nullum est.

§. 955.

Si qui in civitatem coeunt vel in ecclesiam jam fuerint congregati, vel saltem religioni cuidam addicti; ab arbitrio coeuntium dependet, utrum jus circa sacra cum imperio civili conjunctum esse debeat, an ab eo separatum, ut unicuique ecclesie participari, vel universa maneat proprium, & quando imperium civile transfertur in alium, utrum in eandem personam imperium civile & jus circa sacra transferre velint, an duo hæc jura diversa transferre malint in diversas personas. Et ubi illud simpliciter deservit, vel in restrictionis lege juris circa sacra nulla fit mentio juris circa sacra; ecclesia hoc jus sibi non reservasse intelligitur, sed idem

Zz 22 2

cum

cum civili imperio in unam personam collatum censetur, nisi fortes prostant rationes in contrarium. Etenim in statu naturali omne jus circa sacra est penes unamquamque ecclesiam particularem, & ecclesia quælibet particularis idem transferre potest, vel in personam unam, vel plures, seu collegium quoddam (§. 953.). Quodsi ergo in civitatem cœunt, qui in ecclesiam jam fuerint congregati, vel saltem religioni cuidam addicti, ut communionem cultus publici habere possint; jus circa sacra vel cum imperio civili unire, & quando hoc transferunt, una cum eodem transferre, vel jus circa sacra ab imperio separare & id translato imperio sibi reservare, vel illo translato hoc sibi reservare, vel etiam imperium civile in personam aliam, jus circa sacra in aliam transferre valent, prouti sibi visum fuerit. *Quod erat unum.*

Enimvero si imperium simpliciter transfertur, aut in restrictionis lege nulla fit mentio juris circa sacra, cum idem perinde ac imperium civile (§. 33.) originarie in populo sit (§. 950.), consequenter in uno subjecto utrumque jus conjunctum, facta separatio non præsumitur, nec ulla ejus restrictio, ac ideo cum imperio civili jus circa sacra translatum intelligitur in eandem personam, ecclesia vero idem sibi reservasse non præsumitur, nisi fortes prostant rationes in contrarium. *Quod erat alterum.*

Qui absurdum putant, jus circa sacra separatim ab imperio civili esse, quasi Resp. in Rep. fingatur; judicium omnino præcipitant, nec absurditatem demonstrare valent. Sane in Rep. Hebræorum jus circa sacra erat penes Pontificem maximum, imperium civile penes Regem & uterque jus suum habebat pleno jure ac independentem ab alio. Ecquis vero dixerit hoc institutum fuisse absurdum, etiamsi seponas, quod fuerit divinum? Relegenda hic sunt, quæ supra de divisione imperii

imperii summi in partes potentiales annotavimus (§. 65.). Quamvis enim in superiori ostenderimus, Rectori civitatis competere jus aliquod circa sacra, (§. 946.); non tamen inde inferri potest, quod ad imperium civile simpliciter sit referendum, & quod quæ sacrorum causa ordinanda aut constituenda sunt, ab ipso ordinari & constitui debeant: etenim quantum sit hoc jus, quod Rectori civitatis competit, & quomodo exercendum, aliunde omnino æstimandum, prouti ex hæcenus demonstratis apparet. E. gr. ponamus populum nullam adhuc communionem cultus divini publici habere: cum ad eundem quoque pertineat, ut populus instruat de Deo atque voluntate ipsius, omnique virtutum ac vitiorum genere, Rectori autem civitatis curæ esse debeat, ut subditi Deum colant (§. 458.), sintque pii ac virtuti dediti, a vitio alieni (§. 456. 457.), ecquis dubitaverit eum imperare posse cultum divinum publicum & ut in eo populus instituat de Deo & voluntate ipsius, de virtutibus colendis, vitiis autem fugiendis? Propterea tamen non sequitur jus circa sacra naturaliter Rectori civitatis competens extendi posse ultra eos limites, quos ejus dependentia ab imperio civili præscribit. Hæcenus vero jus quoddam circa sacra Rectori civitatis denegari nequit (§. 945.). Inde in Rep. Hebræorum Reges pii, quamvis jus circa sacra summum penes Pontificem maximum esset, idololatricum cultum sustulerunt, tanquam lege divina prohibitum. Hæcenus enim cultus divinus respectum ad Remp. habebat. Ceterum notandum, non jam quæstionem esse de eo, quid melius sit, sed unde jus circa sacra oriatur Rectori civitatis, & undenam hoc sit metiendum.

§. 956.

Si qua de jure circa sacra lege fundamentalis disponantur. De jure circa tenent Rectorem civitatis. Rector enim civitatis tenetur ea sacra lege ad legum fundamentalium observantiam (§. 77.). Quodsi *fundamen-*
ergo tali descripto

ergo lege fundamentali disponatur de jure circa sacra, ea quoque observare tenetur Rector civitatis.

Ira si lege fundamentali cautum, ne alia religio, quam cui populus addictus est, introducatur, vel cultus publicus concedatur iis, qui aliam profitentur; Rector civitatis religionem aliam introducere nequit, neque etiam permittere a recepta alienis cultum divinum publicum potest. Si dictum sit, ut nihil in sacris & ecclesiasticis mutetur; nec quoad dies festos, aut ceremonias superior quicquam mutare potest, etiam si ceteroquin jus circa sacra summum eidem competat.

§. 957.

*De tolerantia diversa-
rum reli-
gionum in
Rep.*

Si lex nulla fundamentalis obstet; superior quamcunque religionem tolerare potest in civitate, modo ea non sit statui civili adversa, & eam praescribere potest legem, sub qua tolerare velit. Etenim si de religione lex nulla fundamentalis proestet, superiori liberum est, utrum praeter eam, quam profitentur cives, aliam adhuc tolerare velit, nec ne, cum ipsius judicio relictum sit, quid expediat Reip. Quamobrem si ipsi ita visum fuerit, religionem quamcunque aliam profitentibus concedere potest, ut in terris suis domicilium sibi constituent, & libero religionis suae exercitio fruantur perinde ac cives reliqui, idemque intelligitur de civibus a religione, quam profitentur, deficientibus (§. 947. 948.), consequenter religionem quamcunque tolerare in civitate potest, si lex nulla fundamentalis obstet. *Quod erat unum.*

Enimvero si qui religionem quandam profitentur, foveant opiniones statui civili adversas, cum inde salutis Reip. periculum immineat, quae suprema in eadem lex est (§. 89.); per se patet, religionem istiusmodi tolerari in Rep. non posse. *Quod erat secundum.*

Quo-

Quoniam vero a superioris voluntate unice dependet, utrum religionem aliam, quam quam cives profitentur, tolerare velit, nec ne, si nulla lex fundamentalis proster, *per demonstrata n. t.* hi vero, quorum religio toleratur, non plus juris habere possunt, quam iis concedit superior; idem quoque legem præscribere potest, sub qua eam tolerare velit. *Quod erat tertium.*

Ita apud nos tolerantur Judæi, sed non permittitur ut sint opifices & ad officia publica sicuti cives admittantur. Diversam religionem profitentes tolerari possunt ea lege, ut exercitium publicum suæ religionis iisdem non permittatur, vel ut permittatur sive simpliciter, sive certo modo restrictum; ut prædia possidere possint, vel ut nequeant; ut officiorum publicorum ac dignitatum civilium sint capaces, vel incapaces & quæ sunt alia hisce gemina.

§. 958.

Quoniam superior, si lex fundamentalis non obstat, *De jure cir-*quo minus aliam religionem, quam receptam in civitate *ea sacra co-*leret, eam legem præscribere potest, sub qua tolerare velit *rum, quo-*(§. 957.); *si diversam religionem ab ea, quæ recepta est, profi-rant religio-*tentes tolerare decrevit, *per pacta cum iis definire potest ius circa toleratur.* *sacra, quod sibi competere debet, nec ultra id, de quo conventum est, ius suum extendere potest, etsi eidem ius majus competat re-*specu ceterorum, qui recepta religioni addicti sunt (§. 789. *part.* 3. *Jur. nat.*).

Ita si conventum fuerit, ne quid in ceremoniis, vel diebus festis immutare possit; nec quicquam juris quoad ceremonias, vel dies festos eidem competit. Per se autem patet, plus juris circa sacra tacite concessisse tolerandos præsumi non posse, quam per religionem, quam profitentur, habet ecclesia, cui sunt addicti. Ita Judæis, qui tolerantur, imperari nequit, ut non

non Sabbathum, sed diem dominicam celebrent, vel dies festos christianis proprios, veluti festum ascensionis dominicæ, vel festa Apostolorum, aut etiam festa Patriarcharum atque Moſis, nec catholicis, ut non celebrent festum corporis Christi aut ascensionis B. virginis, aut ex adverso ut celebrent cum Lutheranis festum reformationis ſeculare, vel, quod in Saxonia receptum, annuum. Patet porro jus circa ſacra extendi non poſſe ultra ea, quæ in cultu divino externo vi interni non uno modo ſe habere poſſunt (§. 949. 951.).

§. 959.

De religione *Si lege fundamentali cautum non ſit, ut Rector civitatis*
Rectoris ci- *eidem religioni addiſtus ſit, quæ in civitate recepta; religionem aliam*
vitatis. *pro lubitu amplecti poſſet. Aſt ſi dictum fuerit, ut regnum commiſ-*
 tatur mutata religione, vel ut ſucceſſionis ea de cauſa fiat incapax
 ſucceſſurus; in caſu priori regnum amiſſit, in poſteriori jus ſuccedendi.
 Quoniam enim jus circa ſacra, etiamſi Rectori civitatis com-
 petat (§. 946.), non extenditur ad ea, quæ ad cultum di-
 vinum internum ſpectant & indivulſo nexu in externo cum
 illo coherent, niſi quatenus provisionaliter controverſia in
 Eccleſia orta decidenda, aut de ea certi quid conſtituendum
 (§. 948.), per ſe vero patet, eum in hoc uti debere conſilio
 doctorem eccleſiæ, imperium autem civile, quod ex fine
 civitatis metiendum (§. 30.), cum jure circa ſacra per ſe
 nihil habeat commune (§. 60. 945.); nil obſtat, quo mi-
 nus imperium civile exerceat, qui alii religioni addiſtus eſt,
 quam quam ſubditi profitentur. Quodſi ergo lege funda-
 mentali cautum non ſit, ut Rector civitatis eidem religioni
 addiſtus ſit, quæ in civitate recepta; nihil obſtat, quo mi-
 nus aliam religionem amplectatur, ſalvo jure imperandi,
 conſequenter amplecti eam poſſet pro lubitu, quam volue-
 rit (§. 70. Ontol.). *Quod erat primum.*

Enim-

Enimvero si in lege fundamentali dictum fuerit, ut Rector civitatis mutata religione regnum committat; imperium sub hac conditione in ipsum translatum & ab eo acceptatum intelligitur, ut, si aliam religionem amplectatur, imperium penes ipsum non diutius manere debeat. Quamobrem cum lege fundamentali stare teneatur Rector civitatis (§. 77. 74.), & si religionem aliam amplectitur, conditionem adimpleat, sub qua imperium habere nequit; si in lege fundamentali dictum fuerit, ut mutata religione regnum committatur, Rector civitatis regnum amittit, quando religionem aliam amplectitur. *Quod erat secundum.*

Quodsi denique in lege fundamentali expresse dictum fuerit, ut in regnum succedere non possit, qui alii religioni addictus, quam quæ in Rep. introducta; eodem quo ante modo patet, quod qui spem succedendi habet, jus omne amittat, quamprimum religionem aliam amplectitur. *Quod erat tertium.*

Clausula commissi adjici potest legi fundamentali cuicunque. Legibus autem fundamentalibus prospicitur libertati populi, qui libertatem conscientiae omnium maxime curæ cordique habet. Ac ea de causa conditur quoque lex fundamentalis, ut Rex addictus sit religioni in Rep. receptæ, immo fervor religionis adjici jubet clausulam commissi. Ea tamen tacite adjecta nunquam intelligitur, & quando adjicitur, nullum sibi jus arrogat populus in conscientiam ejus, cui imperium deferitur, cum ipsi liberum sit, utrum id sub ea conditione accipere velit, nec ne. Quamdiu vero is est rerum status, ut populus leges fundamentales condere possit; de modo transferendi imperium pro lubitu quoque disponere potest. Equidem negari non potest, melius esse, si Rector civitatis & subditi universi eidem religioni addicti sint, cum dudum exploratum sit, quantum religio suadere possit malorum; id tamen quod melius

(Wolffii Jur. Nat. Pars VIII.) Aaa aa est

est minime jus facit, nec per se repugnat, ut Rector civitatis bene imperet populo aliam religionem profitenti & subditi quoad religionem divisi concordiam colant, cum charitas, naturale hominum vinculum, unire possit animos diversa de modo colendi Deum sentientium; sicuti ex adverso male quoque imperant, qui eandem cum populo religionem profitentur, & mutuis odiis se invicem prosequuntur, qui ejusdem ecclesiae membra sunt. Nulla igitur ratio naturalis est, quæ urgeat necessitatem unius in Rep. religionis Rectori civitatis & universo populo communis. Ex principiis generalibus de jura sacrosanctum demonstratis haud difficulter deciduntur quæstiones particulares, quæ de hac materia occurrunt. Sed cum nobis non liceat esse prolixioribus, ad earum discussionem in præsentem non digredimur.

§. 960.

*Qualia jura
sint domi-
nium & im-
perium emi-
nens.*

Dominium & imperium eminens ad jura majestatica per-
sinet. Etenim vi domini eminentis de rebus civium (§. 111.), vi imperii eminentis de ipsa eorundem persona salutis publicæ causa disponitur in casu necessitatis (§. 114.), consequenter sine utroque jure imperium civile exerceri nequit ita, ut bonum publicum, quantum datur, promoveatur. Quamobrem cum jura majestatica sint, sine quibus imperium civile ita exerceri nequit, ut bonum publicum, quantum datur, promoveatur (§. 810.); dominium & imperium eminens sunt jura majestatica.

Hactenus recensuimus jura, quæ majestatica appellantur, seu imperio civili revera insunt prætermisissis tamen particulis, quæ sub singulis comprehenduntur & ex illis sub eadem comprehensa intelliguntur, quæ prolixè de Rep. constituenda demonstravimus, non alio fine, quam ut appareat, quænam ad imperii civilis exercitium requirantur, ac per consequens quænam sint jura sub eo comprehensa. Dividi
vulgo

vulgo solent jura majestatica in majora & minora. Ad illa referuntur jus gladii, seu vitæ & necis, atque jus belli, jus condendi leges, jus tributa & vestigalia exigendi, seu onera civibus imponendi, jus pacem & foedera pangendi ac legatos mittendi, jus magistratus creandi, dominium denique eminens; ad minora vero jus creandi magistratus inferiores, nobiles, comites &c. & doctores, jus concedendi nundinas & ferias, jus dispensandi circa leges in utilitatem privatorum, veluti veniam ætatis minoribus, inducias debitoribus dando; jus monetæ cudendæ, bona in poenam confiscandi, bona vacantia & res derelictas occupandi, jus venandi & quæ sunt alia hujus generis. Sed parum refert, num jura alia majora, alia minora appellare malis, modo constet, quænam jura imperio civili insint, ut sine iis id ita exerceri nequeat, quemadmodum bonum publicum exigit. Quamobrem nec litem hanc nostram facimus, num hoc, vel istud jus potius ad jura majestatica majora, quam ad minora vel contra referri debeat.

§. 961.

Superior in eos, per quos civitatem regit, tantundem juris conferre tenetur, quantum functiones eorum exigunt; tantundem autem conferre potest, quantum placuerit, nisi lege fundamentalis quadam sint definita. Etenim superior per alios civitatem regens certas exercitii imperii partes iisdem committit (§. superior. 218. part. 7. Jur. nat.). Necesse igitur est, ut tantundem juris habeant, quantum exercere nomine superioris debent, consequenter is tantundem juris conferre tenetur, quantum functiones eorum exigunt. *Quod erat unum.*

Enimvero quoniam superior solus per se civitatem regere nequit, sed partim per alios regere tenetur (§. 883.), quatenus vero lege fundamentalis non impeditur, seu libertas ejus in iis, quæ decernit, non restringitur (§. 74. 77. 78.),

Aaa aa a

de

de modo regendi civitatem prouti visum fuerit, statuere potest, in eos, per quos civitatem regit, tantundem juris conferre potest, quantum placuerit, nisi lege fundamentali quædam sint definita. *Quod erat alterum.*

Ii, per quos superior civitatem regit, jus suum ab eo habent, qui tantum conferre potest, quantum voluerit, quatenus imperium absolutum spectatur, tantum autem contulisse intelligitur, quantum functiones demandatæ exigunt. Quodsi vero intra tam arctos limites jus horum coërceri minime debeat; expresse voluntatem suam superior declarare tenetur, quantum ultra necessitatem absolutam juris iisdem concedere velit, ne in iis consensum ejus requirere, vel voluntatem scrutari teneantur. Per se autem patet, si qua de modo regendi per alios Remp. & de jure hisce competente lege fundamentalis statuta sunt, ea tum a superiore, cujus jus absolutum non est, mutari minime posse.

§. 962.

De illius dependentia a est a voluntate superioris. *Jus eorum, per quos superior civitatem regit, dependens* Etenim ii, per quos superior civitatem regit, jus eidem competens non proprio, sed ipsius nomine exercent: quod per se patet. Enimvero is, qui jus alteri competens ipsius nomine exercet, idem exercere nequit pro lubitu suo, sed quemadmodum alter vult, aut velle præsumitur, consequenter in exercendo jure a voluntate committentis dependet (§. 851. *Ontol.*). Jus igitur eorum, per quos superior civitatem regit, dependens est a voluntate superioris.

Magistratus jus suum a superiore habent, nec ipsis per se competit, consequenter absolutum esse nequit. Er quamvis per leges fundamentales & per privilegia a Rege confirmata ante homagii præstationem certa quædam jura certis magistratibus

tibus competant; non tamen propterea exercitium horum jurium independens est a voluntate superioris, sed eidem omnino subest. Aliud enim est, num jus superioris quoad exercitium lege fundamentalis restringatur aut limitetur; aliud vero est, si lege fundamentalis, aut alio modo obligatorio determinetur, quale jus iis competere debeat, per quos ut civitas regatur, necesse est: per hoc enim non officitur summitati, quæ superiori salva manet, ac ideo non tollitur dependentia exercitii jurium magistratibus concessorum a jure superiori competente.

§. 963.

Quoniam *jus eorum, per quos superior civitatem regit*, Dependens est a voluntate superioris (§. 962.); *quilibet eorum actus istiusmodi sunt, ut a superiore irriti reddi possunt*, con-sequens. *sequenter his, qui ipsorum juri subsunt, provocatio ad superiorem permissa, & nisi obstant leges fundamentales, superior quoque per se facere potest, qua per eas fieri debebant, quoties ipsi visum fuerit.*

E. gr. ponamus magistratui concessum esse jus functiones quasdam leviores aliis committendi, vel eligendi pro lubitu eos, quorum ministerio indigent in executione eorum, quæ ipsi demandata sunt. Hoc non obstante superior functiones istas committere potest iis, quibus voluerit, quando ita fert occasio, vel etiam præcipere, ut in executione eorum, quæ magistratui demandata sunt, utantur hujus ministerio, quem ipse elegit. Similiter si in casu quodam ferre legem iis, quos juri magistratus subjecit, eidem concessit; legem istam irritam facere potest, si ea ipsi displicuerit. Ex propositione autem præsentem intelligitur, quo sensu accipiendum sit, quod vulgo dicitur, jura majestatica incommunicabilia esse, nimirum non quod exercitium eorum committi possit non aliis, sed ut summitas semper maneat apud superiorem, qui jura quædam cum aliis communicat. Aliud nimirum est habere quid per

semet, aliud in potestate concedentis esse, quod habes. Dependentiæ juris, quod habes, a potestate concedentis effectus necessarius est, ut hic exercitium revocare possit, quoties lubet;

§. 964.

Idem ulterius expenditur.

Quoniam jus eorum, per quos civitatem regit superior, dependens est ab ejus voluntate (§. 962.); omnes isti, per quos civitatem regit superior, quocunque demum nomine veniant, subiecti sunt juri superioris, consequenter in voluntate ejus acquiescere semper tenentur (§. 141. 142. part. I. Jur. nat.).

E. gr. ponamus magistratui concessum esse jus gladii ita ut poenam capitalem executioni dare possit sine confirmatione superioris, seu ejus, qui summam potestatem habet; hoc tamen non obstante superior, quoties voluerit, causas avocare, vel damnatis poenam remittere, ac pro lubitu eandem mitigare potest.

CAPUT V.

De Theoria naturali legum civilium.

§. 965.

Leges civiles quænam sint.

Leges civiles dicuntur, qui a superiore feruntur in civitate. Quamobrem cum qualibet lex sit regula, juxta quam actiones nostras determinare obligamur (§. 131. part. I. Phil. pract. univ.); juxta leges civiles subditi actiones suas in civitate determinare tenentur, & quoniam hæc obligatio dependet a voluntate superioris, lex autem positiva humana est, cujus obligatio dependet a voluntate hominis, vel hominum plurium (§. 149. part. I. Phil. univ.); leges civiles sunt leges positiva humana.

Quamvis

Quamvis leges civiles condantur a superiore; absit tamen ut tibi persuadeas, in eo regnare merum arbitrium superioris. Jus enim naturæ quemadmodum regit omnes actus humanos; ita quoque regit voluntatem superioris in ferendis legibus. Ad Jus igitur naturæ pertinet, ut demonstretur, quomodo leges civiles legi naturæ convenienter sint condendæ. Dudum hoc observarunt veteres: unde *Ulpianus* l. 6. ff. de J. & J. cum aliquid ait, addimus, vel detrahimus Juri communi (per quod intelligitur Jus istud natura constitutum, & omnium gentium commune), jus civile efficitur, & jus civile definit, quod neque in totum a naturali vel gentium recedit, nec per omnia ei servit. Hic igitur nobis demonstrandum est, quid addendum sit legi naturali, ut ex ea fiat lex civilis. Sane quia leges naturales sunt veluti basis, cui innituntur civiles, ideo contingit leges alias esse æquas, alias vero iniquas, alias justas, alias vero injustas. Etenim si de eo iudicium ferre velis, necesse est, ut sit legum civilium aliqua norma, quæ alia non est nisi lex naturæ, quatenus ad finem civitatis consequendum referatur (§. 30.). Quamvis vero lex naturæ omnes determinet actiones humanas, quatenus præcipiendo facit debitas, prohibendo illicitas, permitiendo licitas (§. 163. & seq. & §. 170. *part. 1. Phil. pract. univ.*); non tamen inde inferri potest, præter naturæ legem alia non esse opus in civitate: variæ enim dantur rationes, cur addendo, vel demendo ex naturali efficiatur civilis. In eas igitur jam nobis inquirendum erit.

§. 966.

Per *Theoriam naturalem legum civilium* intelligo eam, *Theoria* legum civilium
quæ tradit modum leges civiles ex naturalibus efficiendi.

Esse hanc partem Juris naturalis, ac in specie Juris publici *universalis*, haud difficulter intelligitur. Etenim legi naturæ *subest* exercitium totius potestatis legislatoris, qua invita ob *lis*.
immutabilitatem illius & necessitatem indispensabilem (§. 142. *part. 1. Phil. pract. univ.*), nihil constitui potest. Ipsa igitur docet,

docet, quid Juri naturæ addendum, vel demendum, ut ex eo fiat jus civile, consequenter modum præscribit leges civiles ex naturalibus efficiendi. Ac inde ostendendum est, utrum lex aliqua civilis recte sit statuta, nec ne, ac per consequens utrum ea sit æqua, an iniqua, utrum justa, an injusta. Sane nisi modum efficiendi legem civilem ex ipso Jure naturæ derives, ratio nulla est, cur non quidvis in civitate præcipi, prohiberi, vel permitti recte possit. Non licet provocare ad actiones per se indifferentes, quas determinari perinde sit in civitate: etenim hae ipsæ quoque propter determinationes accidentales, quæ extrinsecus superaccedunt, bonæ atque malæ fiunt (§. 61. *part. 1. Phil. pract. univ.*), & ad has omnino referendæ sunt, quæ a fine civitatis veniunt, ex quo sicuti omne imperium civile (§. 30. 32.), ita etiam potestas legislatoria metienda, tanquam suprema in Rep. lege (§. 86.), ipso naturali Jure constituta, cui convenienter civitates constitutæ sunt (§. 26.). Quodsi in copendis legibus civilibus theoriæ naturalem legum civilium sequamur, tum demum omnis Juris scientia, quemadmodum fieri debere recte observavit *Cicero*, penitus ex intima philosophia hauritur, & ratio magistra est Juris civilis, quemadmodum naturalis (§. 259. *part. 1. Phil. pract. univ.*), utut illud absque voluntate superioris vim nullam acquirat.

§. 967.

Quinam tenentur legibus qua feruntur.
ge civili.

Leges civiles non obligant nisi membra ejus civitatis, in
ge civili. 965.). Etenim feruntur in civitate a superiore (§. 55.), consequenter populus nullus potestati alterius populi subjectus (§. 136. *part. 1. Jur. nat.*), nec ideo facere tenetur (§. 142. *part. 1. Jur. nat.*), quod vult populus alter, seu is, qui ejus jus habet, superior (§. 141. 28. 29.). Quamobrem leges civiles non obligant nisi membra ejus civitatis, in qua feruntur.

Ita

Ita leges civiles Hebræorum per Mosen latæ nos non obligant, nec obligant leges Romanæ. Ac ideo *Ulpianus* jus civile vocat Jus proprium l. 6. ff. de J. & J. quia est jus proprium eorum, qui ejusdem civitatis membra sunt, nec ad alios producendum, qui membra alterius civitatis sunt. Superior, cui competit potestas legislativa (§. 813), vi hujus juris sibi competentis nonnisi subditis suis præscribere potest, quid facere, aut non facere debeant (§. 141.): obstat naturalis libertas ceterorum hominum, qui potestati illius sese non subjecerunt, quo minus actiones ipsorum dependeat ab ejusdem voluntate (§. 146. 152. part. 1. *Jur. nat.*). Et quamvis Deum agnoscamus autorem legum a Mose Hebræis latarum, hæ ipsæ tamen leges a Deo non datæ fuerunt universo generi humano, cui tanquam domino suo subiecti sunt homines omnes (§. 966. part. 1. *Theol. nat.*), sed tanquam a superiore Reip. Hebræorum, qui ipse ipsius Rector esse volebat 1. Sam. VIII. 7.

§. 968.

Quoniam leges civiles non obligant nisi membra civitatis, in qua feruntur (§. 967.); si leges peregrina recipiantur, ea non habent vim obligandi qua leges peregrina, sed quæ superior vult eas esse leges in Rep. quam regit, consequenter ne in civi- non amplius spectantur tanquam leges peregrina, sed tanquam sæ receptæ leges hujus civitatis.

Ita si superior leges per Mosen Hebræis latas recipit, eandem subditos suos non obligant tanquam leges Mosaicæ, seu Hebræorum; sed tanquam leges ab ipso iisdem latæ. Similiter Jus Romanum in Germania non valet tanquam Jus Romanum, nec tanquam Jus Germanicum; sed tanquam Jus superioris, qui in suo territorio potestatem legislativam habet. Sine voluntate enim superioris, seu ejus, qui potestatem legislativam habet in civitate, seu territorio quodam, nulla concipitur lex civilis (§. 965.), quæ cum sint leges positivæ humanæ (§. cit.); aliunde quam a voluntate ipsius vim obligant (*Welfi Jur. Nat. Pars VIII.*)

Bbb bb

di

di habere nequeunt (§. 149. *part. 1. Pbil. pract. univ.*). Unum idemque est, siue superior in condendis legibus utatur consilio ministrorum suorum, vel aliorum civium, siue extraneorum. Quando vero leges peregrinas recipit, perinde omnino est, ac si usus fuisset consilio extraneorum.

§. 969.

Quid proprie sunt leges civiles. *Leges civiles præscribunt media, quibus bonum civitatis obtinetur.* Cum enim civitas societas sit (§. 4.), in qualibet autem societate leges præscribant media, quibus finis societatis obtinetur (§. 49. *part. 7. Jur. nat.*); leges etiam civiles media præscribere debent, quibus finis civitatis obtinetur. Enimvero commune bonum civitatis consistit in iis, quæ finis civitatis exigit (§. 9. & *seqq.*). Quàmobrem leges civiles, quæ in civitate feruntur (§. 965.), media præscribere debent, quibus bonum commune civitatis promovetur.

Hinc clarissime elucescit, quod jam paulo ante annotavimus (*not.* §. 966.), quamvis leges civiles dependeant a voluntate superioris, non tamen perinde esse, quasnam leges ferat superior. Quodsi enim ferantur leges, quæ bono communi civitatis adversantur; nemo rerum intelligens eas approbabit, nec dici potest, superiorem potestate legislatoria recte uti (§. 813.), seu eo, quo fieri debebat, modo. Sicuti omne jus universorum in singulos, consequenter superioris (§. 141.), metiendum est ex fine civitatis (§. 30.); ita etiam jus condendi leges mensuram suam inde accipit, ut ideo superior eodem recte utatur, quamdiu leges præscribunt media bonum commune civitatis promovendi; minus recte autem, si eadem aliter sese habeant.

§. 970.

Quoniam leges civiles præscribere debent media, quibus bonum commune civitatis promovetur (§. 969.), a postea, quæ in una civitate profunt, non æque reperiuntur in altera, seu alia quacunque promiscue; leges perinde recipiendæ, quam demonstratum fuerit, per eas, quæ præscribunt, bonum commune hujus etiam civitatis promoveri posse.

Supponimus, quemadmodum in propositione præcedente, ita etiam hic, ea quæ lex præscribit, non esse illicita: neque enim mediis illicitis uti licet ad consequendum finem bonum, vel licitum (§. 154. part. 7. Jur. nat.). Quamobrem hic saltem attenditur aptitudo legum peregrinarum ad promovendum commune civitatis bonum.

§. 971.

Similiter quia leges civiles præscribere debent media, quibus bonum commune civitatis promovetur (§. 969.); leges abrogandæ, si mutato rerum statu media commune civitatis bonum promovenda esse desinant, abrogandæ sunt (§. 817.).

Nimirum quando leges mutato rerum statu desinunt esse media commune civitatis bonum promovendi, tum vel inutilis fiunt, vel prorsus nocuæ. In utroque casu datur ratio sufficiens, ut eadem abrogentur. Absurdum enim est habere leges nullius utilitatis, & iniquæ, vel prorsus injustæ sunt leges, quæ bono publico adversantur. Utræque abusu potestatis legislatoris tribuendæ & mali, aut saltem imprudentis regiminis indicium præbent. Propositionem præsentem illustrat hoc exemplum. Qualis olim in Germania erat rerum status, lex geradam filiabus, heergewettum filiis tribuens eidem conveniebat; at cum præsens rerum status prorsus mutatus ab illo, ea eidem non amplius convenit. Quamobrem in multis

locis, in quibus antea recepta erat, dudum recte abrogata, ut ne memoria quidem ejus supersit, & in iis, ubi adhuc in usu est, recte abrogaretur.

§. 972.

Alius casus.

Ex eadem ratione quia *leges civiles* præscribere debent media, quibus bonum commune civitatis promovetur (§. 969.); *si per incistam temporum quædam lata fuerint, quæ bono communi promovendo vel adversantur, vel non satis inserviunt, abroganda sunt, ubi lux major affolget* (§. 817.).

Absurda antiquitatis veneratio est, si ab iis, quæ a veteribus minus recte constituta sunt, ideo recedere nolimus, quod majores nostri jure isto fuerint usi. Scientiæ ideo excoluntur, ut rectius consulatur felicitati generis humani, nec ignorantia peccetur. Quodsi ergo veteres ex ignorantia invincibilia veritatis tramite recesserunt, quod condonandum ipsis erat (§. 550. part. 1. *Phil. pract. univ.*); ut nos eosdem sequamur, qui eadem ignorantia non amplius laboramus, excusationem minime habet (§. 549. part. 1. *Phil. pract. univ.*).

§. 973.

Leges civiles naturæ prohibitive contrarias, seu prohibere nequit, ne faciamus, quæ ab eadem lege naturæ præcipiuntur, nec præcipere ut faciamus, quæ eadem lege naturæ prohibentur, immo nec dare jus ad illud non faciendum, vel ad hoc faciendum.

Superior ferre nequit leges legi naturæ præceptive ac prohibitive contrarias, seu prohibere nequit, ne faciamus, quæ ab eadem lege naturæ præcipiuntur, nec præcipere ut faciamus, quæ eadem lege naturæ prohibentur, immo nec dare jus ad illud non faciendum, vel ad hoc faciendum. Leges enim naturæ & obligatio, quæ ab iisdem veniunt, necessariæ ac immutabiles sunt (§. 142. part. 1. *Phil. pract. univ.*), consequenter eas immutare & ab illarum obligatione subditos liberare ac huic contrariam iisdem imponere nequit superior. Quamobrem nec leges ferre potest legi naturæ præceptive ac prohibitive contrarias, ac ideo præcipere nequit, quæ lege naturæ prohibentur, nec prohibere,

bere, quæ eadem præcipiuntur, & per consequens dare nequit jus ad faciendum, quod lege naturæ prohibetur, aut ad non faciendum, quod eadem præcipitur.

Libertatem legislatoris restringit lex naturæ præceptiva ac prohibitiva, cum in præcipiendo & prohibendo, tum in permittendo, nec subditum excusat obedientia superiori debita, nec permissio ab eodem facta, si quid committit, quod legi naturæ adversatur, etiamsi conveniat legi civili. Ita homicidii reus est in foro conscientiæ, qui jussu principis innocentem occidit. Similiter peccat, qui ipsius jussu a cultu Dei, quem verum esse agnoscit, ad idololatriam deficit, vel etiam scoratur, quia lupanaria publica tolerat & meretrices in jisdem tuetur.

§. 974.

Quoniam debita sunt, quæ lege naturali præcipiuntur, & illicita, quæ eadem lege prohibentur (§. 163. 164. *debitum lege* 170. *part. 1. Phil. præf. univ.*), superior autem prohibere nequit, quod lege naturali præcipitur, nec præcipere potest, quod lege naturali prohibetur (§. 973.); *ex naturaliter debito facere nequit lege civili illicitum, nec ex illicito facere potest debitum.*

Ita interfectio hominis innocentis fieri nequit debita, nec cultus verus Dei fieri potest illicitus: illa nimirum naturaliter illicita (§. 743. *part. 1. Jur. nat. & §. 170. part. 1. Phil. præf. univ.*); hic vero naturaliter debitus (§. 1123. *part. 1. Jur. nat. & §. 170. part. 1. Phil. præf. univ.*). Superiori itaque non competit jus ex illicito faciendi debitum, nec ex debito illicitum. Improbæ sunt leges, quæ alterutro vitio laborant, immo revera nullæ, cum nullo jure ferantur.

§. 975.

Neque illicitum fieri posse licitum.

Similiter quia lege positiva dari nequit jus ad faciendum id, quod lege naturali prohibitum (§. 973.), naturaliter autem illicitum est, quod lege naturali prohibetur, licitum vero in genere id, ad quod agendum jus habemus (§. 170. *part. 1. Phil. pract. univ.*); *Superior lege positiva ex illicito facere nequit licitum, sed si illicita permittit, tantummodo dat impunitatem agendi* (§. 418. *part. 3. Jur. nat.*).

¶ Ita si lupanaria publica lege tolerantur, & meretrices in eodem defenduntur; scortatio propterea licita non est, sed saltem impune scortatur, qui vult, in lupanariis publicis. Similiter si polygamia lege civili permittitur, non licita efficitur; sed saltem impune uxores plures ducit, qui voluerit.

§. 976.

*De effectu legis permis-
siva.*

Si quid superior lege civili permittit, etiamsi id naturaliter licitum non sit; ceteros omnes obligat, ne agentem vi impediant, quo minus faciat, quod permittit, & agenti dat jus non patiendi ut impediat. Etenim si superior lege civili quid permittit, omnino vult, ut qui hoc facit ab aliis non vi impediat, quo minus faciat, consequenter prohibet, ne quis facientem vi impedire audeat, quo minus faciat (§. 985. *part. 1. Theol. nat. & §. 813. h.*). Quamobrem cum lex prohibitiva obliget ad non agendum (§. 163. *part. 1. Phil. pract. univ.*); si quid superior lege civili permittit, etiamsi naturaliter illicitum sit, ceteros omnes obligat, ne agentem vi impediant, quo minus faciat, quod permittitur. *Quod erat unum.*

Enimvero cum ex obligatione unius nascatur jus par-
ti alteri (§. 23. *part. 1. Jur. nat.*); si quis vi impedire velit,
quo minus facias, quod lege civili permissum, tibi omni-
no

no est jus non patiendi, ut alter te impediatur. *Quod erat alterum.*

E. gr. Si lege civili permittatur, ut sint certa lupanaria publica; nemo eum, cui habere permittum est, impedire potest, quo minus habeat, nec is pati tenetur, ut quis impedire audeat. Similiter quia in lupanari publico scortatio permittitur, nemo scortari volentem vi impedire debet, quo minus ibidem scortetur, nec si quis impedire velit hoc pati tenetur. Non paradoxum videri debet, multo minus Juri naturæ adversum, quod lege positiva humana, qualis est lex omnis civilis (§. 965.), peccanti detur jus non patiendi, ut alter eum vi impediatur, quo minus peccet. Etenim vi libertatis naturalis unius cujusque conscientia relinquendum, ut faciat, quod velit, quamdiu nil facit, quod est contra jus alterius (§. 157. *part. 1. Jur. nat.*). Quamobrem si lege civili permittitur, quod in se illicitum; superior idem propterea non approbat, sed majoris mali evitandi causa tantummodo tolerat. Ita lupanaria publica tolerare potest, ut declinentur stupra & adulteria, & in stupratores atque adulteros ea de causa severius animadvertere potest, ubi nimis salacitati non facile mederi licet. Superior nil committit, nisi ut libertatem naturalem non restringat ultra id, quod fert finis civitatis.

§. 977.

Superior ex naturaliter licito lege civili debitum, vel illi. Quomodo citum; ex eo autem, quod imperfecte debetur, perfecte debitum, fa- ex lege nascere potest, prout fini civitatis convenit. Etenim quod naturaliter licitum est, ad id agendum tantummodo jus dat lex *missiva* & naturæ, non vero obligat (§. 170. *part. 1. Phil. pract. univ.*), *officiis humanis* consequenter necesse non est, ut faciamus (§. 118. *part. 1. Phil. pract. univ.*), sed libertati nostræ naturali relictum est, *fiant leges civiles.* ut faciamus, vel non faciamus, prouti ad satisfaciendum obligationi naturali consultius visum fuerit (§. 159. *part. 1. Phil. pract.*).

pract. univ. & §. 159. part. 1. Jur. nat.), & in statu naturali permittendum, ut unusquisque in eo stet iudicio suo, quamdiu nil facit, quod est contra jus alterius (§. 156 *part. 1. Jur. nat.*). Enimvero in civitate singulorum libertas restringitur quoad eas actiones, quæ ad bonum publicum promovendum faciunt (§. 47.), consequenter prouti finis civitatis exigit (§. 9. & *seqq.*). Quamobrem cum lege, qua obligatio introducit (§. 131. *part. 1. Phil. pract. univ.*), consequenter necessitas agendi, vel non agendi imponitur (§. 118. *part. 1. Phil. pract. univ.*), libertas naturalis restringatur (§. 149. *part. 1. Phil. pract. univ. & §. 153. part. 1. Jur. nat.*), lege civili ex naturaliter licito fieri potest debitum, vel illicitum, prouti fini civitatis convenit. *Quod erat unum.*

Ad officia humanitatis alteri tantummodo imperfecte obligamur (§. 659. *part. 1. Jur. nat.*), consequenter unicuique equidem competit jus ea petendi (§. 903. *part. 1. Jur. nat.*), non vero alterum cogendi, vel vi adigendi ut faciat (§. 238. *part. 1. Phil. pract. univ.*), consequenter quæ per ea nobis debentur, nonnisi imperfecte debentur (§. 401. *part. 3. Jur. nat.*). Quamobrem cum obligatio perfecta ad officia humanitatis repugnet libertati naturali (§. 660. *part. 1. Jur. nat.*), ea autem in civitate restringi possit, quantum exigit finis civitatis *per demonstrata*; lege utique civili ex eo, quod imperfecte debetur naturaliter, perfecte debitum effici potest, si finis civitatis exigit. *Quod erat alterum.*

Quando superior lege civili ex naturaliter licito facit debitum, vel illicitum, aut ex eo, quod imperfecte debetur, perfecte debitum; in eo nihil committit, nisi quod singuli per pacta quotidie faciunt, per quæ naturaliter licita sunt debita, vel illicita, & quod imperfecte debebatur, in perfecte debitum convertitur, ut, quod antea erat voluntatis, vi pacti sit necessitatis.

necessitatis. Atque in eo pacta legibus assimilantur. Ea vis pactorum, qua licita in debitum, vel illicitum, & imperfecte debita in perfecte debita convertuntur, a libertate naturali venit, vi cuius unusquisque est actionum suarum arbiter (§. 156. 157. *part. 1. Jur. nat.*). Hæc ipsa autem libertas in civitate subiecta est juri superioris, quatenus finis civitatis id exigit (§. 9. & *seqq.*). Quamobrem quod singuli facere possunt per pacta, idem superior lege efficere potest. Quodsi ergo penitus rem consideres, vis legis civilis, qua naturaliter licitum in debitum, vel illicitum, aut imperfecte debitum in perfecte debitum convertitur, a libertate hominum naturali venit, quam pacto originario singuli in civitatem coeuntes in superiorem alienasse videntur, ut vi ejusdem jam facere possit, quod facere ipsi poterant. Atque inde est, quod in eo quoque standum sit judicio superioris, quemadmodum standum erat judicio singulorum, si libertatem naturalem integram sibi retinissent, nec universis seu superiori sese subjecissent (§. 156. & *seqq. part. 1. Jur. nat.*). Jura, quæ hominibus natura tribuit, per civitatem non extincta sunt, sed saltem exercentur per alios, quatenus hoc velle debuerunt, qui in civitatem coiverunt. Quando autem civitates constitutæ, singuli in superiorem jus nullum transferre potuerunt, nisi quod natura ipsis tribuerat. Atque ideo patet, ex quo tandem fonte deducantur jura superioris, & quod status civilis intime perspicere non possit, nisi ante intime perspiciatur status naturalis, qui determinatur per jura mere naturalia (§. 124. *part. 1. Jur. nat.*). Quæ hic annotamus, probe expendi merentur, ita enim demum intelligetur, quod dixit *Elseo*, penitus ex intima philosophia Juris Scientiam hauriendam esse. Sed demus exempla, quibus propositio præsens illustratur. Naturaliter capere & occidere licet fera animalia, quæ damnum dant frugibus & pecoribus, veluti passerres, lupos, vulpes. Superior præcipere potest rusticis, ut capiant & occidant, ut jam facere teneantur quod facere poterant, utrum vero facere vellent, nec ne, ipsis permittendum erat. Lege lata licitum efficitur debitum & quod erat voluntatis fit

(*Wolffii Jur. Nat. Pars VIII.*)

Ccc cc

neces-

necessitatis. Naturaliter rem, qua indiges, emere potes, a quo volueris; sed superior præcipere potest, ut ab hoc emas, non alio, atque ita ex licito certo respectu efficitur tam debitum, quam illicitum. Similiter naturaliter tibi licet frumentum tuum non vendere, si ita visum fuerit. Sed superior præcipere potest, ut qui frumento abundant idem vendant. Atque ita venditio fit debita, quæ vi dominii tantummodo erat licita. Naturaliter licitum est, ut agrum in piscinam immutes, vi nempe dominii. Sed superior prohibere potest, ne facias, atque ita quod erat licitum fit illicitum. Denique officium humanitatis est, seu imperfecte debitum, ut in restringendo incendio, a quo periculum nullum tibi imminet, opem feras ei, cujus ædes ardent. Superior vero certis personis præcipere potest, ut, quamprimum oritur, statim accurrant. Tum imperfecte debitum fit perfecte debitum, ita ut puniri possit, qui non facit.

§. 978.

De iis, quæ non uno modo fieri possunt. Quoniam superior ex naturaliter licito lege civili debita efficere potest (§. 977.); si quid pluribus modis fieri potest, ut hoc vel illo modo fieri debeat, præcipere potest, consequenter actus civiliter validus non est, nisi lege præscripto modo fiat.

E. gr. naturaliter servus manumittitur, si dominus quomocunque declaret, se nolle, ut servus sibi amplius obligatus sit ad præstandas operas pro alimentis (§. 1121. part. 7. Jur. nat.). Enimvero dominus voluntatem suam pluribus modis declarare potest. Lege igitur civili determinari potest, quomodo ea declarari, consequenter manumissio fieri debeat. Quamobrem jam alias annotavimus, mere civilia esse, quæ de diversis manumittendi modis traduntur in Jure Romano (not. §. cit.). Similiter naturaliter perficitur matrimonium mutuo maris ac foeminae consensu sufficienter declarato (§. 367. part. 7. Jur. nat.). Ut consensus iste sufficienter declaretur, non uno modo

do fieri potest. Lege igitur civili determinari potest modus, quo consensus declarari debet, ut matrimonium censeatur perfectum, veluti apud nos, ut publice declararetur in Ecclesia coram sacerdote, seu Ecclesiæ ministro, præsentibus testibus, & copula sacerdotali confirmetur.

§. 979.

Si legibus natura prohibitis adduntur poena; ex naturali efficitur civilis. Quodsi enim legi naturæ prohibitiæ leges prohibeantur poena, sanctio poenalis ad eam accedit (§. 289. *bitiva naturæ part. 1. Phil. præd. univ.*). Quamobrem cum sanctione poenali introducat obligatio positiva (§. 291. *part. 1. Phil. tantur in ci-part. univ.*); ad obligationem naturalem positiva accedit. *viles.* Quoniam itaque lex positiva humana, in casu præsentis civilis (§. 965.), est, cujus obligatio dependet a voluntate hominis (§. 9. *part. 1. Phil. præd. univ.*), in casu præsentis nimirum a voluntate superioris; si legibus naturæ prohibitis adduntur poenæ, ex naturali efficitur civilis.

E. gr. Homicidium voluntarium, quod scilicet intentione five directæ, five indirectæ committitur (§. 1023. *part. 1. Jur. nat.*), lege naturali prohibitum (§. 1024. *part. 1. Jur. nat.*). Quodsi ergo, sicuti apud nos obtinet, in homicidam voluntarium, five dolosum, lege statuatur poena gladii, lex naturæ, quæ poenam non determinat, in civilem abit. Idem intelligitur de legibus poenalibus quibuscunque aliis, quæ feruntur de eo, quod naturaliter illicitum. Quamvis enim naturaliter quoque cuilibet homini competat jus puniendi eum, qui ipsum læsit (§. 1061. *part. 4. Jur. nat.*): jus tamen hoc quatenus nimirum a privato in privatum exercendum, infinitum est (§. 1063. *part. 1. Jur. nat.*), ac per consequens eidem in genere non præscribi possunt limites, sed iidem præfiguntur ex circumstantiis præsentibus (§. 977. *part. 1. Jur. nat.*). Et quamvis juris naturalis sit, ut legibus addantur poenæ (§. 585.); eadem tamen determinatæ eodem jure non sunt, quip-

pe quo tales ac tantæ poenæ addi jubentur, quæ ad cohibendam legum transgressionem, quantum datur, sufficiunt (§. cit.). Poenæ igitur certæ lege naturali determinatæ non sunt, sed earum determinatio mere civilis est, seu juris positivi. Accedit, dari actus vitiosus, quos in statu naturali nemo punire potest, in civitate tamen punire potest superior (§. 653.). Quatenus itaque in committentes poenam decernit; legem prohibitivam naturalem in civilem vertit.

§. 980.

Quando lex præceptivæ naturæ accedit voluntate superioris auxilium in foro, ut scilicet iudex ad præstandum id, quod per eam naturalis præstari debet, vi compellat præstare nolentem; lex naturalis abeat civilis, in civilem. Etenim si a superiore cautum sit, ut iudex præstare nolentem alteri, quod vi legis præceptivæ naturalis præstare debet, vi compellat ad præstandum; id ipsum motivum est, ut quis potius sponte præstet, quod debet, quam ut vi compellatur (§. 887. *Psych. empir.*). Quoniam itaque superior obligationem introducit, quando motivum cum actione conjungit (§. 118. *part. 1. Phil. præd. univ.*), lex autem civilis est, quando obligatio venit a voluntate superioris (§. 149. *part. 1. Phil. præd. univ.* & §. 965. *h.*); si legi naturali præceptivæ accedit voluntate superioris auxilium in foro, lex naturalis in civilem abit.

E. gr. Juris naturalis est, ut pacti servemus (§. 789. *part. 3. Jur. nat.*), consequenter ut solvamus, quod ex pacto alteri debemus (§. 659. *part. 5.* & §. 430. *part. 3. Jur. nat.*). Quatenus vero iudex vi adigere potest solvere nolentem ad solvendum, jus naturale abeat in civile. Nimirum executione rei judicatæ non minus introducit obligatio civilis, quam poenis. Hinc leges omnes, secundum quas iudex sententiam ferre tenetur de eo, quod deberur, etiamsi a naturalibus non differant, eatenus tamen civiles existimantur, quatenus executionem

aus
si a
tur
nat
ge

tionem civilem adjunctam habent. Quamobrem mirum non est tam multas leges Juris Romani, quæ agunt de jure privatorum, prorsus convenire cum Jure naturali, a quo recedendum non est absque sufficiente ratione.

§. 981.

Quoniam lex naturalis præceptiva abit in civilem, si *De actibus*, auxilium in foro eidem accedit (§. 980.), hoc autem contingit, *quos lex ir-* si actus naturaliter non validus a superiore irritus declaratos efficit, tur, vel rescindi a judice jubetur; *si lege a superiore lata actus vel rescindi* naturaliter non validus efficitur irritus, *vel rescindi jubetur, ex le-* *jubet.* *ge naturali efficitur civilis.*

E. gr. Promissio errantis (§. 569. part. 3. Jur. nat.), vel vi & metu extorta valida non est (§. 576. part. 3. Jur. nat.). Quodsi ergo superior lege pacta errantis, vel vi & metu extorta irrita declarat, vel rescindi jubet; ex lege naturali efficitur civilis. Similiter jure naturali donationes & contractus minorum validi non sunt sine parentum consensu, aut ratihabitione (§. 770. part. 7. Jur. nat.), nec pupillorum, vel curatorum contractus validi sunt sine consensu tutoris, vel curatoris, si vergant in illorum detrimentum (§. 897. part. 3. Jur. nat.). Quando igitur superior illos rescindi jubet; lex naturalis in civilem abit.

§. 982.

Si superior determinat modum, quo obligationi naturali satisfieri potest, aut ab eo præcavetur, ne eidem adversa commistatur; ex lege naturali, unde obligatio ista venit, civilem efficit. *De determi-* *natione mo-* *di, quo obli-* *gationi na-* *turali satis-* *fit.* Quoniam enim in Rep. opera danda est; ut, qui ad legem naturæ servandam proni sunt, juventur, nec ab aliis impediantur, ceteri autem vi adigantur, ut minimum actus externos ad legem naturæ componant (§. 395.); superioris

Ccc cc 3

omnino

omnino est determinare modum, quo obligationi naturali satisfieri potest, vel etiam præcavetur, ne eidem adversa committantur. Quodsi ergo hanc determinationem adjicit legi naturali, unde obligatio ista venit, legem civilem efficit ex naturali

E. gr. parentes naturaliter obligantur ad omnem diligentiam adhibendam, ut liberi rerum cognitu sibi possibilem cognitionem acquirant (§. 648. part. 7. *Jur. nat.*) & tempestive ad rationis usum perducantur (§. 651. part. 7. *Jur. nat.*), virtutesque omnes tam intellectuales, quam morales consequantur (§. 655. part. 7. *Jur. nat.*). Quamobrem cum ea fini instituantur scholæ (§. 433.), & in iis constituentur præceptores, qui ea, quæ docere debent, probe callent, dono docendi instructi sunt, omnem in institutione diligentiam adhibent, ac moribus sese discipulis commendant (§. 436.); eo ipso modus, quo parentes officio suo satisfacere possunt, determinatur, & dum parentes liberos suos in scholas mittere jubentur, modus hic satisfaciendi legi naturali, unde obligatio patrum venit, superadditur, ac ita ex lege naturali efficitur civilis. Similiter fraus omnis lege naturali prohibita (§. 148. part. 5. *Jur. nat.*) & ab omni pacto, seu contractu abesse debet (§. 149. part. 5. *Jur. nat.*). Quamobrem si superior determinat modum, quo v. gr. in contractu emtionis venditionis præcavetur, ne fraus committatur, veluti ne merces improbe vendantur pro probis, aut etiam probæ pretio iniquo; modus hic legi naturali superadditus ex ea efficit civilem.

§. 983.

De exitu negotiorum & habere debent, & curandum, ut habere possint. Etenim omne negotium, quod suscipitur, exitum habere debet, & ut habere possit curandum (§. 70. part. 7. *Jur. nat.*). Quamobrem etiam negotia omnia in civitate & per consequens lites

lites omnes in foro exitum habere debent, & ut habere possint curandum.

De litibus in foro idem specialius ostenditur hoc modo. In civitate constituendi sunt iudices (§. 539.), ut causas in iudicium deductas cognoscant, a cujusnam parte stet jus pronuncient, & victo injungant, ut præstet, quod debet, si vero sponte præstare nolit, ad præstandum eundem vi adigant (§. 540.). Quamobrem cum lis finiatur, & exitum habeat negotium litigantium, si sententia iudicis vel sponte stetur, vel ea executioni detur (§. 543. 555.); lites in foro exitum habere debent, ac per consequens curandum, ut habere possint.

Litigatur in foro, ut pars una litigantium jus suum consequatur ab altera, quod ab eadem ipsi denegatur, vel in controversiam adducitur. Quando igitur lite sententia iudicis decisa jus suum consequitur is, cui debetur; negotium litigantium in foro, aut, si mavis, lis in foro mora exitum habet. Superiori itaque incumbit ea constituere, ut habere possit. Similiter exitus studiorum in Academia est, ut iis scientiis imbuatur animus studiosorum, quibus in eo vitæ genere cui se destinarunt, opus habent. Superior itaque curare debet, ut studiosi finem hunc, cujus causa in Academiam proficiuntur, consequi possint.

§. 984.

Quoniam curandum est, ut lites in foro exitum habeant (§. 983.), consequenter ut jus suum consequatur is, cui debetur (§. 69. *part. 7. Jur. nat.*), ac ideo omnis controversia inter litigantes terminetur; *Quod cavendum, ne ex litibus nascantur lites.*

Successerunt judicia in locum belli privati in civitate (§. 561.).

561.), cujus evitandi gratia in civitatem coiverunt homines. Maxime igitur convenit fini Reip. præcavere, ne lites ex litibus nascantur, sed controversiæ ita decidentur, ut litis materia præscindatur, nec illarum decidendarum causa lites novæ oriuntur, prouti in bello ex causis subnascentibus novæ resultant injuriæ belli justæ causæ.

§. 985.

*De litibus in
foro non pro-
trahendis.*

Superior cura habere debet, ne lites in foro protrahantur. Etenim judices in civitate constituuntur (§. 539.), ut causa cognita illorum sententia condemnatus victori præstet, quod debet (§. 540. 545.), consequenter juris sui consequendi causa in foro litigatur. Quamobrem cum is, qui rem alterius in potestate habet, naturaliter obligetur omnem dare operam, ut in potestatem ipsius veniat (§. 466. *part. 2. Jur. nat.*), & debitor præcise eo die solvere teneatur, quo debet (§. 665. *part. 5. Jur. nat.*), consequenter sine ulla mora (§. 638. *part. 3. Jur. nat.*), superior autem operam dare debeat, ut minimum actus externi civium ad legem naturæ componantur (§. 395.); idem omnino curæ habere debet, ut quilibet in foro jus suum quantocyus consequatur, consequenter ne lites in foro protrahantur.

Quando in foro litigatur, in se certum est, cuinam parti res litigiosa debeatur, & naturaliter pars altera obligata est sine mora eam præstare alteri. Jus igitur partis illius, cui res debetur, violatur, si jure suo diutius carere debeat, quam necesse erat. Et ea de causa quantocyus lis decidenda, & quæ eam protrahere possunt, sollicitè tollenda. Ita enim demum floret justitia in Rep. quemadmodum superiori curæ esse debet (§. 536.). Ceterum in Jure naturæ tantummodo expenduntur rationes litium in foro non protrahendarum, quæ a jure petuntur: rationes enim alias ab utilitate tam singulorum, quam universæ civitatis desumendas prudentia civilis suggerit. Quæ vero

verò de litibus non protrahendis & de cura superioris, ut lites in foro exitum habere possint, & ne lites ex litibus nascantur, demonstravimus, principia sunt in faciendo jure civili ex naturali attendenda, eaque de causa locum sibi hic vindicant.

§. 986.

Si determinationes legi naturæ adjectæ fuerint probatu difficiles, vel prorsus impossibiles; ex lege naturali fit civilis, si in ne determinationum locum subsituantur alia probatu faciles, quæ probabiliter, nationum seu ut plurimum iisdem æquipollens. Etenim cum iudex pro lege nunciare debeat, a cujusnam parte litigantium jus stet (§. surali con- 540.); leges ad factum sufficienter cognitum applicare tentatur. Quoniam vero hoc fieri nequit, nisi determinatio civilis, nes singulæ, quas lex continet, fuerint sufficienter probatæ, ut constet, quænam lex ad factum præsens sit applicanda; si illæ probatu sunt impossibiles, is exitum in foro habere nequit, si vero probatu fuerint difficiles, ea nimium protrahitur & ex lite initio mota nascuntur lites aliæ. Quamobrem cum superior curæ habere debeat, ut lites in foro exitum habeant (§. 983.), & cavere, ne lites ex litibus nascantur (§. 984.) & ne protrahantur (§. 985.), ubi autem certitudo omnimoda haberi nequit, in probabilibus sit acquiescendum, ut negotium habere exitum possit; si determinationes legi naturæ adjectæ fuerint probatu difficiles, vel prorsus impossibiles, in locum earum surrogandæ sunt determinationes alias probatu faciles, quæ probabiliter, seu ut plurimum istis æquipollent.

Exemplo quod hic demonstratur statim fit manifestum. Naturaliter minorennis est is, cui per ætatem nondum est adeo perfectum iudicium, ut negotia sua per se rite curare norit (§. 768. part. 7. Jur. nat.). Quodsi in foro probanda minorennitas, facile patet, probationem fore si non prorsus

(Wolffs Jur. Nat. Pars VIII.) D d d d d im.

impossibilem, saltem admodum difficilem, & ex lite ab initio mota nascituram litem de minorennitate vix ac ne vix quidem terminandam, nisi in probabilibus acquiescat. Romani igitur recte ex lege naturali effecerunt civilem, dum minorennitatem restrinxerunt ad annum ætatis vigesimum quintum, & similiter in Saxonia eadem restricta est ad annum vigesimum primum. Annum enim ætatis facilius ac certo probari posse, nemo ignorat, ut ideo verendum non sit, ne de ea lis nova oriatur, ac probabile est interea temporis, donec quis annum ætatis vigesimum quintum, vel etiam vigesimum primum attingat, eum iudicium suum adeo perficere potuisse, ut negotia sua per se curare norit, nec ignoret, in re dubia consilium peritorum esse requirendum, ac per consequens culpa sua peccet, si minus recte gerat, & ideo id sibi imputare debeat, quod non cautius mercari didicerit. Experientia nimirum, optima rerum magistra, docet, quam sint ætate, qui negotia sua per se rite curare incipiunt, siquidem diligentiam suam in acquirenda ista aptitudine desiderari minime passi fuerint. Facile autem patet, in determinando termino minorennitatis leges civiles differre posse. Nec minus liquet non invito Jure naturæ veniam ætatis impetiri posse a superiore.

§. 987.

De lationibus exiguis non curandis.

Ob minimam quamcunque aut exiguam lationem litibus in foro locus concedi nequit. Ponamus enim ob minimam quamque lationem aut exiguam litibus in foro locum esse concedendum. Quoniam cupido lucri hominibus facile persuadet, ut in pactionibus se invicem circumveniant, & invidia ac mutua odia, atque vindictæ cupido eos ad nocendum aliis abripiat, præterea quoque non adeo sollicitè, quemadmodum fieri debebat, culpa in agendo vitatur, qua alteri damnum, vel nocumentum quoddam affertur; ideo singulis fere momentis contingit, ut unus alterum circumveniat,
aut

aut alio quodam modo lædat. Tot igitur in foro moverentur lites, quibus decidendis iudices non sufficerent; cumque fieri non possit, ut sine omni sumtu litigetur in foro, sumtus plurimum excederent id, quod finita lite consequeretur victor, si ob exiguam quandam læsionem lis mota fuisset. Accedit, quod litibus istiusmodi foverentur odia civium mutua, quæ novis injurijs locum facerent; & quantum datur, eradicanda sunt & avertenda (§. 624. *part. 1. Jur. nat.* & §. 395.). E re igitur civitatis non est, ut ob minimam quamque, aut exiguam læsionem litibus in foro locus concedatur, consequenter nec concedi potest (§. 809.).

Non habent ideo cives, de quo conquerantur, si non ob minimam quamque læsionem auxilium ipsis præstatur in foro. Etenim si in statu naturali jus belli privati privatus per se exercere debet, sive ad consequendum suum, aut quod sibi debetur, sive ut injuriam sibi illatam vindicet; ob læsiones non magni momenti a bello abstinere jubet prudentia, vel charitas: immo haud raro injuriæ maximæ tolerandæ, damna haud levia devoranda, si viribus impar fueris lædenti. Recte igitur, quod vulgo dicitur, in statu quoque civili minima non curat prætor, nec id durum videtur, modo singula rite pensaveris. Accedit, quod nec læsus ab omni semper culpa vacet, utideo iniquum non sit, si poenam quandam det culpæ suæ, & posthac cautius mercari discat.

§. 988.

Quoniam ob minimam quamcunque aut exiguam læsionem litibus in foro locus concedi nequit (§. 887.), consequenter superior determinare tenetur, ob quamnam læsionem auxilium in foro iudex denegare non debeat, & quamnam in negotiis quotidianis culpa præstanda sit; ex lege naturali efficitur civilis, si determinentur læsiones, ob quas civili deter-

Ddd dd 2

auxi-
minandis.

auxilium datur, vel denegatur in foro, & culpa, quæ pro diversitate negotiorum præstanda.

Jus naturæ nullam fert læsionem, nec in prohibendo inter enormem & enormi minorem, aut levem distinguit. Damnum omne sive dolo, sive culpa datum rescire jubet, nec attenditur in rescarciendo ejus quantitas (§. 580. *part. 2. Jur. nat.*). Similiter culpam quamvis simpliciter prohibet (§. 299. *part. 1. Jur. nat.*), nec inter latam, levem, levissimam distinguit, quod inventum Juris civilis esse alibi dudum monuimus (*not. §. 756. 759. part. 1. Phil. præf. univ.*). Ac ideo quoque quamlibet culpam præstari jubet. Rigor autem Juris naturalis in statu civili observari nequit (§. 987.), præsertim cum in læsionibus minimis & culpa quoque probandis haud raro non exiguæ sese offerant difficultates, atque non desint rationes, ob quas culpa subinde condonanda. Rationes igitur prægnantes sunt, cur superior rigorem legum naturalium temperet, ac ita ex legibus naturalibus efficiat civiles. Exempla multa occurrunt in Jure Romano. Etenim illo jure non datur auxilium in foro nisi ob læsionem ultra dimidium, non quod læsiones infra dimidium approbentur, sed quod tolerantur, & quod leges velint, ut homines in contrahendo sint circumspecti, nec imprudentes. Similiter eodem Jure desinitur, quænam culpa in hoc, vel isto negotio sit præstanda, non quod culpas non præstandas approbet aut perfecte permittat, sed quod eas condonandas esse judicet, cum leges civiles ferantur secundum infirmitatem humanam, quæ facilem habet ob rationes particulares in negotiis particularibus obvias excusationem. Et in alio negotio majorem diligentiam requirit, in alio minori indulget, prouti negotio insunt motiva majorem diligentiam adhibendi, vel rationes, ob quas minor diligentia adhibita excusatur, vel etiam parti alteri quodammodo imputari potest. Singula hæc exemplis illustrari poterant, nisi sua sponte sese offerrent iis, qui in Jure civili versati sunt, ac brevitati studendum esset. Hoc ipsum vero principium foecundum

dum est legum civilium ex naturalibus efficiendarum. Unum adhuc notandum, quod silentio præteriri nefas, non aliam scilicet esse rationem, quam quæ ex propositione præcedente pendenda, quod Romani distinxerint inter contractus & pacta nuda, quæ differentia jure nostro, hoc est, naturali nulla est (§. 794. part. 3. Jur. nat.). Quando enim Jure Romano nonnisi contractus producant obligationem perfectam & parti alteri pariunt jus perfectum; id omnino inde est, quod nonnisi contractibus nominatis, quos vocarunt, lege civili tribuatur actio in foro, sicuti probandæ perfectæ promissionis causa introducta erat stipulatio.

§. 989.

Si legum civilium una concordia esse debet, admittenda De legibus etiam sunt juri naturali non in totum consona, quæ ex aliis legibus civilibus civilibus necessario consequuntur. Ponamus enim non admit- *concordia* tendum esse, quod ex lege aliqua necessario consequitur, ad- *causa faci-* mittendum tunc utique erit, quod eidem contrariatur, ac *endis.* per consequens lex hæc repugnabit legi alteri, ex qua ipsius contrarium necessario sequitur. Non igitur datur una legum civilium concordia: quod est contra hypothefin.

Si legum una concordia, una consonantia esse debet, necesse est ut legum aliarum ratio ex aliis reddi possit. Id autem fieri nequit, si pro lege accipiendum, non quod ex alia lege necessario consequitur, sed quod eidem contrariatur. Exempli loco esse potest, quod Jure Romano pacta adjecta contractui non habeant vim obligandi, nisi in continenti adjiciantur l. 5. §. 7. ff. de pactis. Cum enim isto Jure pacta nuda non obligent per se, necesse est ut obligationem participant ab actu aliquo obligatorio, cui insunt. Jam cum contractus obligationem civiliter perfectam producant, eidem vero insint pacta, quæ in continenti, hoc est, quando contrahitur, adjiciuntur, cum a voluntate contrahentium dependeat, quomodo contrahere velint, non vero quæ contractui

Ddd dd 3

antea

antea jam perfecto ex intervallo adjiciuntur, quippe quæ nova & peculiaris quædam pactio est a contractu antea celebrato diversa; ex legibus Romanorum, juxta quas non datur actio ex pacto nudo, sed saltem ex contractu, omnino sequitur, pacta adjecta contractui non habere posse vim obligandi, nisi statim adjiciantur. Sane si jure Romano pacta ex intervallo, seu tempore quocunque adjecta contractui vim obligandi habere deberent; id repugnaret legi, qua pactis nudis detrahatur validitas, & manifestam argueret antinomial, sublata legum consonantia. Non igitur inanibus subtilitatibus in jure Romano accensendum, quod pacta contractui in continenti adjici debent, ut vim obligandi habeant. Qui pactis nudis vim obligandi detrahit, pactis tamen ex intervallo adjectis contractui eandem tribuit, is utique sibi metipsum contradicit, quatenus affirmat, pacta nuda non obligare & eadem quoque obligare.

§. 990.

*Quænam il-
lorum sit ra-
tio.*

Quoniam admittenda etiam sunt juri naturali non in totum consona, quæ ex aliis legibus civilibus necessario consequuntur, si legum concordia una esse debet (§. 989.); rationes, quæ sufficiunt, ut a rigore legum naturalium recedatur, dum ex iis fiunt leges civiles, sufficiunt etiam, ut admittantur juri naturali non in totum consona, quæ ex aliis legibus civilibus juri naturæ non in totum consonis necessario consequuntur.

Nimirum leges, quæ sunt per consequentiam, rationem suam habent in ea lege, ex qua necessario sequuntur. Ratio igitur legis, ex qua alia per consequentiam descendit, est ratio rationis hujus, consequenter ejusdem ratio remota. Sane omne jus naturæ rationem sufficientem habere dicimus in ipsa natura humana, etsi deducantur longa haud raro ambagum serie ex ea lege, quæ rationem proximam & immediatam in natura humana habet, nec illarum ratio immediate ex natura humana reddi possit. Ita ratio, propter quam pactis nudis denegantur

negarunt actionem in foro Romani, ea ipsa etiam est, ob quam pactis in continenti non adjectis eandem subtraxerunt, etsi cum immediata non sit, nec proxima, sed remota, accesserit hæc altera, ne lex una alteri repugnaret, quia pacta nuda non obligant.

§. 991.

Ratio eorum, qua legi naturali vel addenda, vel subtra- Unde desu-
benda, ut ex ea efficiatur civilis, vel a statu civitatis in genere, menda sit
vel hujus, in qua civilis fertur, in specie desumenda. Leges ratio adden-
enim civiles præscribere debent media, quibus commune dorum, vel
bonum, bonis civitatis (§. 9. & seqq.), obtinetur (§. 967.). *subtrahen-*
Necesse igitur est, ut rationes earundem desumantur a statu dorum, *ut ex*
civitatis, unde dijudicandum, num hoc, vel isto modo finis *lege natura-*
civitatis obtineri possit (§. 937. *Ontol.*). Quamobrem cum status *si efficiatur*
civitatis omnis non prorsus idem sit, nec idem omni tempore *civilis*
ejusdem civitatis status, eadem quoque media non in omni civi-
tate, nec omni tempore in eadem civitate apta sunt ad finem ci-
vitatatis obtinendum. Quoniam itaque leges civiles contrariari
nequeunt legibus naturæ, nec dare jus ad illicitum faciendum,
aut debitum non faciendum (§. 913.), sed saltem ex natura-
liter licito facere illicitum, vel debitum, aut etiam ex eo,
quod imperfecte debetur, perfecte debitum (§. 977.), vel
si quid non invito jure naturæ pluribus modis fieri potest,
determinare modum, quo fieri debet (§. 978.); ratio eo-
rum, quæ legi naturali vel addenda, vel subtrahenda, ut ex
ea efficiatur civilis, vel a statu civitatis in genere, vel hu-
jus, in qua civilis fertur, in specie desumenda.

Patet hinc, quomodo leges civiles sint condendæ. Nimi-
rum primo quaeritur, quid de eo, de quo lex ferri debet, de-
finiat

finiat lex naturæ. Hoc ubi patet, porro quæritur, quid sit addendum, vel subtrahendum, ut ex lege naturali efficiatur civilis. Quoniam in Rep. lex suprema est salus Reip. (§. 86.); quid ea addi, vel subtrahi jubet disquirendum. Tum vero animus advertendus est ad statum Reip. qui primo in genere spectatur, deinde quoque in specie, aut potius in singulari. Ac ita demum patebit, utrum lex recte efficiatur, nec ne, ita ut omnem effugiat reprehensionem. Cum ipsa lege naturali ad recte agendum obligemur (§. 139. *part. 1. Phil. pract. univ.*), quin etiam ad recte condendum leges civiles, consequenter ad observanda ea, quæ diximus, obligetur superior, si potestate legislatoria recte uti voluerit, dubitandum non est. Si quis Jus Romanum diligentissime rimatus fuerit, is intelliget, quomodo legum Romanarum conditores ea observaverint, quæ hic dicuntur, quinam sit illarum cum Jure naturæ consensus, vel dissensus, & quænam leges convenient cuilibet civitati, quænam vero sint Romanorum propriæ. Cum vero ad intimiorem Juris Romani, immo omnis Juris positivi, scientiam penetrare non detur, nisi præscripto modo in leges singulas earumque rationes inquiras, non e re esse videtur, ut unum alterumque exemplum in medium proferamus. Jure naturali liber est, qui facere potest, quod salva obligatione sua, naturali scilicet, facere libet (§. 138. *part. 1. Jur. nat.*), cum libertas non tollat obligationem naturalem. Spectatur autem hic libertas tanquam jus homini natura competens (§. 146. *part. 1. Jur. nat.*), quippe qui in statu originario alterius cujusdam potestati subjectus non est (§. 143. *part. 1. Jur. nat.*). Libertas hæc naturalis in civitate restringitur quoad eas actiones, quæ ad bonum publicum promovendum faciunt (§. 47.), & legibus civilibus determinantur (§. 969.), ut jam facere non liceat, quod naturaliter licebat, & faciendum sit, de quo naturaliter pro lubitu statuere poterat (§. 977.). Ad obligationem itaque naturalem, quæ libertatem in agendo impedit, accedit civilis in statu civili, & ita addendo ex jure naturali fit jus civile, ut ideo libertas fiat jus faciendi quod libet, nisi quatenus

tenus lege naturali ac civili impeditis. Quemadmodum vero in statu naturali vi libertatis naturalis unicuique permittendum est, ut faciat, quod ipsi visum fuerit, modo nil faciat, quod est contra jus tuum (§. 156. 157. *part. 1. Jur. nat.*), adeoque ferendum, ut libertatem in licentiam vertat (§. 150. *part. 1. Jur. nat.*); ita quoque in civitate, in qua nihil mutatur quoad eas actiones, quæ legi civili determinatæ non sunt, sed quilibet liber manet, quemadmodum erat in statu naturali (§. 47.), permittendum est, ut quis faciat quod lubet, quando lege civili non impeditur, etiam si libertatem in licentiam vertat. Quod si ergo merum Jus civile spectes, in civitate liber est, qui potest facere quod libet, nisi si quid lege civili prohibetur: lex enim præceptiva continet prohibitivam contrarii (§. 722. *part. 1. Jur. nat.*), nimirum si hoc facere debet idem non facere minime licet. Ratio, quæ in Jure civili mutationem affert naturali quoad libertatem, a statu civili in genere desumitur, eaque de causa Jus civile quoad eandem omnivocitati convenit. In Jure Romano *Florentinus* l. 4. ff. de statu hom. libertatem definit per facultatem naturalem ejus, quod cuique facere libet, nisi si quid vi, aut jure prohibetur. Hæc definitio non differt ab iis, quæ modo dicta sunt, nisi quod addatur, si quid vi prohibetur. Enimvero si libertas spectetur ut jus, quemadmodum spectanda est, vis non habenda ratio est, cum vi saltem impediatur actus, ac per consequens exercitium juris, jus autem salvum maneat. Et quando *Florentinus* generis loco ponit facultatem naturalem, non moralem, quæ jus est (§. 156. *part. 1. Phil. pract. univ.*); libertatem voluntatis cum jure homini natura competente & in civitate fini ejusdem convenienter restricto confudisse videtur: id quod tamen minime reprehendendum, quatenus obligatio civilis, quæ a lege civili venit, non tollit licentiam, in quam libertas naturalis tanquam jus spectatum abusu vertitur. Ita scilicet libertas definitur, qualis obtinet in statu civili, non qualis vi Juris naturalis esse debebat, ut ea simul includat licentiam in civitate tolerandam, quemadmodum toleranda quoque est in statu naturali

(*Wolffii Jur. Nat. Pars VIII.*) Ee ee turali

turali. Sed demus etiam exemplum legis civilis, cujus ratio desumpta est a statu Reip. Romanæ. Naturaliter testamentum validum est, si constet de voluntate defuncti expresse declarata (§. 994. *part. 7. Jur. nat.*): quod ubi per testes probari debet, naturaliter sufficit, ut voluntatem suam declaraverit coram duobus testibus, vel tot, quot libuerit. Lege civili numerus testium determinari potest, prouti visum fuerit superiori (§. 978.). Enimvero quod Jure Romano testes septem requirantur, rationem in statu civili Romanorum habet. Etenim olim Romæ testamenta in pace fiebant in comitiis calatis coram populo, quod existimarent non posse quem a lege de hæredibus ab intestato recedere, nisi nova lege in comitiis lata, quam ferre non poterat nisi totus populus in Rep. libera, seu statu populari. Hinc voluntatem suam declarans rogabat Quirites, ut eam ratam ferverent. Enimvero cum in comitiis tantum bis in anno condi posset testamentum, modus alius testandi introductus, qui omni tempore fieri poterat, legi duodecim tabularum admodum convenienter, quæ facultatem testandi unicuique patrifamilias concedebat, nimirum modus testandi per æs & libram, seu imaginariam venditionem hæreditatis. Qui hæreditatem emebat, dicebatur familiæ emtor, qui erat hæres & uno nummo hæreditatem emebat hisce solennibus verbis: Hanc ego familiam, quæ mihi emta est hoc ære, æneaque libra, jure Quiritum meam esse ajo, & ære libram percutiens id æs testatori tanquam venditori dabat. Præter familiæ emtorem itaque ac libripendem aderant quinque testes, qui quinque ordines populi Romani repræsentabant, in quos is erat divisus. Notandum nimirum veteres usos fuisse ære non signato, ac ideo pecuniam non numerasse, sed ponderasse. Quare venditio fieri non poterat sine libra. Et quia minime consulum videbatur, ut hæres nosset, se esse institutum, ne forte testatori insidiaretur, postea familiæ emtor imaginarius hæredem repræsentans adhibebatur. Modus hic testandi per ambages cum abrogaretur, numerus testium septenarius ex eo retentus. Manifestum itaque est, rationem numeri

numeri septenarii testium desumptam esse ex statu civili Romano, consequenter absque ratione sufficiente Jus Romanum in aliis civitatibus attendi. Quamvis enim consultum videatur, per plures testes probari voluntatem defuncti, non tamen ideo necesse est, ut sint præcise septem. Obiter observo, quatenus Jus Romanum rationem habet in statu Romanorum civili, ad idem penitus intelligendum requiri noticiam antiquitatum Romanarum: his enim ignoratis, latent rationes. Atque hinc patet, quinam & quando sit usus antiquitatum Romanarum in intelligendo Jure Romano, & quænam leges ex iis demonstrandæ veniant. In hisce autem demonstrationibus facta subeunt vicem principiorum, quæ sumuntur, & quod recte sumantur autoritate Historicorum probatur. Quæ vero ex legibus ita demonstratis consequuntur, ea ex iisdem tanquam principii suis, prouti in scientiis, moris est, porro demonstrantur.

§. 992.

Si leges civiles ex naturalibus fieri debent, cavendum est, ne errores quidam communes pro Jure natura sumantur. Quod si enim pro Jure naturæ sumatur error quidam, cum ea, quæ Jure naturali determinantur, vel naturaliter licita, vel debita, vel illicita sint (§. 170. part. 1. Phil. pract. univ.), lege autem civili ex naturaliter licito fieri possit debitum, vel illicitum, aut ex imperfecte debito perfecte debitum (§. 977), fieri potest, ut, dum pro licito sumitur, quod debitum, vel illicitum (§. 623. Leg.), ut præcipiatur, quod illicitum, aut prohibeatur, quod debitum (§. 170. part. 1. Phil. pract. univ.). Quamobrem cum superior ferre nequeat leges legibus naturalibus præceptivis ac prohibitivis contrarias, seu prohibere non possit, quæ lege naturali præcipiuntur, nec præcipere, quæ eadem lege prohibentur (§. 973.); si leges civiles ex naturalibus fieri debent, cavendum est, ne errores quidam communes, quæ propterea, quod communes sunt, animum

ab eo, ad quod attendi debet, facillime avertunt, pro Jure naturæ sumantur.

Non defunt in Jure Romano leges complures, quæ hac labe infectæ sunt, nec ab ea prorsus purgatæ fuerunt, etiamsi successive iniquitas earundem temperata fuerit. Exemplo est patria potestas Romanorum, quæ communi quodam errore imperium parentibus in liberos educandos naturaliter competens (§. 662. part. 7. Jur. nat.) cum dominio confundit & patri soli tribuit. Quemadmodum vero dato uno errore sequuntur plures; ita quoque in legibus Romanis ex erronea potestatis patriæ notione multa deducuntur iniqua atque injusta, quorum nonnulla etiam adhuc passim usu recepta sunt, ubi Jus Romanum introductum, etiamsi patria potestas Romanorum fuerit rejecta. Pertinet huc ususfructus in bonis liberorum patri ad dies vitæ competens, (not. §. 757. part. 7. Jur. nat.), ut alia brevitatis causa taceamus. A lege naturæ non præter necessitatem recedendum in civitate. Quamobrem edita Prætorum propter æquitatem naturalem, quam secuti sunt, recte laudantur.

§. 993.

De emenda-

tione legum Quoniam cavendum est, ne errores quidam committuntur pro Jure naturæ sumantur, quando leges civiles ex civilium ob naturalibus fieri debent (§. 992.); si per insectiam temporum errorum in errores quidam irrepserunt in leges civiles, aut quidam ex aliis hac Jure naturæ labe infectis per consequentiam fuerint eruta, eadem abroganda, et facta vel veritate convenienter emendanda sunt.

tum.

Ita e. gr. ususfructus patri in bonis liberorum ad dies vitæ tributis restringendus est ad tempus educationis & matri quoque concedi potest (§. 757. 765-766. part. 7. Jur. nat.), iniquum vero est, si parentibus concedatur ad dies vitæ, nec ulla ratio valida, quæ matri conditionem deteriolem facit conditione patris. Similiter recte apud nos abrogata fuit servitus, quæ

quæ servos & ancillas in dominio domini constitutos æquiparat jumentis, nec pro personis, sed rebus habet. Potuisset tamen retineri, quatenus Juri naturæ consentanea per ea, quæ (c. 6. part. 7. *Jur. nat.*) a nobis demonstrata sunt: nec per se injusta sunt jura de hominibus propriis, quæ passim adhuc in Germania vigent, & de operis rusticorum dominis prædiorum equestrium præstandis, modo non ex accidente vitium quoddam in ea irrepit. Atque ex his, quæ de legibus civilibus hætenus a nobis demonstrata fuerunt, terminandæ sunt controversiæ, a multo tempore agitæ, num & quatenus Jus Romanum apud nos recte recipi potuerit, atque dijudicandæ leges civiles diversorum populorum, ac per consequens legum antiquarum Germanicarum. Neque enim sequitur leges antiquas Germanorum moribus eorum hodiernis quoque convenire, etiamsi olim nihil iniquitatis in ipsis fuerit.

§. 994.

Si actu quodam per leges valido alicui adimitur, quod ex De eo, quod alia lege sperare poterat; nulla ipsi fit injuria. Etenim si actus ex lege quaquidam per leges validus est, eodem nihil committitur, quod dam sperari in se illicitum sit: id quod per se patet. Enimvero si con-^{poterat, va-}tingat hoc actu alicui adimi, quod ex alia lege sperare pote-^{lide ademto.}rat; tum perinde est, ac si nihil adesset, quod sperari posset, ac per consequens lex ista cessat. Quoniam itaque is, qui alias aliquid sperare potuisset, ad id, quod ipsi ademtum, jus perfectum adhuc non habet, injuria autem in violatione juris perfecti consistit (§. 859. part. 1. *Jur. nat.*); si actu quodam per leges valido alicui adimitur, quod ex alia lege sperare poterat, nulla ipsi fit injuria.

Ita venditione imaginaria Geradæ in foro Saxonico usitata nulla injuria fit foeminæ, quæ a morte venditricis eam expectabat. Etenim quamdiu foemina vivit, res suas quascunque pro lubitu vendere potest, cuique voluerit, ea etiam lege, ut

Ecc ee 3

rerum

rerum venditarum usumfructum sibi reseruet ad dies vitæ: immo vendi quoque possunt res futuræ. Venditione igitur ista nulla fit alteri cuidam injuria, quando res venduntur. Quoniam lex de gerada non minuit dominium, ac per consequens nulla intelligitur, si post mortem foeminæ, quæ liberos sexus sequioris non habet, in bonis ab ea relictis nullæ extiterint res ad geradam spectantes; ex lege de gerada nihil quoque capere potest foemina, cui alias gerada debebatur, perinde ac is, cui lege debebatur successio in bonis defuncti, succedere nequit, si nulla ab eo relinquuntur bona. Quamobrem si emtor geradæ res ad eam pertinentes post mortem venditricis accipit, nihil adimit foeminæ, cui lege gerada debebatur, sed quod suum est repetit, consequenter nec tum injuria ulla committitur. Idem tenendum est de venditione imaginaria *Heergewetti*. Negandum non est, leges de gerada & heergewetto rectius abrogandas esse: quamdiu tamen abrogatæ non sunt, venditio in judicio perfecta absurda dici nequit, nec rebus ludicris recte accensetur. Et hætenus quoque venditio vera dicitur, non simulata, & omnia observanda sunt, quæ ad venditionem veram per leges requiruntur & ad dominium per eam acquirendum, ne quis eam tanquam actum minime validum impugnare possit. Absit autem, ut tibi persuadeas, venditionem istam committi in fraudem legis, ne scilicet geradam, vel heergewettum acquirat persona, cui debetur. Id enim tum demum fieret, si gerada & heergewettum intelligerentur ante mortem personæ, a qua res ad illam vel hoc spectantes acquiruntur: tum vero rerum istarum alienatio prohiberi debebat, id quod æque absurdum foret, ac si hæreditatis causa rerum, quas quis habet, alienatio prohiberetur.

CAPUT VI.

De officio Superioris, five Rectoris Civitatis, & Subditorum.

§. 995.

Omnis *Rector civitatis bene regere debet Remp.* Etenim in *Officium generale Rectoris civitatis.* Rectorem civitatis imperium omne ea lege translatum intelligitur, ut non exerceatur, nisi saluti publicæ convenienter, siue absolutum fuerit atque summum, siue quocunque modo limitatum (§. 88.). Quamobrem cum is recte, seu bene imperet, seu civitatem regat, si ea facit, quæ ad bonum publicum promovendum requiruntur, male autem imperet, si ea facit, quæ bono publico adversantur (§. 85.); omnis Rector civitatis bene regere debet Remp.

Rector civitatis persona moralis est, quæ determinatur per jura & obligationes ipsius (§. 70. *part. 1. Jur. nat.*). Quemadmodum itaque jus imperium civile est, quo gaudet Rector civitatis, in ipsum translatum, ut id exerceat (§. 42.); ita obligatio, quæ in eundem cadit, est necessitas exercendi imperium, consequenter civitatem regendi (§. 218. *part. 7. Jur. nat.*). Et quoniam salus publica in civitate suprema lex est (§. 86.); ex ea quoque metienda est regendi obligatio. Quamobrem non regere debet Remp. pro lubitu, sed prouti salus publica exigit. Ita scilicet demum satisfacit officio suo.

§. 996.

Quoniam *Rector civitatis bene regere debet Remp.* *Qualis esse debet intellectus & voluntas Rectoris.* (§. 995.), hoc vero fieri nequit, nisi & norit, quænam ad Remp. bene regendam requiruntur, & velit ea facere, in quibus bonum regimen consistit; ideo *instructus esse debet scientia*

Et oris civi- scientia eorum, quæ ad bonum regimen requiruntur, & volunta-
tatis. tem habere constantem ac perpetuam, nonnisi ea faciendi, quæ ad
 bonum regimen spectant.

Non sufficit nosse, quomodo bene regatur Resp. sed necesse
 etiam est, ne desit bene regendi voluntas. Defectus intelle-
 ctus in causa est, ut ex ignorantia male regatur; defectus vo-
 luntatis vero, ut male regatur ex proposito. Sane non alia
 de causa introductæ sunt monarchiæ & aristocratix, quam
 quod hoc pacto facilius præcaveri posse visum est, ne ex igno-
 rantia male regatur civitas; Resp. autem mixtæ, quod hoc pa-
 cto facilius Reip. prospici posse visum est, ne defectu volun-
 tatis jure suo abutatur superior & male civitatem regat.

§. 997.

De educa-
tione eorum,
qui ad regi-
men adspi-
rare possunt.

Cum Rector civitatis instructus esse debeat scientia
 eorum, quæ ad bonum regimen requiruntur, & voluntatem
 habere constantem ac perpetuam nonnisi ea faciendi, quæ
 ad bonum regimen spectant (§. 996.); in regno successorio
 qui spem succedendi habent, & in Aristocratia, qui ad regimen ad-
 spirare possunt, ita educandi sunt, ut scientia eorum, quæ ad bo-
 num regimen requiruntur, acquirant, & voluntas non faciendi, nisi
 quod rectum est, constans & perpetua efficiatur, consequenter cu-
 ra cordique esse debet Regibus in regnis successoribus & optimatibus
 in Aristocratia, ut illi, ad quos post fata eorum imperium civile,
 seu jus regendi civitatem devolvetur, bene educentur, hoc est ita,
 ut ad civitatem bene regendam evadant apti.

Non sufficit, ut Rex præsens civitatem bene regat; sed
 idem curæ habere debet, ut etiam ea post fata sua bene rega-
 tur. Malum regimen successorum, si neglectus educationis in
 causa fuerit, recte imputatur iis, qui in præsentī civitatem re-
 gunt. Culpa enim non vacant, qui in educatione successor-
 um diligentiam suam desiderari passi sunt. Immo non con-
 cipi

cipi potest voluntas constans & perpetua bene regendi Remp. qualis in Rectore civitatis requiritur (§. 996.), nisi idem velit, ut perpetuo floreat Resp. consequenter pro virili conferat, quicquid hac in parte a se proficisci potest.

§. 998.

Similiter cum *Rektor civitatis* instructus esse debeat *De consilio* scientia eorum, quæ ad bonum regimen requiruntur (§. 996.), *prudentum* fieri autem non possit, ut omnia negotia publica ac ea in- *ad bonum* primis, quæ ad decernendum in præsentī, supponenda ipsi sint *regimen re-* intime perspecta, prouti abunde patet ex iis, quæ de Rep. *quisito.* constituenda demonstrata sunt integro capite tertio admodum prolixo; ideo *ut debet relatione ac consilio virorum pru-* dentum, quorum alii in hoc, alii in alio negotiorum genere *excellunt.*

Ad bonum regimen non modo requiritur theoria, verum etiam praxis, quæ in theoriæ applicatione ad casus obvios consistit. Ita non sufficit nosse, iudices constituendos esse legum peritos, viros bonos & impartiales (§. 541.); sed quando iudex actu constituendus, constare etiam debet, num hæc, vel ista persona habeat prædictas qualitates. Quamobrem si vel maxime supponas, Rectorem civitatis omnem negotiorum publicorum theoriam animo comprehendisse; nondum tamen instructus est notitia singularium, sine qua veritates generales, quas theoria suppeditat, rite applicari nequeunt. Sine recta autem applicatione theoriæ fieri non potest, ut actu bene regatur. Accedit quod in causis dubiis & quando non uno modo quid fieri potest, oculi, quemadmodum dicitur, plus videant, quam oculus, & rationum in contrarias partes allatarum ponderatione rectius patefiat, quid utiliter decerni debeat. Quemadmodum itaque unusquisque in iis, quæ per se nosse nequit, aliorum consilio ac relatione uti debet; ita nihil singulare est, si idem facere tenetur Rektor civitatis.

§. 999.

*Consilarii
quoniam sint.*

Consilarii dicuntur, quorum relatione atque consilio Rector civitatis utitur in gubernanda Rep. Dividuntur in diversas species pro diversitate negotiorum, ad quæ consilium ipsorum adhibetur. Sed eam divisionem in præsentī insuper habemus. Generalis divisio est in actuales & titulares. *Consiliarius actualis* est, cujus consilio actu utitur Rector civitatis: *Titularis autem consiliarius* est, cui solum nomen consilarii tributum augendæ dignitatis causa.

Quid de consiliariis titularibus tenendum sit, patet ex iis, quæ de dignitatibus civilibus supra demonstrata sunt (§. 766. & seqq.). Quid suadeat prudentiæ civilis, suo loco declarandum.

§. 1000.

*Quales esse
debeant
consilarii.*

Quoniam Rector civitatis relatione atque consilio consiliorum uti debet in Rep. gubernanda (§. 999.),¹ necesse est ut consilarii non modo negotia habeant perspecta, de quibus consilium dare debent, verum etiam ut fideliter omnia referant, quæ in casu præsentī attendenda sunt, consequenter esse debent rerum, ad quas adhibentur, periti, prudentes (§. 257. part. 1. Jur. nat.), & viri boni (§. 967. part. 5. Jur. nat.), ac per consequens veritatis amantes (§. 971. part. 5. Jur. nat.).

Quemadmodum Rector civitatis Consiliariis carere nequit (§. 998.); ita quoque fieri nequit, ut bene gerat Remp. nisi consilarii tales sint, quales esse debent, nimirum eorum, quæ ad bonum regimen requiruntur, intelligentes & salutis publicæ amantes. Inanem operam sumit, quicquid tandem molitur, nisi consilarii, vel in genere omnes, per quos regere tenetur Remp. eandem cum ipso habeant voluntatem & ad recte fungendum ministerio sint apti. Malum regimen magis confi-

consiliariis, atque ministris, quam Reſtori civitatis imputandum, qui non modo animum Reſtoris corrumpunt, verum etiam illaſo animo Reſtoris Remp. peſſumdant.

§. 1001.

Quia conſiliarii veritatis amantes eſſe debent (§. De miniſtro-
1000.), & Reſtor civitatis relationi ipſorum fidem habere rum adula-
tenetur (§. 999.); conſiliarii nil quicquam celare, & ab omni adula-
tione præcul abeſſe debent, ipſe autem Reſtor civitatis neminem magis, renda.
quam adulatorem averſari debet (§. 892. part. 1. Jur. nat.).

Adulatio nullibi frequentior, quam in aula: ſed peſtis vera Reip. eſt, quam cane & angue pejus fugere debet Reſtor civitatis, ſi ſalus publica ipſi curæ cordique eſt ac ſtatum civitatis corrumpi nolit. Adulatores non ſuadent, nec diſſuadent ex animi ſui ſententia, ſed unum omnium officium, una contentio eſt, ut Seneca verba lib. 6. de benef. c. 30. mea faciam, quis blandiſſime fallat.

§. 1002.

Cum Reſtor civitatis uti teneatur conſilio aliorum in De conſiliis
Rep. gubernanda (§. 999.), Remp. vero bene regere de- diſcernen-
beat (§. 995.); ſibi cavere debet, ne malum conſilium ſequatur, diſ.
conſequenter conſilia, qua dantur, probe diſcernere tenetur.

Nec ſibi, nec aliis nimium fidit Reſtor civitatis prudens. Quamvis enim alienæ ſententiæ non intelligens videatur; aliorum tamen conſilium haud raro detegit ea, quæ teſta ipſi manſiſſent, ut rectius per ſe ſtatueret poſſit. Non raro vero etiam contingit, ut fallantur & fallant, qui conſilium dant. Ne igitur conſilium eorum temere ſequatur, non minus diſpiciendum eſt, num forte fallantur, quam num fallant. Quomodo vero fieri poſſit, ut tam circumſpectus ſit in conſiliis admittendis, ad prudentiam civilem pertinet.

§. 1003.

*Rectorem
civitatis*

*omni virtute
se excellere
debere.*

Rector civitatis omni virtute excellere debet. Etenim Rectori civitatis curæ esse debet, ut subditi sint virtute præditi, ne a virtutis tramite ad vitia descedant, & qui descedunt a vitiis revocentur & in viam rectam reducantur (§. 456.). Enimvero exemplo nostro alios virtutes docere & ad earum studium incitare debemus (§. 639. part. 1. *Jur. nat.*). Quamobrem etiam Rector civitatis exemplo suo subditos virtutes docere & ad earum studium incitare debet. Quoniam vero hoc fieri nequit, nisi ipse virtuti omni deditus sit (§. 250. part. 2. *Phil. pract. univ.*); Rector civitatis omni virtute præditus esse debet. Et quoniam exemplum tanto fortius incitat ad imitandum, quanto illustrius, Rector autem civitatis exemplo suo subditos ad virtutis studium incitare debet, *per demonstrata*; idem omnino omni virtute excellere debet.

Ostenditur etiam per indirectum hoc modo. Ponamus Rectorem civitatis vitiis esse deditum. Cum longa experientia dudum exploratum sit, non modo homines in agendo alios imitari, verum etiam subditos ad exemplum Rectoris civitatis componi, nec idem a ratione alienum sit, quia plerique hominum in actionibus suis empirici sunt, saltem maxima ex parte, ac per consequens alios imitantur (§. 205. part. 2. *Jur. nat.*), nec minus in propatulo sit, homines vitia sua aliorum, præsertim se superiorum, seu dignitate præcellentium exemplo tueri; subditi in vitia labentur, quibus Rectorem civitatis delectari norunt, & ejus exemplo eadem tuebuntur. Quoniam itaque Rectori civitatis curæ esse debet, ne sint vitiis, sed virtuti dediti (§. 456.); ipse quoque vitiis deditus esse non debet, sed virtuti.

Quam

Quanta sit vis exempli Rectoris civitatis, ab antiquissimis temporibus observatum est. Hinc dudum invaluit illud per-
vulgatum: Regis ad exemplum totus componitur orbis. Et
in proverbium abiit: Qualis Rex, talis grex. Si subditorum
mores emendare velit superior, suos ante emendet necesse est.
Maxime hoc urget *Confucius*, rerum civilium expertissimus &
virtutis cultor sincerus ac strenuus. Si Rex odio prosequitur
vitia, virtutem amet; qui ei placere student in aula statim a
vitiis sibi temperabunt & virtuti studebunt. Fama virtutis re-
gie & ejusdem in aula effectus exemplo strenue toto regno
discurret ac ad imitationem trahet eos, qui officiis publicis
funguntur. Horum deinde exemplum imitabuntur, qui hisce
placere student, ac ei deinceps se addent ceteri, ut quos non
amor virtutis, saltem verecundia arceat a vitiis. Cum maxi-
me interfit Reip. subditos esse virtuosos & vitia odio prosequi;
Rectori quoque civitatis maxime curæ cordique esse debet, ut
in omni virtutum genere emineat. Et quemadmodum solæ
virtutes sunt, quæ existimationem, laudem atque honorem
verum pariunt (§. 549. *part. 1. Jur. nat.*); ita fama non so-
lius regni ambitu contenta, sed ad exterar quoque nationes
perlata apud omnes gentes in existimationem summam ve-
niet Rector civitatis & ubivis terrarum maxima erit ejus au-
toritas. Exemplo in factis literis est *Salomo*, 1. Reg. IV. 34.
2. Parap. IX. 1. & seqq. Virtutibus intellectualibus & mora-
libus verum Majestatis suæ splendorem obtinet Rector civi-
tatis, quem pompa afferre nequit, eundem potius obscurans &
inquinans, si vergat in detrimentum Reip. Abjecte nimis de
majestatis regia sentiunt, qui eam solo luxu metiuntur, in Rep.
non tolerando (§. 733.).

§. 1004.

Quoniam Rector civitatis omni virtute excellere de-
bet (§. 1003.), virtuosus autem virtutem amat (§. 351. *virtutis &*
part. 1. Phil. pract. univ.), vitium odit (§. 368. *part. 1. Phil. odio vitio-*
pract. rum.)

præf. univ.); *Reſtor* quoque *civitatis virtutem omnem amare, vitium odiſſe debet*, conſequenter *virtutibus eminentes præmiis decorare & quanti eos faciat occaſione quavis oblata palam prodere debet.*

Præmia debentur virtuti & ſi iis virtus decoratur, ſignum amoris virtutis in dante ſunt & liberalitatem ejus vere produnt (§. 119. 250. *part. 4. Jur. nat.*), ac ideo ad exiſtimationem hominum dimanant, danti magis honorifica, quam accipienti. Ceterum non modo ideo virtutes omnes tam intellectuales, quam morales colere debet *Reſtor civitatis*, quia vitium unum virtutibus ceteris labem infert; verum etiam quia virtus nulla eſt, quæ non in bonum regimen influat, ad quod populo ſuo obligatur (§. 995.).

§. 1005.

De cura cir-

ca educa-

tionem Prin-

cipum quod

virtutem.

Quoniam *Reſtor civitatis omni virtute excellere debet* (§. 1003.), *qui vero in regno ſuccedendi ſpem habent, vel ad regimen civitatis adſpirare poſſunt*, ita educandi ſunt, ut ad bonum regimen ſint apti (§. 997.); *a teneris virtuti omni aſueſcieri debent, omnique ſollicitudine cavendum, ne aſas tenera vitio quodam contamineſcunt.*

Vera virtus, quæ non ſaltem ſpeciem ejus mentitur, rara eſt, multoque rarius, ut omnes virtutes una uni inſint, urur defectus unius non permittat ceteras eſſe omni ſuo numero abſolutas. In fortuna regia conſtitutis plures inſidiæ ſtruuntur eidem, a quibus homines ceteri liberi ſunt. Quamobrem necesse eſt, ut ea altiores in iis radices agat, quam in aliis. Hinc facile intelligitur, quanta animi ſollicitudine opus ſit in educatione Principum, ut fiant virtuofi.

§. 1006.

§. 1006.

Similiter quia Rector civitatis omni virtute excellere *De pietate* debet (§. 1003.), virtus autem facilius acquiratur & con- *Rectoris ci-*servetur, si cum ea pietas conjungatur (§. 344. *part. 1. Phil. vitatis. pract. univ.*), ac inprimis timor Dei virtutes omnes uno vinculo inter se jungat & copulet (§. 1177. *part. 1. Jur. nat. & §. 321. 284. part. 1. Phil. pract. univ.*); Rector civitatis pietate excellere debet, ac inprimis Deum timere.

Pietas instillat amorem virtutis ac ideo ejus scientiam supponit. Sed talia ex instituto enucleanda sunt in philosophia moralī. Beata est Resp. quæ Regem habet virtuofum & pium.

§. 1007.

Rector civitatis sapiens ac prudens esse debet. Imperium *De sapien-* enim civile ita exercere debet, ut bonum publicum, quan- *tia & pru-*tum fieri potest, promoveatur (§. 809.). Quamobrem bo- *dentia Re-*num publicum finis est, ad quem tendere debent omnes *horis civi-*actus ad imperii civilis exercitium spectantes (§. 932. *Ontol.*), *tatis.* & hi esse debent media, per quæ finis iste obtinetur (§. 937. *Ontol.*). Quamobrem cum sapientiæ sit eligere media ad finem ducentia & fines particulares ita sibi invicem subordinare, ut propiores fiant media remotiorum (§. 678. *Psych. rat.*); Rector civitatis sapiens esse debet. *Quod erat unum.*

Enimvero quoniam vix ullibi plures sese offerunt circumstantiæ, quarum in exequendis sapienter decretis habenda est ratio, quam in negotiis publicis, id quod a posteriori sumitur, prudentiæ autem estimationem habere circumstantiarum alienarum præsentium in exequendis iis, quæ sapienter decreta fuerunt (§. 257. *part. 1. Jur. nat.*); Rector civitatis prudens esse debet. *Quod erat alterum.*

Sapien-

Sapientia & prudentia sunt virtutes intellectuales. Rector igitur civitatis cum omni virtute excellere debeat (§. 1003.), sapientia quoque & prudentia excellere debet. Sed disertius demonstrandum erat, eundem sapientem ac prudentem esse debere, ut tanto evidentior esset utriusque virtutis in eodem necessitas & cur neutra carere possit, ratio esset manifesta. Sapientia atque prudentia maxime commendant Rectorem civitatis & splendorem dignitati ejus afferunt cum apud suos, tum apud externos.

§. 1008.

*De consiliari-
orum sa-
pientia &
prudentia.*

Quoniam Rector civitatis sapiens ac prudens esse (§. 1007.), in iis autem, ubi sibi solus non sufficit, consilio virorum in negotiorum quovis genere excellentium uti (§. 998.) debet, hi vero consiliiarii sunt (§. 999.); *Rector civitatis in quovis negotiorum genere consiliarios habere debet sapientes ac prudentes.*

Consiliarium sapientia & prudentia Rectori civitatis accrescit, ut perinde sit ac si eam per se possideret. Et quoniam consilarii referre debent, quæ in casu præsentis attendenda (§. 1000.), consequenter facta, quæ in deliberando ac discernendo requiruntur, horum oculis ipse videre tenetur; vix proderit eidem propria sapientia atque prudentia, nisi illorum sapientia & prudentia juvetur, saltem non sufficit, ne ab itinere sapientiæ atque prudentiæ subinde exorbitet.

§. 1009.

*De amore
populi.*

Rector civitatis amare debet populum suum. Etenim Rector civitatis ea facere tenetur, quæ ad bonum publicum promovendum requiruntur, ea vero non facere, quæ eidem adversantur (§. 84.). Quamobrem cum bonum publicum sit commune bonum totius civitatis (§. 23.), ac ideo populi universi (§. 5.); ideo curæ habere debet, ne populo suo
quod

quicquam defit bonum, & ne malo ullo affigatur. Quamobrem cum ex bono voluptatem (§. 558. *Psych. empir.*), ex malo tedium percipiamus (§. 569. *Psych. empir.*); voluptatem populi appetere, tedium vero ejus averfari debet. Quoniam itaque alterum amat, qui voluptatem ipsius appetit (§. 650. *Psych. empir.*), & per consequens tedium ejus averfatur, utpote voluptati contrarium (*not.* §. 518. *Psych. empir.*); Rector civitatis populum suum amare debet.

Superius jam ostendimus, Rectorem civitatis subditos amare ac diligere debere tanquam feipfum, fed ut homo æque homines (§. 276.); hic vero demonftrandum erat, eundem quoque tanquam Rectorem civitatis populum qua populum amare debere, ut tanquam officium ipfi proprium fpectetur amor populi fui, quod locum haberet, etiamfi amor univerfalis omnium hominum nullus efferet. Duplex igitur datur obligatio amandi fubditos, quæ tanto fortior efferet, quanto plura motiva funt amoris ex diverfo fonte profuentia.

§. 1010.

Quoniam Rector civitatis populum suum, hoc efferet, *Quomodo* fubditos qua fubditos amare debet (§. 1009.); qui vero *felicitatem* alterum amat; ex ejus felicitate voluptatem percipit (§. 633. *fpectare de Psych. empir.*); *Rector civitatis ex felicitate populi fui voluptatem percipere debet*, & quia qui alterum amat, ex ejus tædio ipfemet tædium percipit (§. 642. *Psych. empir.*) & eundem confiderat tanquam feipfum (§. 659. *Psych. empir.*); *ex tædio populi fui tædium percipere ac eundem tanquam feipfum confiderare*, confequenter *felicitatem fuam felicitati populi fui non contradiſtinguere, fed tanquam unam communem confiderare debet.*

Amor populi ad bonum regimen maxime neceffarius, & is demum Rector civitatis bonus efferet, qui populum suum amat: alias enim felicitatem populi parum curabit, nec volet eum esse
(*Wolffii Jur. Nat. Pars VIII.*) Ggg gg ● fe

se salvum nisi propter se. Imperium ideo degenerabit in herile (§. 264.), & hoc in potestatem dominicam abibit, quæ subditos tanquam servos constituit in dominio superioris: id quod quam sit adversum bono regimini, nostrum in præsentem non est exponere difertius. Id unice adhuc observamus, jus superioris eminens in personam & res subditorum verti in ordinarium, nec ad necessitatem Reip. sed utilitatem superioris restringi, ita ut non amplius salus Reip. sed utilitas superioris suprema lex sit, quæ si ab illa separaretur, Resp. florere nequit, sed sensim sensimque labefactatur.

§. 1011.

De non confundenda summitate imperii cum potestate arbitraria.

Reſtor civitatis ſummitatem imperii non debet confundere cum potestate arbitraria. Qui enim imperium ſummum habet, in exercitio imperii prorsus liber est, nec ulli hominum rationem reddere tenetur, quomodo imperio utatur (§. 46.). Enimvero cum imperium civile ita exerceri debeat, ut bonum publicum, quantum fieri poteſt, promoveatur (§. 809.); ſummitas imperii non dat jus ſine ulla reſtrictione faciendi quod libet, conſequenter licentiam regendi Remp. (§. 150. *part. I. Jur. nat.*), ſed tantummodo iudicio Reſtoris civitatis relinquit, quomodo bonum publicum promoveatur (§. 89.). Quamobrem cum potestatem arbitriariam ſibi arrogans, eam non metiatur ex ſine civitatis, ſeu bono publico, ſed independentem facit ab omni lege, conſequenter etiam a ſalute publica, quæ ſuprema lex eſt (§. 86.); independentiam a voluntate alterius confundit cum independentia ab hac ſuprema lege. Reſtor igitur civitatis ad bene regendum Remp. obligatus (§. 995.); ſummitatem imperii cum potestate arbitraria confundere minime debet.

Alia omnino eſt independentia in agendo a voluntate alterius, alia independentia ab omni lege. Illa libertas eſt (§.

§. 153. *part. 1. Jur. nat.*); hæc licentia (§. 150. *part. 1. Jur. nat.*). Illa non tollit obligationem naturalem (§. 159. *part. 1. Jur. nat.*), consequenter nec legem naturæ, unde venit (§. 141. *part. 1. Phil. pract. univ.*); cum hac vero lex nulla consistit (§. 164. *part. 1. Jur. nat.*). Quemadmodum manifesta est differentia inter libertatem, quæ homini natura competit (§. 146. *part. 1. Jur. nat.*), & licentiam, quæ eum facit exlegem (§. 165. *part. 1. Jur. nat.*); ita quoque non minus manifesta est differentia inter summitatem imperii civilis & potestatem civilem arbitriam. Neque enim ista nisi species quædam est libertatis; hæc vero species licentiæ. Quemadmodum vero esse exlegem repugnat essentiæ atque naturæ hominis (§. 167. *part. 1. Jur. nat.*), consequenter licentia eidem repugnat; ita etiam essentiæ Rectoris civitatis, quippe cujus persona determinatur per imperium civile atque obligationem idem exercendi (§. 70. *part. 1. Jur. nat.* & §. 42. 809. *b.*), repugnat potestas arbitraria. Quemadmodum vero libertas facile confunditur cum licentia, quia liber in agendo a sua, non vero ab aliena voluntate dependet, quia non attenditur voluntatem lege naturali regi; ita similiter summitas imperii facillime confunditur cum potestate arbitraria, quia imperium summum habens a sua, non alterius cujusdam voluntate dependet, quod non attendatur voluntatem regi lege suprema civitatis, quæ salus publica est (§. 86. 809.), & imperium metiendum esse ex fine ejusdem (§. 30. 32.), nec idem si vel maxime absolutum atque summum spectetur aliter alicui competere posse, nisi ut exerceatur salutis publicæ convenienter (§. 88.). Necessæ igitur est, ne Rector civitatis in distinguenda potestate arbitraria a summitate imperii acumen suum desiderari patiatur. Qui hanc cum illa confundit, a boni regiminis tramite facillime deflectit & utilitati propriæ cum detrimento populi, seu subditorum inhians tandem & propriam convellit.

§. 1012.

*De causis
huius con-
fusionis co-
gnoscendis
& evitan-
dis.*

Quoniam *Reſtor civitatis* ſummitatem imperii non debet confundere cum poteſtate arbitraria (§. 1011.); *necesse eſt, ut probe cognoscat ea, quæ ad confundendum imperii ſummitatem cum poteſtate arbitraria eum adducunt, & omni animi ſollicitudine ac contentione ſcopulos horre evitare ſtudeat.*

Multo difficilius eſt Principi evitare confuſionem ſummitatis imperii cum poteſtate arbitraria, quam homini privato confuſionem libertatis cum licentia, quia pluribus tentationibus expoſitus, quæ partim ab ipſo, partim ab aliis veniunt. Quamobrem tanto magis eidem curæ cordique eſſe debet, ut in cognitionem cauſarum iſtius confuſionis penetret, & impedimenta iſta boni regiminis removeat: nihil enim bono regimini magis adverſatur iſta confuſione, a quo regimine vera *Reſtoris civitatis* felicitas & ſtabilia utilitatis ſuæ fundamenta unice dependent. Enimvero in ſeduciones iſtas inquirere & quomodo eas evitare poſſit *Reſtor civitatis* oſtendere, ad Politicam ſpectat.

§. 1013.

*De odio ad-
ulationis &
amore ſinceritatis.*

Quia *Reſtor civitatis* ea cognoscere debet, quæ ad confundendum imperii ſummitatem cum poteſtate arbitraria eum ſeducunt, & ſeduciones iſtas ſtudioſe evitare (§. 1012.), adulatorum vero maxime intereſt, ut ſummitas imperii cum poteſtate arbitraria confundatur, cum ſub prætextu ejus, quod *Reſtoris civitatis* intereſt propriæ utilitati ſerviant cum detrimento ſubditorum; *Reſtor civitatis* adultores ab hominibus ſinceris diſcernere, nec quicquam magis quam adulationem odiſſe, nil quicquam magis quam ſinceritatem amiſſe debet.

Oſtendimus jam in ſuperioribus, adultores *Reſtori civitatis* exoſos eſſe debere (§. 1003.); ſed cum hic nova emergat

gat ratio, ob quam id fieri debeat, id denuo inculcari non pro nuda repetitione antea jam dictorum habendum. Aliud nimirum est antea dicta repetere, aliud vero quæ jam demonstrata sunt aliter denuo demonstrare. Et id in moralibus imprimis utile est, ubi rationes plures non modo fortius movent voluntatem, ut facias, quod fieri debet, verum etiam una eandem determinat, quæ per alias determinari minime poterat.

§. 1014.

Reclori civitatis jura majestatica probe perspecta esse debent. Exercere enim debet Imperium civile (§. 42.). *De necessitate cognitionis jurisjurum majestaticorum.* Quam obrem cum jura majestatica sint, quæ ad imperium civile ejusque exercitium pertinent (§. 207.), nemo autem jus ali- quod exercere possit, nisi quod ipsi fuerit cognitum; Reclori quoque civitatis jura majestatica cognita esse debent. Et quoniam summitatem imperii cum arbitraria potestate confundere minime debet (§. 1011.); jura majestatica eidem probe perspecta esse debent.

Facile patet, fieri haudquaquam posse, ut bene regat Remp. qui jura majestatica perspecta minime habet. Etenim si qua ignorat, ea negliget, quæ facere debebat: si vero plus sibi arrogat, quam convenit, faciet quæ facere non poterat, nec debebat. Et nisi jura singula intime fuerint perspecta, nunc non usu, nunc abusu jurium sibi competentium peccabit. Maxime igitur necessaria est Reclori civitatis jurum majestaticorum cognitio. Non sufficit habere animum bene imperandi; sed necesse etiam est, ut constet Reclori civitatis, quousque jus suum extendatur: alias sibi persuaderi patietur, ut ea faciat, vel non faciat, quæ intentioni suæ e diametro adversantur. Idem nimirum contingit, quod accidit illis, qui cum maxime dispositum possideant animum ad faciendum, quod bonum & rectum est, ignorantia legum naturalium ea faciunt, quæ lege naturali prohibentur, & omittunt, quæ eadem

Ggg gg 3

dem

dem præcipiuntur, vel religioni sibi ducunt facere, quod eadem lege permiffum, immo alios damnant, qui faciunt quod rectum est, vel licitum. Boni Principis voluntate non magis abutuntur ministri parum fideles & adulatores, quam si ipse jura sua non sufficienter cognita atque perspecta habet. Nec ipsi proderit virtus sua, si cum ignorantia jurium suorum fuerit conjuncta, nec consilia recta a perversis discernet: id quod tamen quam maxime fieri debet.

§. 1015.

*Decognitio-
ne jurium
majestatico-
rum in con-
siliariis re-
quisita.*

Quoniam Rectori civitatis jura majestatica probe perspecta esse debent (§. 1014.), in gubernanda autem Rep. uti debet consilio virorum prudentum (§. 998.), quod sequi nequit, si fuerit juribus istis adversum; ideo *neceffe est*, ut etiam his, hoc est, *Consiliariis* (§. 999.), *jura majestatica probe perspecta sint.*

Consilium alteri dare nequit, nisi qui jus, quo agere debet, habuerit perspectum: alias enim contingit jus converti in licentiam, & imperii summitatem in præsentī casu in potestatem arbitriam, a qua tamen confusione sibi cavere debet Rector civitatis (§. 1012.). Jus itaque publicum universale, in quo jurium majestaticorum scientia traditur, ignorare nequit, qui Rectori civitatis a consiliis esse debet. Neque enim sufficit notitiam habere ejus tantummodo juris, ad cujus exercitium spectat negotium, de quo consilium datur, cum jura omnia inter se ita connexa sint, ut usus rectus unius pendeat ab aliis. Juribus singulis non ita utendum est, ut usu unius aliquid committatur, quod alteri cuidam adversatur. Sane qui non omnem jurium majestaticorum complexum intime perspexit, is jus unum, ad cujus exercitium præfens negotium spectat, inscius in potestatem arbitriam convertit, ut juri tribuat, quod licentiæ erat tribuendum, nec ipsi proderit omnis virtus reliqua, quæ bonam efficit voluntatem, nec prode-
rit

rit amor veritatis, si quid sit verum ignoretur. Qui ergo Re-
ctori civitatis a consiliis esse vult in gubernanda Rep. is ani-
mum appellere debet ad scientiam Juris publici universalis cer-
to persuasus, se sine ea omnes muneris sui partes recte adim-
plere minime posse.

§. 1016.

Si imperium civile legibus fundamentalibus fuerit circum- De cognitio-
scriptum; Reſtori civitatis eadem probe perſpecta eſſe debent, ne legum
Reſtor enim civitatis in exercitio imperii adſtringitur ad le- fundamen-
gum fundamentalium obſervantiam (§. 77.). Quamobrem talium quo-
cum leges obſervare non poſſit, niſi eas habeat perſpectas, ad Reſtorem
quod per ſe patet; ſi imperium civile legibus fundamenta- civitatis.
libus fuerit circumſcriptum, Reſtori civitatis eadem probe
perſpecta eſſe debent.

Per leges fundamentales diminuitur Jus Reſtoris civitatis, &
ita oritur Jus publicum particulare huic civitati proprium, quip-
pe quod ex Jure publico univerſali non abſimili modo efficitur,
quo antea jus civile ex naturali effici oſtendimus. Finis au-
tem Juris publici particularis eſt, ne Reſtor civitatis jure ſuo
facile abutatur in præjudicium civium & ut facilius præcaveatur,
ne imperii ſummitas cum poteſtate arbitraria confundatur, cum
conſuſio iſta facillime fiat tandemque in morem abeat.

§. 1017.

Quoniam Reſtori civitatis leges fundamentales, ſi De eadem
quæ dantur, probe perſpecta eſſe (§. 1016.), in gubernan- quoad conſi-
da autem Rep. uti debet conſilio virorum prudentum (§. liarios.
998.), quod ſequi nequit, ſi illis fuerit adverſum (§. cit.);
ideo neceſſe eſt, ut etiam his, hoc eſt, Conſiliariis (§. 999.),
leges fundamentales, ſi qua dantur, probe ſint perſpecta.

Eadem neceſſitas, quæ urget ſcientiam Juris publici univer-
ſalis

salis (nos. §. 1015.), urget quoque notitiam Juris publici particularis. Enimvero non est, quod existimes, minime opus esse, ut tam Rector civitatis, quam illi, quos ad consilium adhiber, Jus publicum tam universale, quam particulare habeant cognitum atque perspectum. Quodsi enim ponamus Rectori abunde constare, quale sit jus suum & quousque pateat; ipsum consilia eidem adversa a conformibus discernere; si vero eadem notitia fuerit consiliariis, eosdem consilia sua illi conformare posse. Sufficere itaque Juris publici universalis & particularis scientiam atque notitiam ex una saltem parte. Etenim Rector civitatis non coeco impetu sequi debet consilium, ut ejus fiducia faciat, quicquid facit (§. 1002.), & imprudentiæ est adhibere in consilium eum, qui ad maturum dandum aptus non est. Rector civitatis, cui regimen bonum & rectum curæ cordique est, non ita fudit perspicientia propria, ut contemnat alienam; nec ita acquiescit in aliena, ut propriis oculis videre nolit. Si quid de negotiis publicis decernendum, prima de Jure consultatio est, altera num expediat. Rectum consilium utramque supponit, nec sine utraque dari ac discerni potest. Sapientem & bonum virum requirit omnis deliberatio & consultatio; sapientia vero non minus juris, quam utilitatis scientiam exigit. Quamvis enim vulgo exigua sapientia regi dicatur mundus, magna tamen regi debet, ne fortunæ ancipiti committatur, quod certa ratione expediendum.

§. 1018.

De providentia Rectoris civitatis circa habilitatem eorum, quibus officia

Rector civitatis providere debet, ne desint ad quodvis officiorum publicorum genus habiles. Officium enim publicum nemini conferri debet, nisi qui habilis est (§. 890.). Quamobrem necesse est, ut, si quod vacet, non desint ad idem recte curandum habiles. Quoniam itaque jus officia publica conferendi Rectori civitatis competit (§. 886.) & ipse per eos, qui iisdem funguntur, civitatem regit (§. 885.); ipsius

ipſius omnino eſt providere, ne deſint ad quodvis officio-*publica con-*
rum publicorum genus habiles. *ferenda.*

Reſtoris civitatis eſt non modo curare præſentia, ſed etiam providere futuris, ut & ipſe, quamdiu Remp. adminiſtrat, præſentia rite curare poſſit, & idem facere valeant ſucceſſores, qui ad vicem ejus, quando e vita emigravit, accedunt, quoniam quæ nunc futura ſunt, aliquando præſentia erunt. Non igitur ſufficit, ut ii, quibus in præſenti demandatum eſt officium aliquod publicum, ad idem recte curandum ſint habiles, ſed neceſſe eſt, ut eadem ſitabilitas in ſucceſſoribus. Quanta ſit habilitatis huius neceſſitas, patet per ea, quæ ſupra annotavimus (not. §. 890.).

§. 1019.

Reſtor civitatis magnam curam conferre debet in Academia, ſeu Univerſitates, atque ſcholas. De cura a
Etenim providere debet, Reſtore ci-
ne deſint ad quodvis officiorum genus habiles (§. 1018.). *vitatis in*
Quamobrem cum ea, quæ ad officia publica rite curanda re- *academias*
quiruntur, in univerſitatibus atque ſcholis ſint addiſcenda, & *ſcholas*
& in ſcholis qui inſtituuntur ad ſtudia academica præparen- *conferenda.*
tur (§. 433. 434.); Reſtor civitatis magnam curam conferre debet in Academias, ſeu univerſitates, atque ſcholas.

Dudum academix, ſeu univerſitates ſeminaria Reip. appellari ſueverunt, & noto notius eſt, niſi in ſcholis bene præparati ad ſtudia academica in academias veniant juvenes, eos oleum ac operam perdere. Plurimum itaque falluntur, qui in re ſcholæſtica & academica ne minimi quidem momenti ad Remp. recte adminiſtrandam eſſe exiſtimant, ac ideo vix dignam cenſent, in quam multum curæ conferat Reſtor civitatis, niſi quatenus ejus intereſſe putant, ut peregrini locupletiores ad frequentandum academiam alliciantur. Decipit autem eos error haud parum nocens, quod animum non attendant ad
(Wolſii Jur. Nat. Pars VIII.) H h h h h ••••• depen-

dependentiam eorum a se invicem, sine quo bonum regimen consistere nequit. Ad bonum regimen non sufficit, ut omnia recte fiant, quæ Rector civitatis per se facit adjutus consilio Ministrorum suorum; verum etiam opus est, ut omnia recte fiant, quæ facit per alios, consequenter ut quivis, qui officio publico fungitur, eodem recte fungatur. Academiæ vero non alio sine conduntur, quam ut in iis juvenibus doceantur ea, quæ scitu necessaria sunt, siquidem aliquando officio aliquo publico recte fungi debeant. Quodsi in Academiis ea non doceantur, culpa in Rectore civitatis hæret, vel in iis, quibus rerum academicarum curam is demandavit. Constitui enim debebant Professores, qui docere poterant (§. 436.), & curandum erat, ut iidem munere suo rite fungantur (§. 437.). In Remp. injurii sunt, qui indignos ad officia publica promoveant, vel ad hoc, ut promoveantur quomodocunque concurrunt.

§. 1020.

*De cura circa
scientias lunt eos
& artes.*

Rector civitatis scientias & artes amare, qui iis excellentia præmiis & honoribus decorare & ad eas augendas atque propagandas subsidia subministrare debet. Curandum enim est in Rep. ut scientiæ & artes, quantum datur, nova indices capiant incrementa (§. 438.). Rector igitur civitatis nihil omittere debet, quicquid ad hoc conferre potest. Enimvero cum hoc ab eo sperari minime possit, nisi ex scientiis & artibus voluntatem percipiat, consequenter si eas amet (§. 657. *Psych. empir.*); scientias & artes amare debet. *Quod erat primum.*

Quodsi vero velit, scientias & artes coli, perfici ac propagari, necesse est ut excelsa ingenia incitet ad bene de scientiis atque artibus merendum. Quamobrem cum præmia sint motiva actionum committendarum (§. 296. *part. 1. Phil.*

Phil. pract. univ.), & gloria sit stimulus ad præclara præstanda absque ulla spe lucri (§. 771. *Psych. empir.*); qui scientiis excellunt, eos præmiis & honoribus decorare debet, ut non modo ipsi in iis excolendis ulterius industriam suam defatigent, verum etiam alii exemplo illorum se addant. *Quod erat secundum.*

Denique cum non omnibus, qui præclari quidpiam in aliquo scientiarum, vel artium genere præstare possunt, suppetant sumtus necessarij, aut alia adminicula, quibus indigent, & ad quædam detegenda aut perficienda sumtus privati minime sufficiant, Rector autem civitatis curare debeat, ut scientiæ ac artes augeantur & propagentur (§. 438.); ideo ad eas augendas atque propagandas subsidia subministrare debet. *Quod erat tertium.*

Celebritatem nominis non consequitur gens, nisi in civitate floreat scientiæ atque artes. Et hæ ipsæ sunt, quæ existimationem ejus pariunt apud ceteras. Debet vero hoc Rector civitatis genti suæ, ut existimationi ejus consulat. Enimvero dum scientias amat, iis excellentes præmiis & honoribus decorat & ad eas augendas atque propagandas subsidia subministrat, immortalem ipse consequitur gloriam, quæ statim fines civitatis peragrat & toto orbe discurrit ac monumentis commendatur, ut omnis seculorum posteritas ejus non sit immemor. Quicquid præclari præstatur ab iis, qui scientias & artes colunt, id omne in gloriam Rectoris civitatis vertitur, qui dum eas promovet, non tantum genti suæ consulit, sed generi humano universo, nec in præsentem tantum, verum etiam in venturis seculis. Nihil igitur diutius duraturum facere, nec post fata sua generi humano prodesse in perpetuum potest, quam si in hoc officio nihil desiderari patiatur. Dum vero observatum fuit, optimum quemque gloria maxime duci & honorem alere scientias atque artes.

§. 1021.

De sordidis *Reſtor civitatis tolerare non debes ſordidos erudiſorum mo-*
erudiſorum res, qui aliorum fama ac laudi detrudere ſtudent & per contemptum
aliorum ſa- *aliorum ad gloriam nituntur. Etenim lex naturæ prohibet, ne*
ma detra- *eruditus unus alterius famæ ac laudi, ne quidem immeritæ,*
hentium *detraxat (§. 893. part. 6. Jur. nat.), & ne per contemptum*
moribus non *aliorum ad nominis gloriam contendat (§. 895. part. 6. Jur. nat.).*
tolerandis. *Quamobrem cum operam dare non modo debeat, ut, qui a lege*
naturæ alienum habent animum, vi adigantur, ut minimum
actus externos ad legem naturæ componant (§. 395.), &
curæ habere, ut, qui bene de Rep. merentur, a ceteris ho-
norentur (§. 761.), verum etiam ipſe eos præmiis & hono-
ribus decorare debeat, qui in ſcientiis atque artibus excel-
lunt (§. 1020.); ideo tolerare non debet ſordidos erudi-
torum mores, qui aliorum famæ ac laudi detrudere ſtudent &
per contemptum aliorum ad gloriam nituntur.

Excellit gloria maxime is, qui virtute plurimum præſtat, quemadmodum recte dixit *Cicero*, & juri naturæ apprime convenit (§. 550. part. 1. Jur. nat.). Nihil itaque abſurdius eſt, quam ſi quis gloriam conſequi ſtudet, plebejis moribus inclareſcentio. Quemadmodum vero ſcientiæ & artes pariunt exiſtimationem gentis alicujus apud ceteras; ita plebeji erudiſorum mores eandem dehoneſtant. Quamobrem cum Reſtor civitatis celebratorem nominis gentis ſuæ conſervare debeat, prouti ſuo loco diſertius expoſituri ſumus; tolerare utique nequit illius dehoneſtamentum. Haud equidem facile eſt, ſententiam alterius ita impugnare, ut in verbis nihil comprehendatur, quod in contemptum ejus verti poſſit, ſupponit enim non modo dominium in affectus ſeu animi paſſiones & acre judicium in diſcernendis illis, quæ inde veniunt & alia dicturo verba ſuggerunt, quibus perſonæ labes quædam adſpergitur; ſed quo difficilius eſt hæc virtus excelsis ingeniis propria, tan-

ro actioni studio in id enitendum, ut eam consequamur, & tanto magis gloriosum est genti, si eruditi ea virtute emineant. Ex adverso autem facillime evitari poterat, ne quis proderet accessum ad intimas latebras & recessus in animo suo, si sequeretur officium a *Cicerone* dudum inculcatum: Carere debet omni vitio, qui in alterum paratus est dicere, & verba, quæ veluti sponte sua succurrunt, trutinaret, antequam ea admitteret. Gloriam gentis non minus augeat virtus, quam eruditio, per eruditos inprimis divulgandam, ut hi genti suæ opprobrio sint, & famam ejusdem inquinent, si apud exteros plebeis inclarescant moribus. Gloria gentis suæ ad famam exterorum profuit Rector civitatis & ejus regimen ad exterorum existimationem dimanat. Ejus itaque maxime interest, ut indoctos doctorum mores compescat, improbos & malignos prosternat. In civitate puniendi etiam actus vitiosi, unde malum quoddam derivatur in civitatem, etsi iisdem privatus non lædatur (§. 653.), multo magis itaque illi, quibus fama alterius læditur, vel læsio saltem intenditur.

§. 1022.

Quoniam Rector civitatis tolerare non debet eruditorum mores, qui aliorum famæ ac laudi detrahere student *omnium mi-* & per contemptum aliorum ad gloriam nituntur (§. 1021.), *nime isti to-* Professores autem & Præceptores in academiis & scholis sese *lerandi.* discipulis commendare debent moribus (§. 436.); *multo minus is ferre debet, ut Professores & Præceptores in academiis & scholis convitiis inter se certent, unus alterius famæ insidias struat, & in censendis aliis, præsertim viris de scientiis præclare meritis, effrena libidine ingenii sui vires ostendant.*

Mores Professorum & Præceptorum corrumpunt mores juvenum, adolescentium & puerorum, quibus illi censura sunt, eaque perpetua, ad quam diriguntur, ad quam convertuntur: id quod tanto facilius accidit, quanto pronior ad perstringen-

dos & taxandos alios ætas ista esse solet. Quodsi ergo Resp. carere debet eruditis, qui plebejis istiusmodi delectantur moribus; principiis obstandum est, nec permittendum, ut ad eos educentur adolescentes ac juvenes, quos difficulter in ætate proveستا deponent, ita ut etiam senes linguæ temperare nesciant & verbis petulantissimis alios lædant. Utinam ut, quod pueri didicere, qui proficit in literis & deficit in moribus, eum plus deficere, quam proficere, idem viri intelligerent, & mores mature emendarent! Sed qui per se sapere nolunt, eos, ut sapiant, cogere debet superior (§. 395.). Turpe autem est doctori alio indigere morum magistro, quem muneris sui ratio in officio retinere poterat, si vel maxime petulantia linguam sollicitaret. Equidem non dubito fore plurimos, qui existimaturi sunt, ea, quæ de moribus eruditorum in perstringendis aliis minime tolerandis diximus, leviora esse, quam ut eorum cura tangat Rectorem civitatis; sed hi erunt, qui de rebus per transennam conspectis iudicium deproperant, & de iis sibi iudicium sumunt, quæ intime nondum perspexerunt. Quo minus enim quis per ignorantiam intelligit id, de quo iudicium sibi sumit, eo magis eidem fident. Contrarium abunde patet per ea, quæ modo dicta sunt.

§. 1023.

*Proteſtio
ſcientiarum
& artium
quid ſit.*

Reſtor civitatis *protegere* dicitur *ſcientias & artes*, quatenus eas exuit impedimentis: ut ideo *Proteſtio ſcientiarum & artium* ſit cura eas impedimentis exuendi.

Nulla relinquere debet impedimenta, qui ſcientias & artes protegere vult. Unde facile apparet, hominis privati non eſſe ut ſcientias & artes protegat, modo ſatis intelligat, quænam ſcientiarum & artium incremento ac propagationi impedimento ſint.

§. 1024.

*De prote-
ſtione ſci-*

Reſtor civitatis *ſcientias & artes protegere* debet. Curæ enim

enim habere debet, ut scientiæ ac artes, quantum datur, *entiarum & novæ indies capiant incrementa* (§. 438.), & ut in academiis juvenes ad scientiam rerum scitu necessariarum ac utilium perducantur (§. 434. 1019.). Quamobrem cum id minime consequi possit, nisi impedimenta omnia tollantur (§. 727. *Ontol.*); ut ea tollantur curæ habere debet. Enimvero scientias atque artes protegit, quatenus eas exuit impedimentis (§. 1023.). Scientias igitur & artes protegere debet.

Officium Rectoris civitatis haud postremum in protectione scientiarum & artium consistit & Protectoris scientiarum atque artium gloriosum nomen est, quod summam ei existimationem parit. Equidem protectio scientiarum & artium in latiori significato sumi vulgo videtur, ut etiam comprehendat omnia adjumenta & auxilia, quæ ad culturam illarum affert Rector civitatis; non tamen definitio, quam dedimus (§. 1023.), obstat, quo minus hoc fiat: adjumenta enim ista & auxilia si non omnia, certe pleraque talia sunt, ut ad tollenda impedimenta importentur. Qui ergo tollere debet impedimenta, is quoque obligatur importare adjumenta & afferre auxilia.

§. 1025.

Quoniam civitatis Rector scientias protegere debet *De libertate* (§. 1024.), ac ideo eas exuere omnibus impedimentis (§. *philosophandi* 1023.), nihil autem progressum scientiarum magis impedit, *di tuenda*, quam servitus philosophandi (§. 152. *Disc. pral.*), non aliter *licentia* tollenda nisi libertate philosophandi (§. 151. *Disc. pralim.*); *everrenda*. Rector civitatis libertatem philosophandi tueri debet. Quoniam tamen permittendum non est, ut publice disseminentur opiniones religioni & bonis moribus (§. 475.) atque fini civitatis, seu statui publico adversæ (§. 476.), consequenter ne libertas

libertas vertatur in licentiam (§. 150. *part. 1. Jur. nat.*); *Rektor civitatis permitttere minime debet philosophandi licentiam.*

Quemadmodum in genere licentia agendi consistit in potentia agendi sine ulla restrictione faciendi quodlibet (§. 150. *part. 1. Jur. nat.*); ita in specie *licentia philosophandi* consistit in permissione divulgandi opiniones quascunque sine ulla restrictione. Quomodo autem restringenda sit philosophandi libertas, ne abusu in licentiam vertatur, docent officia erga alios & Remp. quæ cum nitantur obligatione naturali (§. 225. 141. *part. 1. Phil. pract. univ.*), eam libertas philosophandi, sub libertate naturali contenta, minime tollit (§. 159. *part. 1. Jur. nat.*). Arduum omnino officium est recte tueri philosophandi libertatem, ne vel licentia velificetur, vel progressus scientiarum inhibeat.

§. 1026.

*De exteris
in aliquo
scientiarum
genere ex-
cellentibus.*

Rektor civitatis præmiis decorare debet etiam externos, qui aliquo scientiarum genere excellunt & præclare de eodem merentur. Etenim qui de scientiis præclare merentur, non solum civibus suis profunt, sed universo generi humano: quod per se patet. Quamobrem si vel maxime in exterorum numero sit, qui in aliquo scientiarum genere excellit & in iis amplificandis industriam suam defatigat; non minus tamen ejus labore civis nostri juvantur, quam si & ipse noster esset. Quoniam itaque Rektor civitatis eos præmiis decorare debet, qui scientia excellunt (§. 1020.), cumque scientias amare debeat (§. cit.), ipsi perinde est, si extraneus præclare de iisdem mereatur, siue civis quidam suus, & ubi externos præclare de scientiis merentes præmiis decorat, iisdem æmulatio suorum excitatur, gloria vero ipsius amplificatur; præmiis omnino externos quoque decorare debet, qui aliquo scientiarum genere excellunt & præclare de eodem merentur.

Officio

Officio huic tanto facilius satisfacere potest Rector civitatis, quo certius constat, præmia istiusmodi non æstimari ex intrinseco, quem habent valore, sed ex dignitate dantis & virtute ejus, ut quod danti leve est, magnum pondus addat non modo pretio affectionis, quod eidem statuit accipiens, verum etiam gloriæ ipsius accipientis, quæ ubivis celebratur in omni ævo. Accedit, quod hoc pacto exterorum animos sibi conciliet, ut alia taceamus, rectius forsan alio loco dicenda. Ceterum non ita æstimare debet Rector civitatis merita exterorum in scientiam, ut nihili facere videatur merita suorum. Quamvis enim videantur debita, non tamen propterea omittere debet ea, quibus suos ad studia incendit. Dona regia magnam vim habent in animos eorum, qui gloria ducuntur, & per consequens ad præclara præstanda parati sunt.

§. 1027.

Rector civitatis cura habere debet, ut opes atque divitias De opibus subditorum augeat. Etenim curæ habere debet, ne desit re- atque divi- rum ad victum, amictum, habitationem vitæque commodi- tiis subdito- tatem ac jucunditatem necessariorum copia omnibus sufficiens rum augen- (§. 420.) & ut res industriales atque artificiales multiplicen- dis. tur (§. 421.): subditi autem onera Reip. tam ordinaria, quam extraordinaria ferre tenentur (§. 775. 780.), Rector tamen civitatis cavere debet, ne ipsi in paupertatem vel egestatem incidant, aut ad mendicitatem redigantur (§. 726.) & ne oneribus graventur (§. 778.). Quoniam itaque ea fieri nequeunt, nisi subditi opibus atque divitiis abundent, id quod vel obiter singula expendenti manifestum est; Rector civitatis curæ omnino habere debet, ut opes atque divitias subditorum augeat.

Rex duplicem gerit personam, moralem scilicet, quatenus spectatur tanquam Rex, & physicam, quatenus tanquam privatus spectatur. Quatenus tanquam Rex spectatur, divus est, (Wolffii Jur. Nat. Pars VIII.) Iii ii fi

si subditos habeat divites ac locupletes, quemadmodum dudum observatum est a rerum civilium peritis. Omnia igitur adhibere debet media legitima, ut opes atque divitias subditorum augeat. Id fieri debere facillime prospicitur, si consideremus, Regem se habere ad populum suum, sicuti se habet paterfamilias ad familiam suam: quo etiam sine antiquissimis jam temporibus Sinenfes sedulo inculcarunt, ut Imperator in regendo populo imiteretur modum, quo paterfamilias sapiens ac prudens familiam suam regit, ac ideo ad regendum populum parum aptum pronunciat *Confuctus* eum, qui familiam suam nondum regere didicit, ut omnes boni Patrisfamilias partes adimplere possit, sicuti ad regendum familiam ineptum judicat, qui se ipsum nondum regere valet. Ecquis vero est qui nesciat, bonum patremfamilias omnes curas & cogitationes in conservationem bonorum avitorum conferre, & omnem quoque animi contentionem iisdem amplificandis & splendori familiæ augendo adhibere. Suadet hoc amor, quo ex se natos & ex iis nascituros prosequitur. Cum igitur Rex perinde populum suum amare debeat (§. 1009.); idem non finit eundem perdere, sed potius impellit ad fortunam ejus augendam & amplificandam, inprimis cum optime norit, ab eadem unice pendere stabilitatem splendoris familiæ suæ. Hinc *Syrach* c. X. 3. Rex inspiens, ait, perdet populum suum, & civitates inhabitabuntur per sensum prudentium. Regem bonum ad Dei imitationem se conferre civitatesque non solum omni bonorum genere cumulare, sed etiam felicitatem, quantum potest, in unumquemque subditorum effundere debere, dudum observatum est a veteribus. Vid. *Synef.* de Reg. p. 9.

§. 1028.

De non tolerandis iis, atque divitiis subditorum augeat (§. 1026.); nihil tolerare quibus opes debet in Rep. quo opes ac divitiæ subditorum minuantur.

In bono Principe eadem requiritur vigilantia, quæ in Patrefa-

trefamilias, qui provide salutis familiæ suæ providet. Et in *ac divitiis* eo quoque imitatur Deum, qui providentia regit mundum, *subditorum* Hinc in superioribus jam ostendimus, non esse in Rep. tolerandum luxum (§. 733.), nec permittendam esse usurariam pravitatem (§. 748.), neque etiam ferendum, ut otio diffuant, quibus vires ad laborandum sufficientes suppetunt (§. 422.). Et plura eam in rem dicenda sunt in Politica.

§. 1029.

Similiter quia Rector civitatis curæ habere debet, *De commerc-* ut opes atque divitias subditorum augeat (§. 1027.), *ut ciis prote-* per commercia autem inter cives fortunæ singulorum consuli-
gendis. tur, per commercia cum exteris civitas efficitur locuples; *Reſtori civitatis cura eſſe debet, ut floreat commercia tum inter* cives, tum cum exteris, consequenter omnia sollicitè præcavere *is tenetur, quæ commerciis obesse possunt.*

Non exigua sapientia ac prudentia requiritur, si nihil committi debet, quod commerciis obſtet, & impediat, quo minus finem per ea intentum consequaris. Sed cum hic tantummodo ostendamus, quid sit officii Regis, minime vero docere propositum, quomodo eidem satisfiat, id quod ad Politicam spectat; omnes istas cautiones silentio præterimus, quæ circa commercia adhibendæ. Sufficit notasse errorem commerciis maxime nocuum pseudopoliticorum, qui utilitatem commerciorum ex utilitate Principis præſenti metiuntur. Neque enim solum magno conatu nihil agunt; verum etiam florem commerciorum perdunt &, quem promovere volunt, impediunt, qui eo sunt animo, ut lucrum privatorum vindicare velint Regi & commercia habeant pro medio reditus Regis insigniter ac celeriter augendi. Quæ experientia abundo loquitur, ea rationibus stabiliri in præſenti non est opus.

§. 1030.

*Quenam
commercia
non sint
multiplican-
da.*

Commercia, quæ sine luxu civium consistere non possunt, multiplicanda non sunt. Luxus enim in Rep. tolerandus non est (§. 733.), nec tolerandum, ut cives bona sua dilapident (§. 751.). Quoniam tamen opera danda est, ut quilibet studio ac labore suo tantum acquirere possit, quantum ad res, si non utiles & voluptuarias, saltem necessarias sibi comparandum sufficit (§. 423.), & maxime cavendum, ne subditi in paupertatem, vel egestatem incident, aut ad mendicitatem redigantur (§. 726.); commercia multiplicanda non sunt, quæ sine luxu civium consistere non possunt.

Qui usum commerciorum ex utilitate Reſtoris civitatis privata metiuntur, ea non spectantes nisi tanquam medium augendi redditus ipsius; nullo discrimine commerciis locum faciunt in civitate & haud raro ea præferunt, quæ Reip. damnoſa sunt aliis, quæ utilia forent. Quamobrem cum videant luxum, Reip. pestem, prohiberi non posse, nisi cum reddituum regionum decremento; ejus non modo tolerationem necessariam judicant, verum etiam omni modo promovent & Reſtori civitatis persuadent, ut exemplo suo & aulæ suæ cives ad luxum invitet, quasi in pompa illa externa, quæ luxui debetur, majestatis regię splendor consistat, & ejus imitatione existimationi suæ consulant cives. Hinc vero contingit, ut iidem honesta sequantur, quamdiu spes lucri illis ineſt, in contrarium transituri, si plus scelera promittant. Tanto autem magis nocent istiusmodi commercia Reip. si pecunia ad externos exportetur, & res artificiales eidem inservientes, quæ in civitate parantur, nonnisi a civibus comparentur. Difficile admodum est commerciis verum pretium statuere, ne quid committatur, quod in Reip. detrimentum vergat. Sed hæc uberius discutienda sunt in Politica,

§. 1031.

§. 1031.

Quoniam commercia, quæ sine luxu civium consistere nequeunt, multiplicanda non sunt (§. 1030.), luxui autem maxime inserviunt opera mechanica, quæ aurum & argumentum consumunt, consequenter pecuniam rariorem reddunt, quæ tamen est anima commerciorum, & sine qua civitas locuples esse nequit (§. 353. part. 4. Jur. nat.); opera mechanica, quæ aurum & argentum consumunt, commerciorum causa provide ac caute instituenda in Rep.

Contradictoria omnino sunt, velle civitatem esse locupletem, & luxus causa multiplicare opera mechanica, quæ aurum atque argentum consumunt, unicam pecuniæ materiam. Non est, quod excipias, pecuniam non exportari in exterarum regiones, si istiusmodi opera in civitate instituantur: id enim præcaveri potest, si, quemadmodum fieri debet, luxus non toleretur (§. 733.). Absurdum vero est, pecuniam retinere velle in civitate, & eam impendere rebus, quæ aurum & argentum ab exteris comparandum consumunt: id nimirum perinde est ac pecuniam perdendo servare velle. Quamvis hodierni mores rei hujus testimonia perhibeant, ut verbis opus non sit; adeo tamen coecutiunt, qui commercia curæ habent, ut quantum civitati noceant, cujus divitias amplificare debebant, non videant. Omnia, quæ ad salutem Reip. spectant & ad bonum regimen pertinent, perspecta habere debent, qui commercia curæ habent, ne lucrum in damnum vertant.

§. 1032.

Reſtor civitatis omnium maxime curare debet, ut agri De oeconomia, res pecuaria & omnis oeconomia ruralis floreant, & omnia ruralis res artificiales parentur ex materia, qua hac ſuppeditat. Et flore & re-enim curæ habere debet, ut floreant commercia tum bus artiſt-inter cives, tum cum exteris (§. 1029.), ut ſubditorum opes ac materia ab

illa suppedi- ac divitiæ augeantur (§. 1027.). Quamobrem cum cavea-
tata factis. tur, ne pecunia in exterarum regiones exportetur, & ex adverso
 pecunia ex aliis regionibus quærat, si commercii infer-
 viunt res, quas agricultura, res pecuaria & omnis oecono-
 mia ruralis magno numero suppeditat, atque res artificiales
 ex materia, quam eadem dat, paratæ; divitiæ civium tunc
 conservantur & augentur. Rector igitur civitatis omnium ma-
 xime curare debet, ut agricultura, res pecuaria & omnis
 oeconomia ruralis floreat & res artificiales parentur ex ma-
 teria, quæ hæc suppeditat.

Nullum sane medium certius est civitatem locupletandi, quam
 si commercia oeconomia rurali nitantur. Nullum quoque
 medium tutius est, ne quid committatur, quod æquitati ad-
 versum. Dantur quoque officia lege naturali præscripta gen-
 tibus erga gentes, quæ violare velle lucris sui causa non minus
 turpe est ac honestati adversum, quam si privatus ex alieno
 damno lucrum facere velit, quod avertere debebat. Politica
 vero non adversatur philosophiæ morali, sed cum ea pulcher-
 rime conspirat, & una utriusque concordia est, qua sublata
 societas illa magna, quam ipsa natura inter homines omnes
 instituit (§. 142. part. 7. *Jur. nat.*), ac per consequens inter
 gentes, subsistere nequit, & quemadmodum sine virtute felix
 esse nequit homo (§. 400. part. 1. *Phil. pract. univ.*), ita nec
 sine officiis, quæ gens una alteri debet, felix esse potest genus
 humanum. Bonus Rector civitatis is demum est, qui ita con-
 sultat salutem gentis suæ, ut simul proficiat gentibus ceteris.

§. 1033.

*De querelis
 de injustitia
 tollendis.*

Rector civitatis cura habere debet, ne iusta sint civibus
de injustitia querela. Etenim querelæ de injustitia effundun-
 tur, si quis auxilio iudicis quod suum est aut sibi debetur
 consequi non potest, aut si aliter consequi nequit, nisi cum
 maximo

maximo sumtu ac nimis tarde, & si contra injurias aliorum non defenditur, tum etiam si crimina vel impunita maneat, vel non satis, vel nimis severe puniantur; id quod a posteriori satis notum sumitur. Quamobrem cum Rector civitatis curare debeat, ut in Rep. justitia floreat (§. 536.), ac judices constituere (§. 539.), qui unicuique jus suum tribui curent & unumquemque adversus injurias aliorum defendant (§. 538.); cum curare debeat, ut puniatur, qui alteri injuriam facit, quæ reparari non potest (§. 573.), vel Remp. lædit (§. 579.), seu crimen aliquod committit (§. 581.), aut scelus (§. 653. 655.), & delictorum atque criminum poenas rite determinare (§. 625. & seqq.), ne scilicet quis minus puniatur, vel magis, quam meretur; curæ omnino habere debet, ne justæ sint civibus de injustitia querelæ.

Maximum profecto malum est, quo civitas laborat, si ea justis de injustitia querelis completur, & male audit Rector civitatis, qui eas tollere negligit. Præcipua quædam ratio est, cur in civitatem coiverint homines, & cum essent liberi alterius juri se subicere voluerint, ut jure suo quiete frui possent & ab injuria aliorum tuti essent (§. 4.), ac ideo tacite renunciarent juri belli privati (§. 560.), quod natura ipsis comperebat tum ad consequendum id, quod suum est, aut suum fieri debet (§. 1104. part. 1. *Jur. nat.*), tum ad se defendendum adversus lædentem (§. 1114. part. 1. *Jur. nat.*). Officio itaque suo maxime deest Rector civitatis, si in eo diligentiam suam desiderari patiatur. Qui enim curare debebat, ut justitia floreat (§. 536.), injustitiæ locum facit in civitate & intolerabile civibus injustitiam patiendi jugum imponit. Quemadmodum vero bis dat, qui cito dat; ita ex adverso omne suum consecutus dici nequit, qui non nisi longo, immo longissimo tempore id consequi potest. Multo autem clarius idem patet, si suum consequi non detur sine magno, immo maximo sumtu, quasi quod suum est ingenti demum pretio redimere

redimerē teneretur, & justitia venalis esset. Utinam istiusmodi querelis vacaret Germania nostra, in cujus foris lites nimio sumtu tantum non in infinitum protrahuntur, earumque eventus haud raro non minus dubius est, quam eventus belli, ut de eo bene sperare nequeat is, penes quem jus est. Malo huic medelam asferre studet Rex Borussiae, dominus noster indulgentissimus. Sed utinam quoque alii exemplo ejus se adderent, imprimis illi, quorum subditi oneribus Reip. ferendis vix amplius pares sunt, ut sumtu litum eos depauperari non demum sit opus! Bonus Princeps curam justitiæ a se nunquam abjicere debet, quasi eam omnem aliis demandare posset.

§. 1034.

*De amore
justitiæ.*

Rektor civitatis amare justitiam debet. Etenim curare debet, ut justitia floreat in civitate (§. 536.). Quodsi ergo omni animi impetu in eam ferri debet, necesse est, ut ex ea voluptatem percipiat (§. 591. *Psych. empir.*). Quamobrem cum id amemus, ex quo voluptatem percipimus (§. 657. *Psych. empir.*); Rektor civitatis justitiam amare debet.

Amor justitiæ a bono Rectore civitatis inseparabilis est & gloriam ejus maxime intendit, quam immortalem nullum ævum adimit. Celebratur civitas, in qua justitia floret, sicuti ex adverso querelæ continuæ civium in causa sunt, ut male audiat. Amorem igitur justitiæ cum sibi, tum civitati debet Rektor civitatis. Non urgemus plura, quæ dici poterant, sed ad Politicam proprie spectant.

§. 1035.

Quatenus

Rektor civitatis tenetur de eo, quod faciunt judices, quatenus id præavere poterat. Etenim curæ habere debet, ne tantis impu-justiæ sint civibus de injustitia querelæ (§. 1033.). Quamobrem et si necesse sit, ut curam justitiæ demandet judicibus, cum

cum ipse per se jus omnibus dicere nequeat (§. 538. 539.); *cum judi-*
non tamen ideo omnem abjicere debet, nec eum tenere de-
bet fiducia judicum. Quodsi ergo judices faciunt, quod
præcavere poterat; id recte eidem imputatur (§. 650. *part. I.*
Phil. pract. univ.). Tenetur itaque de eo, quod faciunt ju-
dices, quatenus id præcavere poterat.

Peccant judices vel imperitia, vel malo animo, vel negligen-
tia. Ne imperitia, vel malo animo peccetur, præcavere pot-
est Rector civitatis, si in constituendis judicibus suam non pa-
tatur desiderari attentionem. Præcavere potest, ne negligen-
tia, vel etiam malo animo peccent, si sedulo inquirat, quomo-
do in reddendo jure versentur, & modum præscribat atque
leges, juxta quas jus dicere debent, ac ne latum unguem ab
iisdem recedant permittat. Multo magis autem culpa omnis
in eum redundat, si vel in condendo jure certo desit officio
suo, vel modum litigandi in foro præscribat, quo lites in infi-
nitum protrahuntur, nec sine magno sumtu finiuntur.

§. 1036.

Rector civitatis sibi cavere debet, ne facilem præbeat au-
rem iis, qui fronte gravi ac tristi supercilio utilitatibus fisci ad-
sunt. Curæ enim habere debet, ne onera subditis im-
ponantur, ultra, quam Reip. administratio & defensio (§. 778.), *cedendo iis,*
vel sustentatio sui atque familiæ suæ & splendor dignitatis *qui modos*
regiæ exigit (§. 784.). Quamobrem cum plerumque illi, *angendi re-*
qui fronte gravi ac tristi supercilio utilitatibus fisci adsunt, *ditus regios*
sub zelo amplificandi redditus illius lucri sui cupidinem occul-
tent, & obtentu utilitatis publicæ cum civium damno suis
commodis utilitatique serviant; Rector civitatis sibi cavere
debet, ne facilem illis præbeat aurem.

Inimici civitatis sunt istiusmodi homines amorem populi
sui, quem habere debet Rector civitatis (§. 1009.), ab eo
(*Wolffii Jur. Nat. Pars VIII.*) K k k k k abla-

ablaturi, & civitati haud raro magis nocent, quam hostes: id quod cum non uno modo, sed multiplici contingat, hic loci uberius explicari nequit. Ad boni itaque Principis aures iis obstructus esse debet aditus. Silebunt atque quiescent, nec qui suadeant erunt, postquam non est, cui suadeant. Non contemnenda equidem sunt, quæ utilitatis publicæ causa suadentur; ubi tamen vel minima suspicio adest, ne utilitatem publicam suæ obtendant, audiendi non sunt, qui non consulti consilium dare audent: id quod tanto magis fieri debet, si nulla adsit necessitas augendi reditus regios, cui parendum.

§. 1037.

De fiducia
consiliario-
rum,

Rectorem civitatis tenere non debet fiducia consiliariorum suorum. Sibi enim cavere debet, ne mala consilia sequatur, sed quæ dantur, probe discernere (§. 1002.), consequenter non facere fiducia eorum, quæ per se facienda sunt, multo minus ea ipsis facienda se inconsulto demandare, sed propriis videre oculis. Quamobrem fiducia consiliariorum suorum ipsum tenere minime debet.

Non est, quod objicias, nil ob stare, quo minus Rectorem civitatis teneat fiducia consiliariorum suorum, modo sint fideles, quales sibi adjungere debet. Enimvero qui ita sentiunt non intelligunt, quantum requiratur ad fidelitatem Ministrorum, si tanta esse debet, ut Regi nunquam consilia & facta ipsorum suspecta sint. Longe aliter sensit *Diocletianus* Imperator, qui ideo nihil difficilius esse pronunciavit, quam bene imperare, quia fidem habere debet Ministris. Sane si nimia fiducia consiliariorum suorum tenet principem, Ministri regnant, dum ipse sibi videtur regnare, & bona ejus intentio effectum destituitur, cum longe aliud fiat, quam quod ipse fieri intenderat. Nemo libidini aliorum magis expositus est Principe. Arduus virtutis gradus est, eo pervenisse, ut nullus prorsus affectus, quo agitur appetitus sensitivus, in rationalem insuat.

influat. Influxus autem iste fidelitatem labefactat. Quodsi imperitia accedat, fidelis non est, qui se fidelem putat. Summa igitur vigilantia opus est Principi, ne fallatur & faciat, quod fieri non oportebat.

§. 1038.

Princeps omnem operam dare debet, ut statum civitatis suae intime perspectum habeat. Etenim bene regere debet Remp. (§. 985.), consequenter ea facere, quæ ad bonum publicum promovendum requiruntur (§. 995.). Quamobrem cum id fieri minime possit, nisi status civitatis suæ intime ipsi fuerit perspectus, quod per se patet, fiducia autem consiliariorum suorum cum tenere non debeat (§. 1037.), ideoque quantum datur propriis potius oculis videat necesse sit; omnem quoque operam dare debet, ut statum civitatis suæ intime perspectum habeat. *De notitia status civitatis.*

Quomodo officio huic, quemadmodum & aliis, satisfieri possit, docere Politici est. Hic saltem annotamus, ad discernenda consilia, quæ ipsi dantur, & ad præcavendum, ne adeo facile fallatur ab iis, quibus fidere tenetur, maximum momentum afferre notitiam status Reip. Vix sperandum, ut bene imperet, si is eidem minime fuerit perspectus, nisi summa sit Ministrorum, quibus fidem habere cogitur, fidelitas, veritas atque justitiæ amor, & sinceritas.

§. 1039.

Reclori civitatis cognita quoque esse debet habilitas personarum, quæ officiis publicis funguntur, aut data occasione ad alia habilitatis quod admovenda sunt. Etenim per eos, qui officiis publicis personarum funguntur, civitatem regit (§. 885.), consequenter necesse in officio publico est, ut habilitatem eorum norit, qui data occasione ad officium aliquod publicum admovendi sunt, tum etiam eorum, *entium, vel*

• Kkk kk 2

qui

*constituen-
dam.*

qui officio aliquo jam funguntur, ut eos ad aliud promovere possit, quod merentur, si quando aliquod, cui obeundo pares sunt, vacaverit. Immo cum qui in officio publico constituti sunt, subinde etiam quædam Reçtori civitatis per literas referre, aut quid fieri necesse, vel consultum sit, dicere teneantur, quantum autem iis fidere debeat non certus esse possit, nisi habilitate eorundem perspecta; eidem quoque hoc nomine eadem perspecta esse debet.

Interest Principis nosse suos, qui suo nomine faciunt, vel aliquando facturi sunt, quod faciunt, vel olim facturi sunt. Nemo privatus homini ignoto committet ea facere, quæ sui sunt officii. Arduum vero majus opus est bonum regimen Principis, cujus quandam partem hominibus ignotis committere magis periculosum eidem videbitur, ubi rem penitus perspexerit, quam vulgo fieri solet.

§. 1040.

*De arte con-
jeçtandi ho-
minum mo-
res.*

*Reçtor civitatis instructus esse debet arte conjeçtandi ho-
minum mores.* Etenim per se nosse nequit facta, quæ in de-
liberationibus sumuntur. Necesse igitur est, ut ea referen-
tibus fidem habeat, consequenter certus sit, quod ipsi ve-
rum norint, & verum dicere velint (§. 613. *Log.*). Consi-
lia, quæ dantur, discernere debet (§. 1002.), nec quen-
quam magis odisse, quam adulatorem (§. 1001.), conse-
quenter necesse est, ut latitantes in animo affectus, qui in
ea, quæ dicuntur, influunt, detegat. Quoniam itaque in
hisce omnibus se satis circumspectum præbere nequit nisi
eorum, quibus fidere tenetur, mores tam naturales, quam
adventitios, seu dispositiones ac inclinationes & reclinatio-
nes naturales & habitus acquisitos habuerit perspectos, quod
ex psychologia & philosophia practica universali abunde
constat,

constat, ad ea autem cognoscenda opus est arte conjectandi hominum mores, prouti patet ex iis, quæ integro capite demonstravimus in Philosophia practica universali (§. 687. & seqq. part. 2.); Rector civitatis instructus esse debet arte conjectandi hominum mores.

Nihil difficilius est arte conjectandi hominum mores, quæ & semiotica moralis dicitur, nec in formam veræ artis adhuc redacta est. Quamvis itaque ea in Rectore civitatis apprime requiratur, ut bene imperet; quæ tamen hodie præsertim est institutio Principum, ut is eadem instructus sit fieri non potest. Sane quod ars ista deficit, *Diocletianus* judicavit, nihil esse difficilius, quam bene imperare. Colligunt se, inquit, quatuor vel quinque, atque unum consilium ad decipiendum Imperatorem capiunt: dicunt, quid probandum sit. Imperator, qui domi clausus est, vera non novit. Cogitur hoc tantum scire, quod illi loquuntur. Facit iudices, quos fieri non oportet. Amovet a Rep. quos debeat obtinere. Quid multa? Bonus, cautus, optimus venditur Imperator. Vid. *Vopiscus* in Vita Aureliani Imperat. p. 282. Multo facilius fraudes istiusmodi committuntur, si Princeps uni saltem, vel duobus fidere tenetur. Committuntur vero etiam ab iis, qui & se ipsos fideles putant, & quos minime suspectos habet Princeps. Plurimum adjumenti hac in re affert Logica probabilium ad artem conjectandi mores hominum applicata; sed nec hanc in formam artis adhuc ductam esse constat. Interest maxime generis humani, ut Philosophia moralis excolatur, quæ aditum facit ad latebras & recessus in animis hominum, si ex natura animæ a priori actionum externarum determinationes demonstrantur, quemadmodum fieri debebat. Quæ vero de Principe dicta sunt: ea quoque intelligenda de Ministris, qui non minus aliis fidem habere tenentur, quam Princeps ipsis habere tenetur. Quodsi ipsi recipiantur, bona fide quoque decipiunt Principem, ut perinde sit, ac si ipsimet non essent fideles. Quamobrem multis difficultatibus obsessa fiducia

fidelitatis Ministrorum, ac in genere omnium, qui Principi de negotio publico decreturo dicunt ea, quæ nosse debebat, nec ea adeo facile sumitur. Equidem in regimine principum fere locum sibi vindicat Logica probabilium; Logica tamen probabilium aulæ multo adhuc defectu laborat, ut hoc duce usus facilius aberret, quam metam contingat.

§. 1041.

De irresistibilitate imperii summi. Imperium summum per se irresistibile est. Etenim qui imperium summum habet, ejus actus a nemine hominum irriti reddi possunt (§. 45.), & ejus conscientiæ relinquendum, quomodo imperet, nec is ulli hominum rationem reddere tenetur, cur sic imperet, non aliter (§. 46.). Nemini igitur competit jus imperanti resistendi (§. 727. *Ontol.* & §. 156. *part. 1. Phil. pract. univ.*), & per consequens imperium summum per se irresistibile est.

Idem quoque ostenditur per indirectum hoc modo. Ponamus imperium summum esse resistibile. Quoniam qui resistit, impedit aut saltem impedire conatur, quo minus fiat, quod fieri vult imperans (§. 727. *Ontol.*); actus imperii irriti fieri possunt, aut saltem alicui hominum, aut certis hominibus competit jus eos irritos efficiendi. Imperium igitur non erit summum (§. 45.): quod cum sit contra hypothesein, absurdum est.

Irresistibilitas imperii summi adeo manifesta est, ut eam in dubium vocare, nedum negare velle nequeat, nisi qui contradictiones manifestas concoquere valer: qua sane nihil absurdius cogitari potest. Maximi autem momenti est omnemque attentionem ad se trahit, si de officiis civium erga superiorem rite statuendum. Hoc igitur cum jam nobis propositum sit, ea præmittenda erat. Nullo autem negotio terminabuntur controversiæ de jure populi adversus Rectorem civitatis, magno

gno haud raro animorum motu agitatae, si irresistibilitas imperii summi oculis nostris semper oberrat, prouti ex sequentibus patet.

§. 1042.

Quoniam imperium summum per se irresistibile est *Imperanti* (§. 1041.); *populus Reſtori civitatis imperium summum habenti, resistere cur vel, si imperium ejus per certas leges fundamentales restrictum est, & quando cum in hisce, quæ arbitrio ejus subtracta sunt, aut quibus summitas demta est, ad observantiam legum fundamentalium obligetur (§. 77.), in iis, in quibus summitatem imperii habet, populus resistere non debet.*

Non minus contradictorium est, velle ut aliquis imperando sit prorsus liber & suum in eo sequatur judicium, & tamen facere nolle, quæ is imperat, sed cogere imperantem, ut faciat, quod populo, qui imperium detulit, videtur, quam imperium esse summum & resistibile. Sane si populus sibi reservat jus in omnes actus imperantis, status popularis non mutatur (§. 164.), & Regis nonnisi nudum nomen erit. Qui Rex dicitur, revera erit nonnisi Magistratus (§. 162.), qui imperium exercere tenetur secundum voluntatem populi. Et tunc non tam exercitium imperii, quam executio ejus, quod populo videtur, ipsi demandata est. Populus in administranda Rep. ministerio saltem Principis utitur. Idem intelligitur, si optimatum juri singuli actus imperantis subsunt.

§. 1043.

Populus Reſtori civitatis imperium summum habenti, vel, De obedientia imperium per certas leges fundamentales restrictum sit, in iis, in quibus summitatem imperii habet, obligatur ad obedientiam cum patientia, seu non modo bene, sed etiam male imperanti obedire tenetur. Etenim si Reſtor civitatis imperium summum habet,

bet, simpliciter imperanti resistere populus non debet; si vero imperium per leges fundamentales fuerit restrictum, in iis, in quibus summitatem imperii habet, resistere non debet (§. 1042.). Quamobrem facere debet, quæ jubet imperans; non facere, quæ vetat, & ipsius unice standum iudicio, si bene imperet, si male, consequenter tam bene, quam male imperanti obedire tenetur (§. 205. *part. 7. Jur. nat.*), ac ideo si male imperent, cum id fortunæ adversæ tribuendum sit (§. 540. *part. 1. Theol. nat.*), quod mutari non potest, patienter ferendum (§. 593. *part. 1. Jur. nat.*). Populus itaque Rectori civitatis imperium summum habenti, vel, si imperium per certas leges fundamentales restrictum sit, in iis, quibus summitatem imperii debet, ad obedientiam cum patientia obligatur.

Ostenditur etiam hoc modo. Imperium transferri nequit ea lege, ut populus universus recte imperanti parere debeat, male autem imperanti resistere eumque coercere possit (§. 82.), nec id omni translationi inest per modum tacitæ exceptionis (§. 83.). Quamvis itaque ea lege translatum intelligatur, si absolute fuerit, atque summum, si quomodocunque limitatum, ut non exerceatur nisi saluti publicæ convenienter (§. 88.), ipsius tamen iudicio relinquitur, quid e re civitatis sit, & in eo se acquiescere velle populus imperium deferens declarat, nisi quatenus in nonnullis ad certarum legum observantiam superiorem adstringit (§. 74.). Quamobrem si imperium summum habet Rector civitatis absque ulla limitatione & restrictione, in omnibus simpliciter, in casu opposito in iis, in quibus summitatem imperii habet, absque ulla exceptione obediendum, ac per consequens si male imperet id inter adversa referendum, quæ

quæ patienter ferenda, quia mutari non possunt (§. 539. *part. 1. Jur. nat.*). Populus itaque summum imperium habenti simpliciter, limitatum vero habenti in iis, in quibus summitatem imperii habet, ad obedientiam cum patientia obligatur.

Durum equidem videtur nonnullis jugum, hoc imponere velle populo; sed ut taceam, populum seipsum ad istiusmodi obedientiam sese obligasse, dum inter se convenerunt in civitatem coeuntes, quod parti majori visum fuerit, id habendum esse pro totius populi voluntate (§. 157.), consequenter etiam pro voluntate sua, quod visum fuerit ei, in quem imperium absolutum & summum transtulerunt, quæ dura videntur interventu meliorum compensantur. Neque enim multo acumine opus est, ut videas, præstare sub malo regimine vivere, quam in statu naturali, in quo singulis momentis res nostræ rapinis, & ipsa vita cædi exponuntur. Ceterum jus Regis, quale sit, si imperium seu potestas absoluta & summa in licentiam vertatur, Hebræis dudum inculcavit Samuel, cum Regem sibi constitui vellent 1. Sam. VIII. 11. & seqq. Alios, inquit, vestros tollet & ponet in curribus suis, facietque sibi equites, & præcursores quadrigarum suarum. Et constituet sibi tribunos & centuriones, & aratores agrorum suorum, & messores segetum, & fabros armorum & curruum suorum. Filias quoque vestras faciet sibi unguentarias & focarias, & panificas. Agros quoque vestros & vineas, & olivea optima tollet, & dabit servis suis. Sed & segetes vestras & vinearum redditus addecimabit, ut det eunuchis & famulis suis: servos etiam vestros & ancillas, & juvenes optimos & alinos auferet, & ponet in opere suo. Greges quoque vestros addecimabit, vosque eritis ei servi. Describit vero etiam obedientiam cum patientia, qualis ea sit, dum addit: Clamabitis in die illa a facie Regis vestri, quem elegistis vobis. Considerandum præterea est, quam difficile sit bene imperare, & quanto male imperatur, id non omne imputari posse Rectori civitatis

tatis (not. §. 1040.), nec humano consilio evitari posse, quæ fortunæ potestati subsumt. Neque etiam certo affirmari potest, si male imperatur, alia formæ regiminis incommoda omnia evitari potuisse. Dudum enim observatum est, non sine magna injuria ullam regi Remp. Is nimirum hominum mos est, ut incommoda quidem præsentis regiminis, quæ sentiunt, intueantur, animum vero avertant ab iis, quibus premerentur, si alia esset Reip. forma.

§. 1044.

*Quando non
sit obedi-
dam.*

Si superior imperat legi naturæ repugnantia; obediendum non est. Etenim obligatio, quæ a lege naturæ venit, immutabilis & necessaria est (§. 142. part. 1. *Phil. præf. univ.*), ac per consequens superior subditos ab ea liberare nequit, nec hi se eidem subjici potuerunt, nisi cum tacita hac exceptione, quod obedire nolint, si imperet, quæ legi naturæ repugnant. Quodsi ergo imperet legi naturæ repugnantia, obediendum non est.

Naturaliter obligamur ad non obediendum superiori, ex imperanti, quæ juri naturæ repugnant, neque eidem nos obligare potuimus ad obediendum (§. 494. 491. part. 3. *Jur. nat.*). Non est quod excipias, quod male imperare etiam sit legi naturæ adversum, vi cujus imperans ad bene imperandum, seu Remp. bene regendam obligatur (§. 995.). Aliud enim est facere legi naturæ adversa, aliud tolerare injuriam factam ab eo, qui legi naturæ adversa committit & cui resisti non potest. Injuriarum tolerantia non est contra jus naturæ, sed haud raro, sicuti & in præsentī casu eidem convenit.

§. 1045.

*De poenis
injussis.*

Quoniam superiori legi naturæ repugnantia imperanti obediendum non est (§. 1044.); *si superior facere nolensem, quod lege naturalis prohiberem, vel non facere recusantem, quod eadem lege*

lege præceptum, poenis afficere audeat, id cum sit inter adversa referendum, quæ mutari non possunt (§. 1042.), patienter firandum (§. 593. part. 1. Jur. nat.).

Injustæ sunt poenæ eorum, qui ideo puniuntur, quia peccare nolunt. Præstat tamen poenam injustam pati, quam peccare, etsi pati durum sit. Exemplo sunt martyres, qui tormenta quævis & ipsum denique ultimum supplicium pati maluerunt, quam idolis sacrificare. Fortunæ adversæ tribuendum, si quis in has angustias adducitur, perinde ac si in manus prædonum atque latronum incidit, quorum vi injustæ resistere nequit. Hic impotentia physica, ibi moralis, quæ in moralibus physicæ æquiparatur, necessitatem quævis mala patiendi imponit. Adversus vim majorem vero non aliud datur præsidium quam patientia.

§. 1046.

Si superior imperat legibus fundamentalibus adversa; subditi obedire non obligantur; obedire tamen licet. Quoniam enim adstringitur ad legem fundamentalium observantiam (§. 77.); imperium ipsi delatum est cum hac exceptione, quod populus obedire nolit, si quid imperet, quod legibus fundamentalibus sit adversum. Quare cum superior populum sibi obligare non possit ultra voluntatem suam (§. 43.); si imperat legibus fundamentalibus adversa, subditi eidem obedire non obligantur. Quod erat unum.

Enimvero cum a populi voluntate unice dependeat, num imperium in superiorem certa quadam lege transferre velit, an absque ulla lege (§. 38.); si sub certa legetranstulit, ipsi jus est ad non obediendum, quando eidem adversa imperat. Quoniam vero quilibet jus suum remittere potest (§. 117. part. 1. Jur. nat.), ad non obediendum non obli-

gatur (§. 118. *part. 1. Phil. pract. univ.*), consequenter ipsi liberum est obedire, vel non obedire, ac ideo obedire licet. *Quod erat alterum.*

Alia longe ratio est, si superior imperat legi naturæ, quam si imperat legi fundamentalī adversa. Leges enim fundamentales voluntate populi constituuntur, non autem leges naturæ, quæ ipsa natura constituta sunt. Illas vel prorsus tollere, vel saltem quoad actum præsentem, id quod dispensationis speciem habet (§. 823.), arbitrii populi est; has vero non tollere non item. Quemadmodum vero multa sunt, quæ suadent, ut jure nostro non utamur; ita nec desunt causæ suasoriz, cur imperanti ea, quæ contra leges fundamentales sunt, potius obediatur, quam non obediatur. Sed ex expendendæ sunt in Politica.

§. 1047.

De superiore in jus populi involante.

Si superior involat in jus populo, vel optimatibus reservatum; injuriam populo facit, & illi resistere eumque coercere licet. Etenim si populus certa quædam jura ad imperium spectantia sibi, vel optimatibus reservavit; superior in ea involans jus populi violat (§. 239. *part. 1. Phil. pract. univ.*), idque perfectum (§. 908. *part. 1. Jur. nat.*). Quamobrem cum violentia juris perfecti alterius injuria sit (§. 859. *part. 1. Jur. nat.*); si superior involat in jus populo, vel optimatibus reservatum, injuriam populo facit. *Quod erat unum.*

Enimvero cum alterum lædat, qui quid facit quod est contra jus ipsius (§. 920. *part. 1. Jur. nat.*), homini autem competat jus non patiendi perfectum, ut alius ipsum lædat (§. 913. *part. 1. Jur. nat.*), consequenter jus ipsius violentem cogere potest, ne faciat (§. 235. *part. 1. Phil. pract. univ.*); si superior involat in jus populo, aut optimatibus reservatum

reservatum, injuriam populo facit, & illi resistere eumque coercere potest. *Quod erat alterum.*

Si jus quoddam populus sibi, vel optimatibus reservat, quoad hoc jus Rector civitatis non est populo superior. Nulla igitur est exceptio, inferioris non esse cogere superiorem, sed qui alterum cogere possit superiorem eo esse debere: id quod fallere, etiam inde patet, quod in statu naturali homines omnes æquales sint (§. 81. *part. 1. Jur. nat.*), hoc tamen non obstante unus alterum cogere possit ad tribuendum sibi jus suum (§. 1101. *part. 1. Jur. nat.*), ut ideo cogere non semper sit superioris.

§. 1048.

Subditi Rectorem civitatis, seu superiorem magnificere debent tantoque magis, si bene imperet. Quod si ea perpenderit, quæ de Rep. constituenda uberrime dicta sunt, abunde patet, quantum de Rep. mereatur, qui eandem regit & regendo conservat, consequenter Rector civitatis (§. 42. *h. & §. 218. part. 7. Jur. nat.*). Immo non multo acumine opus est, ut perspicias, quod antea annotavimus (*not. §. 1043.*), præstare sub malo regimine vivere, quam in statu naturali, in quo singulis momentis res nostræ rapinis & ipsa vita cædi exponitur. Quamobrem cum unusquisque alterum tanti existimare debeat, quanti meretur (§. 647. *part. 1. Jur. nat.*), consequenter ob ista merita eundem aliis præferre, quorum non sunt ea merita, ac ideo magnificere (§. 839. *part. 1. Jur. nat.*); subditi Rectorem civitatis, seu superiorem magnificere debent, tantoque magis, si bene imperet.

Resp. non demum hodie constituuntur, sed dudum constitutæ sunt. Unde in regimen Reip. multum insluit ipsa ejus constitutio, ut, si vel male imperet Rector civitatis, hoc tamen non obstante non tollantur bona, quæ ex ipsa Reip. con-

stitutione in singulos redundant. Accedit, quod Rector civitatis eandem contineat, ne dilabatur, & singuli incidant in ea mala, quorum evitandorum causa civitates primum constitutæ. Vix itaque superior adeo male imperare potest, quin multis adhuc modis de subditis mereatur, nisi instar crudelissimi tyranni in propria viscera sæviat & internecionem populi intendat: qui tamen casus rarissime dabilis. Quamobrem nemo miretur, quod in genere dicamus, superiorem magni esse faciendum, non attento discrimine inter bonum & malum regimen. Quemadmodum vero nemo negaverit, majoris esse faciendum eum, qui bene, quam qui male imperat; ita quoque probe considerandum, non omnia, quæ malo regimini tribuenda, superiori imputari posse, cum longe plurima sint, in quibus aliis fidere tenetur & vel ab iis circumvenitur, quos maxime fideles putat (*not. §. 1040.*). Hæc igitur minime obstant, quo minus ipsum magnificiamus, cujus optima voluntas parit existimationem. Munus imperantis per se tale est, ob quod magni faciendus. Quodsi itaque eodem bene fungatur, duplici nomine magnificiendus.

De reverentia superiori debita.

§. 1049.

Quoniam magnificatio actibus externis declarata reverentia est (§. 1182. *part. 1. Jur. nat.*), subditi vero Rectorem civitatis, seu superiorem magnificere debent (§. 1048.); *Subditi Rectori civitatis, seu superiori reverentiam debent*, & quoniam actus externi, quibus magnificatio declaratur, sunt signa actuum interiorum in animo latentium, pro lubitu determinanda (§. 958. *Ontol.*), *in Rep. actus externi determinari debent, quibus reverentia superiori debita exhibenda.*

Variant in eo gentium mores, prouti unaquæque existimavit, tali modo optime significari posse, quod agnoscamus, quanto sumus ipso inferiores. Vulgus non capit, ob quod superior magnificeri debet, atque ideo totum in cultu externo hæret, qui eidem exhibetur, & ex eo colligit superioris supra omnes

omnes elationem ac ceterorum omnium submissionem, quamvis non intelligat, cur supra omnes efferratur ac ceteri omnes eidem submittantur. Externus itaque cultus iste, quo summa submittio declaratur, tantæ necessitatis est, ut gens nulla fuerit tam barbara, quæ de eodem non cogitaverit. Difficultatem facessere non debet universalitas propositionis præsentis, quod in statu populari populus universus sit superior (§. 142.): etenim in statu populari singuli quoque reverentiam debent universo populo, qua universo, etsi ea differat ab illa, quæ Principi, vel optimatibus in Aristocratia exhibetur, cum majestas, si sit penes unum, majorem dignitatem eidem conciliet, quam si ea pluribus conjunctim, aut universo prorsus populo competat (not. §. 208.).

§. 1050.

Supplicare dicitur, qui cum reverentia precatur, ut *Supplicare* quid fiat, vel non fiat. Quoniam itaque motivis opus est, quid significet, ut quis facere velit, vel nolit (§. 889. *Psych. empir.*); *sup-cet. plicanti licet rationes, ob quas aliquid fieri, aut non fieri debent, demisse exponere* (§. 897. *Psych. empir.* & §. 1182. *part. 1. Jur. nat.*).

Equidem reverentiam sakem definivimus (§. 1182. *part. 1. Jur. nat.*), quam Deo exhibere debemus; quoniam tamen post ~~■~~um proximo loco sunt Rectores civitatis, quos ideo Scriptura sacra Deos appellat, significatus vocabuli facile ad illos extenditur, ut ideo non opus fuerit, reverentiam Rectori civitatis exhibendam denuo definire.

§. 1051.

Superiore imperante, quod nimis durum, vel iniquum vi- Num subdi-
detur, subditis supplicare & cur ita videatur demississime exponere li- tis supplica-
cer. Fieri enim potest, ut superior, vel ii, qui consilium re liceas su-
dant, non satis norint ea, ob quæ quod imperatur nimis du-
periore ni-
rum mis dura,

*vel iniqua
imperante.*

rum, vel iniquum sit. Quamobrem cum bene regere debeat Remp. (§. 995.), & operam dare, ut statum civitatis intime perspectum habeat (§. 1038.), adeoque bene eandem regere velle præsumatur; velle non præsumitur, quod nimis durum, vel iniquum est, aliter decreturus, siquidem omnia ipsi satis cognita & perspecta essent. Quamobrem subditis competit jus precandi, cur quod fieri non debere, vel quod fieri debere imperat, non fieri, aut fieri debeat, cumque eidem a subditis reverentia debeatur (§. 1049.), iis non competit jus precandi nisi cum reverentia. Quoniam itaque supplicat, qui cum reverentia precatur, ut quid fiat, vel non fiat (§. 1050.), & supplicanti licet rationes, ob quas aliquid fieri, aut non fieri debeat, demisse exponere (§. *cit.*); superiore imperante, quod nimis durum, vel iniquum videtur, subditis supplicare & cur ita videatur demisse exponere licet.

Quoniam superior subditis obligatur ad Remp. bene regendam (§. 995.); inde nascitur jus supplicandi: quod ideo ipsis denegari citra injuriam non potest (§. 859. *part. i. Jur. nat.*). Superioris aurem judicio submittendum, utrum rationes, quæ allegantur, sint ad mutandum voluntatem suam sufficientes, nec ne (§. 46.).

§. 1052.

*De supplica-
tione non
attenta.*

Si superior supplicantium precibus non annuat, etsi reverentia quod nimis durum, vel iniquum est imperet; subditi obedire tenentur. Etenim subditi superiori obligantur ad obedientiam cum patientia (§. 1043.), consequenter si imperat, quod ipsis durum est, vel quod iniquum est, nec ad voluntatem suam mutandum precibus supplicantium adduci possit, quamvis satis informatus (§. 1050.), adhuc tamen obedire tenentur.

Bonus

Bonus Princeps faciles præbet supplicantibus aures, & excussis rationibus, quas allegant, non dubitat mutare voluntatem suam. Sane primi Sinensium Imperatores, quibus nihil magis curæ cordique erat quam bonum regimen; in tabula publice proposita a quolibet scribi permittebant, quid in regimine suo minus rectum videatur, ut Kemp. bene constituerent. Cum Rector civitatis summitatem imperii non debeat confundere cum potestate arbitraria (§. 1011.); summitati ejus nihil detrahatur, si meliora edoctus voluntatem suam mutet. Vera ipsius gloria non a summitate imperii, sed a bono regimine dependet, quod supponit, ut status civitatis ipsi intime sit perspectus, & ne fiducia consiliariorum suorum, quæ ipsum tenet, eorum libidini exponatur. E. gr. si Princeps nova tributa imponit, quæ nimis gravant subditos; his supplicare licet, ut ab hoc onere liberentur. Quodsi tamen is hoc facere nolit, in voluntate ejusdem acquiescentibus onus hoc patienter ferendum, non ex necessitate, quatenus physice impossibile, ut vi majori resistatur, sed cum sensu officii, quatenus ad patientiam obligantur (§. 1043.).

§. 1053.

Magistratibus non competit jus resistendi injuriis ejus, Quale jus cujus summum est imperium; sed saltem jus supplicandi. Etenim competat cum magistratibus partes saltem quædam imperii exercendæ Magistratibus, si male strando eorum ministerio saltem utatur imperans (§. 162.), & in imperio administrantibus, si male non plus juris habent, quam quod ipsis a superiore concessum.

Quamobrem cum omnis gubernandi facultas, quæ est in magistratibus, summæ potestati ita subjiciatur, ut ea quoad singulos actus dependeat a voluntate superioris, cujus nomine faciunt, quicquid faciunt (§. 162.); nullum quoque ipsis competit jus resistendi superiori, sed perinde ac illi, quibus præficiuntur, ad obedientiam cum patientia ob-

(Wolffii Jur. nat. Pars VIII.) Mmm mm ligan-

ligantur, siquidem male imperet (§. 1101.). Nullum itaque magistratibus competit jus resistendi injuriis ejus, cujus summum est imperium. *Quod erat unum.*

Quoniam tamen superiore imperante, quod nimis durum, vel iniquum videtur, subditis supplicare & cur ita videatur demississime exponere licet (§. 1051.), magistratus autem curam gerere debent eorum, quibus a superiore præficiuntur (§. 962. 995.); jus supplicandi horum nomine, seu pro iis ipsis competit. *Quod erat alterum.*

Sunt qui existimant, magistratibus competere jus tuesi jura eorum, quibus sunt præfecti. Ac inde inferunt, iis competere jus resistendi injuriis ejus, cujus summum est imperium. Enimvero hi confundunt, quæ a se invicem discernenda sunt. Confundunt nimirum imperium summum cum limitato, quorum istud per se irresistibile est (§. 1041.), hoc autem quoad certos actus, vel etiam jura populi, aut quorundam e populo voluntati subest (§. 1047.). Confundunt quoque magistratus ab eo constitutos, qui summum imperium habent, cum magistratibus per leges fundamentales constituendis, quibus per easdem competit jus tuendi jus populo, vel optimatibus reservatum. Confundunt denique personas publicas, quæ tales sunt respectu eorum, qui ipsis sunt subiecti, privatæ autem manent respectu ejus, qui alios ipsis subjecit certa lege, cum personis publicis, quæ superiorem supra se non habent, qualis est Rex in regno, & quales optimates sunt in Aristocratia. Probe nimirum considerandum est, utrum qui magistratus audit habeat jus a voluntate Rectoris civitatis dependens, an vero jus ab eadem minime dependens, quale habere nequit, nisi certa jura, vel certi actus ad imperium civile spectantes populo sint reservati, aut ad certorum quorundam consensum restricti.

§. 1054.

Si Principes, qui sub populo sunt, in leges fundamentales De Principi- & Remp. peccant; populus iisdem vi resistere potest. Etenim si *pibus qui* Principes sub populo sunt, summitas imperii non penes ipsos, *populo sub-* sed penes populum est. Quamobrem cum ipsi imperium *sunt.* aliter exercere nequeant, nisi secundum leges fundamentales (§. 77.) & bono publico convenienter (§. 88.); si in leges fundamentales & Remp. peccant, populus iisdem vi resistere potest.

Reges populo subsunt vel vigore primæ electionis, vel per pacta cum populo inita. In priori casu populus sibi reservavit jus in actus Regis, quod cum violatur, injuriæ sibi faciendæ (§. 859. *part. 1. Jur. nat.*) resistere & jus suum vi defendere potest. In casu posteriori jus in actus Regis ex pacto acquiritur populus, quod cum sit servandum (§. 789. *part. 3. Jur. nat.*), perinde ac ante injuriæ resistere ac jus suum vi defendere populus potest. Exemplum subjectionis per pacta habemus in *Baresajo*, Transylvaniæ Principe, qui promittebat, se nec ab Ottomannica Porta, nec a quopiam auxilia sollicitaturum, quin potius absolutis ab homagio sibi præstito universis regni statibus, quicquid illi in comitiis proxime celebrandis concluderent, se assensurum juramento confirmabat. Vid. *Bettlenius* rerum Transylv. lib. 3. sect. 12. Huc pertinet, quod olim Reges Scotorum morte, vinculis, exilio puniti, & Scoti eo jure sibi Reges creaverint, ut imperium populi suffragiis eis mandatum, si res posceret, eisdem suffragiis adimi posset. Vid. *Thuanus* lib. 50. p. 1044.

§. 1055.

Si Rector civitatis imperium abdicavit, in eum post id De imperio tempus omnia licent, quæ in privatum. Etenim si imperium *abdicato.* abdicat, nihil amplius juris, quod Rectori civitatis competit,
Mmm mm a tit,

tit, habet (§. 115. *part. 3. Jur. nat.*), consequenter cum a privatis non distinguatur nisi per jura majestatica (§. 70. *part. 1. Jur. nat.* & §. 810. *h.*), privatus & ipse fit. In eum igitur, postquam imperium abdicavit, omnia licent, quæ in privatum.

Nimirum qui imperium abdicavit, eidem vim inferenti resisti potest eodem modo, quo resistere licet privato alii cuicumque: neque enim inter ipsum & privatum alium ulla est differentia, quam solum fecerat imperium. Hinc apud *Justinum* lib. 16. c. 2. legitur: Pater regno publice tradito privatus officium Regi inter satellites faciebat.

§. 1056.

De regno derelicto.

Quoniam perinde est, si quis regnum abdicet, si ve derelinquat, cum derelictio sit tacita abdicatio (§. 249. *part. 2.* & §. 115. *part. 3. Jur. nat.*), in eum autem, qui imperium abdicavit, post id tempus omnia licent, quæ in privatum (§. 1055.); si *Rektor civitatis imperium derelinquit, in eum post id tempus omnia licent, quæ in privatum.*

Non est quod existimes, casum non esse dabilem, ut quis regnum derelinquat, quamvis regni derelictio inter ea referenda, quæ rarius contingunt. Exemplum habemus in *Henrico III.*, qui audita morte fratris *Caroli IX.*, clam Cracovia se subduxit A. 1574. Vid. *Thuanus* lib. 16. Bene tamen monet *Grotius* lib. I. c. 4. §. 9. qui imperium negligenter administrat, eum minime censendum esse id pro derelicto habere. Qui enim rem negligenter tractat, eam tamen adhuc vult esse suam.

§. 1057.

De regno patrimoniali alienato.

Similiter cum perinde sit, si Rex, qui regnum in patrimonio habet, idem abdicet, si ve alienet, aut alii subiciat,

ciat, cum in utroque casu regnum amittat, consequenter privatus fiat; si Rex, qui regnum in patrimonio habet, idem alienet, aut alii subiciat, in eum post id tempus omnia licent, quo in privatum (§. 1055. 1056.).

§. 1058.

Si Rex usufructuarius imperium alienet; actus ipso jure De aliena- nullus est: quodsi vero id tradere molitur, eidem vi resisti potest. tione regni Quodsi enim regnum fuerit usufructuarius, Rex imperium usufructua- saltem in usufructu habet (§. 155.), consequenter de ipso rei. imperio, seu substantia ejus nihil prorsus disponere potest (§. 1420. part. 5. Jur. nat.). Quoniam itaque ipsi non competit jus regnum alienandi (§. 663. part. 2. Jur. nat.), si alienet, actus sine jure factus ipso jure nullus est. Quod erat unum.

Enimvero si hoc non obstante regnum tradere molitur, in jus populi involat. Quamobrem cum superiori resistere liceat, si in jus populi involat (§. 1047.); si Rex usufructuarius regnum a se alienatum tradere molitur, vi eidem resistere licet. Quod erat alterum.

Existere hic casus potest, si in regno electivo imperium tradere velit Rex filio, vel agnato, aut amico cuidam suo; vel si idem molitur in regno successorio sive in præjudicium successoris legitimi, sive si fuerit ultimus in familia regia. Modus habendi imperium non continetur in imperio, quod et si plenum, absolutum ac summum sit penes Regem, istamen nihil de modo habendi imperium invito populo, vel contra leges fundamentales disponere, nec in eo quicquam mutare potest.

§. 1059.

*De effectu
alienationis
istius.*

Si Rex usufructuarius imperium alienet; ipse regnum non amittit. Etenim si imperium alienet, actus ipso jure nullus est (§. 1058.). Enimvero ex eo, quod quis inutiliter agat, minime sequitur, quod jus suum, quod alienare non potest, amittat. Quamobrem nec Rex usufructuarius imperium alienans regnum propterea amittit.

Ponamus e. gr. in Regno electivo Regem imperium alienare in filium, seu eum declarare successorem suum. Nulliter agit, & quamdiu regnum tradere filio non molitur, populus vi resistere nequit, quippe cui nascitur nullum præjudicium ex actu in se nullo, salvo manente jure electionis, quando post mortem Regis imperium in populum recedit (§. 314.). Nulla igitur ratio est, cur regnum amittere debeat Rex, nisi in delatione imperii expresse fuerit dictum, ut regnum committatur, si id alienare velit: id quod dictum esse hic non supponitur. Dubium, quod nonnulli ex Jure Romano urgent, mere civile est, nec hic attendi meretur.

§. 1060.

*De Rege,
qui in exi-
tium totius
populi ani-
mo hostili
fertur.*

Si Rex vere hostili animo in totius populi exitium feratur, regnum amittit & populus vi eidem resistere potest. Etenim omnis Rector civitatis, quacunque lege imperium in eum fuerit translatum, obligatur ad faciendum ea, quæ ad bonum publicum promovendum requiruntur, & ad non faciendum ea, quæ eidem adversantur (§. 84.). Quodsi ergo animo vere hostili in totius populi exitium feratur, personam Regis exuit (§. 70. part. 1. Jur. nat.), ac propterea cum Rex non amplius censeatur regnum amittit, consequenter perinde ac Rex qui regnum abdicavit, vel dereliquit, privatus fit & in eum licent omnia, quæ in privatum (§. 1055. 1056.). Quamobrem cum natura homini competat jus

ius se defendendi (§. 973. *part. 1. Jur. nat.*), consequenter lædere intendenti aut conanti resistendi (§. 972. *part. 1. Jur. nat.*) & cum cogendi, ne faciat (§. 914. *part. 1. Jur. nat.*); si Rex vere hostili animo in totius populi exitium feratur, vi eadem resistere populus potest.

Sunt qui existimant in Regis mentis compote accidere non posse, ut is degeneret in manifestum populi hostem, mactando cives innocentes & populum ad incitas redigendo ex sola sæviendi libidine. Et ipse *Grotius* l. 1. c. 4. §. 11. casum hunc restringit ad Regem, qui pluribus populis imperat & in unius gratiam alterum perdere vult, ut colonias ibi faciat. Enimvero quamvis istiusmodi monstra sint rariora, immo rarissima; negari tamen non potest, impossibile non esse ut dentur. Exemplum habemus in *Nerone*, quem *Suetonio* referente, senatus hostem judicavit & puniendum decrevit. Recte autem legati *Scotorum* apud *Tibianum* lib. 50. monuerunt, non esse audiendos eos, qui tyrannorum castigatione bonorum Regum auctoritatem imminui, & maiestatem vilescere juxta imprudenter & adulatorie blaterant. Nec per hoc tollitur obedientia cum patientia, ad quam subditi obligantur (§. 1043.). Aliud enim est male imperare, aliud populum perdere & ad incitas redigere velle ex sola sæviendi libidine. Qui male imperant, potestatem summam in potentiam arbitriariam convertent suam utilitatem quærunt cum detrimento populi: aut propterea minime eundem extirpare aut prorsus perdere volunt. Neque enim ipsos sævitia propter seipsam delectat.

§. 1061.

Si regnum committatur sive ex feloniam in eum, cujus est De regno feudum, sive ex clausula in ipsa delatione imperii posita, ut, si commissio ex Rex aut hoc faciat, subditi omni obedientia vinculo solvantur; feloniam, vel Rex in personam privatam recidit. Quacunque enim de clausula Regnum amittit, Rex esse desinit (§. 20. *part. 1. Jur. nat.*), commissio-
consequenter.

consequenter privatus fit. Quamobrem si regnum amittat sive ex telonia, siquidem fuerit infeudatum, sive ex clausula commissoria in delatione imperii posita; in personam quoque privatam recidit.

Facile autem patet in casu priori non subditis competere jus sumendi arma, sed eos recurrere debere ad dominum feudi, cujus res agitur. Ast in casu posteriori populo jus est resistendi, qui clausulam commissoriam in delatione imperii posuit. Exemplum istiusmodi clausulæ commissoriæ adiectæ habemus in coronatione *Stephani* Polonorum Regis apud *Tbuanum* lib. 62. qui refert *Stephanum* juramentum interposuisse de religiose servandis iuribus, libertatibus & privilegiis a Regibus prædecessoribus sacramento confirmatis, addito, siquidem ea ulla in parte violaret, ut ab omni jure, quod in regno haberet, excideret, & procures a fide & obedientia, quam ei ut legitimo Regi debent, solverentur.

§. 1062.

De clausula, Si in delatione imperii dictum sit, ut certo eventu resisti ut sub certo Regi possis; casu existente resistere licet. Quoniam enim pacta eventus resistenda sunt (§. 789. pars. 3. *Jur. nat.*); si populus in delatione imperii sibi reservavit jus certo eventu resistendi, eodem quoque casu existente uti potest, consequenter resistere licet.

Differt hoc a clausula commissoria, de qua dictum (§. 1061.). Ibi enim supponitur factum Regis, in quod populus sibi jus reservat: hic vero intelligitur tum casus fortuitus, qui Regi accidir, vel negotium quoddam, quod quidem ab arbitrio ipsius pendet, per se tamen ad exercitium imperii non spectat. Exemplum in casu priori est, quod olim Burgundis fas erat rejicere principem, si eo regnante publica fors calamitas ingrueret; in casu autem posteriori, si dicatur regnum amitti

amitti debere, ubi aliam, quam patriam religionem Rex amplectatur, vel si in conjugem accipiat Regis cujusdam externi filiam.

§. 1063.

*Nemo civium quicquam facere delet, quod est contra jura De juri-
majestatica.* Etenim nemo quicquam facere debet, quod est *majestatico-*
contra jus alterius (§. 910. *part. 1. Jur. nat.*). Quamobrem *nemo in vio-*
nec quicquam faciendum est contra jus ejus, qui summum *habilitate.*
in civitate imperium habet. Quoniam itaque jura majesta-
tica sunt, quæ ad summum imperium pertinent (§. 207.);
nemo civium quicquam facere debet, quod est contra jura
majestatica.

Obligatio hæc naturalis est, cum ex principiis Juris naturæ
demonstretur. Qui ergo quid facere audet, quod est contra
jura majestatica, is contra legem naturæ hoc facit.

§. 1064.

Quoniam nemo civium quicquam facere debet, *Specialius*
quod est contra jura majestatica (§. 1063.), contra jus alte-
rius vero fit id, quo idem vel tollitur, vel diminuitur, vel
usus ejus quomodocunque impeditur (§. 239. *part. 1. Phil.*
pract. univ.); *nemo civium quicquam committere, vel machinari*
debet adversus eum, qui jura majestatica in civitate, consequenter
imperium summum habet (§. 207.), quo jus aliquod majestaticum,
vel totum imperium summum, eidem vel auferitur, vel diminui-
tur, vel usus ejus quomodocunque impeditur, ac per consequens
nihil moliri debet, quod ad Reip. everisionem & labefactionem
ac Rectoris civitatis interitum tendit.

Quoniam jura majestatica varia sunt, quemadmodum ex
superioribus patet (§. 811. & *seqq.*); plurima quoque sunt
(*Wolffii Jur. Nat. Pars VIII.*) N n n n n facta,

facta, quibus jura majestatica violantur, & per consequens injuria committitur in personam ejus, quæ eadem habet, seu Rectorem civitatis (§. 859. *part. 1. Jur. nat.*). Rectoris enim civitatis qua talis persona per jura majestica determinatur (§. 70. *part. 1. Jur. nat.*), seu Rector civitatis ideo est, quia hæc sunt ipsius jura. Facta tamen ista omnia non sunt ejusdem valoris, sed alia aliis magis, alia minus injuria sunt. Injuriam igitur Rectori civitatis qua tali illatæ non sunt ejusdem gradus. Facile autem patet, majorem ea concipi non posse, qua Rector civitatis vel vita, vel imperio privatur, cum hoc modo tollatur omne jus ejus.

§. 1065.

*Crimen læsa
majestatis
quid sit.*

Crimen læsa majestatis dicitur factum, quo quid adversus jura majestatica, & per consequens adversus personam ejus, qui imperium summum habet committitur. Unde patet, *crimen læsa majestatis committi, si quis adversus eum, qui jura majestatica, vel imperium summum habet, quidpiam molitur, quo jus aliquod majestaticum, vel totum imperium summum eadem vel aufertur, vel diminuitur, vel usus ejus quomodocunque imminuitur, ac per consequens quod ad eversionem atque labefactionem Reip. ac Rectoris civitatis interitum tendit.*

Dignitas ejus, penes quem summum imperium indivisum est, majestas dicitur (§. 206.). Lædit autem eandem, qui quid facit, quod est contra jus quoddam ad summum imperium pertinens (§. 920. *part. 1. Jur. nat.*). Quodsi imperium summum fuerit penes populum, eadem est populi universi dignitas, quæ monarchiæ in monarchia, vel collegii optimarum in Aristocrazia. Unde si quid sit contra jura majestatica in statu populari, vel aristocratico, non minus læditur majestas, quam si tale quid sit in statu monarchico. Ac idem patet in Rep. mixta, in quo summitas imperii totius, vel quoad omnes actus non est penes personam unam. Patet autem, ut ante

ante (not. §. 1064.), crimen læsæ majestatis omne non esse ejusdem valoris, sed aliud majus, aliud minus esse, maximum autem omnium, quo Rect. r civitatis vel vita privatur, vel imperio exiit, aut integræ Reip. everfio & exitium intenditur.

§. 1066.

Quoniam crimen læsæ majestatis committitur, si quis *An fit con-* adversus eum, qui jura majestatica, vel imperium summum *tra jns na-* habet, quidpiam molitur, quo jus aliquod majestaticum, *ture & de* vel totum imperium summum, eidem vel aufertur, vel di- *poena ejus.* minuitur, vel usus ejus quomodocunque impeditur, ac per consequens quod ad everfionem atque labefactionem Reip. ac Rectoris civitatis interitum tendit (§. 1065.), istiusmodi autem facta omnia lege naturali prohibita (§. 1064.); *crimen omne læsæ majestatis lege naturali prohibitum*, consequenter *contra jus naturæ est*, & quoniam universitati competit jus puniendi eum, qui ipsam læsit (§. 579.), consequenter quicquid facit, quod contra jura majestatica & imperium summum est (§. 920. part. 1. *Jur. nat.*), populo quoque *originarie* (§. 33.) & *Rectori civitatis*, qui jus populi habet (§. 42.); *competit jus puniendi eum, qui crimen læsæ majestatis committit.* Quoniam tamen non omne crimen læsæ majestatis ejusdem gradus est (§. 625. 1065.), crimina autem graviora poenis quoque gravioribus coercenda (§. 626.); *non omne crimen læsæ majestatis eodem modo puniri potest.*

Poenæ lege naturæ determinatæ non sunt, sed ea saltem præscribit, quænam in ea determinanda sint observanda (§. 626. & seqq.). Civiles igitur cum sint, de iis in Jure naturæ nihil in specie definiendum. Apud omnes gentes, immo gentem eandem omni tempore eadem non sunt, nec esse possunt, prouti patet ex iis, quæ in genere lex naturæ præscribit.

§. 1067.

De crimine
perduellio-
nis.

Perduellio, seu *Crimen perduellionis* vocatur crimen læsæ majestatis, quod quis adversus ipsam personam Rectoris civitatis committit, vita vel imperio eundem privaturus, vel Remp. evertere, aut labefactare conatur. Idiomate patrio dicitur *der Hochverrath*. Unde *crimen perduellionis non minus in democratia, seu statu populari, aristocratia & quacunque Rep. mixta, quam in monarchia committi potest.*

Ab hoc crimine parum distat sævitia nimia Regis, qui vere hostili animo in totius populi exitium fertur (§. 1060.). Non est quod nomen Regis nebulam offundat menti. Etenim si hoc facit, Rex esse desinit (§. cit.), ac per consequens in personam privatam ipse recedit, ac revera status sit popularis, in quo crimen perduellionis committi posse nemo est qui dubitet. Hinc Senatus Romanus *Neronem* hostem judicavit & querendum esse, ut puniatur more majorum, prout refert *Suetonius* in Nerone c. 49.

§. 1068.

De ejusdem
poena.

Quoniam crimen perduellionis omnium criminum læsæ majestatis gravissimum (§. 1066. 1067.), crimina autem graviora gravioribus poenis coercenda (§. 626.); *crimen perduellionis gravissimis poenis coercendum.*

Hinc *Carolus V.* in Constitutione criminali art. 124. poenam hujus criminis determinat dissectionem in quatuor partes, quam etiam augeri vult, ut malefici trahæ impositi ad locum supplicii trahantur & in via forcipibus candentibus adurantur, & bona eorum confiscentur artic. 218.

§. 1069.

Perduellium liberi & cognati puniri non possunt; auferri An liberi & tamen ipsis potest, in quod jus proprium non ipsis, sed populo, aut cognati per Regi est. Etenim liberi puniri non possunt ob malefacta perduellium rentum, nec cognati ob malefacta cognatorum (§. 665.). sint punien- Quamobrem nec puniri possunt perduellium liberi & cognati di. ti ob crimen perduellionis a patre, vel cognato commissum. Quod erat annum.

Quoniam tamen ob crimen parentum liberis auferri potest id, in quod jus proprium non ipsis, sed populo aut Regi est (§. 667.), id autem fieri non debet nisi gravissima sint crimina (§. 668.), & crimen perduellionis gravissimum utique crimen sit (§. 1066. 1067.), idem denique etiam facile intelligitur de cognatis ejus, qui crimen admisit; liberis perduellium & cognatis auferri potest, in quod jus proprium non ipsis, sed populo, aut Regi est. *Quod erat alterum.*

Quænam talia sint, ut perduellium liberis & cognatis auferri possint in perduellium poenam, superius jam commemoravimus (not. §. 667.). Injusta erat lex Persarum & Macedonum, quæ non solum perduellium liberos, verum etiam propinquos occidi jubebat, quales leges abominandas merito vocat *Ammianus Marcellinus* l. 23. c. 3. Quod vero huc referri nequeat confiscatio bonorum, quæ juxta constitutionem quoque Carolinam (not. §. 1068.) poenæ perduellium accedit, supra jam demonstravimus.

§. 1070.

Obligatio ad crimen læsa majestatis non committendum ve- Unde ve- nit ex pacto, quo civitas constituta, & ex pacto, quo imperium nias obliga- im alium, vel alios translatum, a lege autem naturali vim suam tio crimen Non na 3 accipit. læsa ma-

majestatis non committendi vim suam accipiat. Etenim civitates pacto constitutæ sunt (§. 4.) legi naturæ convenienter (§. 26.). Et quando imperium transfertur in alium, is promittere intelligitur, quod imperium exercere (§. 42.), consequenter Reimp. regere velit (§. 218. part. 7. *Jur. nat.*) & populus idem transferens vicissim promittere, quod imperanti obedire velit (§. 1043.). Quamobrem cum pacta sint servanda (§. 789. part. 3. *Jur. nat.*), omne jus superioris & omnis obligatio civium seu subditorum, qua eidem tenentur, ex pacto nascitur, quo civitas constituta, & ex pacto, quo imperium in alium, vel alios translaturum, consequenter inde etiam venit obligatio ad crimen læsæ majestatis non committendum (§. 1063. & seqq.). *Quod erat unum.*

Enimvero obligatio servandi pacta a lege naturæ venit (§. 789. part. 3. *Jur. nat.*). Quamobrem cum obligatio ad crimen læsæ majestatis non committendum veniat ex pacto, quo civitas constituta, & ex pacto, quo imperium in alium, vel alios translaturum, *per demonstrata n. 1.* eadem vim suam accipit a lege naturali. *Quod erat alterum.*

Patet itaque, quamvis obligationem ad non committendum crimen læsæ majestatis ex pacto tanquam fonte suo derivare teneamur; hoc tamen non obstante crimen læsæ majestatis esse contra jus naturæ, quemadmodum paulo ante ostendimus (§. 1066.). Propositionem autem præsentem ideo hic apposuimus, ut paterent ea, quæ sequuntur.

§. 1071.

A quoniam crimen læsæ majestatis committatur.

Quoniam obligatio ad crimen læsæ majestatis non committendum venit ex pacto, quo civitas constituta, & ex pacto, quo imperium in alium, vel alios translaturum (§. 1070.), pactum autem utrumque rati habent, qui civitati se associant,

associant, qui vero huic sese non associant, eos idem minime tangit, & illi quidem membra civitatis sunt, hi autem non sunt, quod per se patet; *crimen læsæ majestatis committi nequit, nisi ab eo, qui membrum civitatis, aut si majoris subditus est*, consequenter cum crimine perduellionis crimen læsæ majestatis sit (§. 1067.), *perduellionis crimen committi nequit nisi a subdito.*

Pactum, quo civitas constituta, una cum altero, quo imperium in alium, vel alios translatum, ratihabetur, dum qui in civium, vel subditorum numerum recipitur, jurato promittit, se imperanti fidelem futurum. Et pactum, quo imperium translatum fuit, renovatur, dum novo Rectori civitatis homagium præstatur: hoc autem renovari nequit, nisi quatenus simul pactum, quo civitas constituta, tacite ratihabeatur. Quamvis vero expressa ratihabitio pacti, quo civitas constituta, & renovatio pacti, quo imperium in Rectorem civitatis translatum non fieret; tacita tamen sufficeret ad producendam obligationem crimen læsæ majestatis non committendi. Expressa tamen præfertur, ut unusquisque sibi magis conscius sit obligationis suæ, eaque jurata, ut eidem satisfacere major sit religio: neque enim omnibus satis perspecta sunt, quæ tacite promittunt, & fidem juratam violare turpius est, quam non juratam, multoque turpius, quam tacitam eamque non satis apertam.

§. 1072.

Quoniam obligatio ad crimen læsæ majestatis non *De perfidia* committendum ex pacto (§. 1070.), consequenter ex pro- in crimine missione venit (§. 788. part. 3. *Jur. nat.*), si autem promissor contrarium ejus facit, quod promissit, perfidus est (§. 768. *stat. cons. part. 3. Jur. nat.*); *Qui crimen læsæ majestatis commisit, per-senta. fidus est.*

Hæc

Hæc perfidia cadere nequit in extraneum, seu peregrinum, qui fidem suam Rectori civitatis non aditrixit de majestate ejus non lædenda. Turpitude autem criminis læsæ majestatis ab hac potissimum perfidia est, nec sine ea hoc crimen concipitur. Quodsi fidem juratam fallit criminis hujus reus, simul perjurus est (§. 953. *part. 3. Jur. nat.*).

§. 1073.

Invasor imperii quid sit.

Invasor imperii dicitur, qui cum nullum jus ad imperium capessendum habeat, vi vel dolo id occupat. Invasor itaque si Rector civitatis adsit, eundem possessione dejicit; si vero Rege mortuo imperium invadat, successorem legitimum ad possessionem non admittit, sed ab ea repellit.

Non desunt exempla invasorum imperii cum in historia antiqua, tum in recentiori. Immo hodiernum apud exterarum gentes talia occurrunt. Non immerito igitur quaeritur, quodnam populo jus comperat in imperii invasores, quamdiu scilicet durat injuste possidendi causa.

§. 1074.

De jure in invasorem imperii, quamdiu in actu invadendi constituitur.

*Si invasor imperii in actu invadendi constitutus, ei vi resistere, immo & si opus sit eundem occidere licet. Quoniam enim invasor imperii nullum jus ad imperium habet (§. 1073.), si vero nullus adsit, cui aliquod jus ad idem competit, populus id in eum transferre potest, quem voluerit, aut sibi retinere (§. 36.), legitimo autem Regi vel successori jus suum adimere nequit (§. 336. *part. 2. Jur. nat.*); idcirco nec pati tetur, ut id ab altero ipsi eripiat. Quamobrem cum invasor imperii, quamdiu in actu invadendi constitutus, raptori æquiparetur (§. 505. *part. 2. Jur. nat.*), in raptorem autem tantundem liceat, quantum vi depellendæ sufficit (§. 695. *part. 2. Jur. nat.*), ita ut etiam interfici possit (§. 699.*

(§. 699. part. 2. *Jur. nat.*); invasori imperii, quamdiu is in actu invadendi constituitur, vi resistere, immo &, si opus sit, eundem occidere licet.

Quilibet civis obligatur patriam defendere adversus vim injustam. Quamobrem unicuique uti licet mediis, quæ ad eam depellendam requiruntur.

§. 1075.

Si superior unicuique permittat, ut invasorem in actu in- De jure invadendi constitutum interficiat; interficere licet. Etenim superior, sive is sit Rex, sive senatus, sive populus, jus se defendendi adversus invasorem habet, prouti ex demonstratione a superiore præcedente apparet. Quoniam itaque quivis jus suum ex-concessum. qui potest sive per se, sive per alium, quem voluerit, quod per se patet; jus quoque interficiendi invasorem concedere potest, cuicumque voluerit. Quodsi ergo unicuique, sive is subditus fuerit, sive peregrinus permittat, ut invasorem in actu invadendi constitutum interficiat; interficere licet.

Quamdiu invasor imperii in actu invadendi constitutus, id nihil difficultatis habet, cum etiam id facere liceat, si opus fuerit, absque permissione superioris (§. 1074.).

§. 1076.

Si invasor imperii, quod arripuit, possessionem sola vi re- De jure in-
tinet, neque pactio ulla secuta sit, aut fides illi data; cum vi deji- invasorem,
re & interficere licet. Etenim quamdiu sola vi possessio rest- quamdiu
netur, neque pactio ulla secuta est, aut fides illi data; ad possessio, sola
nihil quoque populus eidem obligatus est (§. 393. part. 3. vi retine-
Jur. nat.). Quamobrem is adhuc est eorum status, qui tur.
(Wolffii *Jur. Nat. Pars VIII.*) 000 00 erat,

erat, cum in actu invadendi constitueretur invasor. Quoniam itaque invasori vi resistere, eundemque, si opus sit, interficere licet, si in actu invadendi constitutus (§. 1074.); eundem quoque, quamdiu possessio sola vi retinetur, nec pactio ulla secuta sit, aut fides illi data, vi dejicere ac interficere licet.

§. 1077.

Quando in Si Rector civitatis in talem sit conjectus statum, ut sub-
invasorem ditos defendere non possit, nec civium tanta sint vires, ut inva-
imperii ni- sori citra præsens exitium valeant resistere; cum eo pacisci, vel si-
hil machi- dem ei dare licet, & post hac ei obedire tenentur, nec quicquam
nari licet. adversus eundem moliri licet, ut eum dejiciant, vel interficiant.
 Etenim si Rector civitatis in talem sit conjectus statum, ut subditos defendere nequeat, nec civium tantæ sint vires, ut invasori citra præsens exitium valeant resistere; impossibile est, ut ipsos regat is, qui imperium, vel jus ad idem habet, sed si se invasori subjicere nolint, ipsis pereundum est. Enimvero cum populus non aliter imperium in Rectorem civitatis transtulisse intelligatur, quam ut salutis publicæ convenienter exerceatur (§. 88.); non potest intelligi ita sese eidem subjecisse, ut, si is se defendere non possit, nec sibi tantæ sint vires, ut imperium invadenti resistere nequeat, interire potius malit, quam huic sese subjicere. Cumque Rector civitatis populum suum amare debeat (§. 1009. & ex tadio populi tedium percipere (§. 1010.); velle minime potest, ut juris sui conservandi causa, quod tamen conservare, nec ipse tueri potest, intereat potius, quam invasori sese subjiciat. Quamobrem populo cum invasore pacisci & ei fidem dare licet. *Quod erat unum.*

Quo-

Quoniam vero pacta servanda sunt (§. 789. *part. 3. Jur. nat.*), nec fidem datam fallere licet (§. 765. *part. 3. Jur. nat.*); pactione cum invasore in hypothefi propositionis præsentis inita, aut fide data, eidem obediendum est, nec quicquam moliri licet, ut is dejiciatur, vel interficiatur. *Quod erat alterum.*

Equidem pactione ista non adimitur jus Regis ab invasore dejecti, vel ei, qui jus ad imperium habet; hoc tamen obstat, quo minus eodem salvo sese invasori subicere possint, præsertim cum nemini competat dominium in vitam suam (§. 351. *part. 1. Jur. nat.*), ut in casu collisionis obligationis ad vitam conservandam (§. 350. *part. 1. Jur. nat.*) cum obligatione obediendi Rectori civitatis (§. 1043.) jus suum exercere minime valenti exceptio fieri non debeat pro obligatione sese suæque conservandi. Nihil itaque in subjectione hac continetur, quod tanquam injustum reprehendi potest.

§. 1078.

Subditi obligantur præstare Rectori civitatis officia, quæ De officiis homo homini debet. Etenim per se patet, Rectorem civitatis *humanitatis* non desinere esse hominem, propterea quod civitatem regit. Rectori civi-
Quamobrem quæ homo homini naturaliter debet, ea quo-*tatis præ-*
que ob immutabilitatem obligationis naturalis (§. 146. *standis.*
part. 1. Phil. pract. univ.) subditus quilibet Rectori civitatis
debet, consequenter præstare obligatur officia, quæ homo
homini debet (§. 224. *part. 1. Phil. pract. univ.*).

Rektor civitatis duplici modo considerandus, cum tanquam
Rektor civitatis, quatenus Remp. regit, tum tanquam priva-
tus, quatenus homo est. Priori respectu ea ipsi præstanda, ad
quæ

quæ subditus obligatur imperanti; posteriori autem respectu ea officia ipsi præstanda sunt, quæ homo homini debet.

§. 1079.

*De amore
naturalis
Reſtoris ci-
vitat.*

Quoniam subditi obligantur præstare Reſtori civita-
tis officia, quæ homo homini debet (§. 1078.), homo au-
tem hominem quemcunque, ipsum etiam inimicum (§. 632.
part. 1. Jur. nat.), amare debet tanquam seipsum (§. 619.
part. 1. Jur. nat.), atque diligere (§. 618. *part. 1. Jur. nat.*)
& ex felicitate ejus voluptatem percipere (§. 616. *part. 1.
Jur. nat.*); subditi quoque Reſtorem civitatis amare atque dili-
gere debent tanquam seipsum, si vel maxime male imperet, & ex
felicitate ejus voluptatem percipere.

Naturalis hic amor plurimum conducit ad obedientiam cum
patientia, quæ a subditis Reſtori civitatis debetur (§. 1043.)
& metum servilem temperat, ne a filiali nimium recedat, pa-
tientiam vero, qua toleranda etiam quæ dura & injusta videntur,
juvat.

§. 1080.

*De amore
civilis Reſto-
ris civita-
tis.*

*Subditi Reſtorem civitatis qua Reſtorem civitatis amare
debent.* Etenim si ea perpendamus, quæ de Rep. consti-
tuenda uberrime dicta sunt, abunde patet, quantum boni
in nos redundet ex cura Reip. quam gerit Reſtor civitatis,
ut ea pro maximo beneficio habenda sit (§. 17. *part. 4. Jur.
nat.*). Et quamvis male imperet, non tamen propterea
tollitur omne bonum, ob quod status civilis præstat natu-
rali, in quo singulis fere nementis quibuslibet injuriis cor-
pus nostrum & res nostræ rapinis exponuntur. Quamobrem
cum beneficiarius amare debeat benefactorem ob beneficia
sibi

sibi tributa (§. 39. *part. 4. Jur. nat.*); subditi quoque Rectorem civitatis qua Rectorem civitatis amare debent.

Negari equidem non potest, majus multo esse beneficium, si Rector civitatis bene imperet, quam quod adhuc præstatur, si imperet male; hoc tamen non obstante, ob minus quoque beneficium amandus est. Civilis amor, qui Rectori civitatis qua tali debetur, contradistinctus naturali, de quo ante diximus (§. 1079.), non exinguitur, nisi quando imperans vere hostili animo in totius populi exitium fertur, ut Rectoris civitatis personam prorsus exuat; id quod rarissime contingit & cur nonnisi rarissime contingat suo tempore patebit, ubi in Politica in causas mali regiminis inquisituri sumus, quamvis quodammodo jam intelligatur ex iis, quæ superius demonstravimus de causis, cur finis civitatis obtineri non possit (§. 151.).

§. 1081.

Quoniam Rector civitatis amare debet populum *De mutuo* suum (§. 1009.) & subditi vicissim amare debent Rectorem *amore superioris* civitatis qua talem (§. 1080.); *mutuus vigere debet amor rioris & subditorum.*

Beata est Resp. in qua mutuus iste amor viget, quia non minus animus Rectoris civitatis in subditorum, quam subditorum animus in Rectoris civitatis felicitatem propendet. Dubium vero nullum superest, quin amor superioris, quo subditos suos prosequitur, excitet amorem subditorum.

§. 1082.

Quoniam Rectorem civitatis amare debent subditi *De odio* Rectorem (§. 1080.), qui vero alterum amat, cum odisse nequit (§. *Odio civis* 1080.).

000 00 3

623. satis.

623. *part. 1. Jur. nat.*); *subditi Rectorem civitatis odio habere non debent.*

Non est quod excipias, malum regimen nobis non posse placere, nec improbandum esse, si displiceat, oriri autem odium, si quod nobis displicet in altero observamus (§. 674. *Psych. empir.*). Aliud enim est odisse malum regimen, aliud vero odisse eum, qui male regit. Illud naturale est, hoc autem rationi adversum. Quamvis itaque odium oriatur ob malum regimen in appetitu sensitivo, qui sedes affectuum est (§. 603. *Psych. empir.*), ratio tamen, quæ moderatur affectibus, odium ira coercere debet, ne in personam extendatur. Qui secus faciunt, ii affectuum imperu se adhuc abripi patiuntur in transversum, unde eos arcet lex naturæ.

§. 1083.

*De civium
concordia.*

Cives inter se concordare debent. Sunt enim membra civitatis (§. 6.), consequenter cum civitas societas sit (§. 4.), socii (§. 4. *part. 7. Jur. nat.*). Quoniam itaque socii concordare esse debent (§. 136. *part. 7. Jur. nat.*); cives quoque inter se concordare esse debet.

Concordia civium maxime necessaria in civitate, & ab ea pendet civitatis conservatio atque incrementum. Unde dudum observatum est, concordia res parvas crescere, discordia maximas dilabi: id quod monetæ aureæ Ordinum Belgii foederati inscribi solitum civium omnium animis firmiter infigi meretur. Ut vero intelligatur, in quonam consistat civium concordia, sequentia probe consideranda.

§. 1084.

*De directione
actionum*

Quoniam cives concordare inter se esse debent (§. 1083.

1083.), concordēs autem sunt socii, si legibus societatis sese *civium ad* subiiciunt (§. 134. *part. 7. Jur. nat.*), & in Rep. suprema *salutem* lex sit salus Reip. (§. 86.), cujus obtinendæ media præscri- *Reip. & le-* bunt leges civiles ceteræ (§. 969.); *cives actiones suas omnes gum obser-* ad *salutem Reip. dirigere & leges civiles observare debent.* *vantiam.*

Nimirum si concordēs esse debent, eadem omnium esse debet voluntas atque noluntas (§. 132. *part. 7. Jur. nat.*). Necessē igitur est, ut quod vult unus, idem etiam velit alter, & quod non vult unus, idem etiam nolit alter. Id ipsum vero contingit, si omnes actiones suas dirigant ad salutem Reip. tanquam ad eundem finem, & leges civiles observent, ut eadem via ad finem tendant.

§. 1085.

Simililiter quia cives concordēs inter se esse debent *Quid civis* (§. 1083.), consequenter eadem esse debet omnium volun- *spectare de-* tas atque noluntas (§. 132. *part. 7. Jur. nat.*); ad hoc autem *beat in actio-* sese sibi invicem obligasse intelliguntur, quod commune bo- *nibus suis.* num promovere velint (§. 28.), nec bonum proprium promovere cum neglectu communis, vel in præjudicium communis (§. 21.); *civis quilibet in omnibus actionibus id spectare* *debet, ut concivibus suis præsist, nulli vero pbsist.*

In civitate nemo sibi vivit, sed concivibus. Unde actiones suas omnes ad ceteros referre tenetur civis bonus. Nemo qua civis agit, quod suum est, sed quod alterius; & utilem sese præbet Reip. Dum vero hoc facit, propriæ quoque salutis consulit. Multa hinc consequuntur in quolibet actionum genere, quæ tamen sigillatim persequi non est præsentis instituti.

§. 1086.

§. 1086.

Quamprimum quis civitati se associat, ad legum civitatis observantiam obligatur.
ad legem ci- Etenim quamprimum quis in societatem recipitur, ad le-
vitatis ob- gum societatis observantiam obligatur (§. 60. *part. 7. Jur.*
servantiam *nat.*). Quamobrem cum civitas sit societas (§. 4.); quam
obligetur. primum quis in numerum civium recipitur, ad legum civi-
 tatis observantiam obligatur.

In numerum civium quis recipi potest vel expresse superio-
 ris aut magistratuum alicujus loci consensu, vel tacito, qua-
 tenus eidem permittitur, ut domicilium suum in territorio civi-
 tatis constituat, aut toleratur, ut in eo habitet ac res suas agat.
 Civis autem appellatio hic sumitur in significato laxiori, qui
 convenit Juri naturæ, non attento significato stri-
 ctiori, qui mere civilis est.

Finis Partis VIII, five ultimæ Juris Naturæ.



CON-

CONSPECTUS

PARTIS VIII.

JURIS NATURÆ

CAPUT I.	
De origine Civitatis & Imperii publici,	pag. 1
CAPUT II.	
De diversis Rerumpublicarum formis,	90
CAPUT III.	
De Republica constituenda,	292
CAPUT IV.	
De Juribus majestaticis,	615
CAPUT V.	
De Theoria naturali legum civilium,	742
CAPUT VI.	
De officio superioris, sive Rectoris Civitatis, & subditorum,	775

FINIS CONSPECTUS.

(*Wolfii Jur. Nat. Pars VIII.*)

Ppp pp

INDEX

I N D E X

VERBORUM ET RERUM PRÆCIPUARUM, IN QUO NUMERI PARAGRAPHS DENOTANT.

- A.
- A** *bdicatorum regni* pro se & liberis suis, 366. an successioni eorum in regno noceat, 368.
- Abolitio accusationis & inquisitionis.* Definitio, 846. quid proprie sit, 846. cuius competat, 847.
- Abrogatio legis.* Definitio, 817.
- Absentium in comitiis vota,* 185.
- Academia.* Definitio, 434. num in Rep. instituendæ, 436. quantæ curæ esse debeant superiori, 1019.
- Academia artium.* Definitio, 452. num in Rep. instituendæ, 453.
- Academia architectorum* 452.
- - *Muscorum,* 452.
- - *Pictorum,* 452.
- Academia scientiarum.* Definitio, 439. an in Rep. instituenda, 440.
- Accidentia.* Definitio, 909. quotuplicia sint, 909. an sint pars salarii, 910. an diminui possint, 911. quando decrementum sit necessarium, 912.
- Actus bonitas & malitia* num sit apta ad jus Rectoris civitatis & civium distinguendum, 82.
- Actus regis privati.* Definitio, 284.
- Actus Regis regii.* Definitio, 284.
- Actus vitiosi* quoniam in civitate puniri possint, 653.
- Actus vitiosi, quibus alius non leditur,* an puniri possint in statu naturali, 652.
- Adjunctio in officio publico* qua de causa fieri debeat, 919.
- Adjunctio cum spe succedendi* an a successore rati haberi debeat, 922.
- Administratio bonorum* quando pertineat ad exercitium imperii, 107.
- Advena.* Definitio, 411.
- Advena temporarii.* Definitio, 413.
- num civibus, an incolis accensendi, 413. ex iis nati qualem habeant statum, 413.
- Adulatio ministrorum* non ferenda, 1001.
- Adulationis odium* in Rectore civitatis requisitum, 1013.
- Ædificiorum extructio* quatenus curæ esse debeat superiori, 723.
- Ædificia publica* qualia esse debeant, 725.
- Ægroti inopes* num curæ esse debeant superiori, 739.

Ere-

Index verborum & rerum præcipuarum.

- Ærarium publicum.* Definitio, 781
necessitas, 782. status, 783
Agnati perduellium an puniendi, 1069
Agricultura promovenda, 1032
Agri tributarii quinam sint, 927
Alienatio regni usufructuarii qualis sit
actus, 1058. num eidem resistere
liceat, 1058. quem habeat effectum
ex parte Regis, 1059
Ambitus crimen. Definitio, 894. an
tolerandum in Rep. 893
Amnestia. Definitio, 848. ejus effe-
ctus, 848. an ejus præstatio perti-
neat ad imperium civile, 849. num
sit naturaliter licita, 850
Amor mutuus Rectoris civitatis & sub-
ditorum, 1081
Amor populi in Rectore civitatis requi-
situs, 1009
Amor subditorum naturalis a Rectore
civitatis debitus, 276
Annona. Definitio, 928. an de agris
data ad tributum referenda, 928
Annona cura superiori incumbens, 727
Appellatio. Definitio, 548. an in Rep.
admittenda, 549. quænam preces
cum ea non confundendæ, 550
Asbrium in controversia Regis cum
populo num detrahat summitati im-
perii, 130
Aristocrattia. Definitio, 135. quan-
tum in ea sit jus, 135. quid pro
voluntate populi in ea habendum,
158. qualis sit, si jus optimatum
prædiis inhæret, 226. quando ab
optimatibus in regnum mutari pos-
sit, 280. num possit esse precaria,
212. unde oriantur diversæ species,
210
Aristocrattia annua. Definitio, 211
Aristocrattia electiva. Definitio, 214
quando non sit patrimonialis, sed
usufructuaria, 222
Aristocrattia herilis. Definitio, 265
Aristocrattia laxa. Definitio, 249. an
in strictiorem ab optimatibus muta-
ri possit, 251
Aristocrattia patrimonialis. Definitio,
156. num præsumatur, 252
Aristocrattia patrimonialis perfecte &
imperfecte talis. Definitio, 223
Aristocrattia perpetua. Definitio, 213
Aristocrattia strictior. Definitio, 249
diversæ species, 250
Aristocrattia successoria. Definitio, 218
quot modis in ea succedatur, si
optimatum numerus constans, 219
num patrimonialis esse possit, 221
Aristocrattia temporaria. Definitio,
211. quando obtineat, 165
Aristocrattia usufructuaria. Definitio,
156
Ars conjiciendi mores hominum num
necessaria sit Rectori civitatis, 1040
Artium amor in Rectore civitatis requi-
situs, 1020
Artium incrementa in Rep. promoven-
da, 438
Artium manuariarum scientia a socie-
tate scientiarum excolenda, 449-450
Ppp pp 2 Asbei

Index verborum & rerum precipuarum.

Atbei num puniendi, [646.](#) quomodo
sepeliendi, [713](#)
Atbeismi suspectos reddere viros pra-
claros num liceat, [474.](#) num qui
hoc faciunt, sint puniendi, [648](#)
Atbeismi diffeminatio num punienda,
[646](#)
Atbeismi propagatio num sit toleranda,
[473](#)
Atbeismi suspicio vitanda, [474](#)
Augmenta poenarum Capitalium quid
& qualia sint, [610](#)
Autobires num puniri possint & quan-
do, [712](#)

B.

Bellum num sit modus aptus decidendi
jus controversum succedendi in re-
gnum, [386](#)
Bellum privatum num in civitate tole-
randum, [560.](#) quatenus in ea sub-
latum, [561.](#) quando adhuc licitum,
[562.](#) [563.](#) quando statim cesser,
quando vitandum, [565](#)
Bona Ecclesie. Definitio, [485.](#) quo-
ruplicia sint, [485](#)
Bona Regis privata, vel propria. De-
finitio, [286.](#) quod cum regis non
confundenda, [287.](#) an maneant a
regis separata in regno patrimoniali,
[288](#)
Bona Regis regia, vel publica. Defi-
nitio, [286.](#) cum privatis non con-
fundenda, [287.](#) num sint separata
a privatis ipso jure, [289.](#) an de iis
Rex disponere possit in regno pa-

trimonial pro lubitu, [290](#)
Bonarum administratio quando perti-
neat ad exercitium imperii, [107](#)
Bonum commune civitatis in quo con-
sistat, [9.](#) quomodo promoveatur, [19](#)
Bonum privatum. Definitio, [23.](#) quo-
modo non promovendum, [25](#)
Bonum publicum. Definitio, [23.](#) quod
a quolibet cive promovendum, [24](#)
C.

Capitulatio. Definitio, [122.](#) quando
ea opus, [122.](#) num ex ea metien-
dum jus populo reservatum & Re-
ctori civitatis competens, [123.](#) an
sit lex fundamentalis imperii, [124.](#)
an mutari possit, vivente eo, cum
quo facta; [125](#)
Carcer. Definitio, [598](#)
Castigatio in carcere qualis sit poena,
[613](#)
Ceremonia num sint licite in poenæ
executione, [711](#)
Ceremonie in cultu divino quatenus
spectant ad superiorem, [473.](#) quod-
nam sit officium doctorum publico-
rum quoad easdem, [479.](#) an con-
temtus earum ferendus, [480](#)
Chirurgorum necessitas in Rep. [717](#)
Ciborum salubritas num curæ esse de-
beat superiori. [716](#)
Civis. Definitio, [6.](#) quænam sit ejus
obligatio, [18.](#) [19.](#) quænam positiva,
[21.](#) [22.](#) quænam negativa, [24.](#) [25](#)
ad quid civitati obligetur, [28.](#) quan-
do esse definat, [416](#)
[Civis](#)

Index verborum & rerum præcipuarum.

- Cives* de quibusnam instituendi, [426](#)
 quomodo tanquam cives actiones
 suas dirigere debeant, 1084. 1085
 num iis jus discedendi adimi possit,
[415](#)
- Civium numerus* quantus esse debeat in
 civitate, [398](#). quando iusto minor,
[399](#). quando major, [400](#). quando
 augendus, [401](#). [402](#). quod in quo-
 libet vitæ genere determinandus,
 425
- Civium divitum discessus* num sit tole-
 randus, [404](#). num eorum, qui in
 aliquo vitæ genere eminent, [405](#).
 an eorum, quorum opera ad defen-
 sionem Reip. necessaria, [406](#)
- Civitas*. Definitio, [4](#). [14](#). quomodo
 constituta, [4](#). an sit naturaliter libe-
 ra, 50. civitati uni num sit jus in al-
 teram, [51](#). quomodo una alteri sub-
 jiciatur, [53](#). num legi naturæ con-
 venienter instituta, [26](#). an sit a
 Deo, [27](#)
- Civitatis commune bonum* in quo
 consistat, [9](#). finis, [13](#). obligatio er-
 ga cives, [28](#). ordinatio quid requi-
 rat, [15](#). [36](#). salus in quo consistat,
[17](#)
- Civitates* quomodo inter se spectandæ,
 54
- Cogitationes* num sint puniendæ, [643](#)
- Cognati* num puniri possint ob facta
 cognatorum, [665](#). quando iis be-
 neficium reddendum in cognatis,
[659](#)
- Cognitio cause* quid sit, [542](#)
- Cobarentia* quænam sint. [489](#)
- Collecta*. Definitio, [935](#). quale sit
 onus, [935](#)
- Combustio* qualis sit poena, [608](#)
- Comitia*. Definitio, [174](#). quænam in
 iis definienda, [175](#). quo tempore
 celebranda, [177](#)
- Commercia* num Rector civitatis prote-
 gere debeat, 1029. quænam multi-
 plicanda non sint, 1030
- Communio mixta* num cum imperio ci-
 vili consistat, [106](#)
- Communio primæva* num cum imperio
 civili consistat, 108
- Comoedia*. Definitio, [529](#). earum usus,
[530](#). utilitas in Rep. [531](#). cura Re-
 ctoris civitatis circa easdem, [531](#)
- Composita* omnia quomodo intereant,
[496](#). quænam dicantur a Seneca,
[489](#)
- Competitores regni* num jus decidendi
 controversiam de succedendo in ar-
 bitrium populi conferre possint, [382](#)
[383](#)
- Concordia civium* præcepta, 1083. in
 quo consistat, 1084. & seqq.
- Concordia sociorum* in societate scien-
 tiarum conservanda, [448](#)
- Condominatus*. Definitio, [140](#). in qua-
 nam forma Reip. locum habeat, [140](#)
- Confessio delicti spontanea* num sufficiat
 ad poenam irrogandam, [674](#)
- Confiscatio bonorum*. Definitio, [593](#)
 num

Index verborum & rerum præcipuarum.

- num ea puniantur hæredes, 594
Consecratio rei. Definitio, 493
Confrontatio. Definitio, 709. num
 ad verum inquirendum apta, 709
Conjugum jus quantum in civitate re-
 stringatur, 49
Connexa quænam dicantur a Seneca,
 489
Consecratio. Definitio, 483. quomo-
 do fiat naturaliter, 483
Consiliarii. Definitio, 999. quales es-
 se debeant, 1000. quod sapientes
 ac prudentes esse debeant, 1008
 quod eorum fiducia non debeat te-
 nere Rectorem civitatis, 1037
Consiliarius actualis. Definitio, 999
 - *titularis.* Definitio, 999
Consilium prudentum an ad bonum re-
 gimen necessarium, 998
Constitutio Reip. Definitio, 393. ejus
 principium, 394
Contemptus ceremoniarum in cultu divi-
no num sit tolerandus, 480
Contemptus religionis num sit toleran-
 dus, 472
Contributio singulorum ad onera Reip.
 777
Controversia de successione in regno num
 a populo, vel Rege præsentè deci-
 di possit, 378. 379. quomodo com-
 ponenda, 380. num & quando vi
 armorum decidi possit, 381. quan-
 do populo competat arbitrium, 382
Conventicula cultus divini causa num
 toleranda, 464
Conventus publicos in templis diebus
 festis num negligere liceat, 479
Convictio delicti num ad puniendum
 requiratur, 673
Crimen. Definitio, 581. quodnam gra-
 vius puniendum, 626. & seqq.
Crimen frequens quomodo puniendum,
 629
Crimen in locis commissum, ubi minus
resistit potest, quomodo puniendum,
 630
Crimen læsæ majestatis. Definitio, 1065
 a quonam committi possit, 1071. an
 perfidiam contineat, 1072. an sit
 contra jus naturæ, 1066. quomodo
 puniendum, 1066
Crimen monesam privato ausu euden-
tium quale sit, 939
Crimen perduellionis. Definitio, 1067
 in qua Reip. forma committi possit,
 1067. quam poena coercendum,
 1068
Crimen præmeditatum quomodo pu-
 niendum, 631
Criminis suspectus quando ad confes-
 sionem adigendus, 676
Crucifixio qualis sit poena, 624
Culpa præstanda gradus in negotiis ci-
 vilibus lege civili determinandus,
 988
Cultus divini cura superiori compe-
 tens in Rep. 458
Cultus divini publici neglectus num sit
 ferendus, 471

D.

Index verborum & rerum precipuarum.

D.

Damnatio ad triremes, metallum vel opus publicum qualis sit poena, 616

Damnus ex indigni promotione ad officium publicum datum an sit rescindendum, 897

Decernendi modus in aristocratia, 243

Decollatio qualis sit poena, 602

Defensio rei num sit necessaria, antequam condemnetur, 675

Dei notitia civibus ac incolis instillanda, 426

Deismi disseminatio num sit toleranda, 473. num punienda, 646

Deismi suspecti ut reddantur viri clari, num sit permittendum, 474

Deismi suspicio vitanda, 474

Deista num puniendi, 646

Delictum. Definitio, 581. ejus gravitas unde æstimanda, 625. quodnam gravius puniendum, 626

Delictum frequens quomodo puniendum, 629

Delictum in locis commissum, ubi minus resisti potest, quomodo puniendum, 630

Delictum premeditatum quomodo puniendum, 631

Delictum privatum. Definitio, 581

Delictum publicum. Definitio, 581. num gravius puniendum privato, 627

Delirium num a poena excuset, 671

Democratia. Definitio, 131. quod sit forma Reip. maxime naturalis, 132

quomodo ordinanda, 194. quatenus in ea renunciatur libertati naturali, 195. quinam in ea sint exercitii imperii capaces, 168. quod in ea præcavendum, ne summam potestatem usurpet senatus, aut alius quis, 192

Deportatio. Definitio, 597

Deputati a populo in comitiis, 186

Dies festi. Definitio, 466. in Rep. instituendi, 467. an in iis ab omni labore sit vacandum, 468. eorum diversitas unde, 469

Dies juridicus. Definitio, 700

Dignitas civilis. Definitio, 205. unde nascatur, 205

Dignitates civiles in quo consistant, 765 quibusnam conferendæ, 766. quænam habere debeant usum, 768

Dilapidatio bonorum num toleranda, 751

Diligentia in obeundo munere adhibenda, 902

Dimissio. Definitio, 898

Directoris officium in comitiis, 187

Discedere a civitate quando liceat, 403. quando non liceat, 404. & seqq. gregatim num liceat, 408

Discessus a civitate cum consensu superioris num sit licitus, 407. num tollat civitatis jus in eum, qui discessit, 419

Dispensatio. Definitio, 823

Dissectio in quatuor partes qualis sit poena, 609

ex Disstantibus constantia, quænam sint, 489

Index verborum & rerum precipuarum.

- 489.** quamdiu eadem maneant, **493**
quomodo intereant, **496**
Divitia subditorum augenda, **1027**
1028
Doctores publici. Definitio, **459.** in
Rep. instituendi, **459.** quales esse
debeant, **460.** quodnam sit eorum
officium quoad ceremonias in cultu
divino usitatas, **479.** ubi munere
suo fungi debeant, **463.** dissention-
tes diffamantes num puniendi, **649**
Domania. Definitio, **786.** qualia sint
bona redditus ex iis, **787.** ad quos
spectet proprietas eorum, **789.** num
alienari possint, **790.** num alienata
revocari, **790.** num oppignorari,
791. an praescribi, **792.** an quanto-
cunque tempore revocari, **793.** an
cum consensu populi alienari, **794**
quando Rex ea oppignorare possit,
933. si augeantur a populo, **795.** si
a Rege de suo, **796.** **797.** **799.**
& seqq.
Dominatus quid sit, **264**
Dominia quomodo cum imperio in-
troducantur, **109**
Dominis partes potentiales quznam di-
cantur, **96**
Dominium eminens. Definitio, **111**
num contineatur sub imperio, **111**
num a populo cum imperio trans-
feratur, **112.** num Reſtori civitatis
competat, **111.** unde oriatur, **118**
qua æquitate exercendum, **119.** ad
quznam jura pertineat, **960**
Dominium fundorum & rerum civium
num contineatur sub imperio pu-
blico, **103.** num cum eo transfe-
ratur, **104**
Domuum singularum indigentia, **1.** quo-
modo eidem consulatur, **2.** **3**
Duellum an sit bellum, **568.** an in Rep.
tolerandum, **569.** **570**
E.
Ebrietas summa num a poena excuset,
672
Ecclesia. Definitio, **484.** quale sit
ens, **490.** quale habeat principium
unionis, **492.** quamdiu maneat ea-
dem, **495.** quando intereat, **500.** &
seqq. si in statu naturali spectetur,
952
Ecclesie jus in rebus sacris & ecclesia-
sticis, **509**
Ecclesia particularis. Definitio, **484**
- *universa.* Definitio, **484**
Educatio liberorum num subſit juri ci-
vitatatis, **430**
Educatio principis quoad virtutem,
1005. eorum, qui ad regimen ad-
ſpirare poſſunt, **997**
Egestas civium præcavenda, **726**
Electio Regis illegitima. Definitio,
309. an eum populus ratihabere te-
neatur, **309**
Electio legitima. Definitio, **309**
Electiois lex a populo ſibi metipſi lata
in regno electivo, **310.** an electo-
ribus præſcripta a populo tolli poſ-
ſit, **311**
Electiois

Index verborum & rerum præcipuarum.

Electiois modus in regno electivo unde pendeat, 308

Eligibilitas personarum in regno electivo, 307

Elemosynarum cura superiori competens,

- *nimietas præcavenda*, 747

Ergastula. Definitio, 237. an in Rep. instituenda, 237

Errores num puniendi, 644

Errores in Jure nature num in legibus civilibus condendis vitandi, 992

Ergorum disseminatio num punienda, 644

Executio rei judicata. Definitio, 555

qualis sit, si sententia dationem exigit, 556. 557. qualis, si factum, 558

Exhereditatio filii num Regi licita, 362

quo effectu fiat, 363

Expectatio num dari possit a superiore & quamdiu data valeat, 921

Extensio membrorum qualis sit poena, 615

Exteros aliquo scientiarum genere excellentes num præmiis decorare debeat superior, 1026

Extraneus num in civitatem recipiendus, 409. *qua* lege recipiendus, 410

F.

Factum non imputabile num puniri possit, 670. 671

Felicitatem populi quomodo spectare debeat Rector civitatis, 1010

Fidelcommissum num tolli possit, 798

Filia fratris natu maximi num præferatur fratri Regis natu minori in regno, 327

(*Wolffii Jur. Nat. Pars VIII.*)

Filia ultimi Regis, vel ex ea descendentes num succedere possint, si successio linealis fuerit agnatica, 531

Filius num a Rege exheredari possit, 362

Filius defuncti fratris num patruo Regis in regno præferatur, 373

Filius ex fratre priori num in regno præferatur fratri posteriori, 372

Filius in fortuna regia natus num in successione præferatur ei, qui in regia natus, 369

Fiscus. Definitio, 590. quid contineat, 590

Fiscus collegii, aut universitatis particularis. Definitio, 591

Fisci utilitates promittentibus num facilem aurem præbere debeat Rector civitatis, 1036

Fœmina num sint imperii capaces, 281. 282. num in regno patrimoniali succedant, 302. 303

Fœminarum regressus ad successionem in regno deficientibus masculis, 344

Fœminarum renunciatio in regnis successoriis quando inutilis, 343

Fœminarum successio in regno hæreditario, 327. quando fœmina mari præferenda, 329. 330

Forma Reip. omnis quando apta sit ad finem civitatis consequendum, 150

quando nulla sit apta, 151. an variet speciem imperii, 152. *quantum*

juris

Index verborum & rerum precipuarum.

juris in qualibet superiori in subdi-
tos competat, 153. quænam in qua-
libet imperans facere teneatur, 154
Fraus non toleranda in Rep. 537
Furor num a poena excuset, 671
Fugitatio qualis sit poena, 612
Furti poena capitalis num sit licita, 840

G.

Gens. Definitio, 5
Gravitas delicti unde æstimanda, 625

H.

Habiles ad officium publicum quænam
sint, 889. quod providendum, ne
defiant, 1018

Habilitas personarum in officio publico
constitutarum Rectori civitatis cog-
nita esse debet, 1039

Heredes num puniri possint ob facta
defuncti, 665. num puniantur con-
fiscatis bonis, 594

Heres regni num teneatur solvere de-
bita privata antecessoris, 337

*Historia rei rusticae, artium & officio-
rum* a societate scientiarum conscri-
benda, 450

Homicidii poena capitalis num sit lic-
ta, 840

*Honor eorum, qui de Rep. bene me-
rentur,* 761. quomodo determi-
nandus, 762

Honores in significatu Juris Romani,
930

I.

Ignis supplicium qualis sit poena, 608
Ignominia eorum, qui ad dignitates

civiles evecti, 769. quomodo pu-
niendi eam afferentes, 770

Ignorantia invincibilis num tollat poe-
nam, 671

Imagines num in templis tolerandæ,
486. quales in templo collocatæ sint
res, 519. 487

Imperans quænam facere debeat in qua-
libet Reip. forma, 154. cur & quan-
do resistere ei non liceat, 1042.
quando ex pacto resistere liceat, 1061
si contra leges fundamentales jus fi-
bi arroget, 388

Imperium civile, sive publicum. Defi-
nitio, 32. cui originarie competat,
33. jus populi in eodem, 34. quale
sit in populo, 57. in quonam consi-
stat, 60. an sit jus indivisum, 61. num
sit divisibile, 63. quomodo dividi
possit, 64. num includat dominium
fundorum & rerum civium, 103
num infeudari possit, 98. quomo-
do exerceri debeat, 809. quando ad
populum redeat in regno electivo,
314. quænam sint limites, 35

Imperii divisio in partes potentiales quid
sit, 63. an sit possibilis, 63. an ita
divisum summum maneat pro qua-
libet parte divisa, 65

Imperii divisio in partes subjectivas quid
sit, 231. ejus effectus, 232. an ea
presumatur, 233. an dividi ita pos-
sit in democratia, 234. num presu-
matur in regno patrimoniali perfecte
tali, 295

Impe-

Index verborum & rerum precipuarum.

Imperium habendi modus qualis in populo, 93. quot modis variari possit, 97. quando sit in patrimonio, 40. quando in usufructu, 40

Imperii limitatio quomodo fiat 74

Imperii partes potentiales. Definitio, 63

Imperium Reſtoris civitatis quale sit, 90 quale sit, si in ipsum translatum, prout in populo est, 91. quinam id plene habeat, quinam minus plene, 92

Imperii translatio quot modis fieri possit, 38. quonam modo fieri debeat, 87. quinam modus transferendi legi naturæ proberetur, 87. quæ lege omne translatum intelligatur, 88. 89. num transferri possit ea lege, ut recte imperanti sit parendum, male imperanti possit resisti, 82. num translationi omni insit tacita clausula, ut male imperanti resisti possit, 83. num a populo translatum sit divisibile in partes subjectivas, 235. 236

Imperio abdicato quantum liceat in Rectorem civitatis, 1055

Imperium absolutum. Definitio, 66 num minus plene haberi possit, 95

Imperium eminens. Definitio, 116. ad quænam jura pertineat, 960

Imperium herile. Definitio, 266. quomodo oriatur, 266. quomodo exerceatur, 266. in quam formam Reip. locum habeat, 267. an monarchæ competat, 268. an optimatibus, 268 an a populo in aliquem transferri

possit, 269. qua religione exercendum, 275

Imperium infeudatum quale esse possit, 100. quando infeudatione derogetur summmitati, 101

Imperium limitatum. Definitio, 66 num summum esse possit, 73. num a populo in absolutum mutari, 76 an plene haberi possit, 95. quænam tacita ei insit exceptio, 120

Imperium minus plenum. Definitio, 62. in quo consistat, 63. an absolutum esse possit, 67. an limitatum, 67. an plene haberi, 95

Imperium per fideicommissum delatum quale esse possit, 102

Imperium patrimoniale quando ad populum redeat, 304. quid juris tum sit populo, 305

Imperium plenum. Definitio, 62. in quo consistat, 63. num minus plene haberi possit, 95

Imperium precarium. Definitio, 69 an sit revocabile, 69. quale esse possit, 72

Imperium summum. Definitio, 44. an, si dividatur, pro qualibet parte divisa tale esse possit, 65. num minus plene haberi possit, 95. an sit resistibile, 1041. quodnam sit ejus subjectum ante electionem novorum optimatum in aristocratiæ electivæ temporaria, 240

Imperium temporarium. Definitio, 999 99 2 69

Index verborum & rerum præcipuarum.

- 69.** quando ad populum redeat, **69**
 quale esse possit, **70**
Imperium voluntarium. Definitio, **297**
Incarceratio num fieri debeat absque
 iudiciis sufficientibus, **694.** quando
 locum non habeat, **695.** quando
 habeat, **696.** an salvo conductu non-
 dum finito locum habeat, **704**
Incendiorum cura superiori incumbens,
724
Incola. Definitio, **8.** num sint mem-
 bra civitatis, **8.** de quibusnam insti-
 tuendi, **426.** num jus discedendi
 ipsis adimi possit, **415**
Inculpatus. Definitio, **698.** an & quo-
 modo salvus conductus fit conce-
 dendus, **699**
Indigenæ. Definitio, **411**
Infeudatio imperii quando deroget
 summitati, **101**
Injuria quando puniendæ, **573.** a quo-
 nam puniri debeat, **559.** quando
 fiat universitati in civitate, **577.** quod
 ea lædatur Resp. **578.** quomodo
 lædens puniendus, **579.** si partim
 reparari possit, partim nequeat, quid
 fieri debeat, **575**
Injuriæ reparatio. Definitio, **571.** ejus
 effectus, **572.** quomodo fiat, **574**
Injurie verbales & reales num puniri
 debeant, **651**
Injustitia eliminanda e Rep. **533.** ci-
 vium de ea querelæ tollendæ, **1033**
Interdictio aditus in certum locum qua-
 lis sit poena, **599**
Interdictio exitus ex certo loco qualis
 sit poena, **600**
Interpretatio authentica. Definitio,
828. ejus autoritas, **828**
Interpretatio doctrinalis. Definitio,
829. quando locum habeat, **829**
 quantum valeat, **830**
Interpretatio usualis. Definitio, **831**
Interregnum. Definitio, **316.** penes
 quem sit imperium in interregno,
316
Invasor imperii. Definitio, **1073**
 quodnam jus populo in eum com-
 petat, **1074.** **1075.** an interfici pos-
 sit a privato, **1075.** quando in eum
 nihil machinari licet, **1076**
Invitum imperium. Definitio, **297**
Irrigionarii quomodo **sepeliendi**, **713**
Judex. Definitio, **538.** ejus officium,
538. 540. quomodo causam cognos-
 cat, **542**
Judices in civitate constituendi, **539**
 quales esse debeant, **541.** num sint
 magistratus, **566.** eorum ministre-
 rium, **567**
*Judex inter Rectorem civitatis & po-
 pulum* num detrahat summitati im-
 perii, **129**
Judicium quando momentanee cesset,
563. quando jure, **563.** quando
 facto, **563**
Judicium monarchicæ num pro judicio
 populi habendum, **159**
Judicium optimatum quando pro ju-
 dicio populi habendum, **159**
Fin

Index verborum & rerum præcipuarum.

- Jus eorum*, per quos civitatem regit superior, 961. ejus dependentia a jure superioris, 962. dependentiæ hujus consequens, 964
- Jus abolendi* quale sit jus, 847. cuiam competat, 847
- Jus abrogandi leges* cuiam competat, 818
- Jus ad officium publicum* cuiam & quale competat, 895. 896
- Jus affirmativum.* Definitio, 851
- Jus aggratiandi.* Definitio, 843. quale sit jus, 843. an sub jure dispensandi contineatur, 844. quibus limitibus contineatur, 845
- Jus belli* ad quænam jura pertineat in Rep. 943
- Jus civitatis.* Definitio, 412. num recuperetur redditu, 417
- Jus civitati competens* in educationem liberorum, 430. in eos, qui ab ea discesserunt, 419
- Jus collectandi* cuiam competat, 936
- Jus comitiõrum.* Definitio, 182. quænam id habeant, 182. si qui habet non convocetur, 183. 184
- Jus compellendi eum*, qui jus convocandi ad comitia habet, ut populum convocat, 179. 180
- Jus conferendi dignitates civiles* cuiam competat, 942
- Jus conjugum, liberorum & patrumfamilias* quantum in civitate restringatur, 49
- Jus convocandi populum ad comitia*, 178. 179
- Jus decidendi controversiam de successione in regno* num Regi, vel populo competat, 378. num populus id sibi reservare, num in Regem transferre possit, 380
- Jus discedendi* num civibus adimi possit, 415. num incolis, 415
- Jus directõris comitiõrum*, 187
- Jus dispensandi* cuiam competat, 824 intra quos limites contineatur, 826
- Jus disponendi de elemosynis* cuiam competat, 937
- Jus ecclesiæ* in rebus sacris & ecclesiasticis, 509
- Jus eligendi Regem* quomodo differat, 306. num locum habeat in regno patrimoniali, 283
- Jus eminens imperantis.* Definitio, 116. quando ei sit locus, 116. quale sit jus, 117. unde oriatur, 118 qua æquitate exercendum, 119
- Jus gladii.* Definitio, 834. unde nascatur, 835. num superiori competat, 834. quid Rector civitatis in ejus usu intendat, 837. 838. quod abusus vitandus, 839
- Jus indigenatur.* Definitio, 412. quando conferatur peregrino, 412
- Jus in actus Rectoris civitatis exceptos* quomodo reservetur, 121
- Jus in regno legitimo a Rege remissum* num vindicari possit a successore, 392
- Jus imperantis in Rep. mixta* unde metiendum, 387
- Q99 99 3

Jus

Index verborum & rerum præcipuarum.

- Jus interpretandi leges* cuinam competat, [819](#)
- Jura majestatica.* Definitio, [207.](#) quænam sint, [810.](#) quam late pateant, [811.](#) eorum inviolabilitas, [1063.](#) [1064.](#) quod Reſtori civitatis perſpecta eſſe debeant, [1014.](#) item conſiliariis, [1015](#)
- Jus magiſtratus competens*, ſi ſuperior male imperet, [1052](#)
- Jus monarchæ* in imperio exercendo, [255.](#) [256](#)
- Jus monetandi* ad quænam jura pertineat, [938.](#) num promiſcue concedi poſſit in civitate, [807.](#) quomodo verſetur circa valorem intrinſecum monetæ, [940](#)
- Jus negativum.* Definitio, [851.](#) num detur juſ negativum naturale, [852](#)
- Jus officia publica conferendi* cuinam competat, [886.](#) quot modis exerceri poſſit, [887](#)
- Jus onera imponendi & exigendi* cui nam competat, [925](#)
- Jus oppignorandi* an ſit cum jure alienandi conjunctum, [515](#)
- Jus optimatum* in ariſtocratiâ perfectè tali, [224.](#) in imperfectè tali, [225.](#) in ariſtocratiâ herili, [265.](#) quinam ſint ejus juris capaces, [220.](#) num foemina, pueri, mente capti, exteri, [237](#)
- Jus optimatum prædio inherens* num ab eo ſeparari poſſit, [227.](#) ad quem pertineat, uſufructu in prædio conſtituto, [228.](#) ſi iſ minus plenus ſit, [229.](#) num foeminis, pueris, mente captis & exteris competat, [237](#)
- Jus optimatum temporarium*, [241](#) quænam ab hiſ ſtatuta valeant ultra tempus regiminis, [242.](#) quando finiatur, [238.](#) [239](#)
- Jus pactiones faciendi cum gentibus aliis* ad quænam jura pertineat, [944](#)
- Jus parentum* in juſ liberorum ſuccedendi in regno, [365](#)
- Jus partis majoris* in democratiâ, [196](#) [197.](#) [203](#)
- Jus partis minoris* in majorem in democratiâ, deficientè unanimi, quod requiritur, conſenſu, [204](#)
- Jus populi* in Regem, qui in juſ populi involat, [338.](#) [1047.](#) in tyrannum, [1060.](#) in leges fundamentales electionis optimatum in ariſtocratiâ electivâ, [216.](#) in regno electivo, Rege mortuo, [315.](#) in patrimoniali, ſi imperium ad ipſum redeat, [305](#)
- Jus privilegia concedendi* cui competat, [855.](#) quale ſit juſ, [855](#)
- Jus privilegiarii* unde metiendum, [859](#)
- Jus puniendi* quantum ſit in civitate, [636.](#) num competat ſuperiori in eum, qui Remp. lædit, [579.](#) num ſit juſ majestaticum, [832](#)
- Jus Reſtoris civitatis* unde metiendum, [43](#)
- Jus Regis* in regno herili, [264](#)
- Jus regis electi* ad quantum tempus extendatur, [312.](#) quando ultra tempus

Index verborum & rerum præcipuarum.

pus regiminis valeant ab eo constituta, [313](#)
Jus representationis num valeat in regno hæreditario, [331](#). quomodo isto jure in eodem succedatur, [332](#)
 num locum habeat in successione lineali, [349](#)
Jus sacrorum, seu circa sacra. Definitio, 945. an Reptori civitatis competat, 946. quando naturaliter restringatur, 948. quænam imperare nequeat, qui id exercet, 949. quomodo vi ejusdem disponi possit de iis, quæ ad cultum divinum externum spectant, 951. penes quemnam sit in statu naturali, 953 an necessario dependeat ab imperio civili, 954. an cum eo conjungi possit, [955](#). an lege fundamentalis restringi, 956
Jus circa sacra eorum, quorum religio toleratur, [958](#)
Jus succedendi in regnum quomodo acquiratur, [364](#). unde successor habeat in successione lineali, [348](#)
Jus successoris in regno electivo num mutari possit, [389](#)
Jus successoris in regno legitimo num mutari possit, [389](#). [390](#). an Rex præsens de jure suo remittendo noceat successoris, [391](#)
Jus senatus quoad comitia in democratica, [191](#)
Jus superioris in subditos quale sit in qualibet Reip. forma, [153](#)

Jus suum in Rep. cuique tribuendum, [535](#)
Jus vita ac nece. Definitio, 834. unde ea innotescant, quæ ad idem pertinent, [836](#)
Jus universorum in civitate in singulos, [29](#). unde metiendum, [30](#). quale sit, [31](#)
Justitia florere debet in Rep. [536](#)
Justitiæ amor in Rectore civitatis requisitus, [1034](#)

K.

Kopffstücker, [926](#)

L.

Labor subditorum num curæ esse debeat Reptori civitatis, [422](#). qualis esse debeat, [423](#). quod supeditandus iis, qui laborare possunt, [726](#). quod nimius sit arcendus, [720](#)
Laboris pretium in Rep. determinandum, [424](#)
Lasio in Rep. non toleranda, [534](#). ejus quantitas lege civili determinanda, ob quam auxilium judicis præstandum, [988](#)
Lasionis exigua causa litigare in foro non licet, [987](#)
Leges quinam abrogare possit, [818](#)
 quinam interpretari, [819](#)
Leges improprie sic dicte quænam sint, [587](#)
Leges, quas sibi ipse præscribit Rector civitatis, num sint fundamentales, [79](#)
 num eas observare teneatur, [29](#)
 an

Index verborum & rerum præcipuarum.

- an per eas imperium absolutum fiat limitatum, [80](#)
- Leges civiles.* Definitio, [965](#). quales sint, [965](#). quid proprie sint, [969](#). quosnam obligent, [967](#). quamprimum quis obligetur eas observare, [1086](#). num naturalibus contrariæ esse possint, [973](#). quales fieri nequeant, [974](#). [975](#). quomodo fiant ex lege naturali permissiva & officii humanitatis, [977](#). quomodo de iis, quæ non uno modo fieri possunt, [978](#). quomodo ex lege prohibitiua naturali, [979](#). quomodo ex præceptiua, [980](#). quomodo quoad actus naturaliter non validos, [981](#). quomodo efficiantur concordēs, [989](#). [990](#). quando abrogandæ, [989](#). [990](#)
- Leges civili* quomodo mutare liceat determinationes lege naturali contentas, [986](#). num adimi possit, quod ex alia lege quis sperare poterat, [994](#)
- Legum civilium emendatio* si ob errorem in Jure naturæ factæ, [993](#)
- Legum civilium theoria.* Definitio, [966](#)
- Leges fundamentales.* Definitio, [77](#). num populi consensu tolli ac mutari possint, [75](#). [77](#). quinam earum sit effectus, [77](#). num tales sint, si populus quædam Reſtori civitatis præscribit per modum officii, [81](#) num talis sit, qua ad quosdam actus Reſtoris civitatis requiritur aliorum consensus, [78](#). num subsint potestati legislatoriæ, [815](#). an a superiori re condi possint, [816](#). an superior eas interpretari possit, [820](#). an populus, [821](#). quomodo earum interpretatio fieri debeat, [822](#). quod Reſtori civitatis perspectæ esse debeant, [1016](#). item consiliariis, [1017](#)
- contra *Legem naturæ* num superior dispensare possit, [825](#). num contra divinam, [825](#)
- Legis naturæ observantia* in Rep. promovenda, [395](#). quomodo promovenda, [396](#). [397](#)
- Legi naturali addendorum, vel subtrahendorum, ut civilis efficiatur, ratio* unde desumenda, [991](#)
- Leges peregrinæ* quæ cautione recipiendæ, [970](#). unde vim suam acquirant, [968](#)
- Legis permissivæ effectus*, [976](#). si quod permittitur naturaliter illicitum, [584](#)
- Legi præceptivæ* quando poenam adjici opus non est, [586](#)
- Lex suprema civitatis* quænam sit, [86](#)
- Libellorum famosorum auctores & vulgatores* quomodo puniendi, [772](#). [773](#)
- Liberi* quænam discere debeant in Rep. [431](#). num puniri possint ob facta parentum, [665](#). quantum eorum jus restringatur in civitate, [49](#). num post discessum parentum a civitate nati sint peregrini, [418](#). num eorum institutio sit curæ publicæ in Rep. [429](#). quinam succedere nequeant in regno hæreditario, [341](#)

Index verborum & rerum præcipuarum.

Liberi pauperes absque parentum sum-
tu instituendi, [743](#)
Liberi perduellum an puniendi, [1069](#)
Libertas in imperando quid *importet*, [46](#)
Libertas civilis populi. Definitio, [145](#)
qualis sit in democratia, [146](#). an
detur in monarchia & aristocratia,
[147](#). quando populus eidem renun-
ciat, [148](#). quomodo eidem prospici-
atur in Rep. mixta, [149](#)
Libertas civitatis naturalis, [50](#). ejus ef-
fectus, [52](#)
Libertas philosophandi in Rep. tuenda,
[1025](#). num societati scientiarum
concedenda, [447](#)
Libertatis naturalis renunciatio in de-
mocratia, [195](#)
Libertas populi naturalis, [55](#)
Libertas singulorum quantum in civita-
te restringatur, [47](#)
Libertas societatum minorum quantum
in civitate restringatur, [48](#)
Librorum censesores. Definitio, [477](#). in
Rep. instituendi, [477](#)
*Librorum quorumnam impressio & ven-
ditio* in Rep. prohibenda, [476](#)
Licentia philosophandi non toleranda,
[1025](#)
Lignorum copia quod curæ esse debeat
superiori, [728](#)
Lignorum parsimonia præcipienda, [730](#)
Lignorum pretium resandum non fe-
rendum, [729](#)
Lis in foro quando finiat, [545](#)
Lites in foro exitum habere debent,
(*Wolffii Jur. Nat. Pars VIII.*)

[983](#). non protrahendæ, [985](#). ne
ex libris oriantur, cavendum, [984](#)
Lotaria num sint permittendæ, [715](#)
Lucrum nimium ex ludis ut quis capiat,
num sit permittendum, [734](#)
Ludi quinam prohibendi, [753](#)
Lues pecorum tempestive curanda, [719](#)
Luxores. Definitio, [756](#). an eorum
vitæ genus sit honestum, [756](#). an
sint tolerandi in Rep. [757](#)
Luxus. Definitio, [731](#). an sit damno-
sus, [732](#). an tolerandus, [733](#)

M.

Majestas. Definitio, [206](#). cuiusnam
sit in democratia, [208](#). cui compe-
tat in aristocratia, [246](#). [248](#). cui in
aristocratia temporaria, [247](#)
Magistratus. Definitio, [162](#). cujus
nomine jus suum exercent, [162](#)
an superiori rationem reddere te-
neantur & ab eo coerceri possint, [162](#)
*Magistratus legum fundamentalium cu-
stodes* in democratia, [193](#). eorum
jus in actus senatorum & magistra-
tuum ceterorum, [200](#)
Magistratus tutelaris. Definitio, [760](#)
ejus officium, [760](#)
Malescium. Definitio, [580](#). quale sit
eorum, qui sine permisso Principis
monetam cudunt, [939](#)
Malitia num in puniendo attendenda,
[632](#)
Malitiosissimi quinam sint, [633](#). quo-
modo puniendi, [634](#)
R r r r r
Malum

Index verborum & rerum precipua ꝑ m.

- Malum morale* an in se tale sit, ut puniri debeat, [542](#)
Malum poena an æquale esse debeat malo culpæ, [641](#)
Medicamentorum apparatus num curæ esse debeat superiori, [717](#)
Medicina perfectio num curæ esse debeat superiori, [717](#)
Medicorum necessitas in Rep. [717](#)
Melancholia num a poena excuset, [671](#)
Membra ecclesie. Definitio, [484](#)
Membrorum extensio qualis sit poenæ, [615](#)
Membrorum mutilatio qualis sit poenæ, [614](#)
Mendicandi libido promiscua num toleranda in Rep. [745](#)
Mendicationis illicita poenæ, [746.](#) num ea sit permittenda, [735](#)
Mendicorum cura num pertineat ad superiorem, [734](#)
Merita præclara in Remp. vel Rectorem civitatis num præmiis condecoranda, [659.](#) quomodo quis ad ea obligari possit, [771](#)
Mitigatio poenæ num & quando licita, [658.](#) [660.](#) & seqq. num pertineat ad jura majestatica, [842](#)
Modus habendi imperium qualis sit in populo, [93.](#) quor modis variari possit, [97.](#) quinam fideicommisso similibus, [99](#)
Monarcha. Definitio, [133.](#) num populum repræsentet, [160.](#) ejus jus in imperio exercendo, [255.](#) [256.](#) quale sit imperium ejus, [134.](#) quinam
 modus habendi imperium, [134](#)
Monarcha temporario num majestas competat, [258](#)
Monarchia. Definitio, [133.](#) quantum sit in ea jus, [133.](#) quid in ea pro voluntate populi habendum, [158](#)
Moneta cura ad superiorem pertinens, [801.](#) & seqq. ejus bonitas intrinseca quomodo determinanda, [803.](#) [804](#)
Monetam nullius valoris intrinseci quando cudere liceat, [941](#)
Moneta probe exportatio & utilioris invellio in Rep. non ferenda, [808](#)
Moneta adulterator. Definitio, [805](#) num puniendus, [806](#)
Monopolium. Definitio, [874.](#) an concessio sit privilegium, [874.](#) quando nam concedi possit, [875.](#) an in se sit illicitum, [876.](#) an alienari possit, [879](#)
Morbi contagiosi avvertendi & ne grassentur impediendum, [718](#)
Mores eruditiorum aliorum fame detrahentium in Rep. non ferendi, [1021](#)
 1022
Multa. Definitio, [599](#)
Mulieris prægnantis poena capitalis num sit differenda, [666](#)
Munera an accipere liceat officiorum publicorum collatoribus, [893](#)
Munera publica. Definitio, [930.](#) eorum effectus, [931.](#) caute imponenda, [932](#)
Mutilatio membrorum qualis sit poenæ, [614](#)

Index verborum & rerum præcipuarum.

N.

Negotia in civitate exitum habere debent, 983

Negotia publica. Definitio, 169. obiectum, 170. ad quosnam eorum cura pertineat in democratia, 171. 172. quomodo decernenda, 157. quomodo populus ea per se agat, 173. 174. cur omnia per se agere nequeat, 175

Nepos ex filio num in regno præferatur filiz, 374

Nepos ex filio priori num in regno præferendus filio posteriori, 370. 371

Nepos minor ex filio num præferatur in regno nepoti majori ex filia, 375

Neptis ex filio primogenito num præferatur in regno filio Regis, 376

Norma eorum, quæ in democratia constituenda, 194

Nosocomia. Definitio, 740. an in Rep. instituenda, 740

Numelle qualis sint poena, 620

O.

Obedientia subditorum qualis esse debeat, 1043

Obedire num liceat, si superior legibus fundamentalibus adversa faciat, 1046

Obligandi modus ad præclara in Remp. merita, 771

Obligatio ob ea, quæ vi actus consequuntur, 628

Obligatio crimen læsæ majestatis non committendi unde veniat &c? vim suam accipiat, 1070

Obligationsi naturali satisfaciendi modus quando a superiore determinatur, 982

Odisse Rectorem civitatis non licet, 1082

Oeconomia ruralis florere debet in Rep. 1032. ejus scientia a societate scientiarum excolenda, 449. 450

Officium generale Rectoris civitatis, 295

Officia humanitatis Rectori civitatis a subditis debita, 1078. num subditis debeantur a Rectore civitatis, 273

Officia erga Deum, seipsum & alios civibus ac incolis instillanda, 426

Officium publicum. Definitio, 884

quinam eo fungatur, 884. quamdiu quis fungi debeat, 899. num abdicare id liceat, 918. 920. ad obeundum num quis cogi possit, 923

Officii publici collatio quomodo perficiatur, 900. quodnam ex pacto, quo perficitur, nascatur jus, quænam obligatio, 901. si confirmationi subiecta, 888

Officia publica quot modis conferri possint, 887. quinam ea conferre possit, 886. num superior conferre possit per alios, 887. quibusnam sint conferenda, 890. an pro collatione certum pretium exigere liceat, 891. an munera accipere liceat conferenti, 892. num uni plura conferre liceat, 721. 924

Olla fortune num toleranda, 755

Onera Resip. Definitio, 774. quinam ferre debeant, 775. quomodo susten-

Rrr rr 2

Index verborum & rerum præcipuarum.

- stentanda, 776. quomodo distribuenda, 777. quomodo determinanda, 778
- Onera ordinaria.* Definitio, 779
- Onera extraordinaria.* Definitio, 779 quando imponenda, 780
- Opera mechanica* quænam in Rep. caute instituenda, 1031
- Operarum diurnarum* duratio definienda, 721
- Opes subditorum* augendæ, 1027. 1028
- Opifices* ut labore suo rite fungantur, in Rep. curandum, 454. 455
- Opificiorum scientia* a societate scientiarum excolenda, 449. 450
- Opinionum religioni & bonis moribus adversarum* disseminatio num permittenda, 475
- Optimates.* Definitio, 135. quonam modo imperium habeant & quale, 136. num populum repræsentent, 160. quando valide murent formam Reip. 253. quando negotia publica in comitiis agere teneantur, 245
- Optimatum electio in aristocratia electiva.* Definitio, 215. quodnam populo in eligendo jus competat, 216 quando electio nulla, 217
- Optimatum numerus* in aristocratia unde pendeat, 209
- Optimates temporarii* num abdicari possint, 254
- Orphanotrophia.* Definitio, 742. an in Rep. instituenda, 742
- P.
- Pacta generalia officium boni Principis exprimentia* qualem habeant effectum, 126. an summitati impetii detrahant, idemque limitent, 127 an sint leges fundamentales, 128
- Parentes* num puniri possint ob facta liberorum, 665. quando puniantur in liberis, 667. quando puniri in liberis debeant, 668. quomodo ipsis beneficium reddatur in liberis, 659
- Pars minor* an reniti possit majori in democratia, 196. 197
- Partes potentiales dominii.* Definitio, 96
- Partes potentiales impetii.* Definitio, 63
- Partes subjæctivæ impetii.* Definitio, 230
- Patrumfamilias jus* quantum in civitate restringatur, 49
- Pauperum cura* num pertineat ad superiorem, 734
- Paupertas civium* declinanda, 726
- Pecunia usus opificibus* pro levibus usuris comparandus, 750
- Peinliche Frage,* 677
- Peregrinus.* Definitio, 7. num peregrini sint liberi post discessum parentum a civitate nati, 416
- Perfidia* in ciimine læsæ majestatis contenta, 1072
- Permissio eorum, quæ contra legem naturæ, aut divinam sunt,* quid importet, 827
- Personarum respectus* quatenus in puniendo licitus, 635
- Pessis* avertenda & ne grassetur impediendum, 718
- Pietas* in Rectore civitatis requiritur, 1006
- Pietas*

Index verborum & rerum præcipuarum.

Pietas subditorum num coræ esse debeat Rectori civitatis, [457](#)

Pluralitas votorum num valeat in democratiâ, si in hoc malitia adversus aliquos appareat, 201. quando non valeat in democratiâ, [202](#)

Pœna quantæ legibus addendæ, [585](#) quænam jure majestatico determinantur, [833](#). num rigoroſe ſint exigendæ, [656](#). num executioni dari poſſint in cadavere, [705](#). num tollantur, ſi voluntas non eſſet libera, [714](#). quando facilius remittatur, [664](#)

Pœnis quinquam coërcendi in Rep. [647](#)

Pœna arbitraria, vel extraordinaria. Definitio, [623](#)

Pœna capitalis. Definitio, 601. quando ſit licita, [638](#). quando differenda, [706](#). & ſeqq. num confirmatione habeant opus, [841](#)

Pœna capitalis mulieris prægnantis num ſit differenda, [666](#)

Pœnarum capitalium augmenta quid & qualia ſint, [610](#)

Pœna carceris. Definitio, [598](#)

Pœna civiles. Definitio, [622](#). in quo conſiſtant, [588](#)

Pœna criminales. Definitio, [622](#)

Pœna exemplares publice exigendæ, [624](#)

Pœna corporis afflictiva. Definitio, [611](#). quando differenda, 706. & ſeqq.

Pœna graviores quando licitæ, [637](#)

Pœna infamæ. Definitio, [619](#)

Pœna infamæ. Definitio, [618](#)

Pœna injuſta, quæ interrogantur obedire nolentibus, ſi legi naturæ repugnantia imperantur, [1045](#)

Pœna legibus conſtituta num ſubditis notæ eſſe debeant, [662](#)

Pœna malum num culpæ malo æquale eſſe debeat, [641](#)

Pœnarum mitigatio & remiſſio ad quænam jura pertineat, [842](#)

Populus. Definitio, [5](#). quale ſit ens,

[190](#). quale habeat principium unionis, [492](#). quamdiu maneat idem

[495](#). num maneat idem mutatis ſedibus, [504](#). mutata Reip. forma, 505

mutata democratiâ in regnum, [506](#)

quando intereat, [497](#). & ſeqq. num

naturaliter liber ſit, [55](#). num ſemper habeat ſummitatem imperii, [59](#)

quomodo alteri ſubjiciatur, [56](#).

quando per deputatos in comitiis conveniat, [186](#). quomodo imperium transferre naturaliter obligetur,

[87](#). a quonam repræſentetur in monarchia & ariſtocratiâ, [160](#). quando

tacite conſentiat in mutationem Reip. ab optimatibus factam, [253](#).

num ſtare teneatur judicio monarchæ & optimatum, [159](#). quomodo

sibi reſervet jus in æctus Rectoris civitatis exceptos, [121](#). quid facere

debeat in caſu dubiæ ſucceſſionis, [384](#). num uni competitorum ad-

verſus alterum auxilia ferre poſſit, [385](#)

Populi conventio originaria de diviſione

Rrr rr 3 ne

Index verborum & rerum præcipuarum.

ne impenii in partes subjectivas, [233](#)
Populi jus in imperio, [34](#). jus de eo transferendo, [36](#). & seqq.
Potestas eminens. Definitio, [114](#). num Rectori civitatis competat, [114](#). unde oriatur, [118](#). num sub imperio contineatur, [114](#). an cum eodem transferatur, [115](#). qua æquitate excendenda, [119](#)
Potestas legislativa. Definitio, [812](#) cuinam competat. [813](#). [814](#)
Potum salubritas num curæ esse debeat superiori, [716](#)
Præcedentia num sit medium aptum ad honorem exhibendum, [764](#). num debeat esse venalis, [767](#)
Præceptores. Definitio, [432](#). quales constituendi, [436](#). cur, suum munere ut rite fungantur, curandum, [437](#)
Premia num debeantur meritis præclaris in Remp. vel Rectorem civitatis, [659](#)
Præses societatis scientiarum. Definitio, [442](#). qualis esse debeat, [443](#)
Pretium rerum & laboris in Rep. determinandum, [424](#)
Pretiositas rerum sacrarum quem habeat usum, [521](#). an conveniat juri naturæ, [522](#). quatenus attendenda in illarum alienatione, [523](#)
Principatus quid sit, [260](#)
Principis educatio quoad virtutem, [1005](#)
Principibus, qui sub populo sunt, quando resisti possit, [1054](#)
Principum uniois. Definitio, [491](#) usus ejus, [491](#)

Privatum quid sit, [23](#)
Privilegium. Definitio, [853](#). quid proprie sit, [854](#). quinam dare possit, [855](#) quem habeat effectum, [861](#). unde pendeat, [856](#). quor modis concedi possit, [857](#). cur dandum, [872](#). quando tollendum, [873](#). an in poenam auferri possit, [858](#). num in partem salarii imputari, [906](#). an alienari, [877](#). [878](#). si personæ & hæredibus detur, [866](#)
Privilegii interpretatio, [867](#). cuinam competat, [869](#)
Privilegium ad tempus datum num ante tempus mortuo privilegario pertineat ad hæredes, [880](#)
Privilegium certo ordini, vel collegio datum, [869](#). an sit revocabile, [870](#) an transeat ad hæredes, [871](#)
Privilegium familia. Definitio, [868](#) quando expiret, [868](#)
Privilegium personale. Definitio, [864](#) quale jus ex eo acquiratur, [864](#) quando expiret, [865](#)
Privilegiarius. Definitio, [853](#). unde jus ejus metiendum, [859](#). quale obtineat, [861](#)
Privilegiatus. Definitio, [853](#). num uti possit privilegio adversus æque privilegiatum, [862](#). quod superior eum tueri teneatur, [863](#)
Prodigis num dandus curator, [752](#)
Profanatio rerum sacrarum. Definitio, [482](#)
Professor. Definitio, [435](#). quales constituendi, [482](#)

Index verborum & rerum precipuarum.

- flituendi, [436](#). cur, ut munere suo
 rite fungantur, curandum, [437](#)
Proprietarius imperii civilis quinam
 sit, [41](#)
Profectio artium & scientiarum. Defi-
 nitio, 1023. num superiori compe-
 tat, [1024](#)
Provocatio ad superiorem contra senten-
 tiam judicis num permittenda, [547](#)
Prudentia in Rectore civitatis requisita,
[1007](#)
Prudentia civilis a societate scientia-
 rum excolenda, [451](#)
Ptochotropbia. Definitio, [738](#). an in
 Rep. instituenda, [738](#)
Publicum quid sit, [23](#)
Puniri quot modis homo possit, [589](#)
 num quis possit ante legem latam,
[663](#)
Pupillorum egenorum educatio num cu-
 rare esse debeat superiori, [741](#)
 2.
Questio quid dicatur in criminalibus,
[677](#)
Qualitates patientis quatenus in pu-
 niendo attendendæ, [635](#)
Quasi malefictum. Definitio, [580](#)
 R.
Rapina pona capitalis num sit licita,
[840](#)
Rektor civitatis. Definitio, [42](#). unde
 meriendum jus ejus, [43](#). obligatio
 in qualibet civitate, [84](#). officium ge-
 nerale, 995. quod bene regere de-
 beat Remp. [995](#). qualis esse debeat,
 996. quando imperium pleno jure
 habeat, [94](#). num sit dominus fun-
 dorum, vel rerum, quas habent ci-
 ves, [104](#). an de iis pro habitu dispo-
 nere possit, si habeat imperium ab-
 solutum & summum, [105](#). quando
 certo modo possit disporre de re-
 bus subditorum, [110](#). quando de
 persona eorum, [113](#). num consilio
 prudentum uti debeat in regimine,
 998. num discernere consilia sibi
 data, [1002](#). quatenus reneatur de
 eo, quod judices faciunt, [1035](#). quod
 omni virtute excellere debeat, [1003](#).
 virtutem amare, vitium odisse, [1004](#)
 populum suum amare, [276](#). [1009](#)
 num subditis præstare obligetur of-
 ficia humanitatis, [273](#). [274](#)
Rektor civitatis temporarius num mo-
 narcha esse possit, [257](#)
Reditus ex domaniis num sint in do-
 minio Rectoris civitatis, [788](#)
Refutatores alios traduentes & inf-
 amantes num puniendi, [650](#)
Regere Remp. quinam debeat, [881](#)
 882. quotuplici modo regatur, [883](#)
Regimen malum quodnam sit, [85](#)
Regimen rectum quodnam sit, [85](#)
Regimini capaces quinam sint in de-
 mocratia, [168](#)
Regnum. Definitio, [139](#). num mo-
 narchia sit regnum [139](#). an illud per
 testamentum relinqui possit, [298](#). an
 abdicari pro se & liberis suis, [366](#)
 num plures dentur species, [261](#). unde
 de

Index verborum & rerum precipuarum.

- de oriatur diversitas, [277](#). eo derelicto, quantum liceat in Regem, [1056](#). quantum si committatur ex feloniam, vel clausula commissoria, [1061](#)
- Regni copax* quinam sit, [333](#)
- Regni incapax* quinam sit, [333](#)
- Regni copacitas absoluta*. Definitio, [333](#)
- - *respectiva*. Definitio, [333](#)
- qualis ea sit, [334](#)
- Regnum asymmetricum*. Definitio, [259](#)
- an sit monarchia, [259](#)
- Regnum electivum*. Definitio, [278](#)
- quale sit, [319](#)
- Regnum hereditarium*. Definitio, [335](#)
- an sit pars hereditatis, [336](#). an in eo succedens hereditatem repudiare possit, [337](#). num in eo succedatur secundum jus naturæ, [340](#)
- Regnum herile*. Definitio, [264](#). num sit naturaliter licitum, [271](#). quando non injustum, [272](#). num in eo officia humanitatis debeantur subditis a Rege, [274](#)
- Regnum invitum*. Definitio, [297](#)
- Regnum Laconicum*. Definitio, [260](#)
- quinam in eo habeat summam imperii, [260](#)
- Regnum legitimum*. Definitio, [262](#). qualis sit forma Reip. [262](#). unde Regis jus in eo metiendum, [263](#)
- Regnum patrimoniale*. Definitio; [155](#)
- num a Rege in aliam formam mutari possit, [291](#). num in partes potentiales dividi, [291](#). num in subje-ctivas, [294](#). num liberi omnes æqualiter succedere debeant in partes subje-ctivas, [296](#). quid eo alienato liceat in Regem, [1057](#)
- Regnum patrimoniale imperfecte tale*. Definitio, [292](#). num immutari a Rege possit, [293](#). num in partes potentiales dividi, [293](#)
- Regnum patrimoniale perfecte tale*. Definitio, [292](#)
- Regnum successorium*. Definitio, [279](#)
- cur introductum, [224](#). num sit hæreditarium, [336](#)
- Regnum voluntarium*. Definitio, [297](#)
- Regnum usufructuarium*. Definitio, [155](#)
- ejus alienatio qualis sit actus, [1058](#)
- quando alienanti resisti possit, [1058](#)
- Regressus foeminarum* ad successionem in regno deficientibus masculis, [344](#)
- Relegatio*. Definitio, [595](#). ejus effectus, [595](#)
- Relegatio perpetua*. Definitio, [596](#)
- *temporaria*. Definitio, [596](#)
- Religio* num Reſtori civitatis curæ es-ſe debeat, [959](#)
- Religiones diverse* num in Rep. tolerandæ, [957](#)
- Religionis contemptus* num sit ferendus, [959](#)
- Remissio poenarum* num & quando licita, [658](#). [660](#). & seqq. num pertineat ad jura majestatica, [842](#). an ejus rationes publicandæ, [657](#)
- Remotio ab officio*. Definitio, [898](#)
- quando injusta, [913](#). quando justa, [915](#).

Index verborum & rerum precipuarum.

915. quando fiat in poenam, 916
Renunciatio foeminarum in regno successorio quando inutilis, 343. quando utilis, 345
Renunciatio libertatis naturalis in democratia, 195
Renunciatio pro liberis an noceat successioni eorum in regno, 368
Reparari quænam possint, 572
Rerum necessarium, utilium & voluptuarium copia num curæ Rectoris civitatis esse debeat, 420
Rerum pretium in Rep. determinandum, 424
Rerum sacrarum profanatio. Definitio, 482
Res ad cultum divinum privatum adhibite quales sint, 488
Res ecclesiastica, sive ecclesia. Definitio, 485. cuiusnam sint, 507. an semper maneant ecclesiæ, 508. cuiusnam sint ecclesia intereunte, 524 a quonam tum acquirantur, 525 quando eas acquirat Rector civitatis, 526. cuiusnam sint, mutata religione, 527. quando eas Rector civitatis ecclesiæ novæ relinquere debeat, 528 num ab ecclesia alienari possint, 530 531. num oppignorari, 536. quando oppignoratio alienationi præferenda, 537
Res industriales & artificiales num multiplicanda in Rep. 421
Res iudicata. Definitio, 553. effectus, 554
Res pecuaria promovenda, 1032
 (Wolff Jur. Nat. Pars VIII.)
Res pretiosa. Definitio, 520. quemnam habeant usum, 521
Res profana. Definitio, 482
Respublica. Definitio, 16
Reipublica constitutio. Definitio, 393 ejus principium, 394
Resp. mixta. Definitio, 138. unde oriatur, 138. quidnam in ea habeatur pro voluntate populi, 161
Res sacræ. Definitio, 481. quænam sint, 481. quando iisdem abutantur, 481 quomodo naturaliter consecrentur, 483. quomodo civiliter, 483. num pretiosæ esse debeant, 520. num pretiositas conveniat juri naturæ 522 num ab ecclesia alienari possint, 530 & seqq. num oppignorari, 536. quando oppignoratio alienationi præferenda, 537. quatenus pretiositas in alienatione attendenda, 523. cuiusnam sint, 507. an semper maneant ecclesiæ, 508. cuiusnam sint, ecclesia intereunte, 524. a quonam tum acquirantur, 525. quando eas acquirat Rector civitatis, 526. cuius sint, si religio mutetur, 527. quando eas ecclesiæ novæ relinquere debeat Rector civitatis, 528
Res sacræ ceremoniis inservientes quales sint res, 519
Res sacræ necessaria. Definitio, 518
Res sacræ utiles. Definitio, 519
Reverentia superiori debita, 1049
Reus criminis num incarcerationandus, 692 quomodo in carcere detinendus, 693
 Sss ss num

Index verborum & rerum præcipuarum.

- nium ad poenam capitalem absque defensione condemnandus, 675. qua cura detegendus, 692
- Rex.** Definitio, 139. quatenus tanquam privatus spectatur, 185. num de regno patri-
moniali disponere possit, 298. quando regnum amittat, 322. qualis sit persona, regno ex feloniam, vel clausula commissoria commissio, 1061. quantum in eum liceat, si in exitium populi hostili animo fertur, 1060
- Rex electus** quidnam promittere debeat, 318
num regnum abdicare possit, 320. an ipse a populo abdicari, 321. quando regnum amittat, 322
- Rota fortune** num toleranda, 755
- Rota supplicium** qualis sit poena, 606
- S.**
- Salaria.** Definitio, 905. quanta esse debeant, 907. 721. an diminui possint, 903. 904 quando augenda, 908 sine mora solvenda, 902
- Salus civitatis** in quo consistat, 17. quid ejus cura exigat, 10
- Salvus conductus.** Definitio, 700. quid operetur, 700. quando & quomodo concedendus, 699. 702. quamdiu duret, 701. quando finitur, 703
- Salvus conductus generalis.** Definitio, 700
- Salvus conductus specialis.** Definitio, 700
- Sanitas subditorum** num curæ esse debeat superiori, 715
- Sapientia** in Rectore civitatis requisita, 1007
- Scelera foeda** num puniri possint in Rep. 655
- Scelera**, quibus aliis leditur, num puniri possint, 654
- Scholæ.** Definitio, 433. num in Rep. constituendæ, 436. num superiori curæ esse debeant, 1019
- Scholæ inferiores.** Definitio, 434
- Scholæ pauperum.** Definitio, 744. an in Rep. instituendæ, 744. an cum orphanotrophis conjungendæ, 743
- Scholæ superiores.** Definitio, 434
- Scientiarum incrementa** in Rep. promovenda, 438
- Securitas Reip.** Definitio, 11
- Senatus.** Definitio, 188. an sit magistratus, 188. autoritas in democratia, 189. necessitas ejus in democratia, 190. *ius* quoad comitia, 191
- Senatus aristocratici** autoritas, 148
- Sententia definitiva.** Definitio, 543. quando a iudice ferenda, 543
- Sententia iudicis.** Definitio, 543
- Sententia se submittere** quānam dicatur, 543
quo effectu id fiat, 545. se submittere nō-
lens ad quid obligetur, 546
- Sepultura** num denegari possit facinorosis, 669
- Sepultura aucthorum** qualis licita, 712
- Sepultura inhonesta & affinia** qualis sit poena, 621
- Sinceritatis amor** Rectori civitatis conveniens, 1013
- Societatem civilem contrahentes** quatenus de religione convenire nequeant, 947. de quibusnam ad cultum divinum externum spectantibus convenire possint, 950
- Societates artium.** Definitio, 452. in Rep. instituendæ, 453
- Societas scientiarum.** Definitio, 439. ejus finis, 441. an in Rep. instituenda, 440. quod suas leges habere debeat, 444
- Societas necessaria**, ut consulatur indigentia singularum domuum, 3
- per Somnium facta** num imputari possint, 671
- Status civitatis** num superiori perpectus esse debeat, 1038
- Statuta.** Definitio, 435
- Statutorum societatis scientiarum** materia, 446. & seqq.
- Status popularis.** Definitio, 131. quod sit maxime naturalis, 132. quomodo negotia publica in eo definienda, 157. an mutetur, exercitio imperii aliis commissio, 164
- Stuer,** 226
- Stigma-**

Index verborum & rerum precipuarum.

- Stigmatum poena* qualis sit, 617
Strangulatio qualis sit poena, 605
Strupri violenti poena capitalis num sit licita, 840
- Subditus.* Definitio, 141. quinam sint in democratia, 142. in aristocratia, 143. in condominatu, 144. quales sint in regno herili, 270. quod amare debeant Rectorem civitatis, 1079. 1080. quod tuti praestandi ab injuria aliorum, 532
- Subditorum res* num sub sint juri Rectoris civitatis, 110
- Submersio* & *suffocatio in aquis* qualis sit poena, 607
- Subsidia* praestanda iis, 'qui ad Scientias & artes perficiendas apti sunt, 427
- Succedendi in regno modus* unde definiatur, 323
- Successionis in aristocratia successoria* lex unde pendeat, 218
- Successio in regno* ex testamento & in bonis privatis ab intestato quando fieri possit, 300
- Successio in regno* infeudato, 339
- Successio in regno* ex filiabus Regum natorum, 358
- Successioni in regno* num quis pro se & liberis renunciare possit, 367
- de Successione in regno* quid praesumendum in casu dubio, 325
- Succesio ab intestato in regno* patrimoniali, 301
- Succesio Castiliana.* Definitio, 352. qualis ea sit, 354
- Succesio hereditaria in regno.* Definitio, 320 quomodo succedatur, 326. 328. num fiat secundum jus naturae, 340. num mutetur, mutata successione ab intestato, 338. quinam liberi ab ea excludantur, 341. 343
- Succesio linealis.* Definitio, 346. an praestet aliis modis succedendi in regnis successoriis, 347. cur in ea mortui babeantur pro vivis, 346. quomodo regnum transmittatur, 347 quomodo jus ad regnum, 348
- Succesio linealis agnatica.* Definitio, 350
- Succesio linealis cognatica.* Definitio, 352
- quotuplex, 352. quomodo substituatur in locum agnaticae, 356
- Succesio linealis cognatica primi generis.* Definitio, 352. qualis sit, 353. exemplis declaratur, 355
- Succesio linealis cognatica secundi generis.* Definitio, 352. qualis sit, 354. exemplis declaratur, 325
- Succesio Malabarica* in regno. Definitio, 358
- Succesio secundum gradus familiae* in regno, 357
- Successiones singulares* in regno, 359. 360. 362
- Sufficiencia visa.* Definitio, 10. num pertineat ad finem civitatis, 13
- Summitas imperii* in quo consistat, 44. ejus effectus, 45. non confundenda cum potestate arbitraria, 1011. 1012. quomodo de ea disponere possit populus, 58. an semper sit penes populum, 59. num partibus divisim adherere possit, 65. quando derogetur ei in infeudatione, 101. quod ejus usurpatio in democratia praecavenda, 192
- Summus* ad sustentandam regiam familiam & obtinendum dignitatis regiae splendorem necessarii, 734. 735
- Superior.* Definitio, 141. per quam civitatem regat, 885. *quinam* sit in democratia, 142. in aristocratia, 143. in condominatu, 144. cur magnificendus, 1048. quando ei non obediendum, 1044
- Supplicare* quid sit, 1050. num subditis semper liceat, superiore nimis dura, vel iniqua imperante, 1051
- Supplicatio.* Definitio, 551. an sit permittenda, 551. an tollat appellationem, 552
- Supplicium ignis* qualis sit poena, 608
- Supplicium ultimum.* Definitio, 601
- Suspensum* qualis sit poena, 603
- Suspensio ab officio.* Definitio, 898. num in poenam fieri possit, 917
- T.
- Tacite permessa* in Rep. 583
- Taffel.* 883

Index verborum & rerum præcipuarum.


Taffelgütter,	786	V.
Talis. Definitio, 639. an fit juris naturalis,	640	Velligal. Definitio, 929. effectus, 931. quo-
Templa. Definitio, 461. in Rep. condenda, 462		modo impendendum,
eorum figura, 465. quales fint res,	518	934
Territio. Definitio, 678. unde dependeat ejus		Vermögenliener,
effectus,	682	916
Territio nuda, five <i>verbalis</i> in quo confiftat, 678		Venustas ædificiorum publicorum,
Territio realis in quo confiftat,	678	725
Territorium. Definitio, 166. in alieno com-		Viarum publicarum commoditas procuranda,
morantes vel bona poffidentes quatenus fub-		722
fiut juri domini territorii,	167	Vicarii imperii. Definitio, 317. unde jus
Testamentum Regis privatum. Definitio, 299		æftimandum,
Testamentum Regis regium. Definitio, 299		317
Testis quando incarcerari poffit,	697	Virtus fubditorum num curæ effe debeat Re-
Theoria legum civilium. Definitio,	966	tori civitatis,
Timocratia. Definitio,	137	456
Tituli. Definitio, 763. num debeant effe ve-		Vita generis, cui deftinandi fubditi, quinam
nales, 767. num fint modi apti ad hono-		determinare debeant,
rem bene de Rep. merentibus exhibendum,	764	428
Tortura. Definitio, 677. finis, 678. in quo		Vita fufficientia. Definitio, 10. num perti-
confiftat, 680. an fit apta ad eruendam ve-		neat ad finem civitatis,
ritatem, 681. quando non adhibenda, 683		13
684. quando naturaliter illicita, 685. 686		Vitia foeda num prohiberi & puniri poffint
quando injufta, 687. quando licita, 688		in Rep,
quando ea uri inconfulum,	689	655
Tortura fpiritualis. Definitio, 690. quando		Unionis principium. Definitio, 491. ufus
eidem non fit locus,	691	ejus,
Tragediæ. Definitio, 529. earum ufus, 530		491
utilitas in Rep. 531. cura Reftoris civitatis		Unionis principium in populo, 492. ecclefia,
circa eandem,	531	492
Tranquillitas Reip. Definitio,	11	Univerfitas in civitate quomodo fpectanda, 576
Tributum. Definitio, 926. quomodo im-		Univerfitates quænam fcholæ appellentur, 434
pendendum, 934. effectus,	931	Voluntas monarchæ num haberi debeat pro
Tributa nova caute imponenda,	932	voluntate populi,
Tributarie res quænam fint,	937	158
Tusela num fit curæ fuperioris,	758. 759	Voluntas optimatum num pro voluntate po-
Tusela fubditorum adverfus aliorum injurias,	532	puli habenda,
		158
		Vormundſchafts Amt,
		760
		Vota abfentium in comitiis,
		185
		Votorum paritas in ariftocratia,
		244
		Votum decifivum in democratia, 198. cui-
		nam competere debeat, 199. num populo
		compe. at in ariftocratia,
		244
		Ufuraria pravitas num toleranda, 748. ejus
		poena,
		749
		Ufurarum quantitas num a fuperiore definiem
		da,
		749
		Ufufufluarius imperii civilis quinam fit, 41

FINIS INDICIS

&

JURIS NATVRÆ UNIVERSI

A.T. 231-8-800





XVII
p 10